

EX MUNIFICENTIA
FERDINANDI III. M. E. D.
DIE 3. IUNII 1791.

9. 7. 378.

XXX

40/11/1900
1738



IO. GOTTL. HEINECCI, IC.

POTENTISSIMO PRUSSORVM REGI A CON-
SILIIS SANCTIORIBVS, ET. PROFES-
SORIS P. ORD.

**ELEMENTA
IVRIS NATVRAE**

ET

GENTIVM,
COMMODA AVDITORIBVS METHODO
ADORNATA.



HALAE,
IMPENSIS ORPHANOTROPHEI,
CIC MDCC XXXVIII.



THE
JOURNAL OF THE
ROYAL ANTHROPOLOGICAL INSTITUTE

SERENISSIMO CELSISSIMOQVE
PRINCIPI AC DOMINO,

DOMINO

FRIDERICO,

REGNORVM DANIAE ET NORVAGIAE,
RELIQVARVMQVE PROVINCIA RV M

HEREDI,

PRINCIPI IVVENTVTIS, DOMINOQVE
LONGE CLEMENTISSIMO

FELICITATEM PERPETVAM

PRECATVR

IO. GOTTL. HEINECCIVS.

*SERENISSIME CELSISSIMEQUE PRINCEPS,
DOMINE LONGE CLEMENTISSIME.*

***S**I in summo illo natalium
splendore, eminentissima-
que, quam DEO optimo ma-*

*ximo debes, fortuna, eo esses
animo, ut TE TIBI soli na-
tum esse existimares: erube-
scerem omnino, libellum TIBI
oblaturus, meque ipse teme-
ritatis accusarem, qui pur-
puram TVAM, non splendidi-
ore aliquo, sed litterario;
munere venerari sustineam.
Ast quum et accuratissimae
institutioni, et incomparabili
POTENTISSIMI PATRIS
exem-*

*exemplo, et ipsius ingenii TVI
bonitati, id feras acceptum,
ut iam in tenerrima hac ae-
tate, in quantam spem ado-
lescas, et quid a CELSIV-
DINE TVA non modo tot
regna, sed et uniuersus Chri-
stianus orbis, expectet, idem-
tidem cogites: non vereor, ne
TIBI taedio futurus sit liber,
qui, quid recta ratio, id est,
eius auctor, DEVS, cum ab aliis*

hominibus, tum maxime a bo-
no principe, exigat, perspicue
ostendit. Sunt hae illae le-
ges, quibus religiose seruatis,
maiores TVI, rebus maximis
pace belloque feliciter gestis,
immortalem sibi gloriam pe-
pererunt: illae regulae, ad
quarum normam POTEN-
TISSIMVS PATER TVVS
se totum componit: illud de-
nique ius, cui et Reges omnes,
et

et potentissimi populi, quoties de bello, pace, foederibus, disceptant, vnice reguntur. Quaenam vero digniora sint HEREDE TOT REGNORVM rudimenta; quam hoc iure imbui, eaque inde discere, quae, si quando augustum maiorum solium conscenderit, in usu sit habiturus? Patere itaque, CELSISSIME PRINCEPS,

*ut splendidissimum nomen
TVVM in fronte libelli, qui
de sempiterna illa ac immu-
tabili iustitia agit, fulgeat,
simulque exstet hoc deuotissi-
mi gratissimique animi, quo
POTENTISSIMO PATRI
TVO me aeternum deuinctum
fateor, monumentum. Cete-
rum a summo, quod omnia
moderatur, Numine castis
quotidie precibus contendam,
ut*

ut REGI, patriisque et au-
tis regnis et prouinciis, TE
seruet incolumem, TEque ita
adolescere iubeat, ut vere sis
GENERIS HVMANI
DELICIVM, et quemad-
modum TV adhuc pietatis,
virtutis, iustitiaeque regulas
ex POTENTISSIMI PA-
TRIS vniuersa vita petis;
ita posteris easdem aliquando
ex TVIS actionibus, tam-
quam

*quam perfectissimo quodam
exemplo, petant! Halae Mag-
deburgicae, Idib. Octobr.
MDCCXXVII.*

CANDIDO LECTORI

S. P. D.

IO. GOTTL. HEINECCIUS.

QVi adhuc in iurisprudentia civili, cum Romana, tum patria, illustranda non perfunctoriam operam collocasse mihi videor: iam persuaderi mihi passus sum, CANDIDE LECTOR, ut etiam IVS NATURAE ET GENTIVM breui libello complecterer, et enchiridion illud in vsum eorum, qui institutione mea vtuntur, typis exscriptum, publicarem. Et rem sui fortassis periculi fecerunt amici, qui me consilio atque auctoritate sua ad concinnandum hunc libellum impulerunt. Quod enim ad me attinet, ita iam pridem occallui, ut non magnopere reformidem aliorum de me iudicia, sed, sincerac bene de communibus studiis merendi voluntatis mihi satis conscius, hac ipsa conscientia me facile consolet. Siue enim opuscula mea in virorum bonorum, et rerum huiusmodi intelligentium, manus incidant: non est profecto, quod verear, ne hoc consilium meum damnent: siue obtrectatores ea oculis lustrare non dubitent: eorum iudicia ego non maioris facio, quam hominum, a lacu et furno redeuntium, quibus non possunt non omnia, quae suis ipsi impu-

impuris manibus contrectant, fordere. Quare, missis his, ad id venio, quod magis ad rem pertinere arbitror, id est, ad consilium meum, institutique rationem, quibus perspectis, quid ego praestiterim, quemque fructum tu ex hoc libello capere possis, satis intelliges. Nulla est philosophiae practicae disciplina, quae vel rerum argumentorumque pondere, vel utilitatis vbertate, cum hac iurisprudencia naturali vlla ex parte sit comparanda, quippe cuius tanta est dignitas, tantusque in vita humana usus, ut iis, qui, illa neglecta, solis rerum abstractarum ac naturalium speculationibus ingenii aciem intendunt, iure merito occlames illa Helenae apud Euripidem *in Hel.* v. 928.

Διχρὸν, τὰ μὲν σε θεῖα πάντ' ἰξιδίνας,
τὰ τ' ὄντα, καὶ μὴ τὰ δὲ δίκαια μὴ εἰδίνας.

*Nam turpe id esset, quum scias hominum ac
Deum*

Quod est, critque, iusta te haud cognoscere.

Sane ii, qui ad iurisprudentiae civilis intelligentiam cogitationes suas ac studia conferunt, ii magnopere falluntur, si se operae pretium, sine hac praestantissima scientia, sperant facturos. Nam si is demum ad veram ac solidam doctrinam rerumque scientiam peruenisse dicendus est, qui, quas perspectas habet, veritates, ex fonte, non ex impurioribus lacunis, hausit: iurisprudentiae profecto nostrae non
alius

alius fons, aliaque scaturigo est, quam ius illud
 primaevum, quod non didicimus, accepimus,
 legimus, verum e natura ipsa arripui-
 mus, hausimus, expressimus, ad quod non
 docti, sed facti, non instituti, sed imbuti su-
 mus, ut si quis maximam iurisprudentiae Ro-
 manae partem ius naturale, factis hominum ad-
 applicatum, dixerit, is me non admodum habi-
 turus sit dissentientem. Vidit id incompara-
 bilis philosophus, Epictetus, qui apud Ar-
 rianum *Diff. Epict. III, 3.* eos, qui sapientiae
 student, ad sempiternam illam legem diuinam,
 tamquam ad limpidissimum fontem, non ad
 solos legum civilium riuulos, vocans: οὗτοι,
 inquit, εἰσὶν οἱ ἐκείθεν ἀπεσκαλμένοι νόμοι, ταῦτα δια-
 τάγματα· τῶν ἐξ ηὐτῆς δὲ γενέσθαι, τῶν τοις ὑποτε-
 ταγμένων, ὡς τοῖς Μασσαρίαις, καὶ Κασσίαις. *Hae sunt in-*
de, (a Deo,) ad nos missae leges, haec praecepta:
horum interpretem fieri oportet, his obedientem:
non Massurii, aut Cassii legibus. Et Tullius no-
 ster de legibus *II, 4.* ubi ex instituto de legum
 iustitiaeque origine disserit: *Hanc, inquit, vi-*
deo sapientissimorum fuisse sententiam, legem neque
hominum ingeniis excogitatam, nec scitum esse ali-
quod populorum, sed aeternum quiddam, quod uni-
versum mundum regeret imperandi prohibendique
sapientia. Ita principem legem illam et ultimam,
mentem esse dicebant, omnia ratione aut cogentis
aut vetantis Dei: ex qua illa lex, quam dii huma-
no generi dederunt, recte est laudata, est enim ratio
mens-

mensque sapientis, ad iubendum et ad deterrendum idonea. Addit, sibi a paruis ediscendum fuisse illud: *SIN IVS VOCAT*, id est, corpus illud XII. Tabularum: et haec, aliaque iussa ac vetita populorum, vim aliquam habere ad recte facta vocandi, et a prauis auocandi: quae vis non modo senior sit, quam aetas populorum et ciuitatum, sed et aequalis illius coelum atque terras tuentis et regentis Dei. Quod vbi praeclaris exemplis demonstrauit, inde porro colligit, esse aliquam rationem, profectam a rerum natura, et ad recte faciendum impellentem, et a delicto auocantem, quae non tunc denique incipiat lex esse, quum scripta sit, sed tunc, quum orta sit: ortam autem esse simul cum mente diuina. Eam demum esse iustorum iniuriorumque distinctionem: ad illam antiquissimam et principem naturam leges hominum dirigendas esse, quae supplicio improbos adficiant, defendant ac tueantur bonos. Haec illo loco Cicero, qui et alibi de officiis III, 17. hunc locum tractat, et, vbi discrimen iuris gentium et ciuilem ostendit, prioris principia paene ex hominum memoria euanuisse, ac proinde iurisprudentiam Romanorum fere totam oblanguisse, grauiter conqueritur. Ita enim intelligenda sunt verba viri prudentissimi sequentia: *Quod ciuile, non idem continuo gentium: quod autem gentium, idem ciuile esse debet. Sed nos veri iuris, germanaeque iustitiae, solidam expressamque effigiem nullam tenemus: umbra*
et

et imaginibus utimur. Eas ipsas utinam sequeremur, feruntur enim ex optimis naturae et veritatis exemplis. Quid vero aliud hic docet Cicero, quam quod nos non satis umquam doceri posse, item tidem monemus, praeclaram esse Romanorum iurisprudentiam, et ex optimis naturae ipsiusque interioris philosophiae praeceptis expressam, sed inanem eam tamen umbram, ac vita veluti destitutam imaginem futuram, nisi accedant veri iuris germanaeque iustitiae principia, quae, quia sola ab ipso Deo immortali diuinaque ratione proficiuntur, nullius hominis imperio suffragioque populi tolli atque abrogari possunt? Haec vero si coniungantur cum civili illa, quam iurisconsulti perpoliunt, sapientia: tunc demum illud nescio quid praeclarum et singulare solet existere. Accedit, quod, si vel maxime ita comparata esset iurisprudentia Romana, nullo ut alio praesidio indigeret, totaque ex decemviorum tabulis, aliisque legibus civilibus, tamquam ex vberissimo fonte, promanaret: ea tamen nihil auctoritatis habitura sit in definiendis integrarum gentium libris et controuersis, quippe quae inter se non alio iure, quam quod ipsa natura inter omnes homines peraeque constituit, reguntur, iure, inquam, illo vniuersali, *quod in foederibus, pactioibus, conditionibus populorum, exterorum regum, in vniuerso denique belli iure et pacis versatur, quodque Cn. Pompeium et, quum requiesceret, litteras, et, quum rem gereret,*

rem ipsam docuisse, gloriatur Cicero pro L. Cornelio Balbo Cap. VI. Quare in quantum integrae gentes et respublicae prae priuatis quibusdam hominibus eminent: tanto ius naturae et gentium est iure ciuili, quod inter priuatos tantum ciues viget, excellentius, vt de eo vere dici possit, quod, comparatis inter se Graecorum Romanorumque linguis, dixit Tullius pro Archia poeta Cap. X. ius illud naturale ac gentium apud omnes gentes vigere; ciuile suis finibus, exiguis sane, contineri. Qui iam vulgo glossatorum nomine veniunt, homines, diligentes illi quidem, nec iuris ciuilis imperiti, at saeculi vitio barbari, non aliunde decidi oportere, existimabant, illas regum gentiumque controuersias, quam ex diffusa illa iuris Iustini collectione, qua comprehensas leges si quis recte imbibisset, eum, tamquam ex tripode, de belli pacisque iuribus oracula illico fundere posse, iactabant. Et sane id tam facile faciebant, quam pirum vulpes comest. Quoties enim quaestio incidebat de iure Imperatoris augustissimi in vniuersum orbem, per quem olim Romani arma victricia circumtulerant: sedes huius doctrinae erat in LEGE VIII. DIG. DE LEGE RHOD. DE IACTV, in qua, tamquam gemma quaedam, fulgent verba illa Antonini Imperatoris: *Ἐγὼ μὲν τῷ κόσμῳ κύριος, ὁ δὲ νόμος τῆς θαλάσσης.* *Ego quidem mundi dominus: lex autem maris.* Si de iure belli disceptandum esset, faeciales suos ablegabant ad titulos Digesto-

gestorum de captiuis et postliminio, et redemptis ab hostibus, de re militari, de castrensi peculio, de veteranis de testamento militis, de bonorum possessione ex testamento militis, et in primis ad titulos insignes Codicis Iustiniani, qui militare possunt, vel non possunt, et de seruis, ad militiam vel dignitatem adspirantibus, et vt nemo duplici militia, vel dignitate et militia simul vtatur, negotiatores ne militent, de re militari, de castrensi peculio militum et praefectianorum, de erogatione militaris annonae, de excoctione et translatione militarium annonarum, de militari veste, de metatis et epidemeticis, de salgamo, similesque alios quam plurimos, in quibus omnibus tantos iurium belli et pacis thesauros reconditos esse, adseuerabant, vt copia ipsa inopes redditura sit omnes, qui illis occupandis animum velint adpellere. Quid si de foederibus, pactionibus ac sponsonibus liberarum gentium esset respondendum? Quid vero? Quasi non in pandectis aequae, ac codice fulgerent verbosissimi tituli de pactis, de transactionibus, de verborum obligationibus, de duobus reis, de contrahendis stipulationibus, et similes: quos quisquis, multis vigilis excussos, in succum et sanguinem conuerterit, eum nihil existimabant ignorare, nimisque stupidum esse querebantur illum, qui in ista rerum praestantissimarum farragine vel decissionem, vel argumentum legis, quod vocant, non illico

lico reperiret. Sic et de legatorum iuribus disceptantes, nihil desiderare posse contendebant, si in consilium adhiberent titulos de legationibus. De iure vero leges ferendi, magistratus constituendi, poenas infligendi, exigendi tributa et vectigalia, et similibus, omnia iam in titulis de legibus, senatus consultis, longa consuetudine, constitutionibus principum, de officio praefectorum praetorio, praefectorum vrbi, et sequentibus, de poenis, bonis damnatorum, interdictis et relegatis, denique de publicanis, vectigalibus, et commissis, et similibus exhausta, et ad liquidum perducta esse, credere auditores sua fide iuebant. Quin si vel maxime ibi aliquid non satis explicatum alicui videatur: eum tamen sitim non melius expleturum, putabant, quam si in subsidium adhibeat scripturam sacram, ius canonicum, pontificum decretales, et maxime diffusa illa philosophorum scholasticorum opera, in quibus omnibus et ille iuris gentium vindex, Hugo Grotius, *prolegom.* §. XXXXVIII. et sequ. inuenisse sibi visus est quam plurima, quae ad ius illud naturae et gentium illustrandum non parum adferant utilitatis. At, si dicendum quod res est, boni illi viri vix secum expendisse videntur, quam parum ponderis apud gentes, iuris Romani ignaras, et a Christiana pietate alienas, habitura sint argumenta ex iure Iustiniano, sacris pandectis, iure pontificio, Thomae, Alberti Magni, S. Bonaventurae,

turae, et aliorum operibus deprompta. Apud Plautum *Mostell. III, 1. v. 29.* consultus a domino, Theuropide, Tranio seruus, quid nunc faciundum censeat, quando ea omnia facta nescit vicinus, quae ipse retulisset? lepide ac percallide respondet:

Egon' quid censeam?

Cape, obsecro hercle te, cum eo vna iudicem.

Sed eum, videto, ut capias, qui credat mihi:

Tam facile vinces: quam vulpes pirum comest.

Idem, vereor, ne postulent ii, qui se iura belli, pacis, foederum, omnesque, quae inter gentes intercedere possunt, controuersias, vel ex legibus Romanis, vel ex iure pontificio, vel ex sacris veteris nouique foederis libris, vel denique ex vastis philosophorum scholasticorum commentariis, se definire velle pollicentur. Iudices enim postulant eos, qui his libris sibi que eorum auctoritate fretis, credant, pollicenturque victoriam tam facilem, quam si vulpes pirum comedat. Quid vero si gens quaedam cum Turcis, vel Sinensibus, vel Iaponibus de violatis foederum legibus expostulet? His scilicet facile persuadebitur, iusta esse omnia, quae non dicam iureconsulti aut pontifices Romani, vel Thomas Aquinas, sed ipsi prophetae ac Apostoli scripserunt. At ego id eos, credo, non facilius consequuturos, ac Turcas, si Mahumedem; aut Sinenses, si Confucium suum nobiscum iudicem capere vellent. Ex eo vero profecto consequitur, ut aut omnes gentium

rerumque publicarum controuersiae inter
τα ἀποκα referendae sint, aut in promptu esse
oporteat praecepta vel leges, quas ipsa recta
ratio vel Deus potius, rationis auctor, inter
omnes gentes, quantumuis linguis ac regionibus
disstas, constituerit, quibusque se populi
omnes, qui non plane obbrutuerint, obligari
fateantur. Quum vero haec ipsa non alia sint,
quam quae iuris naturae ac gentium vocabulo
designamus: quid quaeso, vtilius, quidque magis
in omni vita frugiferum esse potest, quam
praeclara ista vereque diuina praecepta ita per-
cepta habere, vt iis non ad ostentationem, sed
ad diiudicanda integrarum gentium ciuitatum-
que negotia, vtaris? Quis praeclare de studiosa
iuuentute mereri neget eos, qui se illi duces ad
tam incomparabilem scientiam profitentur?
Denique quis non eos ipsam rectam rationem in
exsilium agere velle dicat, qui operam omnem,
in iure naturae ac gentium collocatam, non mo-
do infructuosam, sed et noxiam, et cum maxi-
mo iuuenum detrimento coniunctam esse, cla-
mant? Sed haec quidem fortassis ad pudorem
purgandum mihi sufficerent, si vel solus, vel
inter primos, in hac perpolienda disciplina
operam aliquam atque indutriam collocassem.
Iam vero quum iam pridem non modo aeterna
illa Grotii et Pufendorffii opera in omnium ma-
nibus versentur, sed et hodie nemo fere sit um-
braticus doctor, quin aliquod meditationum
suarum, ad hanc vniuersalem iurisprudentiam
perti-

pertinentium, specimen, tamquam euulsum
splendidissimo palatio lapidem, circumferat:
actum egisse videbor plerisque, et otium, quod
melius transigi poterat, in adornando hoc li-
bello male contriuisse. Enimuero hos memi-
nisse velim, suum cuique esse iudicium, et,
quod vni superuacuum videtur, id aliis non
modo vtile, sed et necessarium, videri. Et
sane qui in academiis erudiendae iuuentuti ope-
ram nauant, ii reipsa quotidie experiuntur,
quanto cum taedio coniuncta sit seruitus, cui
obnoxii sunt omnes, qui aliorum libellos enar-
rare coguntur, ac proinde nihil illis accidit
molestius, quam si alios duces sequi, et confi-
dere iubeantur alieno ingenio. Saepe enim ta-
lia sunt auctoris cuiusdam, quem interpretan-
dum suscipiat, principia, qualia ipsi probare
non possunt. Saepe ille pleraque sine ordine
etiam confuse pertractat, vt nihil sit in libello,
quod veluti certam sedem ac fixum domicilium
habeat, nihil, quod non aequae facile alienissi-
mo, ac suo loco, pertractatum reperiatur.
Aliquando contingit, vt auctor, quem quis
ducem elegit, in rebus vel nugatoriis, vel
ἀπροσδιόνυστοις, admodum si verbosus, magno-
que conatu maximas agat nugas; in aliis, per-
quam scitu necessariis, tam brevis, vt eas saltu
magis transfilire, quam attingere videatur.
Atque inde duo consequi necesse est, primum
vt docentes multa, quae auctor scripsit, refel-
lere, rebus nihili cum taedio immorari, plura

ab eo omiffa magno cum temporis difpendio
fupplere teneantur: alterum, vt difcentes veluti
per labyrinthum eo perducti, quo via recta mul-
to facilius peruenire potuiffent, res, tam variis
interruptas difputationibus, fuo pte ingenio con-
nectere nequeant, atque ita praecipuo fructu,
quem ex illis acroafibus capere debuiffent, pri-
uentur. Id vero vel folum fatis idoneam ra-
tionem fufficit doctori, vt in docendo fuis, quam
aliorum, libellis vti malit, adeoque et mihi
prodeffe debet, elementa haec iuris et gentium
fcribere aufo, ne temere eum laborem fufce-
piffe, aut poft tot Homeras Iliada exorfus effe
videar. Sed habere mihi vifus fum et alias cau-
fas, quae me ad fcribendum non modo inuita-
rent, fed et quodammodo impellerent. Qui-
cumque adhuc in pulcherrima illa difciplina
verfati funt, illi doctrias fuas vel nulli certo ac
indubio principio fuperftruxerunt, veritates va-
rias, easque vtiliffimas, veluti vno fafce, colle-
giffe contenti, vel principia parum idonea ad-
miferunt, vel ea denique tam longe ex subti-
liffimis, quas metaphyfica fuppeditat, notio-
nibus petierunt, vt data veluti opera tenebris
omnia inuoluere voluiffe videantur. At ego,
expenfis omnibus, quae huc facere videntur,
hanc feci fummam cogitationum mearum,
nullius difciplinae philofophicae euidentiora
oportere effe principia, quam iuris naturae et
gentium, quippe quod Deus immortalis
non folis eruditis, iisque, qui acutius reli-
quis

quis vident, sed omnibus omnino hominibus, non modo perspectum, verum etiam eorum mentibus inscriptum esse voluit. Nul- lum vero reperiri principium euidentius, ex- istimo, quam quod vir illustrissimus, SAMUEL L. B. DE COCCEII, aulae Regiae Prussicae Papinia- nus, tum adhuc admodum iuuenis, pererudi- tis dissertationibus demonstrauit, puta VO- LVNTATEM DEI. Quamuis enim plerique ho- die veterem illam scholasticorum doctrinam de naturali actionum bonitate et iustitia, a Pu- fendorffio tanto molimine profligatam, in lu- cem reuocare malint: ego tamen perspexisse mihi videor, esse quidem actiones in se et sua natura bonas: at iustas illas dici non posse sine iure, nec ius intelligi sine lege, nec legem sine legislatoris voluntate concipi posse: adeoque bonitatem actionum naturalem posse illam qui- dem hominem, qui rectae rationi, quam cu- piditatibus suis obtemperare malit, obligatio- ne quadam interna ad bene agendum impelle- re, verum non tamquam legem, sed tamquam consilium aliquod, quod qui non sequitur, im- prudenter quidem, at non iniuste, egisse videri potest. Sed non minus porro perspicue intel- ligere mihi visus sum, Deum voluisse, vt vero bono frueremur. Quod quum aliter conse- qui, quam per AMOREM, nemo possit: ex eo solo, tamquam limpidissimo fonte, totum ius naturae et gentium prono alueo fluere, censeo, atque ita incido in harmoniam illam incompa-
b 5 rabilem

rabilem reuelationis et rationis, quippe ab eodem benignissimo Numine profectarum. Nam et illa, amorem totius legis diuinæ, quæ decalogo comprehenditur, summam, ἀνακρί-
 Φαλαίωσιν, πλήρωμα, τέλος esse, diserte docet. *Matth. XXII, 37. Luc. X, 27. Rom. XIII, 9. I. Tim. I, 5.*
 Non equidem ignoro, quid obuerti soleat huic sententiae, puta, amorem esse virtutem, ad quam nemo cogi vel externa obligatione, obstringi possit: ac proinde ex eo fonte officia quidem humanitatis, quæ et imperfecta vocant, non autem perfecta, promanare. Sed praeterquam, quod decalogi leges, quæ procul dubio perfecta non minus, quam imperfecta, officia inculcant, ad AMOREM, tamquam ad principium suum, ab ipso Seruatore reuocantur: luculenter videmur ostendisse, verum amorem non modo cum propensione alteri benefaciendi, sed et cum proposito, eum, quem amamus, non laedendi, eique omnia, quæ iure etiam perfecto debemus, tribuendi, coniunctum esse, et priorem AMOREM BENEFICENTIAE, posteriorem IUSTITIAE, commode posse adpellari, vtrumque vero esse intelligendum, quoties ex amore vniuersum ius naturæ et gentium deriuatur. Ceterum ex AMORE fluere officia omnia erga Deum, nos ipsos, aliosque homines, eaque tum absoluta, tum hypothetica, re ipsa nos ostendisse, arbitramur. Nec aliam iuris gentium originem esse, patet. Siue enim in statu naturali, siue in societate, viuant homines, ad tuendam vitam, sanitatem, substantiam,

stantiam, rem denique publicam, amore impelluntur, nec gens a gente quidquam exigere ex vlla ratione potest, nisi ex regulis amoris notissimis: Quod tibi vis fieri, id et aliis facito: itemque, quod tibi non vis fieri, alteri ne feceris. Immo ad ipsas ineundas societates nihil aliud impulit homines, quam amor tum sui, tum aliorum, quorum communi saluti talibus pactis consulerre voluerunt. Habes, CANDIDE LECTOR, meditationum mearum summam, quibus me, ob illam rationis et fidei concordiam, magnopere delectari, non diffiteor, sed ita, vt eas obtrudam nemini, neque ideo aliorum doctrinis quidquam detractum velim. Ipse etiam hic libellus, vt spero, ostendet, me nusquam id egisse, vt aliis insultarem, sed vt mea proponerem, eaque vel firmarem argumentis, vel contra ea, quae obuerti illis posse viderentur, modeste vindicarem. Nullum scriptorem, cuius memini, paullo acerbius reprehendi, quamuis aliquando non defuisset occasio: quin eorum nomina plerumque dissimulare, quam aliquid, quod non dicam immodestius, sed duriuscule scriptum videri posset, scribere malui. Methodo vsus sum, Musis meis familiari, non mathematica quidem illa, vel geometrica, sed naturali et perspicua, quam auditoribus commodissimam esse, re ipsa per tot annos expertus sum. Operam dedi, vt omnia praecepta ex claris definitionibus, deductisque inde axiomatibus deriuarem, eaque stilo, non ornato illo quidem,

quidem, aut multis eloquentiae luminibus distincto, quem huiusmodi libelli non desiderant, sed puro tamen, quantum fieri potuit, et perspicuo proponerem. Plerisque paragraphis scholia subiunxi, in quibus modo doctrinas, in iis propositas, aliis argumentis firmaui, modo obiectiones quasdam solui, modo consensum veterum ac recentiorum, ipsarumque sacrarum litterarum, ostendi, non quod turpi μεταβάσει eis ἄλλο γένος, iuris naturae et gentium praecepta ex aliis, quam suis ac domesticis principiis, deriuare voluerim, sed quod ea et oblectare lectorem, et conuincere possint, talia esse huius disciplinae praecepta, vt ea et veteres solo rationis ductu perspexerint, et ipsi sacri scriptores, diuino adflatu, humano generi inculcarint. Indicis conficiendi laborem filius in se suscepit, quem non male hoc officio functum esse, speramus. Sed quum spe longius procedere orationem, animaduertam, hanc eam abrumpo, meque beneuolentiae bonorum omnium, et tuae maxime, CANDIDE LECTOR, vehementer etiam atque etiam commendo. Vale. Halae Magdeb. ipsis Idibus Octobr. MDCCXXXVII.

ELENCHVS CAPITVM

LIB. I.

IVS NATVRAE.

CAP. I. De naturae et constitutione iuris naturae et gentium. p. 1

CAP. II. De actionum humanarum natura atque indole. p. 19

CAP. III. De norma actionum humanarum, veroque iuris naturalis principio. p. 44

CAP. IIII. De adplicatione huius normae ad actiones, et emergente inde harum differentia. p. 71

CAP. V. De officiis hominis erga Deum p. 91

CAP. VI. De officiis hominis erga seipsum. p. 106

CAP. VII. De officiis erga alios absolutis, et perfectis, speciatim de nemine laedendo. p. 135

CAP.

CAP. VIII. De officiis erga alios imperfectis. p. 168

CAP. VIII. De officiis erga alios hypotheticis, et primo quidem, circa dominii acquisitionem originariam. p. 181

CAP. X. De deriuatiuis dominii acquisitionibus, quae viuo priore domino fiunt. p. 213

CAP. XI. De deriuatiuis acquisitionibus per successionem, ex dispositione defuncti et ab intestato. p. 230

CAP. XII. De iuribus et officiis, quae ex dominio oriuntur. p. 248.

CAP. XIII. De rerum, in dominio constitutarum, commercio. p. 264

CAP. XIII. De pactis. p. 318

CAP. V. Quibus modis obligationes ex contractibus soluantur. p. 335

ELENCHVS CAPITVM.

LIBER II.

IVS GENTIVM.

- CAP. I. De statu hominis naturali et sociali.
p. 346
- CAP. II. De officiis, in societate coniugali ob-
feruandis. p. 367
- CAP. III. De officiis, in societate parentum et
liberorum obseruandis. p. 394
- CAP. IIII. De officiis, in societate herili ob-
feruandis. p. 418
- CAP. V. De societate composita, quam fami-
liam vocamus, officiisque in illa obser-
uandis. p. 430
- CAP. VI. De societatis ciuilis origine, forma
et adfectionibus. p. 439
- CAP. VII. De summa potestate, eamque ad-
quirendi modis. p. 470
- CAP.

ELENCHVS CAPITVM.

CAP. VIII. De iuribus maiestatis immanenti-
bus, quidque circa ea iustum sit. p. 490

CAP. VIII. De iuribus maiestatis transeunti-
bus. p. 531

CAP. X. De officiis ciuium. p. 566



ELEMEN-



ELEMENTA IVRIS NATVRAE ET GENTIVM.

LIB. I. IVS NATVRAE.

CAP. I. DE NATVRA ET CONSTITVTIONE IVRIS NATVRAE ET GENTIVM.

§. I.

Quemadmodum omne id homini bonum esse dicimus; quod eum conseruat ac perficit; MALVM, quod eundem destruit deterio-remque reddit: (*Elem. phil. mor. §. CXLII.*) ita et ACTIO BONA erit, quaecumque ad conseruationem perfectionemque hominis prodest; MALA, quae destruit eundem, ac imperfectiorem reddit.

Quid
actio bo-
na et
mala?

§. II.

CONSERVARE HOMINEM dicitur, quidquid ad eius durationem et continuationem status prae-

Quid
conser-
uatio,

perfe-
ctio, de-
structio
et im-
perfe-
ctio?

praesentis aliquid confert: PERFICERE, quod ea omnia, quae ad essentiam integritatemque eius pertinent, quaeque omnino gradus admittunt, auget atque amplificat. *) Ex quo, quid NOS DESTRVERE AC IMPERFECTIORES, VEL DE-TERIORES reddere dicatur, facile intelligitur.

*) Eadem est perfectionis idea, quae Simplicio obuersata est, dum ad *Epiſt. Enchir. Cap. XXXIII. p. 176.* scribit: μή τὰ πρῶτα μονα, καὶ τὰ μέιστα ἔχειν, ἀλλὰ καὶ τὰ ἔχατα, ἰδίον ἐστὶ τῆς τελειότητος. Non prima tantum et media habere, sed extrema quoque, proprium est PERFECTI-ONIS. Nec aliter Aristotel. *Metaph. III, 16.* ubi licet varias vocabuli notiones euoluat, ad eandem tamen ideam omnes reducit.

§. III.

Homi-
nes ae-
que ma-
le, ac
bene
agere
possunt.

Quum ergo ea sit voluntatis humanae indoles, ut semper adpetat bonum, malumque auerſetur: (*Elem. phil. moral. §. XXIX.*) fieri quidem 1) non potest, quin semper actiones, quae ad conſervationem et perfectionem nostram pertinent, edere velimus, ab iisque, quae nos destruunt, vel imperfectiores reddunt, abhorreamus: at 2) quia bonum et malum aequae adparens, ac verum, esse potest, et bonum adparens verum malum; malum adparens verum bonum est: (*Elem. phil. mor. §. CXXXXIII.*) saepissime sane contingit, ut, quemadmodum Ixion nubem pro Iunone, ita nos bonum adparens pro vero adplectamur, malumque adparens pro vero auerſemur, ac proinde 3) aequae facile male, ac bene, agamus. *)

*) Id

- *) Id denuo recte vidit Simplicius *ad Epiſtet. Enchir. Cap. XXXIII. p. 184.* vbi maximopere laudat voluntatis libertatem, eamque vocat τὴν αὐτεξουσίαν αὐτοβελῶς καὶ ἀνευ βίας ποτε μὲν τὸ ἀληθῶς ἀγαθὸν αἰετὸν αἰετὸν, ποτε δὲ τὸ Φαινόμενον, *liberam animi naturam, quae suapte voluntate et absque coactione alias verum bonum amplectitur, alias IMAGINARIUM.*

§. III.

Facultas ex duobus possibilibus alterutrum eligendi, adeoque bene vel male agendi potentia, vocatur LIBERTAS: ac proinde negari non potest, 4) dari actiones hominis bonas malasque liberas. Quumque omnia, quae aeque facile a tramite deflectere, ac viam rectam tenere possunt, norma, ad quam dirigantur, indigeant: consequens est, 5) ut et actiones humanae liberae ad normam quamdam componendae sint. *)

- *) Eodem modo ratiocinatur Epiſtetus apud Arrian. *Lib. II. Cap. XI.* Πάντα καλῶς ἔχειν τὰ δοκῆντα ἅπασιν; καὶ πῶς δυνατόν τὰ μαχόμενα καλῶς ἔχειν; οὐκ ἄρα ἀρκεῖ τὸ δοκεῖν ἐκάστῳ πρὸς τὸ εἶναι ὅδὲ γὰρ ἐπὶ βαρῶν, ἢ μίτρων, ψιλῇ τῇ ἐμφάσει ἀρκέμεθα, ἀλλὰ κανόνα τινὰ ἐφ' ἐκάστῳ εὐρομεν. Ἐνταῦθ' ἂν ὁδεῖς κανὼν ἀνωτέρω τῷ δοκεῖν; καὶ πῶς οἷόν τε ἀτέκμαρτα εἶναι καὶ ἀνεύρετα τὰ ἀναγκασιότατα ἐν ἀνθρώποις; Omniane recta esse existimas pro eo, ac cuique visa fuerint? At qui fieri potest, ut pugnantia inter se sint recta? Itaque ut aliquid recte se habeat, satis non est, ita alicui visum esse, quum ne in grauibz quidem librandis mensurandisque rebus nudis visis sumus contenti, sed in omnibus REGVLAM quamdam adhibeamus. An ergo in his, de quibus

perfe-
ctio, de-
structio
et im-
perfe-
ctio?

praesentis aliquid confert: PERFICERE, quod ea omnia, quae ad essentiam integritatemque eius pertinent, quaeque omnino gradus admittunt, auget atque amplificat. *) Ex quo, quid NOS DESTRVERE AC IMPERFECTIORES, VEL DE-TERIORES reddere dicatur, facile intelligitur.

*) Eadem est perfectionis idea, quae Simplicio obuer-
sata est, dum *ad Epict. Enchir. Cap. XXXIII.*
p. 176. scribit: μή τὰ πρῶτα μόνα, καὶ τὰ
μείσα ἔχεν, ἀλλὰ καὶ τὰ ἔχιστα, ἰδίον ἐστὶ
τῆς τελειότητος. Non prima tantum et media ha-
bere, sed extrema quoque, proprium est PERFECTIO-
NIS. Nec aliter Aristotel. *Metaph. III, 16.* ubi
licet varias vocabuli notiones euoluat, ad eandem
tamen ideam omnes reducit.

§. III.

Homi-
nes ae-
que ma-
le, ac
bene
agere
possunt.

Quum ergo ea sit voluntatis humanae indol-
es, ut semper adpetat bonum, malumque
auersetur: (*Elem. phil. moral. §. XXIX.*) fieri
quidem 1) non potest, quin semper actiones,
quae ad conseruationem et perfectionem no-
stram pertinent, edere velimus, ab iisque,
quae nos destruunt, vel imperfectiores red-
dunt, abhorreamus: at 2) quia bonum et ma-
lum aequè adparens, ac verum, esse potest,
et bonum adparens verum malum; malum ad-
parens verum bonum est: (*Elem. phil. mor. §.*
CXXXIII.) saepissime sane contingit, ut, quem-
admodum Ixion nubem pro Iunone, ita nos
bonum adparens pro vero adplectamur, ma-
lumque adparens pro vero auersetur, ac pro-
inde 3) aequè facile male, ac bene, agamus. *)

*) Id

- *) Id denuo recte vidit Simplicius *ad Epictet. Enchir. Cap. XXXIII. p. 184.* ubi maximopere laudat voluntatis libertatem, eamque vocat τὴν αὐτεξουσίαν αὐτοθελῶς καὶ ἄνευ βίας ποτε μὲν τὸ ἀληθῶς ἀγαθὸν αἰετμείην, ποτὲ δὲ τὸ Φαινόμενον, liberam animi naturam, quae suapte voluntate et absque coactione alias verum bonum amplectitur, alias IMAGINARIUM.

§. III.

Facultas ex duobus possibilibus alterutrum eligendi, adeoque bene vel male agendi potentia, vocatur LIBERTAS: ac proinde negari non potest, 4) dari actiones hominis bonas malasque liberas. Quumque omnia, quae actione facile a tramite deflectere, ac viam rectam tenere possunt, norma, ad quam dirigantur, indigeant: consequens est, 5) ut et actiones humanae liberae ad normam quamdam componendae sint. *)

- *) Eodem modo ratiocinatur Epictetus apud Arrian. *Lib. II. Cap. XI.* Πάντα καλῶς ἔχεν τὰ δοκῶντα ἅπασιν; καὶ πῶς δυνατόν τὰ μαχόμενα καλῶς ἔχεν; οὐκ ἄρα ἀρκεῖ τὸ δοκεῖν ἐκάστῳ πρὸς τὸ εἶναι ὃ δὲ γὰρ ἐπὶ βαρῶν, ἢ μέτρων, ψιλῇ τῇ ἐμφάσει ἀρκέμεθα, ἀλλὰ κανόνα τινὰ ἐφ' ἐκάστῳ εὐρομεν. Ἐνταῦθα ἔν ὅδεῖς κανὼν ἀνωτέρω τῷ δοκεῖν; καὶ πῶς οἷόν τε αἰτέμαρτα εἶναι καὶ ἀνεύρετα τὰ ἀναγκασιότατα ἐν ἀνθρώποις; Omniane recta esse existimas pro eo, ac cuique visa fuerint? At qui fieri potest, ut pugnantia inter se sint recta? Itaque ut aliquid recte se habeat, satis non est, ita alicui visum esse, quum ne in grauibz quidem librandis mensurandisque rebus nudis visis sumus contenti, sed in omnibus REGVLAM quamdam adhibeamus. An ergo in his, de quibus

loquimur, REGULA nulla erit eminentior, quam quod nobis ita aliquid videatur? Sed qui fieri potest, ut CERTA NORMA nulla sit vel peruestigari non possit, qua in vita humana nihil est magis necessarium?

§. V.

Et hanc quidem rectam, certam, et constantem esse oportet.

Per NORMAM hic intelligimus evidens boni maliue criterium. Neque ergo 6) illa recte suo fungeretur officio, nisi RECTA, CERTA et CONSTANS esset. Pone, *rectam* illam non esse: nec normatum recte se habebit. Pone, eandem non esse *certam*: non boni maliue erit criterium. Si denique Lesbiam esse, sibiue *non constare* hanc normamingas: actio ad illam composita modo bona, modo mala est futura, ac proinde omnibus his casibus nec normae nomine digna illa esse videbitur. *)

*) Adeo verum est, quod cecinit Lucret. *de rer. nat. Lib. IIII. v. 515.*

*Si praua est regula prima,
Normaque si fallax rectis regionibus exit,
Et libella aliqua si ex parti claudicat bilum:
Omnia mendose fieri atque obstipa, necessum est,
Prauam, cubantiam, prona, supina atque absorta
tectam,
Iam rueret ut quaedam videantur velle, ruant-
que,
Proditam iudiciis fallacibus omnia primis.*

§. VI.

Nec non cum obligatione coniunctam.

Praeterea 7) parum utilitatis homini attulerit haec norma actionum, nisi ita sit comparata, ut motiuo aliquo, quod vocant, impellatur voluntas ad illam adhibendam. Quia enim numquam agit homo, ut non aliquid, quo impellatur ad agendum, simul animo obuerfetur: sane nec normam adhibebit, vel saltim

faltim parum sua interesse existimabit, adhibeatne eam, nec ne, nisi motiuo aliquo ad id impellatur. Quum vero motiuorum nexum cum actione libera OBLIGATIONEM VOCEMUS: consequens est, 8) vt normam actionum humanarum, si officio suo fungi debeat, oporteat esse obligatoriam.

§. VII.

Quandoquidem ergo obligatio est nexus motiuorum cum actione libera: (§. VI.) illa motiua vel in ipsa actionum bonitate prauitateque; vel in entis cuiusdam, cuius imperium agnoscimus, actiones aliquas sub comminatione poenae prohibentis praecipientisue, voluntate consistunt. Priore ergo casu OBLIGATIO INTERNA; posteriore EXTERNA vocari solet. Vid. THOMAS. *fund. iur. nat. et gent. Lib. I. Cap. IIII. §. LXI. sequ.* Illa ad actiones BONAS; haec ad IVSTAS homines impellit. Vtriusque vero correlatum quod vocant est IUS. Si enim alter est obligatus: alteri ius est, vel facultas aliquid ab altero exigendi.

Quid et
quoru-
plex sit
obligatio?

§. VIII.

Iam facile intelliges, 9) non sufficere homini normam, cum interna tantum obligatione coniunctam. Quum enim haec obligatio bonitatem cum actione connectat, (§. VII.) adeoque hominem ad agendum ideo moueat, quod actio bona sit futura, at ita natura comparatum sit, vt bonum adparens saepe pro vero amplectamur: * (§. III, 2.) fieri profecto non posset, quin norma, cum interna obligatione

Non sufficere
obligationem
internam.

coniuncta, incerta futura sit, adeoque indigna, quae normae nomine veniat. (§. V.)

- *) Non equidem negamus, speciem obligationis nobilissimam esse internam, quippe quam sapientes et probi viri sequuntur, secundum sententiam notissimam: *Oderunt peccare boni virtutis amore.* Quin veteres omnes vel eo maxime nomine laudarunt nascentis mundi homines, quod suoapte ingenio, suaeque sponte et sine lege quae iusta rectaeque essent, fecerint. Seneca *Epist. LXXXX. Primi mortalium, et ex iis geniti, naturam incorrupte sequebantur. eamque habebant et ducem, et legem.* Add. Ovid. *Metamorph. Lib. I. v. 90.* Tacit. *Annal. III, 26.* Sallust. *Catil. Cap. VIII.* At sufficere illam negamus, quia quaerimus ius naturale, improbis et bonis, stultis et sapientibus commune, ut si quos ratio continere in officio non possit, obligatio saltem externa, vel, quod eodem recidit, periculi metus efficiat,

Ne vaga profiliat fraenis natura remotis.

Horat. *Lib. II. Sermon. sat. VII. v. 74.*

§. VIII.

Si vero norma, cum interna obligatione
 Opus ergo est externa, vel perfecta vel imperfecta. Si vero norma, cum interna obligatione coniuncta, incerta esset futura: opus omnino est 10) tali; quae obligationem externam producat, atque in entis cuiusdam, cuius imperium agnoscimus voluntate consistat. Quum vero ens illud nos vel sine coactione ad virtutem vel honestatem obliget, vel actiones quasdam, sub comminatione poenae vel proposito praemio, prohibeat praecipiatue, prior obligatio IMPERFECTA: posterior PERFECTA adpellatur. Denique 11) voluntas entis superioris, actiones quasdam sub comminatione poenae prohibentis praecipientisue, dicitur LEX: ac proinde 12) norma actionum humanarum libera-
 rum

rum, ad quas perfecte obligamur, consistit in legibus, earumque complexio κατ' ἐξοχήν ivs adpellatur. *)

*) ivs enim, quatenus pro norma actionum humanarum accipitur, est *complexio omnium legum unius eiusdemque generis* (*Elem. Inst. §. XXXIII.*) Itaque *ius* sine relatione ad legem vel obligationem externam concipi non posse, ipsa vocabuli origo satis ostendit. Est enim illud non a δῖον, vti sibi persuasit Menag. *Amoen. Iur. Cap. XXXVIII. p. 295.* nec a Ioue, vti post Scip. Gentil. *Orig. p. 270.* existimavit Grotius *prolegom. iur. belli et pac. §. XII.* sed a iubendo. Iura enim veteres ivsa vel ivssa vocabant. Festus: *Iusa, iura.* Add. Hieron. Magii *Var. Lect. IIII, 1.* Similiter et Germanicum RECHT inuoluere notionem legis, iuris rectorii, principii, dirigentis actiones humanas, pluribus ostendit Io. Georg. Wachter. *Glossar. p. 1251.*

§. X.

Iam quum SUPERIVS procul dubio dicendum sit ens, a quo et existentia nostra, et essentia pendet, cuiusque agnoscere tenemur IMPERIVM, quia et iustam habet causam exigendi a nobis obsequium, et facultate pollet malum nobis repraesentandi, si fraena mordeamus, et voluntatem suam, quod huic imperio numquam renunciarit, nec renunciare umquam velit, argumentis luculentissimis ostendit: *) 13) istud ens superius, cuius imperium agnoscere tenemur, non aliud erit, quam DEVS O. M. adeoque 14) hic solus etiam auctor dicendus IVRIS illius, quod vniuerso generi humano pro norma esse oportere, diximus.

Eius legis non alius auctor esse potest, quam Deus.

*) Iusta obsequium exigendi causa procul dubio est non modo ipsa entis alicuius *perfectio et bonitas*, ceu visum est tum MOSI AMYRALDO *dissert. de iure Dei in res creatas* tum olim DEMOCRITO, cuius est dictum notissimum: *Φύσει τὸ ἀρχεν οὐκῆιον τῶ κρείσσοι.* *Natura euenit, ut, quod melius est, imperet:* Stob. *serm. XXXXVII. p. 323.* verum etiam *dependentia*. Quis enim negauerit, eum merito ab altero exigere obsequium, qui alteri existentiae ac conseruationis causa est? Iure ergo obsequium exigit DEVS O. M., *ἐν ᾧ ζῶμεν, καὶ κινῶμεθα, καὶ ἔσμεν;* *In quo vivimus, mouemur et sumus.* Aët. *XVII, 28.* Porro et malum nobis fraena mordentibus repraesentare posse Deum, eius iustitia et omnipotentia nos dubitare non patitur. (*Elem. phil. mor. §. CLXXXV. sequ.*) Denique si renunciasset vel etiamnum renunciaret huic in homines aliasque res creatas imperio: hoc indignum esset eius sapientia ac bonitate, siquidem satis nouit, tamquam ens sapientissimum, nos sine eius imperio ac ductu fore miserrimos, ut ens vero optimum non potest ens a se conditum, quod se ipsum gubernare nequit, deferere, ac summae miseriae obicere. Quod vero eius sapientia bonitateque indignum est, id nec velle, nec posse intelligitur. Renunciare ergo imperio in homines et res creatas nec velle nec posse intelligitur. Idque obseruandum est contra illustrem Leibnitium, qui quum vir illustrissimus, SAM. a COCCENS, singulari dissertatione *de principio iuris naturalis unico, vero et adaequato*, Francof. MDCCCLXXXVIII. edita, solide demonstrasset, non aliud fingi posse iuris naturalis principium, quam voluntatem Dei, anno MDCC. in Ephemeridibus Hanoueranis, quae *monatliche auszüge* vocabantur, mense Iulio huic hypothesi inter alia obiecit *Obs. VII. Si fingeretur, creaturam tantarum virium esse posse, ut a creatore semel producta, deinde non posset cogi: eam habendam fore pro manu missa; uti liberi possint eo peruenire potentiae, ut a parentibus, a quibus generati*

nerati sunt, cogi non possunt. Id enim fingere esset insanire, quum contradictionem inuoluat fictio rei creatae finitae tantarum virium, vt a creatore, ente infinito et omnipotente, cogi amplius non possit. Quales sunt et reliquae illae fictiones, quibus verissimae doctrinae absurditatem ostendere ibi conatur vir doctissimus, veluti, *quod, si fingeretur, malum quemdam genium summam rerum potestatem habere, non ideo quod irresistibilis esset, desiturus ille sit malus esse, et iniustus, et tyrannus.* Fingi enim non potest, malum aliquem genium rerum potiri, si Deum infinitae potentiae existere credimus. Sin Deum existere negamus, nec malum genium, nec res creatas existere, falua recta ratione, concedemus. Magnum hoc profecto veritatis argumentum est, si conuelli non possit propositio, nisi fictionibus, quae contradictionem manifestam inuoluunt.

§. XI.

Quum ergo ex his omnibus adpareat, non aliud nos quaerere ius, quam quod Deus o. m. vniuerso generi humano, tamquam normam actionum liberarum tradidit: (§. X, 13. 14.) consequens est, 15) vt illud toti generi humano debeat innotescere. Quumque quidquid innotescit vniuerso humano generi, vel per *reuelationem* aliquam, quam totum genus humanum pro vera ac diuina agnoscit, vel per *rectam rationem* ei cognitum perspectumque esse oporteat, talis vero reuelatio, quam omnes homines pro vera ac diuina agnoscant, nec extiterit vmquam, nec hodie extet: nemo non intelligit, 16) ius naturae eas complecti leges, quae per solam rectam rationem, vniuerso generi humano communem, promulga-

Nec aliter ea lex vniuerso generi humano innotescit, quam per rationem.

tae sint, ac proinde vniuerso generi humano natura innotescant. *)

*) Hinc Cicero pro Milone Cap. IV. id ius vocat non scriptum, sed natum, quod non didicimus, accepimus, legimus, verum e natura ipsa arripimus, hausimus, expressimus, ad quod non docti, sed facti, non instituti sed imbuti sumus. Immo et Apostolus, dum Rom. II, 14. ait, gentes legem scriptam Dei non habentes, ipsas sibi fuisse legem, atque ostendisse, τὸ ἔργον τῆ νόμου, γραπτὸν ἐν ταῖς καρδίαις αὐτῶν, opus legis scriptum in cordibus suis, rationem redditurus, quomodo hoc ius illis innotuerit, statim subiicit: συμμαρτυρήσῃς αὐτῶν τῆς συνειδήσεως, καὶ μεταξὺ ἀλλήλων τῶν λογισμῶν, κατήγορέων ἢ καὶ ἀπολογυμένων: una testimonium reddente eorum conscientia, et cogitationibus, sese mutuo accusantibus, aut etiam excusantibus. Quod sane aliter fieri non potest, quam per ratiocinationem, adeoque per rectam rationem. Communis sane omnibus, haec doctrina est, qui ius naturae veluti ex compacto pro distantiae rectae rationis habuerunt, si ab illis solis discefferis, qui iustum aliquid esse natura plane negarunt, veluti Archeilaus apud Laert. II, 16. Aristippus apud eundem II, 93. Carneades apud Lactant. Instit. diuin. V. 14. et 19. Pyrrho apud Sext. Empir. Hypot. III, 24. immo ipse Aristoteles, quem ab hac sententia non admodum alienum fuisse, probat Menag. ad Laert. VII, 128. p. 311.

§. XII.

Definitio iuris naturae et iurisprudentialis naturalis vel diuinae.

Itaque IUS NATURAE est complexio legum, ab ipso Deo immortalis generi humano per rectam rationem promulgatarum. Si vero illud, tamquam scientiam considerare malis, IURISPRUDENTIA illa naturalis erit habitus practicus voluntatem supremi legislatoris ex recta ratione

ne

ne cognoscendi, adplicandique quibusvis speciebus obuenientibus. Quae, quia in iure, a Deo immortali profecto, enarrando adplicandoque versatur, recte etiam IVRISPRVDENTIA DIVINA dici potest.

§. XIII.

Quia ergo etiam hoc ius est complexio. legum: (§. XII.) 17) omnia, quae in leges cadunt, etiam in ius naturae cadere animaduertimus, veluti *vetare, permittere, punire: l. 7. D. de legib.* Quin ex eodem colligimus, 18) illud recte diuidi in PERMISSIVVM, quod homines vniuersos ad alios in vsu iuris libertatisque suae non turbandos; et PRAECEPTIVVM, quod eosdem ad actiones bonas edendas, malasque omittendas obligat: itemque, 19) nullam circa *ius praeceptiuum* libertatem relictam esse homini, quum *permissiuo* vnusquisque, cui quidquam permittitur, recte omnino renunciaret. *)

Diuisio
in prae-
cepti-
uum et
permis-
suum.

- *) Itaque IVS PERMISSIVVM regulam constituit; IVS PRAECEPTIVVM exceptionem. Omnia enim libertati hominis permittit Deus, quae non praecepit vel prohibuit. Sic e. g. quum sola arbore scientiae boni et mali hominibus interdixisset Deus: recte omnino inferebant protoplasti, licere sibi fructibus reliquis omnibus vesci. *Gen. III, 2, 3.* Cessante enim legis obligatione, viget libertas. Nec tamen ideo negandum fuerit, obligationem coniunctam esse cum iure permissiuo. Obligat enim vniuersum genus humanum, ne quem vsu libertatis suae prohibeat. Sic e. g. quia Deus hominibus omnibus permisit, ea, quae nullius sunt, suis vsibus adplicare, et dominia rerum constituere: non possunt non iniusta ac illicita esse furta, rapinae defraudationes, cetera.

§. XIII.

§. XIII.

An ius
naturae
futurum
esset, si
non es-
set Deus?

Et quandoquidem deinde ius naturae ab ipso Deo immortalis, tamquam supremo legislatore, proficiscitur: (§. XII.) consequens est, 20) vt, quamuis possit quis aliquando suo pte ingenio et sine lege *bene agere*, impellente illam obligatione interna, (§. VII.) idque 21) et homo, nullo religionis sensu imbutus, quandoque faciat, eo, quod actionem, praelucente ratione, bonam sibi que vtilem fore, cognouerit: non tamen 22) ideo dicendum sit, atheum posse *iuste agere*: (§. VII.) multoque minus, 23) etiamsi detur, quod sine impietate dari nequeat, non esse Deum, nec res humanas curare, tamen aliquod ius naturae futurum esse. *) Vid. Grot. *proleg. iur. bell. et pac.* §. XI.

*) Potius ergo iuri naturae veluti nervos incidunt, qui illud sine Deo concipiunt, et legem sibi sine legislatore fingunt. Omnes sane, qui paullo religiosius philosophati sunt, agnouerunt, et ius omne a Deo proficisci, et, si illum existere neges, nihil iam amplius iustum iniustumue fore. Ipse Deus O. M. ad iustitiam incitaturus Abraamum: Ego, inquit, sum **יְהוָה** Deus sibi sufficiens vel omnipotens: *ambula coram me: et esto integer.* Gen. XVII, 1. Et Apostolus Hebr. XI, 6. eum, qui ad Deum accedere velit, credere debere, ait, *ὅτι ἰσὶ, καὶ τοῖς ἐκζητοῦσιν αὐτὸν μισθαποδότης γίνεσθαι*: esse Deum, et praemia largiri iis, qui ipsum requirant. Immo et Cicero de nat. Deor. I, 2. Haud scio, inquit, an, pietate aduersus Deos sublata, fides etiam et societas humani generis, et una excellentissima virtus, IUSTITIA, tollatur.

§. XV.

§. XV.

Quumque hoc ius complectatur leges, per rectam rationem promulgatas, (§. XII.) recta vero ratio nobis sit facultas ratiocinandi, seu veritates alias ex aliis per necessariam concludendi rationem eliciendi: (*Hist. phil.* §. II.) facile patet, 24) cur hanc iuris notitiam cordibus hominum esse inscriptam, dicat Apostolus. * *Rom. II, 15.* Tribuit enim hominibus facultatem vel potentiam de iusto iniustoque ratiocinandi: quae, quum non semper ponat actum, 25) cur et infantibus a quibusdam vindicetur connata quaedam iustæ iniustique notitia, non obscurum est.

Cur dicatur
cordibus
inscriptum?

- *) Eleuant huius phraseos emphasin Grot. *ad Rom. II, 15.* et Ioan. Clericus *Art. crit. Part. II. Sect. I. Cap. III.* §. X. qui illam nihil aliud innuere contendunt, quam quod lex facile sine magistro disci et memoria teneri possit, atque ideo multa accumulunt veterum loca, ubi ἐγγράφειν δέλοις φρενῶν, γράφειν φρενῶν ἴσω, γράφειν ἐν τῇ ψυχῇ, nihil aliud significet, quam quod diximus. Sed his iam satisfecit Io. Franc. Bud. *Inst. Theol. mor. Part. II. Cap. II. §. V. ** ubi et Io. Lockii sententiam accuratius examinavit.

§. XVI.

Ex eodem consequitur, 26) ut ius naturæ An ex
deriuandum non sit ex sacris litteris, nec 27) sacris
ex legibus diuinis positiuis, veluti ex septem litteris
praeceptis, quae Noacho data esse, iactant vel tra-
Hebraei: * quamvis, quum idem sit reuelatione ditione
tionis, ac rectae rationis auctor, facile largiamur, 28) non modo multa, quae ratio dicti-
mur, 29) non modo multa, quae ratio dicti-
tat, in sacris litteris repeti, sed et 29) miram
esse

esse vtriusque iuris consonantiam, nec 30) quidquam Deum in sacris pandectis vel praecipere vel prohibere, quod iuri per rectam rationem promulgato aduersetur.

*) Hebraei quomodo ius naturae et gentium ex septem praeceptis, Noachò datis, deriuent, ex instituto ostendit Io. Selden. *de iure nat. et gent. secundum disciplin. Hebraeorum*. Quamuis vero illam Hebraeorum de praeceptis Noachidicis traditionem non omni fundamento destitui existimet laudatus Buddeus *Introd. ad hist. philos. Hebr. p. 14. et 15.* tamen nec probari hodie potest, illa vere data esse Noacho, et si quaedam eorum, quae praecepta illa inculcant vel prohibent, hodie nota sunt Noachidarum posteris: ea illis non ex traditione sed ex recta ratione, innotuerunt, ac proinde non sunt leges positivae, sed per rectam rationem promulgatae.

§. XVII.

Ius naturae immutabile.

Porro ex eodem axiomate intelligimus, 31) ius naturae non minus esse immutabile, quam ipsam rectam rationem, quae non potest non semper eadem suique similis esse: adeoque 32) nec Deum, qui non potest, quod non vult, quicquam contra legem illam sempiternam indulgere, multoque minus 33) vllum mortalium in illam quidquam sibi imperii adrogare posse: *)

*) Eleganter apud Lactant. *Inst. diuin. VI, 8.* Cicero: *Huic legi nec obrogari fas est, neque derogari ex hac aliquid licet, neque tota abrogari potest. Nec vero aut per Senatum; aut per populum, solui hac lege possumus. Neque est quaerendus explanator, aut interpret eius alius. Nec erit alia lex Romae, alia Athenis, alia nunc, alia posthac; sed et omnes gentes, et omni tempore, una lex continebit, vnusque*

que erit communis quasi magister, et imperator omnium, Deus, ille legis huius inuentor, disceptator, lator. Neque huic veritati refragatur Vlpianus l. 6. pr. D. de iust. et iure, quam legem alibi factis exposuisse nobis videmur.

§. XVIII.

Nec difficile iam erit, concipere IVRIS NATURALIS et CIVILIS differentiam. Nam 34) illud ex rectaratione; hoc ex lege, siue viua voce, siue per scripturam promulgata, innotescit. 35) Illud tam late patet, ac ipsa recta ratio; hoc cuique ciuitati proprium est. §. 1. et 2. *Inst. de iure nat. gent. et ciu.* 36) Illud ad actiones natura bonas malasque, internas ac externas; hoc ad indifferentes et externas, quatenus saluti populi cuiusque vel reipublicae attemperandae sunt, *) pertinet.

Eius differentia a iure civili.

*) Cicero de Inuent. I, 38. *Omnes leges ad commodum reipublicae referre oportet, et eas ex UTILITATE COMMUNI, non ex scriptione, quae in litteris est, interpretari. Ea enim virtute et sapientia maiores nostri fuerunt, ut in legibus scribendis nihil sibi aliud, nisi SALVTEM atque UTILITATEM REIPUBLICAE proponerent, neque enim ipsi, quod obesset, scribere volebant, et si scripsissent, quum esset intellectum, repudiatum iri legem, intelligebant. Nemo enim leges legum causa saluas esse vult, sed reipublicae. Magnopere ergo falluntur, qui ius, quod naturale vocatur, ab utilitate profectum esse putant, veluti post Epicurum Horat. Serm. I, 3. cuius est πολυθρόλλητον illud:*

Non natura potest inсто secernere iniquum:

Sola est UTILITAS IVSTI prope MATER et aequi.

Verum est, nihil iure naturali praecipere Deum, tamquam ens sapientissimum optimumque, nisi quod sit utile: at non ideo aliquid praecipit, quod illud utile sit, sed quod voluntati suae conveniat.

niat.

niat. Non ergo iustum aliquid est, quia utile: sed utile, quia iustum est. Nam ὡφίλεια πράξις κατὰ φύσιν, *emolumentum est omnis actio, naturae consentanea*, ut eleganter observat Marcus Antoninus Imp. εἰς ἑαυτὸν. VII, 74. Sed hunc errorem erudite profligarunt Grot. *proleg. iur. belli et pac. §. XVI.* Pufendorff. *de iure nat. et gent. II, 3, 10. et 11.* et illustrissimus Sam. de Coccei. *de princip. iur. nat. et gent. sect. II. §. IX. sequ.*

§. XVIII.

Eiusdem
summa
in iure
civilis
utilitas.

Quamvis vero maxime inter se haec iura differant: nullum tamen dubium est, 37) quoniam ius naturae incredibilem utilitatem adferat iis, qui iuri civili excolendo animum adpellunt, quum 38) et pleraque illius praecepta ipsum ius civile adoptet, iisque aciora poenarum vincula iniiciat, l. 1. §. 1. D. de iust. et iur. §. ult. *Inst. eod.* et 39) novas inde conclusiones eliciat, et 40) numquam a iure civili et stricto seiungenda sit naturalis aequitas, ne summum ius in summam euadat iniuriam.

§. XX.

Bruta
iure
naturae
non
reguntur.

Porro ex eo cognoscendi principio manifestum est, 41) hoc iure non alias res creatas regi, quam homines, quos solos rectae rationis praerogativa donavit summum Numen, ac proinde 42) manifesto falsam esse definitionem Vlpiani: *IVS NATVRALE esse, quod natura omnia animantia docuerit. l. 1. §. 3. D. de iust. et iure. *)*

*) Observavit hoc iam Hesiodus, cuius notissimus est locus *oper. et dier. v. 274. sequ.*

Τὸνδ' γὰρ ἀνθρώποισι νόμον διέταξε Κρονίων,
ἵχθυσιν

Ἰχθύσι μὲν καὶ θηρσὶ καὶ οἰωνοῖς πετεεινοῖς,
 ἔδωκεν ἀλλήλους, ἐπεὶ ὃ δίκη ἐστὶν ἐπ' αὐτοῖς.
 Ἀνθρώποισι δ' ἔδωκε δίκην, ἣ πολλὸν ἀρίστη.

*Namque hanc hominibus legem posuit Saturnius.
 Piscibus quidem, et feris, et avibus volucribus,
 Se mutuo ut deuorent, quandoquidem IUSTITIA*

CARENT.

*Hominibus autem dedit iustitiam, quae multo opti-
 ma est.*

Neque rem expediuit Iac. Cuiac. in Not. prior. ad
 Instit. p. 8. Tom. I. dum scripsit, quae bruta faciunt
 incitatione naturali, ea si homines ratione faciant,
 iure gentium eos facere. Sic enim non ideo ali-
 quid erit iuris naturae vel gentium, quod idem
 faciunt bruta animantia, sed quod homines id fa-
 ciunt, praelucente recta ratione.

§. XXI.

Quum praeterea ius naturae eas complecta-
 tur leges, quae vniuerso generi humano per
 rectam rationem sunt promulgatae, (§. XII.)
 homines autem, vel singuli seorsum, vel, pro-
 ut in certas societates coaluerunt, considerari
 possint: 43) ius, quo singulorum actiones re-
 guntur, NATVRALE; quod, quid in societatibus,
 et inter eas, iustum iniustumue sit, praecipit,
 IVS GENTIVM vocamus, adeoque 44) eadem
 iuris vtriusque sunt praecepta, eadem leges,
 quin immo IVS GENTIVM est ipsum ius natura-
 le, vitae hominis sociali negotiisque societa-
 tum atque integrarum gentium adplicatum. *)

Quid
 ius gen-
 tium?

*) Itaque latius patet IVS NATVRALE, quam IVS GEN-
 TIVM. Nihil enim recta ratio inter omnes gentes
 constituit, quod non et singuli obseruare certa ra-
 tione teneantur. At sunt quaedam iuris naturae,
 quae non aequae commodè adplicantur integris

gentibus, e. g. iura matrimonii, patriae potestatis, cetera.

§. XXII.

An a iure
naturae di-
uersum
sit?

Ex quo colligimus, 45) ius naturae a iure gentium nec principio cognoscendi, nec ipsis regulis, sed solo obiecto, differre: adeoque 46) rationem eos fugere, qui nescio quod ius gentium, a iure naturae diuersum, sibi fingunt. 47) IUS GENTIUM POSITIVUM vel SECUNDARIUM, quod veteres commenti sunt, proprie huc non pertinere, quum nec a Deo constitutum, nec per rectam rationem promulgatum, nec uniuerso generi humano commune, nec denique immutabile sit. *)

*) Pleraque, quae ad ius gentium positium referuntur, vel ex ipso iure naturae, vel ex moribus, vel ex lege aliqua, pluribus gentibus communi, oriuntur. Ita iura legatorum pleraque ex iure naturae recte explicantur. Multa quoque inter se seruabant Graeci, quae barbari insuper habebant, v. g. vt inducias darent victis ad cadauera tollenda. Postea mores Germanorum paene omnibus gentibus communes facti sunt, vti recte obseruauit Grot. *de iure belli et pac. II, 8, 1. 2.* Denique et inter Christianos mores quidam inoleuerant, quorum apud posteros vix mansit vestigium. Leibnit. *Praefat. Cod. iur. gent. dipl. pag. VIII.* cuius et haec est elegantissima obseruatio, quod multa, quae olim Pontifex Romanus veluti in communi gentium Christianarum republica sanxerit, pro iure Christianarum gentium communi sint habita. Quod elegante exemplo de vsu balistarum aduersus Christianos ex *cap. vn. X. de sagittar.* illustrat Hert. *ad Pufendorff. de iure nat. et gent. Lib. II. Cap. III. §. XXIII. litt. c.*

- §. XXIII.

§. XXIII.

Itaque non inutile fuerit, iura haec, quum Partitio operis. ad eandem normam exigenda sint, hoc libello coniungere, illa tamen, quum et obiecto et adplicatione differant, simul in tractatione distinguere, et vtrumque ius seorsum eo expendere ordine, vt *librum* opusculi *priorem* IVRI NATVRAE; *posteriozem* IVRI GENTIVM destineamus.

CAP. II.

DE ACTIONVM HVMANARVM NATVRA ATQVE INDOLE.

§. XXIII.

EX iis, quae hactenus de natura et constitutione iuris naturae ac gentium diximus, non obscurum esse existimamus, illud ad dirigendas HOMINVM ACTIONES pertinere, adeoque rem ipsam exigere, vt de earum natura atque indole paullo accuratius agamus. Transitio ad tractatum de actionibus humanis.

§. XXV.

Varios in homine motus, variasque contingere mutationes, ab ipsa rerum omnium magistra, experientia, satis superque conuincimur. Quum vero motus nullus sine sufficiente aliqua causa motrice fieri atque intelligi possit: motus quoque omnes, quos in homine deprehendimus, causam aliquam sufficientem habere, eamque vel *in ipso homine*, vel *extra eundem* esse oportet. Motum ergo, cuius causa sufficiens in ipso homine est, ACTIO- Quid actio et passio? Quid actio interna et externa?

NEM; cuius caussa extra eundem quaerenda est, PASSIONEM adpellamus. Quum vero motus iste, quem ACTIONEM vocamus, vel in cogitatione consistat, vel in corpore a voluntate producat, prior ACTIONIS INTERNAE; posterior EXTERNAE nomine venit.

§. XXVI.

Passio-
nes quo-
tuplices?

Passiones ergo quamvis non a nobis ipsis, sed a caussa extra nos posita, proficiscantur, ac eatenus non sint in potestate nostra, sed saepenumero et nobis inuitis oriantur: aliquando tamen veluti repelli possunt, atque impediri, si instructi simus viribus sufficientibus ad resistendum caussae, extra nos positaе, motumque huiusmodi in nobis excitaturae. Contra ea etiam contingere potest, ut veluti adiuuemus hanc causam motricem, extra nos positam, ut motum hunc in nobis tanto facilius ciere possit. *) Ex quo consequitur, ut passiones aliae sint IN NOSTRA POTESTATE, aliae NON SINT.

*) Omnia haec exemplis luculentissimis facile possunt illustrari. Calefieri est passio. Ei aliquando resistere non possumus, si aere admodum calido iter facimus: aliquando possumus, si hieme procul a foco recedamus: aliquando illam veluti adiuuamus, quoties nempe propius accedimus ad ignem, ut tanto magis incalescamus. Calefieri ergo aliquando est in potestate nostra, aliquando non est.

§. XXVII.

An et
hae sub-
sint di-
rectioni
nostrae?

Quum ergo ius naturae circa actiones hominum liberas versetur: (§. III.) consequens est, 1) ut illud non dirigat passiones, quae non sunt in

in potestate nostra: 2) Vt, quamuis illud quaedam fancire possit de passionibus, quatenus in potestate nostra sunt, non tamen tunc dirigat passiones, sed actiones liberas, quibus resistere vel subuenire possemus his passionibus, ostendatque quid nimirum sit officii nostri circa passiones illas vel impediendas, vel adiuuandas. *)

*) Ita sane irae, qua adficimur, leges praescribi non possunt: at actiones nostras dirigere lex potest, vt ne irae fraena laxemus, vt resistamus principiis, ne illam ad impetum peruenire patiamur, vt actionem, feruente hac animi perturbatione, suspendamus, cetera. Haec omittentem quis neget aduersus legem peccare? Recte ergo, si quidquam aliud, obseruauit Cicero *Tusc. Quaest. I, 3. animorum omnes morbos et perturbationes ex adspersione rationis euenire*, id est ex omissione eorum, quae agenda suadet recta ratio, ne vehementioribus illis animi commotionibus succumbamus.

§. XXVIII.

Itaque solas ACTIONES nostras dirigit in's naturae. Quamuis vero hae omnes causam sufficientem in ipso homine habeant: (§. XXV.) eadem tamen experientia docet, aliarum actionum nos nobis semper conscios, easque in potestate ac arbitrio nostro sitas, alias ita esse comparatas, vt ex dispositione quadam mechanica oriantur, ac proinde nec earum nobis conscii semper sumus, nec easdem in potestate nostra habeamus. *)

An circa illas verferur ius naturae?

*) Sic in potestate nostra est, stare, sedere, an ambulare; loqui, an tacere; dare aliquid, an nobis retinere malimus. Et harum omnium actionum, dum eas edimus, nobis conscii sumus. Contra per nos non stat, quo minus cor per *συζολην* καὶ

διαστολὴν, intestina motu peristaltico, sanguis per circulum moueantur. Quos motus saepe nec sentimus, nec eos in nobis fieri, nouimus. Paullo aliter hanc distinctionem accipiunt Stoici, quando τῶν ὄντων τὰ μὲν ἐφ' ἡμῶν, τὰ δὲ ἔκ ἐφ' ἡμῶν εἶναι, quaedam IN POTESTATE nostra ESSE, quaedam NON ESSE, docent. Ad priora enim referunt opinionem, adpetitionem, desiderium, auersationem, vno verbo, quaslibet nostras actiones: ad posteriora corpus, possessionem, gloriam, principatum, quaecumque denique nostra opera non sunt. Epictet. *Enchirid. Cap. I.* Ac proinde rerum haec est diuisio, seu τῶν ὄντων, non actionum tantum.

§. XXVIII.

Actio-
nes vel
humanae,
vel
natura-
les.
Eas an
dirigat
iure na-
turae?

Actiones, quarum nobis conscii semper sumus, quaeque in potestate nostra ac arbitrio sunt, HUMANAE vel MORALES; quarum nec conscii nostri sumus, nec arbitri, PHYSICAE, vel NATURALES adpellantur. Quare illas LIBERAS; has NECESSARIAS esse, facile patet: atque inde merito inferitur, 3) humanas vel morales tantum actiones a iure naturali dirigi, (§. III.) 4) non naturales, nisi quatenus, vt has vel adiuuamus, vel turbemus ac impediamus, in nostra potestate positum sit. *)

*) Quamuis enim, vt paullo ante diximus, in circulum sanguinis, motumque cordis et intestinorum in se nihil nobis sit arbitrii: experientia tamen docet, posse nos illos motus non modo medicamentis et temperantia adiuuare, verum etiam eosdem, vel turbare ingluuie, vel ferro, venenis, aliisque modis plane sistere. Quis ergo dubitet, quin ius naturae prohibere possit, quidquid motus illos naturales, vnaque ipsam vitam, turbat vel abrumpit? Animaduenterunt hoc ipsi veteres philosophi. Et si enim plerique nescio quid laudabile facere exi-

stima-

stimabant eos, qui vltro sibi manus inferent violentas: eleganter tamen Democritus apud Plutarch. *de sanit. tuenda* p. 135. Εἰ τὸ σῶμα δικάσαιτο τῇ ψυχῇ κακώσεως, ἢν αὖν αὐτὴν ἀποφυγεῖν. Si corpus animam damni iniuria dati accusaret, hanc, quin condemnetur, effugere non posse.

§. XXX.

Quum itaque actiones humanae, morales, liberae, sint in potestate nostra atque arbitrio, (§. XXVIII.) in potestate autem nostra sit, quidquid a voluntate nostra dirigitur: consequens est, 5) vt actiones humanae, vel morales, ac liberae a voluntate nostra dirigantur. Quumque nihil decernat voluntas, nisi ab intellectu ad adpetendum auersandumque excitata: *) merito inde colligimus, 6) intellectum quoque ad edendas actiones humanas liberasque concurrere, ac proinde 7) duo esse actionum humanarum ac liberarum principia, INTELLECTVM ET VOLVNTATEM.

Principia actionum humanarum, intellectus et voluntas.

- *) Voluntas enim est facultas boniformis, adeoque semper adpetit bonum, malumque auersatur. (*Elem. phil. mor.* §. XXVIII.) Hinc nihil potest velle, nisi quod intellectus illi tamquam bonum, iustum, vtile, repraesentauit; nihil nolle, nisi quod idem intellectus illi tamquam malum, iniustum, noxium, ostendit. Recte Simplicius *ad Eripist. Enchir.* Cap. I. p. 8. Δῆλον δὲ, ὅτι προηγείται μὲν ἡ πρόληψις, καὶ λογικὴ τις ἔσσι γνώσις, καὶ ἀνθρώπῳ πρέπῃσα· ὅταν δὲ περὶ κακῆς ἢ ἀγαθῆς ἡμετέρας ὄντος ἢ δοκῶντος ἢ πρόληψις ἦ, ἀνακινεῖται πάντως ἐκκλισις ἢ ὀρεξις, ἐπακολυθεῖ δὲ ἡ ὀρμή. ὀρεχθῆναι γὰρ δεῖ πρῶτον ἢ ἀπαρσῶναι, καὶ ἔτιως ὀρμῆσαι προσ-

ελθεῖν τῷ ὀρεκτῷ, ἢ ἀποσραφῆναι τὸ ἐκκλητὸν, ὅπερ ἐναντίον ἐστὶ τῷ ὀρεκτῷ. *Constat autem, OPINIONEM, quae est cognitio quaedam, a ratione gubernata, dignaque homine, antecedere. Quae quum in eorum aliquo versatur, quod nobis bonum malumue est, aut esse videtur, omnino PROPENSIO aut AVERSATIO commouetur, ADPETITIO sequitur. Prius enim quam adpetas rem desideratam, et amplectaris, aut eam declines, quae est rei desideratae contraria, vel auerferis, animo propendeas aut abborreas, oportet.*

§. XXXI.

Quid intellectus?

INTELLECTVS est facultas mentis, res distincte percipiendi, diiudicandi, de iisque recte ratiocinandi. Quae facultas quando IMAGINATIONIS nomen adsumat, iam alibi, quantum satis est, diximus. (*Elem. phil. rat. §. XII. et XIII.*)

§. XXXII.

Sine eius concursu actio non est moralis.

Quum ergo voluntas nihil possit adpetere vel auerfari, nisi ab intellectu excitata: (§. XXX.) consequens est, 8) vt nec actionem tamquam iustam edere, vel tamquam iniustam auerfari possit, nisi intellectus, eam cum lege comparando, id est, ratiocinando, distincte perceperit, illam iustam iniustamue esse, vtque adeo 9) circa actiones morales opus sit ratiocinatione, qua earum iustitiam iniustitiamque distincte percipiamus. *)

*) Hinc satis patet, ius naturae non dirigere actiones infantum, quos ipse Deus negat discernere posse dextrum et sinistrum, *Ion. III, 11.* bonum et malum, eligenda et reiicienda: *Ies. VII, 16.* multoque minus actiones furiosorum, mente captorum, morbo insanientium, qui de iustitia iniustitiaque actionum ratiocinari non possunt. Recte ergo Aristot.

stot. magn. moral. I, 34. Quorum quis non est causa, sed ignorantia, ut delinquat: ob ea nequaquam iniustus est. Est enimvero eiusmodi ignorantia naturalis, veluti quum nescii infantes patres caedunt. Haec nimirum naturalis inscitia non facit, ut ab actione infantes dicantur iniusti. Ipsa siquidem hanc faciendi causa est inscitia: neque ipsi sunt suae causa inscitiae, ideo ne iniusti quidem dicuntur.

§. XXXIII.

Ratiocinatio illa, vel facultas de iustitia iniustitiaque actionum nostrarum ratiocinandi vocatur CONSCIENTIA, cuius naturam variasque species iam alibi explicauimus. (*Elem. philos. mor. §. XVIII. sequ.*) Attamen et hic quaedam vel repetere, vel tamquam supplementa addere, nostra vel maxime interest.

§. XXXIII.

Quia ergo de iustitia iniustitiaque actionum nostrarum ratiocinatur conscientia, (§. XXXII.) iustae autem actiones vocantur contemplatione obligationis externae, ex lege ortae: (§. VII.) 10) conscientiam comparare inter se oportet *legem* et *factum*, id est, duas propositiones, ex iisque elicere tertiam. Quod quum fieri non possit, nisi per syllogismum: (*Elem. phil. rat. §. LXXVIII.*) consequens est, 11) ut omnis conscientiae ratiocinatio sit syllogismus, eumque 12) semper absoluant LEX, ACTIO propria, et SENTENTIA, tamquam tres huius syllogismi propositiones. *)

Inde
consci-
entia.

Quae
vera est
ratioci-
natio vel
syllo-
gismus.

*) Ita comparata erat ratiocinatio Iudae τῆ παραδεί-
δωτος: Quisquis innocentem prodit sanguinem ma-
le agit. Id ego feci, Male ergo egi. Matth. XXVII,
4. Vbi prima propositio manifesto LEGEM; altera

ipsam Iudae ACTIONEM; tertia SENTENTIAM complectitur. Nec aliudprehendimus in mente nostra, quoties ratiocinantem in nobis persentiscimus conscientiam: ut adeo contra conscientiam philosophari videantur, qui conscientiam pro vano sacerdotum terculamento cum Tolando venditant.

§. XXXV.

Eius di-
uisio in
bonam
et ma-
lam.

Quum ergo conscientiae syllogismus pro conclusione semper habeat sententiam, (§. XXXIII.) sententia autem omnis vel absoluat, vel condemnet, prout actio legi vel conuenit, vel aduersatur: 13) conscientiam, a qua quis absoluitur, BONAM; a qua condemnatur, MALAM VOCAMUS. *) Quorum illa semper cum fiducia quadam, haec, quum tuta omnia timeat, cum suspitione coniuncta est.

*) Hinc Paullus Apostolus Rom. II, 15. actus conscientiae vocat λογισμὸς καὶ ἡγορήσας, ἡ καὶ ἀπολογυμένης, cogitationes vel ratiocinationes ACCUSANTES vel EXCUSANTES, itemque Ioanni Apostolo, 1. Epist. III, 21. integri vitae scelerisque puri sunt ὧν ἡ καρδία αὐτῶν μὴ καὶ ἰγινώσκει, quos cor suum non condemnat, contra flagitiorum sibi conficii v. 20. ὧν ἡ καρδία αὐτῶν καταγινώσκει, quos cor suum condemnat. Quin et poetae ita philosophantur, e quorum numero Iuuenalis Sat. XIII. v. 2. sequ.

Prima haec est ultio, quod, se

IVDICE, nemo nocens ABSOLVITUR: improbus
quamuis

Gratia fallaci Praetoris vicerit urna.

§. XXXVI.

§. XXXVI.

Ratiocinari porro possumus 14) de actionibus tum FUTVRIS, tum PRAETERITIS, etiam perpetratis: ac proinde conscientia de nondum edita vel futura actione ratiocinans, ANTECEDENS; de praeterita et iam perpetrata, CONSEQUENS adpellatur.

In antecedentem et consequentem.

§. XXXVII.

Vtroque casu conscientia actionem cum lege contendit. Quumque actionem futuram ad legem vel voluntatem Dei componere non studeat, nisi cui est *incoctum generoso pectus honesto*, seu qui animum vera virtute praemuniuit: (*Elem. phil. mor. §. CCXVII.*) 15) conscientia *antecedens* non nisi in iis, qui verae virtuti student, *) 16) *consequens* etiam in sceleratissimis hominibus sese exferit. Sero enim sapiunt et Phryges.

In quibusnam utraque reperitur?

- *) Virtus semper coniuncta est cum studio indefesso inquirendi in voluntatem DEI. (*Elem. phil. mor. §. CCXVIII, 2.*) Quo magis ergo quisque profecit in virtute, eo illud studium est ardentius. Atque inde fit, ut virtute ornati super iis quoque actionibus futuris, quae aliis vel indifferentes, vel leuioris videntur momenti, secum ratiocinentur, ac proinde iis tribuatur CONSCIENTIA TENERA, quae et tuta quaevis metuere aliquando videtur, haud absimilis oculo, qui ne atomum quidem incidentem sine sensu et dolore excipit. Eleganter Plutarch. de profectu virt. sent. p. 85. Ἐτί τοίνυν πρόσλαβε τοῖς εἰρημένοις σημεῖον ὃ μικρόν, εἰ βῆλαι, τὸ μηδὲν ἔτι μικρόν ἡγῆσθαι τῶν ἀμαρτανομένων, ἀλλ' ἐξευλαβεῖσθαι καὶ προσέχειν ἅπασιν. Id quoque, si lubet, ad praedicta adiungere signum non exiguum, quod recte proficiens nulum

lum iam peccatum EXIGVVM putat, sed omnia studiose vitat et cauet.

§. XXXVIII.

Est ea
vel in-
stigans,
vel re-
uocans,
vel ad-
monens.

Praeterea 16) quoties futuram actionem contendimus cum lege, toties eam vel *praeceptam* a Deo, vel *prohibitam*, vel *permissam* esse,prehendimus. 17) Primo casu conscientia nos ad agendum exstimulat: 18) altero a peccando reuocat: 19) tertio prudenter, et adhibita in consilium ratione, agendum esse, monet. Hinc 20) conscientiam in IN-
STIGANTEM, REVOCANTEM ET ADMONENTEM recte diuiseris. *)

*) Ita Mosen et Zipporam conscientia INSTIGABAT ad circumcidendum filium, quia iis in memoriam reuocabat praeceptum diuinum de circumcissione: *Exod. III, 24.* Eadem conscientia Dauidem REVOCABAT a caede Nabalis, cuius iam ceperat consilium, quia eum admonebat legis prohibitiuae: *ne occidito. 1. Sam. XXV, 32. sequ.* Denique conscientia Paullum Apostolum ADMONERAT, ne carne, quam Diis immolatam sciret, vesceretur, et ut idem consilium daret Corinthiis. Quamuis enim non ignoraret, Christianos haud pollui cibo et potu: prudenter tamen agendum esse, monebat conscientia, ne forte alii exemplo offenderentur. *1. Cor. X, 28. sequ.* Et huc pertinent aurea verba *1. Cor. X, 23.* Πάντα μοι ἔξεστιν, ἀλλ' ὃ πάντα συμφέρει. πάντα μοι ἔξεστιν, ἀλλ' ὃ πάντα οἰκοδομῇ. *Omnia mihi licent: at non omnia prosunt. Omnia mihi licent: at non omnia aedificant.*

§. XXXVIII.

Consci-
entia
porro
vel
recta,

Quia porro conscientia est ratiocinatio: (§ XXXIII.) 21) eadem, quae in syllogismum, etiam in conscientiam cadunt. Hinc, 22) quem-

quemadmodum ratiocinatio, ita et conscientia vel RECTA, vel ERRONEA est: et 23) sicuti omnis ratiocinatio falsa vel in FORMA, vel in MATERIA, peccat: ita et conscientia errat, siue falsa lex, falsaeue actionis circumstantiae praemittantur, siue ipsae ratiocinandi regulae non obseruentur.

*) Vt et hoc exemplis illustremus, in MATERIA errabant Iudaei, dum se parentibus beneficia, salua religione, subtrahere posse existimabant, modo, quae illis debebantur, Deo dicarent. Loco enim maioris propositionis praemittebant falsam legem: Ὅς ἂν ἔπῃ τῷ πατρὶ, ἢ τῇ μητρὶ, Δῶρον ὃ ἐὰν ἐξ ἐμῶ ὠφεληθῇς. *Qui dicit patri aut matri: Donum est, quocumque a me inuari posses, (eum infonem fore.) Matth. XV, 5. Marc. VII, 11.* In materia quoque errabat Abimelechus, dum se Saram, salua religione, in torum recepturum, sperabat. Falsam enim ponebat facti *πρεβῆταιν*, se cum innupta rem habiturum. *Genes. XX, 2.* Denique errorem in FORMA errabant Pharisei, dum ex lege de sabbatho eliciebant falsam conclusionem, quod omne opus, etiam quod vel imperiosa necessitas, vel caritas, et humanitas exigeret, eo die sit intermittendum. *Matth. XII, 10. sequ.*

§. XXXX.

Porro cum in aliis ratiocinationibus, tum maxime in conscientia, contingit, vt modo ex certo aliquo principio, modo ex hypothesi, probabili illa quidem, at hypothesi tamen, ducatur argumentum. (*Elem. log. §. CXXX.*) Hinc 24) et conscientia modo CERTA est, quoties nimirum ex certa atque indubia lege; modo PROBABILIS, quoties ex probabili aliorum sententia ratiocinatur. *) Ex quo denuo con-

vel erronea.

Itemque vel certa, vel probabilis.

sequi-

sequitur, 25) vt, quemadmodum plures sunt gradus probabilitatis, (*Elem. log. §. CXXXVI. sequ.*) ita et conscientia modo magis, modo minus dici possit probabilis.

*) Non ergo conscientia PROBABILIS opponenda est RECTAE, quia et probabilis aliquando recta esse potest. At potest tamen eadem falsa esse, quia quum ratiocinando decipi aliquando possimus sub specie certitudinis per paralogismos, id multo magis fieri potest sub specie probabilitatis per sophismata. (*Elem. log. §. C. et CI.*) Ex quo consequitur, vt lubricum admodum sit dogma illud nouorum casuistarum de probabilismo, seu conscientia probabilis, a peccato excusante, de quo Lud. Montalt. *Litt. ad prouincial. Epist. V.* et Sam. Rachel. *Diff. de probabilismo*. Nisi enim pro norma actionum adsumere velis regulam Lesbiam: fieri non potest, vt satisfecisse tibi videaris officio, si agas secundum conscientiam probabilem, quae nec recta semper, nec certa, nec constans est, (§. V.) maxime quum doctores illi probabilitatem ex aliorum opinionibus aestiment, Apostolus vero nos aliorum sententia in re tanti momenti stare prohibeat, dum inculcat praeceptum: *ἕκαστος ἐν τῷ ἰδίῳ νοῦ πληροφροσύνη*. *Vnusquisque in suo sensu plane certus esto. Rom. XIV, 5.*

§. XXXXI.

Quid
consci-
entia
dubia et
scrupu-
losa?

Quia vero, quod probabile est, aequè falsum, ac verum esse potest, (§. XXXX. *) euenit aliquando, 26) vt animo nostro sese in vtramque partem obiciant argumenta probabilis, ac proinde de re nondum liquida amplius deliberandum esse censeamus. Ea conscientia DUBIA; vel, si cura illa, quae nos coquit, versatque in pectore fixa, paullo leuioris momenti aliis videatur, SCRUPVLOSA dici solet. *)

*) Non

- *) Non male quidem ipsam dubitationem, quae veluti in diuersa trahit animum, SCRVPVLVM vocat celeberrimus Wolffius *Eth. §. LXXVI*: at vocabuli tamen notioni magis conuenire videtur definitio nostra. Est enim SCRVPVLVS lapillus, minimae ille quidem molis, sed qui, incidens in calceum, pedem misere adfligit. Seruius *ad Aen. VI. v. 236*. SCRVPVS proprie est lapillus brevis, qui pressus sollicitudinem creat, unde etiam SCRVPVLVS dictus. Apuleius *scrupulum* opponit grauiori sollicitudini, quam lanceam vocare solet. Vid. Scip. Gentil. *ad Apuleii Apolog. p. 150*.

§. XXXXII.

Praeterea contingere potest, 27) vt mens, prauis cupiditatibus in transuersum acta, ac veluti seruitute oppressa, de actionibus vix libere ratiocinetur, sed potius propensionibus suis suffragari cogatur. (*Elem. philos. mor. §. XXVIII*.) Quo fit, 28) vt in hoc seruili statu ratiocinans conscientia MINVS LIBERA; ea contra, quae se ex tristi illa seruitute in libertatem vindicauit, LIBERA adpelletur. *) Quam distinctionem accuratius explicauit Wolffius *Eth. §. LXXXIII*.

Quid libera, et minus libera?

- *) Hinc παράδοξον Stoicorum: ὅτι μόνος ὁ σοφὸς ἐλεύθερος, καὶ πᾶς ἄφρων δούλος, solum sapientem liberum, et omnem stultum seruum esse. Cicero *Parad. V*. Qui se per virtutem in libertatem vindicauit, is spernit calcaturque vitia, magnoque animo clamat: Non sum imperata facturus, iugum non recipio: immo, quod maiore virtute faciendum est, excutio. Non est molliendus animus. Si voluptati cessero, cedendum est dolori, cedendum labori, cedendum paupertati. Idem sibi iuris in me esse vult et ambitio et ira. Seneca *Epist. LI*. Ad quae verba Lipsius *Manuduct. ad philos. Stoic. Lib. III. Diff. XII*: Ecce, inquit, quot dominos ille iam effugit?

fugit? adde libidinem, avaritiam, alia vitia: turbam habebis, ut vero nomine dicam, tyrannorum. Miserum mancipium, qui his subiicitur! erectum et liberum, qui euasit! Quid vero libertatis superesse dixeris conscientiae, cui tot vitia prauaeque cupiditates veluti neruos ac compedes iniiciunt?

§. XXXXIII.

Quid
dormi-
tans, ex-
pergesa-
cta, cau-
terio
vita?

Nec minus ipsa experientia docemur, homines aliquando suis vitiis ita veluti indormiscere, ut nullo miseriae suae sensu adficientur, neque amplius de iustitia iniustitiaque actionum ratiocinetur conscientia. Quemadmodum itaque 29) illam tunc DORMITARE, vel, 30) si diuturna peccandi consuetudine occalluit, quasi CAUTERIO VSTAM esse dicimus: *) ita 31) eadem veluti EXPERGESCI videtur, si quando homo calamitatibus vel periculo aliquo excitatus, actiones suas expendit paullo accuratius, et de earum iustitia iniustitiaque incipit ratiocinari.

*) Loquutio Paullina 1. *Tim. III, 2.* eaque ἐμψατίκωτάτη. Quemadmodum enim caro, vita cauterio, omnem amittit sensum: ita mens, adfusa criminibus, non sentit miseriam, quam alii non sine horrore contemplantur. Sic idem Apostolus *Ephes. III, 19.* homines huiusmodi vocat ἀπηλγηνκώτας, quasi qui dedoluerint: ubi notatu dignissima sunt, quae adnotauit Theod. Beza.

§. XXXXIII.

Quid
tran-
quilla,
remor-
dens, ir-
requieta
vel an-
xia?

Sua quemque conscientia aut condemnari aut absolui, iam supra nos dicere meminimus. (§. XXXV.) Quum vero absolutio non possit cum summa animi voluptate; condemnatio cum maxima aegritudine atque acerbissimo dolore

dolore non esse coniuncta: consequens est, 31) vt conscientia bona, eaque certa, plerumque sit TRANQVILLA; 32) mala REMORDENS, quam lanienam veteres Furiarum facibus aequiparare soliti sunt: *) vt denique 33) conscientia dubia plerumque simul sit IRREQVIETA et ANXIA, vt nesciat homo, quo se vertat. Enimuero illas adfectiones ad effectus potius conscientiae, qui se in voluntate exerunt, quam ad ipsam pertinere conscientiam, facile vnusquisque animaduertit.

*) Ita Cicero *pro Sex. Rosc. Amer. Cap. XXIV.* Ceterum ipsi hi conscientiae morfus argumento sunt luculentissimo, rationem fugere eos, qui cum Tolando lanienam istam ex metu supplicii, a re publica imminentis, oriri existimant. Primo enim non priuati tantum hisce Furiis dies noctesque agitati sunt, sed et ii, quos vel nascendi fors, vel fastigium imperii omni supplicio exemerat, veluti Nero apud Sueton. *Cap. XXXVIII.* Deinde si credere malis, hunc quoque sibi timuisse a populo: non desunt exempla eorum, qui morti proximi, quamuis nullo futuri metu angerentur, se tamen ob delicta quaedam occulta, neminique mortalium nota, vix ferre dolores conscientiae, conquesti sunt: veluti Chilo Lacedaemonius, qui apud Gell. *Noct. Att. I, 3.* *Ego quidem certe, inquit, in hoc tempore non fallo me, nihil quidquam esse commissum a me, cuius memoria rei aliquid pariat aegritudinis, nisi profecto illud vnum.* Sed et Titi Caesaris, iam animam agentis, dictum haud absumile existit apud Sueton. *Tit. Cap. X.*

§. XXXXV.

Ex quo facile intelligas, 34) quid-de eorum sententia sentiendum sit, qui, pro interna actionum humanarum norma ac regula habendam esse conscientiam, existimant. Si enim

An pro
actio-
num hu-
mana-
rum

C

norma

norma sit conscientia? norma, nisi sit recta, certa et constans, suum perdit officium: (§. V.) quis pro norma adsumeret ratiocinationem, quae aliquando *erronea*; (§. XXXIX.) aliquando *probabilis* tantum; (§. XXXX.) aliquando *dubia*; (§. XXXXI.) quin saepe pravis cupiditatibus oppressa est? (§. XXXXII.) Hinc 35) quamvis peccet omnino, qui agit contra certam vel probabilem conscientiam: non tamen 36) ideo recte statim et iuste agere dicendus est, qui se egisse contendit secundum conscientiam. *)

*) Non ipsa conscientia norma est, sed normam applicat factis et speciebus obuenientibus. Hinc tutius actio omittitur, cuius de prauitate nos conuictos arbitramur, quam aliquid agitur, quod iustum et bonum esse nobis sine certa lege persuadet conscientia. Qui ergo conscientiam erroneam sequitur, eo ipso, quod hanc potius, quam legislatoris voluntatem, sequitur, peccat, aliquanto quidem excusatius, quam qui agit contra conscientiam, at peccat tamen. Quare ego quidem suffragari nolim sententiae Limborchii, qui *Theol. Christ. Lib. V. Cap. II. §. VIII. sequ.* etiam erroneam conscientiam sequendam esse contendit.

§. XXXXVI.

Conscientia adhuc dubia actus cur suspendendus? Ex quo porro colligimus, 37) dubia adhuc, et inter contrarias sententias misere fluctuante conscientia, suspendendam esse actionem tantisper, dum res ad liquidum perducta sit. Quod 38) merito defendimus contra Ger. Gottl. Titium *Obseruat. XIX. ad Pufend. de offic. hom. et ciu. Lib. I. Cap. I. §. VI.* quod summa haec est hominis proteruita, si tam obfirmato animo aliquid agat, ut parum laboret de exploranda voluntate diuina, idem omnino actu-

acturus, si vel maxime, id sibi a Deo interdictum esse, nouerit. *)

*) Adposite Cicero *de Offic. I, 9.* *Quocirca bene praecipunt, qui vetant quidquam agere, quod dubites, aequum sit, an iniquum. Aequitas enim lucet ipsa per se, dubitatio cogitationem significat iniuriae. Id est, qui dubitans de aequitate actionis tamen agit, eo ipso prodit animum iniuriam faciendi Deo. Vnde et Apostolus: ὁ δὲ διακρινόμενος, εἰάν Φάγῃ, κατακρίνεται, ὅτι ἔκ ἐκ πίστεως. Qui ambigit, si ederit, condemnatus est, quia non edit ex fide. Rom. XIV, 23.*

§. XXXXVII.

Itaque ex his, quae hactenus diximus, patet, 39) in adplicatione legis ad factum conscientiae luminibus quam maxime officere IGNORANTIAM ET ERROREM. Et per illam quidem simplicem cognitionis priuationem; per hunc siue ideam, siue iudicium, siue ratiocinationem, a rei natura discrepantem, intelligimus. IGNORARE enim aliquis rem dicitur, cuius nulla omnino idea animo obuersatur; ER-RARE, qui rei ideam concepit, sed vel ab obiecto discrepantem, vel obscuram, confusam atque inadaequatam. Et tunc fieri nequit, quin error, in ideis admissus, in iudiciis, atque inde in ipsas ratiocinationes sese diffundat.

§. XXXXVIII.

At quum nec omnibus hominibus imposita sit obligatio veritates abstrusiores, ac veluti in Arcesilai puteo demersas, inuestigandi, et rerum quarumdam ignoratio cum vtilitate potius, quam detrimento, coniuncta esse videatur, An omnis error et ignorantia culpari mereatur.

tur, *) immo saepe ignorantes imprudentes-
que plus boni vno die faciant, quam scientes an-
tea umquam: Terent. *Hecyr. V, 4. v. 39. sequ.*
 merito inde colligimus, 40) non omnem vel
 IGNORANTIAM, vel ERROREM, malum esse ac vitu-
 perabilem

*) Exemplo esse potest certorum scelerum, de qui-
 bus ne fari quidem licet, ignorantia, si tunc igno-
 ratorum nulla cupido est. Quis enim eam non plu-
 ribus exoptet, quum animum turpissimis cupidi-
 tatibus occludat, praesterque imperium? Sic sane
 Scythas eo nomine laudat Iustinus *Histor. II, 2.*
quod in iis tanto plus profecerit VITIORVM, IGNORA-
 TIO, *quam in Graecis cognitio virtutis.* Nec minus
 maiores nostros miratur Quintilianus *Declam. IV.*
 ubi de impurissimo agens flagitio: NIL tale, inquit,
 NOVERE Germani, et sanctius apud Oceanum viui-
 tur.

§. XXXXVIII.

Quae
 ignorantia,
 ac
 quis er-
 ror cul-
 pabilis
 sit?

At quum nihil decernat voluntas, nisi ab
 intellectu ad adpetendum auersandumque ex-
 citata, ac proinde intellectus quoque ad eden-
 das actiones humanas liberasque concurrat:
 (§. XXX, 6.) consequens sane est, 41) vt non
 absint a reprehensione, qui in principiorum
 boni ac mali, iusti iniustique, quorum sibi
 cognitionem facile comparare potuissent, tur-
 pissima ignorance versantur, vel circa illa
 errant, circa quae errorem, si intendissent
 nervos, facile potuissent euitare.

§. L.

Igno-
 rantia
 vel vin-
 cibilis,

Hinc variae ignorantiae atque erroris diui-
 siones. Quatenus enim primo ignorantiam eui-
 tare in nostra potestate est, vel non est: eate-
 nus vel VINCIBILIS, vel INVINCIBILIS adpellatur. *)

Qua-

Quatenus quis illius causa est, vel non est: ea-
 tenus vel VOLUNTARIA est, vel INVOLUNTARIA.
 Denique si quis aliquid egit, quod non fuisset
 acturus, nisi ignorantia menti caliginem offu-
 disset: ignorantia illa EFFICAX vocari solet:
 CONCOMITANS vero, si quid factum est, quod
 factum fuisset, si vel maxime abfuisset igno-
 rantia. Quamobrem prioris argumentum est
 poenitentia, posterioris facti illius, etiam ex
 ignorantia admissi, adprobatio. Quae omnia
 ad errorem non minus, quam ignorantiam,
 pertinere, nemo non intelligit.

vel in-
 uinci-
 bilis,
 vel vo-
 luntaria
 vel in-
 uolunta-
 ria vel
 efficax,
 vel con-
 comi-
 tans.

- *) Ignorantiam atque errorem INVINCIBILEM esse aiunt
 vel IN SE, *at non in sua causa*, vel IN SE ET SUA
 CAUSA SIMVL. Sic enim ignorantia hominis temu-
 lenti in se quidem inuincibilis est, quamdiu durat
 suavis illa infania: *at non in sua causa*, quia ho-
 mini licuisset non insanire. Contra peccata furio-
 rum ex ignorantia in se et sua causa inuincibili
 proficiscuntur, quum nec sciant emota mente,
 quid agant, nec per eos omnino steterit, quo mi-
 nus furerent. Vera sunt haec omnia, nec vsu suo
 in doctrina de imputatione destituuntur: at prior
 tamen vix dici potest INVINCIBILIS, quum potuisset
 euitari, si mens non laeua fuisset. Rem optime
 explicat Aristoteles *Nicomacheor. III, 7.* dum le-
 gem memorans Pittaci, quae ebriis peccantibus
 duplicem poenam irrogari iusserat, statim subiicit:
 τῶς μεθύουσι διπλὰ τὰ ἐπιτίμια· ἡ γὰρ ἀρχὴ
 ἐν αὐτοῖς κύριος γὰρ τῆ μὴ μεθυσθῆναι τὰτο
 δ' αἵτιον τῆς ἀγνοίας. *In ebrios duplex poena con-*
stituta est: principium enim in ipsis est. Nam situm
in iis erat, ne ebrii fierent. Ebrietas autem causa
inscientiae est. De ipsa Pittaci lege videndi Diog.
Laert. I, 76. et Plutarch. in Conuiu. sept. sap. p. 155.

§. LI.

Quid
volun-
tas?

Progredimur ad alterum actionum humana-
rum liberarumque principium, VOLUNTATEM,
(§. XXX.) quae est illa mentis nostrae facultas,
qua adpetimus bonum, malumque auersamur.
Ut adeo verissimum sit, intellectum circa ve-
rum et falsum; voluntatem circa bonum et
malum occupari. Nam et veritatis non ob
aliam causam cupida est voluntas, quam qua-
tenus bona est, nec falsum, quia falsum, sed
quia simul malum est, auersatur. *)

*) Sic nemo sanus praescire cupit calamitates sibi im-
minentes, quia si vel maxime vera esset haec
scientia, mentem tamen illa ante tempus ve-
hementer excrucialet, et sic bona videri non
posset. Contra fabularum cupidissimi sunt pueri,
quamuis eas fictas esse subolfaciant, quia eas vel
ad componendos mores, vel ad animum saltem
oblectandum comparatas esse, intelligunt, easque
proinde bonas esse existimant.

§. LII.

Eius
actus et
natura.

Ex ea ergo definitione colligimus, 42) non
posse voluntatem quidquam adpetere, nisi
quod ei tamquam bonum ab intellectu sisti-
tur: nec 43) auersari, nisi quod ei tamquam
malum ab eodem repraesentatur. 44) Quo ma-
gis quodque nobis bonum malumue videatur:
eo vehementius nos illud adpetere vel auer-
sari, ac proinde 45) contingere posse, ut mi-
noris boni adpetitio vel minoris mali auersa-
tio, proposito maiore malo bonouae, cohi-
beatur. 46) Auersationem non in sola adpe-
titionis priuatione consistere, sed coniunctam
esse cum aliquo positiuo, *) quod VOLUNTA-

TEM

TEM VEL RECLINATIONEM VOCAT V. C. Henr. Koehler. *Exerc. iur. nat. §. CLXVII. sequ.*

- *) Quemadmodum Icti accurate distinguunt *non nolle et velle: l. 3. D. de reg. iur.* ita non minus discerni debent *non velle vel non adpetere, et nolle, seu auersari.* Multa sane non vult sapiens, a quibus tamen non omnino abhorret. Non adpetit immortalitatem, quam natura; non imperium, quod nascendi fors negavit: nec tamen res illas auersatur, sed magnas ac praeclaras esse iudicat. Non vult, quod non capit eius conditio, quamvis ab eo non abhorreret, si caperet. Ita quamquam regnum nec voluit, nec adfectauit intentus operi diurno hortulorumque sterilibus herbis repurgans Abdolominus, illud tamen nec noluit, nec adspersatus est, quum se regem salutare, regiaeque vestis insignibus exornari, animaduerneret. Curt. *de gest. Alex. III, 1.*

§. LIII.

Nec minus ex ea definitione patet, 47) *Eiusdem* hominem, quod ad voluntatem attinet, non modo SPONTE, sed et LIBERE agere. Quum *spontaneitas et libertas.* enim SPONTANEITAS sit facultas se ipsum dirigendi ad certum et antea cognitum finem, LIBERTAS vero facultas, ex duobus possibilibus alterutrum, prout e re videatur, eligendi: vtramque facultatem menti nostrae inesse, vel ab ipsa experientia docemur. Neque 48) obstat, hominem, quem virtus nondum in veram libertatem vindicauit, suis adfectibus cupiditatibusque adhuc seruire. Esse enim haec obstacula ita comparata, vt maiore menti proposito bono maloue remoueri superarique possint, iam supra monuimus. *) (§. LII, 45.)

- *) Sic quantacumque in fure sit contrectandae rei alienae cupiditas, ei tamen ille non succumberet, si sibi tanti criminis effecta, veluti squallorem carceris, ergastulum, flagra, equuleum, ipsam denique furcam, poneret ob oculos. Nec minus, qui voluptatibus atque otio magnopere delectantur, ad honestiora studia ac diligentiam sese illico inflammari sentirent, si, adhibita in consilium ratione, paullo expenderent accuratius, quanta sit doctrinae ac sapientiae praestantia, quanta utilitas, quam incredibilis suauitas, et quam irreparabile contra damnum cum inertia atque ignorantia coniunctum sit. Rem omnem breuiter exprimit Epictetus apud Arrian. I, 17. τίς ορμὴν νικῆσαι δύναται; ἡ ἄλλη ὁρμή; τίς δ' ὄρεξιν καὶ ἐκκλίσιν; ἡ ἄλλη ὄρεξις καὶ ἐκκλίσις. *Ecquidnam adpetitionem vincere potest? Alia adpetitio. Ecquidnam inclinationem ac propensionem? Profecto alia inclinatio ac propensio.* Id quod eodem, quo nos vsi sumus, furis exemplo illustrat Simplic. ad Epictet. Enchir. Cap. I. p. 22.

§. LIII.

An eam
impe-
diat
tempe-
ramen-
tum.

Hinc 49) illi voluntatis humanae libertati non officit constitutio corporis, quam TEMPERAMENTVM vocant philosophi. (*Elem. phil. mor. §. LI. sequ.*) Quamuis enim mens a corpore diuersimode adficiatur, (*ibid. §. XXXXV.*) et ad certa vitia reddatur procliuior: ista tamen determinatio non magis in coactione consistit, quam homo cogitur ad prodeambulandum, dum eum sudum coelumque serenius inuitat. Quis enim negauerit, voluntatem omnia integra habere, illasque verni solis blanditias non impedire, quo minus e duabus causis, quarum vna deambulationem suadet, altera dissuadet, praegnantiori adsentiat?

§. LV.

§. LV.

Idem porro 50) dicendum videtur de AD-
 FECTIBVS, id est, commotionibus voluntatis
 ex repraesentatione boni malique ortis. Quam-
 uis enim mens, quod ad primum motum at-
 tinet, passiuè se habeat: reliqua tamen in eius
 potestate sunt, puta, vt obftet principiis, ne mo-
 tum istum adprobet, nec primam animi incita-
 tionem ad impetum peruenire patiatur. Quod
 51) et de MORIBVS, id est propensionibus, diu-
 turna consuetudine firmatis, repetendum vi-
 detur. Tamen si enim et hi paullatim veluti
 in naturam abeunt, *quam si expellas furca,*
tamen vsque recurret: Horat. Epist. I, 10. v. 24.
 non tamen vel emendari non possunt, *) vel
 non vinci saltim, si quis libertate sua vti velit.

An ad-
 fectus et
 mores?

- *) Mores sunt propensiones et adfectus, diuturna
 consuetudine firmati. (*Elem. philos. moral. §.*
LXVIII.) Quod diuturna consuetudine adsci-
 uimus, id procul dubio desuetudine paullatim in-
 umbrari atque aboleri potest, si ea in re tantum
 adhibere diligentiae velimus, quantam adhibui-
 mus, dum illam primum contraximus. Quo per-
 tinet elegans, quam iam Hertius ad Pufendorffium
 laudauit, sententia Aristophanis in *Vespis*.

Τὸ γὰρ ἀποσῆναι χαλεπὸν
 φύσεως, ἣν ἔχει τις αἰεί.
 Καὶ τοὶ πολλοὶ τὰυτ' ἔπαθον
 ξήνωντες γνώμας ἐτέρων
 μεταβάλλοντες τὰς τρόπας.

*Vsu quo fueris diu,
 Mutare ingenium, graue est.
 Multos inuenias tamen,
 Qui mores moniti suos
 Mutarunt melioribus.*

§. LVI.

An vis
externa?

Denique 52) EXTERNA VIS tantum abest, ut libertate sua priuet voluntatem humanam, ut illa vel maxime argumento sit, eam esse liberam. Quamuis enim fieri possit, ut aliquis vi prohibitus, quod vult, non agat: nulla tamen vi impediri poterit, quo minus quod vult, velit, vel compelli, ut quod non vult, velit. *) Immo si intellectus bonum, quod actionem sequitur, tamquam maius malo imminente, repraesentet: nulla vis externa hominem ab eo, quod semel animo concepit, absterrebit, eumque *nec ciuium ardor praua iuuentium, nec vultus instantis tyranni mente quatiet solida*. Vid. illust. Wolffius *Metaphys.* §. DXXII.

*) Id quoque obseruauit Epictetus apud *Arrian. I, 17*. Postquam enim adpetitionem non nisi alia adpetitione vinci posse docuit: statim subiicit: Ἄν μοι, Φησὶ προσάγῃ θανάτῃς, φόβον ἀναγκάζει με ὃ τὸ προσαγόμενον, ἀλλ' ὅτι δοκεῖ σοι κρείττον εἶναι ποιῆσαι τι τῶτων, ἢ ἀποθανεῖν. Πάλιν ἔν τὸ σὸν δόγμα σε ἠνάγκασε, τῷ τέστιν προαίρεσις προαίρεσιν. At, inquit quis, qui mihi mortis proponit metum, me cogit. Profecto non, quod imminet, in causa est, sed quia tibi satius videtur, aliquid eorum facere, quam mortem oppetere. Quare tua te opinio coegit, id est, voluntas vicit voluntatem.

§. LVII.

Voluntas vel antecedens vel consequens.

Ex quo colligimus, 53) non reiiciendam esse distinctionem voluntatis ANTECEDENTIS et CONSEQUENTIS, quarum illa sine contemplatione περιστάσεων, quae sese tempore actionis exferere

ferere possunt, decernit: haec actionem circumstantiis, quae sese tunc exserunt, attemperare statuit. Quare 54) voluntas consequens ab antecedente diuersissima videtur, quum tamen vtraque sibi inuicem non refragetur. Ita verum est, et pacem velle Deum, et eundem bellum, certis positis circumstantiis, non improbare.

§. LVIII.

Praeterea inde intelligitur, 55) SPONTANEAS Actio-
nes esse actiones, quae proficiscuntur ex mente, sponta-
neae, in-
uitae,
vltro-
neae,
coactae,
mixtae. se ipsam ad certum finem, antea cognitum, determinante: 56) INVITAS, quae a mente se ipsam determinante non proueniunt. (§. LIII.) Porro 57) spontanearum alias VLTRONEAS esse, ad quas patrandas nulla hominem necessitas extrinsecus impulit, alias 58) COACTAS, quas quis, tali urgente necessitate, patrauit: (§. LVI.) nihil autem 59) caussae esse, cur addamus MIXTAS, quippe quae quum itidem, necessitate extrinsecus urgente, fiant, *coactis* quam commodissime accensentur. *)

- *) MIXTAS actiones vocant, quas quidem patrare vult homo, sed ita, vt eas omittere mallet, nisi vrgeret necessitas. Tale quid animaduertimus in iis, qui iactum faciunt imminente naufragio, de quibus Lucret. *de rer. nat. Lib. II. v. 277.*

*Iamne vides igitur, quamquam vis extrema multos
Pellit, et inuitos cogit procedere saepe,
Præcipitesque rapit, tamen esse in pectore nostro
Quiddam, quod contra pugnare obstareque possit?*
Enimvero idem in omni actione coacta contingit. Nulla enim vis externa tanta esse potest, vt nos adigat ad volendum, quod nolumus, vel quod volumus, auersandum: (§. LVI.) adeoque omnis actio coacta mixta omnisque mixta coacta est.

Quis

Quis vero probaret diuisionem, cuius membra ad-
eo non disiuncta sunt, vt potius vnum de altero
praedicetur? (*Elem. log. §. XLVII, 2.*)

§. LVIII.

Actio-
nes in-
uitae in-
uolunta-
riae; co-
actae
volun-
tariae
sunt.

Hinc 60) verum quidem est, nullam actio-
nem *inuitam* esse voluntariam: (§. LVIII, 56.)
at 61) negari nequit, voluntarias esse actiones
coactas, quia, quamuis non agere malle-
mus, nisi nobis repraesentaretur malum atrocius,
voluntas tamen hanc actionem vere decernit.
Ex quo porro consequitur, 62) vt non male
philosophati sint veteres Iureconfulti, dum,
COACTVM etiam VELLE, statuerunt. *l. 21. §. 5. D.
quod met. caus.*

CAP. III.

DE NORMA ACTIONVM HVMANA-
RVM, VEROQUE IVRIS NATV-
RALIS PRINCIPIO.

§. LX.

Qualem
esse o-
porteat
actio-
num hu-
mana-
rum
nor-
mam?

Non ita comparatam esse naturam homi-
nis, vt actionum liberarum norma ac
regula carere possit, iam supra a nobis
demonstratum est. (§. III. sequ.) Ibidem ve-
ro ostendimus, illam normam esse desitutam,
neque functuram officio suo, nisi et *recta, cer-
ta ac constans*, et cum *obligatione*, eaque non
interna, sed *externa*, coniuncta sit. In talem
vero normam, in quam hae virtutes omnes
manifesto cadant, iam paullo accuratius erit
a nobis inquirendum. *)

*) Nolim vero confundas NORMAM actionum humana-
rum, et PRINCIPIVM IVRIS NATURALIS. Illa enim est
prin-

principium, quod *essendi* vocant philosophi, quodque nobis *principium obligationis* est. Per hoc intelligimus *cognoscendi principium*, id est, propositionem quamdam, ex qua, ad quid obligati sumus, illico adpareat. Sunt haec et in rebus publicis diuersa. Nam *principium obligationis*, quae ciuibus reipublicae omnibus incumbit, est voluntas summae in qualibet republica potestatis, eaque simul *norma* est, ad quam omnes et singuli actiones suas componere tenentur. At si quaeras, vnde cognosci atque intelligi possit illa summae potestatis voluntas? ad leges te omnes remittent, eaeque adeo vnum et adaequatum erunt *cognoscendi principium*.

§. LXI.

Normam illam vel *in nobis* ipsis, vel *extra nos*, exsistere oportet. In nobis si reperiretur, illa non alia esse posset, quam vel intellectus ac conscientia, vel ipsa voluntas nostra. At neutra mentis facultas semper recta, neutra certa, neutra constans atque immutabilis est. Ergo nec alterutra, nec vtraque, normae actionum humanarum officio recte fungetur. Ex quo sane consequitur, 1) vt norma illa actionum nostrarum non in nobis, sed extra nos, omnino quaerenda sit.

§. LXII.

Extra nos cum aliae res creatae, exsistunt, tum ipse rerum omnium auctor DEVS. Quum vero quaeramus actionum humanarum normam cum obligatione externa coniunctam, (§. VIII.) et per rectam rationem vniuerso generi humano promulgatam: (§. XI.) obligatio vero externa in entis cuiusdam, cuius imperium agnoscimus, voluntate consistat, (§. VIII, 10.) denique nullum sit ens, cuius imperium magis

Ea non
in nobis,
sed extra
nos
quaerenda
est.

Et quidem
in voluntate
Dei.

magis agnoscere teneamur, quam DEVS optimus maximus, (§. X.) isque solus etiam per rectam rationem, cuius ipse auctor est, aliquid promulgare possit: consequens est, 2) vt sola VOLUNTAS DEI sit norma actionum humanarum, omnisque naturalis obligationis, quin et omnis iustitiae, principium. *)

*) Incidimus itaque in sententiam viri illustrissimi, iam supra a nobis laudati, SAMVELIS a COCCENS, qui in laudatis dissertationibus (§. X. *) hoc principium non solum solidissimis rationibus demonstravit, sed et ab aduersariorum stricturis erudite vindicauit, in primis *Dissert. I. quaest. II. §. VI. sequ.* vbi §. XXXIII. p. 31. sequ. etiam veterum, idem sentientium, testimonia quamplurima accumulat, quorum maxime notabilia sunt Xenophon- tis, Sophoclis et Ciceronis, quae, quum dissertationes illae doctissimae omnium manibus terantur, hic non repetimus.

§. LXIII.

Volun-
tas Dei
norma
est recta,
certa,
con-
stans, et
obliga-
toria.

Neque dubitari potest, 3) quin haec norma RECTA sit, quum nihil velle possit ens infinite bonum ac sapiens, nisi quod vere bonum est: 4) quin eadem sit CERTISSIMA, quum omnibus per rationem innotescat: 5) quin sit CON- STANS, quia non magis mutari potest volun- tas Dei, quam ipse Deus, et, per quam illam promulgauit, recta ratio. Denique 6) quin sit OBLIGATORIA, quum et Deo iustissimae causae sint, obsequium a nobis exigendi, et nul- lae sint hominibus rationes, cur se illius impe- rio subtrahere vel velint, vel possint. (§. X.) Ex quo simul patet, 7) non omnem Dei vo- luntatem, sed obligatoriam tantum, pro nor- ma actionum humanarum esse habendam. *)

*) Quam

- *) Quam late pateat DEI VOLVNTAS, accuratius ab iis, qui theologiam naturalem tradunt, explicatur, imprimis a Ruaro Andala *Theol. nat. Part. II. Cap. VIII. §. VI. sequ.* et celeb. Wollfio *Theol. nat. Part. I. tot. Cap. III.* Sane quum voluntatis diuinae obiectum sit primum ipse Deus, dum perfectiones suas amat, adprobat, in iis adquiescit, deinde vniuersus mundus, quem vult esse, certis legibus moueri, conseruari, tum omnia reliqua contingentia, praeterita et futura: hic tantum intelligimus *voluntatem Dei circa actiones rerum creaturarum intelligentium, vel edendas, vel omittendas*, eamque vocamus OBLIGATORIAM.

§. LXIII.

Quum vero VOLVNTAS DEI OBLIGATORIA, quam vnicam actionum humanarum normam esse ostendimus, sit voluntas Dei circa actiones rerum creaturarum intelligentium, vel edendas, vel omittendas: (§. LXIII. *) consequens est, 8) vt ea contemplatione hominis recte etiam vocetur LEX DIVINA, quippe quae nihil aliud est, quam voluntas entis supremi, sub comminatione poenae, vel proposito praemio, certas actiones vel praecipientis, vel prohibentis. (§. VIIII, II.) 9) Vt, quum et aliae leges diuinae, per reuelationem hominibus promulgatae, dentur, quas POSITIVAS vocant, hae, quia natura homini innotescunt, merito NATVRALES adpellentur, et prout aliquid praecipiunt, vel prohibent, vel permittunt, IN ADFIRMATIVAS, NEGATIVAS et PERMISSIVAS recte discescantur.

Eadem
et lex di-
ci potest
ratione
homi-
num.

§. LXV.

§. LXV.

Ex voluntate
Dei etiam diuina iustitia recte potest explicari?

Quumque haec diuina voluntas, seu lex diuina naturalis, omnis iustitiae sit fons et principium: (§. LXIII, 2.) sequitur 10) vt omnis actio, non modo humana, sed et diuina, huic voluntati diuinae attemperata IVSTA sit, ac proinde 11) male huic doctrinae opponatur, nullam fore Dei iustitiam, si non aliud statuatur iuris naturae principium, quam DEI VOLUNTAS. *)

*) Exprobrare hoc viro illustrissimo, SAM. DE COCCEIIS, non dubitauit auctor *Observationum Hanouerandarum Obs. VIII: Periculosa etiam alia ex his dogmatibus consequuntur, qualia a quibusdam minus circumspecte iam dudum sunt iactata, veluti nullam esse ipsius Dei iustitiam. Nam si ius est nihil aliud quam iussum creatoris, vel eius, qui potentia sua cogere potest: manifestum est, in ipso Deo iustitia rationes cessare, quum cogi nequeat, et posse eum iure damnare innocentem, beare sceleratum. Quibus admissis, in iustitiae consideratione restabit timor Dei, amor cessabit. Enimuero quum Deus nihil velit, nisi quod aequum et iustum est: quidni ex voluntate Dei explicari posset etiam diuina iustitia? Cessat quidem circa Deum ratio iussus et coactionis, adeoque obligatio externa: sed eadem et in summis imperantibus cessat, quod attinet ad leges suas. Quamuis enim illis obstrictus non sit princeps, cui ἀνυπεύθυνον est imperium: tamen eum dicimus IVSTVM, si suum cuique secundum leges suas tribuit. Quidni ergo et Deum ideo dicamus IVSTVM, quod hominibus ius suum secundum voluntatem, seu LEGEM SVAM tribuat? Homo ergo dicitur IVSTVS, qui VOLVNTATI DEI, per modum legis promulgatae, obsequium praestat. Deus vero IVSTVS est, quia secundum VOLVNTATEM SVAM sine coactione et lege suum cuique tribuit. Nec periculum est, ne Deus damnet innocentem,*

sceler-

sceleratum beet. Ita enim non ageret secundum voluntatem suam, qua nihil vult, nisi quod iustum, aequum, et perfectione sua dignum est.

§. LXVI.

In eo tamen 12) maximum discrimen inter Diffe-
DIVINAM et HVMANAM intercedit iustitiam, quod rentia
quum in illa legis et coactionis ratio omnis ces- normae
set, (§. LXV. *) haec inuoluat rationem legis iustitiae
et coactionis, (§. LXIII, 8.) ac proinde 13) diuinae
voluntas diuina, quatenus hominibus pro et hu-
actionum norma est, coniuncta sit cum com-
minatione poenae, seu mali cuiusdam, iis a
Deo repraesentandi, qui, voluntati suae non
praestent obsequium. Quamuis 14) ea poena
etiam positiua *) non, vt in legibus humanis,
certa et definita, sed plerumque indefinita sit,
Deusque eam suae sapientiae ac iustitiae refer-
uarit.

- *) Qui omne malum passionis, quod malum sequitur actionem, et cum hac connectitur, POENAM appellitant, hi illam recte diuidunt in NATURALEM et POSITIVAM Clariss. Koehler. *Exercit. iur. natur.* §. CCCLXII. *sequ.* Sed si per poenam intelligas malum passionis, quod ipsa lex diuina peccantibus comminatur: poena positiua tantum poenae nomine *κρίσις* veniet. *Naturalem* et athei agnoscunt: *positiuam* non nisi ii, qui et existere Deum, et rerum humanarum curam gerere, statuunt. Iam quamuis poena positiua definita non sit: vel ipsa tamen recta ratio satis nos conuincit. Deum non posse non hominibus et poenas, et praemia rependere, prout actiones voluntati eius vel non attemperant, vel attemperant. Id enim *ἀμείσως* ex idea iustitiae diuinae fluit, et admissum est ab omnibus, qui in dubium non vocarunt diuinam prouidentiam. Xenophon Memorab. *Secr. I, 4. 16.*

οἱ δ' ἂν τὰς θεὰς τοῖς ἀνθρώποις δοῶσαν ἰμ-
 Φῦσαι, ὥς ἱκανοὶ εἰσιν εἶ καὶ κακῶς ποιῶν, εἰ
 μὴ δυνατοὶ ἦσαν; καὶ ἀνθρώπος ἐξαπατω-
 μένης τὸν πάντα χρόνον ὀδέσσοι ἂν αἰδέσθαι;
*Num arbitraris, Deos hominibus opinionem inditu-
 ros fuisse, quod et beneficiis et poenis adficere pos-
 sint, si non reuera id possent? et homines, perpetuo
 deceptos, horum nihil unquam sensisse?*

§. LXVII.

Vt nor-
 mam il-
 lam rite
 adplice-
 mus, op-
 pus est
 certo ius
 naturae
 cognos-
 cendi
 princi-
 pio.

At quum dubitari vix possit, quin norma
 actionum humanarum non alia esse possit,
 quam voluntas, vel lex Dei: (§. LXIII.) iam
 porro merito quaeritur, quo pacto illam quam
 facillime cognoscamus? Et sane dum eam per
 rectam rationem vniuerso humano generi pro-
 mulgatam esse, omnes fatentur, (§. XI, 16.)
 recta vero ratio nobis est facultas ratiocinandi,
 veritatesque alias ex aliis per necessariam con-
 cludendi rationem eliciendi: (§. XV.) facile
 patet, 15) dari aliquam veritatem vel proposi-
 tionem, ex qua per necessariam concludendi
 rationem, quid voluntati Dei consentaneum,
 adeoque iustum sit, elici possit, adeoque 16)
 esse oportere commune aliquod ac generale ius
 naturae COGNOSCENDI PRINCIPIVM. *)

*) Id quomodo ab ipsa norma differat, iam supra
 (§. LX. *) ostendimus. Quum vero principii vo-
 cabulum latius acceperit illustrissimus SAM. DE COC-
 CEIIS: in *λογωμαχίαν* abit, quidquid ei obuertit
 clarissimus Iac. Fridr. Ludouici. Quomodo enim
 illa voluntas Dei nobis innotescat, ipse vir illu-
 strissimus *Diff. I. quaest. III.* ostendere conatus est,
 adeoque manifesto distinxit *voluntatem Dei*, tam-
 quam normam et principium essendi, quod vo-
 cant,

cant, iuris naturae, a mediis intelligendi et probandi voluntatem Dei, adeoque a principio cognoscendi.

§. LXVIII.

Quumque omne cognoscendi principium ita comparatum esse oporteat, vt sit VERVM, EVIDENS atque ADAEQUATVM: Consequens est, 17) vt et iuris naturae principium debeat esse VERVM, ne si illud vel falsum sit, vel in nuda fictione consistat, tales etiam conclusiones ex illo eliciantur. 18) Vt idem EVIDENS esse oporteat, et 19) ita quidem, vt non modo a docto aliquo, sed et a quolibet plebeio, quippe qui aequae, ac ille, ad obsequium iuri naturali praestandum obstrictus est, perspicui atque intelligi possit. *) Denique 19) vt esse debeat ADAEQUATVM, omniaque officia tum hominum, tum ciuium, non modo Christianorum, sed et a Christiana pietate alienorum, inde prono alueo fluant.

Idque
verum,
euidens,
atque
adae-
quatum
esse o-
portet.

*) Quemadmodum ergo suspectae sunt iusto subtiliores existentiae DEI demonstrationes, quia illa veritas ita comparata esse dicitur, vt et plebeius quisque ad eam animo concipiendam obstrictus sit, ac proinde Apostolus eum palpando inueniri posse docet, quippe *ὅ μακρὰν ἀπο ἐνὸς ἐκάστῃ ἡμῶν ὑπάρχοντα*, non longe absentem ab unoquoque nostrum: Act. XVII, 27. ita vix suspitione caret subtile nimis iuris naturalis principium, quum ἀναπολόγητοι sint omnes, etiam indocti, et subtiliori philosophiae non adsueta, si contra ius naturae peccauerint.

§. LXVIII.

Itaque 20) iuris naturalis principium quare non possumus in conuenientia actionum
D 2 nostra-
Vnde
hoc
princi-
pium

non est
in san-
ctitate
Dei
quae-
rendum.

nostrarum cum sanctitate Dei: quia, si vel maxime largiamur, veram esse hanc propositionem, ea tamen nec euidens est, nec ita comparata, ut omnia officia vel hominum, vel civium, inde elici probarique possint. *)

*) Quam obscura enim sit sanctitatis diuinae idea, siue eam in sensu theologico, siue in iuridico, accipias, iam ostenderunt Sam. Pufendorff. *Specim. Contron. IV, 4.* Thomaf. *Fundam. iur. nat. et gent. I, 6, 11. sequ.* Et quam multa sunt officia, quorum ἀρχήτων in Deo non reperimus? e. g. gratus animus erga benefactores, reuerentia erga superiores, redditio crediti, similia.

§. LXX.

Nec in
ipsa a-
ctionum
huma-
narum
iustitia
vel ini-
iustitia.

Nec magis 21) sufficit propositio, id, quod sua natura iustum est, esse faciendum, quod sua natura iniustum, fugiendum. Quamuis enim iam supra a nobis concessum sit, actiones quasdam in se suaque natura bonas, vel malas, et ad illas amplectendas, has fugiendas, hominem intrinsecus obligari: (§. VIII.) falsum tamen est, actionem vllam intrinsecus et antecederet ad legem iustam esse. * (§. VII.) Ut iam non dicamus, nec euidens esse hoc cognoscendi principium, nec omnia hominis ac civis officia inde posse deriuari.

*) Ad actiones enim iustas obligatione externa impellimur. (§. VII.) Obligatio externa consistit in entis, cuius imperium agnoscimus, quodque actiones quasdam sub comminatione poenae prohibeat praecipiatque, voluntate. (§. VIII, 10.) Quum vero talis voluntas sit IEX: (§. VIII, 11.) nulla actio iusta iniustaque esse potest sine lege, adeoque non datur actio, intrinsecus et antecederet ad legem iustam, sed, quia legi conuenit, ideo iusta habet.

habetur, quemadmodum ideo iniusta est actio, quod legi refragatur, et hinc omne peccatum ἀνομία, seu legis transgressio, vocatur. I. Epist. Ioann. III, 4.

§. LXXI.

Nemo porro 22) temere suffragabitur viris doctis, a quibus gentium vel omnium, vel humaniorum, consensus pro principio iuris naturalis habitus est. Nam nec *verum* est, id, in quo gentibus inter se conuenit, etiam voluntati diuinae conuenire: *) nec omnibus *euidens* est ille gentium consensus, quippe ex multis veterum et recentiorum scriptorum testimoniis colligendus, nec tam *adaequata* haec videri potest propositio, vt omnia hominum ciuiumque officia inde pronò alueo fluant.

Nec in
con-
sensu o-
mnium
gentium

- *) Ita ius gentium voluntarium, quod vocat, probandum iam olim censuit Cic. *Tusc. Disp. I, 13. Omni in re consensio omnium gentium lex naturae putanda est.* Eidem principio postea permultum tribuit Grot. *de iure belli et pac. prolegom. §. XL.* vbi de modo probandi ius naturae et gentium ex instituto differens: *Vsus sum, inquit, ad iuris huius probationem testimoniis philosophorum, historicorum, poetarum, postremo et oratorum, non quod illis indiscrete credendum sit, (solent enim sectae argumento causae seruire:) sed quod, vbi multi, diuersis temporibus et locis, idem pro certo adfirmant, id ad causam vniuersalem referri debeat: quae in nostris quaestionibus alia esse non potest. quam aut recta illatio, ex naturae principii procedens, aut communis aliquis consensus. Illa ius naturae indicat: hic ius gentium.* Enimvero in multis mirum gentium paene omnium consensum deprehendimus, quae nemo iuris naturae vel gentium esse dixerit, veluti in πολυθεότης, idololatria, sacrificiis, latrocinis, extra cuiusque rempublicam

licitis. x. τ λ. Deinde difficillime hic gentium consensus ostenditur. ipso fatente Grotio I, 1. 15. *Latius autem patens est ius gentium, id est, quod gentium omnium aut multarum, voluntate vim obligandi accepit. Multarum addidi, quia vix vllum ius reperitur, extra ius naturale, quod ipsum quoque gentium dici solet omnibus gentibus commune. Immo saepe in vna parte orbis terrarum est ius gentium, quod alibi non est, vt de captiuitate ac postliminio suo loco dicemus. Quam multa ergo sunt officia, quae ex consensu gentium demonstrari a nemine possunt?*

§. LXXII.

Nec in
septem
Noachi
praecep-
tis.

Quemadmodum vero, qui ius naturae vel gentium ex illa gentium consensione deriuandum existimant, non modo principium minus verum, ineuidens ac inadaequatum adsumunt, sed et simul μεταβασις εις άλλο γένος committunt, dum ius naturae non ex ipsa natura, sed ex gentium traditione, deriuare conantur: ita 23) iisdem vitiis laborare ius naturae et gentium Hebraeorum, quod ex praeceptis Noachi vel promanare, vel probari posse existimant, iam supra, quantum satis est, ostendimus. (§. XVI.)

§. LXXIII.

Nec in
iure om-
nium
in om-
nia,
vel stu-
dio pacis
exter-
nae.

Quid porro 24) dicamus de tota illa Tho. Hobbessii philosophia, quam tum in libello de ciue, tum in Leuiathane, quem vocat, proposuit? Dum enim vir ille doctus in statuta naturali ius esse omnium in omnes esse docuit, nec veram posuit propositionem, nec euiden-tem, nec adaequatam, quum officia erga Deum et seipsum inde deduci nullo modo possint. Immo

Immo hoc ipso, dum se ius naturae hoc modo explicaturum promittit, illud plane sustulit eueritque, ceu ostendit celeb. Henr. Coccei. *Diff. de iure omn. in omnes*. Ex quo simul patet, 25) quid statuendum sit de altero principio, quaerendam esse pacem externam, si haberi possit, sin id minus fieri possit, belli circumspectiunda esse auxilia. Nam et hic, veluti sub sipario, latitare Hobbesium, nemo non intelligit. *)

*) In primis vel maxime inevidens est hoc principium
 Quid enim sibi vult illa limitatio: *Si haberi possit?*
 Quam facile ea, quocumque modo explicata, abutentur homines litigiosi, seque pace, invito altero, frui non potuisse conquerentur? exemplo lupi, qui sibi turbatam ab agno aquam, causabatur. Phaedr. *Fab. I, 1*. Vere nescio quis cecinit:

*Sic nocet innocuo nocuus, causamque nocendi
 Inuenit. Heu regnant qualibet arte lupi.*

Observauit hoc illius principii vitium iam celeberrimus Thomaf. in *Fundam. iur. nat. et gent. I, 6, 18*.

§. LXXIII.

Magna *veritatis* pietatisque specie blanditur
 26) principium VAL. ALBERTI, theologi et philosophi Lipsiensis de statu integritatis: quamuis ne id quidem *verum* esse, iam alii ostenderint. Pufend. *Specim. controu. IIII, 12*. et Thomaf. *Iurispr. diuin. IIII, 40. sequ.* Sed si vel maxime largiamur, vere iuris naturae esse, quae statui illi primæuæ integritatis conueniunt: quam *inevidens* non modo paganis, sed et ipsis Christianis, hoc sit principium, nemo non intelligit. Denique quum ex illo principio explicari nequeat, quae sint iura civita-

Nec in statu integritatis.

tis, belli, contractuum, similiaque plurima, quibus fortassis in statu illo felicissimo vix locus fuisset: quis *adaequatum* esse hoc principium, dixerit?

*) Quam pauca enim sint, quae sacrae litterae de imagine Dei statuque integritatis inculcant, res ipsa docet. De iis quoque, quae nobis de eo statu reuelata sunt, ipsi Christiani, ex quo in sectas discesserunt, quam maxime inter se dissentiunt. Quid dicamus de Iudaeis? quid de paganis ipsis priscis ac hodiernis? Seruarant illi fabulam de saeculo aureo, quam quidam ex traditione de statu paradisiaco natam existimant. Hi aliis commentis, quae doctrinae Christianae de imagine Dei quodammodo similia sunt, delectantur, de quibus erudite suo more differit Petr. Dan. Huet. *Quaest. Alnetan. II, 11. p. 172.* Sed quum haec omnia non parum inter se discrepent: sane nec Christianus Iudaeo vel pagano, nec hi Christiano ulli persuadebunt, esse hoc vel illud iuris naturae, quod ipsi ex traditionibus vel reuelationibus suis de statu integritatis vel paradisiaco deriuarunt. Opus ergo est principio Christianis cum Iudaeis et paganis communi, quod non aliud profecto esse potest, quam quae omnes mortales praeditos esse nouimus, recta ratio.

§. LXXV.

Nec in
sociali-
tate.

Mirifice non modo GROTIUS ET PVFENDORFFIO, sed et veteribus plerisque, *) placuit principium socialitatis. Nec negari potest, quod infra ex instituto demonstrabimus, homines iam ita esse comparatos, ut eos viuere oporteat socialiter. At 27) falsum tamen est, esse hoc totius iuris naturae principium, *verum, euidens* atque *adaequatum*. Quae in re demonstranda quum otium nobis iam fecerit vir illustrissimus atque excellentissimus, SAM. DE COCCEIIS

de

de princ. iur. nat. diff. I. quæst. II. §. IX. sequ. id vnum addimus, officia erga Deum et nos ipsos pleraque locum esse habitura, si vel maxime homo solus, et extra omnem societatem humanam, in hoc terrarum orbe viueret.

- *) Societatis custodiam, tamquam verum iustitiæ fontem, iurisque naturalis principium iam olim laudarunt Cicero *de Legib. I, 5. de Offic. I, 16. sequ.* Seneca *de Benefic. III, 18.* Iamblich. *in Protrept. Cap. XX.* et alii, quorum testimonia accumulauit Pufend. *de iure nat. et gent. II, 3, 15.* et lo. Henr. Boecler. *in Grot. prolegom. pag. 48. sequ.* Quamuis vero in hoc principium et olim et nostra memoria plures consenserint: inter eos tamen parum conuenire animaduertimus de ratione, cur ad societatis custodiam obstricti sint homines, aliis homines natura duce ad illam ferri, aliis iussu Dei O. M. illam colendam esse, aliis denique ipsam necessitatem homines ad vitam socialem compellere, statuentibus.

§. LXXVI.

Sunt et alia, quæ alii iactant, iuris naturalis principia, veluti 28) ordo naturalis, quem creator in condendo hoc terrarum orbe intendit, 29) vtilitas humani generis, 30) theocratia moralis, et similia. *) Sed ne illa quidem vel euidentia, vel adaequata esse, inter omnes constat. Quin in his quaedam, non nisi adhibita cautione, tamquam vera admitti posse, nemo temere negauerit.

Nec in ordine naturæ, similibusque hypothesis.

- *) Ordinem illum naturæ post Sfort. Pallaucinum verum ac genuinum iuris naturalis principium esse docuit Henr. Bodin *in Diff. de iure mundi*, edita primum Rinthel. anno MDCLXXX. recusa Halæ MDCLXXXVIII. sed ex instituto refutata a cel. Thomasio *de fundam. definiendi causss. matr. bact.*

D 5

recept.

recept. insufficient. §. XVIII. sequ. Vtilitatem humani generis pro iuris naturae principio habuerunt tum celeberrimus Leibniti^{us}, tum omnes, qui cum laudatissimo Thomasio commendarunt propositionem fundamentalem: Facienda esse omnia, quae vitam hominis reddant et maxime diuturnam, et felicissimam, et euitanda ea, quae vitam reddant infelicem, et mortem accelerent. Thomaf. *Fund. iur. nat. et gent. I, 6, 21.* Theocratiam quamdam moralem singulari dissertatione, Vltrai. MDCXCVII. edita, pro fundamento iuris naturae habuit Io. Shute, Anglus, ex qua dissertatione, satis ingeniosa, quaedam excerptit illustrissimus SAM. DE COCCEL. *de princip. iur. nat. et gent. diff. I. quæst. III. §. VIII.*

§. LXXVII.

Dei voluntas
felicita-
tem nostram
intendit.

Vt ergo, quid nobis, rem omnem paullo accuratius expendentibus, in mentem venerit, perspicue ostendamus: primo omnium observamus, 31) Deum, tamquam ens infinitae sapientiae ac bonitatis, nihil aliud velle, quam vt homines, quos condidit, vere felices sint ac beatissimi. Quum enim ipse tamquam ens perfectissimum nulla re indigeat: homines, qui soli ex rebus creatis, nobis notis, felicitatis capaces sunt, non suae felicitatis causa condidit, sed, vt eos verae felicitatis participes redderet. *)

*) Non quidem excludimus finem primum, gloriam ipsius creatoris, suarumque perfectionum, quae ex tot rebus quam sapientissime conditis clarissime elucent, manifestationem. Sed iste quidem finis est generalis, et ad totum hoc vniuersum pertinet. Cel. Wolff. *von den Absichten der Dinge. Cap. I. §. II. Cap. II. §. I.* Speciatim hominem ad quem finem condiderit Deus, ex partibus essentialibus, quas ei dedit, est iudicandum. Quem-

Quemadmodum ergo *intellectum* accepit, vt Deum naturam, omneque verum bonum cognosceret, *voluntatem*, vt Deo veroque bono frueretur, *corpus*, vt varias actiones, quae ad acquirendam conseruandamque veram felicitatem pertinent, ederet: ita exinde manifesto patet, hominem ideo condidisse Deum, vt veram cum eo felicitatem communicaret.

§. LXXVIII.

Quum ergo haec Dei voluntas sit, vt homines, quos condidit, vere felices ac beatissimi sint, (§. LXXVII.) voluntas vero Dei sit norma actionum humanarum liberarum, adeoque fons iuris naturae ac iustitiae: (§. LXII.) consequens est, 32) vt quum humani legislatores, tamquam variarum rerum indigi, in ferendis legibus, non minus suam, quam ciuium suarum, vtilitatem ob oculos habeant: Deus contra leges naturae hominum causa condiderit, nec 33) iis quidquam intenderit aliud, quam vt homines vera felicitate perfruerentur. *)

Ad eam-
que nos
lege na-
turali
obligat.

- *) Non vero ideo cum Carneade aliisque (§. LXXVI.) *solan vtilitatem iusti prope matrem et aequi esse* contendimus. Ita enim ius naturae, ex sola vtilitate natum, non esset obligatorium, quippe cui vnusquisque, vel saltim totum humanum genus, iure renunciaret, ceu praeclare docuit vir laudatissimus, Sam. de Cocceiis *diff. I. quaest. II. §. IX. sequ.* Sed quidquid verae nostrae felicitatis causa secundum ius naturae agimus, id omne agimus volente ac iubente Deo, adeoque ex obligatione, non modo interna, sed et externa, ac proinde tantum abest, vt renunciare quisquam suae vtilitati possit, vt potius non minus poenam mereatur, qui legem suo bono conditam violat, quam qui in re publica contra legem omnium singulorumque ciuium

uium bono latum, vel in eius fraudem aliquid facit.

§. LXXVIII.

Illa felicitas in fruitio-
ne boni
per amo-
rem po-
sita est:
adeoque
principium I.
N. est
amor.

Si ergo veram hominis felicitatem intendit Dei voluntas, ad eamque consequendam ius naturae comparatum est, (§. LXXVIII.) vera vero felicitas in fruitioe boni, malique absentia consistit: (*Elem. philos. mor. §. CXXXVIII.*) consequens est, 34) vt et lege naturae id intendat summum numen, vt vero bono perfruamur, malumque eitemus. Quandoquidem vero bono perfrui non possumus, nisi per AMOREM: (*Philos. mor. §. CLXXXVII.*) inde porro inferimus, 35) Deum nos obligare ad AMOREM, eumque 36) et principium iuris naturae, et 37) eiusdem veluti compendium esse. *)

*) En mirificum legis Diuinae reuelatae ac naturalis concentum. (§. XVI, 29.) Illius summam Seruator his paucis comprehendit: *Diliges Dominum, Deum tuum, ex toto corde tuo, et ex tota anima tua, et ex omnibus viribus tuis, et ex omni mente et cogitatione tua: et proximum tuum sicut teipsum. Matth. XXII, 37. Luc. X, 27.* additque: ἐν ταύταις δυσὶν ἐντολαῖς ὅλος ὁ νόμος κρέματα. Ah istis duobus praeeptis tota lex pendet. Quemadmodum et Apostoli amorem alibi vocant ἀνακεφαλαίωσιν τῶ νόμου, summam legis, nec non πλήρωμα νόμου, legis impletionem, Rom. XIII, 9. 10. alibi συνδέσμων τῆς τελειότητος, vinculum perfectionis, Col. III, 14. alibi τὸ τέλος τῆς παραγγελίας, finem praeepti. 1. Tim. I, 5. Idem ergo vero ratio docet, non aliud inculcans iuris naturae principium, quam amorem, quippe quo solo medio felicitate seu vero bono, quod Deus lege sua intendit, perfruimur.

mur. Vnde et Leibnit. *praef. Tomo I. Cod. iur. gent. dipl. praemissa P. X. si numeres*, iustitiam caritatem sapientis definit.

§. LXXX.

AMOR nobis est appetitio boni, cum percepta ex eius perfectione et felicitate delectatione coniuncta: ODIVM auersatio mali, cum percepta ex eius infelicitate voluptate coniuncta. Itaque, 38) quod amamus, ex eius praestantia et felicitate voluptatem capimus, eamque, quantum in nobis est, amplificare vel conseruare connitimur. 39) Quod contra odio prosequimur, id infelicissimum potius, quam felix ac beatum, esse cupimus.

Quid amor et odium?

§. LXXXI.

Quum ergo quod amamus, ex eius praestantia felicitateque voluptatem capiamus: (§. LXXX, 38.) per se patet, 40) amantem nihil aegre facere velle ei, quod amat: immo potius 41) dolorem inde concipere, si quis aliud tale quid audeat. Quia enim qui aegre alicui facit, vel id fieri aequo animo patitur, voluptatem ex alterius infelicitate capit, voluptatem vero ex alterius infelicitate capere idem est, ac odisse, (§. LXXX.) denique simul amare, simul odisse, contradictionem inuoluunt, adeoque vna consistere non possunt: (*Elem. philos. rat.* §. LXXXI.) consequens est, vt et consistere non possint amare aliquid, et eidem aegre facere, vel vt id fiat, aequo animo pati.

Amor alteri aegre non facit.

§. LXXXII.

§. LXXXII.

Inde amoris
primus
gradus,
quem
iustitiae
amorem
voca-
mus.

Aegre alteri fit dupliciter, vel aliquid, quod eum infeliciorem, quam natura est, reddit, faciendo: vel felicitatem, quam iam habet, eidem interuertendo. Iam quum facientes aliquid, quod alterum reddit infeliciorem, quam natura est, sit LAEDERE; interuere alteri aliquid, quod iam sibi iuste adquisiuit, et ad eius felicitatem pertinet, SVVM ALICVI AVFERRE vel DENEGARE: sequitur, 42) vt is quam maxime contra legem amoris peccet, qui alterum laedit, quodque eius est, aufert, interuertit, ac denegat, 43) vt contra infimus sit amoris gradus neminem laedere, et suum cuique vel tribuere, quod debetur, vel quod iam habet, relinquere: quem *) amoris gradum nos quidem VOCAMUS AMOREM IUSTITIAE.

*) Animaduertit hoc Seneca dum *Epist. XCV.* ait: *Quantulum est ei NON NOCERE cui debeas prodesse?* Qui alteri non nocet, tantum non sceleratus est, nondum autem eo iustitiae genere legi amoris satisfacit, quae, vt et proximus aliis, iubet, adeoque de virtute gloriari non potest. Vnde et illustis Leibnit. in *praef. Cod. iur. gent. diplom. p. VII.* tres statuit iuris naturae gradus: *iur. strictum*, quod neminem laedere, *aequitatem*, vel *caritatem*, quae suum cuique tribuere, et *pietatem*, quae omnem honestatem seruare iubeat. At in gradu secundo ab eo discessionem facimus, quia et is suum cuique tribuit, qui alteri, quod iure stricto debetur, tribuit, adeoque illud *suum cuique tribuere* non ad solam iustitiam distributiuam referendum videtur.

§. LXXXIII.

A quo
differt
alter

Deinde ex eo, quod amans ex alterius felicitate voluptatem capit, (§. LXXX.) consequitur,

quitur, 44) vt ei, quem amat, et illud libenter tribuat, quod iure stricto non debet, et tamen ad eius felicitatem pertinere animaduertit, isque multo sublimior sit amoris gradus, quem NOS AMOREM HVMANITATIS ET BENEFICENTIAE adpellamus. *) Quum vero facultatem, discernendi ea, quae ad nostram aliorumque felicitatem pertinent, SAPIENTIAM vocemus: facile patet, 45) hunc amorem humanitatis ac beneficentiae directricem veluti habere debere sapientiam.

gradus, quem amorem humanitatis et beneficentiae vocamus.

*) Et ita quidem differunt HVMANITAS et BENEFICENTIA, quod ex illa aliquid sine detrimento nostro tribuamus alteri, quod ei profuturum animaduertimus; haec nos subigat, vt ne nostris quidem rebus parcamus, vt vtilitatem adferamus alteri, adeoque et cum detrimento nostro alteri prodesse studeamus. De priori Cicero *de offic. I, 16. Omnia communia hominum videntur ea, quae sunt generis eius, quod, ab Ennio positum in vna re, transferri in multas potest:*

*Homo, qui erranti comiter monstrat viam,
Quasi lumen de suo lumine accendat, facit:
Nihilominus ipsi luceat, quum illi accenderit.*

Vna ex re satis praecepit, vt, quidquid sine detrimento possit commodari, id tribuatur vel ignoto. Ex quo sunt illa communia: pati ab igne ignem capere, si qui velit: consilium fidele deliberanti dare: quae sunt iis vtilia, qui accipiunt, danti non molesta. De posteriore Seneca totum librum composuit, quem de beneficiis inscripsit.

§. LXXXIII.

Ceterum quum, qui AMOREM IUSTITIAE alteri negat, sit sceleratus, contra, qui negat AMOREM HVMANITATIS ET BENEFICENTIAE, tantum virtutes non praestet, (§. LXXXII. *) ad Vtriusque amoris differentia ratione obligationis.

virtutem vero cogi nemo possit, quum contra scelera poenis coerceri omnino oporteat: (§. VIII.) facile patet, 46) ad AMOREM IUSTITIAE homines cogi posse, non autem 47) ad AMOREM HUMANITATIS AC BENEFICENTIAE. Quandoquidem vero obligatio, cum coactione coniuncta, PERFECTA; coactionis expers IMPERFECTA vocetur: (§. VII.) merito inde colligas, 48) ad *amorem iustitiae perfecte*; ad *amorem humanitatis et beneficentiae imperfecte* tantum nos esse obligatos.

- *) Qui obligationi perfectae satisfaciunt, *ad legem boni esse* dicuntur Senecae. Id vero exiguum quid esse docet alibi: a sapiente vero multo plus exigí, nempe ut amorem beneficentiae ostendat, etiam ubi sese nihil iure stricto debere nouerit. *Multa*, inquit, *legem non habent, nec actionem, ad quae consuetudo vitae humanae, lege omni valentior, dat aditum. Nulla lex iubet amicorum secreta non eloqui: nulla lex fidem etiam inimico praestare. Quae lex ad id praestandum nos, quod alicui promissimus, alligat? Querar tamen cum eo, qui arcanum sermonem non continuerit, et fidem datam, nec seruata, indignabor.* Sen. de benef. V, 21.

§. LXXXV.

Amor
quomo-
do ratio-
ne obie-
cti differat?

Quum porro AMOR semper adpetat bonum, (§. LXXX.) id vero, quod tamquam bonum amplectimur, vel sit ens *perfectius*, vel *nobis aequale*, vel denique *inferius* ac minus praestans: primi generis amorem DEVOTIONIS vel OBEDIENTIAE, secundi AMICITIAE, tertii BENEVOLENTIAE VOCAMUS. (*Elem. philos. moral.* §. CC.)

§. LXXXVI.

§. LXXXVI.

Amor DEVOTIONIS vel OBEDIENTIAE est amor entis praestantioris perfectiorisque, cuius praestantia ac felicitate ita delectamur, vt illud ideo omni veneratione atque obsequio prosequendum censeamus. Amor AMICITIAE amor entis nobis aequalis, cuius felicitate aequae ac nostra delectamur. Amor denique BENEVOLENTIAE amor entis inferioris atque imperfectioris, cuius felicitate ita delectamur, vt illam seruare, et quantum in ens istud cadit, amplificare studeamus.

Quid amor devotionis, vel obedientiae, amicitiae et benevolentiae.

§. LXXXVII.

Ex quibus definitionibus colligimus, 49) non posse nos aliquid amore deuotionis vel obedientiae prosequi, nisi cuius de maiore perfectione et superioritate conuicti simus: 50) Nec amorem hunc locum habiturum, nisi ens, quod illo amplectimur, ita comparatum sit, vt amari a nobis velit. 51) Eum amorem semper cum ea veneratione atque obedientia, quae ente illo eiusque perfectionibus digna sit, coniunctum esse debere. *)

Amoris deuotionis et obedientiae indoles.

- *) Est enim VENERATIO vel HONOR iusta perfectionum, quae alteri insunt, aestimatio, OBEDIENTIA, proclivitas mentis ad ea omnia, quae alter tamquam superior a nobis iure exigere potest, facienda, et quae fieri vetat, omittenda. Quum ergo et perfectionum et superioritatis gradus quam plurimi sint; etiam venerationis atque obedientiae totidem gradus esse, et, quo maior est entis perfectio ac sublimitas, eo maiorem ei venerationem ac obedientiam exhiberi oportere, facile pater.

E

§. LXXXVIII.

§. LXXXVIII.

Itemque
amoris
amici-
tiae.

Praeterea inde patet, 52) amorem amicitiae ex aequalitate nasci. Aequalitas est vel NATURAE, vel PERFECTIONVM. Hinc, illa quidem posita, 53) aequalia etiam amoris officia debentur: ac proinde 54) inter omnes natura aequales obtinere debent regulae incomparabiles, *Quod tibi non vis fieri, alteri ne feceris*: nec non 55) *Quod vis tibi ab alio fieri, id alii feceris*, Matth. VII, 12. Luc. VI, 31. Tob. III, 16. quorum prior amoris iustitiae, posterior humanitatis ac beneficentiae verum ac genuinum fundamentum est. Quia tamen, si vel maxime aequalis subiecti amantis et amati natura sit, alterutrum tamen vel perfectius, vel imperfectius esse solet: 56) fieri potest, vt hominem, tamquam nobis natura aequalem, *amore amicitiae*, simulque, tamquam perfectiorem imperfectioremue, *amore vel deuotionis et obedientiae, vel beneuolentiae* prosequi teneamur.*)

- *) Sic quamuis princeps, tamquam superior, venerationem atque obedientiam a nobis iure exigat: id tamen non prohibet, quo minus nobis officia, quae ex aequalitate naturae promanant, debeat, e.g. vt ne quem nostrum iniuria occidat, nec illi damnum det iniuria, nec contumelia nihil tale meritum adficiat, denique vt id praestet, quod in Traiano laudat Plin *Paneg. Cap. II. vt non minus hominem se, quam hominibus praeesset, meminerit.*

§. LXXXVIII.

Nec non
amoris
beneuo-
lentiae.

Denique quum amor beneuolentiae entis imperfectioris felicitatem, quanta in illud cadit, seruare atque amplificare studeat (§. LXXXVI.) consequens est, 57) vt nec ens inferius, illumue,

ue, cui in illud ius est, laedere, aut ius ei denegare debeamus: 58) Vt illi benefacere teneamur, sed adhibita prudentia: adeoque 59) profusio, et quidquid potius, quam liberalitas et beneficentia, existimanda sit, cui ratio non constat.

§. LXXXX.

Iam si entia, quae nos circumstant, omnia paullo accuratius consideremus: non nisi tria reperimus, quibus amoris quaedam officia praestare possimus, DEVM, rerum omnium conditorem, NOS IPSOS, qui nobis sane sumus proximi, ac denique ALIOS HOMINES, quos nobis natura aequales esse, animaduertimus. Quod enim ad spiritus, veluti angelos, attinet, eorum naturam ratio sola non ita perspectam habet, vt iis certa a nobis officia deberi, intelligat. Brutis vero cum hominibus nulla est iuris communio, *) adeoque ipsis nihil officii; sed Deo tantum, eorum conditori, id debemus, ne rebus ab eo creatis peruerse utamur. Pufend. *de iure nat. et gent. IIII, 3, 6.*

Quot
sint hu-
ius amo-
ris ob-
iecta?

*) Illam enim iuris communionem, ceu infra patebit, ex pacto esseporteret. At obligationis ex pacto tum actiuae, tum passivae, bruta prorsus incapacia sunt. Nec suffragari possumus Pythagoraeis et Porphyrio in libris *περί ἀποχῆς*, qui non solum sensum et memoriam, sed et mentem ratione praeditam brutis tribuebant. Quatenus tamen homines adfectum quemdam in brutis animaduertunt, eatenus illis amorem quemdam benevolentiae reddunt, vt nec facultate sua in illis occidendis abutantur, et commodiorem eorum vitam delectentur, ceu exemplo catellorum domesticorum deprehendimus. Eleganter Plutarch. in *Catone mai.* p. 339.

καίτοι χρηστότητα τῆς δικαιοσύνης πλατύτερον
τόπον ὀρώμεν ἐπιλαμβάνουσιν. Νόμῳ μὲν γὰρ
καὶ τῷ δικαίῳ πρὸς ἀνθρώπους μόνον χρεῖσθαι
πεφύκαμεν· πρὸς εὐεργεσίας δὲ καὶ χάριτας,
ἔστιν ὅτε καὶ μέχρι τῶν ἀλόγων ζώων. ὥσπερ
γὰρ ἐκ πηγῆς πλυσίας ἀπορρεῖ τῆς ἡμετέρας.
καὶ γὰρ ἵππων ἀπειρηκότων ὑπὸ πόνου, τροφαί,
καὶ κυνῶν οὐ σκυλακία μόνον, ἀλλὰ καὶ γη-
ρωκομία τῷ χρηστῷ προσήκουσιν. *Atqui benig-
nitati videmus, quam iustitiae, latiore patere cam-
pum. Leye enim et iustitia uti erga solos homines
valetur: beneficentiam et merita porrigimus non-
numquam et ad bruta animantia, quippe emanante,
velut ex largo fonte, mansuetudine. Pertinent nam-
que, equorum labore confectorum alimenta et canum
non incunabula modo, sed et senectutis cura ad mi-
tem hominey.*

§. LXXXI.

Axioma
primum
de amo-
re erga
Deum.

Quum vero DEVM optimum maximum ali-
ter concipere non possumus, quam tamquam
ens perfectissimum, a quo omnis nostra pen-
det et existentia et conseruatio, cuiusque de
perfectiōne et superioritate, immo et de vo-
luntate, ut a nobis ametur, conuicti sumus:
(§. LXXXVII.) sequitur 60) ut ei debeamus
amorem DEVOTIONIS et OBEDIENTIAE: qui quum
dignus ente perfectissimo esse debeat, 61) pri-
mum se nobis sua sponte offert axioma: DEVS,
TAMQVAM ENS PERFECTISSIMVM, ET A QVO TOTI
PENDEMVS, OMNIBVS ANIMI VIRIBVS *) COLEN-
DVS, EIQVE PERFECTISSIMVM AC INTERNVM
QVOQVE OBSEQVIVM PRAESTANDVM EST.

*) Quum enim venerationem, qua ens superius profe-
quimur, dignam illo esse oporteat: (§. LXXXVII.)
non possumus non colligere, enti perfectissimo de-
beri

beri venerationem summam. Quumque Deus non modo actiones externas, sed et ipsum animum nostrum, perspectissimum habeat: ei nos non externa tantum venerationis signa, verum etiam animum venerabundum, praestare debere, satis patet. Et hic quidem est cultus ille vel amor, quem sacrae litterae exigunt, ἐν ὅλῃ τῇ καρδίᾳ ἡμῶν, καὶ ἐν ὅλῃ τῇ ψυχῇ ἡμῶν, καὶ ἐν ὅλῃ τῇ διανοίᾳ ἡμῶν, ex toto corde nostro, ex tota anima nostra, et ex tota mente nostra, Matth. XXII, 37, vel, quod Luc. X, 27. additur, ἐξ ὅλης τῆς ἰσχύος ἡμῶν, ex omnibus viribus nostris.

§. LXXXXII.

NOSTRVM IPSORVM amor non potest aliter Axioma
esse comparatus, quam vt perfectione ac felici- secun-
tate nostra delectemur. (§. LXXX.) Hinc dum de
ergo 62) ad perfectionem felicitatemque con- amore
sequendam, et pro virili conseruandam ampli- erga nos
ficandamque, obligamur. At quum quo ens ipsum.
est perfectus, eo maiorem illi honorem atque
obedientiam debeamus: (§. LXXXVII. *)
63) cauendum est, ne nos ipsos magis, quam
Deum, amemus, atque ita in Φιλαυτίαν pra-
uam degeneret amor iste nostri immodicus.
Ex quo 64) alterum fluit axioma: HOMO NI-
HIL EORVM, QVAE AD PERFECTIONEM FELICI-
TATEMQUE ADSEQVENDAM, CONSERVANDAM, AM-
PLIFICANDAMQUE PERTINENT, PRAETERMITTERE
TENETVR, *) DVM ID SINE AMORIS DIVINI VIO-
LATIONE FIERI POSSIT.

- *) Nam Deus hominem obligat ad boni fruitionem:
(§. LXXXVIII.) adeoque ad felicitatem adipiscen-
dam, conseruandam, amplificandamque. Quum
vero aliquando plura ei bona repraesententur,
quorum vnum altero praestantius est, (Elem. phil.

mor. §. CXXXVIII. sequ.) bonumque minus; quod nos fruitione maioris boni priuat, pro malo habendum sit: (*Ibid. §. CLII, 12.*) nemo non videt, Deum nos obligasse ad id, quod ex bonis pluribus sit optimum, eligendum.

§. LXXXIII.

**Axioma
tertium
de amo-
re erga
alios.**

Quandoquidem porro homines omnes nobis natura aequales sunt, illa vero naturae aequalitas aequalia etiam amoris officia exigit: (§. LXXXVIII, 53.) consequens est, 65) ut alterius felicitate non minus quidem, at non magis, quam nostra, delectari, adeoque 66) eum perinde, ac nos ipsos; 67) nos ipsos vero non minus, quam proximum, amare teneamur. Vnde 68) tertium axioma: HOMO HOMINEM NON MINVS, QVAM SEIPSVM TENETVR AMARE, NEC ALTERI, QVOD SIBI FIERI NON VVLT, FACERE, CONTRA ILLI FACERE OMNIA, QVAE SIBI AB ALTERO FIERI CVPIT.

§. LXXXIII.

**Principium
hoc verum,
euidens ac
adaequatum
est.**

Ceterum genuinum hoc esse iuris naturalis principium, comparatis, quae supra praemissimus, principii cognoscendi requisitis, facile praestabimus. Nihil enim illo potest esse *verius*, quum ex ipsa voluntatis diuinae, naturaeque humanae indole fluat, et, quo ego magnopere delector, in ipsis sacris litteris praesidium reperiat. Nihil *euidenti*us, quum omnes, quae illud ingrediuntur, notiones ita sint comparatae, ut ex sola recta ratione etiam ab homine litterarum rudi, immo et a pagano, cognosci facillime possint. Nihil denique magis *adaequatum*, quum re ipsa nos paullo post demon-

demonstraturos putemus, nullum esse vel hominis, vel ciuis, officium, quod non ex his principiis, tamquam ex vberissimo limpidissimoque fonte, promanet.

CAP. III.

DE ADPLICATIONE HVIVS NORMAE
AD ACTIONES, ET EMERGENTE
INDE HARVM DIFFERENTIA.

§. LXXXV.

Visa iam actionum humanarum liberarum Conno-
indole, visa itidem norma, ad quam xio.
illae exigendae sint: proximum est, vt
de ADPLICATIONE HVIVS NORMAE AD ACTIONES
humanas et liberas quaedam adiiciamus. Ad-
plicatio legis ad factum dicitur IMPVTATIO, ac
proinde de imputatione potissimum hoc capi-
te erit differendum.

§. LXXXVI.

Quum ergo IMPVTATIO sit adplicatio legis Imputa-
ad factum, (§. LXXXV.) ea vero non aliter tio fit
feri possit, quam lege et facto, id est, dua- per com-
bus propositionibus, per syllogismum, inter se paratio-
et cum tertia comparatis: consequens est, nem le-
1) vt IMPVTATIO sit syllogismus vel ratiocina- gis et fa-
tio, cuius maiorem propositionem LEX; mi- cti, ad-
norem ACTIO; conclusionem SENTENTIA ab- eoque
soluit. *) per ra-
tiocina-

*) IMPVTARE proprie est aliquid in alterius rationes,
vel expensi tabulas referre. Sen. *Epist. VIII.* Hoc
non imputo in solum de tuo tibi. Quemadmo-
dum ergo hoc fit, comparatis inter se acceptis, et

in rem alicuius expensis: ita postea commodissimum visum est hoc vocabulum ad exprimendam illam legis ad facta adplicationem, quae itidem sit instituta huiusmodi comparatione. Sic quum apud Liuium I, 26. sororem occidisset Horatius, et quae sit oriretur, an lex de perduellione, ut eius rei colligatis manibus velatoque capite vel intra pomœrium vel extra pomœrium verberati, ex arbore infelici suspenderentur, ad atrocius illud ferocis iuuenis factum sit adplicanda? Duumviri iudicandae perduellioni a Tullio Hostilio rege constituti, legem illam ad factum Horatii pertinere iudicabant. Vnde alter ex his: *P. Horati, inquit, tibi perduellionem iudico. I licitor, colliga manus.* Pro-uocante vero Horatio, eiusque patrociniū ipso patre suscipiente, populus reum absoluit. Duumviri itaque ita ratiocinabantur: *Qui hominem sciens dolo malo obtruncat, is, tamquam perduellis, colligatis manibus, velatoque capite verberandus et ex arbore infelice suspendendus est.* En LEGEM! *P. Horatius, sororem gladio transfigens, hominem sciens, dolo malo, obtruncavit.* En FACTVM! *Est ergo tamquam perduellis, colligatis manibus, velato capite verberandus, et ex arbore infelice suspendendus.* En SENTENTIAM! At aliter rationes subducebat populus. Is enim, quum sororem illam, Curiatii sponsi caedem flebiliter lugentem, hostilem animum erga patriam ostendisse existimaret: absolvens Horatium ita ratiocinabatur: *Qui hostem patriae occidit, ab eo, tamquam a perduelle, non est sumendum supplicium.* En LEGEM! *P. Horatius sororem occidens, hostem patriae occidit.* En FACTVM! *Ab eo ergo, tamquam a perduelle supplicium non est sumendum.* En SENTENTIAM, et eam quidem absolutoriam! Duumviri ergo factum illud imputabant P. Horatio; populus non imputabat.

§. LXXXXVII.

Quomodo differat a conscientia?

Quandoquidem vero idem supra de CONSCIENTIA hominis obseruauimus, (§. XXXIII.) nec tamen haec eadem cum IMPUTATIONE est:

2) me-

2) merito notamus discrimen, quod inter CONSCIENTIAM ET IMPVTATIONEM intercedit. Quemadmodum enim illa est ratiocinatio de iustitia vel iniustitia actionum *proprium*: ita haec de *alienis* ratiocinatur, legemque cum illis contendit. Priore casu 3) ipse sibi quisque iudex est; posteriore alius de actionibus nostris iudicat, easque cum lege contendit. *)

*) Quum vero nec omnibus id officium incumbat, vt de aliorum actionibus iudicent, et ea tamen sit naturae humanae labes, vt plerique sibi facile ignoscant, nec de exploranda propria conscientia admodum laborent, de aliorum vero naevis etiam leuissimis illico vnam moueant: non mirum est, istud tamquam iniquum et improbum reprehendi non modo a Seruatore, *Matth. VII, 1. Luc. VI 37.* eiusque Apostolo, *Rom. II, 1. XIII, 4. 1. Cor. XIII, 5.* verum etiam ab ipsis scriptoribus profanis, qui solam rectam rationem ducem sequuntur. Hinc lepida illa fabula de duabus peris, quarum altera, propriis repleta vitiis, homini post tergum; altera, alienis grauis, ante pectus suspensa sit, cui hanc interpretationem subiunxit Phaedrus *Fab. IV, 9. v. 4.*

Hac re videre nostra mala non possumus:

Alii simul delinquant, censores sumus.

Similia veterum loca quamplurima Isaac. Casaub. *ad Pers. p. 340.* et viri docti ad Phaedri illam fabellam collegerunt, quorum scrinia expilare nolumus.

§. LXXXXVIII.

Quemadmodum vero quaelibet legis ad factum alienum adplicatio IMPVTATIONIS nomine venit: (§. LXXXXVII.) ita 4) perinde est, siue actio nostra cum lege diuina, siue cum humana comparetur, itemque 5) siue ipse Deus, siue homines, quorum ad officium id perti-

Imputatur ali-
quid in
foro vel
diuino,
vel hu-
mano.

net, legem facto adplicent. Priorem impu-
tationem vocabulo, moralistis recepto, voca-
mus IMPVTATIONEM IN FORO DIVINO, poste-
riorem IMPVTATIONEM IN FORO HVMANO. In-
ter vtramque vero 6) permagnum illud discri-
men intercedit, quod quum in hoc cogita-
tionis poenam nemo patiatur, *l. 18. D. de poen.*
Deus tamquam ens omniscium, et quod ob-
sequium etiam internum iure suo exigit, (§.
LXXXI) et cogitationes legi aduersas homi-
ni iure imputet.

*) Viderunt hoc et veteres philosophi, qui Deum non
modo facta omnia hominum, sed et cuiusvis co-
gitationes perspicere docebant, veluti Thales Mi-
lesius, Socrates, Platonici, Pythagoraei, et qui-
cumque paullo sublimius de Deo philosophabantur.
Eorum testimonia collegit Huet, in *Quaest. Alnetan.*
II, 2, 16. p. 111. sequ. Hinc facile patet, quam ipsi re-
ctae rationi consentanea sit interpretatio legis Mo-
saicae, quam dedit Seruator noster *Matth. V, 22. 28.*

§. LXXXVIII.

Et tunc
declara-
tur, ho-
minem
vel prae-
mium,
vel poe-
nam me-
ruisse.

Quum porro lex, quae factis hominum adpli-
catur, vel sub comminatione poenae, vel propo-
sito praemio, aliquid praecipiat vel prohibeat:
(§. LXIII.) inde merito colligimus, 7) IMPV-
TARE idem esse, ac declarare effectum, quem
lex actioni assignat, huic actioni competere.
Effectus vero ille vocatur MERITVM, et POENA
quidem, si effectus ille actioni a lege propo-
situs malus; PRAEMIUM, si bonus sit. *)

*) *Praemia* vero cum non debeat legislator, facile
patet, actiones etiam iustas in se non esse meri-
torias. Et huc pertinet insignis Christi sententia:
Omnia si feceritis, dicite: serui inutiles sumus,
quia, quod facere debuimus, fecimus Luc. XVII, 10.
Si tamen praemia promittit legislator, quod fecit
Deus,

Deus, dum leges naturae non sui, sed hominum causa, praescripsit, eosque quam felicissimos esse voluit: (§. LXXVIII, 32. 33.) tunc quidem meritum dici possunt praemia ratione imputationis, non ratione legislatoris, qui ex mera gratia illa proposuit.

§. C.

Itaque IMPVTATIO est ratiocinatio, qua factum alienum omnesque eius circumstantiae cum lege siue diuina, siue humana, comparantur, actionemque illam effectum, a lege propositum, siue bonum, siue malum, mereri, vel non mereri, declaratur. Ex qua definitione porro colligimus, 8) non posse ad liquidum perducere, sitne actio aliqua imputanda, nec ne, nisi et LEGEM, et ipsius FACTI CIRCUMSTANTIAS omnes, perspectas habeamus, adeoque 9) vnam saepe *περίστασις* totam rem mutare.

Definitio imputationis, de eaque axiomata.

§. CI.

Quum ergo LEGEM perspectam esse oporteat ei, qui de actionum imputatione recte iudicare vel ratiocinari cupit: (§. C, 8.) consequens est, 10) vt et certum eum esse oporteat, legem aliquam exstare, et 11) totam illam legem recte intelligere, adeoque 12) si verbis breuioribus vel obscurioribus concepta sit, *) eam rite INTERPRETARI, id est, mentem legislatoris ex eius verbis aliisque signis distincte repraesentare debeat.

Ea supponit notitiam et interpretationem legis.

- *) Itaque interpretatio ad ius naturae proprie non pertinet, sed ad leges positivas, siue diuinas, siue humanas. Quum enim interpretatio iuridica sit distincta mentis legislatoris ex eius verbis aliisque signis repraesentatio, (§. CI, 12.) ius naturae vero

non

non verbis conceptum, sed per ipsam rectam rationem promulgatum sit: (ϕ. XI, 16.) sequitur sane, ut ex verbis aliisque signis mens summi legislatoris erui non possit, adeoque nec interpretationem illud ius admittat. Ipsa se sine interprete satis intelligit recta ratio. Arrian. *Diff. Epiet.* I, 1. p. 4. Ἡ δύναμις ἡ λογικὴ μόνη αὐτὴ καὶ αὐτὴν κατανοήσασα παρείληπται, τίς τέ ἐστι, καὶ τί δύναται, καὶ πόσῃ ἀξία ἔσται ἐλήλυθε καὶ τὰς ἄλλας ἀπάσας. *Sola facultas ratiocinatrix, ipsa semetipsam intelligens, adprehendit, quid ipsa sit, et quid possit, et quanti sit pretii, si se ceteris facultatibus adplicarit.*

§. CII.

Eius
funda-
menta.

Quandoquidem vero INTERPRES mentem legislatoris ex eius verbis, aliisque signis, distincte repraesentat, consequens est: 13) ut et ad propriam, et translata verborum significationem, et 14) ad eorundem συναφὴν seu nexum cum iis, quae antecedunt vel consequuntur, et 15) ad ipsius rei naturam atque indolem, et denique vel maxime 16) ad legislatoris finem ac rationem, quae illum ad ferendam legem impulit, attendendum sit, adeoque 17) illi et sapiant omnino, et mecum faciant, et loue iudicent aequo, qui rationem legis eiusdem animam esse profitentur. *) *Vid. praef. nostra ad Elem. Pandect.*

- *) Exemplum insigne, quo incredibilis huius regulae utilitas ostendi potest, ipse Seruator noster dedit, dum reprehensus a Iudaeorum magistris, quod die sabbathi opera caritatis necessitatisque non intermittenda putaret, verum ostendit fontem interpretandi legem de sabbatho, et hinc dixit: τὸ σάββατον, διὰ τὸν ἄνθρωπον ἐγένετο, ἔχ' ὁ ἄνθρωπος

Ἰσχυρὸς διὰ τὸ σάββατον. *Sabbathum hominis causa factum, non homo sabbathi causa.* Marc. II, 27. Ex qua sane ratione legis manifesto ac prono veluti alueo fluit, omnia opera, quae hominis veram tranquillitatem pietatemque eo die turbant, non autem quae ad eius felicitatem ac conseruationem pertinent, esse prohibita. Tolle hanc legis rationem, vnam atque adaequatam, et certissimum erit, in ipsis legis verbis nihil esse, ex quibus incomparabilem illam Christi doctrinam colligere potuisses.

§. CIII.

Quum porro ratio legis eiusdem veluti anima sit: (§. CII, 17.) consequens est, 18) vt vnica legis ratione prorsus et in vniuersum cessante, etiam ipsam legem cessare oporteat: 19) Vt si ad certum casum illa non quadret, ob rationem legis iste a lege eximendus, idque fundamentum sit INTERPRETATIONIS RESTRICTIVAE; ad quam et AEQVITATEM, id est, facultatem correctricem eius, in quo lex propter vniuersalitatem deficit, recte retuleris. Grot. *de Aequit. indulg. et facilit. Cap. I. n. 3.* 20) Vt, si in casum aliquem verba non quadrant, ratio tamen legis illi adplicari omnino possit, inde emergat INTERPRETATIO EXTENSIVA: denique, vt, legis verbis ac ratione pari passu ambulantes, INTERPRETATIONI tantum DECLARATIVAE locus sit.*)

Et variae species.

*) Ita restrictiue Christus interpretatur legem de sabbatho: extensiue legem de adulterio et homicidio. *Matth. V.* Quod quum non facerent Pharisei, male de imputatione actionum ratiocinabantur. Hinc Apostolis, spicas sabbatho vellentibus, et ipsi Seruatori, sabbatho sananti, exprobrabant irreligio-

religiosum animum; eos vero, qui traditionibus Rabinorum satisfaciebant, iustos reputabant, si e. g. pocula diligenter eluerent, decimas penderent, stipem elargirentur pauperibus, in ediam saepius ferrent, quamvis et aliis multo grauioribus peccatis sese polluerent, et id ipsum fastus causa facerent.

§. CIIII.

Inter-
preta-
tionis
authen-
ticae, v-
sualis et
doctri-
nalis
diffe-
rentia.

Praeterea prout legem interpretatur vel ipse *legislator*, vel *iudex*, aliusque, cuius ad officium pertinet, legem facto adplicare, vel *iurisperi- tus*: 21) eatenus illa interpretatio vel *AVTHENTICA*, vel *VUSVALIS*, vel *DOCTRINALIS* adpellatur, vbi primae fundamentum est *voluntas legisla- toris*, alterius *usus forensis*, postremae adpli- catio regularum interpretationis, quales paulo ante (§. CII.) exposuimus. *)

- *) Huius quoque triplicis interpretationis exempla ipsae sacrae litterae suppeditant. Sic quum Deus *Num. XXVII, 7.* legem condidisset, vt, non super- stite agnato, bona paterna ad filiam *ἐπίκληρον* deuoluerentur: ipse summus ille legislator le- gi suae hoc postea adstruxit interpretando, vt filia ista *ἐπίκληρος* tribu sua non enuberet. *Nam. XXXVI, 5. 6.* Quod est exemplum interpreta- tionis *authenticae*, quae saepe pro noua lege est. *Vsualis* exemplum habemus *Ruth. III, 7.* vbi de- tractio calcei eiusque proiectio, quamvis initio tantum ad leuiratum pertineret, *Deut. XXV, 7.* vsu forensi et ad repudiationem hereditatis prolata di- citur, vbi erudita sunt, quae de hoc vsu forensi monuit Ant. Bynaeus *de Calc. Hebr. Lib. II. Cap. VII.* Denique *doctrinalis* interpretationis exem- plum dedit Esdras, de quo *Nehem. VIII, 13.*

§. CV.

§. CV.

Quumque et facti circumstantias omnes ^{Imputa-}perspectas habere deceat eum, qui de facti ^{tur actio}imputatione Ioue aequo iudicare velit, (§. C, 8.) ^{eius au-}praecipua vero circumstantia sit ipsa persona ^{ctori vel}agens: merito inde colligimus, 22) ei, qui ^{causae.}actionis alicuius auctor vel causa est, eam actionem iure imputari, contra 23) cessare imputationem, si quid factum, cuius ipse faciens nec causa, nec auctor est, praeterquam 24) quod aliquando et aliorum merita aliis imputantur: quam imputationem 25) vulgo ex GRATIA vocare, alterique EX MERITO vel DEBITO opponere solent. *) Pufendorff. *de iure nat. et gent. I, 9. 2.*

- *) Et haec nobilitatis gentilitiae, immo et aliquando regnorum hereditariorum, origo est. Sic apud Germanos insignis nobilitas, aut magna patrum merita Principis dignationem etiam adolescentulis adsignabant. Tacit. *de morib. Germ. Cap. XIII.* Et de regnis hereditariis Polyb. *Hist. VI, 5.* Ἀὕτη βασιλείας ἀληθινῆς ἀρχὴ καὶ γένεσις. οὐ γὰρ μόνον αὐτοῖς, ἀλλὰ καὶ τοῖς ἐκ τούτων, ἐπὶ πολὺ διαφυλάττειται τὰς ἀρχάς, πεπεισμένοι, τὰς ἐκ τοιούτων γεγενῆστας καὶ τραφέντας ὑπὸ τοιούτοις παρὰ πλησίως ἔχειν καὶ τὰς προαιρέσεις. Haec veri regni origo, hinc ortus. Non solum enim ipsi, sed et soboli, per longum tempus imperium subditi conseruant, persuasi, talibus viris prognatos, et a talibus educatos, animis quoque et voluntatibus pares eis futuros.

§. CVI.

Si ergo actio nulli imputatur, nisi ei, qui ^{An im-}eius causa vel auctor est, (§. CV, 22.) homo ^{puten-}vero ^{tur pas-}

siones,
actiones
natura-
les, e-
uentus
fortuiti,
facta in
furore,
somnia,
ebrieta-
te per-
petrata?

vero causa vilius actionis dici nequit, quae non humana est, id est, quae non praelucen-
te intellectu decernenteque voluntate editur:
(§. XXX, 7.) facile patet, 26) nec passiones
actionesque naturales, nec 27) euentus a sola
prouidentia diuina profectos, nec 28) vitia
corporis animique, nec 29) facta vel in furo-
re atque infania, vel 30) in somno, vel 31) in
ebrietate perpetrata, cuiquam imputari, nisi
quatenus per agentem stetit, quo minus hu-
iusmodi quid contingeret. * (§. XXVI. sequ.
XXVIII. XXXVIII. sequ.)

*) Sic homini imputatur impudentia, si quis circa
actiones naturales decori sit negligens. Sic im-
putatur nauarchae naufragium, si male gubernando
nauem, in causa sit, ut ea pereat, quum alio-
quin verum omnino sit illud Taciti *Annal. XIII, 3.*
Quis adeo iniquus, ut scelere adsignet, quod venti
et fluctus deliquerunt? Sic et deformitas imputa-
tatur homini, qui nasum Veneri obtulit, quum
alias vere et Φιλοσοφικῶς Phaedrus *Fab. III, 11.*
v. 6.

Sed quid fortunae, stulte, delictum arguis?

Id demum est homini turpe, quod meruit pati.

Multo magis ergo homini, cui a puero proficien-
di fuit occasio, ignorantia imputatur, quae non
imputatur homini agresti. Immo et somnia im-
putantur, quae quis diurnis actionibus ac cogita-
tionibus vigilans veluti prouocauit. De quibus
somnia, quae veteres ἐνύπνια, teste Macrobio
in *somn. Scip. I, 13.* vocabant recte Claudian. in
sextum consul. Honorii Aug. praefat. v. 1.

Omnia, quae sensu voluntur vota diurno,
Pectore sopito, reddit amica quies.

Furto gaudet amans, permutat nauita merces,
Et vigil elapsas quaerit auarus opes.

quibus gemina plura testimonia suo more collegit.
Casp.

Casp. Barth. in *Notis* p. 714. *sequ.* Denique et ebrietatem voluntariam, actionesque in illo statu perpetratas, imputari posse homini, adeo extra omnem dubitationis aleam positum est, ut vel verbum addere nolim.

§. CVII.

Quod speciatim ad ignorantiam et errorem attinet, quum utraque intellectus imbecillitas vel INCULPABILIS sit, vel CULPABILIS, (§. XXXXVIII. XXXXVIII.) haec vel INVINCIBILIS, vel VINCIBILIS, itemque vel VOLUNTARIA, vel INVOLUNTARIA: (§. L.) ex eodem axioma facile intelligitur, 32) ignorantiam *inculpabilem*, *inuincibilem* et *involuntariam* nemini iure imputari: recte autem 33) imputari actionem ex ignorantia *culpabili*, *vincibili* et *voluntaria* susceptam: idemque 34) et de errore esse tenendum: multoque minus 35) suam cuiquam ignorantiam vel errorem praesidio esse posse, si actio ipsa illicita, vel non in loco temporeque, vel modo illicito, patrata sit, quia tunc non modo per agentem stetit, quo minus in ignoratione versaretur, vel ei error obreperet, verum etiam ille ad omittendam actionem omnino fuit obligatus. *)

An quae
ex igno-
rantia et
errore
patrata?

*) Non ergo Iudae, ineunti Thamarem, nurum, praesidio esse potuit ignorantia, quia in re illicita versabatur. *Genes. XXXVIII, 15, 16.* Nec excusatur, qui loco ac tempore non licito iaculis ludens, hominem ex ignorantia ferit, quia actio, nec loco, nec tempore, quo par erat, suscepta, in se illicita est. §. 4. *Inst. de lege Aquill.* Nec denique iniuria fit arborem iuxta viam publicam vel vicinalem putanti, si ei caedes hominis imputetur, quam proclamando euitare potuisset. §. 5. *Inst. eod.* Hinc

tale quid facientes apud Romanos olim proclamare solitos: CAVE; apud Athenienses: ΦΥΛΑΞΑΙ, ostendit Theod. Marcil. ad §. 5. *Inst. eod.* Parum ergo aequa est sententia Areopagitarum apud Aristot. *Magn. moral. I, 17.* absoluentium feminam, quae adolescentem, oblato philtro, occiderat: διότι ἔκ ἐκ προνοίας. ἔδωκε μὲν γὰρ Φιλία, δῆμαρτε δὲ τὰτ' id quod non consulto et cogitato id fecisset; amoris enim causa dedisse, verum a proposito aberrasse. Quasi non in se illicitum esset, philtro conciliandi amoris causa offerre. Quanto rectius vero Paullus noster, l. 38. §. 5. *D. de poen.* Qui abortionis aut amatorium poculum dant, etsi dolo non faciant, tamen quia mali exempli res est, humiliores in metallum, honestiores in insulam, amissa parte bonorum, relegantur: quod si eo mulier aut homo perierit, summo supplicio adficiuntur?

§. CVIII.

Specia-
tim ex
errore
iuris et
facti?

Porro vel in *iure* erratur, quem errorem IVRIS vocant, vel in *facto*, qui FACTI error dicitur. Ad hunc 36) pertinent regulae paullo ante expositae, (§. CVII.) quia facti circumstantia et prudentissimos fugere, ac proinde error huiusmodi *inculpabilis, inuincibilis, inuoluntarius* esse potest. (§. CVII, 32.) Ille vero, 37) in *iure naturali* admissus, non excusat, quia hoc ius unicuique per rectam rationem est promulgatum, nisi forte aetas, stupiditas, ipsiusque iuris illius ratio paullo subtilior, mitiorem sententiam suadeat. *) Quod vero 38) ad *ius civile* attinet, illius ignorantia eatenus merito imputatur, quatenus illud et promulgatum est, et ita comparatum, ut in hominem hunc cadat eius scientia.

Quis

*) Quis enim iuris naturae peritiam accuratiorem amarius exigit ab infantibus, infantiae proximis, surdis ac mutis, stupidis, inter bruta animantia educatis? Praeterea, quamvis ius naturae mentibus hominum veluti inscriptum inculptumque sit: illud tamen non aliter cognoscitur, quam per ratiocinationem de iusto iniustoque. (§. XV, 24.) Iam quum quaedam iuris naturalis praecepta ex principiis rectae rationis ἀμείωτος fluant; alia plurimum propositionum nexum, ac integram argumentorum veluti catenam exigant: nemo dubitauerit, prioris generis praecepta facile a quouis homine non plane stupido; posterioris difficiliora, nec nisi ab ingenio exercitiora, intelligi. Hinc quumvis Romani incestum aliquem iuris gentium esse faterentur: l. 38. §. 2. D. ad L. lul. de adult. l. 68. D. de rit. nupt. aliquando tamen in feminis masculisque eum mirius censuerunt puniendum, veluti si post diuortium priuignus cum nouerca coiffet. l. 38. §. 5. D. ad L. lul. de adult. Cuius quidem rei non alia reddi potest ratio, quam quod non ἀμείωτος, sed operosior saltim ratiocinatione, incestus prohibitio ex iuris naturae principiis deriuatur.

§. CVIII.

Quum vero et VOLUNTATEM hominis liberam ad actionem, cuius ipse auctor et causa dicendus sit, concurrere oporteat, (§. XXX, 7) INVITAE vero actiones ita comparatae sint, vt a mente se ipsam determinante non proueniant: (§. LVIII, 56.) consequens est, 39) vt nemini id, quod inuitus fecit, possit imputari: 40) Vt imputari contra possit, quod quis sponte, multoque magis, 41) quod ultro fecit, immo et 42) quod quis coactus fecit, si iure suo usus sit is, qui illum coegit, non vero 43) si cui nullum ius cogendi fuerit, nec coacto, vi nondum adhibita, incubuerit obligatio aliquid faciendi. *)

An actiones inuitae et coactae?

*) Quamuis enim et coactus velit: (§. LVIII, 62.) tamen, quia correlata sunt *iure* et *obligatio*, quae se mutuo ponunt et tollunt, (§. VII.) ac proinde deficiente *iure*, deficere etiam *obligationem* oportet: consequens est, ut, si vni non sit ius cogendi, nec alteri incumbat obligatio id praestandi, ad quod iniuria coactus est. Hinc ratum est promissum debitoris morosi, a magistratu, quamuis comminatione exsequutionis, extortum, quia magistratus dum debitores morosos soluere cogit, iure suo utitur: at si latro cogit viatorem, ut certam pecuniae summam promittat: quia latroni nullum cogendi ius est, in viatore quoque nulla potest esse obligatio id praestandi, quod quis coactus promisit. Huc pertinet notissimum epigramma Martialis Epigr. XI, 59. v. 5.

*Quid si me tonsor, dum curua nouacula supra est,
Tunc libertatem diuitiasque roget?
Promittam, nec enim rogat illo tempore tonsor,
Latro rogat: res est imperiosa timor.
Sed fuerit curua quum tuta nouacula theca:
Frangam tonsori crura, manusque simul.*

§. CX.

An quae
vrgente
tempe-
ramen-
to, adfe-
ctu, con-
suetudi-
ne, pa-
trantur.

At quum voluntatis libertatem nec temperamentum, nec adfectus, nec mores diuturna adfuetudine firmati, nec ipsa vis externa impediunt: (§. LIII. sequ.) facile patet, 44) nec corporis constitutionem, quam fere propensio animi sequitur, nec 45) animi perturbationes, quantumvis vehementiores, nec 46) consuetudinem, quae fere in alteriam naturam degenerauit, impedire, quo minus actio, inde orta, possit agenti imputari: quamuis 47) aliquando in foro humano commiseratione dignus censeatur is, quem tristior adfectus, iustusque dolor, in transuersum egit. *)

*) Faci-

- *) Facilius enim, ceu aliquoties recte obseruauit Aristoteles, voluptati ac libidini, quam tristiori adfectui, resistit homo. Vid. *Nicomacheior. III, 12, III, 15, VII, 7. Magn. moral. II, 6.* Idem obseruauit M. Antonin. *εἰς ἐαυτὸν II, 10.* vt mireris, eundem Aristotelem, veluti sui oblitum, *Lib. II. ad Nicom. Cap. II,* et a se ipso dissentientem, scribere: *χαλεπώτερον εἶναι, ἢ δονῇ μάχεσθαι, ἢ θυμῷ.* *Difficilius esse voluptati repugnare, quam irae:* quum tamen voluptate carere sit malum tantum *priuatiuum*, et id quidem plerumque adparens tantum, dolorem sentire malum *positiuum*, et saepe quidem verum. Quis non magis parricidium imputandum putet Neroni, quem nullus tristior adfectus, sed sola proteruia, animique vaecordia ad tantum scelus impulit, quam Orestae, qui causam dicens cur Clytaemnestram occiderit, *νῦν μὲν γὰρ, inquit, ἡ προδοῦσα λέκτῳ ἐμῷ πατρὸς, τέθνηκεν.* *Nunc enim, quae prodidit lectum mei patris, est interfecta.* Euripid. *Orest. v. 937.*

§. CXL.

Ex quo porro non difficile intellectu fuerit, An vi
externa
extor-
tae?
48) quando excusatione aliqua dignus sit, qui fractus vi externa, cui et constantissimus animus facile cederet, aliquid commisit, quod legi aduersatur? Si enim factum ita comparatum est, vt nullus fauori necessitatis locus sit: frustra praetenditur necessitas. *) Quibus vero casibus omnis necessitatis fauor cesset, paulo post accuratius disquirere licebit.

- *) Sane si quid contra religionem et iustitiam viro bono iniungitur, tunc non cedendum esse cuiusque vi ac dolori, non modo sacrae litterae docent, sed et ipsi, quod mireris, scriptores pagani agnoscunt, ex quibus Iuuenalis *Sat. VIII. v. 80.*

*Ambiguae si quando citabere testis,
 Incertaeque rei: Phalaris licet imperat, ut sis
 Falsus, et admoto dicet periuria tauro,
 Summum crede nefas, animam praeferre dolori,
 Et propter vitam viuendi perdere causas.*

§. CXII.

An et
 quomo-
 do actio
 impute-
 tur caus-
 ae mo-
 rali?

Quoties intellectus et voluntas, et ipse motus corporis physicus ad actionem concurrunt, toties is, qui illam patrauit, vocatur CAUSSA actionis PHYSICA. Sin sola mens, sine motu corporis physico: CAUSSA MORALIS adpellatur. Quumque non alia sint actionum humanarum principia, quam intellectus et voluntas: (§. XXX.) inde colligimus, 49) *caussae morali* actionem non minus imputari, quam *physicae*, si par vtriusque ad actionem concursus sit, 50) immo magis, quam *physicae*, si quis iubendo cogendoque alterum, cui in obsequio gloria relicta est, ad agendum induxerit, denique 51) minus, quam *physicae*, si quis consilio tantum vel adprobatione concurrerit. *)

*) Hinc omnino vtilissima est distinctio V. C. Henr. Koehlerii *Exerc. inv. nat.* §. DVIII. *seq.* inter voluntatem *efficacem*, vbi conatus ad producendum suspendendumue actum sufficit, et *inefficacem*, vbi conatus ille non sufficit. Quare si voluntas *causae morali* fuit efficax, actio merito imputatur, et quo magis minusque efficax fuit, eo magis minusue imputatur. Quis enim e. g. dubitet, quin patri iubenti filium furari, hoc furtum magis imputetur, quam extraneo, vel iubenti, vel suadenti?

§. CXIII.

§. CXIII.

Ad circumstantiam personae, cuius in imputatione habetur ratio, (§. CV.) et qualitas, dignitas et conditio eiusdem pertinet, ac proinde nemo dubitauerit, 52) quin, pluribus personis ad eandem actionem concurrentibus, actio iusta minus, iniusta magis imputetur illi, quem cognatio, prudentia, officium, aetas, dignitas, *) vel ad bene agendum instigare, vel a male agendo reuocare debuissent, quam 53) homini extraneo, stupido, nullo speciali vinculo obstricto, puero, vel adolescenti, denique in nulla dignitate constituto.

Personae agentis conditio an quid faciat ad imputationem?

- *) Sic quidquid boni sit cognato, id veteres vocabant *officium*; quod extraneo, *beneficium*. Seneca de *Benefic. III, 18*. Magis ergo hoc, quam illud, imputatur. Contra procul dubio patri illata iniuria magis imputanda est filio, quem ipsa pietas ab isto facinore reuocare debebat, quam extraneo. Quis porro culpam quamcunque non magis imputet viro prudenti, et eius rei perito, quam stupido et inexercitato, seni vel iustae saltem aetatis viro, quam adolescentulo, theologo, quam rerum sacrarum rudi, viro nobili, vel in eminentiore dignitate constituto, quam terrae filio, vel inhonestiori? Hieronym. in *Ezech. II*. *Grandis dignitas sacerdotum: sed maior ruina, si peccant*. Saluian. *Lib. III. de gubern. Dei p. 118*. *Criminosior culpa est, ubi honestior status. Si bonorator est persona peccantis, peccati quoque maior inuidia. Furtum in omni quidem est homine malum facinus, sed damnabilius absque dubio senator furatur, quam infima persona. Et paucis interiectis: Atrocior sub sancti nominis professione peccamus. Vbi sublimior est praerogativa, maior est culpa. Et cui, quaeso ignotum illud Iuuenalis Sat. VIII, v. 140.*

*Omne animi vitium tanto conspectius in se
Crimen habet, quanto, qui peccat, maior habetur.*

§. CXIII.

Deficiente occasione, omisso actionis non imputatur.

Quum vero in imputatione non modo personae, sed et reliquarum circumstantiarum habenda sit ratio: (§. C, 8.) iste vero concursus circumstantiarum obiecti, loci, temporis, viriumque sufficientium, occasio vocetur, sine qua aliquid fieri a nemine potest: consequens est, 54) ut non excusetur quidem, quem ad peccandum inuitat occasio: *) nec 55) qui occasionem bene agendi socordia sua amittit: at 56) nemini tamen imputanda sit omisso actionis, si agendi occasio defuerit.

- *) Nam et vitanda peccandi occasio, et pugnandum colluctandumque erat cum vitiorum blandimentis. (*Elem. Phil. mor. §. CCLXXXI. et CCLXXXIII.*) Id qui non facit, in culpa est, si cupiditatibus succubuerit. Est ergo actionis istius auctor et causa, ac proinde illa ei iure imputatur. Misera ergo exculatio illa Chaereae apud Terent. *Eunuch. III, 5. v. 56. An ego occasionem mihi ostentatam, tantam, tam breuem, tam optatam, tam insperatam, amitterem?* Occasione enim se inuitari ad peccandum passus fuerat. Contra quanta sit culpa, occasione bene agendi manum non iniicere, elegante parabola de seruis collybistis ostendit Seruator sapientissimus *Matth. XXV, 14. sequ.*

§. CXV.

Omissio impossibilem an et quando imputetur?

Multo minus itaque 57) omisso earum actionum, quae per rerum naturam, vel 58) per leges, bonosque mores patrari non possunt, vel saltim, 59) ad quas edendas agens viribus destituitur, cuiquam recte imputantur: nisi 60) quatenus quis vel vires, quibus pollebat, sua culpa detriuerit, vel 61) ea, quae fieri non posse prae-

praesciuerat, temere vel sciens dolo malo promiserit. *)

- *) Hinc facile patet, cur obaeratum, qui bona abliguriuit, non exuset indigentia, quia nimirum sua culpa vires detriuit, et cur, qui alchymistarum sapientiam iactans, viris principibus aureos montes promisit, postea vbi fumum vendidisse deprehenditur, stellionatus damnetur, aequae ac ille, qui dolo malo thesauros promisit, quale exemplum Cessellii Bassi est apud Tacit. *Annal. XVI, 1.*

§. CXVI.

Ceterum actiones, ita comparatae cum norma, varias adsumunt denominationes. Si enim secundum omnes *παραστάσεις* rectae rationi, non cogenti, seu obligationi internae (§. VII.) conformes sunt, BONAE; sin vel in vna alteraue circumstantia a recta ratione in vnam alteramue partem deflectunt, MALAE adpellantur, ex iisque definitionibus consequitur, 62) vt actionem et *materialiter*, et *formaliter*, ceu loquuntur philosophi, bonam esse oporteat, nisi *malis* debeat accenferi. *)

Quae actiones bonae et malae?

- *) Hinc Phariseorum largitiones, ieiunia, totaque vitae austeritas non erant actiones bonae, quamuis materialiter rectae rationi conformes viderentur, quoniam non ex proposito rectae rationi obsequendi, sed ex fastu et opinione meriti, tamquam ex fonte, promanabant. (*Elem. phil. mor. §. CCXXI, 7.*) Nimirum non bona tantum, agenda sunt, sed et bene agendum, quidquid agas. Recte Philemon apud Stobaeum *Serm. IX.* iustum vocat,

Οὐδ' ἄς γε ταῦτα πάντα διατηρεῖ μόνον,
Ἀλλ' ὅς, τις ἄδολον γνησίαν τ' ἔχων φύσιν
Ἕναι δίκαιος, κ' ἔδοκεῖν εἶναι θέλει.

F 5

Non

*Non, quisquis illa quolibet praestat modo,
Sed qui, dolose nescius fuci, integra
Probitate iustus esse, non credi, suadet.*

§. CXVII.

Deinde, si actiones cum lege contendas:
Quae iustae et in iustae? eae, quae legi per omnia conueniunt, IUSTAE;
quae vel in vna, vel altera circumstantia, a lege discrepant, INIUSTAE, itemque PECCATA VOCANTUR. Vnde facile intelligis, 63) cur omne peccatum in *ἀνομία* consistere, doceat Ioannes 1. Epist. III, 4.

§. CXVIII.

Denique, quum lex, vel diuina voluntas, nos ad *amorem* obstringat, (§. LXXVIII, 35.) *amor* vero alius sit *iustitiae*, alius *humanitatis* et *beneficentiae*: (§. LXXXII. sequ.) 64) actio, amor*i* iustitiae per omnia conueniens, IUSTA; ab eodem vel minimum discrepans INIUSTA; 65) quae ex amore humanitatis et beneficentiae proficiscitur, HONESTA; quae eidem aduersatur, INHONESTA, TURPIS, itemque INHUMANA adpellatur. Ex quo etiam, 66) quid intersit inter IUSTITIAM EXPLETRICEM, et ATTRIBUTRICEM, facile intelligitur.

CAP. V.

DE OFFICIIS HOMINIS ERGA DEVM.

§. CXVIII.

QVae adhuc praemittenda duximus, ea ad principia disciplinae pulcherrimae pertinent. Proximum est, ut ad ipsa, quae IVS NATURAE vniuerso generi humano singulisque praescribit, OFFICIA progrediamur. Quod enim Graeci philosophi τὸ θεον, et Stoici τὸ καθήκον vocabant: id postea Tullius, hanc sapientiae partem Latinis litteris illustraturus, non sine delectu, adhibitoque amicorum consilio, primus OFFICIUM adpellasse videtur. *)

Transi-
tio ad
doctri-
nam de
ipsis of-
ficiis.

- *) Stoicos officium vocasse τὸ καθήκον, eamque doctrinam apud illos non postremam philosophiae moralis partem constituisse, auctor est Diogenes Laertius, qui non modo Stoicorum de officiis dogmata praecipua breuiter et luculenter exposuit *Lib. VII. segm. 108. sequ.* verum passim laudauit eorum libros περὶ τοῦ καθήκοντος, veluti Zenonis, *Lib. VII, 4.* Cleanthis, *Cap. VII, 175.* Sphaeri, *Lib. VII. 178.* quemadmodum et Chrysippi librum eiusdem argumenti memorat Plutarch. *de repugn. Stoic. p. 1045.* Panaetii Cicero *de offic. III, 2.* Posidonii idem *ad Attic. XVI, 11.* Quorum exemplo quum et Cicero similem librum Latine scripsisset: de Latina sollicitus inscriptione, subductis rationibus omnibus, non aliud vocabulum inuenit commodius, quo τὸ καθήκον Stoicorum exprimeret, quam OFFICIUM. Ita enim ille *ad Attic. XVI, 6.* Quod de inscriptione quaeris, non dubito, quin καθήκον officium sit, nisi quid tualius. Sed inscriptio plenior DE OFFICIIS.

§. CXX.

§. CXX.

Officii
defini-
tio.

Per OFFICIUM vero intelligimus actionem, ex obligatione siue perfecta, siue imperfecta, legibus conformandam. Nec per omnia probare possumus definitionem Stoicam, quod officium sit ὁ πραχθὲν εὐλογόν τε ἔχει ἀπολογισμὸν, *quod cur factum sit, probabilis ratio reddi possit*, vel ὅσον λόγος αἰεὶ ποιεῖν, *quae ratio facienda suaserit.* *) Laert. VII, 107. 108. Cic. de Fin. III, 17.

- *) Quum enim nihil temere fiat, cuius non probabilis reddi possit ratio: quidquid sit, non modo ab hominibus, sed et a brutis animantibus, id ad officium pertinebit. Et ita sane rem intellexerunt ipsi Stoici, de quibus Laert. VII, 107. τὸ κα-
θῆκον φασὶν καὶ ἐπὶ τὰ φυτὰ, καὶ ζῶα δια-
τείνει ὁρᾶσθαι γὰρ καὶ πρὶ τούτων καθήκοντα.
Officium autem pertingere aiunt ad plantas etiam et animantes. Notari namque et in his officia. Itaque verum quidem est, rationem habere oportere officium, sed eam quae hominem impellat ad agendum, vel omittendum, non bruta, id est, obligationem. (§. VI.)

§. CXXI.

Eius-
dem in-
doles.

Quum ergo officium sit actio, legi conformanda: (§. CXX.) facile patet, 1) officium concipi non posse sine lege, nec 2) officium facere, qui sibi ipse, quod nulla lex praecipit, imperat: 3) cessare aliquid esse officii, sublata, quae illud antea praecipiebat, lege, eiusque ratione: 4) si quando lex certis tantum personis praescripta sit, saepe contingere, ut duorum, qui faciunt idem, alter officio satisfecisse, alter contra officium egisse, dicatur. *)

*) Ope-

- *) Operae pretium fuerit, has propositiones exemplis illustrare. Nemo dixerit, officium fecisse Origenem, dum ipse sibi virilia ademit, siue ferro in se saeuierit, vt refert Hieronym. *Epist. LXV.* siue, quod alii tradiderunt apud Epiphani. *Haer. LXVIII, 3.* medicamentis sese euirarit. Neque enim vlla lex diuina eam in rem exstat, ipseque postea fassus est Origenes, se male interpretatum esse locum *Matth. XVIII, 12.* Vid. Huet. *Origeniana I, 1, 13. p. 8.* Nemo deinde negauerit, contra officium facturum Christianum, qui vel circumcisionis legem accipere, vel Deum sacrificiis propitiare velit, quamuis vtrumque olim ad fidelium officium pertineret, *Gal. III, 23. 25. IIII, 3. 4. 5. V, 2. Col. II, 20. Hebr. VIII, 9. 10.* Denique si quis occupet officium iudicis, quem sacro munere fungi oportebat, praeter officium agit, et ἀλλοτρίοις πιστοπίας reus est, quum idem faciens iudex, quod officii est, faciat. 1. *Petr. III, 15.*

§. CXXII.

Quumque obligatio, ex qua quisque, quod officii est, facit, vel perfecta, vel imperfecta sit: (§. CXX.) 5) OFFICIUM quoque aliud PERFECTUM, aliud IMPERFECTUM esse oportet, quorum illud ex obligatione perfecta seu lege; hoc ex imperfecta, seu virtute, proficiscitur. *) (§. VIII, 10.)

Diuisio
in perfe-
ctum, et
imperfec-
tum.

- *) Sic officia PERFECTA sunt neminem laedere, seruare pacta, damna data resarcire, et similia. IMPERFECTA, opis nostrae indigis subuenire, stipem elargiri pauperibus, errantibus comiter monstrare viam, rerum suarum incertis consilium dare, et quae sunt huius generis alia. Vid. Cicero *de offic. III, 12. sequ.*

§. CXXIII.

Deinde quum norma officiorum sit lex, In naturale, Christiana-
(§. CXXI, i. 2.) lex vero vel diuina vel humana sit,

num, et
ciuile.

fit, diuina denique in *naturalem* et *positiuam* dispesci possit: 6) totuplicia etiam erunt officia, quorum 7) illa, quae ad legis diuinae naturalis normam componuntur, NATVRALIA; 8) quae legi diuinae positivae attemperantur, CHRISTIANA; 9) quae denique ex legis humanae praescripto praestantur, CIVILIA adpellare licebit. *)

*) E. g. NATVRALIA officia sunt, Deum religiose colere, parentibus parere, vim atque iniuriam a se propulsare, l. 2. l. 3. D. de iust. et iure. Officia CHRISTIANA, se ipsum abnegare, crucem ferre, Christum imitari. CIVILIA, tributa pendere, contra pristinam formam non aedificare. sollemnitates, quas leges in singulis actibus exigunt, adhibere, tempora fatalia in lite forense obseruare, cetera.

§. CXXIII.

In offici-
um erga
Deum,
nos
ipsum, et
alios ho-
mines.

Denique praecipua officiorum diuisio ab ipso objecto proficiscitur. Quemadmodum enim tria sunt, quibus certa officia debemus, entia, DEVS, NOS IPSI, et ALII HOMINES: (§. LXXXX.) 10) ita totidem sunt officiorum genera, quorum alia DEO O. M; alia NOBIS IPSIS; alia ALIIS HOMINIBVS praestanda sunt, de quibus iam suo ordine erit agendum.

§. CXXV.

Funda-
men-
tum of-
ficiorum
erga
Deum.

Quod ad officia ERGA DEVM attinet, ea ex Dei perfectionibus infinitis eruenda esse, iam supra monuimus, (§. LXXXVII, 51.) atque inde collegimus, eum non alio amore, quam DEVOTIONIS AC OBEDIENTIAE prosequendum, ac proinde, tamquam ens perfectissimum, a quo toti pendemus, omnibus animi viribus colendum,

dum, eique perfectissimum ac internum obsequium praestandum esse. (§. LXXXI, 61.)

§. CXXVI.

Quum ergo omnia, quae DEO O. M. debemus, officia ex infinitis eius perfectionibus eruenda sint: (§. CXXV.) consequens est, 11) vt obstrictus sit homo ad notitiam Dei eiusque perfectionum viam non modo adquirendam, sed et 12) quotidie magis magisque amplificandam, et 13) ad maiorem certitudinis atque euidendae gradum euehendam. Quod quum fieri possit tum meditatione assidua earum veritatum, quas ipsa recta ratio suggerit, tum rerum creatarum contemplatione, tum insignium, quae quotidie animaduertere possumus, sapientiae prouidentiaeque diuinae argumentorum consideratione adcuratiore: nemo non videt, 14) ad omnia haec nos esse omnino obligatos, 15) eosque, qui haec cuius obuia Deum inuestigandi media negligunt, si sanam mentem nacti sint, in ignoratione; et si Deo vllam imperfectionem tribuant, in errore in excusabili, versari. * (§. CVII, 33.)

Obligatio ad agnitionem Dei.

*) Hinc et Apostolus τὸ γνωστὸν τῷ Θεῷ, id est quod de Deo cognosci potest, ipsis paganis manifestum esse testatur, quia τὰ ἀόρατα αὐτοῦ seu inuisibilia Dei iam inde a mundi primordiis ex rebus creatis innumerisque sempiternae potentiae ac diuinitatis argumentis intelligi ac peruideri potuerint, atque inde colligit, εἶναι αὐτοῦ ἀναπολόγητος, esse illos inexcusabiles. Rom. I, 20. Et vnde quaelo ille gentium omnium de Deo eiusque perfectionibus consensus, quem vrgent Cicero *Quaest. Tusc. I, 13. de nat. Deor. II, 2.* Maxim. Tyr. *Diff. Platon.*
XXXVIII.

XXXVIII. Aelian. *Var. Histor.* II, 31. Seneca *Epist.* CXVII? Quamuis enim consentiens illa gentium opinio non sit argumentum ἀποδεικτικόν, Deum existere: (§. LXXI. *) inde tamen luculenter demonstratur, quod scripserat Apostolus, Φανερόν εἶναι τὸ γνωστον τῇ θεῷ Vnde Cicero *de Nat. Deor.* II, 2. *si quis dubitet, an sit Deus, se baud sane intelligere, ait, cur non idem, sol sit, an nullus sit, dubitet.*

§. CXXVII.

Et re-
ctas de
eo eius-
que per-
fectioni-
bus feri-
entias.

Ex eodem patet, 16) ad officium nostrum pertinere, vt rectas de DEO sententias habeamus, *) eumque 17) et existere, et 18) rerum omnium auctorem ac conditorem esse, et 19) omnia sua prouidentia regere ac conseruare, 20) rerum praecipue humanarum curam gerere, denique 21) eundem esse ENS SIMPLEX, AETERNVM, INDEPENDENS, INCOMPREHENSIBILE, OMNIPRAESENS, VNVM, INTELLIGENS, SAPIENTISSIMVM, PRAESCIVM, OMNISCIVM, LIBERRIME VOLENS, OMNIPOTENS, VERAX, IUSTVM AC OPTIMVM, (*Elem. philos. mor.* §. CLXXXII. *sequ.*) non modo persuasi, sed et certo conuicti sumus.

*) Recte Epictet. *Enchirid.* Cap. XXXVIII. τῆς περὶ τὰς θεὰς εὐσεβείας ἴδι, ὅτι τὸ κυριώτατον ἐκείνῳ εἶναι, ὁρθὰς ὑπολήψεις περὶ αὐτῶν ἔχειν, ὡς ὄντων, καὶ διοικούντων τὰ ὅλα καλῶς καὶ δικαίως. Religionis erga Deus immortales praecipuum illud esse scito: rectas de iis habere opiniones, vt sentias, et esse eos, et bene iusteque administrare vniuersa. Et sane mirifice falluntur, qui solam probitatem vitaeque integritatem totam religionem absolueri sibi persuadent, et perinde esse existimant, quid quisque de Deo et rebus diuinis sentiat. Quum enim omnia erga Deum officia ex eius perfectioni-

fectionibus eruenda sint: (§. CXXV.) qui fieri potest, ut quis Deum ea, qua par est, veneratione prosequatur, eique per omnia parendum esse, statuatur, qui vel ignorat eius perfectiones, vel de iis peruersissimas sententias imbibit? (§. XXX.)

§. CXXVIII.

Qui Deum, eiusque perfectiones, praeefracte negat, IMPIVS; qui ei imperfectiones, a natura Dei abhorrentes, tribuit, vocabulo e sacris literis deprompto, BLASPHEMVS adpellatur. Quum ergo et qui perfectiones Dei non agnoscunt, quas cognoscere poterant, in ignoratione; et qui ei vllam imperfectionem tribuunt, in errore inexcusabili versentur: nemo dubitabit, 22) quin omnis IMPIETAS et BLASPHEMIA sit inexcusabilis: et 23) quin IMPII sint, ac ἀναπολόγητοι, qui Numen esse, vel illud vniuersum hoc curare, obstinato animo negant, 24) BLASPHEMI autem, quicumque paganorum cum Homero, aliisque poetis, plures Deos, eosque inter se litigantes, adulteros, incestuosos, quin et deformes, claudicantes, vulneribus confossos, et muliebriter eiulantes, finxerunt, et 25) tam absurdas de Diis sententias non modo verbis professi sunt, sed et 26) simulacris horrendis, et 27) caerimoniis nefandis ac turpissimis, hominum oculis exponere non dubitarunt. *)

- *) Acriter merito hanc impietatem ac blasphemiam pagani exprobrarunt scriptores Christiani, apologiarum auctores, veluti Iustinus Martyr, Athenagoras, Theophilus Antiochenus, Tatianus, Hermias, Tertullianus, Cyprianus, Minucius Felix, Arnobius, Lactantius, Eusebius, Iulius Firmicus Maternus, et alii. Quia, quod magis mi-

reris, et ipsi pagani prudentiores hanc suorum hominum insaniam exagitarunt. Ne plura Luciani aliorumque veterum philosophorum testimonia hic adcumulem, vnum adscribere iuuabit locum Sophoclis, quem nobis seruarunt Iustinus Martyr *Paraenesis ad Graec. p. 17.* et de monarchia Dei p. 104. Euseb. *Praepar. euang. p. 348.* et alii:

Ἐἰς ταῖς ἀληθείαισιν, εἰς ἐστὶν θεός,
Ὃς ἕρανόν τ' ἔτευξε, καὶ γαῖαν μακρὰν,
Πόντον τε χαροπὸν οἶδμα κἀνέμων βίας.
Θνητοὶ δὲ πολλοὶ καρδίαν πλανώμενοι,
Ἰδρυσάμεθα πημάτων παραψυχὰς
Θεῶν ἀγάλατ' ἐκ λίθων ἢ χαλκίων,
Ἡ χρυσοτέυκλων, ἢ ἐλεφαντίνων τύπας.
Θυσίας τε τέτοις, καὶ καλαῖς πανηγύρεσι
τεύχοντες, ὅτως εὐσεβεῖν νομίζομεν.

*Vnum profecto Numen; vnus est Deus,
Qui condidit coelum, et solum terrae patens,
Marisque fluctus, vimque ventorum grauem.
Plerique nostrum mente sed capti, Deum
Simulacra nobis, ceu mali solatium,
Cum saxea atque acerna consecrauimus,
Tum et aureas eburneasque innagines.
Has victimis placamus: His festos dies
Agimus: pios hoc esse nos rati modo.*

Quis non miretur Sophoclem, idem suis exprobrantem, quod iisdem postea exprobauit Apostolus *Rom. I, 21, 22, 23?*

§. CXXVIII.

Obligatio
ad
gloriam
Dei pro-
uehen-
dam.

Qui viuam perfectionum entis alicuius notitiam sibi peperit, is non potest non iisdem vñice ac mirifice delectari. Quumque qui entis cuiusdam perfectionibus ipsi delectantur, nihil faciant reliqui, vt alii omnes illud eadem veneratione prosequantur: ad officium sane nostrum

nostrum pertinet, 28) vt et alii, Dei eiusque perfectionum ignari, tam praeclara doctrina imbuantur, et 29) errantes reducantur in viam, et 30) impii, quoad eius fieri potest, ad concipiendam summi Numinis reuerentiam solidis demonstrationibus ac cohortationibus excitentur. *) Quod qui faciunt, ii 31) GLORIAM DEI, quantum in ipsis est, PROVEHERE vere dicuntur.

- *) *Demonstrationibus* dicimus et *cohortationibus*, non poenis et suppliciis. Quum enim ignorantia et error sint vitia non voluntatis, sed intellectus: iis vero non alia medicina parata sit, quam vt mens conuincatur de veritate, ad eamque admittendam argumentis inflammetur: facile patet, eos nec ignorantibus prodesse, nec errantes in viam reducere, qui lege agi, ferrumque et flammam expediri iubent aduersus atheos, maxime quum iam inde ab antiquissimis temporibus plerumque atheorum vocabulo diffamati sint σωφρόνως βεβιωκότες, καὶ καθεωρακότες ὁζυτέρων πᾶ τῶν λοιπῶν ἀνθρώπων ἀμφὶ τῆς θεῆς πλάσιν, *viri temperanter et modeste viuentes, et reliquis hominibus ad peruidendam vulgarem circa Deos imposturam acutiores*, vti loquitur Clemens Alex. in *Protrept*, pluribusque exemplis docuerunt viri docti, vt Aelian. *Var. Hist.* II, 31.

§. CXXX.

Quia, cui perspectae sunt infinitae Dei perfectiones, is illis non potest non magnopere delectari, (§. CXXVIII.) adpetitio vero boni, cum percepta ex eius perfectione et felicitate delectatione coniuncta, AMOR vocatur: (§. LXXX.) consequens est, 32) vt Deus sit amandus. Et quum, quo maior est entis perfectio

Itemque
ad amo-
rem Dei.

vel sublimitas, eo maiorem illi amorem ac venerationem debeamus: (§. LXXXVII. *)
 33) Deus amandus erit amore perfectissimo, id est, vti scriptura monet, *ex toto corde, ex tota anima, et ex omnibus viribus. Matth. XXII, 37. Luc. X, 27.* Quia denique et bonitas Dei inter eius perfectiones, (§. CXXVII, 21.) Deus vero *et in se*, et *ratione hominis* bonus est: (*Elem. phil. mor. §. CLXXXIX.*) merito dixeris,
 34) Deum ob vtramque causam amandum esse. *)

*) Notum est, quid de amore Dei puro olim philosophati sint Epicurei et Sadducaei, et nostra memoria quidam mysticae theologiae paullo studiosiores, et in primis Franc. Saignac de Fenelon, Archiepiscopus Cameracensis, cuius libellus, inscriptus *Explication des maximes des Saintes sur la vie interieure* occasionem dedit controuersiae, cuius historiam iam alibi veluti in nucleo exhibuimus. (*Elem. phil. mor. §. CXCVIII. **) Sed quis Deum aliter concipiat, quam tamquam ens aliis quoque rebus creatis bonum? Quam inanis ergo sit illa de puro amore quaestio, immo quam periculosa, iam ostenderunt Leibnitius in *praef. prodromi et mantissae Codicis iur. gent. diplom. et Wolff. in den vernünftigen gedanken vom thun und lassen des menschen §. DCLXXXVIII.*

§. CXXXI.

Nec non ad obsequium et timorem Dei. Inter perfectiones Dei etiam sunt omnipraesentia, et omniscientia. (§. CXXVII.) Has sibi ob oculos ponere non potest homo, 35) quin excitetur ad studium indefessum, omnia, quae Deo placeant agendi, omniaque, quae eidem displiceant, omittendi, quod studium vocamus OBSEQUIVM erga Deum. Et quum simul

mul Deum non possit sibi non tamquam ens iustissimum repraesentare: 36) quam maxime sollicitus erit, ne eum vlla re offendant, aut quidquam dicat faciatue, quod coniunctum sit cum eius ignominia, quoue eius indignationem aduersus se prouocet. Quam sollicitudinem vocamus TIMOREM DEI, et illum quidem FILIALEM, quia cum flagrantissimo amore est coniunctus. * (§. CXXX.)

- *) Itaque TIMOR FILIALIS cum amore; SERVILIS cum odio coniunctus, aut saltem ab amore seiunctus est. Quum ergo ad hominis officium pertineat non solum timere Deum, verum etiam eundem flagrantissimo amore prosequi: (§. CXXX.) consequens est, ut ius naturae exigat timorem FILIALEM, non SERVILEM, qui et in homines sceleratissimos, quin et in malos genios, cadere potest.

§. CXXXII.

Qui seruili timore Deum metuit, is a timore Dei seiungit amorem eiusdem. (§. CXXXI. *) Itemque Quum vero amor in eo consistat, quod Dei perfectionibus vnice delectemur: (§. CXXX.) ad vitandam superstitionem. 37) is, qui Deum, cuius perfectiones non perspicit, metuit, SUPERSTITIOSVS vocatur: *) ex eoque consequitur, 38) ut omnis supersticio, quippe quae ex timore seruili proficiscitur, (§. CXXXI.) viro probro sit fugienda.

- *) Est ergo SUPERSTITIO timor Dei, qui non ex perfectionum diuinarum contemplatione, sed ex falsis de Deo conceptibus, proficiscitur. Idemque voluit Theophrastus *Charact. p. 47.* dum superstitionem vocat, *δειλίαν πρὸς τὸ δαμόνιον*, *meticulosum erga Numen adfectum*. Per *δειλίαν* enim; teste Casaubono in *Not.* intelligit *metum*

alium ab eo, qui pios decet: per τὸ δαίμόνιον et deos, et daemones, et quidquid diuinitatis esse particeps, male sana putauit antiquitas. Quum vero metus tam absurdus tum in interno adfectu consistere tum actionibus externis sese prodere possit: priorem INTERNAM; posteriorem EXTERNAM, seu CVLTVM SVPERSTITIOSVM vocamus.

§. CXXXIII.

Eiusque
effectus.

Quum ergo omnis superstitio tum interna, tum externa, viro probo cane peius et angue fit fugienda: (§. CXXXII.) 39) merito vir pius abhorret ab omni meticuloso adfectu erga res creatas, itemque 40) ab erroribus, quibus quis sibi Deum, tamquam ens avarum et donis facile placabile, sistit, praeterea 41) a magia et diuinationibus, 42) et cultibus fictitiis, denique 43) ab absurda opinione, Deum solo cultu externo, quamuis ab omni amore ac timore seiuncto, posse propitiari. *)

- *) Sunt haec praecipua capita, in quibus sese exerit superstitio, quippe ad quae reliqua superstitionis effecta omnia referri possunt. Vid. Budd. *de atheismo et superstit. Cap. VIII. et VIII.* Vnde facile patet, quam inanis sit comparatio atheismi et superstitionis, quum vtraque verae pietati erga Deum aequae aduersetur, vt idem vir doctissimus aduersus Petri Baelii sententiam pluribus ostendit *ibidem Cap. III. §. V. p. 346. sequ.* Nemo tamen negauerit, ex superstitione plurima maximaque incommoda redundare in rempublicam, vt non possis non mirari,

Quantum religio possit suasisse malorum,

si per religionem intelligas timorem Dei, ab omni recta ratione seiunctum, id est, superstitionem. Quo in primis pertinet lectu dignissima Iuuenalis *Satyra XV.* Nam saepe contingit, quod ibi refert poeta v. 33. *sequ.*

Inter

*Inter finitimos vetus atque antiqua similtas,
Immortale odium, et nunquam sanabile vulnus.
Ardet adhuc Ombos et Tentyra. Summus utrinque
Inde furor vulgo, quod numina vicinorum
Odit uterque locus, quum solos credat habendos
Esse Deos, quos ipse colit.*

§. CXXXIII.

Praeterea, quum nemo de infinitis Dei perfectionibus possit cogitare, quin eius omniscientiam, sapientiam, potentiam et bonitatem simul sibi repraesentet: (§. CXXVII.) fieri etiam non potest, 44) quin homo omnem fiduciam in Deo collocet, et 45) in eius providentia vnice adquiescat, quin et 46) quaecumque Deus de se statuerit, forti ac intrepido animo ferat, denique 47) nec, si bonis mala, vel malis bona eueniant, offendatur aut animus despondeat, sed 48) et mala ista sibi aliisque esse profutura, certo persuasus conuictusque sit.

Et ad fiduciam in Deo collocandam.

§. CXXXV.

Et in his quidem similibusque officiis cultus Dei INTERNVS consistit, per quem intelligimus amorem, timorem ac fiduciam, quibus Deum pura mente prosequimur. Quando quidem vero ita natura comparatum est, vt adfectus in actiones externas erumpat: vix sincerus videretur cultus ille interior, nisi inde nasceretur EXTERNVS, *) qui in actionibus externis, ex amore, timore ac fiducia erga Deum profectis, consistit.

Cultus Dei internus et externus.

*) Equidem necessitatem cultus istius externi ex ratione posse demonstrari, quidam negarunt, partim quod hoc cultu non indigeat Deus, ceu recte

viderit Demonax, philosophus apud Lucian. in *Demonacte* p. 861. Tomo I. dum accusatus impietatis, quod nullum unquam sacrificium Minervae obtulerit, responderit: ὅδε γὰρ δειδῶται αὐτὴν τῶν παρ' ἐμῶν θυσιῶν ὑπελάμβανον. Neque enim illam oblati a me sacrificiis indigere, putabam: partim quod societas humana vitaeque tranquillitas, omisso cultu externo, non laedatur. Thomaf. *Iurispr. diu.* II, 1, 11. *sequ.* et *introd. in Ethic.* III, 37. *sequ.* Sed nec cultu interno indiget Deus, quem tamen necessarium esse, nemo negauerit. Alterum vero argumentum facile corrui, si destruxeris πρῶτον illud ψεῦδος, quasi nihil, nisi quod ex socialitate consequitur, iuris naturae sit. (§. LXXV.) Conferri tamen meretur Hochstetter. *Colleg. Pufendorff. Exerc. III, 38.*

§. CXXXVI.

Exter-
nus flue-
re debet
ex amo-
re Dei.

Quum ergo cultus Dei externus in actionibus externis ex amore, timore, ac fiducia erga Deum perfectis consistat, (§. CXXXV.) amor vero non possit non efficere, ut cuius perfectione et felicitate vnice delectamur, eum quoque verbis celebremus: officii nostri erit, 49) de Deo semper honorifice, et cum reuerentia loqui, 50) alios sermonibus et actionibus nostris ad eundem amorem accendere, 51) Deo hymnos canere, 52) nec eius nomen temere iurando peierandoue, vel sermonibus quibuscumque futilibus, ignominia adficere.

§. CXXXVII.

Nec non
ex timo-
re Dei.

Ex timore Dei, obsequioque, quod enti illi perfectissimo debemus, (§. CXXXI.) merito colligimus, 53) praeceptis eius actiones nostras etiam externas attemperandas, et 54) fem-

semper cogitandum esse, vbique praesentem adesse Deum, ac ipsas cogitationes nostras, nedum actiones externas, perspicere. *) Ex quo prono alueo fluet praeceptum pulcherri-
mum, 55) cauendam esse omnem simulatio-
nem pietatis, quippe cum summa diuini Nu-
minis iniuria ac contemptu coniunctam.

*) Professus est sublimem illam doctrinam etiam Tha-
les Milesius, qui interrogatus a non nemine,
εἰ λήθοι θεὸν ἀνθρώπος ἀδικῶν, num lateat Deum
bomo iniuste agens? respondit: *ἀλλ' ἔδὲ διανοή-
μενος*. Immo ne cogitans quidem. Clem. Alex.
Strom. V. p. 594. Quis vero Deum praesentem et
spectantem omnia non reformidet? Eleganter
Epictetus apud Arrian. I, 14. *ὣς θ' ὅταν κλεί-
σητε τὰς θύρας, καὶ σκότος ἔνδον ποιήσητε,
μείμνηθε μηδέποτε λέγειν, ὅτι μόνοι ἐστέ· ἡδὲ
ἐστέ, ἀλλ' ὁ θεὸς ἔνδον ἐστὶ*. *Quamobrem, clausis
ianuis ac valuis, quum in tenebris confederitis, no-
lite dicere, vos solos esse. Non enim estis. Non
certe estis, sed Deus intus est.* Magna ergo notis
incumbit necessitas pietatis, quippe degentibus
sub oculis Dei, omnia cernentis.

§. CXXXVIII.

Denique qui fiduciam in Deo collocat, (§. Deni-
CXXXIII.) numquam intermittet 56) ca- que ex
stas preces fundere, nihilque 57) faciet liben- fiducia
tius, quam vt, si occasio fuerit, publice in Deo
priuatimque cum Deo, et de Deo, loquatur. Ea collo-
canda.
enim sunt, quae de cultu Dei externo perci-
pit recta ratio. Ad ritus vero quod attinet,
quamuis 58) et ratio intelligat, non posse cul-
tum publicum commode explicari, nisi
certa loca, temporaque illi destinantur,

et 59) tanti momenti negotium omnino exigit, ut omnia decore fiant: 60) ipsas tamen caerimonias illa nec praescribit, nec 61) improbat, si ita sint comparatae, ut nobis in memoriam reuocent ea, de quibus in cultu diuino sit cogitandum. Cel. Wolff. *vernünfft. gedanken vom thun vnd lassen. des mensch. §. CLXXVI. sequ.*

CAP. VI.

DE OFFICIIS HOMINIS ERGA SEIPSVM.

§. CXXXVIII.

Homo obligatus est ad amandum se ipsum.

PRaeter Deum optimum maximum nihil homini seipso propius est, quippe cui ipsa natura tam tenerum sui amorem impressit, ut istum emotae mentis esse existimemus, qui aduersus se ipsum odium concipit, sibiue male, quam bene, esse mauult. Nec iniustus est ille SVI IPSIVS AMOR, dummodo ordinem non turbet. Est enim adfectus, quo quis perfectionibus suis ac felicitate delectatur, eaque bona conseruare, et magis magisque quotidie amplificare studet. Quum vero Deus voluerit, ut exsisteremus, multasque nobis perfectiones eximias dederit, quin et media ad veram felicitatem perueniendi nobis in promptu esse voluerit: voluit etiam procul dubio, ut conseruemur, nostrasque perfectiones tueamur et amplificemus, veraque felicitate potiri studeamus, eaque delectemur, id est, ut nos amemus. (§. LXXXII.)

§. CXXXX.

§. CXXXX.

Ex quo iam supra collegimus, (§. LXXXII, 64.) hominem nihileorum, quae ad perfectionem, felicitatemque adsequendam, conseruandam, amplificandamque pertinent, praetermittere teneri, dum id sine amoris diuini violatione fieri possit: *)

Qualis
iste sui
ipſius
amor?

- *) Itaque haec officia nobis non praestamus tantum, vt felices ſimus: (iam ſupra enim oſtendimus, falli eos, quibus *ſola eſt vtilitas iuſti prope mater et acqui*,) ſed quia id Dei a nobis exigit voluntas, vt perfectionibus et felicitati noſtrae ſtudeamus. (§. LXXVII. ſequ.) Itaque ipſum, quod nobis debemus, officium conſiſtit in ſtudio perfectionis ac felicitatis noſtrae: non autem ſtudium illud eſt cauſa, quae nos ad hoc officium impellit.

§. CXXXXI.

Quum ergo ex Dei O. M. voluntate homo obſtrictus ſit ad ea omnia quae ad perfectionem felicitatemque adsequendam, conſeruandam, amplificandamque pertinent, (§. CXXXX.) et homo non ex ſola mente, ſed et ex corpore conſtet, et vtraque ſubſtantia eius eſſentiam abſoluat: (*Elem. phil. mor. §. XI*) conſequens eſt, 1) vt homo et MENTEM et CORPVS perficere, et 2) quia duae ſunt mentis facultates, INTELLECTVS et VOLVNTAS, (*Elem. phil. mor. §. XV*.) de vtriusque perfectionibus adsequendis, conſeruandis, amplificandisque ſollicitus eſſe debeat, adeoque 3) officia hominis erga ſeipſum partim ad totum HOMINEM perficiendum conſeruandumque, partim ad INTELLECTVM, partim ad VOLVNTATEM, partim denique ad

Quot
eius ob-
iecta?

COR-

CORPVS, STATVMQVE HOMINIS EXTERNVM pertineant.

- *) Obseruandum hoc contra Socratis aliorumque veterum principia, qui corpus non partem esse hominis, sed eius instrumentum tantum, res externas vero plane nihil ad hominem pertinere, existimabant. Sic Simplicius in *prooem. comment. ad Epictet. p. 6.* Εἰ ἂν ὁ μὲν ἄνθρωπος ἄρχῃ τῷ σώματι, τὸ δὲ σῶμα ἑαυτῷ ἢ ἀρχῇ, δῆλον, ὅτι ἢ εἰν ὁ ἄνθρωπος σῶμα, ἀλλ' ἢ δὲ τὸ συναμφοτέρον, διὰ τὴν αὐτὴν αἰτίαν. *Quod si homo corpori imperat, ipsum vero corpus sibi non imperat, hominem corpus non esse, constat, ac ne utrumque quidem simul, eadem de causa.* Et quibusdam interiectis: Ὁ τῷ σώματι ἐπιμελόμενος ἢ ἄνθρωπος, ἢ δὲ τῶν ὄντων ἡμῶν ἐπιμελεῖται, ἀλλὰ τῷ ὀργάνῳ ὁ δὲ περὶ χεῖματα καὶ τὰ τοιαῦτα σπεύδων, ἢτε ἄνθρωπος ἐπιμελεῖται, ἢτε ἄνθρωπος ὀργάνῳ, ἀλλὰ τῶν τῷ ὀργάνῳ. *Qui corpus curat, non hominem, nec ea quae sunt hominis, curat, sed instrumentum: qui vero pecunie et id genus aliis rebus studet, nec hominem curat, nec hominis instrumentum, sed ea, quae ipsi instrumento seruiunt.* Non sine strepitu talia iactabant veteres, quum sint dogmata non modo falsa et stolta, sed et pestilentissima.

§. CXXXII.

Officia
erga se-
ipsum
non sunt
seiu-
genda
vel sepa-
randa.

Ex quibus porro colligimus, 4) non seiungenda esse haec officia, adeoque 4) nec mentem, nec corpus negligi oportere: 6) si tamen contingat, vt vtrique satisfieri non possit, ex pluribus bonis vel perfectionibus, quas simul adsequi non possumus, nos praestantissimam ac summe necessariam eligere, (§. LXXXIII.

LXXXVIII, *) ac proinde, 7) quum mens corpore sit multo praestantior, (*Elem. philos. mor. §. XIII.*) perficiendae menti nostrae tunc magis, quam corpori, studere, at 8) neurram tamen nostri partem plane negligere debere. *)

*) Itaque contra officium faciunt, qui ita curant corpus, vt mentem obbrutescere patiantur. Sed ii non magis satisfaciunt officio, qui doctrinae atque intellectus perficiendi studio ita immorantur libris, vt iis immoriantur. Neutrum ergo officium negligendum, quamuis si quis e. g. studio theologico consecratus, non tantum sibi vel otii, vel sumtum, superesse videat, vt studia quaedam, quae theologum alioquin ornant, nec tamen abscisse sunt necessaria, cum theologia coniungat, is omnino recte et ordine facere videatur, si id quod praestantius est, minus praestanti, necessarium minus necessario praefarendum existimet. Rem solide explicauit Cel. Wolff. *ibid.* §. CCXXV. *sequ.*

§. CXXXIII.

Quod ad TOTVM HOMINEM attinet, eius perfectio et felicitas in eo consistit, vt vnio mentis et corporis maneat salua, quia diuulsis istis partibus, mens quidem, tamquam immortalis, superstes est, (*Elem. philos. mor. §. XIII.*) non autem homo. Quandoquidem vero homo VIVERE dicitur tantisper, dum vnio illa mentis et corporis salua est; MORI vero, simul ac partes illae essentiales a se inuicem diuelluntur: consequens est, 9) vt homo ad vitam conferuandam, ac 10) proinde ad euitandam mortem, ac destructionem, omnino sit obligatus, nisi 11) mens, de praestantiore bono per mortem consequendo certa, mortem non quidem vltro

Homo vitam seruare, ac mortem euitare tenetur.

ultro eligat, sed imminentem sibi animo forti ac intrepido obeat. * (§. LXXXXIII. *)

*) Itaque insaniisse dixeris Hegesiam *πειθίστατον*, qui hominem ad consciscendam sibi mortem obligatum esse, existimabat, idque tanto argumentorum adparatu persuadebat hominibus non magis sanis, ut cateruatim se in mare proiicerent. Cic. *Tusc. Quaest. I, 34. Valer. Max. VIII 9.* Quum enim eum emotae mentis esse, merito iudicemus, qui sui ipsius concipit odium: (§. CXXXVIII.) ea, quae somniauit fecitque ille Hegesias,

Non sani esse hominis, non sanus iuret Orestes,
maxime quum omnia referret ad voluptatem, nec futurae alicuius felicitatis spes atque expectatio vitam hanc illi acerbiorum mortemque suaviorum redderet. Contra nihil praeter officium optabat Apostolus, dum cupiebat dissolui, non martyres eo nomine erant reprehendendi, qui certa spe futurae gloriae freti; nullos cruciatus, nullumque supplicium pertimescebant, quia quod malum minus nos maiori malo subducit, bonique praestantioris reddit participes, potius bonum, quam malum est. (*Elem. phil. mor. §. CLII, 12. iuncto §. CLI, 8.*)

§. CXXXXIII.

Ac proinde mors voluntaria iniusta est.

Inde porro colligimus, 1) contra officium agere, qui ipsi sibi violentas manus inferunt. Quod et aliis modis facile potest demonstrari, veluti quod huiusmodi actio naturae amoris et boni indoli repugnat, adeoque contradictionem inuoluit: (*Elem. philos. mor. §. CLIII. **) quod mors huiusmodi voluntaria non potest consistere cum illa fiducia in Deo collocanda, mentisque adquietascentia in voluntate Dei, quas supra inter officia hominis erga Deum esse probauimus.

mus. (§. CXXXIII.) Sed ad iicere iam iuabit hoc vnum argumentum: Homo tenetur hominem amare, tamquam seipsum: ac proinde se ipsum, tamquam alios homines. (§. LXXXIII, 63. 66.) Atqui amor iustitiae non patitur, vt hominem occidamus. Idem ergo non patitur, vt nos ipsos occidamus. *)

- *) Ast ita philosophandum cum iis, qui scientes et prudentes in se ipsos saeuiunt: non cum iis, qui ex furore vel insania sibi inferunt manus. His actio tam tristis ne imputari quidem potest: (§. CVI, 29.) illis, quum sine causa tale quid fecisse videri nequeant, vel conscientia criminis, vel calamitatum, quibus excruciantur, magnitudo, vel metus dirae atque ignominiosae mortis consilium tam truculentum extorquet. Quarum causarum prima manifesto non excusat, quum supersit medium, cum conscientia redeundi in gratiam. Reliquae non destituuntur colore, quia ex duobus malis physicis merito minus videtur eligendum. (*Elem. phil. mor.* §. CLII. * 2.) Sed quum nec malum physicum sit mors voluntaria, sed morale, quod eligi non potest, et calamitas dolorque concipi vix possit, quem non adquiescentia in voluntate Dei lenire possit ac debeat: quin et plerumque furor non postremus sit, ne moriari, mori: Martial. *Epigr.* II, 80. ne his quidem casibus dici potest, suae quemque vitae mortisque esse arbitrum. Wolff. *Philos. moral.* §. CCCXXX. sequ.

§. CXXXV.

Ex iisdem axiomatibus, paullo ante (§. CXXXIII.) explicatis, patet, 12) non minus contra officium facere, qui immodicis laboribus, vel 13) luxu et libidine, sibi mortem accelerant, vel 14) valetudinem parum curant: quique 15) nec necessitate, nec officio urgente,

Nec non
vitae et
valetu-
dinis ne-
glectus.

urgente, pericula vltro adeunt, eaque ratione ipsi sibi suo iumento malum arcessunt. *)

*) Quisquis enim actionis alicuius auctor vel caussa est, ei actio illa iure imputatur. (§. CV, 22.) Quis vero dubitet, quin mortis suae caussa sit, qui se intolerabili labore excruciat? qui luxu et libidine vires corporis animique deterit prosternitque, qui valetudinis nullam habet rationem, periculis manifestissimis sese praeter necessitatem obicit? Quum ergo vel in foro humano ex lege Cornelia sicarius habeatur, non solum qui dolo malo occidit hominem, sed et, qui neci causam praebuit: *l. 16. §. 8. D. de poen. l. 1. D. ad L. Cornel. de sicar.* quis dubitet, quin multo magis in foro diuino reus propitidii futurus sit, qui sibi ipse mortis causam praebuit?

§. CXXXXVI.

Officia
hominis
ratione
intellectus.
Cultura
eius omnibus
communis.

INTELLECTVS humani perfectio procul dubio in cognitione veri et boni consistit. (*Hist. philos. §. I.*) Ad quam adsequendam, conseruandam, amplificandam, quum homo sit obstrictus: (§. CXXXX.) consequens est, 16) vt vnumquemque oporteat de acquirenda sibi mentis perspicacitate, facultateque verum et falsum, bonumque et malum discernendi laborare, 17) nullamque occasionem siue ex aliorum institutione, siue ex libris, siue per experientiam, veritates vtilis, praeceptaque de bono et malo *) addiscendi praetermittere, et 18) si forte eius sit conditionis, vt omnia, quae vtilia essent, addiscere non possit, eum vel saltim id, quod optimum maximeque necessarium est, tanto accuratius veluti in numerato habere debere. (§. CXXXXII, 6.)

*) Haec

- *) Haec cognitio omnibus peraeque necessaria est, partim quod voluntas non potest adpetere, nisi quod intellectus sibi, tamquam bonum, repraesentavit, nec auersari nisi quod illa tamquam malum agnouit: (§. XXX, 5.) partim quod imputantur actiones, etiam ex ignorantia admissae, quatenus legem et potuit et debuit homo perspectam habere. (§. CVIII, 37. 38.) Recte ergo Sophocles in *Antigone* v. 1321. πολλὰ τὸ Φρονεῖν εὐδαίμονις πρῶτον ὑπάρχει. *Sapere ad beatitudinem praecipuum est.*

§. CXXXXVII.

Ex qua postrema propositione (§. Et singu-
CXXXXVI, 18.) porro consequitur, 19) vt, lis pro-
quemadmodum ad officia, adhuc recensita, pria.
omnes peraeque obligati sunt: ita 20) specia-
tim quisque ad eam intellectus culturam sit
obstrictus, quae eius indoli ingeniique viri-
bus, nec non fini et vitae conditioni conue-
niat, ac proinde 21) suam quisque indolem
suasque vires accurate exploratas habere debe-
at, 22) vix quippe excusandus, si quod vi-
tae genus, cui minus idoneus sit, temere at-
que inuita Minerua, vel ipse eligere, vel 23)
aliis in potestate sua constitutis vel disciplinae
suae creditis obtrudere non dubitarit. *)

- *) Itaque cultura, ad quam obligati sumus, intelle-
ctus alia GENERALIS est, ad quam omnes homines
peraeque obligati sunt, de qua §. CXXXXVI,
alia SPECIALIS, ad quam singuli tenentur, de qua
hoc §. CXXXXVII. Illius fundamentum est ratio,
quam cum omnibus hominibus communem habemus,
quamque pro virili perficere tenemur omnes:
huius vero cuiusque indoles, id est, vires iudicii, in-
tellectus et memoriae, quae quum non apud omnes
caedem, nec eodem gradu sint: non omnes ho-

mines ad idem vitae genus idoneos esse, facile patet. Hinc porro colligimus, VOCATIONEM DIVINAM SPECIALEM, (si ab instinctu diuino atque extraordinario discedamus,) nihil aliud esse, quam voluntatem Dei de certo vitae genere ab homine eligendo, per dotes animi ac corporis ei concessas declaratam. De qua Perlius *Sat. III, v. 71.*

Quem te Deus esse

*Iussit, et humana qua parte locatus es in re,
Disce.*

§. CXXXXVIII.

Officia
ratione
volunta-
tis.

VOLUNTATIS perfectio consistit in adpetitione et fruitione boni, malique auerfatione. Quumque bonum non adpetamus nisi cuius praestantiam intellectu praelucente perspeximus, nec auersemur, nisi quod tamquam malum cognouimus: (§. XXX, 5.) ex eo quoque merito colligimus, 22) non adquiescendum nobis esse in qualicumque boni malique cognitione, sed operam dandam, ut ea viua sit, et efficax: 23) Non modo bonum qualecumque esse adpetendum, sed ex pluribus bonis praestantius magisque necessarium; 24) immo ne malum quidem auerfandum esse, quod nos maioris boni participes reddere possit: denique, 25) bonum summum prae aliis adpetendum, et reliquis bonis omnibus aequo animo carendum esse, si illo sine his potiri non possimus. *)

*) Hinc iam alibi ostendimus, falli eos, qui summam felicitatem, ad quam in hac vita connitimur, in fruitione omnium bonorum consistere existimant: veluti Platonem apud Ciceronem *Quaest. Acad. I, 6.* Id enim cum non cadat in hominem, nec in huius vitae conditionem: consequens est, ut saltem ad adsequendum bonum summum ac prae-

praestantissimum, quod τὴν ἀγαθὴν μετέδωκε ele-
ganter vocat Seruator, *Luc. X, 42.* omne studium
conferre teneamur. (*Elem. phil. mor. §. CXXXVIII.*
sequ.)

§. CXXXVIII.

Praeterea, quum is, qui obligatus est ad fi-
nem, is et ad media sit obligatus: consequen-
est, 26) vt nihil eorum, quae recta ratio prae-
scribit, ad summam felicitatem contendenti-
bus, et quae alibi (*Elem. phil. mor. §.*
CCXXXVIII. sequ.) explicauimus pluribus,
praetermittendum, sed 27) de emendanda
mente 28) adfectibus ratione regendis, *)
29) vitiis denique magis magisque animo e-
uellendis, dies noctesque serio cogitandum sit.

Volun-
tatis e-
menda-
tio ma-
xime
necessa-
ria.

- *) Saepe enim soli illi animi impetus hominem ira
in transuersum agunt, vt sine suo excidat, et vel
vera felicitate careat, vel tristem eiusdem fa-
ciat iacturam. Praeterea generatim non faciet
vmquam officium, quisquis adfectus non habet
in potestate, quippe qui ita peruertunt distorquent-
que animi iudicium, vt nihil recte et ordine fiat.
(*Elem. phil. mor. §. XXXV.*) Papin. Stat. *Thebaid.*
Lib. X. v. 626.

Ne fraenos animo permitte calenti:

Da spacium, tenuemque moram, male cuncta mi-
nistrat

Impetus.

Nimirum ratio ipsa, cui fraena traduntur, tam-
diu potens est, quamdiu diducta est ab adfectibus.
Si miscuit se illis, et inquinauit, non potest con-
tinere, quos submeuere potuisset. Commota enim
semel, et concussa mens ei seruit, a quo impellitur.
Seneca de ira I, 7.

§. CL.

Obligatio ad corpus perficiendum conferuandumque.

Supereſt CORPVS, cuius perfectio quum in eo conſiſtat, vt omnes eius partes ad motus neceſſarios idoneae ſint: ex hoc quoque conſequitur, 30) vt obligati ſimus ad tuendam ſanitatem, ac proinde 31) et in cibo potuque capiendō, et 32) in laboribus, et 33) in exercendo corpore omnia ad tuendam valetudinem, agilitatemque, et vires tanto maiores adquirendas, referre, *) contra ea 34) omnem corporis deſtructionem et mutilationem membrorum a nobis, quantum fieri poteſt, amoliri teneamur.

*) Sed hic quoque ſtatus quiſque ſui et conditionis rationem habere tenetur. Aliud enim robur, aliam agilitatem, dexteritatemque requirimus in pugile, quam in fabro: alia omnia in fabro, quam in milite, alia in milite, quam in viro docto. Ex quo patet exercitationes quoque corporis non in omnes eaſdem cadere, adeoque prudentia hic opus eſſe, vt et finem quiſque ſuum ob oculos habeat, et media ſe digna eligat. Quin et aetas diſcrimen facit. Senex, ſi ſapit, *non vires deſiderat adoleſcentis, non plus, quam adoleſcens tauri aut elephanti*, ait Cicero *Cat. mai. Cap. IX.* Ac proinde et ſenis alia erit exercitatio, quam iuuenis. *Id. ibid. Cap. XI. Pugnandum tamquam contra morbum, ſic contra ſenectutem. Habenda ratio valetudinis, vtendum exercitationibus modicis, tantum cibi et potionis adbibendum, vt reſciantur vires, non opprimantur. cetera.*

§. CLI.

Quatenus homo teneatur ad facultatem

At fruſtra haec omnia vrgentur, ſi quis ea paupertate prematur, vt ſibi nec ſalubrem vietus rationem imperare, nec laboris modum ſuo arbitrio ſtatuerere poſſit. Ac proinde 35) facile

facile intelligitur, carere hominem non posse ^{tates} adparatu rerum, ad vitam statumque suum de- ^{quae-} core tuendum necessariorum. Qui adparatus ^{rendas?} quum FACULTATVM vel, si adfluentior sit, OPVM vel DIVITIARVM nomine veniat: consequens est, 36) vt vnusquisque obligatus sit ad tantas facultates, quantas iustis mediis parandi occasio est, adquirendas, 37) iusteque adquisitas conseruandas, et 38) prudenter dispensandas. *)

- *) Non ergo ideo probamus AVARITIAM, vitiorum omnium pestilentissimum pariter ac turpissimum. Auarus enim opes opum causa quaerit, homo seipsum prudenter amans vitae decore agenda causa. Illi nullum lucrum sordet, nec medium vllum corradendae pecuniae tam turpe ac iniustum est, quo non vtendum existimet Euclio, cui semper, si non in ore, at in mente, est illud *πο-
λυφειλόλητον*.

O ciues, ciues, quaerenda pecunia primum:

Virtus post nummos.

Hic non corradit opes, sed occasione illas iuste adquirendi iniicit manum. Denique quum avarus semper quaerat, et inuentis miser abstineat, et timeat vti: multo aliter rationes componit vir sapiens, cuius vox est illa Horatii *Epod. I, v. 31.*

Haud parauero,

Quod aut avarus vt Cbrenes terra premam,

Discinctus aut perdam vt nepos.

Prudenter ergo dispensat facultates, ne cogatur aliena quadra viuere, vel alios pecunia turpiter emungere, ne inimicis sit ludibrio, ne creditores et improbi foeneratores limina sua dies noctesque obsideant, ne desit, quo amicos et indigos iuuet, ne denique iam mortuus a liberis, sua culpa mendicantibus, iure accusetur. Quis vero haec ad boni viri officium pertinere neget?

§. CLII.

Adeo-
que ad
laborem
et indu-
striam,

Ex quo facile patet, 39) quum finis sine mediis obtineri nequeat, nullum autem fit medium, facultates necessarias sibi parandi iustius labore ac industria, vnumquemque ad labores in eo, quod semel elegit, vitae genere, fortianiimo obeundos, omnemque adhibendam diligentiam, esse obligatum, ac proinde 40) contra officium facere eum, qui ideo, quod vitam ocio transigit, cum summa inopia ac ignominiosa paupertate conflictatur, quum contra 41) nemini imputari possit paupertas, qui, quamuis nihil, quod suarum partium sit, praetermittat, publica tamen vel priuata calamitate fortunis euoluitur, (§. CVI, 27.) vel 42) cui citra suam culpam nulla rem faciendi occasio est. *) (§. CXIII, 56.)

*) Vtrumque ergo ad boni viri pertinet officium, et occasionem aliquid adquirendi non dimittere o manibus, et honestam paupertatem aequo animo ferre. Vtrumque praestitit Iobus, qui et opes honestis mediis quaerere, et paupertatem ferre didicerat. Iungit vtrumque officium et Horat. *Carm. III, 29, v. 53.* qui de fortuna volubili fauore conquestus:

*Laudo, inquit, manentem. Si celeres quatit
Pennas: resigno, quae dedit, et mea
Virtute me inuoluo, probamque
Pauperiem sine dote quaero.*

§. CLIII.

Itemque
ad tuen-
dam et
amplifi-
candam
existima-
tionem,

Quum porro homo nihil eorum, quae ad adsequendam, conseruandam, amplificandamque felicitatem pertinent, praetermittere te- neatur: (§. CXXXX.) nemo sane dubitabit,

43)

43) quin ad felicitatem adsequendam, conseruandam, amplificandamque vel maxime pertineat EXISTIMATIO, quae in benigno aliorum de virtute ac perfectionibus nostris iudicio consistit. Cuius enim de virtute et perfectione omnes bene sentiunt: eum dignum felicitate iudicant, ac proinde nihil eorum, quae ad illam adsequendam, conseruandam, amplificandamque pertinent, praetermittunt. Itaque *existimatio* medium erit adsequendae, conseruandae, amplificandaeque felicitatis, ex eoque sequitur, 44) vt vnus cuiusque sit, seruire famae atque existimationi, *) et 45) publicis priuatisque in rebus, quae ratio praescribit, praestare, denique 46) eam non modo praeclaris actionibus tueri, sed et 47) si fieri possit, quotidie amplificare.

- *) Quum vero hoc et eorum sit officium, qui nulla vmquam turpi actione vel enormi facinore aliorum de se opinionem vel deminuerunt vel exstinxerunt: quanto magis ad id obligatos dixeris eos, quorum fortassis adolescentia vituperatione et odio non caruit, vt hanc labem eluant virtute, ac proinde famae seruiant? Exemplo esse potest Themistocles, de quo Cornelius Nep. *Cap. I. Quae contumelia non fregit eum, sed erexit. Nam quum iudicasset, sine summa industria non posse eam exstingui: totum se dedit reipublicae, diligentius amicis FAMAEQUE SERVIENS.* - Quo factum est, vt breui tempore illustraretur. Sic Titum quoque Caesarem, cuius animus in prima adolescentia veluti a seipso exerrauerat, pudore ignominiaeque metu a vitiis retractum esse, obseruat Sueton. *Tit. Cap. VII.* Alia exempla dabit Valer. Maxim. VI, 9. Macrob. *Saturn. II, 9.*

§. CLIII.

Et refel-
lendas
calu-
mnias.

Quumque vniuscuiusque ad officium pertineat, famam atque existimationem tueri, (§. CLIII, 46.) eam vero saepe deminuant aliorum CALVMNIAE, id est, mendaces de vitiis ac imperfectionibus nostris sermones: consequens est, 48) vt nihil, quod ad calumnias re ipsa et verbis refellendas pertinet, omittendum sit, 49) nisi forte illae tam putidae videantur, *) 50) vel auctor tam levis sit, vt eas generoso contemptu vindicare praestet.

- *) Vocantur hae MANIFESTAE CALVMNIAE, quas qui verbis operose refellendas existimat, nae is magno conatu maximas nugas agere velle videtur. Non magis illae virum bonum terrent, quam latratus catellorum. Et qui eas effutit: is non alterius, sed suam, existimationem turpiter euertit. *Simplicius Comment. ad Epictet. Cap. LXIII. Οἷον, εἰ τὸ, εἰ ἡμέρα ἐστίν, ἥλιος ὑπὲρ γῆν ἐστίν, ψευδὲς τις ὑπολάβοι, ὃ τὸ συμπεπλεγμένον βέβλαπται. αὐτὸ γὰρ ἔχει τὴν ἰαυτῆς ἀλήθειαν. ἀλλ' ὁ ἀπα-
γηθεὶς περὶ αὐτῶν ἔτω καὶ ὁ παρὰ τὸ καλῶς ἔχον λοιδόρων σὲ ἢ κακοποιῶν, αὐτὸς ἐστίν ὁ βεβλαμμένος, σὺ δὲ ἔδὲ βεβλαψαι, ἔδὲ πε-
πονθῆαις τι κακόν: Veluti: Si dies est, sol super terram versatur. Hoc si quis falsum putet, non ipsum connexum damnum facit, cui sua constat veritas, sed is, qui falsum de eo sentit. Sic etiam qui secum, ac decet, te conuiciatur, aut malefacit, ipse est, cui noceatur, tibi vero ne nocitum quidem est, neque mali quidquam datum. Aliud tamen dicendum de CALVMNIA SPECIOSA, id est, ea, quae cum aliqua probabilitate coniuncta est, et hinc non modo incautos, sed et prudentiores, fallere potest. Hanc enim qui iustis modis non reprimat, nec pudorem purgat, is diffidere causae suae*

suae videbitur, ac proinde non satisfacit officio, quod existimationem et famam, quae cum vita pari passu ambulat, pro virili tueri iubet.

§. CLV.

Quamuis vero iustissimus hic sit sui ipsius amor: nullum tamen dubium est, quin incidat in vitium, simul ac quis turbato amoris ordine, in seipsum vehementiore amore, quam in ens perfectissimum, puta DEVM, feratur. (§. LXXXXII, 63.) Atque inde collegimus iam supra, (§. CXXXX.) tum demum iustam rationem habere omnia haec officia erga nos ipsos, si ea cum amoris diuini violatione non sint coniuncta. Ex quo facile patet, 51) non semper verum esse, quod vulgo iactant, *necessitatem non habere legem.* *)

An officia erga nos ipsos ob necessitatem praeferenda officiis erga Deum?

- *) Ea regula nihil frequentius in ore hominum est, eaque ita vulgo vtuntur, ac si ex tripode audita esset, et quasi nihil sit turpe et nefarium, quod excuset necessitas. Euripid. in fragm. ex Hippolyt. obiect.

Ἐγὼ γε Θεμὶ, καὶ νόμον γε μὴ σέβειν
Ἐν τοῖσι δεινοῖς, τῶν ἀναγκαιῶν πλεόν.

*Quoties periculum est, ex mea sententia
Necessitati debet et lex cedere.*

Claudian. in Eutrop. Lib. II. v. 596.

*Suprema pericula semper
Dant veniam culpa.*

Atqui si hoc abscessisse verum esset: aduersus se ipsos grauiter peccassent martyres, qui, insuper habito illo necessitatis fauore, nullo cruciatuum genere adduci se passi sunt, vt aliquantulum turis flammae iniicerent: nec minus stolide egisset Iosephus, qui vitae libertatisque adire periculum, quam herae libidini seruire maluit. Quin nemo sanus vitio verteret militi fugam, si, imminente ho-

H § sto,

ste, cui se resistere non posse animaduertit, stationem deferere non dubitet. Plura exempla iam addere superuacuum esset, quum vel haec satis ostendant, non usquequaque veram ac solidam esse hanc regulam.

§. CLVI.

Favor
necessi-
tatis
quod ha-
beat
funda-
men-
tum.

Quum ergo regula haec non semper, at aliquando tamen, officio suo fungatur: (§. CLV, 51.) consequens est, 52) vt diuersi casus distinguendi sint, quumque in huiusmodi actione, quam nobis imperiosa necessitas extorsit, nulla circumstantia alia rem variare possit, quam vel NECESSITAS ipsa, vel LEGIS natura, vel OFFICII, quod praetermittendum est, in-
doles: facile patet, 53) haec tria paullo accuratius ac distinctius esse considerata, si, quatenus necessitas habeat legem, vel non habeat, explorare velimus.

§. CLVII.

Necessi-
tas quid
et quo-
tuplex?

PER NECESSITATEM hic intelligimus statum hominis, in quo legi sine periculo suo parere non potest. Quod periculum, quoties ad ipsam vitam pertinet: necessitas erit EXTREMA, quoties ipsi vitae non imminet, pro magnitudine periculi MAIOR, MINORUE adpellabitur. Ita et ABSOLUTA est necessitas, quae euitari nullo alio modo potest, quam violata lege: RESPECTIVA, quam alius quidem, at non hic homo, qui iam in illa versatur, euitare posset.

- *) Ita NECESSITAS EXTREMA imminet martyribus, quibus aut dirissimum subeundum supplicium, aut Christo maledicendum erat. Non vero extrema erat necessitas, qua Christianos ad defectionem impellere conabatur Iulianus ὁ παραβάτης, dum
eos

eos abs litterarum studiis, honoribus, militia repellat. ABSOLUTA erat necessitas, in qua versabatur Daniel, bestiis obiciendus, nisi preces intermisisset: RESPECTIVA, quacum conflictabatur Dauides, dum ei aut fame pereundum, aut panibus sacris vescendum erat. Alius enim, qui sine praecipiti fuga iter fecisset, facile procul dubio alium reperisset panem, quo expugnasset inediā,

§. CLVIII.

Iam facile quisque animaduertet, 54) in censum hic non modo venire necessitatem EXTREMAM, sed et eam aliquando, in qua vita non periclitatur. Quum enim quaedam sint calamitates ipsa morte acerbiores: quis dubitet, quin viro etiam constantissimo terrorem iniicere possint dolores intolerabiles, orbitas oculorum, et similes aerumnae? Praeterea quum ubi effugium patet aliud, ex duobus malis physicis minimum eligendum sit: (*Elem. phil. mor.* §. CLII, *) consequens est, 55) vt absoluta quidem necessitas fauorem mereatur, (§. CLVII.) 56) respectiua tum demum, si quis non suo sibi iumento hoc malum inuenerit. *)

Quae necessitas fauorem mereatur?

- *) Si quis se vltro periculo offert, causa est illius necessitatis, in qua versatur, ac proinde ipsi euentus potest imputari. (§. CV, 22.) Cui actio imputatur, eum nihil excusat, adeoque nec excusabit necessitas, si per eum steterit, quo minus illa vrgeretur. Hinc vix fauorem meruit necessitas, in quam se coniecerat quidam, qui propositum aduersus Christianos edictum diripuit consciditque, statimque productus non modo tortus, sed et legitime coctus est, teste Lactantio *de mort. persecut.* Cap. XIII. Si ergo in his constitutus angustis

stis aliquid egisset aduersus honestatem et iustitiam, tantum ut mortem et cruciatus subterfugeret, quis negauerit, eum male egisse? Exemplo esse potest Quintus quidam cuius in Epistola de martyrio Polycarpi meminit ecclesia Smyrnenfis, qui, quum sponte se obtulisset martyrio, et alios ad id faciendum perpulisset, visis bestiis, per genium Caesaris iurauit, nefandoque sese polluit sacrificio.

Quare Smyrnaei grauiter monent: *Διὰ τὸτο ὃν, ἀδελφοί ἡκ ἐπαινῶμεν τὰς προσιόντας ἐαυτοῖς, ἐπειδὴ ἔχ ὅτως διδάσκει τὸ εὐαγγέλιον.* Nos itaque, fratres, non probamus eos, qui ultro accedunt, ac semet ipsos produnt, quum aliter praecipitur in euangelio. Similia habes apud Origenem ad Io. XI, 35. Tom. XXXI.

§. CLVIII.

Leges humanae et diuinae adfirmatiuae admittunt exceptionem necessitatis.

Lex porro quum vel DIVINA sit, vel HUMANA, eaque vel AIENS, vel NEGANS, (§. LXIII, 9.) homo vero, etsi summus imperans, neminem obligare possit ad mortem gratis subeundam: consequens est, 57) ut leges HUMANAЕ regulariter intelligendae sint cum exceptione necessitatis. *) Idemque 58) dicendum videatur de DIVINIS AIENTIBVS vel ADFIRMATIVIS, quia nemini imputari potest omissio actionis, si agendi desit occasio, (§. CXIII, 56.) nisi forte 59) actionis intermissio ita sit comparata, ut tendat in summi numinis iniuriam, siquidem tunc lex simul concurrit negatiua, quod nihil faciendum sit in Dei ignominiam. (§. CXXXI, 36.) Quo referimus factum Danielis. *Dan. VI, 10.*

*) Omnia haec liquida videntur. Homines dum se imperio civili subiecerunt, in imperantem contulerunt

lerunt omnia, sine quibus finis ciuitatum obtineri non posset. Hinc et ius vitae et necis ei concesserunt, at non promiscue, quia id fini ciuitatis refragaretur, sed tantum, si id exigat salus populi vel reipublicae. Itaque nec ciues legibus suis obligare potest ad mortem gratis subeundam, sed eo tantum casu, si id exigat salus populi et reipublicae: adeoque eius leges regulariter intelligendae sunt cum exceptione necessitatis. Hinc eleganter Grotius *de iure belli et pac.* 1, 4, 7. n. 2. *Ferri ab hominibus leges solent et debent cum sensu humanae imbecillitatis.*

§. CLX.

Contra ea quod ad leges diuinas NEGANTES attinet, illae ad officia vel erga *ipsum Deum*, vel erga *nos ipsos*, vel erga *alios homines* nos obstringunt. (§. LXXXX. CXXIII.) Quae ad officia erga ipsum Deum pertinent, in se ita sunt comparata, vt sine ignominia Dei numquam intermitti possint. Quum vero ad ea omnia, quae cum ignominia summi Numinis coniuncta sunt, omittenda simus obstricti: (§. CXXXI, 36.) consequens est, 60) vt nullus sit tantus necessitatis fauor, qui hominem, leges diuinas negatiuas de officiis erga Deum violaturum, posset excusare. *) Contra 61) si duo colliduntur officia erga nos ipsos, nihil tutius est, quam vt ex duobus malis physicis, quod minimum est, eligamus.

Non autem leges diuinae negantes, quae ad officia erga Deum et nos ipsos pertinent.

*) Hinc factum suum excusare non potest, qui quacumque necessitate adduci se passus est, vt in Deum esset blasphemus, idolis sacrificaret, periuriose se polueret. Quod et ipsi non negarunt scriptores profani, veluti Iuuenalis, *Sat. VIII.*

*Ambiguae si quando citabere testis
Incertaeque rei, Phalaris licet imperet, vt sis
Falsus*

*Falsus, et admoto distet periuria tauro,
Summum crede nefas, animam praeferre pudori
Et propter vitam viuendi perdere causas.*

Quamuis vero excusare se nequeant, qui quid tale admiserunt, necessitati succumbentes: non tamen permittit humanae imbecillitatis sensus, ut eorum vicem non doleamus, quos a constante proposito dimouit imperiosa huiusmodi necessitas, quum nouerimus, ipsi Petro Christum Seruatorem neganti, datam esse veniam, quando eum facti poenituit. *Matth. XXVI, 75.*

§. CLXI.

Leges
diuinae
aientes
de officiis
erga
alios ad-
mittunt
fauorem
necessi-
tatis.

62) Quae ad officia erga alios homines pertinent, leges aientes, fauorem necessitatis non respuere certissimum est, partim quod omisso actionis imputari non potest, si deest agendi occasio, (§. CXIII, 56.) partim quod amoris leges nos non obligant, ut alterius felicitate magis, quam nostra, delectemur, adeoque illum vehementius, quam nos ipsos, amemus. (§. LXXXVIII, 65.) Et eatenus 63) verum est illud: *Proximus egomet sum mihi.* *)

*) Sic e. g. lex diuina non obligat quemquam, ut alium seruet, ipseque pereat, vel ut ipse esuriens, quod superest, panis frustulum alteri det. Id ne ipsa quidem sanctissima lex amoris, quam sacrae litterae Christianis inculcant, exigit. *II. Cor. VIII, 13.* Quare recte Seneca de Benef. II, 15. *Dabo egenti, sed ut ipse non egeam: succurram perituro, sed ut ipse non peream.* Nec aliud in animo habuere scholastici doctores, dum finxerunt regulam: *Ordinata caritas incipit a se ipsa.*

§. CLXII.

Ant et
negan-
tes, si

Porro NEGANTES leges de officiis erga alios obiecta a Deo necessitate, vel cum officiis de con-

conseruatione nostri ipsius, vel de perfectione nostra ac felicitate tuenda amplificandaque, colliduntur. Priore casu, quum alterum non magis, quam nos, amare teneamur, (§. LXXXXIII, 6.) 64) procul dubio, incumbente nobis necessitate, quaelibet honesta ratio est expediendi salutem, dumne per nos steterit, quo minus durum illud necessitatis telum declinaremur, vel par sit omnium conditio, quia aequalis aduersus aequalem nullo fauore utitur: (§. CLVIII, 56.) posteriore 65) satius est, nos perfectione aliqua vel felicitate carere, quam alterum perire, vt nos maiore perfectione vel felicitate potiamur. *)

necessitas sit a Deo?

- *) Nam perfectione aliqua vel felicitate carere malum est physicum, si per nos non stetit, vt illa potiremur. At perdere alterum, malum est morale, quod semper maius malo physico habendum est. Quum vero ex duobus malis physicis eligendum sit minus, ac proinde ex concurrentibus malis physico et morali physicum: (*Elem. phil. mor.* §. CLII. *) non sane peccabit, qui eo casu cum aliquo detrimento suo alium conseruare periculumque ab eo amoliri cupiat. Hinc quamuis non reprehendendus sit, qui in naufragio inhaerens tabulae, alterum eandem, vtrique non suffecturam, adprehensurum depellit: inexcusabilis tamen omnino videretur, qui spe maioris felicitatis, amicum proderet, quem salua religione prodere non poterat.

§. CLXIII.

Et haec iustam habent rationem, si ipsius Dei O. M. prouidentia *ἀπώρος* contingat, vt in ea necessitate versemur. (§. CLXII.) Nam si a malitia hominum est illa calamitas: aut id illi agunt, vt pereamus, aut vt necessitatem

Si eadem sit a malitia hominum?

pec-

peccandi nobis imponant. Priore casu, quum alium, nedum prauum, hominem vehementius, quam nos, amare non teneamur, (§. LXXXVIII, 65.) 66) merito erit excusandus, qui alium, quam se perire malit. Posteriore 67) dira quaeuis potius erunt ferenda, quam vt quidquam, quod cum ignominia Dei coniunctum sit, admittamus. *) (§. CXXXI, 6.)

- *) Hinc si vita nostra incidat in insidias telaque latronum: quaelibet honesta ratio est expediendi salutem, quia nulla nos obligat ratio, vt latrones potius, quam nos ipsos, feruamus. At male sibi consulisset Iosephus, si vincula magis timuisset, quam adulterium, ad quod eum pellicere cupiebat vxor Potipharis. Latrones enim id agunt, vt pereamus: Potipharis vxor Iosepho necessitatem peccandi imponere cupiebat.

§. CLXIII.

Moni-
tum de
adplica-
tione ha-
rum re-
gularum
ad casus
specia-
les.

His obseruatis regulis, quarum plerasque iam alii acute inuenerunt, *) non difficile erit, de variis speciebus, quas PVFENDORFFIVS et alii proponunt, iudicare, quamuis, si recte ponas calculum, multi fingantur casus, qui rarissime contingunt: plures, vbi omnia vno temporis momento transiguntur, intra quod vix de iustitia iniustitiaque actionis suscipiendae intermittendaeue quidquam, adhibita in consilium ratione, statuere liceat. Nimirum cuius, qui extra teli iactum est, quid factu opus sit, expensis in vtramque partem rationibus, iudicare non adeo difficile est, quum illi, qui in praesentissimo periculo versatur, in arena capiendum sit consilium. Vt non male de huiusmodi casibus vsurpare possis illud poetae:

Facile

Facile omnes, quum valemus, recta consilia aegrotis damus,

Tu, si hic esses, aliter sentires.

Terent. *Andr. I, 1. v. 9.* Ergo hic multa Dei potius iudicio ac misericordiae relinquere, quam ad viuum omnia refecare, praestiterit.

- *) Proposuit iam has regulas, saltim plerasque, Thom. *Iurispr. diu. II, 2, 143. sequ.* non ex iisdem tamen, quibus nos hic utimur, principiis derivatas. At postea idem eas sequestratas e iure naturae, et regulam vnam reuocatam voluit: omnes leges habere tacitam exceptionem necessitatis. *Fundam. iur. nat. et gent. II, 2, 19. †.* Nobis nulla videtur ratio suadere, vt omittamus vel sequestremus exceptiones, quas ex ipsa recta ratione fluere, ea, quae diximus, abunde ostendunt.

§. CLXV.

Sic nemo dubitauerit, 68) quin necessitas excusatura sit hominem, quem in eo articulo fortuna deprehendit, vt ei aut pereundum, aut membro aliquo carendum sit, si ense recidendum putet membrum, ne pars sincera trahatur. Quum enim vtrumque officium de seruanda vita integritateque membrorum nobis ipsis debeamus, in his vero tutissimum sit, ex duobus malis physicis id, quod minimum est, eligere, (§. CLX, 61.) denique minus omnino malum sit, membro, quam vita, carere: quis neget, medium istud, vitam iactura membri alicuius redimendi esse iustissimum? *)

An liceat abscindere membrum vitae seruandae causa?

- *) At difficilior est quaestio, an haec sit lex naturae praeceptiua, et is contra officium faciat, qui in ancipite isto periculo constitutus mori malit, quam dolores, quibus ferendis se imparem existimat, persentiscere? maxime quum non adeo

certa spes sit, quae de sectione illa concipitur, et non minus multi, qui hos cruciatus mira constantia pertulerunt, perire, quam seruari, soleant? Sane senectus, imbecillitas corporis, morbi indoles, medicorum dissensus, ipsiusque chirurgi in hac encheiresi imperitia et ruditas, in tantillo temporis momento, facile subigent animum, ut medicinam illam ipsa morte acerbiores putet, et sine tam exquisitis doloribus mori, quam incertam salutem intolerabili cruciatu redimere, malit. Quare hic moniti paullo ante dati (§. CLXIII.) memores, *ἐπέχειν*, et rem Dei iudicio et misericordiae committere, quam de hominis in tanta necessitate constituti conscientia temere iudicare malumus.

§. CLXVI.

An carne humana vesci fas sit in extrema fame?

Nullum quoque dubium est, 69) quin, qui in extrema fame cibo quocumque, etiam carne mortuorum hominum, vitam misere tolerarunt, excusandi sint: quum et hic collidantur bina officia, quae nobis ipsis debemus, ac proinde ex duobus malis physicis, morte, et alimentis, alioquin detestabilibus, minimum omnino eligendum videatur. (§. CLX, 61.) At 70) non excusandus, qui alterum obtruncat, ut eius carne pastus miseram vitam extendat: quia, quantacumque sit longae inediae imperiosa necessitas, ea tamen ius non dat in vitam alterius, nec fas est, alteri eam eripere, ut ipsi conseruemur, quia par hic est utriusque conditio ac necessitas. * (§. CLXII, 64.)

- *) At quid si omnes, pari necessitate pressi, in vnius macstationem consentientes rem forti committant? Quo pertinet casus tristissimus de septem Britannis, quem ex Tulpii *Observ. medic. I, 43.* refert Casp. Ziegler. *ad Grot. de iure belli et pac. II, 1. 3.*
Nihil

Nihil vero hic mutandum. Nemini enim in alterius vitam ius est. Et qui consentit in caedem sui ipsius aequè peccat, ac qui se alium occidit. *Nec debuit quisquam vitam suam tam vilipendere, ut eius iactura alterius famem exleret. Nec reliqui etiam ideo in socium suum saeuire debuerunt, ut stomacho suo consulerent: rectè iudicat Ziegler. ibid. p. 189. sequ.* Quibus non vsquequaque satisfecisse videtur Pufendorff. *de iure nat. et gent. II, 6, 3.*

§. CLXVII.

Aliud dicendum, 71) si quis naufragus apprehensa tabula, vni tantum suffectura, alterum, manus eidem iniicientem, vi repellat, vel 72) aliqui in scapham insilientes, reliquos, quos scapha ferre non potest, praecipitent. Vtroque enim casu non est parvtriusque conditio, quia qui tabulam adprehendit, quiue iam scapham prius occuparunt, in possessione sunt, ac proinde iure suo ab aliis, quamvis cum eodem periculo luctantibus, priuari nequeunt. Et quis non minus esse malum animaduertit, aliquos perire, quam omnes, maius bonum paucos, quam nullum seruari? *)

An naufragis alios, tabula semel adprehensa, vel scapha semel occupata, deicere liceat?

- *) Ex quibus fundamentis et alter decidi poterit casus de militibus, in castrum vel urbem munitam confugientibus, aliosque, paullo tardiores, excludentibus, ne hostes vna erumpant. Quale est factum Pandari, de quo Virgil. *Aen. VIII. v. 722. seq.* aliorumque, de quibus Freinsheim. *ad Curt. III, 16. 8.* Vbi tamen probe dispiciendum fuerit, extreme necesse sit absolutam sit necessitas, (§. CLVIII, 55.) an remotius adhuc periculum, et quod alia ratione, e. g. paucis hostibus admissis, et reliquis dimisso clathro submotis, euitari possit. Inde merito collaudanda Darii, Alexandrum fugientis, humanitas, qui, suadentibus aliis, ut pontem Lyci flu-

minis rescinderet, *malle se*, ait, *insequentibus iter dare, quam auferre fugientibus*. Curt. III, 16.

§. CLXVIII.

An carnificem excuset necessitas, proposita morte innocentem occidere iustum?

Nec 73) magis excusarim carnificem, vel alium quemcunque, qui hominem innocentem, proposito mortis supplicio, occidere iussus, parendum existimat, et imminentis supplicii periculum ad iustam sibi excusationem sufficere credit. A malitia enim hominis est illa calamitas, qui id agit, ut necessitatem peccandi imponat carnifici. Quo casu dira quaevis potius ferenda, quam quidquam, quod cum ignominia Dei coniunctum sit, admittendum. *) (§. CLXIII, 67)

*) Accedit, quod nihil agendum sit contra certam conscientiam: (§. XXXV, 35.) hic vero ponatur species, quod carnifex certo sciat, fauendum sibi esse in innoxium caput. Quis ergo eum admissi criminis absolueret? Nec rem conficit distinctio Pufendorffii, utrum spiculatori haec caedes imperetur tamquam actio propria, an mera alieni facti exsequutio. Quamvis enim ille posteriore casu caedem carnifici illi non magis imputari posse existimet, quam gladio aut securi: *Iur. nat. et gent. I, §. 9. VIII, 1, §. 6.* multum tamen interesse arbitramur inter gladium vel securem, tamquam res inanimatas, et hominem ratione praeditum, cui tam iniustam exsequuturo sententiam, ipsa conscientia reclamatur.

§. CLXVIII.

An fugienti obstantem protegere liceat?

Contra ea 74) recte quis, imminenti innocenti morte, fuga sibi consulturus, alium sibi obstantem submouet, quamuis se ei damnum illaturum suspicetur. Siue

Siue enim alter ex malitia iter fugienti intercludat: necessitas est a malitia hominis, isque id agit, vt fugiens pereat. Siue non nocendi consilio obstet: ab ipsius Dei prouidentia haec necessitas fugienti obiicitur. Vtroque vero casu quaelibet honesta ratio est expediendae salutis. * (§. CLXIII, 66. CLXII, 64.)

*) Nihil ergo moramur dissensum Alberti, *Comp. Iur. Nat. orthod. conform. Cap. III. §. XVII. sequ.* Argumentum enim, quo fretus in alia omnia sibi eundum existimat, quod in statu integritatis occidere innocentem nefas fuerit, plane est ἀπροσδιόνυσον, quia nec principium iuris naturalis in statu integritatis quaerendum est, (§. LXXIII.) nec in eo statu vllum concipi potest periculum, quod hac tristi fuga fuisset euitandum.

§. CLXX.

Idem dicendum videtur de casibus, 75) si quis res alienas in extrema necessitate, famis vel frigoris expellendi causa, contrectet: *) 76) vel si homines in extremo naufragii periculo, iactum alienarum mercium faciant. Quemadmodum enim priore casu necessitas est a malitia hominum, id agentium, vt famelicus, vel frigore obrigescens, omni humana ope destitutus pereat: (§. CLXIII, 66.) ita posteriore inter duo mala physica eligitur minus, dum homines, imminente naufragio, vident, aut sibi cum rebus pereundum, aut mercium alienarum, a se iactandarum, aestimationem esse praestandam. (§. CLX, 61.)

An in extrema necessitate res alienas contrectare vel perdere?

*) Qui hic dissentiant, iis furti vocabulum imponit, quod tam graue existimant esse peccatum, vt nulla necessitate vrgente quis ad illud compelli debeat. Sed quum ne homicidium quidem in casu necessitatis, puta in moderamine inculpatae tutelae, pro crimine imputent: cur magis imputarent furtum? Praeterea quis furtum sine dolo malo, immo sine animo lucrum faciendi concipit? Denique quum paucarum rerum alienarum, quas surripere iussit imperiosa longae inediae necessitas, aestimatio facile praestari possit ab hominibus, etiam mendicis, vbi se periculo expedierint: quis vitio illis vertat, quod non perire, quam rem aestimabilem animo restituendi, domino interuertere maluerint. Add. *cap. 3. X. de furt.*

§. CLXXI.

Conclu-
sio capi-
tis.

Sed talia innumera vel fingi, vel in ipsis rerum argumentis occurrere possunt, ex quibus quaedam vere sunt ἀποφα, et de quibus facile in vtramque partem disputari possit. Sed ne obliti videamur eius, quam ipsi paulo ante dedimus, admonitionis, (§. CLXIII.) plura addere iam nolumus, iis hanc curam relinquentes, qui sibi in ipsam hominum conscientiam sumunt imperium.

CAP.

CAP. VII.

DE OFFICIIS ERGA ALIOS ABSOLV-
TIS, ET PERFECTIS,

SPECIATIM

DE NEMINE LAEDENDO.

§. CLXXII.

PRogredimur iam ad OFFICIA ERGA ALIOS Officio-
rum er-
ga alios
funda-
men-
tum.
HOMINES, quorum fundamentum iam
supra in eo positum esse animaduerti-
mus, quod homo homini natura AEQUALIS,
ac proinde eatenus amore amicitiae sit profe-
quendus. (§. LXXXV. et LXXXVIII.)
Quumque aequalitas naturae aequalia etiam
officia exigit: inde collegimus, HOMINEM
HOMINEM NON MINVS, QVAM SEIPSVM TENERI
AMARE. (§. LXXXIII.)

§. CLXXIII.

Deinde amoris huius duos esse gradus, o- Ea vel
perfecta,
vel im-
perfe-
cta.
stendimus, quorum alterum IVSTITIAE, alte-
rum HUMANITATIS et BENEFICENTIAE adpellavi-
mus. (§. LXXXII. sequ.) Quum vero prior
in eo consistat, vt nihil quod infeliciorem a-
lium faciat, agamus, ac proinde neminem lae-
damus, et cuique, quod suum est, tribuamus;
posterior vt alterius perfectionem et felicitatem
pro virili prouehere atque amplificare stu-
deamus, illique tribuamus et ea, quae iure
stricto et perfecto non debemus: (§. cit.) con-
sequens est, 1) vt et officia, quae alteri debe-
mus, alia sint *iustitiae*, quae PERFECTA; alia hu-

manitatis et beneficentiae, quae IMPERFECTA vocamus.

§. CLXXIII.

Eorum
defini-
tiones.

Itaque OFFICIA PERFECTA sunt, ad quae homo perfecte, et per modum coactionis, obligatus est, puta vt neminem laedat, et cuique, quod suum est, tribuat. IMPERFECTA, ad quae imperfecte sine coactione, et ex ipsa virtute, obligamur, puta, vt alterius perfectionem ac felicitatem aequae, ac nostram, pro virili amplificare studeamus. * (§. LXXXIII.)

*) Itaque officia PERFECTA nobis necessitatem imponunt, ne alterum imperfectiorem infelicioremque reddamus: IMPERFECTA monent, nos nondum verae virtutis laudem adsequutos, nisi et alios perfectiores ac feliciores reddere, pro virili annitmur. Ea officia iam veteres iureconfulti accurate distinxerunt, veluti Paullus, dum *quaedam voluntatis, et officii magis, quam necessitatis, esse*, scripsit. l. 17. §. 3. D. commodati. Adde locum Senecae, quem attulimus supra §. LXXXIII.*

§. CLXXV.

Alia
item ab
soluta,
alia hy-
potheti-
ca.

Quandoquidem igitur, quod ad OFFICIA PERFECTA attinet, illa in eo posita sunt, vt NEMINEM LAEDAMUS, et CUIQUE, QUOD SVVM EST, TRIBVAMUS, (§. CLXXIII.) laedere autem est alterum infeliciorem, quam natura est, reddere, (§. LXXXII,) SVVM denique aliquis dicere potest, quod iuste adquisiuit: (§. cit.) sequitur sane, 2) vt obligatio ad neminem laedendum sit *connata*; ad suum cuique tribuendum, *adquisita*. Vnde prius officium ABSOLVTVM; posterius, quod suum cuique tribui iubet, HYPOTHETICVM vocamus. *)

*) Ita-

*) Itaque ABSOLVTVM officium nobis est, quod homo ab homine exigere potest nullo posito iure, quod per factum aliquod adquisiuerit: HYPOTHETICVM, quod, demum posito aliquo iure, per factum adquisito, exigitur. Sic homo ab homine iure exigit, ne occidatur, nullumque ideo ponit factum, quo sibi hoc ius adquisiuerit. At non posset quisquam iure conqueri de rebus sibi ab altero praereptis, nisi ius aliquod circa illas res, veluti dominium, facto adquisiuiisset. Itaque *neminem occide* est officium absolutum; *furari noli* officium hypotheticum. Quod discrimen si non neglexisset ὁ πᾶντο Salmasius, de *vsur. Cap. VIII.* facile intellexisset, non fugisse rationem iureconsultos, qui *furtum admittere naturali iure prohibitum esse*, contendunt. l. 1. §. 3. D. de *furt. §. 1. Inst. de obl. quae ex delict.*

§. CLXXVI.

Quumque porro ius, quod circa rem aliquam adquisiuimus, vel ex DOMINIO, vel ex PACTO seu CONVENTIONE proficiscatur: consequens est, 3) vt omnia officia HYPOTHETICA, vel ex DOMINIO, vel ex PACTO nascantur, adeoque 4) is commodissimus futurus sit tractationis nostrae ordo, vt primum de officiis PERFECTIS ABSOLVTIS, deinde de IMPERFECTIS, tum porro de HYPOTHETICIS, quae ex DOMINIO, ac denique de iis, quae ex PACTO oriuntur, paullo accuratius agamus. *Imperfecta* enim *hypothetica* ideo praemittenda putauimus, quia homines, frigescente demum atque oblanguescente humanitate, inuecto dominio, pactisque interpositis, consulere sibi coeperunt.

Quo ordine de his agendum?

§. CLXXVII.

Homo
homi-
nem, vt
sibi ae-
qualem,
tractare
debet.

Primo ergo omnium ponendum est, hominem homini esse natura aequalem, (§. CLXXII.) iisdem quippe cum altero partibus essentialibus constantem. Et quamuis alteri prae altero perfectio aliqua veluti fortuito obtigerit: diuersos tamen perfectionis gradus nihil mutare circa hominis essentiam, sed vnum aequae esse hominem, ac alterum. Ex quo sequitur, 5) vt alter alterum, tamquam aequae hominem tractare, nec in rebus, quae pluribus iure perfecto competunt, prae aliis praerogatiuam sine iusta causa adfectare, adeoque 6) quod sibi fieri non vult, nec alteri facere teneatur. *) (§. LXXXVIII, 54.)

*) Haec regula tam est rectae rationi consentanea, vt eam nec pagani ignorarint. Saltim eam sententiam in deliciis fuisse Alexandro Severo Imp. auctor est Ael. Lampridius, *Cap. LI. Clamabatque saepius, quod a quibusdam, siue Iudaeis, siue Christianis audierat et tenebat, idque per praekonem, quum aliquem emendaret, dici iubebat: QVOD TIBI FIERI NON VIS, ALTERI NE FECERIS. Quam sententiam vsque adeo dilexit, vt et in palatio, et in publicis operibus, praescribi iuberet.* Probabile est, quod obseruauit Lampridius, Alexandrum hanc sententiam a Christianis accepisse. In sensu enim aiente totidem verbis habetur *Matth. VII, 12. Luc. VI, 31.* At inde non sequitur, vt non et ratio eam veritatem perspicere potuerit. Similia enim sunt apud Simplicium *ad Epictet. Enchirid. Cap. XXXVII.*

§. CLXXVIII.

Ac pro-
inde ne-
mo lae-
dendus,

Quum ergo quod nobis fieri nolumus, nec alteri facere debeamus, (§. CLXXVII, 6.) nemo vero nostrum perfectione ac felicitate sua, quam

quam iam natura habet, vel iuste adquisiuit, ab alio priuari, vel res suas deteriores reddi, id est, LAEDI velit: (§.LXXXII.) consequens est, 7) vt et nos neminem imperfectiorem vel infeliciorem reddere, adeoque 8) et neminem laedere debeamus. Et quia ad felicitatem nostram ac perfectionem non modo CORPVS, sed et MENS praecipue, pertinet: 9) ad vtramque hominis partem pertinere hoc praeceptum, quin 10) laesionem mentis tanto esse corporis laesione grauiorem, quanto mens ipsa corpore praestantior est, (*Elem. phil. mor. §. XIII.*) facile intelligitur. *)

- *) Hinc grauiter Epiſtetus inuehitur in eos, qui id tantum damnum reputant, quo corpori rebusue suis aliquid decedit, non illud, quo mens redditur deterior. Ὅπῃ τι, inquit, σωματικὸν ἐλάττωμα εἰς κλῆσιν, ἐκείῃ ἢ βλάβῃ ὅπῃ εἰς τὴν προαίρεσιν, ὅδε μία βλάβῃ ἔτε γὰρ τὴν κεφαλὴν ἀλγεί ὀξυπατηθεὶς, ἢ ἀδικήσας, ἔτε τὸν ὀφθαλμὸν ἔτε τὸ ἰσχίον, ἔτε τὸν ἀγρὸν ἀπολλύει. ἡμεῖς δ' ἄλλο ὅδὲν ἐθέλομεν, ἢ ταῦτα. τὴν προαίρεσιν δὲ πότερον αἰδήμονα καὶ πιστὴν ἔχομεν, ἢ ἀναίσχυντον, καὶ ἄπιστον ὃδ' ἐγγὺς διαφερόμεθα. Vbi cumque in his, quae ad corpus pertinent, possessionibus aliquid damni acceperimus, illico iacturam nos fecisse arbitramur: sed in voluntatis proposito quum detrimenta nobis eueniunt, nihilominus tamen, damnum nos accepisse nullum, censemus: quandoquidem ei, qui corrumpit alterum aut corrumpitur, nec caput dolet, nec oculus, nec coxa, sed nec fundum amittit, atqui aliud nihil volumus, quam ista. Inter nos vero disceptatio nulla est, ne mediocris quidem, verum satius fit, voluntatem habere pudicam, et fidelem, an vero impudicam, et infidelem. *Artian. Diss. Epiſt. II, 10.*

§. CLXXVIII.

Nemo occiden-
dus, nul-
lius sani-
tati ac
corpori
da-
mnum
infern-
dum.

Totius hominis perfectio ac felicitas confi-
stit in VITA, id est, in vnione mentis et cor-
poris, (§. CXXXXIII.) quae quidem perfectio
inter eas, quas a natura accepit, praestantissi-
ma, et reliquarum veluti fulcrum ac funda-
mentum est. Quum ergo alterum perfectio-
ne ac felicitate, quam a natura accepit, pri-
uare nefas sit, (§. CLXXVIII, 7.) nec nos ab
altero vita priuari velimus: per se patet, (§.
CLXXVIII, 6.) 11) officii nostri esse, nec
alium occidere, vel 13) eius sanitati detrimen-
tum inferre, vel 13) mortis aut morbi caus-
sam dare, vel 14) eum citra ius, aut occiden-
di animo, periculo exponere. *)

*) Neque enim magis peccat, qui hominem, in quem
sibi nihil imperii est, periculis obicit, quam qui
iure atque imperio suo ita abutitur, vt alterum,
quem perire cupit, eo consilio exponat periculo.
Sunt talia exempla apud Polyb. I, 9. Diod. Sic.
Bibl. XIII, 73. XVIII, 48. Iustin. Hist. XII, 5.
Curt. VII, 2. immo in ipsis sacris litteris, II. Sam.
XI, 25. vbi et sequente Cap. XII, 9. ideo homici-
dium Dauidi exprobratur a Nathane, quod Vriam
eo animo, vt periret, in periculosisima statione
collocari iussisset. Add. Pufend. de iure nat. et
gent. VIII, 2, 4.

§. CLXXX.

Nisi ne-
cessitas
ipsa vti
nos co-
gat mo-
derami-
ne in-
culparae
tutela.

Attamen, quum nemo teneatur alterum
magis, quam seipsum, amare, (§. LXXXXIII,
65.) et saepe contingat, vt aut alicui ipsi, aut
alteri, pereundum sit; consequens est, 15) vt
eo casu, si quis nos adgrediatur, in ancipiti
illo periculo quaelibet sit honesta ratio expe-
diendae salutis, (§. CLXIII, 66.) adeoque

16) et

16) et cum caede repellere adgressorem liceat, dumne quis 17) limites iustae defensionis excedat.

§. CLXXXI.

Quinam vero sint iustae defensionis limites, Eius li-
nemini erit obscurum, qui absolutam praecipue mites.
necessitatem, id est, nullo alio modo euitabilem, (§. CLVIII.) fauorem mereri, meminerit. Ex hoc enim consequitur, 18) ut tum demum moderamini inculpatae tutelae sit locus, si quis in absoluta necessitate, vel respectiva quidem, sed in quam sua culpa non inciderit, versetur. (§. CLVIII, 55. 56.) 19) Ut defunctus omni periculo, nullo amplius defensionis iure gaudeat. 20) Ut qui vel sine adgressoris laesione, vel leuiore malo adgressori repraesentato, periculum euitare potest, ei ius non sit, ad caedem temere prouolandi, *) quum ex duobus malis physicis id, quod minimum est, malum eligendum esse, vel ipsa recta ratio nos doceat. (*Elem. philos. mor.* §. CLII, *)

*) Homo obligatus semper est, ad eligendum id, quod est optimum. (§. LXXXII.) Optimum ergo quum sit medium, quo facillime ac tutissime finem nostrum obtinemus: obligatos nos esse oportet ad medium facillimum tutissimumque expediendae salutis, adeoque ad euitandam alterius caedem, si aliud supersit periculo nos expediendi medium. Recte Theocrit. *Eidill. XXIII.*
Ὀλίγω τοι ὅσις κακῶ μέγα νῆκος ἀναιρῆν.
Par est, exiguo malo magnam litem tollere.

§. CLXXXII.

§. CLXXXII.

Aduer-
sus quos
eo uti
possi-
mus?

His vero obseruatis principiis euidentiffimis, nihil facilius est, quam ad quaestiones omnes, quae de hoc moderamine inculpatae tutelae incidere possunt, respondere. Si enim quaeras, aduersus quos eo uti liceat? recte respondebis, 21) aduersus omnes, per quos in periculum illud sine tua culpa adductus sis: (§. LXXXI, 18.) adeoque 22) et aduersus furiosos, mente captos, itemque 23) eos, qui alium inuadere parantes, te per errorem inuaserint. Vti enim praeclare obseruauit, Grotius *de iure belli et pac. II, 1, 3.* ius defensionis hic non nascitur ex peccato atque iniustitia eius, a quo intentatur periculum, sed a iure nostro periculum nobis intentatum propulsi quouis modo, nec alterius vitæ eo casu propriae salutis antepponendi. *)

*) Et huc pertinet fabula Oedipi qui patrem se adgradientem inuadentemque tuendi sui causa ignarus occiderat, quod factum ita purgat apud Sophoclem in *Oedipo Colon. v. 1032.*

Ἐν γάρ μ' ἄμεψαι μῆνον, ὧν σ' ἀνιστοῦμαι
ἔτι τις σε τὸν δίκαιον αὐτίκ' ἐνθάδε
κλίνει παραστὰς, πότῃρα πινθάνοι' ἂν εἰ
Πατὴρ σ' ὁ καίνων, ἢ τίνοί' ἂν εὐθέως;
Δοκῶ μὲν, ἔπερ' ἔζη Φιλῆς, τὸν αἴτιον
τίνοί' ἂν ἔδῃ τουδικὸν περιβλέποις.
τοιαῦτα μέντοι καὶ ὅς εἰσέβην κακὰ,
Θεῶν ἀγούων' οἷς ἐγὼ ἔδῃ τὴν παλῆρος
Ψυχὴν ἂν ὀίμαι ζῶσαν ἀντιπικεῖν ἐμοί.

Vnum enim responde mibi, quod te interrogo.
Si quis te, virum iustum, statim hic

Oppri-

*Opprimens occidere vellet: quaereresne,
Vtrum pater is esset, qui te occideret, an vero
statim vlcisceretur?*

*Existimo, siquidem vitam amares, auctorem caedis
Vlcisceretur, neque, quid iustum, circumspiceret.*

In talia mala et ego incidi,

Diis impellentibus, de quibus ne quidem patris

Anima, si reuiuiscat, mihi contradicturna esset.

§. CLXXXIII.

Nec minus inde discas, quamdiu illud ius Spatium
eius in
libertate
naturali.
sefe aduersus inuasorem defendendi duret?
Recte enim hic distinguunt doctores inter eos,
qui in statu naturali nulli magistratui, a quo
defendi possent, subiecti viuunt, et qui cum
aliis in ciuitatem coaluerunt. Quum enim in
libertate illa naturali, nemo sit, a quo nobis
de iniuria cauere possit: 24) defendendi ius
non potest non incipere ab eo tempore, quo
in periculo esse coepimus, et durare tamdiu,
quoad extra periculi aleam simus constituti.
(§. CLXXXI, 18. 19.) Quandoquidem vero
periculum nostrum incipit a tempore, quo al-
ter hostilem animum aduersus nos ostendit,
et tantisper durat, dum illum animum hosti-
lem nondum deposuit: 25) tamdiu etiam durare
ius defendendi, manifestum est. *)

- *) Atque hoc est fundamentum, quo vniuersum ius
belli nititur, vt alteri, qui hostilem aduersus nos
animum manifesto prodit, omnesque aequas pa-
cis conditiones pertinaciter respuit, mala intentare
tam diu possimus, donec deposito hostili animo
nobiscum redierit in gratiam. Qua de re infra
suo loco plura erunt dicenda.

§. CLXXXIII.

§. CLXXXIII.

Et in sta-
tu ciuili.

Quum contra in statu ciuili, ciuis, qui hostilem animum aduersus ciuem prodit, minas spargit, insidiasue alteri struit, a magistratu possit coerceri: consequens est, 26) vt ciuis nec insidiantem sibi alterum opprimere, nec 27) periculo defunctus, vindictam, quam a superiore sperare potest, vi et armis petere possit, adeoque 28) tempus inculpatae defensionis expediendae angustis admodum finibus circumscriptum, cum ipso periculo incipiat, nec duret diutius, quam ipsum periculum. *)

*) Et ita recte iureconfulti violentam defensionem quidem permittunt, sed non nisi in continenti. Vlpianus l. 3. §. 9. D. de vi et vi arm. Eum igitur, qui cum armis venit, possumus armis repellere, sed hoc confestim, non EX INTERVALLO. Et alibi expressioribus verbis concedit Paullus, vt, qui lapidem, quum aliter se tueri non posset, in irruentem proiecisset, non teneretur lege Aquillia, dum id tuendi dumtaxat, non etiam VLGISCENDI causa, factum sit. l. 45. §. 4. D. ad leg. Aquill.

§. CLXXXV.

Modus
violenta-
e de-
fensio-
nis.

Praeterea ex his principiis (§. CLXXXI, 20.) facile intelliges, 29) non licere ei defensionem ad caedem vsque adgressoris porrigere, qui de eius impetu praemonitus, aut eundem in tempore conspicatus, domi se continere, aut 30) in tutiorem locum sese recipere, aut 31) vulnere, vel mutilatione aliqua eiusdem imperum cohibere potest, *) quamvis 32) ad fugam, ipso iam feruente conflictu, capeffendam, ob anceps illius periculum, nemo omnino obstrictus videatur, nisi forte tutum ipsi pateat perfugium.

Pufen-

Pufendorff. *de iure nat. et gent.* II, 5, 13. Vbi tamen denuo monendum, 33) quum in statu ciuili tam breue fit defensionis tempus, vt in tanta animi perturbatione omnes euadendi vias circumspicere non liceat, merito non omnia tam amare exigenda, ac veluti ad viuum refecanda esse.

- *) Multo minus ergo quis ad vim et caedem iure pro-
uolat, si alter ab adgressione desistit, ostenditque,
se cum aduersario in gratiam redire velle. Vnde
recte Aristides in *Leuclric.* I. obseruat, *Thebanis ad
aequa omnia paratis, Lacedaemoniis vero vltro ten-
dentibus, bonam causam ab his ad illos transiisse.*
Vid. Grot. *de I. B. et P.* II, 1, 18. Pufend. *de iur.
nat. et gent.* II, 5, 19.

§. CLXXXVI.

Denique inde non minus intelligi posse vi-
detur, pro quibus rebus quis ad violentam il-
lam defensionem sese accingere possit? Quum
enim quaedam sint calamitates, quae homini
aliquando ipsa morte videntur acerbiores, nec
extrema tantum necessitas, sed et ea, quam salua
vita ferre possumus, fauorem mereatur: (§.
CLVIII, 54.) consequens est, 34) vt, quae
pro vita, eadem pro sanitate, nec non 35)
pro integritate corporis, immo et 36) pro pu-
dicitia tuenda, *) nec non 37) pro magistra-
tuum, parentum, liberorum, amicorum, sed
et omnium aliorum, quos in periculo con-
stitutos esse animaduertimus, defensione sint
permessa.

Pro qui-
bus re-
bus sit
licita?

- *) At hic multi dissentiunt, veluti Augustinus *de li-
bero arbitrio* I, 5. Thomas, *Iurisp. diu.* II, 2, 114. Bud-
deus *Theol. moral. Part. II. Cap. III. Sect. III. §.*
XX. * ex ea ratione, quod pudicitia, tamquam
virtus animi, eripi aut vi extorqueri nemini possit.

Sed quamvis pudicitia mentis satis in tuto sit: tamen honestae virgini ac matronae non atrocior vlla videri potest iniuria, quam stuprum violentum, maxime quum alteri prolem ex se excitare cogatur, et castitatis etiam externae iactura sit irreparabilis. Quare recte Quintilian. *Declam. CCCXXXVIII. Puellam usque in eam iniuriam traxisti, qua nihil grauius bella habent.* Quis ergo vitio vertat honestae feminae, si tam atrocem et intolerabilem iniuriam etiam cum stupratoris interitu a se amoliri conetur?

§. CLXXXVII.

An et pro honore et existimatione tuenda? Paulo difficilior quaestio est, an et is, qui pro honore atque existimatione tuenda, e. g. pro amolienda alapa, ad caedem prouolauit, moderamine inculpatae tutelae vsus esse videatur? At quamvis nihil, si a vita discesseris, existimatione sit praestabilius, et hinc sint, qui hic quoque locum esse violentae defensionis, existiment: (vid. Grot. *de iure belli et pac. II, 1, 10.*) tamen, quia solum periculum vitam aliaque, quae cum vita pari passu ambulant, amittendi ius nobis de vtendi inculpatae tutelae moderamine, (§. CLXXXVI.) existimatio vero et honor propter iniuriam non amittitur, immo potius in statu ciuili non desunt legitima iniuriam vindicandi media: non possumus non 38) eorum suffragari sententiae, qui hic cessare ius violentae defensionis prudenter censent.

§. CLXXXVIII.

Nemo laedendus ratione intellectus. Quum porro officium erga alios absolutum de nemine laedendo ad MENTEM non minus, quam ad corpus, pertineat, (§. CLXXVIII, 9.) et mentis facultates sint INTELLECTVS et VOLUNTAS

LVNTAS: quod ad priorem attinet, nemo temere negauerit, 39) eum grauitur laedere alterum, qui iuuenem, vel alium minus acutum, mendaciis ac sophismatibus in errorem inducit, 40) eundem a veritate auertit, 41) praeiudicatisque opinionibus imbuit, immo et is, 42) qui vel taediosa docendi ratione, vel adfectata seueritate efficit, vt suae disciplinae traditus ab omni veritatis ac sapientiae studio abhorreat. *)

- *) Ita grauitur omnino Maximilianum I. Imp. laesit Petrus, postea Nouae ciuitatis antistes, de quo Culpinian. p. 602. *Vti vero habilis per aetatem ad litteras addiscendas fuit Maximilianus. magistro Petro traditus, aliquot annis cum nobilium quorundam filiis contubernalibus Latinas didicit litteras. Sed quum eius praeceptor; solis dialecticis argutiis doctus, sophismata illi inculcare vellet, ad quae capessenda aptus non erat: saepius atrociter verberatus ab eo, magis ipse verberandus, quum verbera seruos deceant, non liberos, tandem effecit, vt litteras magis odio haberet, quam diligeret. Mansit etiam alta mente repositum, quantum detrimenti hoc ipso ceperit. Idem enim auctor est Culpinianus, idemtidem de hoc fato suo grauitur conquestum esse Maximilianum, et aliquando interpretandum, multis adstantibus, dixisse: Si hodie praeceptor meus viueret Petrus, quamquam multa praeceptoribus debeamus, efficerem, vt se instituisse me poeniteret.* Add. Ger. a Roo *Lib. VIII. p. 288.*

§. CLXXXVIII.

Quumque non minus grauis sit laesio VOLUNTATIS, quae CORRUPTIONIS nomine venit: consequens est, 43) vt contra officium faciant, qui alterum corrumpunt, 44) ad voluptates, libidines, aliaque vitia pelliciunt, 45) et vel

Nec ratione voluntatis.

verbis minus honestis, vel 46) exemplis turpibus, animum deteriore reddunt, vel denique, 47) quum eum a vitiis prohibere, et in viam reducere possint debeantque, id vel plane non, vel non ea, qua par est, animi contentione faciunt, sed, 48) quantum in ipsis est, peccantem adiuuare student. *)

*) Quam grauis et haec sit laesio, satis intellexit Dionysius, tyrannus Siculus, qui quum aegre facere cuperet Dioni, quem in Peloponneso manum comparare, sibi que bellum facere conari, audierat, filium eius sic educari iussit, ut indulgendo turpissimis imbueretur cupiditatibus. Quamobrem puero, primquam pubes esset, scorta adducebantur, vino epulisque obruebatur, neque vllum tempus sobrio relinquebatur. Is deinde vsque eo vitae statum commutatum ferre non potuit, postquam in patriam rediit pater, (namque adpositi erant custodes, qui eum a pristino victu deducerent.) ut se de superiore parte aedium deiecerit, atque ita interierit. Corn. Nep. Dion. Cap. IIII. Non ignota eadem ars Romanis aduersus hostes suos, aut dubiae fidei amicos, ceu docent exempla apud Tacit. *Histor. IIII, 64, Agric. XXI, 1.* Inimmo arcanum hoc tyrannicum esse, obseruat Forstner. in *Taciti Annal. Lib. I.* Vtinam inde demum hunc fructum caperet aetas cerea in vitium flecti, monitoribus aspera, nullos se habere hostes magis infensos, quam eos, a quibus a veris virtutibus abducta ad mollem et luxuriosam vitam pellicitur: quin se tyrannis seruire, dum se ab illis corrumpi patitur!

§. CLXXXX.

Nec ratione
corporis.

CORPVS porro alterius quum non magis, quam mentem, laedere deceat: (§. CLXXVIII, 9.) nefas sane est, 49) alterum verberibus, plagis, aliisque iniuriis adficere, 50) vulnera infligere, 51) membris eorumque parte quem mutilare

filare, 52) corpus alterius inedia, vinculis, tormentis, iniuria excruciare, res, quibus ei ad ad conservandam suauiterque transigendam vitam opus est, eripere, interuertere, deterioresque reddere, et si qua alia sunt, quibus usus corporis, quod sanum et integrum aliquis a natura acceperat, alterius dolo vel culpa redditur deterior. Quum enim ab his omnibus nos natura adeo abhorreamus, ut mors nobis minus, quam hae iniuriae, acerba videri soleat: sane, quod fieri nobis nolumus, nec aliis faciendum esse, satis unusquisque intelligit. *)

*) Et hinc esse videtur, quod pleraeque antiquae leges poenam talionis iis proponerent, qui membrum alterius rupissent. Vid. *Exod. XXI, 23. Leu. XXIII, 50. Gell. Noct. Att. XX, 1. Diod. Sic. Bibl. XII, 17.* Quamvis enim vix probabile sit, vel apud Hebraeos, vel apud Romanos, iuri illi talionis κατὰ τὸ πρὸν locum fuisse: Ioseph. *Antiqu. Iud. III, 7. Gell. ibid.* eo ipso tamen, iustissimum esse, ostenderunt legislatores sapientissimi, illi, quod nolit, fieri, qui alteri, quod sibi fieri noluisset, fecerit.

§. CLXXXI.

Quod ad statum hominis attinet, ad hoc caput praecipue pertinet primo EXISTIMATIO, tum SIMPLEX, qua quis pro non malo habetur, tum INTENSIVA, qua ob merita prae aliis gaudet. De opibus enim et facultatibus, quia sine dominis concipi non possunt, infra deum erit dicendi locus. Quum vero, quod ad famam atque existimationem attinet, aliquis laedi non possit nisi per CALVMNIAS,

Nec ratione existimationis.

(§. CLIII.) et dicta factaque, ad contumeliam ac ignominiam alicuius comparata, quae INIURIAS vocamus: 53) ab utrisque abstinendum esse, eo minus obscurum est, quo aegrius eas ferre solemus, ab aliis illatas. *)

*) Hinc recte Simplicius ad Epicteti Enchirid. Cap. XXXVIII. p. 247. iniurias et contumelias vocat *παρὰ φύσιν ὄσας διαθέσεις τῆς ψυχῆς, καὶ νόσους καὶ αἰσχρὰ καὶ κακίαν τῆς ψυχῆς, adfectiones animae, naturae contrarias, quin morbos, probra, et vitium animarum.* Quod vero naturae mentis contrarium et in se malum est: illud consentaneum esse non potest iuri naturae, quod nos ad bonum obligat. (§. LXXVIII.)

§. CLXXXII.

Nec ratione
pudicitiae.

Deinde et ratione PUDICITIAE laedi potest hominis status, quia, illa siue blanditiis sollicitata, siue vi prostrata, et existimatio detrimentum capit, et ipsae turbantur familiae. Quum ergo nemo laedendus sit: (§. CLXXVIII, 8.) facile patet, 54) nullius pudicitiae struendas esse insidias, 55) omniaque stupra, tum violenta, tum 56) voluntaria, *) multoque magis 57) adulteria, et 58) reliquas nefandas ac intolerabiles iniurias iuri naturae omnino repugnare.

*) Quamvis enim hic cessare videatur axioma: *Quod tibi non vis fieri, alteri ne feceris*, quum uterque consentiat, adeoque id, quod fit, sibi fieri velit: primo tamen generatim nemo sibi quidquam vult fieri, quo fiat infelicior. Infelicior vero fit, qui ad voluptates, libidines, aliaque vitia pellicitur, adeoque ratione voluntatis laeditur. (§. CLXXXVIII.) Deinde plerumque laeduntur et alii, veluti parentes, sponsi, cognati, ac saltem, quod

quod ad hos attinet, manifesto stuprator violat axioma illud iuris naturae praecipuum: *Quod tibi non vis fieri, alteri ne feceris.* Denique qui stuprum feminae persuadet, is eam corrumpit. Quum vero nos, si sapimus, corrumpi nolumus: nec feminam illam corrumpere licet. Tantum ergo abest, ut excusanda sit illa alienae pudicitiae sollicitatio, ut eam quidam legislatores grauius puniendam existimarint, quam stuprum violentum *quod eos qui vim faciunt, odio haberi censuerunt, ab illis, quibus vis illata est: quum qui se insinuando persuadent, adeo animos peruertant, ut aliorum uxores sibi reddant beneuolentiores, quam maritis, et vniuersam domum suae faciant potestatis, liberosque reddant incertos, maritorumne sint, an adulterorum.* Lyfias Orat. I.

§. CLXXXIII.

Ex his vero, quae adhuc diximus, satis intelligitur, 59) laedi aliquem posse actionibus **Laedi** aliquis
tum *internis*, puta COGITATIONIBVS, ad alterius potest
laesionem comparatis, tum *externis*, veluti cogitan-
GESTIBVS, VERBIS, et FACTIS. (§. XVIII, 36.) do, gesti-
Hinc satis patet, 60) etiam odium, contemptum, bus, ver-
inuidiam, aliaque animi vitia iuri naturae ad bis et
uerfari. * 61) Abstinentum quoque esse a ge- factis.
stibus, ex quibus odium, contemptus, inuidia
elucet, quique alterius animum perturbare
possunt. 62) Multo grauissimam in foro huma-
no esse laesionem, quae in verbis factisque
consistit.

- *) Quia auctor iuris naturae est Deus *καρδιογνώστης*, sane non minus eius voluntatem violat, qui quid contra legis suae praescriptum cogitat, quam qui illam verbis factisque transgreditur: ac proinde iam supra ius naturae ad actiones internas non minus, quam ad externas, pertinere obseruauimus. (§. XVIII, 36.) Deinde quum iuris naturae genui-

num principium sit AMOR, (§ LXXVIII, 37.) is vero non primario in actione externa, sed in adpetitione boni, cum percepta ex alterius perfectione et felicitate delectatione coniuncta, consistat: (§ LXXX) non potest non iuri naturae repugnare etiam odium alterius, adeoque auersatio cum percepta ex alterius infelicitate atque imperfectione delectatione coniuncta, quamvis illa interna sit, et in sola cogitatione consistat. Hinc Seruator noster, optimus legis diuinæ, tum naturalis, tum positivæ, interpret, et actiones internas legi adversas damnat. *Matth. V, 22, 28.* Et hæc iis opponenda duximus, qui ius naturæ et gentium tantum ad actiones externas pertinere existimant.

§. CLXXXIII.

Sermo-
nem ho-
mo præ
brutis
peculia-
rem ha-
bet.

Quum vero et VERBIS, seu SERMONE, laedi alter possit: (§ CLXXXIII, 62.) operæ pretium fuerit, de officiis circa SERMONEM agere paullo accuratius. Tanta nimirum erga nos est providi numinis clementia, ut non modo mentem nobis dederit, quæ percipere, iudicare, ratiocinari, adpetere item et auersari possit, suarumque cogitationum sibi sit conscia, sed et facultatem cum aliis communicandi animi sensa, ut et hi, quid cogitemus, velimus, nolimus, non ignorent. Quamvis vero et bruta animantia hinnitu, rugitu, murmure, boatu, latratu, similiue sono incondito animi sensa et affectus obscure et confuse prodere videamus: *) homini tamen id præterea divinitus datum est, ut, quid cogitet, clare et distincte eloqui, de eoque alterum certiore reddere possit.

*) Sic canis alio sono iram, alio dolorem, alio *Φιλανθρωπίαν*, alio alios affectus prodit: at
quid

quid speciatim cogiter, nec clare distincteque exprimit, nec vlllo sono exprimere potest, quum tamen et canes, et pleraque animalia perfectiora iisdem paene organis loquendi, quibus homo gaudet, instructa sint. Quin quo imperfectius est animal, eo minus vllum sonum, quo animi sensa indicet, edit, veluti pisces, cochleae, ostreae. Vnde non potuisset Pythagoras magis cordatioribus omnibus debere ludibrium, quam dum se brutorum sermonem non modo intelligere, verum etiam cum iisdem colloqui posse, iactauit, seque hoc ipso vel fanatici ingenii hominem, vel insignem impostorem esse, ostendit. Vid. Iamblich. *vit. Pythag. Cap. XIII.*

§. CLXXXV.

Quandoquidem ergo id, quod circa sermonem prae brutis peculiare habemus, in clara et distincta cogitationum nostrarum communicatione cum aliis consistit: (§. CLXXXIII.) experientia porro docet, id nos consequi per sonos articulatos, *) id est, per sonos, per organa loquelae tam diuersimode modificatos, vt diuersae inde voces, quibus res omnes, earumque modos, statum, actiones et passiones denominare placuit, emergant. Quare SERMO est sonus articulatus, quo animi nostri sensa cum aliis clare et distincte communicamus.

Quid sermo?

- *) At ingenium humanum in eo non adquietuit, quod rebus omnibus certa ac distincta nomina imposuit, sed et alia inuenit signa, quibus loco sermonis uteremur, si non esset eo utendi occasio. Sic enim inuenimus modum, et cum absentibus animi nostri sensa per figuras litterarum, ita distincte communicandi, vt verba nostra non audiant, sed visu percipiant. Quod sane tam stupendum est *ὑψηλόν*, vt quidam id ipsi Deo tribuere non dubitent. Est et modus veluti colloquendi per digitos, quem in

Turcia ab elinguiibus inuentum, magnatibus ibi admodum familiarem esse, refert Ricaut *tableau de l'Empire Ottomanique Cap. VII. p. 12.* Vt iam non dicam de *oculiloquio* et *pediloquio*, de quibus singulares exstant Mollerii Altorffensis *dissertationes*. Haec omnia quamuis SERMONIS nomen non mereantur, tamen sunt loco sermonis, ac proinde, quod circa sermonem, idem et circa haec signa, iustum est.

§. CLXXXVI.

Quomodo eo
vten-
dum sit?

Ex qua definitione satis patet, 63) sermonem nobis nec Dei, nec brutorum, 64) sed nostri aliorumque hominum causa datum esse, ac proinde 65) Deum velle, ut eo animi sensa, quatenus id amor, quem nobis imperauit, exigit, cum aliis communicemus, *) adeoque 66) ut ne sermone quidem nostro alios laedamus, sed 67) nostris aliorumque commodis etiam sermone nostro pro virili seruiamus.

- *) Recte nimirum ratiocinamur, sermonem non Dei causa nobis datum esse, quia Deus omnes cogitationes nostras, et sine vilo sermone nostro intelligat; nec brutorum causa, quae sermonem nostrum non tamquam sermonem, sed tamquam alia, quibus adsueta sunt, signa percipiunt: adeoque nihil superesse, quam ut nos sermocinandi facultatem nostri aliorumque hominum causa primario acceperisse statuamus. Nostri causa, non ut nobiscum cogitationes nostras communicemus, quippe quarum iam tum nobis sumus conficii, sed ut alios reddamus certiores, quid nobis fieri velimus, et qua in re alios nobis utiles esse velimus. Aliorum causa, ut et his, quae scire eorum interest, et, quid illis utile futurum sit, indicare possimus. Quum ergo alii amandi sint aequae ac nos ipsi, et quod nobis fieri nolumus, id nec aliis faciendum sit: consequens sane est, ut nemi-

neminem sermone nostro laedere, aliis vero pro virili prodesse teneamur.

§. CLXXXVII.

Quum ergo ad animi sensa cum aliis communicanda comparatus sit sermo, (§. CLXXXVI, 65.) idque fiat per sonos articulatos, quibus res omnes, earumque modos, statum, actiones, passionisque denominare placuit: (§. CLXXXV.) consequens est, 68) ut colloquuturi verbis non aliam, quam quae semel placuit, notionem tribuere, vel 69) si verbo insolito, aut notione minus vulgari utantur, mentem suam accurate explicare teneantur, nec 70) aegre ferre possint, si ceteroquin verba eo sensu, qui semel inter linguae peritos obtinet, vel hoc tempore receptus est, accipiantur, si id verborum *συναφῇ* aliaeque circumstantiae ferant.

Verborum notione recepta utendum,

§. CLXXXVIII.

Quumque Deus velit, ut sermone animi sensa, quatenus id amor exigit, cum aliis communicemus, (§. CLXXXVI, 65.) amor vero hic non patiat, ut alterum sermone nostro laedamus, (ib. 66) denique laedere sit, aliquid perfectionis felicitatisue alteri detrudere: (§. LXXXII.) sequitur sane, 71) ut nihil, cuius notitiam iure perfecto imperfectoque *) a nobis exigere alter potest, tacere: 72) nihil, quod falsum est, eo casu eloqui, neque 73) quemquam sermone in errorem inducere, vel ei vllum detrimentum adferre debeamus.

Nemo sermone laedendus.

*) *Im*

*) *Ius perfectum* est correlatum obligationis perfectae, *imperfectum* imperfectae. Prius exigit, ut neminem laedamus, suumque cuius tribuamus: (§. CLXXXIII.) adeoque toties a nobis veritatem iure perfecto a nobis exigere quis potest, quoties, illa dissimulata, vel conuersa in mendacium, vel adulterata saltem, a nobis laederetur: vel quoties ex pacto, ipsiusue negotii, quod nobis cum illo intercedit natura id illi debemus, ut veritatem eloquamur. Quumque posterius nos ex virtute obliget ad alterius perfectionem ac felicitatem, aequae, ac nostram, pro virili amplificandam: facile patet, toties nos teneri ad veritatem aperte et sine dissimulatione eloquendam, quoties alterius perfectionem felicitatemque sermone nostro amplificare licet. Ius ergo alterius perfectum laedit, qui sciens, alteri insidias a percussore strui, id dissimulat, vel illi plane persuadet, percussorem, tamquam amicum, salutandi causa accessurum, itemque, qui suscepra rerum alienarum custodia, fures adesse sciens dissimulat, vel eos tamquam viatores apud se diuertere, mentitur. Ius imperfectum alteri interuertit, qui errante altero, negat, sibi rectam viam notam esse, vel ei plane viam aliam monstrat.

§. CLXXXVIII.

Laedere
possumus
alterum
dissimula-
tione,
menda-
cio, de-
ceptione.

Qui tacet id, cuius notitiam alter iure perfecto vel imperfecto ab eo exigere potest, is DISSIMULAT. Qui eo casu eloquitur aliquid, quod falsum est, ut alteri detrimentum inferat, is MENTITUR. Qui denique alterum, cui mali quid facere cupit, in errorem inducit, eum DECIPERE alterum dicimus. Ex quibus definitionibus, cum superiore paragrapho comparatis, liquido patet, 74) tum dissimulationem, qualem descripsimus, tum 75) mendacium omne, tum 76) deceptionem, iuri naturae ac gentium repugnare.

§. CC.

§. CC.

Attamen quum ita comparatus sit quem aliis debemus, amor, ut hos non maiore, quam nos ipsos, sed pari amore prosequi te- neamur: (§. LXXXIII, 65.) consequens est, 77) ut tacere liceat, si sermo noster alteri non profuturus, nobis vero aliisue detrimentum aliquod adlaturus sit. 78) Ut et falsi quid dicere, et 79) sermone ambiguo uti non sit nefas, 80) si alteri nullum ius sit, veritatem a nobis exigendi, (§. CLXXXVIII.) 81) vel nos sermone aperto ei, cui honeste non possumus non respondere, nihil commodi, nobis vero aliisue multum detrimenti effemus adlaturi, vel si denique 82) huiusmodi sermone ad alterum non modo nihil detrimenti, sed et haud parum utilitatis, sit redundaturum. *)

Quando
vel tace-
re, vel
falsum
dicere,
vel am-
bigue lo-
qui li-
ceat?

- *) Sic sane nemo vitio verterit mercatori, si a curioso interrogatus, quam dives sit, taceat, vel alio sermonem inflectat, per n. 77. Nec magis reprehensione videbitur dignus imperator, qui hostem vel sparsio falso rumore vel fama ambigua, decipit, quia hosti nullum neque perfectum, neque imperfectum ius est, veritatem ab hoste, tamquam hoste, exigendi, per n. 78. 79. 80. Porro Athanasii potius prudentiam laudaveris, quam accuses dolum, quod se fugientem persequentes ambiguo sermone ita detinuit, ut cum Athanasio se colloqui non intelligerent. Theodorit. *Hist. eccl.* III, 8. Sine periculo enim tacere non poterat, et sermo apertus persequentibus nihil utilitatis; Athanasio multum detrimenti attulisset. per n. 81. Denique nemo dubitat, non agere contra officium, qui, si id vel docentis conditio, vel captus auditoris exigere videatur, fabulis, fictionibus, parabolis, symbolis et aenigmatibus alios meliores reddere et veritatem sub hoc vehiculo aliis ingerere student,

dent, quum his profint, nemini vero eo ipso noceant *per. n.* 82.

§. CCI.

Quid taciturnitas, falsiloquium, fictio?

Ex quo colligimus merito, 83) iniustam esse omnem DISSIMVLATIONEM, (§. CLXXXXVIII, 74) non omnem TACITVRNITATEM, per quam intelligimus reticentiam eius, ad quod aperendum alteri, nec perfecte nec imperfecte obligamur. (§. CC, 77.) 84) Iniustum esse omne MENDACIVM, (§. CLXXXXVIII, 75.) non omne FALSILOQVIVM, (§. CC, 78. sequ.) 85) Iniustam esse DECEPTIONEM alterius, (§. CLXXXXVIII, 76.) non autem SERMONEM ACVTVM et FICTVM. (§. CC, 79 sequ.) adeoque 86) haec omnia, nisi iudicio nostro decipi velimus, accurate esse distinguenda. *)

*) Apud Graecos quodammodo ambiguum est vocabulum ψεύδος, quod et mendacium et falsiloquium significare potest. Pro mendacio enim accepit Demosthenes, dicere solitus, εἶναι, ὃ, τὸ μέζον ἀν ἀδικήσεσσι τις, ἢ ψεύδη λέγων, nullam esse rem, qua grauius quis laedere possit, quam dicendis mendaciis. Pro falsiloquio Chariclea, cuius fertur apophthegma: καλὸν ποτε εἶναι τὸ ψεύδος, ὅταν ὠφελῇ τὰς λέγοντας, μὴδὲν κατὰβλάπτῃ τὰς ἀκρόντας. Bonum esse aliquando falsiloquium, quum videlicet ita iuuat eo utentes, ut interim audientes non laedat. Heliod. Aethiop. Lib. I. Cap. III. p. 52. At non ita ἐκ τῶν μέσων est vocabulum mendacium, quod, quum semper turpe atque detestabile vitium notet, à falsiloquio merito distinguitur. Quod et de reliquis, quae hic coniunximus, vocabulis est obseruandum.

§. CCII.

§. CCII.

Idem obseruandum de VERITATE et VERACITATE. Quum enim is VERAX dicatur, qui veritatem sine dissimulatione eloquitur, quoties alteri eam ex nobis intelligendi perfectum imperfectumue ius est: consequens est, 87) vt VERACITAS semper in laude ponenda sit; contra 88) indifferens videatur, et mala non minus, ac bona esse possit VERITAS, quippe quae in conuenientia verborum signorumque exteriorum cum cogitationibus mentis consistit; (*Elem. philos. ration. §. LXXXVIII.*) siquidem 89) is non semper facit officium, qui omnes cogitationes suas aperit. *)

Quid
veritas
et vera-
citas?

- *) Notum illud Syracidis, *sapienti os in corde, stultus cor in ore esse.* Vera ergo dicit diues, qui thesauros suos furi prodit, nec tamen ideo eius virtutem et veracitatem quisquam laudauerit: quum contra illi mendacium exprobrari non possit, si expiscante fure, tacuerit, aut sermonem alio inflexerit. (§. CC. *) Hinc illa Simonidis: *μηδέποτε μὲν αὐτῷ μεταμελήσαι σιγῆσαντι, φθαρξομένῳ δὲ πολλάκις.* numquam se poenituisse silentii, sermonis saepenumero. Nec non hoc Thaletis: *ὅτι τὰ πολλὰ ἐπὶ φρονίμῳ ἀποφαινεῖται δόξαν.* non multa verba prudentis animi indicium esse. Et quae sunt his similia.

§. CCIII.

Sermo, quo nos veritatem eloqui, vel falsi nihil dicere, serio confirmamus, dicitur AD-SERVATIO. Adseuerationem, quae fit inuocato Deo, tamquam vindice, IVSIVRANDVM vocamus. Denique sermo, quo alteri fausta quaeuis a Deo precamur, BENEDICTIO, quo dira execratio?

Quid
adseue-
ratio,
iusiu-
randum,
benedi-
ctio, ma-
ledictio,
dira
execra-
tio?

dira quaeuis adprecamur, MALEDICTIO, quo quis, exaestuante ira, capiti suo diras imprecatur, EXSECRATIO solet adpellari.

§. CCIII.

Quando
vtiliceat
adseue-
rationi-
bus?

Quum ergo, qui aliquid adseuerat, serio confirmet, se verum eloqui, nec falsum dicere, (§. CCIII.) id vero nemo sanus faciat, nisi qui suspicatur, pellucere mendacium, qualis suspicio conscientiae malae indicium est: (§. XXXV.) 90) nemo prudens adseuerationibus temere et praeter necessitatem, sed 91) tum demum vtetur, si quis alter sine causa in dubium vocat ea, quae dicit, et 92) nec aliter eum conuincere potest, et 93) eius tamen interest, sibi fidem haberi. Ex quo porro colligimus, 94) tanto magis eum agere contra officium, qui multis grauissimisque adseuerationibus ad laedendum decipiendumque alterum vtitur. *)

- *) Quum enim alterum circumuenire et decipere, in se turpe ac contra officium sit: (§. CLXXXVIII, 76.) quid turpius atque iniustius posset excogitari, quam decipere per adseuerationes? Et huc pertinet Romanorum formula: VTI INTER BONOS BENE AGIER OPORTET, VTI NE PROPTER TE FIDEMVE TVAM CAPTVS FRAVDATVSVE SIEM. Cic. *de offic. III*, 16. Turpe enim est alterum capere et defraudare, et multo turpissimum *capere et fraudare per fidem suam*. Vnde et famosum fuisse iudicium fiduciae; obseruat V. C. Franc. Car. Conradi *de pacto fiduc. Exerc. II*, §. III.

§. CCV.

§. CCV.

Quumque, cuius perfectione et felicitate delectamur, ei fausta quaevis non minus, ac nobis ipsis, contingere velimus: 95) non iniquum sane erit, alteri bene dicere, eique fausta quaevis adprecari, dum id fiat serio, et ex amore, non ex consuetudine, et veluti dicis tantum causa. *) Contra ea 96) quum odium spirent maledictiones, eas esse iniustissimas, nisi cum misericordia quis alteri denunciaret, quae eius furfuris hominibus ipse Deus iam interminatus sit. Denique 97) execrationes, quippe et amoris sui ipsius aduersas, et ex desperatione et ira immodica profectas, numquam esse excusandas: neque hic, dum ex recta ratione rem aestimamus, in censum venire debere exempla quaedam heroica, quorum consideratio ad aliam cathedram videtur pertinere.

Quando bene dictionibus? An et maledictionibus et execrationibus?

*) Iraque pleraque faustae acclamationes, quae ex variis causis occurrunt solent illustribus ac potentioribus viris, in adulationes abeunt. Immo aliquando sunt tamquam venenum, melle conditum, quoties eum, cui bene precantur, periisse mallent, vel vitae eius ac fortunae struunt insidias. Haec omnia quum non ex amore, sed odio, proficiantur, contra ius naturae esse, nemo negauerit.

§. CCVI.

Quod ad IURISVRANDVM attinet, quum per illud intelligatur adseueratio, Deo, tamquam vindice inuocato, facta, (§. CCIII.) et ne ipsa quidem simplice adseueratione temere et promiscue vtatur vir bonus: (§. CCIII.) 98) multo minus temere et sine necessitate vtetur iu-

Iurisurandi quis sit usus?

L

reiu-

reiurando, sed 99) tum demum, quando id vel a superiore, veluti iudice, vel ab alio deferatur, siquidem tunc vel ipse amor exigit, vt alterum de veritate reddamus certiore, eique suspicionem metumque falsitatis eximamus. Id vero 100) locum habet in omni iureiurando, adeoque 101) ne opus quidem est tot diuisionibus in iusiurandum PROMISSORIVM, et ADSERTORIVM, et huius in TESTIMONIALE et LITIS DECISORIVM, *) quum eadem vbique regulae obtineant.

*) Accedit, quod si rem expendamus paullo accuratius, omne iusiurandum sit *promissorium*. Quisquis enim iurat, siue superiore, siue aduersario deferente, ille promittit, se veritatem eloquuturum bona fide. Ceterum id interesse aiunt inter PROMISSORIVM et ADSERTORIVM, quod illud super facto futuro; hoc super praeterito praesteretur, quod posterius siquidem de facto alieno iuratur, TESTIMONIALE; si de proprio LITIS DECISORIVM, et quidem, si a iudice deferretur super facto ipso, vel SUPPLETORIVM vel PURGATORIVM; vtrumque vero NECESSARIUM; si super quantitate obligationis; IVSIVRANDVM IN LITEM; si super conscientia litigatoris, IVSIVRANDVM MALITIAE vel CALVMNIAE, denique si pars parti iusiurandum extra iudicium deferret VOLUNTARIUM, fin in iudicio, IUDICIALE vocari solet. Enimuero haec ex iurisprudencia magis Romana, quam ex naturali esse, vel inde patet, quod aliae gentes, veluti Hebraei et Graeci, eas diuisiones non agnouerunt. Vid. Codex Talmudicus **השבע** *Töm. III. edit. Surenhus. Maimonid. de Iureiurando*, editus a Diethmaro *Lugd. Bat. MDCCVI. Selden. de Synedr. Hebr. II, 11. Iac. Lydius de iuramento*. Quibus addi possunt, quae Petitus, alique antiquitatum scriptores, de vsu forensi iurisiurandi apud Graecos passim commentati sunt.

§. CCVII.

Quumque a iurantibus Deus, tamquam vindex, inuocetur; (§. CCIII.) consequens est, 103) vt in ludibrium abeat iusiurandum athei, nec leuiter peccet, qui homini eius commatis iusiurandum defert. 103) Vt iusiurandum tum quod ad formulas, tum quod ad ritus attinet, cuiusuis religioni sit attemperandum,*) adeoque ne iurisiurandi quidem nomen mereatur adseueratio per res, quarum nulla mentem vincit religio. 104) Vt periurii merito det poenas, qui per falsos Deos peierauit, immo 105) et atheus, qui, dissimulato atheismo, per Deum peierauit, tamquam qui alios decepit, iure puniatur.

Qui et
quomo-
do iura-
re de-
beant?

- *) Modo formula huiusmodi non simul tendat in ignominiam veri Dei, quippe quum actiones huiusmodi ne necessitas quidem extrema excuset, (§. CLX, 60.) Hinc experientia docet, iusiurandum, Iudaeo delatum, eius religioni attemperari, quia formula illa nihil complectitur, quod in Dei veritatisue Christianae ignominiam vergat. Contra dubitarim ego, an excusandus sit iudex Christianus, qui Mahumedanum apud se iurare iubeat *per Mahumedem, maximum Dei vnus prophetam*, maxime, quum non sit talis Mahumedanorum religio, vt praestito per verum Deum, caeli terraeque conditorem, iureiurando non aequae ad eloquendam veritatem adstringantur, ac si simul impostoris istius faciant mentionem.

§. CCVIII.

Ex eo porro, quod non vltro et temere, sed, deferente altero, iurandum est, (§. CCVI, 99.) colligimus, 106) iusiurandum praestari in gratiam non iurantis, sed deferentis, adeoque 107) illud

Cuius
ex men-
te inter-
pretan-
dum sit
iusiu-
randum?

illud ex eius, non ex iurantibus, mente atque intentione esse explicandum, ac proinde 108) absurdissimas esse cauillationes illas, vel reservationes mentales, quas vocant, quibus homines improbi iurisiurandi vim eludere conantur: 109) absurdissimas etiam interpretationes eorum, qui turpia vel absfona postulant ab iis, qui ultro iurarunt, alterum repulsam a se non alturum. *)

*) Quamuis enim multipliciter peccet, qui se tali iureiurando obstringit, primo quod ultro ac praeter necessitatem, et nemine deferente, iurat: (§. CCVI, 98. 99) deinde, quod in antecessum promittit, alterum non laturum repulsam, quum nondum praescire possit, qualia petiturus sit alter: denique quod hoc ipso se sine necessitate vel periurii, vel temerarii iurisiurandi periculo exponit: non tamen huiusmodi iureiurando quisquam obstringitur, ad id, quod iuratus promissit, praestandum, si quid alter, quod factu impossibile, turpe, atque iniquum sit, petat. Quum enim sibi ipse detulerit iusiurandum; illud procul dubio ex eius tantum mente ac consilio erit interpretandum. (§. CCVIII, 107.) Nemo vero, cui sana mens est, sese ad ea, quae vel per naturam, vel per legem fieri non possunt, obstringere velle creditur. Peccauit ergo Herodes *Matth. XIII*, dum filiae salatricis iureiurando temerario promissit, se, quidquid esset petitura, daturum, ac multo grauiore se scelere obstrinxit, dum ei petenti Ioannis caput indulgere non dubitauit.

§. CCVIII.

Effectus
eius et
nata in-
de obli-
gatio.

Ceterum quum iusiurandum sit adseueratio, cum inuocatione Dei, tamquam vindicis, coniuncta: (§. CCIII.) consequens est, (§. CXXXI, 36.) 110) ut quisque obligatus sit ad iusiurandum religiose seruandum. 111) Ut cauil-

cauillationibus iuriiurando non satisfiat. *) Ut tamen 112) legi cedere debeat obligatio iurisiurandi, adeoque 113) illud nullam obligationem producat, si quis se eo ad rem turpem, legibus prohibitam, deuinxerit, quamuis, 114) si legibus directe non refragetur iurata promissio, omnino quis teneatur, nisi dolo alterius malo deceptus, vel vi iniusta adactus, iurarit. (§. CVII. §. CVIII, 43.) Ex quo denique patet, 115) quid statuendum sit de canonistarum axioma: *omne iusiurandum esse seruandum, quod sine sempiternae beatitudinis detrimento seruari possit.*

- *) Est vero *satisfactio per CAUILLATIONEM*, si quis verbis, non menti deferentis satisfacit. Quod quam impium sit, facile patet. Qui per cauillationem satisfacit iuriiurando, is alterum decipit. Decipere alterum in se iniustum est. (§. CLXXXVIII, 76.) et multo quidem iniustius, si quis inuocato summo numine, tamquam vindice, decipiat. Hinc vere periurium admisit Hatto, archiepiscopus Moguntinus, dum Alberto Bambergensi pollicitus, se eum saluum reducturum in castellum, simulata fame, reduxit ad capiendum ientaculum, exsolutum se eo ipso ratus iurisiurandi religione Otto Frising. *Cbron.* VI, 15. Marian. Scot. *ad ann.* DCCCCVIII. Miratur hanc *Archipraefulis versutiam* Ditmarus Merseb. *Lib. I. incunte*, et recte miratur, quum ne Romani quidem sine censura ac nota dimiserint captiuum, qui simili iureiurando astuue hostes deceperat. Gell. *Noct. Att.* VII, 18. De eo recte Cic. *de offic.* III, 32. *Liberatum se esse iureiurando interpretabatur. Non recte. Fraus enim adstringit, non dissoluit periurium. Fuit igitur stulta calliditas, peruerse imitata prudentiam. Itaque decreuit Senatus, ut ille veterator et callidus victus ad Annibalem duceretur.*

§. CCX.

Qui lae-
fit, tene-
tur ad
satisfa-
ctionem.

Sic satis demonstrasse nobis videmur, neminem nec verbis, nec factis, nec ipsa cogitatione, esse laedendum. Quum vero quicumque alterum infeliciorem reddit, LAEDERE dicatur: is vero vel maxime alterum reddat infelicem, qui, quod ei intulit, damnum non refarcit: consequens est, 116) vt, qui damnum dedit, ad illud refarciendum satisfaciendumque omnino sit obligatus. 117) Vt, qui satisfactionem illam alteri denegat, nouam illi iniuriam inferre, ac denuo illum laedere recte dicatur. *) 118) Vt si plures damnum dederint, circa satisfactionem idem obseruandum sit, quod supra de imputatione actionis a pluribus perpetratae diximus. (.CXII. sequ.)

*) Obligationem hanc ad satisfactionem Aristoteles *Ethic. ad Nicom. V, 2.* ex contractu inuoluntario; Pufendorffius *de iure nat. et gent. III, 1, 2.* ex eo deriuat, quod frustranea futura esset lex de nemine laedendo, nisi simul vellet legislator, vt damnum refarciretur. At nos ex ipso LAESIONIS conceptu id officium elicimus. Non enim magis imperfectiores nos atque infeliciores reddit, qui quid nobis, quod nostrum est, intercipit et aufert, quam qui, quod intercepit et abstulit, non restituit, vel alio modo non satisfacit. Quum ergo nemo sit laedendus: nec reparatio damni vel satisfactio erit deneganda.

§. CCXI.

Quid satisfactio,
et quod
tuplex?

Per SATISFACTIONEM hic intelligimus praestationem eius, quod lex a laedente exigit. Duo autem lex quaeuis perfecta exigit, I) vt, quia facto suo quis alteri damnum dedit, id refarciatur. * II) Vt, quia et ipse legislator per denega-

negatum obsequium laesus est, malum aliquod passionis ferat, quisquis alteri contra legem damnum intulit. Quamobrem 119) *satisfactio* semper et poenam, et reparationem damni, suo ambitu complectitur. Grot. *de iure belli et pac.* II, 17, 22. et 120) vna alteram vel ideo non tollit, quod vitiositas actus, ob quam poena irrogatur, et damnum, quod refarciendum est, in omni delicto, semper coniuncta sunt. Sed de POENA alibi erit dicendi locus.

- *) Si damnum nullius facto illatum est, nemo etiam ad satisfactionem est obligatus, neque casus, a sola providentia diuina profectus, vlli mortalium potest imputari. (§. CVI, 27.) Et inde sequitur, vt, si quis in rebus suis tale damnum passus sit, eum dominus ferre teneatur. Quod enim nemini imputare possumus: id ipsi ferre cogimur. Causum ergo, qui nemini imputari potest, ipse dominus ferre cogitur.

§. CCXII.

DAMNUM porro datum aut ita comparatum est, vt res omnis in pristinum locum restitui possit, aut vt factum infectum fieri nequeat. Priore ergo casu 121) res ipsa exigit, vt res omnino in priorem statum restituatur, simulque 122) damnum quod laesus hoc ipso, quod eum re sua carere oportuit, et 123) quod pro recuperanda illa impensas facere coactus est, sentit, refarciatur. Posteriore, 124) vt aequa aestimatione in tantum, quantum fieri potest, laeso praestetur indemnitas, et 125) ea in re non modo veri pretii, sed et adfectionis ratio merito habeatur. Quod exemplis homicidii, vulnerationis, mutilationis, adulterii, stupri,

Quomodo praestanda?

similiumque criminum illustrat Pufendorffius
de iure nat. et gent. III, 1, 7. sequ.

CAP. VIII.

DE OFFICIIS ERGA ALIOS IMPER-
FECTIS.

§. CCXIII.

Conne-
xionis
ratio.

ITa satis nobis demonstrasse videmur, ne-
minem esse laedendum: quin et ostendisse, in quo consistat alterius laesio. Iam
ergo proximum esset, vt, quomodo suum cui-
que tribuendum sit, eadem industria explica-
remus, (§. CLXXV.) nisi haec officia HYPO-
THETICA ita essent comparata, vt sine imper-
fectorum natura et indole intelligi nequeant.
(§. CLXXVI.) Quare consultissimum fuerit,
tractationem hanc praemittere, attamen id
iterum iterumque monere, ne ὕψρον πρότερον,
i. e. crimen, aevi nostri Rhadamanthis capitale,
scientes dolo malo perpetrasse videamur.

§. CCXIII.

Officio-
rum im-
perfe-
ctorum
funda-
mentum
et diui-
sio.

Fons horum officiorum omnium est AMOR.
HUMANITATIS vel BENEFICENTIAE, (§. LXXXIII.)
quo ei, quem amamus, et id libenter tribui-
mus, quod ei non debemus iure stricto, et
quod tamen ad eius felicitatem pertinere anim-
aduertimus. Quum vero HUMANITAS nos sine
detrimento; BENEFICENTIA et cum detrimento
aliis prodesse iubeat: (§. LXXXIII. *) 1) OFFI-
CIA etiam IMPERFECTA duorum generum esse,
et in officia HUMANITATIS vel INNOXIAE UTILI-
TATIS

TATIS, ET BENEFICENTIAE, recte dispesci, patet. Vtraque 2) ob multarum rerum necessariorum indigentiam, tam sunt necessaria, ut homines sine iis vitam suauiter et commode traducere non possint.

§. CCXV.

Quum ergo et horum officiorum non alia De iis
esse possit norma, quam nostri ipsius amor, axioma-
adeoque alios amare teneamur, tamquam nos ta.
ipso: (§. LXXXIII, 66.) consequens est,
3) ut quod nobis fieri ab aliis volumus, id et
aliis facere teneamur. (§. LXXXVIII, 55.) Vnde et supra, dum certum principium, ad quod omnia, quae aliis hominibus praestanda sunt, officia referri possint, praemisimus, inuenimus regulam: HOMO HOMINEM NON MINVS, QVAM SEIPSVM, TENETVR AMARE, NEC ALTERI, QVOD SIBI NON VULT, FACERE, (vnde officia perfecta deduximus,) CONTRA ILLA FACERE OMNIA, QVAE SIBI AB ALTERO FIERI. CVPIT. (§. LXXXIII, 68.) Vnde officia omnia *imperfecta*, tum *humanitatis*, tum *beneficentiae* prono alueo fluere, res ipsa docebit.

§. CCXVI.

Primo itaque nemo sibi vult ea *denegari*, Obliga-
quae alter sine detrimento suo praestare pot- tio ad of-
est. Ergo et alteri quisque talia liberaliter prae- ficia,
stare tenetur. Inhumanissimum ergo dixeris quae si-
merito, 4) qui alterum, quum possit, ope et ne de-
consilio non iuuat, vel eius res non seruat pro trimen-
virili, 5) errantem non reuocat in viam, 6) si- to prae-
tienti aquam profluentem; 7) argenti ignem; stantur.

aestu languenti umbram, negat, vel 8) aliquid ab altero cum eius incommodo exigit, quod facilius et sine suo alteriusque detrimento consequi posset. Quin 9) adeo levis ac tralatitia est haec benignitas, ut saepe per leges vel consuetudines officia haec imperfecta in perfecta transire videamus. *)

*) Sic legibus cautum fuerat apud Athenienses, ut diris deuoueretur, quisquis erranti non monstrasset viam. Hinc sententia Diphili: ἀγνοεῖς, ἐν ταῖς ἀγᾶσι, ὅτι ἐστίν, ἢ τις μὴ Φεάσαι τὴν ὁρθὴν ὁδόν; An nescis, quod in execrationibus quoque sit, si quis rectam viam non ostenderit? Sic legibus quoque Romani cauerant, ut quis alterum actione compellere posset ad rem exhibendam, qui sibi nec ex pacto ullo, nec ex delicto, esset obligatus. Ad consuetudinem vero prouocat Latona apud Ouid. *Metamorph. VI. v. 349.*

Quid prohibetis aquas? vsus communis aquarum est.

Et Seneca *Controu. I, 1. Iniquum est, collapsis manum non porrigere. Commune hoc ius generis humani est. Commune ius, id est, consuetudo, communi omnium gentium consensu recepta.*

§. CCXVII.

Nec non
ad ea,
quibus
abunda-
mus.

Eiusdem prope innoxiae utilitatis est 10) praestatio rerum, quarum tanta nobis adfluentia est, ut eas sine notabili aliquo detrimento cum aliis possimus communicare, itemque 11) earum rerum, quae alioquin apud nos essent periturae, in aliorum utilitatem dispensatio: ut adeo 12) et illi valde inhumani sint, qui res tales corrumpunt, flammis absumunt, in mare proiciunt, in terra clam defodiunt, tantum

tum vt nemo aliorum inde aliquid capiat utilitatis. *)

- *) Est et haec satis tralatitia humanitas, et veluti alter eius gradus. Quemadmodum vero, qui cuiquam haec officia denegant, valde inhumani sunt: ita iniqui actionum suarum aestimatores videntur, qui ideo maximas sibi gratias deberi existimant. Terent. *Andr.* II, 1. v. 31. *Neutiquam officium liberi esse hominis puto, quum is nihil promereat, postulare, id gratiae adponi sibi.* Quis vero magnam rem praestitisse hospiti dixerit Calabrum, de quo Horat. *Epist.* I, 7, v. 14.

*Quo more piris vesci Calaber iubet hospes.
Tu mesecisti locupletem. Vescere sodes.
Iam satis est. At tu quantumvis tolle. Benigne.
Non iuuista fores pueris munuscula paruis.
Tam teneor dono, quam si dimittor onustus.
Vt libet: haec porcis hodie comedenda relinques.
Prodigus et stultus donat, quae spernit et odit.*

Perquam inhumanus est, qui talia aliis indigentibus negat: non multo plus quam inhumanus, qui dum ea offert, tam beneficus sibi videtur, vt ideo alterum sibi perpetuo obstrictum habere debeat.

§. CCXVIII.

At quum talia aliis praestare teneamur ex amore, quo nos alios prosequi iubet Deus O. M, (§. CCXV.) nemo vero alterum se ipso magis amare teneatur: (§. LXXXIII, 65.) consequens est, 13) vt, si his officiis nobis ipsis, vel amicis, nos obfuturos esse, praeuideamus, ea iure aliis denegemus. Quod quum vel maxime contingere possit in statu naturali, vbi nullus nos tutos praestat magistratus, si hostibus manifestis prodesse hoc modo non dubitemus: facile reddi potest ratio 14) cur in statu

Quid si
noxia
nobis fu-
tura sit
humani-
tas?

tu naturali hosti, quatenus hostili erga nos animo est, etiam innoxiae vtilitatis officia iure denegemus, 15) contra in statu ciuili eo obtentu nemo temere sine reprehensione vtatur. *)

*) Sic in bello hostes iure prohibemus aquatione, iure item corrumpimus commeatum, ne illis, nos inuasis, vtilitatem praestet. Sed haec omnia eatenus iure fiunt, quatenus hostili in nos sunt animo. Alioquin enim, si nobis obesse non possunt, omnino humanitatis insignem ferunt laudem, qui et hostes, e. g. captiuos, vel morbo decumbentes, sine insigni detrimento suo iuuant. Quumque in statu ciuili non temere nobis nocere possit hostis, quem saltem magistratus auctoritas in ordinem cogere potest: inhumanus omnino est, qui et hosti, immo et scelerato homini, has innoxiae vtilitatis res subtrahit, quum hic misereri oporteat *ὃ τὸν τρόπον, ἀλλὰ τὸν ἄνθρωπον, εἰ μὴ τὸν ἄνθρωπον, ἀλλὰ τὸ ἀνθρώπινον, non mores, sed hominem, vel si non hominem, at saltem humanitatem*, vti recte vidit Aristoteles apud Diogen. Laert. V, 21. Quare vix excusanda est inhumanitas Atheniensium, qui Socratis accusatores ita auersati sunt, vt nec ignem iis accenderent, nec interrogantibus responderent, neque in balneo aqua vterentur eadem, donec illi odii impatientia sese suspenderent. Plutarch. de inuid. et od. p. 538.

§. CCXVIII.

Humanitas et inimicis debetur.

Immo potius, quum amor, ex quo haec officia proficiscuntur, non ob alterius merita, sed ob aequalitatem naturae, debeatur: (§. LXXXVIII,) facile patet, 16) et inimicis, non denegandas esse res, quibus abundamus, et quae sine detrimento nostro praestari possunt, quin 17) tanto splendidiorem fore hanc humanitatem, quanto minus illa cum spe aliqua insignem

signem gratiam ab hostibus ineundi coniuncta est. *)

*) Nouimus haec Christianis inculcari *Matth. V, 45. Luc. VI, 35.* iisdemque ob oculos poni exemplum ipsius Patris coelestis, *qui solem suum oriri facit super bonos et malos, et pluit super iustos et iniustos.* At eiusdem veritatis ipsam rectam rationem, considerata humanae naturae aequalitate, non esse ignaram, vel inde patet, quod Socrates ex instituto profligauit vulgarem sententiam, *amicis bene faciendum, male inimicis:* teste Themistio *Orat. ad Valent. de bello victis.* Et quid excellentius ab homine, experte sacrarum litterarum, scribi potuit, quam illud Hieroclis in *aur. Pythag. carm. p. 60.* Διο και λέγεται ὁρθῶς, ὡς εἰδείς ἐχθρὸς τῷ σπυδαίῳ· καὶ μόνος ὁ ἀγαθὸς αὐτῷ φίλος. εἰ μὲν γὰρ τὸν ἀγαθὸν φιλεῖ, εἰδὲ τὸν κακὸν ἐχθρὸν τίθεται. εἰ δὲ τὸν ἀρετῇ κακοσμημένον ζητεῖ πρὸς κοινωνίαν τὸν ἀγαθὸν ἐκ πάντων ἐκλέγεται μιμνῆμενος καὶ ἐν τῆς Φιλίας μέτροις τὸν θεόν, ὃς μισεῖ μὲν εἰδένῃ ἀνθρώπων, τὸν δὲ ἀγαθὸν διαφερίνῃως ἀσπάζεταιται. Vnde fit etiam, ut recte dicatur, *virum bonum odisse neminem, solumque bonum et amicum existere.* Quum enim bonum diligit, non eum qui malus sit, putat inimicum. Sin autem virtute praeditum quaerit ad societatem, ex omnibus eum diligit, qui probus sit, atque in amicitiae legibus Deum ipsum imitatur, qui nullum quidem solet odisse, sed eum potissimum, qui bonus est, amplecti et diligere.

§. CCXX.

At quum tamen amor ille humanitatis, ex quo haec officia, tamquam ex fonte limpidi-
mo, promanant, directricem veluti habeat sa-
pientiam, (§. LXXXIII, 45.) sapientia vero sit
facultas, ea, quae ad nostram aliorumque fe-
licita-

Observandi ta-
men
gradus
necessi-
tudinis.

licitatem pertinent, discernendi: (§. eod.) inde colligimus, 18) non solum personarum, sed et necessitatis, qua alter premitur, habendam esse rationem, adeoque 19) in pari causa, si omnibus non possit satisfieri, plus humanitatis deberi viro bono, quam scelerato, 20) plus amico, quam inimico, 21) plus cognato et necessario, quam extraneo; *) 22) plus denique ei, qui magis, quam qui minus opis nostrae indiget. Et eatenus recte illustris LEIBNITIVS, iustitiam *amorem sapientis* esse, statuit.

*) Hinc et Pythagoras certos amoris huius gradus distinxit in *aureo carm. v. 4. sequ.*

Τὴς τε γονεὺς τίμα, τὴς τ' ἀγγίσ' ἐκγεγα-
ωτας.

Τῶν δ' ἄλλων ἀρετῇ ποιεῖ φίλον, ὅσις ἀ-
ρεῖος.

Inde parentis bonos sequitur: tum sanguinis ordoz

Post alii sunt, virtus ut maxima, amici.

Quam Pythagorae sententiam praeclare, uti solet, interpretatur Hierocles p. 49. *sequ.*

§. CCXXI.

Obliga-
tio ad
benefi-
centiam.

Sublimior est amoris gradus, quem supra BENEFICENTIAE vocauimus, (§. CCXIII.) quia amor ille ita comparatus est, ut nos et cum aliquo detrimento aliis pro virili prodesse iubeat. Quum enim, quae nobis fieri cupimus, ea, et aliis facere teneamur, (§. LXXXVIII, 55.) et saepenumero incidant casus, ut infelicissimi nobis videremur, nisi alii nobis, quae desunt, liberaliter elargirentur, tunc vero nemo temere sit, quin illa sibi praestari cupiat: consequens est, 23) ut his casibus aliis et cum de-
trimen-

trimento ea, quae illis deesse animaduertimus, liberaliter elargiamur. *)

- *) ELARGIRI vero dicimur, non quod commodamus, vel pro certa mercede concedimus, sed quod alteri sine spe vel restitutionis, vel retributionis, damus. Itaque si rem do, ut recipiam, vel, ut saltem mercedem feram: actus hic incidit in contractum. Sin do sine spe restitutionis vel retributionis: vera haec beneficentia vel largitas est. Seneca de Benef. VI, 14. *Illos ex toto praeteribo, quorum mercenarium beneficium est, quod qui dat, non computat, cui, sed quanti daturus sit, quod undique in se conuersum est. Vendit mihi aliquis frumentum, viuere non possum, nisi emero: sed non debeo vitam, quia emi. Nec quam necessarium fuerit, aestimo, sine quo victurus non fui: sed quam gratuitum, quod non habuissem, nisi emissem, in quo mercator non cogitauit, quantum auxilii adlaturus esset mihi, sed quantum lucrum sibi. Quod emi, non debeo. Quamuis vero hamata non esse oporteat beneficia: nemo tamen benefacit alteri, quin hunc sibi ad amorem mutuum deuincire velit. Ac proinde alter, qui beneficia accipit, eo ipso se tacite ad mutuam amorem omnino obstringit.*

§. CCXXII.

Itaque BENEFICIUM est, res vel actio, alteri profutura, quam ei sine spe restitutionis aut retributionis praestamus. Studium vero alteri talia praestandi BENEFICENTIAM, vocamus: quemadmodum studium et promptitudinem, alteri ea cum obligatione restitutionis vel compensationis praestandi, quae ipsi profunt, OFFICIOSITATEM adpellauit. Sidon. Apollin. Carm. XXIII. v. 478. Quamuis vero ea, quae ita praestantur, *beneficiorum* nomine non veniant: magni tamen fieri omnino debent, et grato animo

Quid beneficentia? quid officiositas?

animo accipienda sunt, si vel maioris sint, quam ut mercedem admittant, vel ab eo, quem ad id praestandum non obligat officii ratio, praestentur. *)

*) Vidit et hoc Seneca *ibid. Cap. XV.* *Isto modo, inquit, ne medico quidquam debere te, nisi mercedulam, dices: nec praeceptori quia aliquid numeraveris. Atqui omnium horum apud nos magna caritas, magna reuerentia est. Aduersus hoc respondetur, quaedam pluri esse, quam emuntur. Emis a medico rem inaeestimabilem, vitam ac valetudinem bonam: a bonarum artium praeceptore studia liberalia, et animi cultum. Itaque his non rei pretium, sed operae, soluitur, quod deseruiunt, quod a rebus suis auocati nobis vacant. Mercedem non meriti, sed occupationis suae, ferunt. Postea tamen et aliam rationem, cur et iis, qui talia praestant, gratum animum debeamus, reddit, dum *Cap. XVI.* ista subiungit. *Quid ergo? quare medico et praeceptori plus quiddam debeo, nec aduersus illos mercede defungor? Quia ex medico et praeceptore in amicum transeunt, et nos non arte, quam vendunt, obligant, sed benigna et familiari voluntate.**

§. CCXXIII.

Benefi-
centia
proficis-
ci debet
ex vo-
luntate
aliis uti-
litem
adferen-
di.

Quum ergo beneficentia sit studium ea, quae alteri profutura animaduertimus, praestandi (§. CCXXII.) nemo non videt, 24) eius virtutis laudem sibi frustra adrogare eos, qui, ut ille seruulus Terentianus, *Hecyr. V, 4. v. 39.* plus saepe boni ignorantes imprudentesque faciunt, quam scientes antea umquam: (§. XXXXVIII.) vel 25) qui consilio nocendi alteri benefaciunt, vel 26) non alia ratione ad benefaciendum excitantur, quam quod id beneficium sibi magis, quam aliis, profuturum existiment. Ex quo porro patet, 27) in diu-

diudicandis beneficiis animum magis et consilium benefactoris, quam ipsum actum atque effectum, esse aestimandum. *)

- *) Vt exemplis illustremus has conclusiones: nemo dixerit, beneficio adfici alterum, cui rei ignari litteras, boni quid nunciantes, tradidimus: nec quem quis commendat, tantum ut alio loco sit, ipseque vacua dominetur in aula: nec qui arbores suae voluptatis causa plantauit, si ymbra earum et vicinus, praeter eius animi sententiam fruatur. Huc pertinet elegans *fabella* Phaedri I, 22. de mustela, ab homine prehensa, quae, quum instantem effugere cupiens necem, rogaret, ut sibi parceretur, quum molestis muribus purget domum, triste hoc tulerit responsum:

*Faceres, si causa mei:
Gratum esset, et dedissem veniam supplici:
Nunc quia laboras, ut fruaris reliquiis,
Quae sint rosuri, simul et ipsos deuores,
Noli imputare vanum beneficium mihi.*

Hoc enim, ipso interpretante Phaedro. in se dictum debent illi agnoscere, quorum priuata seruit utilitas sibi, et meritum inane iactant imprudentibus.

§. CCXXIII.

Quumque ex amore haec beneficia proficiisci debeant, isque semper coniunctus sit cum sapientia: (§. LXXXIII, 45.) facile patet, 28) profusionem, et quiduis potius, quam liberalitatem, esse, cui ratio non constat: nec 29) beneficiorum vocabulo digna videri, quaecumque ex ambitione magis et iactantia, quam ex amore, vel 30) non indigis, sed opulentioribus, *) immo 31) indignis potius, quam viris bonis, vel quae denique, 32) turbato illo necessitudinum ordine, de quo supra quaedam monuimus, (§. CCXX.) praestantur.

M

*) Prae-

Beneficia tamen sapienter dispensanda.

*) Praeterquam enim quod haec beneficia praeripiuntur indigis: plerumque etiam sunt hamata et captatoria, ac proinde eo quoque nomine merito indigna sunt beneficiorum vocabulo. *Matth. V, 46. 47. Luc. VI, 32. sequ.* Praeterea apud opulentiores, quidquid iis beneficii praestiteris, nec gratum est, nec beneficii rationem habet. Hinc risisse Alexandrum M. nouimus beneficium, quum illi ius ciuitatis offerrent Corinthii, quamuis se id, praeter Herculem et Alexandrum, nemini dedisse gloriarentur. Seneca *de Benef. I, 13.* Fieri tamen potest vt huiusmodi beneficia excusent officium, beneficiorum ab aliquo antea perceptorum memoria, immo et ciuitatis, in qua versamur, mores, ac proinde Romae, nemo vitio clienti vertere potuisset huiusmodi liberalitatem, quia ius illud patronatus, a Romulo institutum, exigebat etiam, vt patronis benefacerent clientes Dionys. Halic. *Lib. II. p. 84.* Plutarch. *Romul. p. 24.* Polyb. *Hist. VI. p. 459.* Nec magis Persae Regi suo offerentes dona et munera, vilius reprehensionem iure incurrebant, quum lex exstaret, πάντας βασιλεῖ κατὰ τὴν αὐτῆς δύναμιν ἑκάστον προσκομίζειν, vt omnes Persae Regi, singuli pro suis facultatibus, munera offerrent. Aelian. *Var. Hist. I, 31. sequ.*

§. CCXXV.

Et alterius necessitati et conditioni attemperanda.

Praeterea ex eo, quod prodesse alteri debeant beneficia, (§. CCXXII.) non abs re colligere nobis videmur, 33) beneficia attemperanda esse cuiusuis conditioni et necessitatibus: adeoque 34) non esse beneficia, quae alteri nullam adferunt vtilitatem, 35) multoque minus id nomen mereri, quae cum manifesto alterius detrimento, vel saltem 36) cum maximo incommodo, coniuncta sunt. *)

*) Hinc beneficus non est, qui famelico gemmam, sitienti vestem pretiosam, aegroto epulum offert,
per

per n. 33. Nec minus id nomen meretur Bessus, qui catenas aureas Dario iniecit. Curt. Lib. V. Cap. XII.

per. n. 34. 35. Denique Romanus ille, seruatus inter proscriptos, ac deinde perpetuo circumdectus ludibrioque habitus, recte exprobrauit benefactori suo, *nihil se illi debere, si seruauerit, ut haberet, quem ostenderet.* Seneca de Benef. II, 11.

per n. 36.

§. CCXXVI.

Quemadmodum vero amor ille humanitatis et beneficentiae, qui nos ad beneficia aliis praestanda inflammat, ne quidem inimicos negligi patitur: (§. CCXVIII, 16.) ita facile vnusquisque intelliget, 37) multo magis amandos esse, qui nobis, quantum in ipsis fuit, beneficia praestiterunt: adeoque 38) eos esse pessimos mortalium, ipsisque brutis ferociores, qui se ne beneficiis quidem ad concipiendum nostram amorem moueri patiuntur: quin 39) eosdem eo esse iniustiores, quo minus negari potest, eos, acceptando beneficia, se ad mutuum benefactorum amorem obstrinxisse. (§. CCXXI. *)

Nec minus distinguendi gradus necessitudinis.

§. CCXXVII.

Amor erga benefactores vocatur GRATVS ANIMVS, vulgo GRATITVDO. Quamobrem quum vnusquisque ad amandum eum, a quo beneficiis ornatus est, obstrictus sit: (§. CCXXVI, 37.) consequens est, 40) vt vnusquisque etiam obstrictus sit ad gratum animum benefactoribus quauis ratione ostendendum: 41) Id tamen officium imperfectum esse, adeoque 42) nec quemquam ad illud alteri exhibendum cogi, nec 43) ingratum actione forensi conueniri

Obligatio ad gratitudinem.

niri posse, *) nisi leges civiles eiusmodi actionem diserte inuexerint. Quale quid de Persis tradidit Xenophon *Cyropaed. I, 2, 7. p. 9. edit. Oxon.*

*) Equidem vulgo distinguunt inter ingratitudinem simplicem, cuius vitii reus est, qui benefactori non benefacit, et praegnantem, si quis beneficia malefactis atque iniuriis pensat. Et illam quidem extra legem civilium poenas, hanc poena dignissimam esse, statuit Pufendorff. *de iure nat. et gent. III, 3. 17.* Sed si dicendum quod res est, hoc quoque casu non in ingratum animaduertitur, sed in iniuriosum, quippe poenas daturum, etiamsi homini, nullis sibi beneficiis cognito, intulisset iniuriam. Quamvis facile largiamur, eo grauius merito haberi delictum, cum turpissimo isto animi ingrati vitio coniunctum. Sic sane grauius merito animaduertitur in eos, qui in parentes, educatores, patronos, quam qui in extraneos, fuere iniurii.

§. CCXXVIII.

De ea
regulae.

Quandoquidem vero gratitudo est amor erga benefactorem: (§. CCXXVII.) consequens est, 44) ut, delectari vnumquemque benefactoris sui perfectione et felicitate, et 45) eius beneuolentiam verbis ornare et praedicare, quin et 46) beneficia beneficiis, non iisdem quidem semper, at beneficiis tamen, et officiis, quantum fieri potest, plurimis pensare oporteat: ac proinde, 47) ut desint vires, tamen et voluntatem gratum ostendendi animi magnopere esse laudandam.

§. CCXXVIII.

Obligatio ad
officiositatem.

Denique quum et cum detrimento nostro prodesse, et sine spe restitutionis ac retributionis

nis benefacere aliis teneamur: (§. CCXXI, 23.) consequens est, 48) vt multo minus alteri denegare debeamus, quae sibi ille, certam restitutionem et retributionem spondens, praestari petit, adeoque 49) vnusquisque obligatus sit ad studium illud alteri gratificandi, quod supra OFFICIOSITATEM vocauimus, (§. CCXXII.) dummodo 50) non manifestum sit, illam alios iuuandi promptitudinem cum periculo ac detrimento nostro non fore coniunctam. (§. LXXXIII, 65.)

CAP. VIII.

DE OFFICIIS ERGA ALIOS HYPOTHE-
TICIS, ET PRIMO QUIDEM, CIRCA
DOMINII ADQUISITIONEM
ORIGINARIAM.

§. CCXXX.

QVae haftenus disseruimus, ea partim ad **Conne-**
amorem IUSTITIAE, partim ad eum, **xio.**
quem supra HUMANITATIS et BENEFICEN-
TIAE amorem adpellauimus, (§. LXXXIII.)
pertinent. Ex hoc officia *imperfecta*, de quibus
superiore capite disseruimus; ex illo *perfecta*,
tamquam ex fonte, promanant. *Perfecta* in
eo consistere diximus, vt primum neminem
laedamus, (quod officium ABSOLVTVM voca-
uimus,) deinde, vt suum cuique tribuamus,
quod nobis officium HYPOTHETICVM est. Quum
igitur de illo *Cap. VII.* actum sit, de hoc iam
erit eadem cura exponendum.

§. CCXXXI.

Quid
SVVM?
domi-
nium
posses-
sio, pro-
prietas
commu-
nio.

SVVM proprie quisque vocat, quod in DOMINIO suo est. DOMINIVM vero vocamus ius, seu facultatem alios vfu rei alicuius excludendi. *) Ipsam detentionem rei, cuius vfu alios excludere statuimus, POSSESSIONEM adpellare mos est. Ceterum ius nobis vindicamus, aut omnes praeter nos; aut exceptis quibusdam aliis personis, reliquas omnes vfu alicuius rei excludendi. Priore casu res in PROPRIETATE; posteriore in COMMVNIONE POSITIVA esse dicitur, quae vel AEQUALIS est, quando aequale omnibus ius in re communi competit, vel INAEQUALIS, quando alter altero plus minusue iuris in illa habet. Itemque vel PERFECTA, quando omnibus in re communi ius perfectum est, vel IMPERFECTA, quando nemini tale ius perfectum est, qualis est inter milites exercitus, quibus certae pecuniae summae praemium a principe destinatum. Si nec vni, nec pluribus, ius animusue est, alios vfu rei, nondum ab vlllo possessae, excludendi: res in COMMVNIONE NEGATIVA est, quae sola dominio opponitur, quia tunc res in nullius dominio est constituta.

*) In hac sola facultate, vfu alicuius rei alios excludendi dominium consistere, palam est. Omnia enim reliqua dominii effecta, quae alias in definitione dominii enumerari solent, ita separari possunt a dominio, vt nihilominus quis. maneat dominus. Sic e. g. facultatem omnem ex re utilitatem percipiendi constituto vusufructu a proprietate separari, animaduertimus, saluo dominio. Facultatem libere de re disponendi non competere pupillis, notum ac peruulgatum est. Et hos tamen dominos re-
rum

rum suarum esse, nemo negauerit. Vnde Seneca de Benef. VII, 12. *Non est argumentum, ideo aliquid tuum non esse, quia vendere non potes, quia consumere, quia mutare in deterius, aut melius. Tuum enim est etiam, quod sub certa lege tuum est.* Denique et facultatem vindicandi rem commodatam vel depositam a tertio possessore, domino ademptam esse. obseruamus, multis locis, ubi obtinet iuris regula: *Hand muß hand wahren.* Quum ergo definitionem id duntaxat ingredi debeat, quod ad rei essentiam ita pertinet, ut abesse nequeat, sublata vero facultate alios rei usu excludendi illico quis dominus esse definat: dubitari nequit, quin haec sola domini definitionem absoluat. Idque velle existimo Arrianum. *dissert. Epiet. II, 1.* dum dominum definit, τὸν τῶν ὑπ' ἄλλων σπῆδαζομένων ἢ ἐκκλινομένων ἔχοντα ἐξουσίαν, qui, quae alii experienda fugiendaque censent, in potestate habet.

§. CCXXXII.

Iam quum ipsa ratio nos conuincat, Deum condidisse homines: (§. CXXVII, 18. sequ.) eundem sane voluisse etiam, ut existerent, manifestum est. Quumque qui finem cupit, is et media velle videatur: consequens est, 1) ut homines rebus omnibus, ad conseruandam eorum existentiam necessariis, quas haec tellus producit, uti frui voluerit. Praeterea quum Deus hominem, animal praestantissimum insigni prae reliquis amore prosequatur: (*Phil. mor. elem.* §. CLXXX.) dubitari profecto non potest, 2) quin et felicitate ac perfectione nostra delectetur, (§. LXXX) adeoque et iis nos frui velit, quae vitam nostram reddant perfectiorem, feliciorem, ac suauiore, dummodo 3) rebus creatis non abutamur. * (§. LXXXX.)

Ius hominum in res creatas.

- *) Dubitatum est a quibusdam, an et brutis, quae sine dolore destrui, vñibusque humanis adhiberi nequeunt, vti liceat ad vitam conseruandam? Idque haud pauci negarunt, quod et iniuriam his animantibus fieri existimarent, et beatorum non vsus, sed abusus esse videretur, si quis, vt carne eorum vescatur, ea iugulare non dubitet: maxime quum et sine feralibus istis epulis vitam conseruare possent homines. Addunt alii, esum carnis et minus salubrem esse, et homines effertos reddere, idque in primis vsuisse nouimus Pythagoram, et postea Porphyrium *in libris περὶ ἀποχῆς* Vid. Scheffer. *de philos. Italica Cap. XIII.* Sed 1) tota illa hypothesis, quod iniuria et brutis inferri possit, nititur alio errore de transmigratione animarum, seu κοινῷ δικαίῳ ψυχῆς, *communi, quod nobiscum babeant, animae iure*, vti vocauit Pythagoras apud Diog. Laert. VIII, 13. quod explicaturus Empedocles apud eundem Laert. VIII, 77.

Ἦδη γὰρ ποτ' ἐγὼ γενόμενῃ κῆρός τε κόρη τε,
Θάμνος τ' οἰωνός τε, καὶ ἐξ ἀλὸς ἔμπυρος
ἰχθύς.

*Nam, meminini, fueram quondam puer, atque puella,
Plantaque, et ignitus piscis, pernixque volucris.*

Add. Iamblich. *vit. Pythag. XXIII, n. 108.* Porphy. *vit. Pythag. p. 188. sequ.* Sed falsum est, vllam nobis cum brutis esse iuris communionem, (§. LXXXX.) atque hinc falsum etiam, brutis fieri iniuriam, 2) Non ideo abstinendum est a rebus, quia iis carere possumus, quia Deus nos non modo esse, sed suauiter viuere cupit. Nec is vsus abusus est, qui Dei voluntati non refragatur. Denique 3) infalubritas illa, quam vrgent, nec satis probata est, et procul dubio non a moderato carnis vsu, sed ab ingluuie, et rerum creaturarum abusu, quem et ipsi damnamus, proficiscitur.

§. CCXXXIII.

§. CCXXXIII.

Quum ergo Deus omnia, quae ad conseruandam suauiterque transigendam vitam humanam pertinent; vtenda fruendaque dederit hominibus: (§. CCXXXII.) procul dubio etiam voluit, 4) vt nullus earum vsu ab vilo excluderetur: adeoque 5) ex intentione Dei initio rerum omnia in negatiua communione, adeoque 6) vere in nullius dominio fuerunt constituta. * (§. CCXXXI.)

Initio omnia in communione negatiua fuerunt.

- *) Atque ita primaeuam hominum conditionem describunt non modo sacrae litterae, *Genes. I, 28. 29.* verum etiam poëtae, qui et eo nomine laudarunt saeculum aureum, quod illo tempore, vt ait Virgil. *Georg. I, v. 125.*

nulli subigebant arua coloni,

Nec signare quidem, aut partiri limite campum

Fas erat: in medium quaerebant: ipsaque tellus

Omnia liberius, nullo poscente, ferebat.

Negant ergo tum vltos agrorum fines, vltos limites fuisse, rebus adhuc in medio positis, ac vniuersi humani generis vsibus ita relictis, vt nullus earum vsu excludi potuerit.

§. CCXXXIII.

Quod ipse Deus voluit, id voluit sapientissime, ac proinde illud sine summa necessitate mutari ab hominibus non debuit. Quum vero et leges diuinae adfirmatiuae, qualis est illa, vt res omnes creatae veluti in medio positae omnium vsibus pateant, exceptionem ob necessitatem admittant, (§. CLVIII, 58.) in censum autem hic veniat non modo extrema necessitas, sed et illa quae efficit, vt vitam suauiter ac commode transigere non possimus: (§.

Sed ab ea discedere licuit, vrgente necessitate.

CLVIII, 54. §. CCXXXII, 2.) consequens est, 6) vt, urgente necessitate, homines a negatiua illa communione discedere, adeoque, 7) dominium, quod communioni illi opponitur, (§. CCXXXI) introducere omnino potuerint.

§. CCXXXV.

Quae
necessi-
tas ho-
mines
coegerit
domini-
um in-
tro-
du-
cere?

Iam facile quidem patet, si intra paucos stetisset humanum genus, nulla circa primaeuam illam ac negatiuam rerum omnium communionem mutatione opus fuisse futurum, sufficiente quippe omnibus naturae vbertate, ad vitam si non suauiter, at commode saltem, et qualiter qualiter tolerandam. At ex quo, per vniuersum terrarum orbem dispersis, et in innumeras familias distractis hominibus, quaedam non sufficere omnibus coeperunt, quaedam omnino ob insignem copiam suffecerunt: ipsa homines impulit necessitas, 8) vt in ea, quae non omnibus sufficerent, dominium aliquod inducerent: (§. CCXXXIII, 7) 9) solis inexhausti vsus rebus, quas in dominio esse nulla iussit necessitas, nec non 10) rebus, nihil ad vitam conseruandam suauiterque traducendam pertinentibus, in pristina communione negatiua permanentibus. *)

*) Et hinc huiusmodi res communes esse iure naturali dixerunt iureconsulti, §. 1. *Inst. de rer. diuis.* et quidem non ita, vt publica, quae in patrimonio sunt alicuius populi, sed vt ea, quae primum a natura prodita sunt, et in nullius adhuc dominium perueniunt, vt ait Neratius l. 14. pr. *D. de acqu. rer. dom.* Nimirum hae res omnes, quamuis optimae omnium ac pulcherrimae, tamen ob insignem copiam in primaeua illa ac negatiua communione

munione permanferunt. Hinc Petron. *Sartyr. Cap. C.* *Quid non commune est, quod natura optimum fecit? Sol omnibus lucet. Luna, innumerabilibus comitata sideribus, etiam feres ducit ad pabulum. Quid aquis dici formosius potest? in publico tamen manant.* Nec magis quisquam adfectat dominium in muscas, mures, glires, vermes, aliaque, quae vel noxia humani generi, vel cum nulla saltim utilitate coniuncta sunt.

§. CCXXXVI.

Sic ergo dominium, sublata negativa communione, inuexit ipsa necessitas. Illud vero humani generis institutum 11) cum nullius iniuria fuisse coniunctum, vel inde patet, quod in communione negativa nulli mortalium sit ius alterum rerum *vsu* excludendi, (§. CCXXXI.) adeoque cuius licere oporteat, rem quamuis nullius ita sibi vindicare, ut deinceps nemini illius *vsu* concedere cogatur, sed eam sibi detinere, suisque seponere *vsibus* possit. *)

Institu-
tum hoc
non ini-
ustum
esse.

- *) Nam in quo alteri nullum ius animusque est, me *vsu* rei excludendi, illud est nullius. At nullius esse definit, simul ac eam *vsibus* meis adhibere, ac iure a Deo mihi concesso uti statui. (§. CCXXXII.) Nam quum is me laedere dicatur, qui me imperfectiorem infelicioremque reddere conatur: (§. CLXXVIII.) procul dubio et is me laedit, qui eo, quod vitae seruandae suauiterque traducendae causa semel mihi vindicaui, me priuare non dubitat. Hinc idem hic contingit, quod de theatro, quamuis positue communi, ait Arrianus *dissert. Epict. II, 4.* ἀγε, τὸ δὲ θέατρον ἔκ ἑστὶ κοινὸν τῶν πολιτῶν; ὅτε ἂν καθίσωσιν, ἐλθῶν, ἂν σοι Φανῇ, ἔκβαλέ τινα αὐτῶν. Age, commune nonne est theatrum omnium ciuium? In eo vero, si confederint, e loco, si libet, aliquem eorum eiicito. Et Seneca *de Benef. VII, 12.* Propterea non mentiar, si

ſi dicam, me habere in equeſtribus locum. Sed quum in theatrum veni, ſi plena ſunt equeſtria, et iure habeo locum illic, quia ſedere mihi licet: et non habeo, quia ab his, quibuſcum ius mihi loci commune eſt, occupatus eſt.

§. CCXXXVII.

Ex eo
tempore
res vel
poſitiue
commu-
nes, vel
proprie:

Quum ergo homines, coacti neceſſitate, inuexerint rerum dominium: (§. CCXXXV.) hoc vero vel in *communione* poſitiua, vel in *proprietate* conſiſtat: (§. CCXXXI.) conſequens eſt, 12) vt ex quo a communione negatiua diſceſſum, omnes res vel poſitiue communes pluribus, vel ſingulis proprieae eſſe coeperint, et 13) communio quidem nata ſit inde, quod plures eandem rem pro indiuiſo poſſidere, omnesque alios eius vſu excludere ſtatu-erunt: *) 14) proprietates vero vel initio ſtatim ex rerum nullius *adprehenſione* ac *poſſeſſione*, vel ex poſt facto ex *diuiſione* vel *ceſſione* rerum poſitiue communium traxerit originem.

- *) Id procul dubio initio ſtatim factum, quum gentes et familiae in diuerſas terrarum partes ſecedere coeperunt. Tunc enim alia familia aliam regionem ſibi communiter pro indiuiſo tantisper vindicauit, donec vrgente neceſſitate res communes diuiderent, vel ex pacto ſingulis, quantum indigerent, occupandi facultatem darent. Plurium ſane gentium, quae initio totas prouincias communiter pro indiuiſo poſſederint, mentionem faciunt veteres, veluti Aboriginum Iuſtin. XXXXIII, 1. Scytharum et Getarum, Horat. Carm. III, 24. Germanorum, Tacit. Germ. Cap. XXVI. incolarum inſulae Liparae, Panchaeorum et Vaccaeorum Diodor. Sic. Biblioth. V, 9. et 45.

§. CCXXXVIII.

§. CCXXXVIII.

Et quidem, si tanta esset generis humani felicitas, ut omnes peraeque virtutis amore flagrarent: sane neque dominio, neque pactis ullis, indigeremus, quia et nihil habentibus nihil tamen, quod ad conseruandam suauiterque transigendam vitam pertinet, esset nobis defuturum. Quum enim tunc homo hominem, tamquam seipsum, amaturus, eique ultro facturus esset omnia, quae sibi ab altero fieri cupit: quid opus esset dominio inter amicos, quorum omnia communia sunt? Enimvero, quum pro praesente rerum humanarum indole vix sperandum sit, aliquam multitudinem virtutis adeo studiosam esse futuram, ut alterius vtilitati non minus, quam suae, seruiat: facile patet, 15) communionem positiuam naturae hominum, qualis nunc est, non congruere, adeoque eos, 16) cur ab ea quoque discederent, causas non poenitendas habuisse. *)

Cur a
commu-
nitione
etiam
positiua
disce-
dendum
fuerit?

- *) Quicumque sane communionem huiusmodi aliquando obseruatam memorant, ii simul homines illos fuisse eximia virtute praeditos, posuerunt. Id sane iure dixeris de ecclesia Hierosolymitana. *Act. III, 32.* Nec credibile fore suspicati sunt poetae, quod de communionem illa inter homines aurei saeculi retulerunt, nisi simul illos fingerent virtutis ac honestatis studiosissimos fuisse, qui, uti ait Ouid. *Metamorph. l. v. 90.*

vindice nullo,

Sponte sua, sine lege, fidem rectumque colebant.
Porro Scymnus Chius communem huiusmodi rerum omnium usum tribuit Scythis nomadibus ultra Maeotin, sed eosdem simul vocat τῆς σφύ-
δα,

δεα, ευσεβείας. gentem piissimam. Sed et a Pythagora institutam rerum communionem ex iustitia, tamquam ex fonte, promanasse, tradit Iamblich. vit. Pythag. segm. CLXVII. Refrigescite itaque virtute, pietate, iustitia, etiam communioni non esse locum, facile unusquisque intelligit.

§. CCXXXVIII.

Qui sint
modi ad-
quiren-
di origi-
narii?

Ex quo simul patet, quomodo inuecta sit rerum proprietas, et quot sint modi illam in certa re acquirendi. Res enim vel adhuc *extra dominium* est, vel iam *in alterius dominio* constituta. Si prius: tunc modos acquirendi cum Grotio vocamus **ORIGINARIOS**, quibus quum vel substantiam, in nullius dominio constitutam, adquiramus, vel quae ei quacumque ratione accedunt, incrementa: priorem acquisitionem **OCCUPATIONEM**, posteriorem **ACCESSIONEM** appellamus.

§. CCXXXX.

Quinam
deriva-
tium?

Sin res iam in alterius dominio sunt: tunc vel in plurium *communione* sunt, vel in *proprietate* singulorum. (§. CCXXXI.) Priore casu res communes in proprietatem rediguntur per **DIVISIONEM** et **CESSIONEM**: posteriore per **TRADITIONEM**. Neque ullus est dominium acquirendi modus **DERIVATIVVS**, quin ad hos paucos quam commodissime referri possit.

§. CCXXXI.

Quid
occupatio?
quid
res nul-
lius?

OCCUPATIO est adprehensio possessionis rerum nullius. **NULLIVS** vero esse dicuntur res, in quibus vel nemini umquam alios usu istarum excludendi ius fuit, vel de quarum saltim
domi-

domino nihil certi constare potest, vel in quibus denique possessor sese ultro iure alios usu earum excludendi abdicavit, quae PRO DERELICTO HABITAE dicuntur. Quum ergo in rebus nullius nulli sit ius alios earum usu excludendi: (§. XXXI.) consequens est, 17) ut quae nullius sunt, merito cedant occupantibus, nec tamen 18) id intelligendum sit de rebus amissis, furtim vel vi surreptis, imminente naufragio iactis, per bruta ablati, quae neutro sensu res nullius dici possunt, quum et habuerint antea dominos, et hi dominio suo sese ultro numquam abdicarint. *)

- *) Hinc recte de piscibus, a se in mari captis, philosophatur Gripus piscator apud Plautum *Rud. IIII*, 3. v. 32. dum suos illos factos contendit, quod a nemine eorum usu iure excludi possit:

Ecquem esse dices mari piscem meum?

Quos quum capio, siquidem cepi, mei sunt: habeo pro meis:

Nec MANV ADSERVNTVR, neque illic partem quicquam postulat.

In foro palam omnes vendo pro meis venalibus.

At pessime ille sibi ex eadem ratione vindicat vidulum, naufragio amissum, et a se mari extractum, dum ait:

In manu non est mea,

Vbi demisi rete atque hamum, quidquid haesit, extraho.

Meum, quod rete atque hami nacti sunt, meum potissimum est.

Cui recte v. 42. obuertit Trachalio?

Quid ais, impudens,

Ausus etiam, comparare vidulum cum piscibus?

Eadem tandem res videtur?

§. CCXXXXII.

Occupatio fit animo et corpore simul.

Quumque occupatio sit adprehensio possessionis rerum nullius, (§. CCXXXLI) possessio vero detentio rei, cuius vsu alios excludere statuimus: (§. CCXXXI.) facile patet; 19) occupationem animo et corpore simul fieri, et 20) nec solum animum sufficere ad rem occupandam, si alius suo iure vti velit, nec 20) solam adprehensionem sine animo alios vsu rei excludendi: saepe tamen 21) tacita hominum conuentione pro adprehensione haberi declarationem animi sibi rem habendi, cum signis quibusdam, in sensus incurrentibus, coniunctam. *)

- *) Sic adprehendisse videtur praedii possessionem, qui vacua possessione, non quidem singulas glebas circumambulauerit, *l. 3. §. 1. l. 48. D. et l. 2. C. de adqu. vel amitt. poss.* sed titulum adfixerit festucam e ianua, caespitem ex agro, ramusculum ex arbore exciderit, simulque testatum praesentibus fecerit, se id animo praedium sibi tamquam suum habendi facere. Quum vero ex conuentione tacita haec signa effectum habeant: ea sane non sunt arbitraria, adeoque is, qui iaculum immisit vrbi a ciuibus desertae, non magis videtur occupasse urbem, quam venator feram, quam iaculo peritam, nec occidit, nec vulnerauit. Atque inde decidi poterit lis Andriorum et Chalcidensium, de Acantho occupata inter se decertantium, illis vrgentibus legati sui sollertiam, qui quum se cursu a legato Chalcidensium superari animaduerneret, iaculum portae prior infixisset: his contra nitentibus, vrbesque iaculis occupari, negantibus, adeoque Acanthum sibi vel ideo vindicantibus, quod a legato suo prius esset introita. Historiam habes apud Plutarchum *Quaest. Graec. XXX.*

§. CCXXXXIII.

§. CCXXXIII.

Quum porro omnia, quae nondum in vli- Et qui-
lius dominio sunt, possint occupari: (§ dem vel
CCXXXI, 17.) perinde profecto erit, siue per vni-
toti terrarum tractus, dominio vacui, a pluribus; uersita-
siue res singulares a singulis occupentur. Er tem, vel
priorem quidem occupationem PER VNIVERSI- per fun-
TATEM; posteriorem PER FVNDOS fieri, ait Gro- dos.
tius *de iure belli et pac II, 2, 4*. Quia vero, qui
totum occupauit, singulas quoque partes oc-
cupasse censetur: consequens est, 22) vt in
tractu terrae, a pluribus, veluti populo, per
vniuersitatem occupato, nihil omnino sit nul-
lius, sed omnia, quae illius ambitu continen-
tur, si a singulis occupata non sint, ad popu-
lum vniuersum, vel ad eius rectorem, pertine-
re merito dicantur. *)

*) Hinc in aliquo terrae tractu singuli possunt res sin-
gulares tamquam sibi proprias possidere quum
tamen totum territorium sit populi vel reipubli-
cae. Dio Chrysost. in *Rhodiaca XXXI*. ἡ χώρα
τῆς πόλεως, ἀλλ' ἔδὲν ἦτον τῶν κεκλημένων
ἕκαστος κύριός ἐστι τῶν ἑαυτῶν Territorium est
ciuitatis: at nihilominus tamen possidentium quis-
que rerum suarum dominus est. Plura eam in rem
veterum loca adcumulauit Grotius *de iure belli et
pac. II, 3, 4*.

§. CCXXXIII.

Hinc nemo negauerit, 23) VENATIONEM, An fe-
PISCATIONEM, AVCPVIVM esse species occupatio- rae, pi-
nis non modo in locis desertis et dominio va- sces, vo-
cuis, verum etiam 24) in territoriis iam occu- lucres
patis, sicubi tanta sit ferarum, piscium aut sint res
nullius.

N

volu-

volucrum multitudo, vt sufficere omnibus videantur: (§. CCXXXV, 9.) at 25) non iniuria tamen populum, si qua iusta causa id suadere videatur, *) haec animalia omnia, tamquam ἀδίστοτα, sibi vindicare, (§. CCXXXIII, 24.) vel 26) eadem summo imperanti, tamquam ἐξαιρέτόν τι, adsignare: eoque facto, 27) illum aduersus amorem iustitiae agere, qui sibi ius venandi, iam ab alio adquisitum, temere adrogare non dubitet.

*) Plures huiusmodi causas, quamvis parum idoneas, accumulauit Pufendorff. *de iure nat. et gent.* III, 6, 6. Maximi momenti est illa, quod ferae, pisces et volucres non tum inexhausti vbique vsus sunt, vt non meruendus sit tot specierum interitus, si venandi ius omnibus promiscue concederetur. (§. CCXXXV, 8.) Ex quo simul intelligere licet, cur nusquam terrarum homines venari et occidere prohibeantur animalia rapacia, truculenta, et humano generi noxia, quin alicubi praemia auferant, qui, oblati eorum vnguibus vel capitibus, fidem faciant magistratibus, se huiusmodi animalibus purgasse prouinciam.

§. CCXXXV.

In quibus animalibus venatio ni sit locus?

Vbicumque vero cuiquam venandi ius est: ipsa recta ratio satis vnumquemque docebit, 28) venationem non pertinere ad animalia mansueta, quippe in dominio constituta, nec 29) ad mansueta, quamdiu illa dominus possidet, vel animo recuperandi persequitur, vel, se ea derelinquere nolle, luculentis quibusdam signis ostendit. *) Immo 30) ne ad feras quidem bestias, viuariis, piscinis, alueariis, inclusas, sed 31) ad eas, quae, vt eleganter scribit Causus

ius; terra, mari, coelo capiuntur. l. 1. §. 1. D.
de acqu. rer. dom.

*) Sic vix venationis obtentu excusabitur, qui ceruum, crepundiis ornatum, quantumvis fugitium, ceperit, si de domino constet. Nec magis ferendum putem, qui dominum, persequentem examen, area sua excludit, ut illo ipse potiatur: licet id iustum visum fuerit iureconsultis Romanorum. §. 14. *Inst. de rer. diuision.* Quamuis enim domino sit facultas, alios vsu rei suae excludendi: istamen qui sua repetiturus aedes nostras ingreditur, non re nostra utitur, sed suam repetit. Et qui magis iustum sit, examen suum persequentem aedibus et area excludere, quam domo abigere vicinum, gallinas turbatas, et in aream nostram auolantes, repetiturum? Itaque aequissima lex Platonis *Lib. VIII. de legibus*: *Si aliena examina quis persequitur, atque aera pulsans apes delectatione ad se trahit: damnum resarciat.*

§. CCXXXVI.

Ceterum quum in occupatione praeter animum alios vsu rei excludendi, opus etiam sit adprehensione corporali: (§. CCXXXII, 19.) consequens est, 31) ut non sufficiat sola vulneratio ferae bestiae, multoque minus 32) animus, illam, ex vulnere casuram, sibi vindicandi, sed 33) praeterea requiratur, ut ipsa a venante, eam persequente, vel viua capiatur laqueis, canibus, aliisque instrumentis venatoriis, vel iaculis conficiatur: 34) neutro autem facto, vnicuique ius sit, vulneratam ab alio capiendi occidendique, quippe in nullius adhuc proprietatem ac dominium redactam. *)

Quando animalia fiant capiendum?

*) Sed ea in re magna semper fuerunt sententiarum diuortia, et hinc leges gentium diuersissimae. De Trebatii aliorumque iurisconsultorum dissensu vi-

denda est *l. 5. D. de adqu. rer. dom.* Lex Salica *tit. XXXV. §. IIII. sequ.* ne excitatam quidem ab alterius canibus feram ab alio impune intercipi patitur. Lex Langob. *Lib. I. tit. XXII. §. IIII. et VI.* hoc casu capienti armum cum septem costis, reliquam praedam vulneranti addicit. Has similesque veterum leges collegit Pufend. *ibid. IIII, 6, 10.*

§. CCXXXVII.

An huc
perti-
neat oc-
cupatio
bellica?

Occupationis alteram speciem vulgo dicunt OCCUPATIONEM BELLICAM, qua personas aequae ac res hostium, iusto bello captas, ipso gentium iure capientium fieri contendunt. *l. 1. §. 1. D. de adqu. vel amitt. poss.* Enimvero quemadmodum occupationi locus est tantum in rebus nullius, (§. CCXXXI, 17.) res vero hostiles non aliter, quam per fictionem, *) personae vero liberae ne per fictionem quidem pro rebus nullius haberi possunt: (§. LXVIII, 17.) ita 34) occupationem bellicam nec ad modos acquirendi originarios, nec 35) ad occupationem pertinere, sed 36) ex alio fonte, puta ex ipso belli iure, deriuandam esse, facile intelligitur.

*) Equidem Pufend. *de iure nat. et gent. IIII, 6, 14.* hanc fictionem ita explicat: *In bello res hostium in ordine ad alium hostem redduntur veluti dominio vacuae: non quod hostes per bellum ipso iure rerum suarum domini esse desinant, sed quia illorum dominium non obstat hosti, quo minus eas res auferre, sibi que habere possit.* Sed ubi res redduntur veluti dominio vacuae, ibi nemini est ius alios earum usu excludendi. (§. CCXXXI.) Hosti autem saluum semper est ius, hostem usu rerum suarum excludendi, nec ulli facit iniuriam, dum pro seruandis rebus suis, tamquam pro aris et focis, pugnat. Quis ergo, eius res dominio vacuas esse, dixerit? Quae quum ita sint: hostis res suas ab hoste

ste captas amittit, non quod ius ipsi deest exclu-
dendi hostem, sed quod viribus, quibus hostis re-
primi posset, destituitur.

§. CCXXXVIII.

Rectius huc refertur INVENTIO, quippe quae Inven-
et ipsa in adprehensione rerum nullius confi- tio re-
stit. Itaque nullum quidem est dubium, 37) rum nul-
quin res, in nullius adhuc redactae dominium, lius.
vel pro derelictis habitae, inuentori cedant,
qui eas cum animo sibi habendi primus adpre-
hendit, ac proinde 38) iuri naturali non
consentanea sit lex Stagiritarum, Biblien-
sium et Atheniensium: α μὴ ἔθῃ, μὴ ἀνέλῃ:
Quae non posuisti, ne tolle, nisi de rebus amis-
sis intelligatur. Aelian. *Var. Hist.* III, 45. IV, 1.
Diog. Laert. I, 57. nec minus 39) errent ii,
qui rem inuentam inuentori, eique, qui eam
tolli viderit, communem esse existimant: *)
attamen 40) id ius non producendum sit ad res,
quas populus sibi iure occupationis, per vni-
uersitatem factae, vindicauit, vel 41) summo
imperanti, tamquam ἐξ αἰστών τι, cessit. Quod
eum iure potuisse, supra iam vidimus. (§.
CCXXXIII, 23.)

- *) Inoleuerat olim mos, id, quod ab aliquo inuenire-
tur in commune poscendi: quod fiebat formula
IN COMMUNE, vel apud Graecos κοινὸς ἔμεν,
itemque κοινὸν τῷ ἔμεν. De qua formula prae-
ter Erasmus in *adagiis* plura monent viri docti ad
Phaedr. *Fab.* V, 6. v. 3. Add. Plaut. *Rudent.* III, 3.
v. 72. *sequ.* At quum, quae nullius sunt, cedant
occupanti, (§. CCXXXI, 17.) nec in eiusmodi
rebus ulli sit ius, alium usu earum excludendi:
(§. CCXXXI.) is denique, qui solis oculis rem vfur-
pauit, nec adprehendit tamen, occupasse non di-

catur: (§. CCXXXII, 20.) hunc etiam partem praedae poscere non posse, nisi id leges ciuiles vel mores ac consuetudines alicuius prouinciae permittant, facile adparet.

§. CCXXXVIII.

Et pro
dereli-
ctis ha-
bitarum,
veluti
thesauri.

Nec minus inde patet, 42) inuentori cedere res, ab hominibus sanae mentis suique iuris animo abdicandi dominium abiectas, adeoque 43) et sparsa missilia, immo et 44) THE-thesauri. SAVROS, quorum de prioribus dominis nullo certo argumento vel indicio constat, casu fortuito inuentos, nisi 45) et hos sibi vindicet populus vel summus princeps. (§. CCXXXIII, 23.) Qua de re varias gentium leges recensuerunt Grot. *de iure belli et pac.* II, 8, 7. Pufend. III, 6, 13. et ibi Hertius. Eu, Otto *ad* §. 29. *Inst. de rer. diuis.* 46) Merito tamen rationem etiam habendam domini soli, vtpote quem fructus ex solo suo quoscumque percipere, aequum est, *) ac proinde 47) recte, et plane ex regulis aequitatis naturalis vnum semissem thesauri, casu fortuito reperti, inuentori, alterum domino soli adiudicasse Hadrianum. Spartian. *in Hadriano Cap. XVIII.* §. 39. *Inst. de rer. diuis.*

- *) Quod adeo verum est, vt hunc quaedam gentes inuentori plane praeferendum putarint, veluti Hebraei, *Matth. XIII, 44.* Selden. *de iure nat. et gent. sec. discipl. Hebr.* VI, 4. Syri, Graeci, quin et ex ipsis Romanis haud pauci. Philostr. *Vit. Apollon. Tyan.* II, 39. *de vit. Sophist.* II, 2. Plaut. *Trinum.* I, 2, v. 141. l. 67. *D. de rei vind.* Vbi tamen inuentori pars cedit, nihil interesse videtur, mercede conductus quis terram nostram foderit, an operas nobis haud locarit. Quamuis enim mercenarii nobis

nobis operis conductis adquirant; id tamen iustam habere rationem non videtur, si quis operas nobis non ad inuestigandos thesauros, sed ad cel- lam excauandam, vel simile opus, locarit. V. A. Corn. van Bynkersh. *obs. II, 4.*

CCL.

Alter modus acquirendi dominium origi- Accessio
quid et
quotu-
plex?
narius est ACCESSIO, per quam ius ea, quae sub-
stantiae, nobis acquisitae, accedunt, incre-
menta similiter nobis vindicandi intelligimus.
Incrementum vero quum res nostrae capiant
vel ipsius naturae beneficio, vel industria no-
stra, vel natura industriaque nostra simul: ac-
cessio a iureconsultis accuratioribus in NATV-
RALEM, INDVSTRIALEM, ET MIXTAM recte dispe-
scitur. *)

*) Sic *naturae* solius beneficio debemus foeturam ani-
malium, alluvionem, novam insulam, alveum
derelictum. *Industriae* nostrae novam speciem, rem
rei nostrae adiunctam, adplumbatam, adferrumi-
natam, intextam, adfusam vel admixtam, scriptu-
ram chartae nostrae, picturam tabulae nostrae il-
litam. Denique messem et auctumni dotes par-
tim vbertati soli coelique clementiae, partim cul-
turae nostrae, adeoque et *naturae* beneficio, et
industriae nostrae imputamus, ac proinde primi
generis accessiones NATVRALES; secundi INDVSTRIA-
LES, tertiū MIXTAS merito adpellamus. Quae enim
a nonnullis additur, FORTVITA ad occupationem re-
rum nullius rectius refertur.

§. CCLI.

Quod ad NATVRALEM accessionem attinet, Funda-
menta
accessio-
nis na-
turalis.
vel tale res nostra capit incrementum, cuius
de origine et priore domino nullo certo argu-
mento constat, vel aliquid, quod iam in alte-
rius

rius dominio est, rei nostrae accedit. Priore casu, quum res illa, cuius de domino nihil certi constare potest, pro re nullius merito habeatur, (§. CCXXXI.) nihil obstat, 48) quominus huiusmodi incrementum cedat in accessionem rei nostrae, cui accessit, adeoque nobis adquiratur. At posteriore casu res habet dominum, qui alios usu rei suae iure excludit: (§. CCXXXI.) atque inde merito inferimus, 49) huiusmodi rem, rei nostrae quamcumque ratione adiunctam, nobis non magis adquiri, quam si ventus vehementior vestes lineas, a Titio in hortu suo expansas, in aream nostram proiecerit. *)

*) Nulla sane fingi potest ratio, quamobrem prior dominus, de quo satis constat, dominio rei suae, adhuc exstantis ac superstitis, excidere debeat, quum nec suo se dominio umquam abdicarit, nec illud facto ullo in alterum transtulerit, nec ob solam calamitatem dominio suo quisquam iure priuetur. Si quis ergo dominus manet rei, alterius rei casu quocumque adiunctae: isti procul dubio adhuc ius est, alterum rei suae usu excludendi, (§. CCXXXI.) adeoque, illo invito, huic adquiri non posse dominium, manifestum est.

§. CCLII.

Specia-
tim de
foetura
anima-
lium.

Ex his vero evidentissimis principiis (§. CCLI. 48. sequ.) iam porro colligimus, 50) PARTVM cuius de origine non liquido constat, (quod plerumque fit in animalibus, immo et in hominibus, extra legitimum matrimonium natis,) ventrem tamquam accessorium sequi, idque *legi naturae* non absurde tribuere Vlpianum, l. 24. D. de statu hom. Id tamen 51) vix aequum

aequum videtur, si de utroque parente constet, *) nisi forte 52) ad procreanda animalia communibus sumtibus alatur dignioris sexus animal, veluti bos communis, vel 53) dominus equum admissarium vel bouem pro certa mercede vicinis locare soleat.

- *) Hinc saltem in seruis hoc casu passim obtinet partitio vernarum, ita ut primus domino ventris, alter domino serui patris cedat, et sic seruilem sobolem ambo domini per vices partiantur. Diximus ea de re *Elem. Iur. Germ. I, 1, 30.* ubi id ius et apud Wisigothos et apud Alamannos, et apud Boios obtinuisse, ex lege *Wisigoth. X, 1, 17.* Goldasti *rer. Alam. Tom. II. charta II.* et Auentin. *Anal. Boic. Lib. VII, 14, 23. p. 708.* ostendimus.

§. CCLIII.

Nec minus facile erit intellectu, ad quem pertineat noua *INSULA*, siue in mari, siue in flumine nata. Quum enim de dominio particularum terrae, quae demum in insulam coalerunt, constare non possit: (§. CCLI, 48.) consequens est, 54.) ut insula cedat in accessionem maris vel fluminis, *) ac proinde 55) si mare vel flumen in nullius dominio est, insula quoque sit nullius, ac proinde cedat occupantibus: 56) sin vero, quod plerumque fit, vel mare, vel flumen ad populum, eiusue rectorem pertinet: (§. CCXXXIII, 23.) is quoque insulam illam merito sibi vindicet. Denique quum res, cuius de dominio certo constat, non possit ulli per accessionem adquiri: (§. CCLI, 49.) fieri non potest, 57) ut dominus amittat agrum, quem flumen superior diuergens, et inferior alueo suo iunctum,

De nouis insulis, siue natis, siue factis.

in insulae formam redegit. Quod et ICti agnouerunt l. 7. §. 4. l. 30. §. 2. D. de adq. rer. dom.

*) Itaque nulla ratio est, cur vicinis praediis, et quidem vel in vtraque ripa, si insula in medio flumine nata sit, vel in alterutra, cui propior est, accrescere debeat noua insula: quod tamen plerisque ICtis placuisse nouimus. §. 22. Inst. de rer. diuis. l. 7. §. 3. l. 29. l. 30. §. 1. D. de adq. rer. dom. Particulae enim terreae a cuius praedio auulsae sint, non constat: et magis probabile est, eas ab agris superioribus, quam a vicinis auulsas esse. Quin aliquando ipsum flumen particulas, quae deinde in insulam coalescunt, e fundo abrasas, secum vehit, teste Seneca natur. quaest. IIII, 9. Sed fuit haec sententia Cassij Longini, quam deinde sectatores eius, tamquam ex compacto probarunt. Aggen Vrbic. de limit. agr. p. 57. Eam vero more suo exploserunt Proculiani, quorum antesignanus, Labeo apud Paullum l. 65. §. 4. D. de adq. rer. dom. Si id, inquit, quod in publico innatum aut aedificatum est, publicum est: insula quoque, quae in flumine publico nata est, publica esse debet.

§. CCLIIII.

Nec non
de allu-
uione et
vi flumi-
nis.

Nec alea ALLUVIONVM, et terrae VI FVMINIS auulsae, ratio est. Quemadmodum enim, quod ad priorem attinet, de origine particularum, agro nostro paullatim adiectarum, certi quid constare non potest: (§. CCLI, 48.) ita nulum est dubium, 58) quin id quod agris nostris hoc modo accedit, nobis; 59) quod agro publico, viaeue publicae adiicitur, publico cedere debeat. *) Contra ea quum in vi fluminis de domino terrae auulsae satis constet: (§. CCLI, 49.) 60) ea iure naturali circa dominium nihil mutari, palam est, 61) nisi forte domi-

dominus terram hoc modo auulsam pro derelicta habere malit. Quod in ciuitatibus ex intermissa per tempus legitimum vindicatione colligi solet. §. 21. *Inst. de rer. diuis. l. 7. §. 2. D. de adqu. rer. dom.*

- *) Et hoc fundamento nititur iureconsultorum et agrimenso-
rum distinctio inter agros *arcifinios*, qui non aliis, quam naturalibus, limitibus finiuntur, et *limitatos*, qui ad certum perticarum pedumque numerum assignantur. *l. 16. D. de adqu. rer. dom. l. 1. §. 6. D. de flumin.* De qua agrorum differentia vid. Isidor. *Orig. XI, 13. Auctores de limitib. p. 293. edit. Guil. Goefti*, Io. Fr. Gronou. *ad Grot. de iure belli et pac. II, 3, 16. n. 1.* Quidquid enim inter agros limitatos et flumen interiacet, id vel publicum, vel alicui priuato proprium esse, nemo non intelligit. Neutro autem casu agro limitato aliquid accedit.

§. CCLV.

Denique quod ad ALVEI MUTATIONEM at-
tinet, si alueus derelictus, quantum constat, in nullius antea dominio fuit, ille 62) non potest vicinis, qui vtrimque praedia habent, pro modo praediorum adquiri, vti visum est iureconsultis Romanis *l. 7. §. 5. D. de adqu. rer. dom.* sed, quia de fluminis, cuius pars est alueus, dominio satis certo constat, (§. CCLI, 49.) 63) ille, tamquam pars fluminis eiusdem erit, cuius flumen fuit: quemadmodum 64) ex eadem ratione nouus alueus, iterum derelictus, procul dubio non minus manet priorum dominorum, quam 65) ager INVNDATVS, si deinde aqua recesserit. *)

In alvei
mutatio-
ne et in-
unda-
tione.

- *) Aliud dixeris, si perpetua sit inundatio, vt iam mare sit, vbi Troia fuit. Tunc enim res exstincta vide-

videtur, quae nullum nobis vsum praestat, nec praestare vnumquam potest. Non entis vero, eiusque, quod nullum hominibus vsum praestat, nullum est dominium, nulla proprietas. (§. CCXXXV, 10.) Ex quo sane consequitur, ut durissima sit eorum conditio, a quibus ob agros, mari vel flumine iam pridem absorptos, tributa, vestigalia et pensiones exiguntur, nisi forte culpa et negligentia sua in restituendis aggeribus meruerint, ut ita mulctentur, quamvis et haec poena satis immodica, immo durissima videatur. Quis enim tributis ac pensionibus oneret res, in quibus proprietas, ususfructus, possessio, et iter amissa sunt? *l. 23. D. quib. mod. ususfr. amitt. l. 3. §. 17. l. 30. §. 3. D. de adqu. possess. l. 1. §. 9. D. de itin. actuque priu.*

§. CCLVI.

De ac-
cessione
indu-
striali
axioma
primum.

Progredimur ad accessionem INDUSTRIA-
LEM et MIXTAM, de qua subtiliter admodum
philosophati sunt iureconfulti. Nos ita statui-
mus: Si res utriusque voluntate iunctae sint,
ne dubitari quidem potest, quin vterque fiat
dominus pro rata, adeoque communio posi-
tiva inducatur. (§. CCXXXI.) At hic de ac-
cessione, quae altero inuito facta, loquimur.
Hic quum domino ius sit, omnes rei usu ex-
cludere: (§. CCXXXI.) procul dubio etiam
prohibere potest, quo minus, quidquam rei
suae, se inuito iungatur. Quum vero quod
iungitur rei nostrae, vel eam inutilem aut dete-
riorem saltem, vel meliorem praestantio-
rem reddat, is vero, qui res nostras deterio-
res reddit, nos laedat: (§. CLXXVIII.) con-
sequens est, 66) ut, qui res nostras quacum-
que accessione industriali deteriores vel plane
inutiles reddidit, is, accepta re corrupta, ad
omne

omne damnum nobis refarciendum, quin, si dolo malo tale quid fecerit, simul ad poenam (§. CCXI, 119. sequ.) teneatur.

§. CCLVII.

Sin res accessione quacumque industriali ab alio meliores praestantioresque redditae sunt: tunc multum interesse videtur, possintne res sibi inuicem iunctae, sine notabili dispendio separari, an non possint. Priore casu, quum vtriusque materiae vel rei domino ius sit, alterum vsu rei suae excludendi, (§. CCXXXI.) id vero aliter exitum habere non possit, quam rebus separatis: consequens est, 67) vt eo casu res iunctae statim separandae, suumque cuique tribuendum sit: 68) posteriore autem casu res iunctae alterutri addicantur, condemnando simul ad aestimationem rei alienae alteri, quem re sua carere oportet,*) poenamque, si in mala fide sit, praestandam. (§. CCXI, 119. sequ.)

Axiomata secundum et tertium.

- *) Quisquis enim res alterius, quibus illi ad conferuandam suauiterque transigendam vitam opus est, interuertit, is nos laedit. (§. CLXXX, § 2.) Qui nos laedit ad satisfactionem tenetur. (§. CCX.) Ea, quum eo casu, vbi factum infectum fieri nequit, in praestanda iusta rei aestimatione consistat: (§. CCXII, 124.) consequens est, vt is, qui alterius rem interuertere, sibi habere cupit, iustam eius aestimationem praestare teneatur. Vnde simul aequissimam esse patet regulam πολυ-
θρύλλητον, neminem debere cum alterius damno sine ratione locupletiores fieri velle.

§. CCLVIII.

§. CCLVIII.

Nec non
quartum
et se-
quentia.

Quum vero posteriore casu res iunctae alterutri addicendae sint, (§. CCLVII, 68.) consequens est, ut causam iustam, cur alteruter alteri praefereendus sit, esse oporteat. (§. CLXXVII, 5.) Ea vero quum non alia esse possit, quam alterutrius rei praestantia, quam saepius raritate et adfectione, quam usu, aestimamus: merito inde colligimus, 69) non semper procedere regulam: *accessorium sequi suum principale*: cuius absurditatem in pictura ipse Iustinianus, et ante eum Caius, agnovit, §. 34. *Inst. de rer. diuis. l. 9. §. 2. D. de adqu. rer. dom.* sed 70) res iunctas addicendas esse illi, cuius res ob raritatem, adfectionem, operas, curam, et culturam maius pretium admittunt,*) eumque 71) alteri ad praestandam aestimationem damnandum, 72) nisi ei tanti non sit res sua, ut non pretium recipere, quam offerre alteri, malit.

*) Veteres iurisconsultos hic non certa aliqua ratione naturali niti, et hinc diuersis admodum viis incedere, iam obseruauit V. C. Io. Barbeyrac. *ad Pufendorff. de offic. hom. et ciu. l. 12, 7.* Primus confusa distinguere, ac in ordinem redigere conatus est vir acris et recti iudicii, Christ. Thomas. dissertatione singulari, *de pretio adfectionis in res fungibiles non cadente*, Hal. MDCCI. 4. ubi ad eadem principia *Cap. III. §. XXXVIII. sequ.* doctrinas iuris Romani de accessione industriali accurate examinauit.

§. CCLVIII.

Quid iu-
stum sit
circa
specificacionem.

Hinc facile patet, quid sentiendum sit de SPECIFICATIONE, qua noua forma in alterius materiam introducit. Quum enim plerumque

que in materiam nulla cadat adfectio, in formam, ob artificium, vel maxime cadat: (§. CCLVIII, 70.) 73) noua species merito addicenda fuerit specificanti, *) ad iustam tamen pretii aestimationem, et si sciens dolo malo id fecerit, in poenam condemnando: (§. CCLVI, 66.) Thomaf. *dissert. laudata Cap. III. §. XXXXIII. sequ.* quamuis 74) ex eadem ratione omnino praeferendus materiae dominus, si haec rarior, et pluris sit quam forma, quae alterius opera accessit: e. g. si quis ex alterius electro, vel aere Corinthiaco, signum vel vas confecerit, isque tunc 75) obligatus sit ad mercedem pro opera, si specificans in bona fide fuerit, praestandam.

- *) Nihil ergo solidi inest distinctioni, qua rem impeditißimam expedire voluit Iustinianus §. 25. *Inst. de rer. diuis.* possitne videlicet noua species ad materiam reduci, nec ne. Nulla enim est idonea ratio, cur priore casu dominus materiae, posteriori specificans praeferendus sit, maxime quum saepe materia, demta forma, parum magni momenti futura sit. Vid. Pufend. *de iure nat. et gent. IIII, 7. 10.* Immo aliquando centuplo plus pretii inest speciei, quam materiae, ex qua illa confecta est. Quis vero tunc domino materiae speciem ideo addiceret, quod ad priorem materiam reduci possit? At quum facilius praestetur aestimatio tabularum, quam ipsius nauis, ex illis confectae, quis ideo tabularum domino nauem adiudicet, quod haec ad priorem materiam reduci possit? Sane hoc casu, si nauis vetus alterius tabulis resecta sit, principium nostrum sequitur Iulianus l. 61. *D. de rei vind.* quamuis procul dubio res in priorem formam reduci possit, etiamsi noua nauis ex alienis tabulis facta sit. l. 26. *pr. D. de adqu. rer. dom.*

§. CCLX.

Circa ad-
iunctio-
nem et
specia-
tim in-
clusio-
nem, ad
ferrumi-
natio-
nem, ad-
plumba-
turam,
intextu-
ram.

Deinde accessionis industrialis species haud postrema est ADIVNCTIO, quando rei nostrae aliena, siue per inclusionem, siue per adferruminationem, adplumbaturamue, siue per intexturam, inaedificationem, scripturam, picturamque adiungitur. Et quidem, quum INCLUSIO ita plerumque sit comparata, ut res iunctae facile, et citra notabile dispendium, separari possint, eo vero casu res separari, et suam cuique tribui, aequum sit: (§. CCLVII, 67.) nulla profecto ratio est, 76) cur non illi, cuius auro gemma inclusa est, aurum; domino gemmae gemma reddi debeat. Nec 77) de adferruminatione, adplumbatura, et intextura aliter sentiendum videtur, si res citra notabile dispendium separari possint: alias 78) merito praeferrere iungentem existimamus, quia alterius materia raro pretium aliquod adfectionis admittit. * (§. CCLVIII, 70.)

- *) Accedit, quod saepe incommodum futurum sit domino materiae, si eam cum accessione retinere, pretiumque rei adiunctae soluere iubeatur, maxime si re ista ob statum, aetatem aliasque circumstantias uti non possit, e. g. si quis plebei vestitum clauum, vel plurimum auri adfuisse. Res sane tunc, quod ad usum attinet, vere deterior, id est, illi inutilis facta est. Qui vero res nostras quacumque accessione industriali deteriores, vel plane inutiles reddidit, is, accepta re corrupta, ad omne damnum nobis refarciendum, quin, si dolo malo tale quid fecerit, simul ad poenam tenetur. (§. CCLVI, 66-)

§. CCLXI.

§. CCLXI.

Si quis ex aliena materia in suo solo bona fide AEDIFICAVIT, et totum aedificium ex tignis ligneis constat: 79) nulla est ratio, cur, errore paullo maturius animaduerso, solui non possint tigna iuncta, dominoque reddi. *) (§. CCLVII, 67.) Sin ex solido lapide quis aedificarit, vel tigna exempta inutilia futura essent domino: 80) aequissimum erit, vt. aedificator, si iustam aestimationem materiae, poenamque insuper ob dolum malum praestiterit, dominium aedificii consequatur. (§. CCLVII, 68. §. CCLVIII, 70.) Sin quis aliena materia in suo solo aedificarit, 81) aedificium, quod sine notabili dispendio solui potest, itidem dissoluendum: (§. CCLVII, 67.) vel 82) domino soli, quod pretium adfectionis admittit, erit adiudicandum, (§. CCLVIII, 70.) nisi 83) aedificium plane inutile futurum esset domino soli, quo casu aedificans, aedificio sibi retento, soli aestimationem, et si in mala fide sit, poenam praestare tenebitur. (§. CCLVI, 66.)

Circa in-
aedifica-
tionem.

*) Ratio enim, cur tignum iunctum solui vetuerint decemui, ne scilicet vrbes ruinis deformentur, l. 6. D. ad exhib. l. 7. §. 10. D. de acqu. rer. dom. l. 1. D. de tigno iuncto, mere civilis est, et in recta ratione praesidium plane nullum reperit. Hinc multae gentes, quae non solido lapide, sed trabibus tabulisque ad exstruenda aedificia utebantur, aedificium hoc similibusque casibus dirui, tignaue auehi non modo siuehnt, sed et legibus praeceperunt. Vid. *Ius prou. Sax.* II, 53. et quae ea de re monuimus in *Elem. iur. Germ.* II, 3, 66. Quibus iam addimus dispositionem legis Langob. I, 27, 1.

O

§. CCLXII.

§. CCLXII.

Circa
scriptu-
ram et
pictu-
ram.

Minus difficilis est quaestio de SCRIPTURA et PICTURA. Quum enim ea, in quae nulla cadit affectio alteri, in cuius rem illa cadit, relinquenda sint, (§. CCLVIII, 70.) et in scripturam picturamque adfectio plerumque; in tabulam et chartam numquam cadat: consequens est, 84) ut scripturae tunc charta, et picturae tabula cedere debeat, si scribens pingensque earum aestimationem praestare velit. *) Et si vel maxime nec scriptura, nec pictura adfectionem admittat, veluti si quis chartae meae res nugatorias inscripserit, vel in tabula mea cucurbitas pinxerit: 85) nihilominus tamen et hoc casu scriptor, pictorque ineptus, re sibi accepta, ad pretium chartae tabulaeque praestandum tenebitur, ob axiomam primum. (§. CCLVI, 66.)

- *) Mirum ergo est, iureconsultos Romanos, quorum quidam id in pictura obseruauerunt, non idem obseruasse in scriptura. Quasi magis ferendum sit, scripturam viri docti cedere in accessionem vilissimae chartae, quam Apellis aut Parrhasii absolutissimum opus cedere in accessionem vilissimae tabulae. Praeterea dum inaedificationi scripturam comparant iureconsulti: §. 23. *Inst. de rer. diuis. l. 9. D. de adqu. rer. dom.* itidem merito quaesueris, cur non eidem comparationi locus sit in pictura? itemque quae similitudo fingi possit soli, cui alter aedificium, me inuito, imposuit, et chartae, cui aliquid inscripsit? Illo aegre, immo saepenumero non sine maximo dispendio caremus: hanc nihili facimus, si vel aestimationem, vel tantumdem chartarum eiusdem bonitatis, recepiamus. Poetica haec est similitudo, a forma scribendi desumpta, ob quam et Latini scriptores EXARARE LITTERAS pro
scribere

scribere dixerunt. Sed huiusmodi similitudo duarum rerum, non statim debet easdem circa vtramque decisiones in iurisprudencia producere.

§. CCLXIII.

Denique, quod ad CONFUSIONEM materialium liquidarum, et COMMIXTIONEM siccarum attinet, quamvis de vtriusque discrimine subtiliter admodum disputent iureconfulti, l. 23. §. 5. D. de rei vind. res tamen eodem redit. Si enim 86) res vtriusque voluntate vel confusae vel commixtae sunt: materia communis, ac proinde inter vtrumque pro quantitate qualitateque materiae diuidenda erit. (§. CCLVI.) Sin; altero inuito, facta sit confusio vel commixtio: tunc 87) materia nullius vsus confundenti miscentiue erit adiudicanda, isque damnandus alteri ad aestimationem poenamue, si in dolo malo versatus sit, praestandam. (§. CCLVI, 66.) Si tamen 88) alter partem materiae, quam pretium accipere malit, nullum est dubium, quin communionem, in quam initio inuitus incidit, adprobet, eique adeo pars rata materiae communis denegari nequeat. *)

Circa
confu-
sionem
et com-
mixtio-
nem.

- *) Nam et subsequuta adprobatio pro consensu est, quamvis minus, quam iussus et consensus, imputetur. (§. CXII, § 1.) Hinc, si ex fortuita confusione vel συγχυσις metallorum nostrorum et aurifabri insignis prodiisset materia, quale fuit, quod olim post incendium Corinthiacum primum visum aiunt, aes Corinthiacum: nihil profecto nobis ob stare crediderim, quo minus partem ex materia communi petamus. Quum enim communis futura esset, si nobis consentientibus esset conflat, (§. CCLVI.) adprobatio autem per consensu sit: (§. CXII, § 1.) nulla profecto ratio est, cur non et

ob adprobationem fiat communis, vt partem pro rata nobis possimus vindicare.

§. CCLXIII.

Circa ac-
cessionem
mixtas,
fatio-
nem et
planta-
tionem.

Denique nec aliis principiis opus est circa SATIONEM ET PLANTATIONEM, quas supra ad AC-
CESSIONES MIXTAS retulimus. (§ CCL.) Nam
89) plantae et arbores, antequam coaluerunt,
procul dubio citra notabile dispendium sepa-
rari, adeoque a domino iure vindicari pos-
sunt. (§. CCLVII, 67.) Contra 90) illae,
quae iam coaluerunt, nec non 91) fe-
menta in agro sparsa quum commode
separari a fundo non possint, nec tamen
pretium adfectionis admittant, domino soli
adquiruntur, praestita aestimatione tum arbo-
rum seminumue, tum impensarum in cultu-
ram factarum, (§. CCLVIII, 70. sequ.) nisi
92) posteriore casu soli dominus messem pro
iusta pensione ei, qui agrum suum conseuit,
relinquere malit. *)

*) Cuius rei iustas ac idoneas causas habere potest do-
minus agri. Vt ecce, si agrum alter male colue-
rit, maleque conseuerit, vt messem parum vbe-
rem expectare liceat. Tunc sane domino inutilis
esse posset messis, adeoque pro illo militaret
axioma primum. (§. CCLVI, 66.)

§. CCLXV.

Circa
fructus
arboris
in confi-
nio po-
sita.

Postremo quod ad ARBOREM in confinio po-
sitam attinet, is qui illam plantat, in id con-
sentit, vt ramorum pars super vicini aream pro-
pendeat: et vicinus, qui, dum alterum vsu
areae suae excludere posset, id non facit, iti-
dem in id consentit. Quum ergo accessio,
vtrius-

vtriusque consensu facta, rem reddat communem: (§. CCLVI) consequens est, 93) vt arbor talis sit vtrique communis, pro indiuiso quidem, quamdiu stat in confinio, pro diuiso, simul ac eruta est, ac proinde 94) priore casu fructus et folia, 95) posteriore ipsa ligna pro rata inter vtrumque vicinum merito diuidantur. *)

- *) Hanc simplicitatem maiores nostri praetulerunt iuris Romani subtilitatibus de alimentis, quae per radices attrahant arbores, ipsamque paulatim mutant earum substantiam. *l. 26. §. 2. D. de adq. rer. dom.* Germanicae enim originis gentes magis ramorum, quam radicum, habuisse rationem, ostendimus in *Elem. iur. Germ. II, 3, 69.*

CAP. X.

DE DERIVATIVIS DOMINII ADQVISTITIONIBVS, QVAE VIVO PRIORE DOMINO FIVNT.

§. CCLXVI.

Semel adqvisito dominio, aliquando mutatio quaedam contingit, vt alius in re quadam adqvirat vel proprietatem, vel dominium, quum antea horum nihil haberet. Transfio ad adqvisitiones derivatiuas. Has ADQVISTITIONES nos supra DERIVATIVAS appellauimus. (§. CCXXX.) Iam quum res, in qua proprietatem adqvirimus, antea *communis*; in qua dominium primum consequimur, antea alicui *propria* fuerit: quoties ex re communi partem nostram accipimus propriam, toties DIVISIONEM, quoties totam soli
O 3 adqui-

adquirimus, *CESSIONEM*; *) quoties denique res alterius propria, eo volente, in nostrum dominium transit, *TRADITIONEM* fieri dicimus.

*) Paulo latius quidem alias patet vocabuli *CESSIONIS* notio. ut omnem iuris vel actionis translationem in alterum significet. Enimvero quum tunc fere sub *traditione* comprehendi possit, hic paullo arctioribus limitibus circumscribimus significationem vocabuli, ut sit *translatio iuris ac dominii, pluribus communis, in vnum ex sociis, reliquorum consensu, facta*. Hinc si e.g. coheredes nomen aliquod hereditarium totum in vnum ex coheredibus transcribunt, *CESSISSE* illi hoc nomen dicuntur.

§. CCLXVII.

Per eas
fit alie-
natio vel
necessa-
ria, vel
volunta-
ria, vel
pura, vel
condi-
tionalis.

Omnibus his casibus id, quod antea nostrum fuit, vel totum, vel pro parte, nostrum esse definit, et in alterius dominium vel proprietatem transit: id quod vocamus *ALIENATIONEM*, eaque, si ex anteriore adquirentis iure proficiscitur, *NECESSARIA*; si de nouo, consentiente vtriusque voluntate, decernitur, *VOLUNTARIA* adpellatur. *) Vtraque vero efficit, ut alius in alterius locum, adeoque et in ius circa illam rem, et onera cum illa coniuncta succedat. Sic et alienatio, quae a nulla circumstantia suspendit translationem dominii, *PURA*; quae suspendit, *CONDITIONALIS* dicitur.

*) Sic e.g. necessaria est alienatio rei communis, quae fit, socio ad diuisionem prouocante, quia socio, vrgenti diuisionem, in ea iam antea ius fuit. Necessaria item alienatio rei alicui oppignoratae, quippe quae itidem fit ob ius, creditori in illa re antea constitutum. Contra voluntaria est alienatio aedium, quas is, qui alibi Lares positurus est, vendit,

dit, et in quibus nemini omnino quidquam iuris est. Ita explicanda est diuisio, quam et Romana iurisprudencia agnoscit. *l. 1. D. de fund. dot. l. 2. §. 1. D. de rebus eorum, qui sub tut. l. 13. l. 14. D. fam. ercisc. et alibi passim.*

§. CCLXVIII.

Quum ergo voluntaria alienatio aliter, quam utroque consentiente, fieri ac intelligi non possit: consentire vero liceat in alienationem tum PRAESENTEM, ut dominium nostrum in alterum, viuis nobis, transferatur, tum FUTURAM, ut quis post fata demum nostra possessionem rerum nostrarum omnino consequatur, denique ille consensus in futuram alienationem vel VERVS sit, vel ex FINE ET INTENTIONE hominis colligatur: *) ex priorē successio testamentaria; ex posteriore intestatorum derivari solet. Iam de alienatione *praesente*, sequente capite de *futura* erit differendum.

Eaque vel in praesens, vel in futurum.

- *) Ad alienationem ergo futuram referimus eam, quando post mortem demum bonorum nostrorum possessio ad heredes omnino deuoluitur. Id si sit, nobis viuis id VERE volentibus, voluntas haec vocatur *testamentum*, ipsaque successio *testamentaria* audit. Sin ex fine atque intentione morientis colligitur, illum hereditatem in hos potius, quam in alios translatam voluisse, est haec *successio ab intestato*. Iam utrique successionī obstare videtur, quod nemo possit aliquid velle in illud tempus, quo velle amplius nequeat, nec alienationem fieri hoc modo posse a viuo, quia nec ius nec dominium in heredes viuis transferat, nec a mortuo, quia hic, quod ipse non habeat, in alium transferre nequeat. Vnde et testamentificationem iuris naturalis esse negant plures viri doctissimi, veluti Merill. *Obs. VI, 25. Thomaf. Not. ad tit. Inst. de test. ord. p. 173. Gothofr. de Coccei. diff. de testam. princ. Part. I. §. XXII. sequ.* Quorum argumenta si

verae morientium voluntati, i. e. testamentis, obstant, multo magis obstabunt praesumptae, ex qua successionem ab intestato repetunt, adeoque tota illa, quam hic inculcamus, ALIENATIO FUTURA σιδηρίζουλον erit. Sed uti facile largimur, haec argumenta penitus evertere testamentificationem, qualis iure Romano prodita est: Vid. *exerc. nostr. de testam. iure Germ. arch. lim. circumscripta §. III.* ita non obstant dispositionibus de futura successione omnibus. Et de his vero quousque secundum rectam rationem porrigantur, capite sequente dicemus.

§. CCLXVIII.

Quid diu-
isio, et
et cur ad
eam cui-
uis pro-
uocare
liceat?

Ad proprietatem a communione fit transi-
tus per DIVISIONEM, (§. CCLXVI.) quae est ad-
signatio partis, cuius sociorum ex toto positivae
communi competentis. Quum enim socius usu
rei communis alios omnes, praeter socios ex-
cludere possit: (§. CCXXXI.) consequens est,
1) ut unusquisque sociorum usum rei, pro par-
te ad se pertinente, petere, adeoque 2) ad
diuisionem provocare possit; quin ut 3) eo
minus audiendi sint reliqui, hanc diuisionem
impedituri, quo minus praesenti generis hu-
mani conditioni convenit positiva commu-
nio. *) (§. CCXXXVIII.)

*) Quum enim communio illa consistere tantum pos-
sit inter homines eximia virtute praeditos, ac pro-
inde refrigerante caritate ac iustitia, statim una
oblanguescere illam oporteat: (§. CCXXXVIII. *)
qui fieri posset, ut nostris temporibus diu duraret
communio? Quis sociorum non invidet socio?
quis rem communem tam diligenter curat, ac pro-
priam? quis non alterum, aliquid, in rem commu-
nem quod sit, acturum, non impedit? quis reliquis
partem lucris intervertere non studet? Inde mille
iurgia, ceu ex instituto aduersus communionem
Platonicam demonstravit Aristot. *Polit. II, 2.* Ut
adeo

adeo recte Romani societatem ac communionem matrem dixerint discordiarum, ac proinde cuius fociorum dederint facultatem ad diuisionem prouocandi. l. 77. §. 2. *D. de legat. 2.*

§. CCLXX.

Res porro communis vel **DIVIDVA** est facile, **Quomodo fiat,** vel **INDIVIDVA**, quae vel ob rei naturam, vel **sive res diuidua,** legibus aut moribus obstantibus, in partes **sive indiuidua** scindi non potest. Prouocante ergo socio ad diuisionem rei, sua natura *diuiduae*, 4) nihil est aequius, quam vt tot fiant partes, quot **sit?** sunt focii, resque sorti diuisoriae committatur. *Indiuidua* autem res 5) vel vni fociorum, qui soluendo est, plurimumue licitatur, quemue aetas, vel fors reliquis praetulit, relinquenda, ceterisque praestita aestimatione, satisfaciendum, vel 6) optimis conditionibus vendenda, pretiumque inter singulos pro rata diuidendum, vel 7) eius denique vsus singulis per vices concedendus est. *)

- *) Sic forti rem in diuidunda Palaestina commisisse nouimus Hebraeos, eamque in partes scidisse, quod prouincia ratione tribuum esset diuidua. Contra inter fratres coheredes saepe contingit, vt vnus praedium indiuiduum, vel volentibus reliquis, vel sorte adiudicante, certo pretio emat, et ex reliquis partem quisque pretii accipiat. Quin eodem casu saepe contingit, vt si nullus coheredum tam sit bene numatus, vt reliquis satisfacere posse videatur, praedium extraneo optimis conditionibus vendant, pretiumque inter se diuidant. Denique alternum rei communis vsus, quem alicubi vocant *die Mutschirung*, aliquando fratribus illustribus placuisse, obseruant Diether. in *Contin. Thesauri Besold. voce Mutschirung.* p. 417. Wehner. *Obs. pract. ibid.* p. 370. Exemplum insigne in domo Saxonica habes apud Muller. in *Saechß. annal.* p. 203.

§. CCLXXI.

Aequali-
tas quan-
do ob-
seruan-
da in di-
uisione
rerum
perfecte
commu-
nium?

Ceterum quum in re communi vel par omnium ius sit, vel alter altero plus minusue iuris habere soleat: (§. CCXXXI.) facile patet, 8) diuisionem vel *AEQVALEM* vel *INAEQVALEM* esse, et 9) in priore omnes ad partes aequales, 10) in posteriore ad inaequales vocari. Quia vero ipsa naturalis hominum aequalitas id ab vnoquoque exigit, ne in iis, quae iure perfecto pluribus competunt, prae altero praerogatiuam sine iusta causa adfectet: (§. CLXXVII, 5.) nemo non intelligit, 10) diuisionem in dubio in aequales partes fieri debere, nec 11) quemquam sibi poscere debere praecipuum, nisi ius suum luculenter probare possit. *)

- *) Tale ius poscendi *ἐξ αἰσθόν τι* potest alicui competere ex lege, ex pacto, et ex vltima prioris possessoris voluntate, non autem ex maiore vi et potentia, quam tamen, tamquam iustam praerogatiuae inter diuidentes causam, admittere videtur Hobbesius, *de ciue III, 15. sequ.* quamque ipse factis incommode vocat *sortem naturalem*. Enimvero sic nulla foret ratio, cur non aequissima dici possit diuisio a leone facta apud Phaedr. *Fab. I, 5.* qui praedam partiturus inter venationis socios:

Ego, inquit, primam tollo, nominor quia leo:

Secundam, quia sum fortis, tribuetis mihi:

Tum, quia plus valeo, me sequetur tertia:

Malo adficietur, si quis quartam tetigerit,

Sic totam praedam sola improbitas abstulit.

Hanc diuisionem quisquis aequam et iustam dixerit: nae illum et Hobbesii sortem naturalem probaturum, confidimus.

§. CCLXXII.

§. CCLXXII.

Sed hae quidem regulae ad communionem PERFECTAM pertinent. Praeter illam et IMPERFECTA datur, quoties nulli sociorum in re communi ius perfectum est. (§. CCXXXI.) Quum vero ita res ex alterius benevolentia pluribus fiat communis: consequens est, 12) vt tunc in huius arbitrio sit, aequales partes facere, an 13) pro qualitate meriti vni plus, alteri minus tribuere malit, *) iniustissimaque proinde 14) sit querela eius, qui alterum minoris meriti hominem sibi aequiparatum esse, clamat, *Matth. XX, 12.* vel 15) qui ipse sibi de suis meritis iudicium temere adrogat, vel 16) beneficia, vni vel alteri concessa, ad exemplum trahenda, existimat.

An et in diuisione rerum imperfecte communi-um ea obseruanda?

- *) Et haec est illa *iustitia distributiva* vel *διαμετρίκη*, comes earum virtutum, quae aliis hominibus utilitatem adferunt, vt liberalitatis, misericordiae, prouidentiae reſtrictis. Grot. *de iure belli et pac. I, 1, 8, 1.* qui et hanc iustitiam non semper obseruare proportionem comparatam, quam geometricam vocant, adeoque hanc Aristotelis doctrinam esse ex eorum genere, quae saepe locum habent, non semper, recte obseruat *n. II.* Nec Grotii sententiam euertit Pufend. *de iur. nat. et gent. I, 7, 9.* quippe qui loquitur de distributione eorum, quae pluribus bene merentibus iure perfecto, veluti ex pacto vel promisso, debentur. Tunc verum omnino est, quod scribit Arrian. *Epicl. III, 17.* Νόμος ἕτος Φυσικός, τὸν κρείττονα τῷ χείρονος πλείον ἔχειν, ἐν ᾧ κρείττων ἐστί. *Ea naturae lex est, meliorem in eo, quo sit melior, meliore conditione esse illo, qui sit deterior.* At in iis quae ex sola benevolentia proficiſcuntur, vix haec naturae lex vrgeri potest: nec de iniuria conqueri pote-

poterant veterani, quos idem Hadrianus se inuicem in balneo defricare iusserat, qui aliquot diebus ante vnum ex illis, membra marmoribus atterentem, seruis et sumtibus donauerat, Spartian. *Hadr. Cap. XVII.* quia beneficia non sunt ad exemplum trahenda.

§. CCLXXIII.

Quid
cessio rei
commu-
nis?

Si res communis vni sociorum a reliquis tota attribuitur, ea vocatur CESSIO. Quare, quum ita vnus in reliquorum omnium locum succedat: consequens est, 17) vt et in eorundem iura circa eam rem, nec non 18) in onera et incommoda, cum illa coniuncta, succedat. (§. CCLXVII.) Quin ex eodem recte intulerunt iureconsulti Romani, 19) easdem omnino exceptiones opponi posse cessionario, quibus aduersus cedentem locus fuisset futurus. *l. 5. C. de hered. vel act. vend.*

§. CCLXXIII.

Obliga-
tio so-
ciorum
ad eui-
ctionem
socio
prae-
standam.

Quum denique, siue *diuidatur* res communis, siue vni sociorum tota *cedatur*, id videatur agi, vt ii, qui rem per diuisionem vel cessionem accipiunt, eius dominium, adeoque facultatem, alios rei istius vsu excludendi, consequantur: (§. CCXXXI.) per se patet, 20) vtroque casu socios efficere debere, vt ei, in quem res translata est, illam habere liceat, adeoque 21) illos huic ad praestandam euictionem, et, 22) si ab alio iure et sine culpa possessoris euicta sit, ad omne damnum resarciendum obstrictos esse, 23) dummodo suas portiones saluas habeant, et 24) alteri res titulo oneroso obuenerit. *)

*) Ita

- *) Ita doctrina de EVICTIONIBVS, quae et in traditionibus locum inuenit, ex ipsa aequitate naturali fluit, quamuis ei multa, non tam de nouo adstruxerit, quam illustrationis causa addiderit ius ciuile, quae ad eius formam, et effectum pertinent, e. g. dum requirit, vt quis suo nomine rem in alterum transtulerit, vt possessor litem auctori in tempore denunciarit, vt res ex causa contractum antecedente, et quidem non vi maiore, sed iure, euicta sit, cetera. Haec omnia enim ex iisdem, quae praemissimus, principiis prono alueo fluere, nemo non intelligit.

§. CCLXXV.

Progredimur ad TRADITIONEM, qua dominus, qui ius et animum alienandi habet, dominium in alium, illud ex iusta causa accipientem, transfert. *Dominium*, dico. Quamuis enim ius Romanum ipsam rem, eiusque possessionem, transferri iubeat, nec prius vllum fere ius in illa re nasci patiatur: *l. 20. C. de pact.* vix tamen probabile est, hanc subtilitatem probare ius naturae et gentium, *) vti recte obseruant Grot. *de iure belli et pac.* II, 6, 1, 2. II, 8, 25. et Pufendorff. *de iure nat. et gent.* III, 9, 6. quum, ipsis fatentibus iureconsultis, *nihil tam conueniens sit naturali aequitati, quam voluntatem domini, volentis rem suam in alium transferre, ratam haberi.* §. 40. *Inst. de rer. diuis. l. 9. D. de adqu. rer. dom.* Ex quo colligimus, 25) omnem voluntatem domini de dominio rei suae in alterum transferendo, siue expresse declaratam, siue ex certis signis elicitam, pro traditione esse, dominiumque in alterum valide transferre.

Traditio quid?
et an ad
transfe-
rendum
domi-
nium
necessa-
ria?

*) Immo

- *) Immo ne ipsi quidem Romani id olim promiscue exegisse videntur. Traditio enim erat tantum rerum nec mancipi, Vlpian, *Tit. XVIII, 7.* veluti praediorum prouincialium, Simplic. *inter rei agrar. script. p. 76.* Res mancipi plene alienabantur per aes et libram, ita, vt facto nexu et mancipio illico transiret dominium. Varro *de lingua Lat. IIII.* Ex eo ergo tempore demum inter Romanos hoc ius inualuit, vt dominium sine traditione, vel possessionis datione non transiret, ex quo rerum mancipi et nec mancipi, dominiique Quiritarii et bonitarii discrimen sustulit Iustinianus *l. vn. C. de nudo iure Quirit. toll. et l. vn. C. de usucap. transform.*

§. CCLXXVI.

Quomodo fiat?

Quum ergo omnis voluntas domini de dominio rei suae in alterum transferendo pro traditione sit, dominiumque in alterum valide transferat: (§. CCLXXV, 25.) consequens est, vt 26) perinde sit, siue quis absens rem verbis litterisue interuenientibus, siue 27) praesens de manu in manum, siue 28) per inductionem in rem, siue 29) per longam breuemque manum, siue 30) adhibito certo symbolo, inter homines alicuius prouinciae recepto, (§. CCXXXII, 21.) tradat. *) 31) Vt nihil obftet, quo minus et ius siue traditione, siue quasi traditione in alium transferri possit.

- *) Equidem traditio illa symbolica ne ipsis quidem Romanis erat ignota, ceu patet ex *l. 1. §. pen. D. de adqu. poss. l. 9. §. 6. D. de adqu. rer. dom. l. 74. D. de contr. emt.* At multo acutiores hac in re fuerunt Germanicae originis gentes, quae in traditionibus et inuestituris res fere quascumque pro arbitrio, at praecipue tamen festucam, baculum, culmum, caespitem, arbusculam, chirothecam, et similes res adhibebant. Vid. *Elem. nostra iur. Germ. II, 3,*

II, 3, 74. sequ. Quo et SCOTATIO Danica pertinet,
c. 2. X. de consuet. de qua ex instituto Strauch.
Amoenit. iur. can. ecl. V. et Gundlingiana Part.
VII. diff. III.

§. CCLXXVII

Quum verò dominus tantum tradere possit, Quis per
eam
transfer-
re possit
domi-
nium?
 qui ius alienandi habet: (§. CCLXXV.) con-
 sequens est, 32) vt nullus futurus sit effectus
 traditionis, ab eo factae, qui vel propter le-
 gem, vel ob conuentionem, vel aliam quam-
 cumque causam, alienare nequit, 33) multo-
 que minus valitura sit traditio, a non domino
 facta, quum, quod quisque ius non habet, il-
 lud in alium transferre nequeat. *) 34) Vt
 contra perinde sit, siue ipse dominus rem tra-
 dat, siue eius voluntate, mandato vel adpro-
 batione alius.

- *) Attamen huiusmodi traditio, alteri ignoranti facta,
 hunc facit bonae fidei possessorem, donec verus
 dominus superueniens rem suam vindicet. Hunc
 vero, quid circa rem restituendam obseruare,
 quos fructus retinere, quosue restituere oporteat:
 multis repertis regulis, ostendere conantur Grot.
de iure belli et pac. II, 10. Pufendorff. *de iure nat. et*
gent. III, 13, 6. sequ. Nos infra suo loco ea de re
 agemus ex instituto, (§. CCCXII. sequ.) et omnia
 redire ostendemus ad duas regulas: I) Bonae fidei
 possessorem tantisper, dum de vero domino non
 constat, loco domini esse, ac proinde iisdem iu-
 ribus vti, quibus dominus vteretur. II) Superue-
 nienti domino eundem rem existentem vna cum
 fructibus exstantibus, et, si res non exstet, tan-
 tum, in quantum factus sit locupletior, restituere
 teneri.

§. CCLXXVIII.

§. CCLXXVIII.

Traditione non ex omni causa transferatur dominium.

Quumque ex iusta causa fieri alienationem oporteat: (§. CCLXXV.) ipsa res vnumquemque monebit, 35) intelligi causam, quae ad transferendum dominium sufficiat, adeoque 36) non transire dominium, si cui res ex commo- dato, deposito, locato tradatur, multo minus 37) si tradatur precario, vel ex alio titulo, pro tradentis arbitrio reuocabili. 38) Immo ne quamlibet quidem iustam causam sufficere, si is, cui res traditur, alteri ex pacto non satisfecerit. *)

*) Vbi enim ita fit alienatio, ut alter aliquid praestet: ibi *conditionalis* est alienatio. Quae quum translationem dominii suspendat: (§. CCLXXVII.) consequens est, ut, altero non praestante id, quod promisit, non transferatur dominium, adeoque in- ualida sit traditio. Hinc Romani venditas res tra- ditasque non aliter emtori adquiri statuebant, quam soluto pretio, vel satisfactione alio modo praestita. §. 41. *Inst. de rer. diuis.* Hinc illa Var- ronis *de re rust.* II, 2. *Grex venditus dominum non mutat, nisi sit aes adnumeratum.* Quintilianus *Decl.* CCCXXXVI. *Quo iure vindicare potes eam rem, cuius pretium non dedisti?* Tertull. *de poenitentia* Cap. VI. *Ineptum est, pretium non exhibere: ad mercem manum emittere.*

§. CCLXXVIII.

Nec semper quis eo animo et consilio rem tradit.

Praeterea traditurum rem suam, id animo alienandi transferendique dominii facere debe- re, diximus. (§. CCLXXV.) Ex quo patet, 39) nullam esse traditionem, ab infantibus, fu- riosis, mente captis, similibusque personis, quae, quid rei geratur, non intelligere praesu- muntur, factam: nec 40) per eam transire domi-

dominium, si dominus commodandi, depoen-
dendi, oppignorandi similiue consilio rem ali-
cui dederit: quin 41) posse sibi vnumquem-
que in re sua ius aliquod, quod non transfe-
ratur, excipere ac reseruare, eoque casu 42)
tantum transmitti, quantum is, qui alienat,
transmittere voluit.

§. CCLXXX.

Ex quo facile intelligitur, 43) vnde natum
sit DOMINIUM MINVS PLENVM. Quum enim per
illud nihil aliud intelligamus, quam dominium,
cuius effectus inter duos dominos inaequali-
ter diuisi sunt: admodum probabile est, illius
originem repetendam esse a traditione cum ex-
ceptione, vel reservatione partis cuiusdam do-
minii facta. Quo facto, 44) binos dominos
eiusdem rei esse oportet, quorum alteri 45)
ius adquiritur, vtilitatem omnem ex re perci-
piendi, aliosque fructuum vtilitatumque vsu et
perceptione excludendi; alteri 46) facultas vel
circa dispositionem de illa re concurrendi, vel
aliquid exigendi, ex quo de agnitione domi-
nii constet, nascitur. *)

Origo
dominii
minus
pleni.

- *) Posterius *dominii minus pleni* genus iureconsulti
medii aevi vocarunt DIRECTVM, prius VTILE: mi-
nus eleganter quidem, sed vocabulis iam semel in
schola ac foro receptis. Vnde iis repudium dare
intempestiuum videretur. Posses tamen alterum
dominium SUPERIOREM vel MAIOREM, alterum INFE-
RIOREM vel MINOREM vocare, exemplo Romano-
rum, qui patrem familias *herum maiorem*; filios fa-
milias *heros minores* adpellabant. Plaut. *Capt. III*,
s. v. 50. *Trinum. II*, 2, 53. *Afinar. II*, 2, 66.

P

§. CCLXXXI.

§. CCLXXXI.

Eius va-
riae spe-
cies.

Quum ita comparatum sit dominium utile, vt maior dominus sibi facultatem aliquam, vel circa dispositionem concurrendi, vel aliquid, ex quo de agnitione domini constet, exigendi, reseruet: (§. CCLXXX, 46.) consequens est, 47) vt, quamuis innumera esse possint domini minus pleni genera, et 48) res hic praecipue redeat ad conuentionem partium: tamen 49) si quis sibi a possessore rei traditae stipuletur fidelitatem, et seruitia, et ne res sine suo consensu alienetur, inde nascatur FEVDVM, 50) si canonem annuum, in agnitionem domini soluendum; IVS EMPHYTEVTICVM; *) si denique 51) solarium, pro superficie in solo, nobis reseruato, praestandum, IVS SUPERFICIEI: quae praecipua et apud plerasque gentes notissima sunt domini utilis genera.

*) IVRIS EMPHYTEVTICARII exemplum *Genes. XXXXVII, 26. sequ.* reperit Iosephus *Antiqu. Iud. II, 7.* quamuis agros Aegyptiorum censuales potius factos esse, existimet Hert. *ad Pufend. ius nat. et gent. III, 8, 3.* Sed si in eo ponit discrimen agrorum emphyteuticorum et censiticorum, quod in illis possessori utile; in his plenum dominium competat: luculenter sane probari potest, domini partem competiisse Pharaonibus. Eo enim pertinent verba Iosephi patriarchae *Gen. XXXXVII, 23. Vos hodie agrosque vestros Pharaoni emi.* IVRIS SUPERFICIA-RII exemplum illustre atque insigne est apud Iustin. *bist. XVIII, 5.* De FEVDORVM origine certant viri docti, et adhuc sub iudice lis est, quamuis commune Europaeis fere omnibus factum sit hoc institutum. Ceterum multa alia esse apud originis Germ. gentes domini minus pleni genera, ostendimus in *Elem. iur. Germ. II, 2, 33. sequ.*

§. CCLXXXII.

§. CCLXXXII.

Si 52) non res ipsa eiusue dominium, sed Quid
servitus,
quidque
circa
eam ius-
tum?
 vsus aliquis, traditur, ei, qui hunc accipit, in
 re aliena adquiritur SERVITVS, et quidem 53) si
 is vsus ad vtentis personam vitamque restrin-
 gitur, PERSONALIS, sin 54) ipsi vtentis praedio
 adeoque et omnibus in illo successoribus, eius
 conceditur, REALIS vel PRAEDIALIS. Quum er-
 go omnibus his casibus tantum iuris transfera-
 tur, quantum transferri is, qui alienauit, vo-
 luit: (§. CCLXXVIII, 42.) sequitur, 55) vt
 et hic res redeat ad conuentionem partium,
 adeoque 56) iuris mere positiui sint tantum
 non omnia, quae iuris auctores de seruituti-
 bus satis subtiliter constituerunt. *)

- *) Quo pertinent doctrinae notissimae, quod seruitus
 consistat in patiendi vel non faciendo, non in fa-
 ciendo: quod sit indiuidua, quod causam eius ef-
 fe oporteat perpetuam, quod, quia vtendum fruen-
 dum sit salua rei substantia, vsusfructus ne in area
 quidem subsistat: quod insigne sit discrimen inter
 vsusfructum, vsum, habitationem, operas ser-
 uorum, quod quaedam huiusmodi iura non vsu
 et capitis deminutione amittantur, quaedam non
 amittantur. Omnia enim haec ita comparata sunt,
 vt nec recta ratio ea abscisse exigat, nec quidquam
 obster, quo minus pactis et conuentionibus mu-
 tari aliterque definiri possint.

§. CCLXXXIII.

Aliquando res ita traditur a domino credi- Quid ius
pignoris
et hypo-
thecae,
quidque
circa
vtrum-
que ius-
tum sit?
 tori, vt saluum quidem tradenti sit dominium,
 creditor tamen rem in securitatem crediti
 possideat: tunc 57) constitui dicitur IVS PIGNO-
 RIS, vel 58) si id ea fiat lege, vt creditor simul
 vtilitatem ex pignore fructuoso percipiat in vi-
 cem

cem vsurarum, IVS ANTICHRETICVM. Denique 59) si creditori ius pignoris in re quadam sine traditione constituitur: id HYPOTHECAM vocamus. Quemadmodum ergo 60) prioribus casibus creditori fas est, rem oppignoratam, non soluto debito, non modo retinere, verum etiam 61) distrahere, et ex pretio, quae sibi debentur, deducere: ita 62) posteriore eidem in hypotheca possessionem in securitatem crediti persequi, et illam tunc itidem, vsque dum nomen expungatur, retinere, vel distrahere licet.

§. CCLXXXIII.

Quomodo traditione dominium transeat in accipientem

Denique traditione rei dominium transferri diximus in accipientem. (§. CCLXXV.) ACCIPERE vero aliquid videmur vel VERE, quoties consensum nostrum, quod rem traditam nostram fieri velimus, vel verbis, vel factis testamur, vel ex PRAESUMPTIONE, quoties ex ipsa rei indole non potest non iudicari, alterum rem, quam quis traditurus est, non adspernaturum. Similiter et TRADI res potest, voluntate transferendi vel expresse declarata, vel ex certis signis elicita. (§. CCLXXV, 25.) Quale certissimum signum in primis suggerit finis et intentio eius, qui quid adquisiuit, adquisitumque tanta cura seruauit ac tuitus est.*)

*) Adquirentium vero suaeque magna cura administrantium hominum finis atque intentio semper est, non modo ne sibi quid desit, sed et ut suis bene sit, maxime se mortuis, et nulla re amplius indigentibus. Vnde Euripides in *Medea* v. 1098.

Ὅισι δὲ τέκνων ἐστὶν ἐν οἴκοις
 Γλυκερὸν βλάσῃμ' ἐσορῶ μελέτῃ
 Κατὰ βουλομένης τὸν ἅπαντα χρόνον
 Πρῶτον μὲν, ὅπως θρέψῃσι καλῶς,
 Βίотόν θ' ὁπόθεν λείψῃσι τέκνοις.

*Sed quibus in aedibus est liberorum
 Dulce germen, eos video curis
 Confici omni tempore,
 Primum quidem, quo pacto bene ipsos educant.
 Et unde victum relinquant liberis.*

Et in Iphigen in Aulide. a. 917.

Δεινὸν τὸ τίλῃει, καὶ Φέρει Φίλτρον μίγα,
 Πᾶσιν τε κοινὸν ὥσθ' ὑπερκαίμνειν τέκνων.

Res est vehemens parere, et adfert ingens desiderium:

Communeque omnibus est, ut LABORENT PRO LIBERIS:

Si liberi defint, reliquis cognatis, necessariis ac amicis nos magis consultum velle, quam extraneis, ipsa experientia fatis superque docet.

§. CCLXXXV.

Quum itaque cuius, rerum suarum domino, liceat, easdem in alios transferre, (§. CCLXXXV.) eaque translatio fieri possit quibuscumque conditionibus: (§. CCLXXXVII.) consequens est, 63) ut fieri etiam possit ea lege, ut alter quidem dominium, at possessionem vsumque demum post tradentis mortem consequatur. Quae quidem voluntas, quum et vere declarari, et ex fine adquirentis, tamquam signo certissimo, elici possit, neutro vero casu vera et expressa alterius acceptione opus sit: (§. CCLXXXVIII.) 64) priore casu illa TESTAMENTI vel ULTIMAE VOLUNTATIS nomine venit;

Transi-
tio ad
succes-
sionem
ex testa-
mento
et ab in-
testato.

65) posteriore SVCCESIONIS AB INTESTATO genuinum ac solidissimum fundamentum est. De vtraque iam ex instituto erit agendum.

CAP. XI.

DE DERIVATIVIS ADQUISITIONIBVS
PER SVCCESIONEM EX DISPO-
SITIONE DEFVNCTI, ET AB
INTESTATO,

§. CCLXXXVI.

Quid iu-
recon-
sultis te-
stamen-
tum?

TESTAMENTVM ex conceptu iureconsulto-
rum est sollemnis declaratio volunta-
tis de vniuersa hereditate, omnique iu-
re, quod testator tempore mortis habiturus est,
post eius mortem in alium transituro. Ideo-
que viuo testatore nihil iuris in heredem transit,
immo ne spes quidem tam certa, vt ea decol-
lare non possit: sed testatori, dum anima est,
prius consilium damnare, rescissisque ac ruptis
prioribus tabulis, vel nouas facere, vel intesta-
to decedere licet. *)

- *) Hinc notissima iuris axiomata: voluntatem hominis
esse ambulatoriam vsque ad mortem: vltimas tan-
tum ceras ratas esse debere, quae morte firman-
tur, vel, vti Quintil. *Decl. CCCVIII.* loquitur,
illud tantum valere testamentum, post quod nullum
testamentum sit: ac proinde neminem paganum
cum duobus testamentis decedere posse, et quae
sunt eius generis alia, *l. 4. D. de alim. leg. l. 32. §. 2.*
D. de donat. int. vir. et vx. Quin eo vsque porrigi-
tur haec testamentum mutandi licentia, vt illam
nec clausula derogatoria, nec adiecto prioribus ta-
bulis iureiurando, sibi adimere posse testatorem,
contendant. *l. ult. D. de leg. 2. Grot. de iure belli ac*
pac.

pac. II, 13, 19. Leyser. Medit. ad Pand. spec. XXXIII. n. VI. et VII.

§. CCLXXXVII.

Enimvero huiusmodi testamentum non esse iuris naturae, facile vnusquisque intelligit. Quamvis enim sollemnitates actui tam serio, totque exposito hominum fraudibus, adhiberi, facile patiatur recta ratio: contradictionem tamen implicare videtur, hominem aliquid velle in illud tempus, quo velle non possit, et dominium rerum suarum tum demum in alium translatum cupere, quando ipse non amplius earum sit dominus. Quod fane tam a recta ratione alienum est, vt ipsi Romani non nisi meris fictionibus *) tantam contradictionem tolli posse, faterentur,

Tale non esse iuris naturae, probatur argumento primo.

- *) Quum enim nec testator, de rebus suis disponens, aliquid cum herede agat, nec heredi, quando adquirat, cum testatore quidquam sit negotii, adeoque neutro casu ius aliquod ab illo ad hunc transire possit: plura fingenda fuerunt a iureconsultis, in fingendo ingeniosissimis, vt ἀνύστα haec consistere quodammodo viderentur. Hinc fingebant, idem esse momentum testamentifactionis cum momento mortis: idem quoque esse momentum mortis cum momento aditionis, quippe quod per fictionem ad momentum illud mortis retrotrahebant. l. 1. C. de ss. eccl. l. 54. D. de adqu. vel amitt. hered. l. 193. D. de reg. iur. Porro hereditatem iacentem non esse nullius, sed defuncti personam repraesentare, §. 2. Inst. de hered. inst. l. 31. §. ult. D. eod. l. 34. D. de adqu. rer. dom. Ant. Dadin. *Alteserra de Fict. iur. tract. III. Cap. II. p. 143.* illustr. Io. Gottofr. a Coccei, *de testam. princ. Part. I. §. XXIV. sequ.*

§. CCLXXXVIII.

Itemque secundo. Accedit, quod vix excogitari possit ratio, cur superstites mortuorum voluntatem pro lege habere teneantur, maxime, quum horum, quaecumque eorum sit conditio, vix interesse possit, Dio an Theon eorum bonis fruatur:*) immo saepe ex odio atque invidia magis, quam ex vero amore, proficiantur suprema illa morientium iudicia, vt mortuorum saltim his casibus magis interesse videatur, exitum non habere voluntates suas, quam illas a superstitibus religiose seruari. Vid. Diss. nostr. *de testamenti fact. iure Germ. arch. lim. circumscr. §. V.*

- *) Hinc eleganter Seneca *de Benef. IIII, 11. Non quidquam cura sanctiore componimus, quam QUOD AD NOS NON PERTINET.* Quemadmodum enim gravissimus hic auctor suprema illa hominum iudicia ad homines pertinere negat, ita eodem sensu Quintil. *Decl. CCCVIII.* illa vocat *voluntatem ultra mortem.* Quum ergo iura ne viuum quidem alteri quidquam stipulari patiantur, nisi stipulantis inter sit: §. 4. *Inst. de inutil. stip.* qui, quaeso, fieri potuit, vt iidem Romanorum iureconsulti ratas esse vellent voluntates mortuorum de bonis tertio alicui concedendis, quum mortuorum non interesset? Immortales equidem esse hominum mentes, (quod vrgere animaduertimus celeberrimum G. G. Leibnit. *nou. method. iurispr. p. 56.*) facile largimur, sed inde non sequitur, vt mentes, corporum vinculis exsolatae, rerum olim suarum dominium retineant, multo minus, vt vlla rerum illarum cura tangantur:

Id cinerem et Manes credis curare sepultos?
Virgil. *Aeneid. IIII, v. 92.*

§. CCLXXXVIII.

§. CCLXXXVIII.

Quum ergo ius naturae vix probet testamentificationem, qualem adhuc ex principiis iuris Romani descripsimus, i. e. vt eam eleganter definit Vlpianus *Tit. XX, 1. mentis nostrae iustam contestationem, in id sollemniter factam, vt post mortem nostram valeat*: (§. CCLXXXVI. seq.) consequens est, 1) vt et similes aliarum gentium mores non magis probet, adeoque 2) et Graecorum; barbarorumque testamenta eiusdem generis non magis sint iuris naturae ac gentium, quam illa Romanorum; *) ac proinde 3) nulla paene gens magis simplicitati iuris naturalis adcommodari mores suos, quam Germani, *apud quos heredes successoresque sui cuique liberi, et NVLLVM TESTAMENTVM*. Tacit. *de mor. Germ. Cap. XX*.

Quod et de reli-
quarum
gentium
testa-
mentis
dicen-
dum.

- *) Similem enim testamentificationem, quae in voluntate vnilateralis consistit, et qua de eo, quod post mortem demum fieri debeat, disponitur, etiam apud Athenienses deprehendimus a temporibus Solonis: Plutarch. *in Solone p. 90.* apud Lacedaemonios a temporibus Epitadei ephori: Plutarch. *in Aegid. et Cleom. p. 797.* et apud alios Graecos, quos hac in re vnum idemque omnes statuere, tradit Isocrat. *in Aeginet. p. 778.* Exstant et testamenta similia Aegyptiorum veluti Ptolemaei, Regis, apud Caesarem *de bello ciu. III, 20.* Hirt. *de bello Alex. Cap. V.* Attali, Regis Pergamenorum, de quo Flor. *Hist. II, 20.* Hieronis Siculi, de quo Liu. *XXIII, 4.* denique ipsorum Hebraeorum, de quorum testamentificatione videndus Selden. *de success. ad leg. Hebr. Cap. XXIV.* Sed eam non esse antiquam, verum magistrorum interpretamentis originem debere, cum aliis argumentis, tum et eo potissimum probari potest, quod ne vocabu-

lum quidem, quo testamentum designarent, in sua lingua repperint, ac proinde illud Graece appellare coacti sint **דיאθήקא** id est, **διαθήκη**. Vid. Diss. nostr. de testamentif. iure Germ. arct. lim. circumscr. §. VI.

§. CCLXXXX.

Nec non de testamento, quod Grotius commentus est.

Quae quum ita sint, aliam plane TESTAMENTI definitionem commentus est Grotius de iure belli et pac. II, 6, § ult. illudque esse ait alienationem in mortis euentum, ante eam reuocabilem, retento interim iure possidendi ac fruendi. Sed uti ea definitio non quadrat illi rei, quam vulgo testamentum adpellamus, sed multis modis falsa est: Ziegl. ad Grot. II, 6. fin. Pufend. de iure nat. et gent. III, 10, 2. Illustr. Io. Gottfr. de Coccei. ibid. §. III, seq. ita non sequitur, 4) ut ideo iuris naturae sit testamentifactio, quia illud ius non improbet alienationem in mortis euentum, ante eam reuocabilem, cum retentione possessionis et ususfructus coniunctam.

§. CCLXXXI.

Qualis dispositio de hereditate iure naturae licita?

Attamen quum argumenta, quae adhuc explicauimus, omnia testamentifactionem quidem Romanam penitus euertant, at non proinde obstant dispositionibus omnibus de futura successione: (§. CCLXVIII. *) merito iam quaeritur, quatenus illae sint, quae iure naturae adprobentur? Responsum cape. Non aliae, quam pacta, quibus vel homines morientes ipsam possessionem cum dominio rerum suarum in alios transferunt, vel sani illis ius succedendi in casum mortis attribuunt. Quum enim

enim, quod nostrum est, non modo in praesens, sed et in futurum alienare liceat: (§. CCLXVIII.) 5) licebit etiam de substantia nostra, siue in praesens, siue in futurum mortis euentum, in alterum transferenda, pacisci. *)

*) Et hinc antiquissimi mortalium vix aliter de bonis suis, quam hoc modo, disponebant. Sic Abraamus, liberis destitutus, bona sua destinauerat Eleasari, procuratori suo, *Genes. XV, 3.* procul dubio per mortis causa donationem, seu pactum aliud successorium. Idem deinde, mortua Sara uxore, susceptis e Cethura liberis partem bonorum suorum viuus et sanus per donationem inter viuos contrulit, reliqua omnia Isaaco dedit. *Gen. XXV, 5. c.* Sed et Cyrum, morientem, praesenti Cambyssi, filio natu maiori, regnum, alteri natu minori, Tanaoxari, Medorum, Armeniorum et Cadusiorum satrapias tradidisse, refert Xenoph. *Cyrop. VIII, 7, 3.* Diuisionis et donationis, inter liberos a parentibus, imminente morte factae, mentionem fieri videmus. *Gen. XXXXVIII, 22. Deut. XXI, 16. 17, 1. Reg. I, 35. Syrac. XXXIII, 24.* et apud Francos huc pertinent exempla apud Marculf. *Form. I, 12, II, 7.*

§. CCLXXXII.

Quum ergo cuilibet liceat de substantia sua in alium siue in praesens, siue in futurum mortis euentum transferenda pacisci: (§. CCLXXXI, 5.) consequens est, 6) vt nihil causae sit, cur iuri naturae refragari existimemus pacta successoria. *) 7) Vt potius illa iure optimo maximo valere debeant, siue reciproca sint, siue ex vno tantum latere obligatoria: itemque 8) siue adquisitiua, siue conseruatiua, siue renunciatiua: nam 9) dispositiua paciscentes quidem, non vero eum, cuius de

Pacta
successoria quae
valeant?

de hereditate disponitur, obstringere, vel ex eo patet, quod hic nihil de suo pactus est. (§. CCLXXXI, 5.)

- *) Illa equidem non probat ius Romanum, sed bonis moribus aduersari, plenaque tristissimi euentus esse, clamat. *l. ult. C. de pact.* sed ratio de voto captandae mortis non in haec pacta magis cadit, quam in mortis caussa donationes, quas tamen Romani iure valere patiuntur. Neque tristissimus ille, quem Roma aliquando vidit, euentus argumento est, bonis moribus repugnare haec pacta successoria, quum nec testamentum, nec vllum aliud institutum humanum, ita comparatum sit, vt abuti illo non possint homines improbi.

§. CCLXXXIII.

Quomodo quis de hereditate disponere possit?

Praeterea quum traditionum ea sit indoles, vt vnusquisque sibi in re sua ius aliquod, quod non transferatur, excipere ac referuare possit, adeoque eo casu tantum transmittatur, quantum is, qui alienat, transmittere voluit: (§. CCLXXVIII, 41. sequ.) sequitur, 10) vt in arbitrio domini sit, possessionemne simul in heredem pactitium transferre velit, an ius tantum, hereditatem se mortuo occupandi, itemque, 11) vtrum ius irreuocabile, an reuocabile dare malit, *) denique 12) pure, sub conditione, an in diem, 13) ex asse, an pro parte, alterum sibi heredem dicere malit: vt adeo 14) non sit *naturalis pugna* caussae testati et intestati, vti sibi persuasit Pomponius *l. 7. D. de reg. iur.*

- *) Sic ius irreuocabile in filios e Kethura transtulerat Abraamus, *Gen. XXV, 6.* reuocabile contra in Piraeum Telemachus apud Homerum *Odyss. P. v. 77.*

Πείραι

Πείραι δ' γὰρ τ' ἴδμεν, ὅπως ἔσται τὰδ' ἔργα,
 ἔειπεν ἐμὲ μνηστῆρες ἀγήμεροις ἐν μεγάροισι
 Λάτρη κλέιναντες πατρώια πάντα δάσονται·
 Ἄνδρ' ἔχοντά σε βάλομ', ἱπταυρέμεν, ἢ τινα
 τῶνδε.

Εἰ δὲ κ' ἐγὼ τέτοισι φόνον, καὶ κῆρα φυλεύσω,
 Δὴ τότε μοι χαίροντι φερῆν πρὸς δώματα χαί-
 ρων.

*Piræe, incertus quoniam rerum exitus harum est,
 Si tacite incautum stolidi me forte necare
 Morte proci poterunt, et opes vexare paternas:
 Haec ego te malo, quam eorum quempiam, habere:
 Sin ego eos iusta meritis adfecero clade:
 Tum mihi tu laeto reddes illa omnia laetus.*

§. CCLXXXIII.

Quum praeterea aliquid accipi possit non modo vere, sed et ex praesumptione, quoties ex ipsa rei indole non potest non iudicari, alterum rem, quam quis traditurus est, non adspernaturum: (§. CCLXXXIII.) consequens est, 15) vt iure naturae perinde sit, praesens quis consensum declaret, an ob absentiam rem accipere verbis nequeat, quum regulariter vix verendum sit, ne molesta alteri futura sit illa liberalitas, *) maxime si lucrosam esse constet hereditatem, illi destinata. 16) Vt tamen inter vtrumque casum id intersit, quod priore validum et irreuocabile ius nanciscatur heres, nisi facultatem reuocandi dominus diserte sibi reseruarit: 17) posteriore ante sequutam acceptationem semper sit reuocandi licentia; itemque, 18) quod qui consensum declarauit heres, acceptam semel hereditatem repu-

An he-
res acci-
pere te-
neatur
destina-
tam sibi
heredi-
tatem.

repudiare nequeat, 19) is, cuius consensus praesumitur, eam sibi delatam suo arbitrio vel adire vel repudiare possit.

*) Totam hanc doctrinam mirifice illustravit perillustis academiae nostrae cancellarius, Musarumque mearum amantissimus collega, Io. Petrus a Ludewig, dissertatione erudite scripta, *de differentiis iuris Romani et Germanici in donationibus, et barbari adnexus, acceptione*. Hal: MDCCXXI. ubi nec naturam atque indolem donationis, nec ius Iustinianicum, nec canonicum, nec Germanicum illam acceptionem verbis aliisque signis factam requirere, non sine magno rerum insignium adparatu demonstravit, omniaque quae obverti poterant, argumenta solide profligavit, ut mirum non sit, quosdam leuioris armaturae milites vellicare hoc vallum, quam iusta oppugnatione euertere, maluisse.

§. CCLXXXV.

Funda-
men-
tum suc-
cessionis
ab inte-
stato.

Si ergo vere velle potest rerum suarum dominus, ut illae, se mortuo, in alterum transferantur: (§. CCLXXXI. sequ.) nulla sane ratio suadere videtur, ut voluntati ex eius fine et intentione praesumptae non tantumdem, ac certis verbis signisue expressae, tribuatur. (§. CCLXVIII.) Iam supra vero ostendimus, finem atque intentionem aliquid adquirentium, suasque res administrantium, non esse, ut illae, se mortuis, quasi pro derelictis habitae cuius occupanti cedant: sed ut suis, quos amat, quorumque felicitate delectatur, profint. (§. CCLXXXIII.) Ex eo vero merito colligimus, 20) successionem eis prae reliquis deberi, quorum in gratiam mortuus bona sua praecipue adquisiuerit, seruarique tanta cura ac sollicitudine. *)

*) Quod

- *) Quod adeo verum est, vt nulla re magis an̄gi ac veluti excruciarī soleant homines, quam si, se mortuis, bona ad homines sibi parum probatos peruentura, sciant, iamque

Stet domo capta cupidus superstes,

Imminens lesbi spoliis, et ipsum

Computet ignem.

Vt verissimum sit, quod ex Pindari *Olymp. X.* huc retulit Pufendorff. *de iure nat. et gent. III, 11, 1.* πλῆτος ὁ λαχὰν ποιμένα ἐπακλὸν ἀλλότριον θνάσκοντι συγγράτατος. *Diuitiae, sortitae domini adscititium alienum, morienti sunt odiosissimae.*

§. CCLXXXVI.

Quia tamen hoc non est officium, cum ob- De ea
 ligatione perfecta coniunctum, adeoque spe- axioma-
 cies potius humanitatis, quae personarum ac ta.
 necessitudinem habet rationem, ac proinde
 cognatis plus, quam extraneis, tribuit: (§. CCXX, 21.) merito statuimus, 21) cognatos extraneos omnes a successione excludere, et 22) ex ipsis cognatis remotioribus praeferendos esse propiores: 23) horum denique plures eiusdem lineae ac gradus simul ad hereditatem merito vocandos. *)

- *) Quamvis enim non semper verum sit, cognatos cognatis, quam extraneos, esse cariores, immo potius fratrum quoque gratia aliquando rarior videatur: tamen, quum si eadem fuisset defuncti sententia, nihil illi obstitisset, quo minus de hereditate sua disponderet, alique, quem magis amabat, eam relinqueret, (§. CCLXXXI, 5.) ille vero sine eiusmodi dispositione decedere maluerit: non potest non existimari, eum bona sua non inuidisse cognatis, quos ipsa veluti naturalis affectio ad successionem vocat. Ceterum propior aliquis iudicandus est non modo *ratione gradus*, ve-

rum

rum etiam *ratione lineae*. Adfectionem enim maximam cadere in lineam descendentem, et, hac deficiente, in adscendentem: denique, neutra superflite, in collateralem; recte observavit Aristot. *ad Nicomach. VIII, 12*. Hinc nepotes quamvis secundo gradu propiores sunt parente, proavus, quamvis tertio gradu, propior fratre. cetera.

§. CCLXXXVII.

Succes-
sio libe-
rorum.

Quum ergo ex ipsis cognatis remotiores excludantur a propioribus, (§. CCLXXXVI, 22.) vix autem ulli propiores cuiquam existimari possint, quam liberi parentibus: 24) hi merito reliquis omnibus in hereditate parentum praeferuntur, et quidem 25) sine sexus et 26) aetatis discrimine. *) Quod enim quibusdam locis masculi feminis, primogeniti natu minoribus, praeferuntur: illud, quia inter aequales inaequalem diuisionem ponit, ex lege ciuili, vel pacto, vel alia dispositione, adeoque non ex iure naturae esse, facile intelligitur. (§. CCLXXI, 10. sequ. et *)

*) Si tamen res in se indiuidua sit: non est dubium, quin ea ceteris paribus primogenito ea lege iure relinquitur, ut reliquis fratribus fororibusque satisfaciat. (§. CCLXX, 5.) Talis res indiuidua quum praecipue sit imperium vel regnum: in eo insignis primogenitorum praerogatiua esse solet. Eleganter Cyrus apud Xenoph. *Cyrop. VIII, 7, 3*. Δεῖ δὲ καὶ τὴν βασιλείαν μὲ ἤδη σαφηνίσαντα καταλιπεῖν, ὥς ἂν μὴ ἀμφίλογος γινομένη πράγματι ὑμῖν παραχῇ. ἐγὼ δὲ νῦν Φιλῶ μὲν ἀμφοτέρους ὑμᾶς ὁμοίως, ὡ παῖδες· τὸ δὲ προβαλεῖν, καὶ προηγῆσθαι, ἐφ' ὃ, τι ἂν καιρὸς δοκῇ εἶναι, τῷτο προστατῶ τῷ προτέρῳ γινομένῳ καὶ πλειόνων κατὰ τὸ εἶκος ἐμπερῶ. *Est autem mihi declarandum hoc quoque,*
cui

cui regnum relinquam, ne id, relictum in ambiguo, negotia vobis faceſſat. Complector equidem, filii, pari utrumque veſtrum benevolentia: verum et conſilio providere, et ducis officio fungi, quacumque in re tempus et uſus poſtulet, cum iubeo, qui NATV MAIOR eſt, et uſum rerum maiorem de conſentanea quadam ratione habet. Quamvis ergo par regum in liberos adfectio eſſe poſſit: ipſa tamen regni indoles exigere ſemper viſa eſt, ut filiabus filii, et inter hos maximus natu minoribus, in imperio praeferretur, adeo ut hoc νομιζόμενον πρὸς πάντων ἀνδρῶν, tamquam lege inter omnes homines conſtitutum eſſe, contendat Herodot. Lib. VII. p. 242. et, ſi quid contra fiat, id contra ius gentium factum eſſe, dixerint veteres. Vid. Iuſtin. Hiſt. XII, 2. XXIII, 3. Liu. XXXX, 9.

§. CCLXXXVIII.

Quum ergo liberi reliquis omnibus in hereditate parentum merito praeferantur, (§. CCLXXXVII, 24.) idque ex praefumta parentum voluntate colligi poſſe videatur: (§. CCLXXXV, 20.) conſequens eſt, 27) ut certo etiam conſtare debeat, eſſe aliquem ex liberorum numero. Quod quum ratione patris vix certum eſſe poſſit, niſi ex iuſto matrimonio: inde porro colligimus, 28) patri liberos tantum legitimos, etiam poſtumos, non illegitimos, et vulgo quaefitos; 29) matri omnes promiſcuae ſuccedere: quamvis 30) et illegitimis patrem proſpicere poſſe diſpoſitione ſua, nemo temere ſit negaturus.

Patri regulariter ſoli legitimi ſuccedunt, matri et illegitimi.

§. CCLXXXVIII.

Praeterea ex eadem voluntate parentum (§. CCLXXXV, 20.) colligi poſſe videtur, 31) ſucceſſionem deſcendentium non modo ad primi,

Nepotes quomodo ſuccedant

Q

cum li-
beris
primi
gradus?

primi, sed et ad vlteriorum graduum liberos, porrigi: adeoque 22) nepotes neptesque non minus, quam filios filiasque, ad hereditatem admitti, et quidem, 33) non solum si inter homines esse desierint primi gradus liberi, verum etiam, 34) si illi cum his concurrant: vt adeo 35) aequitati naturali quammaxime consentaneum esse videatur ius repraesentationis, quo liberi vlteriorum graduum locum parentum suorum subeunt, eorumque portionem accipiunt. *)

*) Et hoc est fundamentum successionis liberorum primi gradus *in capita*; vltiorum *in stirpes*. Hanc vero aequitati naturali quam maxime consentaneam esse, vel inde patet, quod alias, si in capita omnes succederent, superstitum liberorum conditio per fratris vel sororis mortem deterior, nepotum per parentum mortem melior fieret, adeoque nulla inter eos futura esset aequalitas. Nam si pater esset centenarius, liberosque haberet quatuor, singuli acciperent viginti quinque aureos. Iam finge, vnum ex his quatuor liberis, turbato naturae ordine, ante patrem decessisse, relictis ex se nepotibus septem. Tunc sane, si singuli succederent in capita, vnusquisque acciperet decem aureos: atque ita ob mortem fratris tres liberi primi gradus amisissent aureos quadraginta quinque, nepotesque septem ob praematurum parentis obitum tantundem lucrati essent. Quum vero non possit vlla reddi ratio, cur mors fratris superstitibus fratribus vel sororibus aliquid ex paterna hereditate deminuere, nepotibusque ex eo aliquid adiicere debeat: nulla quoque reddi potest ratio, cur aequaliter vtrique admittendi sint in capita.

§. CCC.

Quomodo si soli
exsistent?

Ex eadem porro regula, quod ex pluribus cognatis propiores praeferendi sint remotioribus, (§. CCLXXXVI, 22.) fuit, 36) nepotes

tes, etiam si soli sint, merito tamen praeferendos esse et aui parentibus, quamuis gradu prioribus, et eiusdem fratribus et sororibus, quamuis gradu paribus. Propiorem enim aliquem iudicandum esse non tantum ratione gradus, sed et maxime ratione lineae, iam supra obseruauimus. (§. CCLXXXVI. *) Ceterum 37) nepotesne aequitas naturalis hoc casu in capita, an in stirpes ad hereditatem auitam vocet ex iis, quae ad superiorem paragraphum in scholio notauimus, intellectu non admodum difficile videtur. *)

*) Nulla enim et hic reddi potest ratio, cur ob praematurum parentum excessum vnus stirpis deterior, alterius melior conditio fieri debeat. Quod fieri tamen oporteret, si nepotes soli superstites in capita admitterentur. Finge enim centenarium amisisse quatuor filios, at ex primo vnum, ex secundo binos, ex tertio tres, ex quarto quatuor nepotes superstites esse: si filii superuixissent, singuli accepissent viginti quinque aureos, tantumdemque quisque ad filios transmisisset. At si iam, iis praemortuis, nepotes in capita admitterentur, singuli acciperent decem, adeoque vnus nepos ex primo filio iacturam faceret aureorum quindecim, duo ex secundo, quinque: tres porro ex tertio quinque, quatuor reliqui ex quarto quindecim lucrarentur. Quod quum absonum sit: absonum quoque est, nepotes hoc casu in capita succedere.

§. CCCI.

Quum, deficiente linea descendantium, proxima sit, altera in qua adscendentium vel progenitorum series describitur: (§. CCLXXXVI. *) merito inde colligimus, 38) his luctuosam liberorum hereditatem prae aliis deferri, *) et

Succes-
sio ad-
scenden-
tium.

Q 2

39) ita

39) ita quidem ut propior gradu excludat remotiores, 40) eiusdem gradus simul admittantur, nec hic 41) ius naturae iustam suggerat rationem, cur inter plures eiusdem gradus secundum lineas partienda sit liberorum hereditas: ut adeo 42) haec similiaque potius iure civili definienda videantur.

*) Quod adeo rectae rationi videtur consentaneum, ut quum lex diuina ad successionem primum vocet filios, his deficientibus filias, tum fratres, et postea patruos: parentum autem nullam habere rationem videatur, *Num. XXVII, 8. sequ.* Philo tamen *de vita Moysi Lib. III. p. 589.* illud ex recta ratione supplendum esse moneat. Πάνυ γὰρ ἔτυθες ὑπολαβεῖν, ὅτι πατὴρὸς ἀδελφῶ νύμων κληρὸν ἀδελφιδῶ, διὰ τὴν πρὸς τὸν πατέρα συγγένειαν, αὐτὸν ἀφείλετο τὸν πατέρα τῆς διαδοχῆς. ἀλλ' ἐπειδὴ ὁ νόμος φύσει ἐστὶ κληρονομεῖσθαι τὰς γονεῖς ὑπὸ παιδῶν, ἀλλὰ μὴ τέτλης κληρονομεῖν, τὸ μὲν ἀπενκλιᾶν καὶ παλὶμψημον ἡσυχασεν, ἵνα μὴ πατήρ καὶ μήτηρ προσοδεύεσθαι δοκῶσι τὰ ἐπὶ ὠκυμύροις τέκνοις ἀπαγαγόμενα πένθη, πλαγίως δ' αὐτῶς ἐκάλεσε τοῖς θείοις ἐφικεῖς, ἵνα καὶ ἀμφοτέρων σοχάσῃται, καὶ τῶ πρόποντος, καὶ τῶ μὴ τὴν ἑστίαν ἀλλοτριωθῆναι. *Stultum enim foret, credere, patrui concedi hereditatem fratris filii, ut patris cognato; ipsi vero patri eam auferri. Verum, quia lex naturae iubet filios parentibus heredes succedere, non parentes filiis: (ubi ius naturae a Philone procul dubio pro naturae ordine accipitur,) hoc, ut ominosum, et piis votis contrarium, tacuit, ne pater materque viderentur lucrari ex immaturis filiorum mortibus et luctu inconsolabili: oblique tamen ipsos vocauit ad ius, quod permittit patribus, ut et decorum seruaretur, et bona manerent in familia*

milia. Nec aliter philosophantur Talmudici, quorum doctrinam de successione adscendentium accurate exposuit Seldenus *de success. in bona def. ad leges Hebr. Cap. XII.*

§. CCCII.

Denique ex eadem, quam saepius laudavimus, regula, (§. CCLXXXVI, 22.) sequitur, 43) vt, deficientibus etiam adscendentibus, ex linea obliqua, vel collaterali proximi gradu proximi ad successionem esse videantur, nec 44) ratio vlla suadeat, vt inter collaterales locus sit iuri repraesentationis, *) multoque minus, 45) vt vel duplicitas vinculi, vel 46) bonorum origo discrimen faciat. 46) Vt plures eiusdem gradus et hoc casu hereditatem inter se aequalitate diuidant: nec 47) quidquam intersit, quota generatione defuncto cognati sint, quum in huius arbitrio fuerit, si remotiores facultatibus suis beare noluiisset, heredem alium dicere.

Succes-
sio colla-
tera-
lium.

*) Quum enim successio iis prae reliquis debeatur, quorum in gratiam mortuus bona sua praecipue adquisiuit, tantaque cura ac sollicitudine seruauit, (§. CCLXXXV, 20.) et experientia doceat, amorem erga descendentes remotiores si non vehementiorem, saltem non minorem esse solere, ac erga propiores: recte inferre nobis videtur, aونس nepotibus nihil, quod eorum parentibus debebatur, detractum velle, ac proinde ex praesumpta eorum voluntate eos in parentum suorum iura succedere debere. Contra ea experientia eadem docet, in linea collaterali adfectionem fere singulis gradibus decrescere, ac proinde non sequi, vt e.g. fratris filius eodem loco sit apud patrum, ac frater. Hinc et fratrum filios cum fratribus in successione concurrere debere, nulla ratio suadet.

Q 3

§. CCCIII.

§. CCCIII.

Multa
hic reli-
cta arbi-
trio le-
gisla-
torum.

Et huc vsque fucceffionem cognatorum agnoscit recta ratio. Quia tamen haec omnia magis iuris naturae permiffiui, quam praeceptiui effe, facile vnusquisque intelligit: nemo facile negauerit, 48) multa hic permiffa effe legislatoribus, vt et de plerisque cafibus dubiis certi quid ftatuere, et 49) leges fuas reipublicae fini atque vtilitati accommodare poffint (§. XVIII, 36.) Atque inde facile reddi poteft ratio, 50) cur et coniugi fupervtiti profpectum velint legislatores, et 51) in nullo paene iuris articulo magis difcrepent diuerfarum prouinciarum, quin et municipiorum, leges et ftatuta, quam in hoc de inteflatorum fucceffionibus.

§. CCCIII.

An he-
redes
quidam
neceffa-
rii?

Quandoquidem porro totum hoc fucceden-
di ius ex voluntate praefumta nafcitur, (§. CCLXXXV, 65.) is vero cuius confenfus praefumitur, hereditatem fuo arbitrio vel adire, vel repudiare poteft: (§. CCLXXXVIII, 19.) nemo non videt, 52) ius naturae ignorare heredes neceffarios, *) adeoque 53) neminem effe heredem ab inteftrato ipfo iure, fed 54) talem fieri confenfu, fiue per verba, fiue per facta declarato.

*) Idque et inde demonftratur, quod rationem, ob quam iurisconfulti Romani heredes quosdam neceffarios, alios fuos et neceffarios, alios voluntarios et extraneos dixerunt, recta ratio plane ignorat. Primo enim haec heredum qualitas et differentia praecipue ad heredes testamentarios. quos ius naturae ignorare diximus, (§. CCLXXXVII. fequ.) perti-

pertinet, quia ab intestato nullus succedit seruus, heres necessarius. Deinde testamentum Romanis erat instar legis priuatae. Testatorem autem legem quidem ferre posse existimabant suis, id est, seruis et liberis, quibus veluti in obsequio relicta erat gloria, non autem extraneis, potestati testatoris non subiectis. Hinc illos heredes dicebant *necessarios*, has *voluntarios*. (*Elem. sec. ord. Inst. §. DLXXXV. sequ.*) Enimuero quum haec omnia ignoret ius naturae: illud etiam hanc heredum differentiam ignorare, tam certum est, quam quod certissimum.

§. CCCV.

Ceterum, vbi quis semel succedere alteri statuit, nihil aequius est, quam vt, qui in locum succedit, etiam in iura illius ac onera successisse censeatur. (§. CCLXVII.) Ex quo consequitur, 55) vt heres, siue ex vera dispositione defuncti, siue ex praesumpta eiusdem voluntate succedat, omnia eiusdem iura, quae morte non extincta sunt, adquirat, at 56) nec conquiri possit, si et eiusdem obligationibus, quantum bona sufficiunt, satisfacere cogatur. *)

Heres
quomodo in de-
functi
iura et obli-
gationes succe-
dat?

- *) Non ergo in solidum. Quum enim non alia causa sit, cur heres, quod defunctus ex emto vel conducto debuit, praestare, et nomen illius expungere teneatur, quam quod bona eius consequutus est: nulla excogitari potest ratio, cur ultra vires hereditatis teneatur. Praeterea rigor ille iuris Romani, quo heres in omnes defuncti obligationes succedit, nititur fictione, quod heres cum defuncto pro vna persona habeatur. l. 22. D. de usufr. l. 14. C. de usufr. Nouell. XXXXVIII. praef. Ant. Dadin. Alfeserra de Fiction. iur. tract. I. Cap. XX. p. 48. Quam fictionem quum ignoret ius naturae, illud etiam id, quod inde consequitur, ignorare, manifestum est.

. CAP. XII.

DE IVRIBVS ET OFFICIIS, QVAE EX
DOMINIO ORIVNTVR.

§. CCCVI.

Triplex
dominii
effectus.

DOMINIVM est ius alios omnes rei alicuius vsu excludendi. (§. CCXXXI.) Alios vero dum excludimus rei vsu: ipsi, nobis solis ea vtendi ius esse, contendimus. Inde 1) primum oritur dominii effectum, LIBERA de re sua DISPOSITIO, id est, rem quibuslibet vsibus adhibendi, immo et abutendi, suoque libitu alienandi facultas. Deinde, cuius rei vsu alios excludere possumus, illam eo animo detinemus, adeoque 2) inter effecta dominii est etiam POSSESSIO. Denique et tunc alios rei nostrae vsu excludimus, quando ab alio possessam repetimus. Rem vero suam, ab alio possessam, repetere quum idem sit, ac VINDICARE: consequens est, 3) vt inter nobilissimos dominii effectus etiam sit ius rem a quocumque VINDICANDI.*)

*) Omnia haec dominii effecta agnoscit ius Romanum. Quod enim Caius l. 2. D. si a par. quis man. scribit, iniquum esse, ingenuis hominibus non esse liberam rerum suarum alienationem, id ad LIBERAM DISPOSITIONEM pertinet. Ita et ex iure POSSIDENDI, soli domino competente, colligit Paullus l. 3. §. 5. D. de adqu. vel amitt. possess. plures eandem rem in solidum possidere non posse, et contra naturam esse, vt quum ego aliquid teneam, tu quoque id tenere videaris: quin non magis eandem possessionem apud duos esse posse, quam vt tu stare videaris in eoloco, in quo ego sto, vel, in quo ego sedeo, tu sedere videaris. De REI VINDICATIONE, quippe praecipua, quae ex dominio nascitur, actione omnia nota accipere.

peruulgata sunt. Hinc inter *θήματα παρίδοξα* est, quod dominus tigni, illud tamen iunctum vindicare non possit. §. 29. *Inst. de rer. diuis.*

§. CCCVII.

Quum ergo is, cui LIBERA rerum suarum **DISPOSITIO** est, gaudeat facultate, illas quibuscumque vsibus adhibendi: (§. CCCVI, I.) consequens est, 4) vt et ex ipsa earum substantia, et 5) ex accessionibus atque incrementis, quatenus illa domino adquiruntur, (§. CCL. sequ.) omnem vtilitatem capere, ac proinde 6) et fructus suos facere, et vel consumere eosdem, vel communicare cum aliis, vel quocumque titulo in quoscumque transferre possit. Quin quum saepe ingenii sollertia et diligentiore cultura amplificari possint fructus, et annui prouentus: 7) nihil impedit dominum, quo minus rei faciem immutare, eamque hoc modo vtiliorem reddere possit, *) dumne alteri hoc ipso ius suum interuertat.

Hinc domino est facultas omnem ex re vtilitatem percipiendi.

- *) Soli domino hanc facultatem competere, argumento esse potest ius vsufructuarii, vsuarii, commodatarii, conductoris, quod quia in re non propria, sed aliena sese exserit, hanc facultatem rem pro lubitu mutandi ambitu suo non complectitur, quantumuis nemo horum sit, quin iure gaudeat, fructus percipiendi. Communis ergo domino cum aliis potest esse facultas fructus percipiendi, at facultas rei, e. g. fundi, faciem immutandi soli domino propria est, nec eam sibi vindicare potest vsufructuarius, commodatarius vel conductor, nisi permittente domino.

§. CCCVIII.

Itemque
rem
suam de-
struendi
et cor-
rumpen-
di.

Quumque et abutendi facultas sit domino, (§. CCLVI, 1.) id est, rem vtendo consumendi, vel rem et fructum disperdendi: Donat. *ad Terent. Andr. prolog. v. 5.* consequens est, 8) vt et destruere dominio liceat rem, dominio suo subiectam, et 9) eandem corrumpere, modo 10) id non fiat eo consilio, vt alius inde detrimentum capiat. *) Quamuis enim talis rerum nostrarum, quae aliis prodesse possent, corruptio amoris humanitatis repugnet, et ius alterius imperfectum laedat: (§. CCXVII, 11.) non tamen ideo iustitiam expletricem violat, qui, iure suo vsus, rebus suis abutitur, easue, nulla urgente necessitate, corrumpit.

*) Si quis enim eo consilio rem suam corrumpit, vt alter inde detrimentum capiat: id facit animo alterum laedendi, ac sequuto euentu alterum reipsa laedit. Quum vero primum et absolutum iuris naturalis praeceptum violat, qui alterum laedit: (§. CLXXVIII, 8.) consequens est, vt et contra ius naturae agat, qui res suas corrumpit, vt alter inde detrimentum capiat. Et huc pertinet facinus domini, flores horti sui veneno inficientis, vt vicini apes inde perirent. Quintil. *Declam. XIII.*

§. CCCVIII.

Nec non
eamdem
alienan-
di.

Quia denique libera illa disponendi facultas, quam domino competere diximus, ius etiam alienandi complectitur: (§. CCCVI, 1.) facile intelligitur, 11) dominum et dominio suo sese abdicare, et 12) illud tum in futurum, tum 13) in praesens, sub quacumque conditione in alium transferre, et quiduis alteri commodi concedere, quin et 14) ius quaecumque

que alii in re sua concedere, ac proinde 15) dominium utile, usufructum, hypothecam, pignus, suo arbitrio constituere alteri posse, dummodo 16) ei id agenti nec lex, nec pactio, nec alia firmiter dispositio obstet.

§. CCCX.

Quandoquidem porro et possessio inter effecta domini est: (§. CCCVI, 2.) facile patet, 17) dominum et adprehendere rei suae possessionem, et 18) eam aduersus quemcunque tueri, ideoque 19) et vim vi repellere posse. 20) Nihil quoque interesse, siue quis ipse per se, siue per alium possideat: immo 21) semel adquisitam possessionem procul dubio et solo animo ab absente retineri tantisper, dum alius eam nondum adprehendit. *)

Possessionem porro adprehendi et retinendi.

- *) Possessio enim est detentio rei, cuius usu alios excludere statuimus. (§. CCXXXI.) Quamdiu ergo alios excludere rei usu statuimus, tam diu rem nondum pro derelicta habuimus. (§. CCXXXI.) Ergo res huiusmodi non est nullius, nec adeo nulli ius competit eam occupandi. In qua re vero nulli ius occupandi est, eius ego possessionem procul dubio et absens solo animo retineo.

§. CCCXI.

Denique quum et ius vindicandi inter effectus domini sit: (§. CCCVI, 3.) fieri non potest, 22) quin hoc iure nostro uti possimus aduersus quemcunque rei nostrae possessorem, nec, 23) quod ad rei restitutionem attinet, quidquam intersit, bona fide, an mala, ille rem nostram detineat, itemque 24) notus ille nobis, an ignotus sit, quia ab eo non ob factum aliquid

Ius denique vindicandi.

quod rem reposcimus, sed rem, in quam nobis ius est, repetimus. Praeterea quum 25) rem suam vindicare et repetere, non sit eam de nouo redimere: facile patet, dominum, rem suam vindicantem, non esse ad restituendum pretium obstrictum, quamuis 26) aequitas non patiatur, ut ille cum alterius damno fiat locupletior, (§. CCLVII.) et impensas necessarias ac utiles, a possessore in rem erogatas, restituere detrectet. *)

*) Quo procul dubio pertinent etiam impensae, sine quibus ne ipse quidem dominus rem suam a raptoribus recuperaturus fuisset, maxime si eo animo rem redemit possessor, ut eam domino restitueret. Pufend. *Iur. nat. et gent. III, 12, 13*, ad quem locum elegans exemplum ex Famiani Stradae *Decad. I. de bell. Belg. Lib. VII. ad ann. MDLXXII.* attulit Hertius. Quum enim Antuerpienses mercatores merces pretiosissimas plusquam centum millium, ab Hispano milite in vrbe Machliniensis direptas, exsoluto XX. millium pretio, redemissent: domini illas, reddita ea summa, receperunt, quippe non minore dispendio res suas recuperaturi, si vel maxime iure experiri voluissent.

§. CCCXII.

Quatenus et accessiones et fructus sibi vindicet dominus?

Quum vero is, cuius res ipsa in dominio est, etiam, accessiones et fructus omnes inde redeuntes, iure sibi vindicare possit: (§. CCCVII, 4.) merito quaeritur, an bonae fidei possessor omnes accessiones, omnesque fructus, ex re aliena perceptos, quin et omne lucrum, domino, rem suam vindicanti, restituere teneatur? Nos paucis rem ita concipimus. Qui bona fide iustoque titulo rem possidet, quamdiu de vero domino non constat, facultate gaudet,

gaudet, omnes rei, a se possessae, vsu excludendi. Qui vero hoc iure gaudet, 27) eum loco domini esse, (§. CCXXXI.) ac proinde 28) iisdem iuribus, ac ipsum dominum, frui, nemo dubitauerit. At quia tamen non est verus dominus, qui rem alienam bona fide possidet, 29) nulla sane ratio est, cur cum veri domini damno velit fieri locupletior, quemadmodum 30) nulla ratio est, cur dominus fructus non exstantes, quos cura industriaque sua non produxit, sibi vindicare velit. *)

- *) Accessio enim naturalis, cuius de dominio non constat, pro re nullius habetur. (§. CCXXXI.) adeoque cedit occupanti. Quum ergo fructus occupauerit bonae fidei possessor, qui eos, omni adhibita cura et cultura, produxit: huic cur isti eripiendi sint, nulla est ratio. Et hinc non absurde ius Iustinianum ait: *naturali ratione placuisse, fructus, quos PERCEPIT, bonae fidei possessoris esse pro cultura et cura.* §. 35. *Inst. de ver. diuis.* Nec alia ratio est fructuum civilium. Quia enim itidem, dum percepti sunt de vero eorum domino non constitit, et dominus interea rei, ex qua prouenerunt, nullam curam habuit: ii quoque ad bonae fidei possessorem merito pertinent, quamdiu verus dominus non superuenit.

§. CCCXIII.

Quum ergo neuter debeat cum alterius damno fieri locupletior: (§. CCCXII, 20. sequ.) consequens est, 31) vt domino, vindicanti rem suam, etiam restituendae sint accessiones, quippe quarum de domino iam constat, adeoque 32) etiam fructus exstantes, et pendent, recte petat dominus, *) 33) deductis tamen prius impensis, in illos factis, quia dominus

Accessiones et fructus debentur domino.

minus fieret locupletior cum bonae fidei possessoris damno, si fructus, quorum curam nullam suscepit, sibi vindicare non dubitaret.

- *) Concedit id Grotius *de iure belli et pac. II, 8, 23. et II, 10, 4.* sed non nisi de fructibus naturalibus. Enimuero quum et industriales sint fundi accessio, et talis quidem, cuius de domino iam satis constat: vix excogitari potest ratio, cur eos sibi vindicare velit bonae fidei possessor. Impensarum tamen restitutionem nullo colore detrectare potest dominus, quia alias peteret fructus, quos cura atque industria sua non produxit. (§. CCCXII, 30.) Vnde Hebraei *σκληρὸν καὶ αὐστηρὸν ἄνθρωπον*, *durum et austum hominem*, loquutione prouerbiali descripserunt, *θεριζοῦσα, ὅπου ἔκ' ἐσπερε, καὶ συναίγωνσα, ὅθεν ἔ' δισκορπίσε*, *qui metat, ubi non seuerit, cogatque, ubi non sparserit.* *Matth. XXV, 24. Luc. XVIII, 21.*

§. CCCXIII.

Percepti
et con-
sumiti
h. f. pos-
sessori.

Quumque accessio naturalis, cuius de domino non constat, tamquam res nullius occupanti cedat, neque de fructibus ciuilibus aliud sit statuendum: (§. CCCXII, *) consequens est, 34) vt fructus percepti merito relinquendi sint bonae fidei possessori, qui culturam et curam adhibuit, nisi 35) iis factus sit locupletior. * (§. CCCXII, 29.)

- *) Sequuntur hoc principium iureconsulti in hereditatis petitione. *l. 25. §. 11. et §. 15. l. 36. §. 4. l. 40. §. 1. D. de hered. petit.* Contra in rei vindicatione fructus perceptos indistincte addicunt bonae fidei possessori, nec quidquam interesse putant, locupletior iis factus sit, nec ne. *l. 4. §. 2. D. fin. regund. l. 48. pr. D. de adqu. rer. dom.* Sed ratio discriminis plane ciuilis est, nec ex recta ratione potest deriuari. In hereditatis enim petitione, tamquam vnuer-

vniuersali iudicio, pretium succedere dicitur in locum rei, non in iudiciis singularibus. Ius naturale autem haec procul dubio non distinguit: ac proinde aequissimum est, perceptos fructus, quibus quis locupletior factus, indistincte vero domino restitui. Quod et in foro hodie obseruari, testatur Stryk. *Vf. bod. Digest. VI, 1, 12.*

§. CCCXV.

Ex iisdem regulis, quod bonae fidei possessor pro domino est, nec tamen cum alterius damno fieri debet locupletior, (§. CCCXII, 27. 29.) inferimus, 36) eum, si rem bona fide consumserit, non magis domino ad restitutionem obligatum esse, quam, 37) si res apud eum casu perierit: Teneri tamen eundem, 38) si rem nullo, vel minore pretio adquisitam, carius vendiderit, quia sic cum alterius damno fieret locupletior, si lucrum sibi retinere vellet: contra 39) cessare hanc obligationem, si dominus iam rei suae aestimationem fuerit ab alio consequutus, partim quia tunc bonae fidei possessor locupletior quidem factus est, sed non cum domini damno, partim quod dominus non de lucro captando, sed de damno vitando, certare debet.

An b. f. possessor rei consumtae, pereuntis, vel alienatae, aestimationem praestet?

§. CCCXVI.

Quia denique haec omnia tantum ad bonae fidei possessorem pertinent: Contra malae fidei possessores nec loco domini sunt, nec illo colore, quod de vero domino sibi non constitit, uti possunt, adeoque omnes rationes, cur aliquid ex re vel fructibus lucrari debeant, cessant: facile patet, 40) eos abscisse ad restitutionem non modo rerum extantium, sed et iusti

Quid malae fidei possessor restituere teneatur?

pretii confumtarum et alienatarum, multoque magis 41) ad fructuum omnium, quos vel perceperunt, vel percipere saltim potuerunt, aestimationem praestandam, esse obligatos, simulque 42) casum omnem ferre debere. *)

- *) Quamvis enim casus nemini imputetur regulariter (§. CVI, 27.) ea tamen regula non valet, si per agentem steterit, quo minus tale quid econtingeret. (Ibid. n. 31.) quia tunc non casus, sed simul culpa adest. iam malae fidei possessor poterat ac debebat rem suam domino restituere idque si fecisset, per eum stetisset, quo minus res apud se periret. Itaque et casum ferre tenetur. Vnde recte iureconsulti praedonem et furem casum ferre debere aiunt, *quia semper in mora sint. l. 8. §. 1. D. de cond. furt.*

§. CCCXVII.

Effectus
dominii
aliquan-
do re-
strin-
guntur
per leges
ciuiles.

Et haec quidem sunt iura, quae ex rerum dominio pronò veluti alueo fluunt. Quum vero iuris ciuilis sit, actiones indifferentes saluti cuiusque populi et reipublicae attemperare, (§. XVIII, 36.) reipublicae autem plerumque expediat, ne quis re sua male vtatur: §. 2. *Inst. de his qui sui vel alieni iur. sunt*, non mirum est, 43) dominium aliquando arctioribus limitibus circumscribi a rectoribus ciuitatum, ac proinde 44) aliquando liberam dispositionem, aliquando 45) ius possessionem adprehendendi, aliquando 46) ius vindicandi dominis vel plane adimi, vel non nisi cum aliqua restrictione concedi. *)

- *) Sic animaduertimus, leges ciuiles *liberam rerum dispositionem* adimere pupillis, furiosis, prodigis, minoribus. Eadem legatarium, quantumvis dominum, rei legatae possessionem adprehendere non patiuntur, et aduersus eum, qui suo arbitratu illam

illam occupauit, heredi dant interdictum quod LEGATORVM. tot. tit. D. quod legat. Denique notum est, eum, cuius tigna alter iunxit, quamuis dominium materiae non amittat, non tamen tigna iuncta posse vindicare per leges XII. Tabularum. §. 29. Inst. de ver. divis. l. 7. D. de acqu. rer. dom. Adeo nullus fere est dominii effectus, quem semper et vbique omnibus saluum et integrum esse patiantur leges ciuiles, si aliud exigere videatur salus reipublicae, quam sibi supremam legem merito statuunt imperantes, iis in rebus, quae ad ius naturae permissuum pertinent. Quum enim iuri naturae permissiuo vnusquisque recte renunciaret: (§. XIII, 10.) ei etiam renunciare potuit populus, qui in ciuitatem coaluit, eique re ipsa renunciauit, dum summae potestatis legibus voluntatem suam submisit.

§. CCCXVIII.

Quumque et domino, tum inter viuos, tum mortis causa, de rebus suis disponere liceat, (§. CCLXVIII.) et tunc tantum ad alterum transmittatur, quantum is, qui alienat, transmittere voluit: (§. CCLXXVIII, 42.) facile patet, 47) etiam pacto et dispositione prioris domini restringi posse dominii effectus, *) et tunc 48) plura sibi adrogare non posse possessorem, quam a priore domino accepit, nisi 49) is, cuius in fauorem restrictio illa facta est, vltro iuri suo renunciaret, vel 50) is plane in rerum natura esse desinat, vel 51) ius suum ex iusta causa amittat.

Aliquando per pacta et dispositiones priorum dominorum.

- *) Ita aliquando dispositione prioris domini arctioribus limitibus circumscribitur ius omnem vtilitatem e re sua percipiendi, si alteri in illa vusufructus, seruitus, antichresis constituitur. (§. CCLXXXII. sequ.) Aliquando libertas disponendi, destruendi, alienandi domino eripitur, si illi tan-

R

tum

tum dominium vtile conceditur, (§. CCLXXVIII. sequ.) vel si res fideicommissio oneratur, cetera. Constituto porro usufructu, etiam ius possidendi, quod domino alias denegari non potest, restringitur, quemadmodum dominio utili alicui concessio, domino superiori vel directo nec rem possidendi, nec. quod ad dominium vtile attinet, vindicandi ius est.

§. CCCXVIII.

Domi-
num ne-
minem
in usu
rei suae
iniuria
impedi-
re, vel ei
damnum
inferre
debere.

Et haecenus quidem de IVRIBVS, quae ex dominio oriuntur, quantum satis est, diximus. Quum vero correlata sint IVS et OBLIGATIO, ac proinde, posito iure, ponatur obligatio: (§. VII.) consequens est, 52) vt quot sunt effectus dominii ratione domini, totidem aliis incumbant obligationes erga dominum. Quia ergo domino LIBERA esse debet de rebus suis dispositio: (§. CCCVI, 1.) 53) INIVRIAM illi faciunt, qui eum in disponendo, fructibusue percipiendis impediunt, * 54) DAMNUM vero dant, qui quid rerum eius fructuumque et accessionum corrumpunt. Quumque, qui, quod ad alterius felicitatem perfectionemque pertinet, alteri interuertere vel corrumpere non dubitat, eundem procul dubio laedat, (§. LXXXII.) nemo autem laedendus sit: (§. CLXXVIII, 8.) merito inferimus, 55) nemini per impedimentum liberae dispositioni eius obiectum faciendam esse iniuriam: 56) nemini damnum dandum, ac proinde 57) si quid eius generis factum sit, auctorem iniuriae damniue merito et ad resarciendum damnum, et ad poenam teneri.

*) INIVRIAM enim et ICTi Romani non solum vocant omnem contumeliam, verbis vel factis alicui illatam,

tam, verum etiam illud factum, quo quis alterum re publica vel sua uti prohibet, vel in re aliena sibi liberam quamdam dispositionem adrogat. Hinc iniuriarum ex lege Cornelia tenetur, qui cuius domum vi introiit, *l. 5. pr. D. de iniur.* qui quem prohibuit in mari piscari, vel euerriculum, quod Graece *παράγνυ* dicitur, ducere, vel in publicum lauare, vel in cauea publica sedere, vel in quo alio loco agere, sedere, conuersari non passus sit, vel qui nobis RE NOSTRA UTI non permiserit. *l. 13. §. 7. D. eod.*

§. CCCXX.

Quandoquidem deinde et POSSESSIO ad effectus dominii vel iura domini pertinet: (§. CCCVI, 2.) consequens est, 58) ut nostrum sit rem quemque suam quiete possidere pati, neque 59) cuiquam inuito possessionem vel directe, vel indirecte, eripere. 60) Ut, si quem tale quid fecisse probari possit, ille, tamquam laedens, non solum ad omne damnum resarciendum, sed et ad poenam, quam commisit, subeundam obstrictus sit. (§. CCXI.)

Nec eius possessionem directe vel indirecte interuere.

§. CCCXXI.

DIRECTE quis alterius possessionem interuertit vel per vim apertam, vel per ablationem clandestinam. Posterius factum vocatur FURTIVM, prius, si in re mobili admittatur, RAPINA, si in immobili, VIS vel VIOLENTA DEIECTIO. FURTIVM ergo est ablatio clandestina rei alienae, inscio et inuito domino, lucrificiendi causa *) facta: RAPINA ablatio violenta rei alienae mobilis, inuito domino, et lucri faciendi causa, facta: vis denique deiectio alterius violenta de possessione rei immobilis.

Directe id fit per furtum, rapinam, deiectionem violentam.

- *) Si enim contumeliae causa quid auferatur, erit INIURIA, sin, ut res corrumpatur; DAMNUM. Sic apud Homerum *Iliad. A. v. 214.* Minerua Chryseida Achilli auferri ait Ὀβριος ἐβρεξα; *contumeliae causa.* Iniuria ergo fuit, non furtum vel rapina. Damnum potius dedisse, quam furatus esse dicitur, qui, ut ait Horatius, *Serm. I, 3. v. 116.*

Teneros caules alieni infregerit borti.

Denique verum furtum procul dubio fecit Cacus, qui

*Quatuor a stabulis praestanti corpore tauros
Avertit, totidem forma superante iuencas,
Atque hos, ne qua forent pedibus vestigia rectis,
Cauda in speluncam tractos, versisque viarum
Indiciis, raptos saxo occultabat opaco.*

Virgil. *Aen. VIII. v. 207. sequ.* Ceterum quamvis veteres et rerum immobilium furtum fieri posse statuerent: (vid. l. 38. *D. de usurp. et usucap.* Gell. *Noct. Att. XI, 18.* Plin. *Hist. nat. II, 68.* Gronou. *Observ. I, 4. p. 42. sequ.*) incommoda tamen, nec admodum recepta est haec vocabuli notio, adeoque ab illa merito abstinemus.

§. CCCXXII.

Indire-
cte per
defrau-
dationem.

Sed et INDIRECTE interuerti potest alterius possessio, si quis verbis factisque fraudulentis efficit, ut alter possessione sua excidat, id quod DEFRAUDATIONEM vocamus. Quum ergo et hoc modo quis laedatur, nec tamen quod sibi quisque fieri non vult, id alteri facere debeat: (§. CLXXVII, 6.) per se patet, 61) non minore, quam fures vel raptores, crimine se obstringere, qui verborum insidiis alterum rebus suis emungunt, *) vel 62) termino moto, falsorum ponderum et mensurarum usu, aliisque huiusmodi factis dolosis, ex alterius patrimonio quidquam auertere non dubitant.

*) Con-

- *) Conueniunt enim haec crimina sine, dum et fur; et raptor, et defraudator id agunt, vt alios rebus suis spolient. Conueniunt caussa impulsua, puta dolo malo. Conueniunt effectu, dum omnibus his factis alius fit pauperior. Quin aliquando defraudator vel in eo fure ac raptore deterior est, quod amicos maxime sub amicitiae specie circumuenit, ac proinde multo difficilius nobis ab eo, quam a fure vel raptore, cauemus. Recte ergo haec crimina coniungit incomparabilis morum magister, Euripides in *Helena* v. 909. dum scribit: *Μισῶ ὁ θεὸς τὴν βίαν τὰ κῆλ' αὖ δὲ κῆλ' ἄσται κελεύει πάντας, ἐκ ἐς ἀρπαγὰς. ἱαλῆος δ' ὁ πλῆτος ἐς' ἀδίκος τις ὦν* Odit Deus vim, et parta labore quemlibet possidere iubet, non rapto viuere. Repudianda iniusta et turpis opulentia. Ad quam iniustam turpemque opulentiam vel maxime pertinere id omne, quo quis alios dolo malo emunxit, nemo negauerit.

§. CCCXXIII.

Postremum, quod domino in re sua competit, IUS VINDICANDI non potest non producere obligationem, REM alienam vero DOMINO RESTITVENDI. Ex ea vero colligimus, 63) vnumquemque, ad quem res aliena etiam sine crimine peruenit, operam dare debere, vt illa in domini potestatem redeat, *) adeoque 64) rem istam non occultandam celandamque, sed 65) indicium eius publice faciendum esse, vt dominus, ostensis dominii argumentis, eam repetere possit: *Deut. XXII, 1. sequ. l. 43. §. 4. D. de furt.* multoque magis 66) promptum esse debere possessorem, ad rem restituendam, si ipse dominus eam requirat, vel publice per praecorem iacturam suam denunciaret. Vbi tamen utroque casu 67) ipsa aequitas suadet, partim

Res aliena domini no restituenda.

ne illa restitutio bonae fidei possessoris impensis fiat, partim, 68) ne hic ex re aliena fiat locupletior. (§. CCCXII, 29.)

*) Attamen et haec obligatio, ad rem vero domino restituendam, non semper locum potest habere, quum aliquando ipsa *recta ratio* illam restitutionem dissuadeat, aliquando *leges civiles* possessorem ea restituendi obligatione solvant. Prioris exemplum dabit furiosus reposcens gladium, a se depositum, de quo Seneca *de Benef. III, 10*. Cicero *de offic. I, 10, III, 25*. Similia exempla attulit Ambrosius *de offic. I, ult.* Ad posteriorem exceptionem pertinet *VSUCAPIO ET PRAESCRIPTIO*. Eam enim ignorare ius naturae, tam certum videtur, quam quod certissimum. Nam tempus, quod in sola relatione consistit, dominium suapte natura nec dare cuiquam, nec adimere potest. Quumque iam supra ostenderimus, non aliter transire in alterum dominium rei nostrae, ac per traditionem: facile patet, nec quemquam sine facto domini illud acquirere, nec ipsum dominum istud sine facto suo amittere posse. Itaque legibus civilibus originem debent *vsucapio et praescriptio*, quae utramque bono publico introduxerunt, *l. 1. D. de usurp. et vsuc.* partim *ut finis esset sollicitudinis et periculi litium*, Cic. *pro Caecina. Cap. XXVI*. partim *ut homines negligentiores ad res suas eo maturius vindicandas impellerentur, si meliorem vigilantium, quam dormitantium, conditionem esse, animadverterent*. Quamvis ergo vere scripserit *Isocrates in Archidam. p. 234.* ὅτι τὰς κτήσεις, καὶ τὰς ιδίας, καὶ τὰς κοινὰς, ἢ ἐπιγένηται πολὺς χρόνος, κυρίας καὶ πατρώας ἀπαντὰς εἶναι νομίζουσιν, *possessiones siue priuatas, siue publicas, praescriptione longi temporis et confirmari, et patrimonii loco habendas esse, persuasum esse omnibus: non tamen sequitur, ut quod persuasum est pluribus, illico pro iuris naturalis praecepto habendum sit. Quod ideo monere visum est, ne quis miretur, nos in explicanda doctrina*

Ærina de dominio nullam plane vsucapionis et præscriptionis rationem habuisse.

§. CCCXXIII.

Ceterum, 69) si non adpareat, verus dominus, qui rem reposcat, illa nullius esse intelligitur; (§. CCXXXI.) ac proinde 70) merito cedit bonae fidei possessori. * (§. eod. 17.) Et quamvis ii, qui id sibi negotii credunt solum dari, vt hominum conscientias consiliis et præceptis regant, suadere soleant, vt res, quorum de dominio non constat, in pauperum vsum dispensentur: 70) non tamen ideo iniustus dici poterit, qui iure suo vsus, rem illam, moraliter dominio vacuam, sibi retinere statuit. Vid. Nic. Burgund. *ad Consu. Flandr. Lib. II. n. 1.*

Praeter-
quam si
verus
dominus
non ad-
pareat.

- *) Accedit quod solus dominus gaudet iure, alios rei suae vsu excludendi. Quum ergo dominus non adpareat: nulli alii talis excludendi facultas est, ac proinde nihil obstat, quo minus bonae fidei possessor rem sibi retineat. Enimuero quia plerisque locis res dominio vacuas alicuius momenti sibi vindicat populus vel princeps: (§. CCXXXII, 22.) per se patet, bonae fidei possessorem iis locis, vbi huiusmodi ius inoleuit, res alienas, quarum de domino non constat, offerre ciuitatum rectoribus, ab iisque *μῆνυτρον* expectare debere. Grot. *de iure belli et pac. II, 10, 11.*

CAP. XIII.

DE RERVUM, IN DOMINIO CONSTI-
TVTARVM, COMMERCIO.

§. CCCXXV.

Cur re-
bus plu-
ribus in-
digere
homines
coepe-
rint?

EX quo a communione negatiua disces-
sum, dominiumque introductum est:
homines res vtilis ita sibi vindicare coe-
perunt, vt deinceps nemini earum vsum con-
cedere cogerentur, sed eas sibi detinere, suis-
que seponere vñibus possent. (§. CCXXXVI.)
Ex eo vero id consequi oportuit, 1) vt non
eaedem omnium hominum facultates essent,
sed 2) alii quibusdam rebus abundarent, qui-
bus alii indigerent maxime: adeoque 3) alter
vel ex alterius adparatu, veleiusdem opera id,
quod sibi deerat, suppleret. Immo, quum
non omnia proferat omnis tellus: *) 4) ipsa
necessitas homines coegit, vt ea, quibus ab-
undarent, quaeque sua arte ac opera produxis-
sent, aliis indulgerent, aliaque, quibus ipsi ca-
rerent, sibi adquirerent. Quod dum fecerunt,
COMMERCIA inter se instituere dicti sunt.

*) Huc pertinet elegans obseruatio Virgilii Georg. I.
v. 54.

*Hic segetes, illic veniunt felicius vnae:
Arborej foetus alibi, atque iniussa virescunt
Gramina: nonne vides. croceos vt Tmolus odores,
India mittit ebur, molles sua tura Sabaei?
At Chalybes nudi ferrum, viro saque Pontus
Castorea, Eliadum palmas Epiros equarum?
Continuo has leges aeternaque foedera certis
Imposuit natura locis: quo tempore primum
Deucalion vacuum lapides iactauit in orbem.*

Quibus

Quibus gemina sunt, quae latius idem poeta cecinit *Lib. II. Georg. v. 109. sequ.* quaeque obseruauerunt Varro *de re rustica I, 23.* et Ouid. *de arte am. III. v. 758.* et in primis Seneca *Epist. LXXXVII.* qui, adducto illo laudato Virgilii loco ex libro georgicon secundo, addit: *Ista in regiones descripta sunt, ut necessarium mortalibus esset inter ipsos COMMERCIVM, si inuicem alius ab alio aliquid peteret.* Eadem commerciorum originem vrget Aristot. *Nicomach. V, 8. Polit. I, 6.*

§. CCCXXVI.

Iam equidem si omnes homines virtutis studio tenerentur, non esset, profecto, quod vltus inopiam metueret. Quis enim tunc dubitaret, quin ea, quibus ipse abundet, indigis liberaliter sint elargienda? (§. CCXXI, 23.) Enimuero, quum iam pridem refrixerit amicitiae amor, eoque saeculo viuamus, quo *virtus laudatur, et alget*: §) de eo commercii genere cogitandum fuit, quo alter non modo sola humanitate et beneficentia, sed perfecta obligatione, ad rerum vtilium, quibus indigemus, dominium, in nos transferendum, nosue operis suis iuuandos, obstrictus esset.

Necessitas commercii.

§. CCCXXVII.

Itaque per COMMERCIVM intelligimus communicationem rerum operarumue necessariarum atque vtilium cum aliis, earum indigis, non ex sola humanitate et beneficentia, sed ex obligatione perfecta, perfectam. Quum vero per commercia vel operae praestentur, vel dominium et possessio transferatur, ea vero obligatio nemini incio ac inuito sit extorquenda: (§. CCCXX, 59.) consequens est, 6) vt

Illud aliter institui non potuit, quam per contractus.

commercium requirat vtriusque consensum. Eum porro duorum consensum de rebus necessariis operisque, inter se non ex sola humanitate, sed ex obligatione perfecta, communicandis, quum CONTRACTVM vocare soleamus; facile intelligitur, 7) commercia non aliter, quam intervenientibus contractibus, explicari posse.*)

*) Recte hoc observavit Isocrat. *Except. advers. Callimach.* p. 742. Σύνθηκαί τοι σάυην ἔχῃσι δύναμιν, ὥς τὰ πλεῖστα τῷ εἶς καὶ τοῖς ἑλλήσι, καὶ τοῖς βαρβάροις, διὰ συνθηκῶν εἶναι. ταύταις γὰρ πιστεύοντες, ὡς ἀλλήλους ἀφικνούμεθα, καὶ ποριζόμεθα, ὧν ἕκαστοι τυγχάνομεν δεόμενοι· μετὰ τῶν καὶ τὰ συμβόλαια τὰ πρὸς ἡμᾶς αὐτοὺς πορεύμεθα, καὶ τὰς ἰδίας ἔχθρας, καὶ τὰς κοινὰς πολέμους διαλυόμεθα· τῶν μόνων κοινῶ πάντες ἄνθρωποι διατελῶμεν χρώμενοι. *In pactis tanta vis est, ut pleraeque res tum Graecorum, tum barbarorum, ex pacis et conventus transigantur. His enim freti convenimus, et COMMERCIA agitantur. Per haec inter nos contrahimus: per haec cum priuatas inimicitias, tum communia bella, componimus. Hoc vno, tamquam communi bono, homines omnes uti non desistimus.*

§. CCCXXVIII.

Eorum
plerique
rerum
opera-
rumque
pretium
ponunt.

Quum ergo commercia in communicatio-
ne rerum operarumque necessariorum cum aliis,
earum indigis, consistant, eaque communicatio
non ex sola humanitate et beneficentia, sed
ex iure perfecto proficiscatur: (§. CCCXXVII.)
8) rarius perfecto continget, ut quis res ope-
rasque suas cum aliis gratis communicare vel
possit, vel velit, sed unusquisque potius 9)
aliquid sibi ab altero rependi velit, quod ipsi
tan-

tantumdem videatur, ac res, vel opera, cum illo communicanda. Itaque 10) qui res suas operasue inter se commutare volunt, non possunt non eas inter se comparare, eaque comparatio 11) non aliter fieri potest, quam quantitate, per quam aequalitas obtineretur, rebus operisue singulis attributa. Quumque quantitas illa rebus operisue attributa, secundum quam illae inter se comparari possunt, sit PRETIUM: consequens est, 12) ut commercia et contractus plerique sine rerum pretio vix intelligantur. *)

- *) Hinc eleganter Graeci non modo pacta et contractus, verum etiam commercia vocarunt *συμβολαίς, σύμβολα, συμβόλαια* et *συμβόλαια κοινωνικά, ἀπὸ τῆς συμβάλλειν*, a comparando vel conferendo. Qui enim res operasue inter se commutaturi sunt, ii eas inter se comparant, dum suae quisque rei vel operae certam quantitatem tribuit, atque ita reperit rationem vel proportionem, quam inter se habeant. Sic e. g. si ponamus, rationem auri ad argentum esse vdecuplam: utrique metallo tribuimus quantitatem moralem vel pretium. Eoque facto nihil facilius est, quam metalla ista inter se, seruata aequalitate commutare. Ceterum plerosque, non omnes contractus rerum pretium ponere dicimus. Sunt enim quidam gratuiti: ac proinde recte contractus diuiduntur in ONEROSOS, quando aequale vtriusque onus est, BENEFICOS, vbi alter alteri se ad aliquid gratis praestandum obstringit, et ALEAM CONTINENTES, in quibus ita dominatur fortuna, ut quod praestatur, alter modo gratis, modo titulo oneroso accipiat.

§. CCCXXVIII.

Quod
est vel
vulgare,
vel emi-
nens.

Comparatio illa instituitur vel inter res operasque singulas: vel adsumitur communis quaedam mensura, quacum reliquae res operaeque omnes comparantur. Si prius fit: 13) inde oritur *PRETIUM VULGARE*, quod singulis rebus operisque tribuimus. Sin posterius: 14) *PRETIUM* hoc vocatur *EMINENS*, quia illo omnia, quae in commercio sunt, tamquam communi quadam mensura, aestimamus: *) quale apud nos est pecunia. In utroque vero 15) procul dubio requiritur aequalitas rei operaeque et pretii.

- *) Hinc recte Aristoteles *Nicom. VIII, 1*. numum definit: κοινὸν μέτρον, πρὸς ὃ δὴ πάντα ἀναφέρεται, καὶ ᾧ μετρεῖται· communem mensuram, ad quam omnia referuntur, quaque mensurantur omnia. Vnde recte numo omnia venalia esse dicuntur, quaecumque sunt in commercio. Id tantum reprehensione dignum, quod homines et ea, quae non sunt in commercio, numis aestimare et vendere solent, veluti iustitiam, pudicitiam, ipsamque conscientiam. Et hoc ipsum est, in quod inuehuntur poetae, Horat. *Serm. II, 3. v. 94.*

Omni enim res,

*Virtus, fama, decus, diuina humanaque, pulcris
Diuitiis parent: quas qui construxerit, ille
Clarus erit, fortis, iustus, sapiensae etiam, et rex,
Et quidquid volet.*

Propert. III, 10.

*Aurea nunc vere sunt saecula, plurimus auro
Venit bonos, auro conciliatur amor.*

*Auro pulsa fides, auro venalia iura,
Aurum lex sequitur, mox sine lege pudor.*

Similia passim apud veteres, veluti apud Petron. *Satyr. Cap. CXXXVII.* et olim apud Menandrum, cuius elegantissima haec superest sententia de diuite:

Εὐξαι

ἔϋξαι ὃ, τι βάλεις, πάντα σοὶ γενήσεται,
 ἄγροί, οἰκίαι, θεράποντες, ἀργυρέματα,
 φίλοι, δικασαί, μάρτυρες, μόνον διδῶ.
 Αὐτὸς γὰρ ἔξεις τὰς θεὰς ὑπηρέτας.

*Opta modo, quidquid volueris: omnia euenient:
 Ager, domus, medici, supellex argentea,
 Amici, iudices, testes: dederis modo.
 Quin et deos ipsos ministros facile habebis.*

§. CCCXXX.

Et initio quidem pretium tantum VVLGARE hominibus innotuisse, vel inde patet, quod eminens sine plurium consensu constitui non potuit. At vulgare quisque rebus operisque suis suo arbitrato imposuit. Quum tamen id eo fine ac consilio fiat, vt illis quisque ea, quae sibi defunt, comparare possit: (§. CCCXXV, 3.) consequens est, 15) vt in imponendo rebus operisque pretio ratio habenda sit aliorum, a quibus aliquid acquirere cupimus, adeoque 16) tanti aestimanda sit res operae nostra, vt, hos eas tanto pretio comparare sibi velle, probabile sit. *)

Quomodo vulgare definiendum sit?

- *) Nam si fingamus, Arabes rus et aromata sua tanti aestimare, vt pro centenis frumenti medimnis non nisi vnam drachmam dare velint: nec ipsi pro ture et aromatibus frumentum accipient, quia nemo erit, qui conditione tam iniqua frumentum permutare velit: nec alii sibi comparare poterunt aromata, adeoque impediuntur hoc modo commercia, quorum tamen caussa inuentum est rerum operarumque pretium. Quum ergo talia oporteat esse media, qualis est finis; consequens est, vt pretium ita definiendum sit, vt commercia intercedere possint inter homines, adeoque in illo constituendo ratio haberi debeat aliorum, a quibus et ipsi aliquid acquirere volumus.

§. CCCXXXI.

§. CCCXXXI.

Qua-
rumnam
circum-
stantia-
rum in
eo defi-
niendo
habenda
sit ratio?

Quum itaque tanti aestimandae sint res ope-
raeque nostrae, quanti eas alterum, a quo
quid adquirere cupimus, sibi comparaturum,
probabile est: (§. CCCXXX, 16.) facile vnus-
quisque intelligit, 17) pretium rerum aliquan-
do intendere alterius necessitatem et indigen-
tiam,* 18) aliquando rei ipsius raritatem: im-
mo 19) rationem etiam habendam esse artifi-
cii, 20) ipsius rei praestantiae, 21) operae et
expensarum, in illam factarum, 22) periculi,
eius caussa subeundi, 23) denique eorum, qui
re vel opera indigent, multitudinis, vel pau-
citatís, aliarumque eiusdem generis *περίστασις*.

- *) Verum quidem est, non ea semper, quae maxime
necessaria sunt, maximi pretii haberi, rem ita di-
rigente diuina prouidentia, vt illa, quibus non fa-
cile caremus, vbique obuia sint, et illa tantum,
quae nec corpus, nec natura desiderat, difficilior
rariusque reperiuntur, vti recte philosophatur Vi-
truu. *Architect. VIII. praef.* Attamen si necessitas
cum inopia coniuncta est, e.g. si magna vbique est
frugum sterilitas, pretium earum magis magisque
intendi, ipsa satis docet experientia. Ac proinde
tunc vere euenit, quod ait Quintilianus *Declam.*
XII: In magna inopia, quidquid emi potest, vile
est. Exemplum insigne vidit Aegyptus in septennali
illa sterilitate *Genes. XXXVII, 14. sequ.*

§. CCCXXXII.

Quid
pretium
adfectio-
nis?

Obuerti nobis posset, solere homines suis
rebus attribuere premium immensum, vel mul-
to maius certe, quam quo alter sibi illas com-
parare velit, siue auctor illas faciat pretiosas,
siue raritas, siue factum insigne, quod illae no-
bis reuocant in memoriam. Enimuero quum

nos

nos iam de officiis, in commercio obseruandis, agamus, in hoc vero pretii illius ordinarie non habeatur ratio, sed tantum in damnis refarciendis: * (§. CCXII, 125.) facile intelliges, 24) cur id pretium regulam nostram non euer-
tat.

- *) Adfectio enim ista ita comparata est, vt in alterum transire nequeat, adeoque et nihil hunc mouere possit, cur rem illam sibi ideo maiore pretio comparare velit, quod ea possessori iucundum quid in memoriam reuocarit. Sed id ordinarie tantum verum est. Alioquin enim contingit aliquando, vt in commercio ne id quidem, pretium plane insuper habeatur, 1) si communis sit rei adfectio ob auctorem vel artificem, a quo confecta est, vel ob insignem raritatem vel pulchritudinem: Hinc Phidiae signum vel elaboratior Apellis vel Parrhasii tabula, quia omnium adfectionem mereri videbantur, maiori, quam vulgari, pretio venibant. 2) Si maior sit adquirentis, quam possidentis adfectio, e. g. si res mea alterius rem insigniter red-
dere possit meliorem, ac proinde is optet, vti ille apud Horat. *Serm. II, 6.*

O si angulus ille

Proximus accedat, qui nunc denormat agellum!

§. CCCXXXIII.

Quum vero commercia ideo inter homines instituantur, vt alter ex alterius adparatu, vel eiusdem opera, id, quod sibi deest, suppleat, (§. CCXXVI, 3.) et pretium quoque non ob aliam causam excogitarint homines, quam vt in commutandis rebus ac operis aequalitas obtineretur: (§. CCCXXVIII, 11.) non potuit non saepius contingere, 25) vt nec semper alteri superesset, quod deesset alteri, et 26) saepe alter id, quod alter dare vellet, adspernaretur,

Cur pre-
tium
eminens
inuen-
tum?

retur, et 27) ipsarum rerum, quas inter se permutare vellent, tam lubrica atque incerta esset aestimatio, vt non posset non alteruter damni incurrere periculum, quin et 28) aliquando ipsae res commutandae tam magnae molis essent, vt nec commode in loca diffita transferri, nec in itinere commode custodiri possent. Quae incommoda, quum aliter euitari non possent: 29) ipsa demum necessitas inuexit pretium aliquod eminens, quod et recipere-tur ab omnibus, et in quo mutua inter rem et pretium relatio facillime posset reperiri. *)

*) Id ipsum obseruauit Paullus IC. l. 1. pr. D. de contr. emt. dum emtionis venditionis originem ita describit: *Origo emendi vendendique a permutationibus coepit. Olim enim non ita erat numus, neque aliud merx, aliud pretium: sed unusquisque secundum necessitatem temporum ac rerum utilibus inutilia permutabat, quando plerumque euenit, vt, quod alteri superest, alteri desit. Sed quia non semper et facile conueniebat, vt, quum tu haberes, quod ego desiderarem, inuicem haberem, quod tu accipere velles: electa materia est, cuius publica ac perpetua aestimatio difficultatibus permutationum aequalitate quantitatis subueniret, eaque materia, forma publica percussa usum dominiumque non tam ex substantia praebet, quam ex quantitate, nec ultra MERX vtrumque, sed alterum PRETIUM vocatur. Similia habet Aristotel. Ethic. ad Nicom. V, 8. et Pol. I, 6. quae loca erudite exposuit Iac. Perizon. de aere graui §. II. p. 6. sequ. quemadmodum Paulli testimonium Duaren. Disp. anniuers. I, 6.*

§. CCCXXXIII.

Eius re-
quisita.

Idem finis numi, vel pretii eminentis, id exegit, 30) vt materia, nec nimis rara, 31) nec vulgo obuia, 32) nec vsu ac pretio destituta, *)
nec

nec 33) difficulter in quasuis partes diuisibilis, 34) nec iusto fragilior, 35) nec quae difficilior custodiri, vel 36) aegre in quemuis locum transferri posset, eligeretur: quia si rara nimis esset, non sufficeret hominibus: si vulgo obuia, nullius pretii esset: si pretio destitueretur, non reciperetur ab omnibus: si non in quasuis aequales partes diuidi posset, non obtineretur in commercio aequalitas: si fragilior esset, vel vsu detereretur, possessores paulatim redderentur pauperiores: denique si nec commode custodiretur, et difficulter in quemuis locum transferretur, idem maneret incommodum, quod commercia ante inuentum numi vsu difficiliora reddidisse, diximus. (§. CCCXXXIII.)

*) Quare recte obseruanit Aristoteles *Nicomacheor. V*, 8. numum esse *δῖον ἐγγυητὴν, καὶ δὲν τὸ νόμισμα Φίρονι εἶναι λαβεῖν*, veluti fideiussorem, quem qui secum ferat, quacuis venalia accipere posset. Hinc vero praeclare colligit Pufendorff. *de iure nat. et gent. V*, 1, 13. uti nemo fideiussorem accipiat, nisi virum spectatae fidei, et locupletem, in vili autem homine parum cautionis esse putetur: ita pro re ubique occurrente, puta pro manipulo terrae aut arenae, neminem rem suam permutaturum, quae ipsi magno labore ac industria fuerit comparata.

§. CCCXXXV.

Quae virtutes omnes, quum in nullam aliam materiam, quam in metalla pretiosiora, cadant, puta aurum argentum, et aes: 37) haec metalla huic vsui adhiberi, et inde 38) numeros variae quantitatis ac ponderis cudi, ple-
Cur ad id adhibita metalla nobiliora?

S visum

visum est. Quin 39) si quibus alii materiae qualicumque pretium aliquod eminens attribueretur placuit: *) id, vel urgente necessitate et pecuniae inopia, factum est, eo consilio, ut ciues, defuncti periculo, pro pecunia illa *συνεολικῇ* solidum numum reciperent, vel 40) pecunia ista tantum in vna gente functa est pretii eminentis vice, nec commerciiis, inter plures diuerfasque gentes conciliandis, fuit idonea.

- *) Sic Carthaginensibus pro numo erat nescio quid, pelliculae exiguae illigatum, et publice obsignatum, Aeschin. *dial. de diuit. Cap. XXIII. p. 78. edit. Petri Horrei.* Lacedaemoniis pondus ferri, et quidem inutilis. Idem *ibid. p. 80.* Plutarch. *Lycurg. p. 51.* Aliis gentibus pro auro, argento et aere conchas, Leo Afr. *Lib. VII.* aliis grana et baccas, aliis massas salis, adhibere placuit. Pufendorf. *de iure nat. et gent. V, 1, 13.* De corio, papiro, plumbo, aliisque rebus, in calamitate publica, maxime obsecsis vrbibus, pro pecunia expensis, ut recentiora, nostrique aevi exempla praetermittamus, videndus Polyæn. *Strategem. III, 10, 1. et ibi Masuic. p. 274.* Sen. *de benef. V, 14.* Enimvero, uti quisquillae illae, quibus barbari pro numis vtuntur, non nisi minutis commerciiis inter ciues eiusdem reipublicae explicandis idoneae sunt: ita moneta *συνεολικῇ*, in calamitate publica adhibita, vere est loco tesserarum, vel chirographarum, quae summi imperantes, defuncti periculo, parata pecunia se redempturos, pollicentur. Ita enim apud Polyænum Timotheus persuasit mercatoribus, ut ipsius sigillo pro numismate vterentur, *ἀπαλλασσομένους δὲ τὴν σφραγίδα καὶ τὸ ἀργύριον λαμβάνειν, et ut reddentes sigillum, argentum reciperent.*

§. CCCXXXVI.

Quamvis vero pretium numi definire sit
 summi imperantis, ceu infra suo loco pluribus
 demonstrabimus: tamen, vti in pretio vulgari
 ratio habenda est aliorum, a quibus quid ad-
 quirere cupimus, (§. CCCXXX, 15.) ita facile
 patet, 41) pecuniae quoque tale adsignandum
 esse pretium, quod alias gentes, quibuscum
 nobis commercia sunt, non adspernaturas,
 probabile est, adeoque 42) sequendam esse
 rationem vnus metalli ad aliud, quam plerae-
 que gentes vicinae cultiores probare solent,
 nisi vel alios detertere, quo minus nobiscum
 commercium habere audeant, vel ipsi insigne
 detrimentum pati velimus. *)

Quan-
 tum pre-
 tii sta-
 tuen-
 dum sit
 numis?

- *) Si enim numis nostris pretium iusto maius statui-
 mus, aut exteri nobiscum commercii quid habere
 dubitabunt, aut mercium suarum pretium, pro
 ratione valoris interni monetae nostrae, inten-
 dent. Sin minore pretio numos nostros expendi-
 mus, quam gentes vicinae: nihil certius contin-
 get, quam vt numi nostri probi ad vicinos migrent,
 eorumque loco iactentur improbi et viliores, vt
 nemo nesciat, quantum habeat. Hinc quum apud
 plerasque gentes moratiores pro ratione temporum
 aurum ad argentum modo esset in proportionem duo-
 decupla, modo vndecupla, modo decupla, ali-
 quando etiam auri pretium vel intenderetur, vel
 minueretur: (Vid. dissert. nostr. de reduct. monet.
 ad iust. pret. §. XXIII. sequ.) fieri non potuit, quin
 detrimentum insigne caperent Arabes, qui pro ae-
 re et ferro teste Diodoro Sic. *Biblioth. III, 45.* ae-
 quale pondus auri, vel, vt Strabo *Geogr. XVI.*
p. 1124. edit. nouiss. refert pro aere triplum, pro
 ferro duplum, pro argento decuplum auri pondus
 rependebant, *διὰ τὴν ἀπερίαν τῆς ἰσχυρίας,*

καὶ τὴν σπάνιν τῶν ἀντιλαμβανομένων, ὧν ἡ
 χρεία πρὸς τὰς εἰς ἀναγκαιοτέρα, tum propter
 operandi inscitiam, tum quod indigerent iis, quae
 contra accipiebant, quorumque usus magis videba-
 tur ad vitam necessarius. De Peruvianis suis simi-
 le quid refert Ynca Garcillaf. de la Vega dans l'
 histoire des Yncas V, 4. p. 425.

§. CCCXXXVII.

Contra-
 ctuum
 ante in-
 ventum
 numum
 antiquis-
 simus
 permuta-
 tio.

Iam ut ad CONTRACTVS, quibus interuenien-
 tibus commercia explicantur, (§. CCCXXXVII,
 7.) perueniamus: facile vnusquisque intelli-
 git, 43) alios NONDUM INVENTO PRETIO EMI-
 NENTE, et quum solum adhuc obtineret pre-
 tium vulgare, locum habuisse; (§. CCCXXX.)
 alios, INVENTO demum NUMO; alios tum ANTE
 INVECTAM PECUNIAM, tum ea iam INVECTA, in-
 notuisse. Inter eos, qui nondum inuento pre-
 tio eminente locum habuerunt, familiam vel-
 uti ducit PERMUTATIO. Initio enim 44) non
 aliter, quam vice rerum, commercia excerce-
 bant mortales, seu merces suas operasue inter
 se permutabant, ac proinde 45) permutatio-
 nes sunt genus contractuum antiquissimum,
 quod 46) et multo post retinere gentes om-
 nes, non modo quae auro, argento, aeri
 nullum statuerunt pretium, *) sed et quae iam
 pridem pecuniae usum habuerunt.

*) Id de maioribus nostris refert Tacitus *de morib.
 Germ. Cap. V.* qui tamen obseruat, iam suo tem-
 pore Germanos, Romanis prouinciis viciniore, ali-
 quam pecuniae cupiditatem concepisse. Idem de
 Scythiis memoriae prodidit Iustinus *Hist. II, 2.*
 de Sararchis, Scythiae Europaeae populo, Pompon.
 Mela *de situ orbis II, 1.* de Hispanis Strabo *Geogr.*
III. p. 232. Sed et hodie idem institutum seruant
 Lapo-

Laponès, Samoiedae, populiue Asiae, Africae et Americae quam plurimi, idque de populis barbaris eo minus mirandum, quod et inuento pridem numo, et Graeci et Romani diutissime non alio contractu, quam permutatione, vterentur. De Graecis notissimum est exemplum apud Homerum *Iliad.* 7. v. 482. de Romanis videndus Plinius *Hist. nat.* XVIII, 3. XXXIII, 1.

§. CCCXXXVIII.

Est ergo PERMUTATIO rei nostrae pro re alterius datio. Quod quum dupliciter fieri possit, primum, ut neutra res aestimetur certumue ei statuatur pretium: deinde ut vtriusque pretii ineatur ratio: sequitur, 47) ut permutatio prior recte vocetur SIMPLEX, posterior AESTIMATORIA, et hinc 48) illa donationi reciprocae; haec 49) emtioni venditioni quodammodo similis sit, l. 1. C. de perm. l. 1. §. 1. D. de contr. emt. quamuis, 50) priorem ideo diuersum a permutatione negotium esse, statuatur Pufend. de offic. hom. et ciu. I, 15, 8. quod in ea, ut aequalitas obseruetur, necessum non sit: quum tamen 51) nec in permutatione simplici obseruanda sit aequalitas. *)

Quid et
quotu-
plex per-
mutatio?

- *) In hac enim vterque contrahentium rem non suam, sed alienam; non iusto, quod alii statuerent, pretio, sed ex adfectione sua, aestimat, adeoque nulla est rerum, sed adfectionis tantum, aequalitas. Quoties enim maior est adquirentis, quam possidentis, adfectio, toties et in commerciis rationem haberi pretii adfectionis, diximus (§. CCCXXXII, * 2.) Exemplo esse potest commercium Glauci et Diomedis apud Homer. *Iliad.* β. v. 236. permutantium arma armis,

Χρύσεια χαλκείων, ἐκατόμβηι ἐννεαβόων.
Aurea aereis, centena nouennariis.

De qua permutatione eleganter Maximus Tyrius *Dissert. Plat. XXIII.* Οὐδὲν γὰρ οὗτος τῷ λαβόν-
 τινι χρυσὸς πλέον, οὔτε τῷ ἀλλαξαμένῳ ὁ χαλ-
 κὸς ἑλαττον ἀλλὰ ἀμφοτέρω καλῶς ἔχει
 ἐκάτερα ἐν τῷ ἀνίσῳ τῆς ὕλης, ἰσοσασίῳ τῇ
 γνώμῃ δοθέντα. Neque plus habuit, qui aurum ac-
 cepit, neque minus, cui aes traditum est. Verum
 cum utroque praeclare actum: quum illa materiae
 inaequalitas aequalitate propositi, quo alter dedit
 alteri, compensata esset.

§. CCCXXXVIII.

Quid ius-
 sum cir-
 ca per-
 mutatio-
 nem
 simpli-
 cem?

Quia ergo permutatio SIMPLEX donationi
 reciprocae quodammodo similis, nec in ea
 necessario obseruanda est aequalitas: (§.
 CCCXXXVIII, 47. § 1.) facile intelligitur, § 2)
 neutrum contrahentium de laesione conqueri
 posse, nisi § 3) alterius vis, vel dolus, accesserit,
 (§. CCCXXII, 61. CCCXXI.) nec § 4) ob lae-
 sionem irritum esse contractum, praeterquam
 si is, qui rem pretiosiore viliore permutat,
 non gaudeat libera de rebus suis disponendi fa-
 cultate, (§. CCCXVII. sequ.) si vel maxime
 § 5) res ipsa, quam quis hoc modo iactauit, ita
 sit comparata, vt non sine turpitudine possit
 alienari, nisi forte § 6) in pari turpitudine ipse
 quoque accipiens versetur. *)

- *) Hinc dubitari posset, an in foro rata futura fuisset
 permutatio Iacobi et Esau, quorum hic πρωτο-
 τόκις, seu primogeniturae iura, pro pulte turpiter
 vendidit. *Genes. XXV, 29. sequ.* Quamuis enim repre-
 hensione dignissimus sit Esauus, qui praerogatiuam,
 sibi a Deo O. M. concessam, flocci fecit, ac ille
 proinde ab Apostolo iure vocetur βέβηλος,
Hebr. XII. 6. tamen non minus turpiter egisse di-
 xeris Iacobum, qui ex fame fratris fructum captu-
 rus,

rus, eum hoc insigni iure defraudauit. (§. CCCXXII, 61.) Quod enim Esauus sine crimine vendere non potuit, id nec sine noxa a fratre emere potuit frater, cuius potius erat fratrem ab ea stultitia absterre, non eius abuti stultitia. Sed multa eius generis ob rationem typicam admiranda sunt, quae, si ad regulas rectae rationis exigantur, vix defendas.

§. CCCXXXX.

Contra ea, quod ad AESTIMATORIAM attinet permutationem, quum in ea vtriusque pretii ratio ineatur, (§. CCCXXXVIII.) fieri non potest, 57) quin vtrimque obseruanda sit aequalitas, et 58) neuter alterum laedere debeat, neque adeo 59) rata sit permutatio, si alteruter circumuentus sit, nisi 60) tam leuis momenti sit laesio, nulla vt eius ratio habenda videatur. *)

Quid
circa aesti-
matoria-
m?

*) Pretium enim rerum *vulgare* est duplex, LEGITIMUM alterum, alterum CONVENTIONALE, quorum illud lege vel superiorum arbitratu, hoc conuentione vel consensu contrahentium definitur. Quum ergo illud certum sit, et veluti in puncto consistat, hoc, tamquam incertum, latitudinem aliquam admittat: priore casu laesus ille recte intelligitur, qui vel minimam partem pretii saluam non habet, posteriore alicuius momenti esse oportet damnum, ob quod negotium subsistere non debeat in foro humano. *Quid enim interest*, inquit Seneca *de benefic. VI, 15. quanti sit res, quum de pretio inter euentem et vendentem conuenerit? Pretium cuiusque rei pro tempore est. Quum bene ista laudaueris, tanti sunt, quanto plaris venire non possunt. Hinc in ciuitatibus animaduertimus, tantum ob laesionem enormem, qualis iure Romano est, quo contrahens ultra dimidium pretii laeditur, contractus rescindi. l. 2. C. de resc. vendit.*

S 4 §. CCCXXXVI.

§. CCCXXXI.

Contra-
ctus do,
vt facias,
facio, vt
des, et
facio, vt
facias.

At 61) non res tantum permutabant homines: sed et operas vel pro operis, vel pro aliis rebus, siue promittebant, siue sibi stipulabantur. Vnde 62) nati contractus DO VT FACIAS, FACIO VT DES, FACIO VT FACIAS, quorum eadem est natura atque indoles, ac permutationis, vt adeo 63) dubitari non possit, quin et hi sint vel SIMPLICES vel AESTIMATORII, (§. CCCXXXVIII.) et hinc 64) omnia, quae de permutatione SIMPLICE et AESTIMATORIA diximus, (§. CCCXXXVIII. sequ.) etiam de hisce contractibus sint obseruanda. Aut enim operae ad rem operasue alterius certo aestimantur pretio: quod negotium *pañum reddendae vicissitudinis* non ineleganter vocat Ammian. Marcell. *Hist. XVI, 10.* aut sine aestimatione rei operarumue aliquid pro re vel opera fit daturae. *) Vbi 65) priore casu seruanda aequalitas, et damnum alicuius momenti refarciendum est: 66) posteriore omnis querela de laesione quantacumque merito cessat.

- *) Tale fuit promissum Agamemnonis apud Homerum *Iliad. Lib. X. v. 120. sequ.* qui Achillem Briseidis iactura offensum placaturus, eius operas contra Troianos redimere volebat oblati septem tripodibus, decem auri talentis, lebetibus viginti, duodecim generosissimis equis, septem feminis pulcherrimis, inter quas et Briseis, vi abducta, addito promisso, deleta Troia, Achillem non modo praedae maximam partem aueturum, sed et vnam ex filiabus, quam ipse electurus esset, vxorem ducturum, cum dote septem vrbiū. Ex quo patet, saepe aliquem sibi stipulatum ab altero esse operas inaeestimabiles, et pro iis promississe, quid

quid alteri quam gratissimum fore existimaret, nulla habita ratione aequalitatis.

§. CCCXXXII.

Sunt et alii contractus, quibus ante numum Contra-
ctus
commo-
dati. inuentum commercia explicari potuerunt, nimirum omnes gratuiti, quibus id egerunt homines, vt quae sibi iure imperfecto, vel ex amore humanitatis et beneficentiae, debebantur, in posterum iure perfecto deberentur. Talis est contractus COMMODATI. Quum enim ad officiositatem obstricti simus: (§. CCXXVIII, 48.) obstricti etiam sumus, ad rei nostrae non fungibilis vsum alteri, qui eo indiget, cum obligatione restitutionis praestandum, id est, ad rem COMMODANDAM. *) Quum vero, refrigescente amore, sperari vix queat, alterum id sua sponte facturum: (§. CCCXXVI.) 67) ipsa necessitas homines adegit ad inueniendum contractum, quo alii ad rei suae vsum iis hoc modo praestandum iure perfecto obligarentur.

- *) Itaque COMMODATVM nobis est obligatio perfecta ad vsum rei nostrae, alteri sub conditione restitutionis in specie gratis praestandum. Ex eoque patet, iure naturali commodatum vix differre a precario, inter quae tamen iure civili aliqua differentia est. Facile etiam inde decidi poterit quaestio, vtrum commodatum a solo contrahentium consensu, an a rei traditione suam substantiam capiat? Quamuis enim iure naturali et solus consensus de vsum, rei alteri praestando, obliget: (§. CCCXXVII, 6.) nondum tamen *commodatum* est, quia is, cui hoc promissum ad rem, quam nondum accepit, in specie restituendam nondum est obligatus, sed *pactum de commodando*. Inter haec vero re ipsa discrimen esse, vel inde patet, quod ex *commodato* obligatur commodatarius ad rem restituendam,

ex pacto autem de commodando promittens vel commodaturus, ad rei usum praestandum, adeoque diuersae obligationes ex illis negotiis nascuntur.

§. CCCXXXIII.

Officia
commodatarii.

Quia ergo gratis, at sub conditione eam in specie restituendi, rei usus praestatur: (§. CCCXXXII. *) commodatarii est, 68) rem non modo non aliis usibus, quam ad quos eam concessit dominus, adhibere, sed et 69) eamdem summa cum sollicitudine ac diligentia seruare: ac proinde 70) usu finito, vel domino eam reuocante, eam in specie reddere, simulque 71) omne damnum, culpa sua datum refarcire, 72) non autem praestare casum fortuitum, nisi illum ultro in se receperit: * (§. CVI, 27.) nec 73) impensas in eam factas repetere, nisi tantae sint, vt mercedem, pro ea locata soluendam, excedant.

*) Primus equidem Grotius de iure belli et pac. II, 12, 13. distinguit, res ne apud dominum similiter peritura fuisset, an non, et posteriore saltem casu damnum a commodatario ferendum esse, existimat, cuius sententiam etiam sequuntur Pufend. de iure nat. et gent. V, 4, 6. et Mornac. ad l. 1. C. commod. Enimuero, quum casus fortuiti et euentus, a sola prouidentia diuina profecti, nemini imputentur: (§. CVI, 27.) ii sane nec commodatario imputari possunt. Nec obstat lex diuina Exod. XXII, 14. sequ. Neque enim illa aliter intelligi potest, quam de culpa commodatarii interueniente. Vid. Io. Clerici Comment. in Exod. p. 110.

§. CCCXXXIII.

Contractus depositi.

Deinde humanitatis amor vnumquemque obligat, vt alterius res pro virili sua parte seruare

uare studeat. (§. CCXVI, 4.) Quum vero et id tantum ab altero iure imperfecto exigere possimus: 74) saepe nostra interest, vt rerum nostrarum, apud alios depositarum, custodiam, ex obligatione perfecta praestandam, nobis stipulemur: eoque consilio 75) inuentus est contractus DEPOSITI, per quem intelligimus obligationem perfectam ad res nostras, depositarii fidei commissas, gratis custodiendas, et, quandocumque nobis placuerit, in specie restituendas. *)

- *) Eo contractu veteres nihil habuere sanctius, quia deponens summam fiduciam in depositarii fide ac diligentia collocat, nihilque excogitari potest, turpius, quam amicum ab amico amicitiae obtentu falli ac decipi. (§. CCCXXII, *) Hinc insignis depositi religio non modo apud Hebraeos, de quibus *Exod. XXII, 7. sequ.* et Ioseph. *Antiqu. Iud. III, 8, 38.* verum etiam apud Graecos, et reliquos paganos, ceu docet exemplum Glauci apud Herodotum VI, 87. et Iuuenalem *sat. XIII.* qui ideo *v. 15. sacrum* vocat *depositum*. Hinc non mirum, dira quaeuis veteres praedixisse illis, qui depositum abnegare non dubitent, quin et eosdem infamia notasse, nec minore poena, quam fures, dignos iudicasse. Quaedam hanc in rem dicere meminimus Gundlingium in *Gundlingianis Part. II. diff. VIII.*

§. CCCXXXV.

Ex illa vero DEPOSITI definitione (§. Officia CCCXXXIII, 75.) patet, 76) depositarium depositarii teneri ad accuratam rei depositae custodiam: nec 77) eam vel inuolucro aut vinculis exuere, vel 78) sine domini consensu vsibus suis adhibere posse: 79) re vero consentiente domino mota, depositum in aliud contractus genus, veluti

veluti in mutuum, vel commodatum transire. Denique 80) depositarium obligatum esse ad rem domino, quodcumque illam reposcit, restituendam, nisi aliud suadeat recta ratio: (§. CCCXXIII. *) ac proinde 81) non modo ad aestimationem praestandam, verum etiam in poenam merito condemnandum esse, qui depositum, in primis miserabile, *) sciens, dolo malo, abnegauerit.

*) Quia enim in imputatione ratio habetur circumstantiarum: (§. CXIII, 52.) merito hoc facinus tanto deterius habetur, quo inhumanior ille dicendus est, qui non modo conceptam de se spem amici turpiter destituit, et amicum sub amicitiae et fidei obtentu decipit, (§. CCCXXII, *) verum etiam afflicto addere afflictionem non dubitat. Et hoc ipsum grauius urget Hecuba aduersus Polydorem, qui, Ilio exciso, Polydorum, Priami filium, occiderat, ut auro deposito potiretur. Vid. Eurip. *Hecub.* v. 1210. *sequ.*

§. CCCXXXVI.

Contra-
ctus
mandati
et nego-
tiorum
gestio-
nis.

Denique idem humanitatis amor merito impellere vnumquemque deberet, ut alterum, non minus, ac seipsum, ope iuaret. (§. CCXVI, 4.) Quum verò ne id quidem certo ab altero expectare liceat: 82) opus fuit contractu, quo illum perfecte obligaremus ad negotia nostra, quae ipsi commisimus, gratis et diligenter expedienda. *) Quem contractum 83) MANDATVM vocari videmus, quemadmodum 84) is, qui negotia, sibi non commissa, ignorante domino, gratis vltroque expedit, NEGOTIA GERERE dicitur.

*) Vera

- *) Vera ergo ac solida est obſervatio Noodtii *Probabil. I, 12*. mandatum olim non perfectam produxiſſe obligationem, ſed ex amicitiae humanitatisque legibus obſtrictum fuiſſe mandatarium, ad negotia, ſuae fidei commiſſa, diligenter curanda: eius autem fidei ſymbolum fuiſſe *manus dationem*, qua alter alteri rem committere ſolebat. Vnde et ipſum contractum MANDATI nomen accepiſſe, probabile eſt. Iſidor. *Orig. IIII, 4*. Exempla oblatae mandataris dextrae dabunt Plaut. *Captiv. II, 3, 82*. vbi adoleſcens:

Haec per DEXTRAM tuam, te DEXTERA retinens manu,

Obſecro, infidelior mihi ne ſuas, quam ego ſum tibi.

Et Terent. *Heaut. III 1. v. 84*.

Cedo DEXTERAM: porro te idem oro, ut facias, Chreme.

Olim ergo totum hoc negotium ſolo pudore magis, quam legibus, continebatur, donec, tepeſcente paullatim caritate, ipſa neceſſitas ſuaaderet, ut in contractum deduceretur hoc negotium, et ſic mandatario perfecta imponeretur negotium diligenter expediendi obligatio. Quod et de reliquis contractibus gratuitis eſt obſervandum.

§. CCCXXXXVII

Quum ergo mandatarius negotium alienum, fidei ſuae COMMIſſVM, ſuſcipiat, (§. CCCXXXXVI, 82.) quid vero, et quantum alii committere quis velit, in dominii arbitrio poſitum ſit: facile patet, 85) mandantem vel certis limitibus circumſcribere mandatarium, vel 86) ei liberam poteſtatem, omnia ſuo arbitratu agendi, dare, vel ſaltim 87) per modum conſilii ei ſuggerere poſſe, quid fieri velit. Vbi 88) primo caſu mandatarium fines mandati tranſſilire non poſſe, 89) altero eundem

Mandatarii officia.

dem dolum tantum praestare, 90) tertio vero mandatum etiam per aequipollens recte expedire, nemo est, quin intelligat. Sed et 91) omnibus his casibus mandatarius ad rationes administrationis vel gestionis reddendas, 92) omnemque diligentiam praestandam, obligatum esse, vel ex ipsa huius negotii natura ac indole colligimus. *)

*) Eo pertinet insignis locus Ciceronis *pro Q. Rosc. Cap. XXXVIII. Quid recipis mandatum, si aut neglecturus, aut ad commodum tuum conuersurus es? Cur mihi te offers, ac meis commodis obstitas? Recede de medio: per alium transigam. Suscipis onus officii, quod te putas sustinere posse: quod minime videtur graue iis, qui minime ipsi leues sunt. Ergo idcirco turpis haec culpa est, quod duas res sanctissimas violas, AMICITIAM ET FIDEM. Nam neque mandat quisquam fere, nisi amico, neque credit ei, nisi quem fidelem putat. Perditissimi est igitur hominis, simul et amicitiam dissoluere, et fallere eum, qui laesus non esset, nisi credidisset.*

§. CCCXXXVIII.

Sed et NEGOTIORVM GESTOR, dum negotium alterius, sibi a nemine commissum, vltro et gratis suscipit, (§. CCCXXXVI, 84.) 93) hoc ipso facto suo *) se obligat tum ad vtiliter gerendum, tum 94) ad omnem, quam negotium admittit, diligentiam praestandam, adeoque 95) etiam ad reddendas rationes, et 96) damna omnia, si qua eius dolo vel culpa data sint, refarcienda.

*) Qui facti auctor et causa est, ei omnes eius effectus merito imputantur. (§. CV, 22.) Quum ergo auctor huiusmodi administrationis sit negotiorum gestor, qui alterius negotia, nemine com-

mit.

mittente vel vrgente, vltro suscepit: (§. CCCLXXXVI, 84.) ei etiam merito imputantur omnia, quae ex administratione rerum alienarum consequuntur. Atqui consequentia administrationis sunt rationum redditio et damni, dolo vel culpa dati, emendatio. Itaque negotiorum gestor ad reddendas rationes, damnaque, siue dolo malo, siue culpa sua, data refarcienda obligatus est. Atque ita nihil attinet, obligationem hanc ex consensu quodam ficto vel praesumpto cum iureconsultis deriuare, quum negotiorum gestor facto suo se ad haec omnia tacite quidem, at vere tamen, obstrinxerit.

§. CCCXXXVIII.

Et hi quidem sunt contractus, qui et non-
 dum inuento eminenti rerum omnium pretio, Officia
commodantis,
deponentis,
mandantis, eius-
que cuius ne-
gotia
gesta.
 locum habuerunt, et de quibus id vnum ad-
 huc monemus, quod, quum tribus postremis
 contractibus se quis obliget ad aliquid gratis
 dandum faciendumque, non vero, ad da-
 mnum in alterius gratiam deuorandum, 97)
 in illis nemini officium suum damnosum esse
 oporteat, adeoque 98) et commodans com-
 modatario impenfas non modicas; (§.
 CCCXXXIII, 73.) et 99) deponens deposi-
 tario quascumque necessarias, et 100) mandans
 mandatario, et 101) dominus negotiorum ge-
 stori necessarias et vtilis restituere, simulque
 hi omnes 102) damna, quae commodatarius,
 depositarius, mandatarius et negotiorum ge-
 stor sine culpa sua propter rem negotiaue alie-
 na senserunt, *) refarcire teneantur.

*) Dicimus, ea damna esse refarcienda, quae man-
 datarius *propter* negotium alienum senserit. Non
 enim sufficit, eum occasione suscepti negotii ali-
 quid damni casu fortuito passum esse: quia quum
 casum

casum nemo praestet, eum nec mandans praestare tenetur. Hinc si mandatarius, dum mandatum expedit, a latronibus spoliatus, vel difficili morbo implicitus fuerit: damnum, quod diuina prouidentia ita dirigente, passus est, imputare non poterit mandanti. *Nam haec magis casibus fortuitis, quam mandato, imputari oportet*, inquit Paullus, l. 26. §. 6. D. mandati. Vid. Grot. de iure belli et pac. II, 14, 13. Aliud tamen statuendum esse putant de legato, qui Principis imperio, publicorum negotiorum causa, peregre abire iussus est, quem, quia in obsequio ei gloria relicta erat, merito indemnem a republica praestandum esse, censent. Vid. Huber. Eunom. ad l. 26. D. mand. Pufend. Iur. nat. et gent. V, 4. Hert. de lytro II, 10.

§. CCCL.

Contra-
ctus, qui
inuento
demum
numo
locum
habue-
runt em-
tio, ven-
dito et
locatio
condu-
ctio.

Progredimur iam ad alterum genus contra-
ctuum, qui inuento demum numo locum ha-
bere potuerunt, quales praecipue sunt EMTIO
VENDITIO ET LOCATIO CONDUCTIO. *Illa est con-*
tractus de re pro certo pretio tradenda. Haec
contractus de usu rei vel operis pro certa mer-
cede praestandis. Quemadmodum vero PRE-
TIVM EMTIONIS est aestimatio ipsius rei, pecu-
niaria, ita MERCES vocatur aestimatio pecunia-
ria usus rei, vel operarum: ex iisque definitio-
nibus patet, 103) emtionem venditionem et
locationem conductionem semper hodie re-
quirere pecuniam numeratam, 104) eoque
ipso hos contractus a permutatione, et con-
tractibus do ut des, do ut facias, facio ut des,
*et facio ut facias distinguui: * 105) inter se ipsos*
tamen illos maxime conuenire, et omnia fere
communia habere.

*) Quam-

- *) Quamvis enim permutatio aestimatoria emtioni venditioni, quodammodo similis sit: (§. CCCXXXVIII, 48.) reipsa tamen ab ea differt, quod in venditione intercedat numerata pecunia, in permutatione aestimatoria res pro re detur. Vnde facile patet, quid sentiendum sit de vetere Sabinianorum et Proculianorum controuersia, pretiumne in emtione venditione in sola pecunia numerata, an et in aliis rebus consistere possit? de qua praeter viros doctos ad §. 2. *Inst. de emt. vend.* videndus V. C. Gottf. Mascou. de *sect. Sabin. et Procul. VIII, 10, 1. sequ.*

§. CCCLI.

Quum ergo EMTIONE VENDITIONE id agatur, ut res tradatur pro certo pretio: (§. CCCLI) consequens est, 106) ut emtori aequae, ac venditori, rem seu mercem notam esse oporteat, ac proinde 107) non modo venditor eius qualitates, vitia, oneraque, quae in oculos, sensusque reliquos non incurrunt, emtori indicare, *) verum etiam 108) pati teneatur, ut hic rem lustret oculis, aliisque modis exploret: Ut adeo 109) rerum, quae ad gustum veneunt, venditio non prius perfecta sit, quam facta sit degustatio, 110) rerum reliquarum, quae exploratione indigent, non prius, quam facta sit exploratio, quum, si de villo, sane de hoc contractu oneroso verum sit, quod dixit Euripides *Cyclope v. 137. Φῶς ἐμπολήμασι πέπει.* *Lux contractibus conuenit.*

Venditor emtori rei venalis qualitates indicare tenetur.

- *) Sunt vitia et qualitates, quae incurrunt in oculos, quaeque indicari superuacuum esset, quum, si quis in re fallitur, is caecitatis suae ac negligentiae poenam merito ferat: quo pertinet lis M. Marii Gratidiani cum C. Sergio Orata, apud Ciceron. de *offic. III, 16.* At leges Romanae, ut

T

homi-

homines sibi inuicem hoc officium eo certius praestarent, statuerunt, vt in venditionibus ea etiam, quae nota essent venditori, vitia dicerentur, isque reticentiae poenam ferret, qui quidquam dissimularet. Nam, quum ex duodecim tabulis satis esset, ea praestari, quae essent lingua nuncupata, quae qui inficiatus esset, dupli poenam subiret: a iureconsultis etiam reticentiae poena est constituta. Quidquid enim est et praedio vitii, id statuerunt, si venditor sciret, nisi nominatim dictum esset, praestari oportere. Cic. de offic. III, 16. qui et alibi Cap. XII. disputat, si vir bonus Alexandria Rhodum magnum frumenti numerum aduexerit in Rhodiorum inopia et fame, summaque anno-nae caritate, si idem sciat, complures mercatores Alexandria soluisset, nauesque in cursu frumento onustas, petentes Rhodum, viderit: dicturusne id sit Rhodiis, an silentio suum quam plurimo venditurus? De qua quaestione videndi etiam Grot. de iure belli. et pac. II, 12, §. sequ. Pufend. iur. nat. et gent. V, 3, 4.

§. CCCLII.

Neuter
in hoc
contra-
ctu lae-
dendus.

Ex eodem patet, 111) in emtione venditione aequalitatem seruandam rei et pretii, (§. CCCXXVIII, 15.) adeoque 112) laesionem omnem merito esse emendandam, siue illa 113) alterutrius dolo ac vi, siue iusto errori,*) debeat originem, quamuis 114) et hic merito repetendum sit, quod supra monuimus, laesionem alicuius momenti esse debere, quum et hic pretium non consistat in puncto, sed latitudinem aliquam admittat, nimisque calidum videatur, ob quodlibet leuissimum damnum negotium rescindere, litibusque infinitis portam veluti aperire. (§. CCCXXXX. *)

*) Si

*) Si nimirum inculpabilis, inuincibilis vel inuoluntarius sit error. (§. CVII, 32.) Alias enim si quis rem nec satis exploratam, nec visam, certo pretio emit: error nocere debet erranti, nisi venditor illum dolo circumuenerit, (quod Labanem Iacobo, uxorem ementi fecisse nouimus: *Genes. XXVIII, 23.*) quia merito poenas dat erroris, qui, nisi nimis supina fuisset negligentia, non errare potuisset. Hinc recte Germani de hominibus, tam supine negligentibus, iactant adagium: *Wer die augen nicht aufstut, der thut den brustl auff.*

§. CCCLIII.

Disputari solet de PERICULO et COMMODO REI Quem penes sit periculum et commodum rei venditae ante traditionem? VENDITAE, nec tum traditae, statimne illud ad emptorem transeat, simulac de re et pretio conuentum, an ante traditionem penes venditorem maneat? Equidem, quid iure Romano ea de re cautum fuerit, nemo ignorat: nec quisquam a nobis exigit, ut de ratione istius decisionis multa hic dicamus. Nobis, de iure naturae nunc sollicitis, extra omnem dubitationis aleam positum videtur, 115) casum ferre dominum: (§. CCXI. *) at nec minus certum esse arbitramur, 116) non esse merum casum, qui ex alterius mora vel culpa prouenit, adeoque, qui facto suo alteri damnum dedit, ad illud refarciendum omnino esse obligatum. (§. CCXI, 1.) Ex quibus sequitur, 117) ut, quia emptor iure naturae sine traditione fit dominus, (§. CCLXXV.) periculum, perfecta emtione venditione, statim transeat ad emptorem, nisi 118) venditor vel in mora tradendi, vel culpa alicuius reus sit. *)

- *) Similis fere, sed paullo obscurior, est philosophia Puffendorffii *de iure nat. et gent.* V, §. 3. distinguendis, utrum certus traditioni dies praefixus sit, nec ne, et, si praefixus sit, illene iam elapsus sit, nec ne. Aequissimum enim illi videtur, ut ante elapsum terminum res sit periculo venditoris: elapso vero termino, ob moram eadem emtori pereat. Enimuero, quum emtor iure naturae et sine traditione fieri possit dominus, et, elapso termino, non semper venditor in mora sit, sed aliquando et penes emtorem culpa illa esse possit: nos generatim emtori periculum attribuimus, cuius in arbitrio fuisset, rem emtam, soluto pretio, statim accipere. Sin vero illè ex sua parte adimpleuit contractus leges, veleas implere paratus est: venditor, qui in mora tradendi est, periculum merito sustinet, siue certus traditioni terminus praefixus fuerit, siue non fuerit.

§. CCCLIII.

Iuris
Romani
dispositio
an
aequitati
naturali
conueniat?

Quum ergo emtor sine traditione statim fiat dominus, ac proinde periculum ferat: (§. CCCLIII, 117.) consequens est, 119) ut vera quidem sit doctrina iureconsultorum de periculo rei venditae, sed ea cum reliquis iuris Romani principiis male cohaereat, quia, dominium sine traditione ad emtorem transire, negant. 120) Ut quum domino ius sit et fructus et accessiones commodaque reliqua ex re sua percipiendi, (§. CCCVII, 4. sequ.) eidem etiam commoda rei venditae competant. 121) Ut tamen id tunc demum procedat, si emtor venditori de pretio quocumque modo satisfecerit; *) siquidem alias simul haberet rem, simul pretium, adeoque cum alieno damno sine iusta causa fieret locupletior. (§. CCLVII.)

*) Satis-

- *) Satisfecisse autem de pretio videtur, non solum, qui illud repraesentavit, sed et, cuius fidem sequutus est venditor, v. g. vsuras sibi in singulos annos stipulatus. Hinc quamvis simplicissimum contractuum genus videatur illud, quando, soluto pretio, illico res vendita traditur, i. e. si *Graeca fide* inter se mercantur homines, quod commercii genus solum in republica sua tolerare voluit Plato *de Legib. Lib. XI*: pro hac tamen rerum conditione vix sperandum est, id semper fieri posse, et ipsa experientia docet, commercia magis fide, quam mercatores vocant *den credit*, quam rei pecuniaeque commutatione, constare.

§. CCCLV.

Quandoquidem vero venditori, qui in mora tradendi, culpaee alicuius reus est, res merito perit: (§. CCCLIII, 118.) facile vnusquisque intelligit, 121) emtorem a periculo immunem esse, si venditor, illi offerenti pretium, vacuam rei venditae possessionem tradere vel poluit, vel non possit, itemque 123) si probetur, venditoris culpa, vel negligentia factum esse, vt res vendita, vel tota, vel pro parte, periret.

Quando venditoris fit periculum?

§. CCCLVI.

Emtio venditio porro fit eo consilio, vt res pro certo pretio tradatur, (§. CCCL.) et animo quidem, dominium in alterum transferendi. (§. CCLXXVIII, 35.) Quum vero, qui rei dominium titulo oneroso, veluti pro certo pretio, in alterum transtulit, ad praestandam euictionem sit obligatus: (§. CCLXXIII.) 124) etiam venditor emtori tenebitur ad praestandam EVICTIONEM, si res ab hoc ex causa

Venditor emtori debet euictionem.

contractum antecedente euiſta ſit, non autem, 125) ſi poſt venditionem demum aliquid eue-
nerit, cuius cauſſa quis re ſua priuaretur, nec
126) ſi caſu, vel vi maiore, res ei ſit erepta. *)

*) Sane et quae vi maiore contingunt, caſu contin-
gere videntur. Quandoquidem ergo caſum, per-
fecto iam contractu emtionis venditionis, fert do-
minus: (§. CCCLIII, 117.) etiam, re vendita caſu
vel vi maiore ſibi erepta, damnum deuorare, nec
a quoquam petere euiſtionem poteſt. Ceterum nul-
lum eſt dubium, quin quemadmodum alia pacta,
quae huic contractui accedunt, rata eſſe oportet:
ita et conuenire inter ſe poſſint emtor et venditor,
ne quid euiſtionis nomine praestetur, ſed res ſit
emtoris periculo, quale pactum virginis venditioni
adiicit Sagaristio apud Plaur. in *Perſa IIII*, 4.
v. 40.

*Prius dico: hanc MANCVPIO nemo tibi dabit, iam
ſcis? DO. Scio.*

§. CCCLVII.

Huic
contra-
ctui
quacuis
pacta re-
ſte adii-
ciuntur.

Quia porro emtio venditio eſt contractus,
(§. CCCL.) contractus vero duorum conſen-
ſum requirit: (§. CCCXXVII, 6.) facile patet,
127) in emtione venditione omnia redire ad
conſenſum, adeoque 128) ei qualiacumque
pacta, modo non improba ac fraudulenta, ad-
iici poſſe, veluti 129) ADDITIONEM IN DIEM,
130) LEGEM COMMISSORIAM, 131) PACTVM DE
RETROVENDENDO, 132) itemque PROTOMISEOS,
133) de EVICTIONE non praestanda, 134) de POE-
NA in caſum poenitentiae praestanda, et ſi qua
ſunt eius generis alia. *)

*) Definitiones horum pactorum ex ipſo iure ciuili
nota ſunt: ADDICTIO IN DIEM eſt pactum de emtio-
ne venditione vel perficienda, ſi intra certum
diem nemo plus obtulerit, vel iam perfecta reſcin-
ſcin-

scindenda, si quis intra istud tempus plus, nec prior emtor tantundem obtulerit. LEX COMMIS-
SORIA pactum, quo venditor, rem inemptam fore,
cauet, si pretium ante certum diem non solua-
tur. Exemplum est apud Corn. Nep. *in vita At-
tici Cap. VIII.* PACTVM DE RETROVENDENDO con-
uentio de re vendita, pretio ante vel post certum
diem, vel quodcumque restituto, venditori red-
denda. Qualis est venditio apud Liu. XXXI, 13.
et Iulium Capitolin. *in Marco Cap. XVII.* Pa-
ctum *πρωτομηνσεως* conuentio de re iterum ve-
nali venditori potissimum eiusue posteris tantum-
dem pretium, quod alii offerunt soluentibus,
vendenda. Reliquorum pactorum natura et in-
doles ex ipsis vocabulis facile intelligitur.

§. CCCLVIII.

Ex eodem axioma colligimus, 135) licere Nec non
venditori in venditione sibi aliquid EXCIPERE, exce-
136) vtrique vero contrahenti CONDITIONEM ptiones,
quacumque, quae honestati bonisque mo- condi-
ribus non repugnat, itemque 137) DIEM, ante tiones,
quem res tradenda, pretiumue soluendum sit, dies.
adiicere, *) quin 138) et ita conuenire, vt
pretio ab emtore nondum soluto, dominium
tantisper penes venditorem maneat, vel 139)
vt emtor, pretii parte sub vsurarum lege se-
cum retenta, de euictione securus praestetur,
140) vt accessoria cum re principali veneant,
141) vt fixa vineta quaedam tollere liceat,
142) vt res vendita venditori pro certa merce-
de locetur, cetera.

- *) Quin et ipsa venditio ad certum diem ita fieri pot-
est, vt circumacto tempore, pactione definito,
res vendita ad venditorem eiusue heredes reuertat-
tur, nec emtor reposcere possit pretium. Exem-
plo Anglorum, saepe praedia sua hac lege ven-

dentium, id probant Pufend. *Iur. nat. et gent* V, §, 4. et ibi Hert. p. 690.

§. CCCLVIII.

Emtio
per au-
ctionem,
sub ha-
sta, per
auersionem,
speci.

Praeterea et id inde inferimus, 143) quod, quamuis emtio venditio alioquin requirat aequalitatem, (§. CCCLII, III.) vtriusque tamen contrahentis consensu conueniri possit de eius generis emtionibus venditionibus, quae ob inaequalitatem quantamcumque non rescinduntur. Tales sunt 144) AVCTIO, quando pretium non a venditore indicatur, sed ab emtoribus, licitando certantibus, definitur: 145) EMTIO SVB HASTA, quippe quae nihil aliud est, quam auctio sollemnior, et auctoritate publica instituta, 146) EMTIO PER AVERSIONEM, quando res disparis pretii, vel incertae mensurae, non singulatim, sed coniunctim, aestimatae, emuntur, denique 147) EMTIO SPEI, quo et ollam fortunae, similiaque negotia, retuleris, quando quis pro re vel quantitate, adhuc incerta, ac ex euentu demum certa futura, certum pretium soluit. In quibus contractibus omnibus quum aequalitas non requiratur: (n. 143.) consequens profecto est, 148) vt neuter contrahentium hic de laesione conqueri possit, nisi vel dolus alterutrius intercesserit, vel de re, quam euentus offert, a contrahentibus non fuerit cogitatum. *)

*) Et inde decidenda erat lis inter iuvenes Milesios, qui iactum retis emerant, et piscatores Coos, qui illum vendiderant, et postea mari extraxerant tripodem aureum. Equidem, vtrisque sibi hunc inspera-

speratum thesaurum adferentibus, neutris eum ad-
dixit Apollo, absurdeque pronunciauit:

Ἐκγονε Μιλήτης τρεῖποδος περὶ Φοῖβον ἱερ-
τᾶς;

τίς σοφίη πάντων πρῶτος; τέττε τρεῖποδ' αἰυδῶ

De tripode ex Phaebo quaeris, Milesia pubes?

Huic tripodem addico, cui sit sapientia prima.

Laert. I, 28. Val. Max. III, 1. Sed satis constat,
tripodem, si de domino non constiterit, fuisse pi-
scatorum. (§. CCCXXIII, 69. 70.) Nec obstabat
profecto contractus, cum adolescentibus Milesiis
initus, quippe qui sibi non tripodas aureos, de
quibus neutri contrahentium cogitauerant, sed pi-
scas, quos capturi essent, fuerant stipulati. Conf.
l. 8. §. 1. D. de contr. emt. l. 11. §. ult. et l. 12.
D. de act. emt.

§. CCCLX.

Alter contractus, qui inuento demum nu-
mo vel pretio eminente, locum inter morta-
les habuit, est LOCATIO CONDUCTIO. (§. CCCL.)
Quamuis enim iure Romano in locatione prae-
diorum rusticorum, quippe fructuosorum, et-
iam pars fructuum, quam *quantiam* vocant, *)
mercedis vice fungatur, l. 21. C. loc. cond. sic
vero hic contractus, etiam ante inuentum pre-
tium eminens, locum habere potuerit: nulla
tamen est ratio, cur non potius ad contractum
DO VT DES referri possit illud negotium, quum
tunc rei usus non cum numo, tamquam pretio
eminente, sed cum pretii vulgari fructuum
comparatur, adeoque contingere possit, vt,
quia fructuum non eadem semper aestimatio
est, sed illa pro sterilitate vbertateque anni mo-

Locatio,
etiam
condu-
ctio, in-
uento
demum
pretio
eminente,
lo-
cum
habuit.

do intenditur, modo remittitur, vno anno locator, altero conductor, laedatur.

*) Si enim praedii dominus sibi pro mercede partem quoram stipuletur: id negotium societatis naturam induere, ex ipsa societatis definitione, quam infra dabimus, satis constabit. Ceterum locationem praedii fructuosi pro parte quanta fructuum a locationis conductionis natura plane degenerare, vel inde patet, quod quum haec sit contractus onerosus, in eoque requiratur aequalitas, (§. CCCXXVIII, 15.) hic tamen illa vix obtineri possit. Nam si mihi pro praedii usu in sexennium, in singulos annos stipuler triginta medimnos tritici, totidemque filiginis: fieri potest, ut in huius anni ubertate, vilescenque annona, merces sit mediocris, et usui praedii proportionata, insequente anno ob sterilitatem difficultatemque annonae immodica. Et hinc iam antea monuimus, locationem conductionem semper requirere pecuniam numeratam. (§. CCCL, 103.)

§. CCCLXI.

Officia
locato-
ris.

Quia ergo locatio conductionis est contractus de rei usu vel operis pro certa mercede praestandis: (§. CCCLI.) consequens est, 149) ut locator conductori debeat rei usum operasque conuentas praestare, adeoque, 150) si vel illius culpa, vel casu, contingat, ut conductor re uti, vel ipse operas promissas praestare non possit, merito etiam pro rata cesset promissa merces, *) immo 151) locator aliquando ad id, quod interest, possit conueniri, idemque sit dicendum, 152) si locator conductorem, nondum finita locatione, sine iusta causa expellere non dubitarit.

*) Hanc

- *) Hanc aequitatem omnes veteres agnouerunt, veluri Sesostris, Rex Aegyptiorum, qui, si cui de agro vis fluminis aliquid abrafisset. pensionem pro rata minui iubebat, Herodot. *Lib. II. p. 81. edit. Stepb.* Nec minus aequitatem ea in re seruabant Romani, teste Polybio *Hist. VI, 15.* et in his Caesar, teste Suetonio *Cap. XX.* Attamen intellectu facile est, hic quoque damnum intelligi, non modicum, sed grauius, quum saepe illud maiore commodo et maxime in praediis fructuosis, plerumque vnus anni sterilitas vbertate alterius pensetur, et inciuile sit, lucro quouis frui velle conductorem, damnum vero etiam leuius illum ferre nolle.

§. CCCLXII.

Similiter et conductoris est, 153) mercedem conuentam iusto tempore soluere, 154) re, quam vtendum accepit, quippe aliena, et in specie reddenda, boni viri arbitrato vti, 155) damnum sua culpa datum resarcire, nec 156) rem, nondum finito locationis tempore, deferere, nisi iustae causae, veluti hostium incurfio, metus pestis, similesque casus conductori id consilii extorqueant. Quum enim a locatore iure exigat, vt res ipsi integra et salua tradatur, vt indemnis praestetur, neque ante tempus expellatur: (§. CCCLXI, 150. sequ.) aequissimum est, vt quod ipse sibi vult vel non vult fieri, id et alteri faciat, vel non faciat, (§. LXXXVIII, 54. sequ.) maxime quum et in hoc contractu, tamquam oneroso, merito seruanda sit aequalitas. (§. CCCXXVIII, 15.)

Itemque
condu-
ctoris.

§. CCCLXIII.

Ceterum quum consensu constet hoc negotium. (§. CCCXXVII, 6.) facile patet, 157) huic quoque contractui adiici posse qualia-

De pa-
tis huic
contra-
ctui ad-
iectis et

cum-

reloca-
tione ta-
cita.

cumque pacta, quae bonis moribus haud repugnant. *) 158) Eum tum pure, tum sub conditione, tum in diem, recte iniri. Quumque consensus etiam tacitus verus consensus sit: merito inde colligimus, 159) iure optimo maximo valere etiam RELOCATIONEM TACITAM, si, elapso tempore, neuter contractui renunciarit: er tunc 160) aequissimum esse, ut iisdem legibus et conditionibus facta intelligatur relocatio, quas vterque contrahentium antea in ipsa locatione probavit.

*) Hinc saepe iis legibus locantur praedia, ut in negotio isto parum ex natura locationis conductio- nis supersit. Hinc locationes perpetuae. Hinc irregulares, quibus simul dominium et periculum in conductorem devolvitur, qualem cum Saufeio contractam esse, narrat Alfenus Varus *lege elegantissima 31. D. locati*, praeclare illustrata a V. A. Corn. van Bykershoek *Obs. VIII, 1. sequ.* Nec ab similis est contractus, Germanis non ignotus, quem *SOCIDAE* vocant, de quo post Taboris *singularem differt*, nos quoque diximus *Elem. Iur. Germ. II, 14. §. 105.*

§. CCCLXIII.

Inter
contra-
ctus, qui
et ante,
et post
inven-
tum nu-
mum lo-
cum ha-
buerunt
est mu-
tuum.

Et hi quidem sunt contractus, quos inven- to demum pretio eminente, locum habere coepisse, diximus. Sequuntur illi, qui et nondum invento numo, et illo iam invento, locum habere potuerunt. Eorum familiam ducit contractus *MVTVI*, per quem intelligi- mus praestationem rerum fungibilium, ea lege factam, ut tantumdem quandoque in eo- dem genere restituatur. *) Quum enim non solum pecunia, sed et quaelibet res fungibilis, credi hoc modo possit: manifestum est, 161) hunc

hunc contractum, etiam antequam homines pecuniam, tamquam communem rerum mensuram, inuexerunt, locum habuisse, et hodie esse frequentissimum.

*) RES VERO FUNGIBILES vocamus, quas adnumerare, admetiri, et adpendere solemus. Earum vero haec indoles est, 1) ut nullus illarum sine abusu, vel consumptione usus sit, itemque 2) ut solutionem recipiant per functionem, tam in genere, quam in specie. *l. 2. §. 1. D. de reb. cred.* id est, ut si debeam centum aureos, solutum sibi esse fateatur creditor, siue eosdem, quos mihi adnumeravit, siue centum alios eiusdem generis, reddiderim. Ex quo simul patet, quid nobis sit REM REDDERE IN EODEM GENERE, nempe tantundem, tum ratione quantitatis, tum ratione qualitatis reddere. Inde vero noua sequitur rerum fungibilium proprietas, nempe 3) quod in iis tantundem sit idem, nec 4) eae res (vti recte obseruauit Thomaf. *diff. de pretio adfect. in res fung. non cad.*) recipiant pretium adfectionis, nisi sint rarissimae et tantundem in eodem genere non facile reperiat. Sic quamuis Romae vinum Falernum esset res fungibilis: adfectio tamen cadebat in Trimalcionis *vinum Opimianum annorum centum*, cuius meminit Petron. *Arbit. Satyr. Cap. XXXIII.*

§. CCCLXV.

Quum itaque in mutuo ea lege debitori praestetur res fungibilis, ut tantundem quandoque in eodem genere reddatur: (§. CCCLXIII.) consequens est, 162) ut debitori detur facultas rebus illis, sibi creditis, abutendi, adeoque 163) creditor se iure debitorem aliosque usu rerum illarum excludendi abdicarit, illudque sub conditione tantundem recipiendi in debitorem transtulerit. Quum vero ius illud, alios usu rerum excludendi, sit domi-

In debi-
torem
transfer-
tur rei
creditae
domi-
nium.

dominium: (§. CCXXXI.) inde porro colligimus, 164) mutuum esse alienationem, rerumque creditarum dominium in debitorem omnino transire. *)

*) Notum est, quos fluctus in simpulo mouerit Alexius a Massalia, id est, Claudius Salmasius, ut iureconsultos, hanc thesin defendentes, ludibrio exponeret. Sed tela eius, ex iure ciuili deprompta, tam fortiter reruderunt, aliaque multo insigniora in illum detorserunt Wissenbachius, Fabrotus, aliique viri doctissimi, ut causa hodie perorata videatur. Sed haec fundamenta ostendunt, ne rectam quidem rationem refragari iureconsultorum sententiae, vel Salmasio fauere. Verum quidem est, quantitatem non alienare creditorem, quippe quam sibi saluam esse cupit, dum, ut tantumdem in eodem genere reddatur, cauet: at specierum traditarum et dominium et periculum ad debitorem procul dubio transit, ceu ipse demum Salmasius, ad incitas redactus ab aduersariis, fateri coactus est.

§. CCCLXVI.

Debitoris obligatio.

Ex eadem definitione colligimus, 165) debitorem obligatum esse ad tantumdem, non modo ratione quantitatis, sed et qualitatis reddendum, adeoque 166) si pecunia fuerit credita, eiusque valor internus postea vel auctus, vel imminutus fuerit, merito rationem habendam esse temporis, quo contractus initus est, atque hinc forti tantum decedere debere, quantum postea valoris numo accessit, vel tantum accedere, quantum pretii numo decessit. Praeterea 167) debitorem non debere in mora soluendi esse, nec 168) eum ab hac obligatione, vel rei fungibilis, quam a creditore acceperat, interitu, vel villo casu fortuito liberari. *)

*) Quum

*) Quum enim dominium rei fungibilis creditae transferatur in debitorem, (§. CCCLXV, 164) casum vero ferre teneatur dominus: (§. CCXI. *) fieri non potest, ut debitor liberetur, si v. g. vinum sibi creditum in acetum abiisse, pecuniamue creditam furto substractam esse, vel alio casu interiisse, conquerratur. Multo minus ergo debitorem, qui soluendo non est, excusabit paupertas, si vel nequitia sua disperdiderit bona, vel otio torpens, furcorum instar, alienis opibus vivere, et res, ab alio non sine fudore partas turpiter abligurare non dubitarit. Est enim hoc hominum genus pestilentissimum, et ad nefanda quaevis facinora perpetranda profligatum, siquidem fieri non potest, ut aliena non adperant, qui dilapidarunt sua. Quo pertinet oratio Catilinae apud Sallust. *Catil. Cap. XX.*

§. CCCLXVII.

Ceterum, quamvis hic contractus sua natura non minus, quam commodatum, sit gratuitus: mos tamen, tepescente iam caritate hominum, inualuit, ut creditores sibi praemium aliquod pro sorte concessa a debitoribus stipularentur, quod si in parte fortis quota singulis annis, mensibusue praestanda, consistit, *VSVRA* vel *FOENVS* adpellatur, quamvis posterius vocabulum saepenumero in malam partem pro mordacibus *vsuris*, quibus debitorem aliquando ad incitas redigunt creditores, accipitur. De his vero *vsuris* vetus haec, et a multis viris doctissimis agitata est quaestio, easne a debitoribus recte sibi stipulentur creditores, an ius naturae illis refragetur? *)

An *vsurae* iure naturae licitae?

*) Non est quod hic verbosius agamus de huius controuersiae, quae superiore saeculo in Belgio recruduit, historia. Otium nobis fecerunt celeberrimus Noodtius *de foenore et vsuris* I, 4. sequ. Marti-

Martinus Schook *Exercit. var. p. 430. sequ.* et Thomaf. Not. ad *Lancelot. III, 7. not. 275. p. 2024. sequ.* qui postremus et occasionem huius controuersiae, et alterutrius sententiae patronos, diligenter recenset. Fatendum tamen est, plerosque viros doctos, qui de hac quaestione scripserunt, magis de iure diuino positiuo, quam de naturali, fuisse sollicitos, adeoque huius iuris studiosos non multum utilitatis ex plerorumque lectione capturos.

§. CCCLXVIII.

Quod
adfir-
man-
dum.

Enimuero quum I) iniustum non sit, cum aliis res non gratis communicare, sed mercedem aliquam exigere; (§. CCCXXVIII, 8.) deinde II) alter, alterius rebus abutens, aliquando insigne lucrum faciat, creditor vero interea re sua, saepe non sine damno et incommodo, careat, neminem vero cum alterius damno locupletiores fieri oporteat: (§. CCLVII.) praeterea III) maximum periculum subeat, qui debitori res suas ea lege concedit, ut iis abuti possit, adeoque non absurdum sit, creditorem ab hac mercedem aliquam pro magnitudine periculi exigere: (§. CCCXXXI, 22.) rectissime inde colligere nobis videtur, 169) rectae rationi in se non repugnare pactum usurarium, cum eo initum, qui ex pecunia nostra lucrum insigne facere potest: *) et quamuis 170) usurae quantitas definienda sit pro ratione lucri, quod probabiliter ex sorte capere posse videtur debitor: tamen 171) non iniquum esse, eam pro periculi magnitudine, raritate pecuniae, similibusque circumstantiis, intendi, (§. CCCXXXI, 22.) ceu exemplum *foenoris nautici* ostendit.

*) Cui

- *) Cui doctrinae frustra alii obuertunt, 1) numum esse rem sterilem, adeoque inde vsuras, quasi *τόκον* seu foetum, non posse exigere. Est enim numus res sterilis physice, non ciuilitate, quia saepe per commercia pecunia quis alterum tantum, immo multo plus, lucratur. *Matth. XXV, 16, 17.* 2) Commodatum esse gratuitum: ergo et mutuum tale esse debere. Commodans enim, rei non fungibilis vsum alicui concedens, minus incommodi ac periculi sentit, quam creditor, dum rei fungibilis dominium cum facultate ea abutendi in debitorem transfert. 3) Ipsum Deum vsuraria pacta prohibuisse: *Exod. XXII, 25. Leu. XXV, 37. Psalm. XV, 5. Luc. VI, 34. sequ.* Conuentiones enim vsurarias Deus tantum proscripserat ex republica Hebraeorum eatenus, vt Israelita ab Israelita illas exigere non posset: eas autem inter Israelitas et extraneos diserte permiserat. *Deut. XXIII, 19, 20.* Ius naturae autem inter contribules et extraneos nihil statuit discriminis. Conf. Io. Selden. *de iure nat. et gent. VI, 10.* Io. Cleric. *ad Exod. XXII, 25. p. 112.*

§. CCCLXVIII.

Alter contractus eius generis est PIGNVS, per quod intelligimus obligationem ad rem creditori in securitatem crediti tradendam. Si enim res, maxime immobilis, non traditur, sed tamen creditori in illa constituitur ius, illam, si nomen non expunctum fuerit, occupandi, negotium illud, quod inter creditorem et debitorem intercessit, *HYPOTHECA* adpellatur. Denique si placuerit, vt fructus rei, in securitatem crediti traditae, creditor vice vsurarum percipiat: conuentio haec *PACTI ANTI-CHRETICI* nomine venit.

Quid pignus, hypotheca, pactum anti-chreticum?

§. CCCLXX.

Quid ius-
tum cir-
ca pi-
gnus?

Itaque ex definitione PIGNORIS patet, 172) rem oppignoratam debere esse in bonis debitoris, adeoque 173) fraudem animaduersione dignissimam esse eius, qui rem alienam, veluti commodatam, depositam, locatam, pignori supponit. 174) Creditoris esse, pignore, si usu deterius fieri possit, non uti, sed 175) illud non minore diligentia, quam res proprias, custodire, et, 176) soluto debito, debitori restituere. Denique, quum regulariter casum ferat dominus: (§. CCXI. *) consequens est, 177) ut et pignoris periculum penes debitorem maneat, isque, 178) pignore casu fortuito per-eunte, ad soluendum, quod debet, nihilominus sit obligatus. *)

- *) Iure equidem Germanico medii aevi, casu inter-eunte pignore, debitor ab obligatione soluendi de-bitum liberatus erat. Ius prou. Sax. III, 5. *Stierbe ein pferd, oder ein vieh in der versatzung, obne ie-nes schuld, der das vnter ihm hatte, beweiset er das, vnd thar auch dazu schweren, er gilt es ihm nicht, er hat aber sein geld verlohren, da es ihm vor versatzte stund, ihr gelübde stünde dann anders.* Quibus ge-mina sunt in Spec. Sueu. Cap. CCXXXIII. Ali-quando et pacto speciali cauebatur, ut periculum esset penes creditorem, quale est apud Pontan. *Hist. Dan. Lib. VIIII. ad ann. MCCCCXI.* Sed uti id ex singulari Germanorum principio, quod cre-ditor dominium pignoris consequeretur, fluebat, de quo nos *Elem. iur. Germ. Lib. II, 11. §. 319. sequ.* ita rationes nostrae in ipso paragrapho adlatæ non ferunt, ut hæc iuri naturali attribuamus.

§. CCCLXXI.

§. CCCLXXI.

Deinde ex HYPOTHECAE definitione (§. Quid
circa hy-
pothe-
cam? CCCLXVIII.) colligimus, 179) eam vix con-
sistere posse in rebus mobilibus, quas debitor,
in scio creditore, facile alienare, et in extraneum
transferre posset, sed 180) in immobilibus
maxime, veluti fundis, aedibus, vrbibus et
territoriis: *) nec non 181) in vniuersitatibus
rerum mobilium diffusioribus, quae non ae-
que facile e loco in locum transferuntur, vel-
uti bibliothecis numerosioribus, immo 182)
etiam in iuribus, si inde insignis vtilitas ad pos-
sessorem redundare possit. 183) Quidquid
vero hoc modo oppignorum sit creditori, in
eo illi ius merito durare, in quemcumque res
ipsa translata sit: quum alias sine effectu futu-
ra esset hypothecae constitutio.

*) Addimus haec ob verba Pufendorffii *de iure nat. et
gent. V, 10, 16: Inter eos, qui in libertate naturali
inuicem viuunt, nuda hypothecae sunt inutiles. Nam
vbi ultro debitor soluere renuerit, vi utique et ar-
bitris erit inuadenda possessio hypothecae. Atqui et-
iam citra adsignationem hypothecae inter tales quae-
libet bona debitoris inuadere licebat. Sed non de-
funt exempla hypothecarum huiusmodi et inter li-
beras gentes constitutarum, qualia collegit Hert.
ad hunc locum p. 738. sequ. qui et ad rationem Pu-
fendorffii eleganter respondet, posse huius hypo-
thecae insignem vsum esse, si vrbs ita oppignorata
ad tertium peruenerit. Ceterum facile largimur,
non temere contentas fore liberas gentes huius-
modi simplice hypotheca, sed saltem sibi stipulaturas
ius praesidii in vrbibus oppignoratis, quod anno
MDLXXXV. fecisse nouimus Elisabetham, An-
gliae Reginam, quum ei Belgae Vlissingam, Ram-
kenium et Brilam oppignorassent. Em. Meteran.*
V 2 Rer.

Rer. Belg. Lib. XIII. et Annalistae Belg. reliqui ad hunc ann.

§. CCCLXXII.

Quid
circa pa-
ctum an-
tichreti-
cum?

Denique EX PACTI ANTICHRETICI definitio-
ne (§. CCCLXVIII.) adparet, 184) ei pacto
tantum locum esse in oppignoratione rerum
fructuosarum: quumque fructus vice vsura-
rum sint, 185) eos non notabiliter excedere
debere vsurarum modum, quem supra aequi-
tati conuenientissimum esse, diximus. 186)
Casum hic quoque non ferre creditorem, nisi
aliud conuentum sit, ac proinde, 187) si ob ste-
rilitatem calamitatemue publicam tantum non
percipere potuerit creditor, quantum ei vsu-
rarum nomine debebatur, illud debitorem
merito aliunde supplere debere.

§. CCCLXXIII.

Commu-
nia ha-
rum
conuen-
tionum.

Omnibus vero his contractibus commune
est, 188) quod, quia in securitatem crediti in-
euntur, (§. CCCLXVIII.) creditori ius sit pi-
gnus et hypothecam ob moram debitoris dis-
trahendi, et, deducta sorte, cum vsuris, reli-
quum tantum pretium restituendi debitori:
nisi 189) adiecta sit LEX COMMISSORIA, id est,
pactum de re oppignorata, si intra certum tem-
pus non reluatur, creditori pro sorte et vsuris
relinquenda. Quamuis enim id pactum im-
proben leges Romanae recentiores, *) *l. vn.
C. Theodos. de commissor. rescind. l. ult. C. de
pact. pign.* idque iure fieri potuerit, ob credi-
torum quorundam avaritiam: non tamen in-
de sequitur, vt et ius naturae, quod domino
alienationem rerum suarum sub quacumque
con-

conditione permittit, (§. CCCVIII, 13.) improbet huiusmodi pactum, a quo ne principes quidem et gentes liberos abstinuiffe, exemplis variis demonstravit laudatus Hert. *ad Pufend. V, 10, 14. p. 737.*

- *) Veteres enim leges, strictius inhaerentes simplicitati iuris naturalis, nihil habent, quod huic PACTO COMMISSORIO aduersetur. Immo libera adhuc republica illud pro licito habitum esse, probat locus Ciceronis *Epist. ad fam. XIII, 50.* ab eodem Hertio, et ante eum a Jac. Gothofredo ad *l. vn. C. Theod. de commiss. resc.* adlatus: *Philotes Alabandensis ὑποθήκας Cluio dedit: hae commissae sunt.* Sed mira creditorum asperitas, qua miseri debitores, pignora debito pretiosiora sub hac conditione dare coacti, ad incitas redigebantur, demum subegit principes, ut hoc pactum, cum maximo debitorum detrimento coniunctum, legibus seuerissimis proscriberent.

§. CCCLXXIII.

Tertius, qui et ante inuentum numum, et postea, locum habere potuit, contractus est FIDEIVS-SIO, id est, obligatio ad id, quod tertius debet, in subsidium soluendum. Si quis enim, se pro altero non in subsidium soluturum, constituit, sed vna cum alio in solidum sese obligat, REVS, et obligatio vtriusque CORREALIS vocatur. Denique qui alterum, consentiente creditore, obligatione liberat, eamque in se totam suscipit, is EXPROMISSOR adpellatur. Qui contractus omnes aequae, ac pignoris, in securitatem creditorum excogitati sunt, et frigescentis inter homines amoris ac fidei argumentum praebent locupletissimum. *)

Quid fideiussio, obligatio correalis et expromissio?

- *) Si enim tantus esset inter homines amor, quantum esse oportebat: nec creditor diffideret debitori, nec debitor de creditore defraudando vel cogitationem animum subire pateretur: et sic nec pignora, nec fideiussores, nec correos, nec expromissores, quisquam exigeret. Dum vero hodie tam oculatae sunt manus, ut, nisi quod vident, nihil omnino credant: argumentum hoc est humanae perfidiae, tepescentisque amoris luculentissimum. Obseruauit id iam Seneca, qui *de Benefic. III, 15: Vtinam, inquit, nulla stipulatio emtorem venditori obligaret? nec pacta conuentaque impressis signis custodirentur? fides potius illa serualet, et aequum colens animus? Sed necessaria optimis praetulerunt, et cogere fidem, quam spectare, malunt. Adhibentur ab utraque parte testes: ille per tabulas plurima nomina, interpositis parariis facit. Ille non est interrogatione contentus, nisi rem sua manu tenuit. O turpem humano generi FRAVDIS AC NEQVITIAE PVBLICAE CONFESIONEM! Annalis nostris plus, quam animis, creditur.*

§. CCCLXXV.

Pro quibus rebus fidei iubere liceat?

Ceterum ex FIDEISSIONIS definitione (§. CCCLXXIII.) patet, 190) fideiussoribus, quum alterius obligationi in subsidium accedant, non esse locum, nisi id, quod debetur, ita sit comparatum, ut a quouis aequè commode, ac ab ipso debitore principali, praestari possit: adeoque 191) ipsi rectae rationi aduersari fideiussiones pro capitis damnatis, quamuis eas veteres quaedam gentes admiserint: *) nec 192) quidquam obstat, quo minus, si multa expiari possit crimen, aliud pro alio intercedat, seque multam pro reo solutorum, in subsidium constituat.

- *) De Graecis res certa est ex variis exemplis, quae iam collegit Pufendorff. *iur. nat. et gent. V, 10, 12.* Esse et statuta, quae vadum usum probent, ostendit lauda-

laudatus Hert. *ad Pufend. ibid. p. 735.* Dum vero alii huiusmodi obligationem fideiussoriam defendi posse existimant exemplis sacris *Gen. XXXII, 37. XXXIII, 9. 1. Reg. XX, 39.* eos omnino fugit ratio. Obligationem Rubenis stolidam esse, unusquisque intelligit, maxime quum non suum, sed innocentum liberorum, capita veluti oppignoret, et quidem non pro reo capitalis criminis: sed pro Beniaminis fratris reditu ex Aegypto. Vnde vix probabile est, Iacobum virum primum et prudentem conditionem accepisse. Iudas quidem fideiubet, sed non pro capitis damnato, nec vitam oppignorat. Denique *1. Reg. XX, 39.* nemo vitam pro reo obligat, sed custodia captivi illi demandatur, sub capitis periculo. Vt hinc manifestum sit, hanc veterum consuetudinem in sacris litteris non reperire praesidium.

§. CCCLXXVI.

Quod ad obligationem fideiussorum attinet, ex eadem definitione (§. CCCLXXIII.) patet, 193) eos se obligasse ad idem, quod creditor a debitore iure exigere potest, adeoque 194) iniquum esse, plus sibi fideiussoribus, quam a debitore, stipulari creditorem: 195) obligationem fideiussorum esse subsidariam, ac proinde 196) iure naturali illos non indigere singulari BENEFICIO ORDINIS vel EXCVSIONIS, sed 197) tum demum conveniri posse, si satis constet, debitorem principalem solvendo non esse: *) 198) Plures fideiussores, qui pro iisdem personis iisdemque rebus interceserunt, merito pro rata tantum teneri, nisi se ultro et diserte in solidum obligarint: atque hinc 199) NE BENEFICIUM quidem DIVISIONIS illis iure naturae esse necessarium, quippe pro rata obligatis, 200) nisi

Obligatio fideiussorum.

forte confideiussores soluendo non sint, idque fideiussor ignorare non potuerit.

- *) Contraria quidem fuit gentium multarum sententia, nimirum fideiussorem et ante debitorem principalem conueniri posse. De Ebraeis vid. *Prou. XX, 16. XVII, 18*. De Graecis notum illud Thaletis: Ἐγγύα, πᾶρα δ' ἄτη. *sponde, et noxa praesto erit*. Denique et Germanorum fertur vetus paroemia: *Den bürgen muß man würgen*. Conf. Schilt. *Exerc. XXXXVIII, 21*. Sed et Romanis idem rigor placuit, donec Iustinianus beneficium ordinis vel excussionis inuexit *Nouella III*. Enimuero quum fideiussor non nisi in subsidium alterius obligationi accesserit, et, si ipse illico conueniretur, inter fideiussorem, reum et expromissorem nihil esset discriminis futurum: ipsa recta ratio docet, illum teneri in subsidium, nec ante debitorem principalem esse conueniendum. Cic. *Epist. ad Attic. XVI, 15*. *Sponsores adpellare, videtur habere quamdam δυσωνίαν*.

§. CCCLXXVII.

Obliga-
tio cor-
teorum.

Quum porro, REI se alteri in solidum obligent: (§. CCCLXXIII.) facile patet, 201) creditoris in arbitrio esse, ab vtro exigere velit solutionem, * 202) vno vero expungente nomen, alterum liberari, sed tantum ratione creditoris, cui; quod debebatur, solutum est, 203) non ratione correi, qui dum pro correo soluit, eius negotia gessit, (§. CCCXXXVI.) adeoque omnino indemnus ab altero praestandus est. (§. CCCXXXVIII, 102.)

- *) Non ergo hic locus est diuisioni obligationis. Quia tamen, si vterque reus soluendo est, et vterque facile potest interpellari, nulla iusta causa est, cur vnum vrgere, totamque summam ab eo solo extorquere velit creditor: ipsa eum humanitas, non adeo amare ius suum persequi, sed reum vtrum-

utrumque vrgere iubet. Neque enim patitur humanitas, vt aliquid ab altero cum eius incommodo exigamus, quod facilius et sine nostro alteriusque detrimento consequi possemus. (§. CCXVI, 8.)

§. CCCLXXVIII.

Denique ex EXPROMISSORIS definitione (§. Ac denique expromissorum. CCCLXXIII.) colligimus, 204) eius eandem esse obligationem, ac ipsius debitoris principalis, adeo, vt 205) hic expromissione cum consensu creditoris facta liberetur, ac proinde 206) expromissor nec ordinem vel debitoris excussionem vrgere, nec 207) creditor, si ab expromissore suum seruare non potest, ad debitorem principalem, quem semel liberauit, recurrere possit, sed ab expromissore, cuius fidem sequutus est, id, quod sibi debetur, simpliciter expectare cogatur.

§. CCCLXXVIII.

Proximus est contractus SOCIETATIS, quem non minus ante inuentum numum, quam postea, locum inuenisse, vel ex eo intelligitur, quod nihil aliud est, quam lucri, ex collatis rebus vel operis prouenientis, damnique inde emergentis, inter plures communicatio. *) Res vero atque operas aequae ante inuentum numum, ac postea, communicari potuisse, nemo temere dubitabit.

*) Itaque hic agimus de communione, sociorum consensu inita. Consensus vero quum vel expressus sit, vel tacitus, et hic idem, quod ille, operetur: (§. CCLXXV, 25.) consequens est, vt et societas tacito consensu, id est, facta, contrahi possit. Hert. *diff. de societate facto contr.* Prout vero vel omnia bona,

bona, vel quaedam tantum, vel res quaedam singulares operaeue, conferuntur, societas vel VNIVERSALIS, vel GENERALIS, vel SINGULARIS solet adpelari. *Vniuersalem et generalem* aeam quodammodo continere, in singulari aequalitatem obseruandam esse, recte monuit Grot. *de iure belli et pac.* II, 12, 24.

§. CCCLXXX.

Quid
iustum
in socie-
tate vni-
uersali
et gene-
rali.

Quum ergo in societate VNIVERSALI vniuersa, in GENERALI quaedam bona communia sint, ita tamen, vt hic contractus quodammodo aeam contineat: (§. CCCLXXVIII. *) consequens est, 208) vt lucrum quidem et damnum inter socios hos commune sit: at 209) collatio tamen admodum inaequalis esse possit, nec 210) habeat socius, quod conqueratur, si, exigentibus necessitatibus, vnus socius, qui minus contulit, altero plus expendat: immo, quin 211) socius contractum ab altero aes alienum pro rata exsoluere debeat, eo minus videtur dubitandum, quo magis expediti iuris est, et lucri ab vno facti alterum esse participem, eumque, qui commodum e re sentit, merito et incommoda ferre debere.

§. CCCLXXXI.

Quid in
singula-
ri?

Contra quum in societate SINGULARI merito obseruanda sit aequalitas, (§. CCCLXXX. *) ea vero in collatione non semper obseruetur: sequitur sane, 212) vt aequalitas illa in diuidendo lucro et damno non possit esse *arithmetica*, sed *geometrica*, *) adeoque, 213) qui plus rerum operarumue in commune contulit, tanto plus lucri damnique ferre debeat, quanto

quanto alter minus contulit. Quandoquidem tamen in suis rebus quisque alteri quaecumque commodum concedere potest: (§. CCCVIII, 13.) nemo negauerit, 214) posse socios pactionibus inter se aliud statuere, et in diuidendo lucro damnoque vel aequalitatem arithmeticam, vel 215) qualemcumque inaequalitatem probare, dummodo non 216) dolo vnus ex sociis hoc negotium degeneret in societatem leoninam. Phaedr. *Fab. I, 6.*

- *) Sunt qui hic aequalitatem arithmeticam, tamquam inter fratres, seruandam esse statuunt, et ita interpretantur *l. 6. l. 29. l. 80. D. pro soc.* aliosque iuris Romani locos. Connan. *Comment. iur. ciu. VII, 19, 5.* Hub. *Praelect. ad tit. Inst. de societ.* Sed quum fictionem redoleat illa sociorum fraternitas, adeoque in iure naturae eius ratio haberi nequeat, et praeterea hic lucrum ex rebus operisque, in commune collatis, proueniat: nihil aequius profecto est, quam ut lucrum damnumque pro rata rei operaeque collatae diuidatur. Recte Aristot. *ad Nicom. VIII, 16.* Ἐν χρημάτων κοινωνίᾳ πλείω λαμβάνουσιν οἱ συμβαλλόμενοι πλείω. *In pecuniarum communione plura accipiunt, qui plura contulerunt.*

§. CCCLXXXII.

Denique obseruandum, quum haec societas consensu, vel per modum conuentionis contrahatur, (§. CCCLXXVIII. *) 217) ex iuris naturalis principiis vix deduci posse regulam iuris Romani, ex societate cuius excedere licere, dummodo id non intempestiue et in alterius fraudem fiat: *) sed potius 218) rem omnem redire ad legem conuentionis, et hinc, si perpetuam societatem inire placuit, eam de-

An socio
liceat,
altero
inuito,
societa-
te exce-
dere.

bere

bere esse perpetuam, fin temporalem, temporalem; nisi quod, 219) si alter sociorum iniuriosus, damnosusue sit, vel leges contractus manifesto violet, aequissimum videtur, socio facultatem esse debere, et ante tempus constitutum societati renunciandi.

- *) Quod vel ex ipsis rationibus, quibus veteres iuris conditores vtuntur, liquido probari potest. Modo enim hanc reddunt rationem, quod communio sit mater discordiarum: *l. 77. §. 20. D. de legat. II.* modo, quod naturale vitium sit, negligi id, quod communiter possideatur: *l. 2. C. quando et quib. quarta pars*, quibus tertiam rationem addunt nonnulli, quod personae, quam socium adsciscimus, qualitas et industria eligatur, adeoque si spei non respondeat socii fides et diligentia, socio merito saluum esse oporteat societati renunciandi arbitrium. Enimuero non minores saepe discordias excitant emptio venditio et locatio conductio, in quibus tamen negant, locum esse poenitentiae. Et non minus aliquando negliguntur aedes, aliis locatae, quam communes, et tamen ideo contractum ante tempus abrumpere non licet. Denique et, qui operas conducit, personae qualitatem et industriam eligere solet, et tamen contractum ante tempus finire nequit. Si ergo de reliquis contractibus valet regula: *Sicut initio libera potestas unicuique est habendi, vel non habendi contractus: ita renunciare semel constitutae obligationi, aduersario non consentiente, nemo potest: l. 5. C. de obl. et art.* quidni etiam de societate idem omnino dici posset?

§. CCCLXXXIII.

Quid
iustum
circa do-
nationem.

Subiicimus DONATIONEM, per quam intelligimus promissum de re nostra in alterum gratis transferenda. Ex ea vero definitione facile patet, 220) eam non modo pure, sed et sub qua-

quacumque conditione, adeoque 221) sub conditione etiam mortis donatoris, vel eius contemplatione fieri posse, adeoque 222) recte diuidi in DONATIONEM INTER VIVOS, et MORTIS CAUSSA. 223) Rem inter viuos donatam merito esse tradendam, nec 224) donatori eam reuocandi superesse arbitrium. Denique ex iis, quae supra diximus, colligi potest, 224) donatarium, re euicta, a donatore petere non posse euictionis praestationem, (§. CCLXXIII, 24.) et 225) donatori ad gratum animum quauis occasione verbis factisque testandum omnino esse obligatum. (§. CCXXII, 40.)

§. CCCLXXXIII.

Denique de omnibus generatim contractibus adhuc monendum est, 226) illos, quia consistunt in consensu, (§. CCCXXVII.) ab iis esse ineundos, qui vel a natura, vel a legibus, consentire non prohibentur. 227) Deinde, quia contractus commercii causa inuenti sunt, (§. CCCXXVII.) contrahendum quoque esse de rebus, quae honeste, et permittentibus legibus, in commercio esse possunt: ac proinde 228) nullum valere contractum de rebus turpibus, impossibilibus, rebus per leges commercio exemptis, quamuis 228) quum res praeque non natura, sed legibus positiuis commercio eximantur, eae etiam contractus permittere possint super rebus, super quibus aliarum gentium legibus et moribus contrahere non liceret. *)

Corollaria quaedam de contractibus in genere.

*) Exemplo esse possunt cadauera. Ea oppignorare apud nos procul dubio et inutile esset, et pro contractu

tractu turpissimo haberetur. Contra apud Aegyptios lex permittebat cadauera patrum condita oppignorare, et ei, qui, illis neglectis, non expunxerat nomen, honesta sepultura negabatur. Diodor. Sicul. *Bibl. I* 93. Contra natura inhonesta est oppignoratio vxorum, liberorumque, quod in regno Pegu permittitur, quia illa non potest non plena esse tristissimi euentus. Vnde et creditorem relegatione dignum iudicabant Romani, qui sciens filium familias pignori a patre acceperat. *l. 5. D. quae res pign.*

CAP. XIII.

DE PACTIS.

§. CCCLXXXV.

Quae sit
pacto-
rum et
contra-
ctuum
differen-
tia?

QUAMUIS inter PACTA et CONTRACTVS iure naturae nihil sit discriminis, dum vtrumque negotium vtriusque consensu capit substantiam: dici tamen potest, CONTRACTVS ex vetere loquendi consuetudine ad rerum operarumue commercium; (§. CCCXXVII, 6.) pacta ad alias res, factae, quae in commercio esse non solent, pertinere. *) Sic e. g. quamuis homines ingenui vtriusque sexus non sint in commercio: inter eos tamen conuenire solet de nuptiis, vel in futurum, vel in praesenti, celebrandis, isque consensus tum sponsalitiis, tum nuptialis PACTORVM nomine recte venit.

*) Agnuit id discrimen etiam Pufendorffius *de iure nat et gent. V*, 2, 4. Et quamuis scriptores Romani, quia alio sensu accipiunt vocabula, aliudque discrimen pactorum et contractuum statuunt, non semper verbo *contrahere* vtantur de rebus, quae in commercio; *pacisci* de rebus factisque, extra commercium

mercium positis, veluti dum dicunt *contrahere nuptias*, l. 22. D. de ritu nupt. *pacisci ab aliquo nuntios*: Val. Max. VIII, 4, 2. nomen tamen CONTRACTVS vix aliter accipiunt, quam de conuentione super rebus, quae in commercio sunt. Quod adeo verum est, vt ideo iureconsulti contra Donell. *Comm. iur. XIII, 18.* negent, nuptias esse contractum, qui ineatur de personis et indiuidua vitae consuetudine, quae non sint in commercio. Nihil ergo obstat, quo minus nos hoc *pactorum et contractuum* discrimen admittamus.

§. CCCLXXXVI.

Nimirum quum homines suauiter et com-
mode viuere non possint, nisi sibi inuicem
praestent officia, quae supra HUMANITATIS et
BENEFICENTIAE diximus, (§. CCXIII, 2.) et ita
tamen inter homines iam pridem refrixerit
amor, vt de eorum humanitate et beneficen-
tia confidere non possimus, (§. CCCXXVI.)
denique illa officia sint imperfecta, et inuitis
extorqueri nequeant (§. CXXII. *) consequens
est, 1) vt non alia sit ea certo consequendi ra-
tio, quam consensus alterius. Qui consensus
duorum pluriumue in idem placitum de dando
aliquo vel faciendo, quod alias vel plane non,
vel tantum ex lege humanitatis et beneficen-
tiae debetur, quum vocetur PACTVM: 2) ea,
quae nobis ab aliis dari fieriue iure perfecto cu-
pimus, nobis PACISCI debemus. *)

Cur pa-
cta sint
necessa-
ria?

- *) Exemplo esse poterunt Abraamus et Abimelechus. Ipsa sane lex humanitatis et beneficentiae vtrumque iubeat benigne aduersus se inuicem agere, et maxime Abraamum, virum virtutis studiosissimum, plurimisque ab Abimelecho beneficiis ornatum, ipsa recta ratio ad grati animi memoriam obligabat: et tamen vterque sibi ab altero amicitiam
et

et benignitatem pactum esse, legimus *Gen. XXI, 23. sequ.* Ita saepe veteres alios pactis obligabant ad praestandum id, ad quod hi iam antea ex legibus humanitatis ac benevolentiae erant obligati.

§. CCCLXXXVII.

Ea seruanda esse, probatur argumento primo.

Nec dubitari potest, 3) quin pacta seruanda sint. Quum enim, qui aliquid promittit, mentem suam de dando aliquo faciendoue siue verbis, siue aliis signis prodat, verbis vero ita vtendum sit, ne alter decipiatur: (§. CLXXXVI, 67.) consequens est, vt et a paciscentibus omnem fraudem omneque abesse oporteat mendacium, adeoque standum sit promissis pactisque omnibus, deliberato animo initis, et hinc 4) nihil debeat fide data esse sanctius, 5) nihil perfidia detestabilius. *)

*) Quemadmodum enim pactis quodammodo subuenimus indigentiae nostrae, idque agimus paciscentes cum aliis, vt nobis officia humanitatis et beneficentiae, quae alias a plerisque frustra speraremus, praestent: ita facile patet, iis solis inter se genus humanum contineri. Ergo tanto perfidiosius est, magisque nefarium, fidem frangere, quae continet vitam. Cic. *pro Q. Roscio comoedo Cap. VI.* Hinc semper generosum visum est τὸ ἀψευδὲς ῥῆμα, os verax, vel, vt rem eloquitur Euripides in *Iphig. in Taur. v. 1064.*

Καλὸν τι γλωσσ', ὅτ' ἰστίς παρῇ
Pulcrum est lingua, cui adest fides.

§. CCCLXXXVIII.

Itemque secundum.

Accedit et altera ratio, cui non minus ponderis inesse, facile vnusquisque largietur. Quum enim officiorum omnium, quae alteri debemus, communis veluti fons et scaturigo sit

fit amor iustitiae, (§. CLXXIII, 1.) isque nos subigere debeat, ut, quod nobis fieri nolumus, id nec alteri faciamus, (§. CLXXVII, 6.) nemo denique sit mortalium, qui pactis et promissis ab altero decipi velit: denuo sequitur, ut nec nos cuiquam pactationibus et promissis illudere, eumque propter fidem nostram defraudare debeamus, adeoque pacta omnino sint seruanda. *)

- *) Non hic utimur argumento, quod nec societas civilis seruari posset, nisi sancta hominibus esset religio. Quamvis enim hoc argumento recte probetur pactorum fideique inter homines necessitas, eamque Cicero *de offic. II, 11.* et inde eleganter demonstrarit, quod *ne illi quidem, qui maleficio et scelere pascuntur, possint sine illa particula iustitiae*, id est, sine pactis, vivere: ex hac tamen socialitate non esse originem obligationis huius repetendam, iam supra ostendimus. (§. LXXV.) Itaque binas has rationes, quas hoc et antecedente aphorismis exposuimus, ex principio nostro AMORIS deriuare maluimus.

§. CCCLXXXVIII.

Ceterum pacta vel *μονόπλευρα*, seu VNILATERALIA sunt, vel *δίπλευρα*, seu BILATERALIA. Illis vnus tantum alteri; his ambo sibi mutuo aliquid promittunt, adeoque posterioribus tacita inest conditio, vnum praestitutum, quod promiserit, si et alter ex sua parte pacto satisfactorius sit. Deinde vtraque sunt vel OBLIGATORIA, quibus noua obligatio vel alterutrius, vel vtriusque partis, constituitur, vel LIBERATORIA, quibus obligationes, antea constitutae, tolluntur, vel MIXTA, quibus et obligationes priores tolluntur, et nouae pro arbitrio pacifcentium constituuntur,

Quotuplicia pacta?

tur, quales in primis NOVATIONES, et TRANS-ACTIONES de causis dubiis esse, nemo non intelligit. Sed horum omnium eadem est ratio, puta, 5) ut summa fide et quam religiosissime servanda sint, 6) si vel maxime non eo consilio aliquid promiserit alteruter, ut obligari velit.")

*) Observandum hoc est, contra illos, qui aliam promissionem PERFECTAM, aliam IMPERFECTAM esse statuunt, et illam quidem definiunt, quando non solum promittens obligari vult, sed et simul ius in alterum confert, ut rem promissam veluti debitam plene a se poscere queat: hanc vero, quando obligari quidem vult, qui promisit, ut tamen alteri ius non sit ad exigendum. Quo referunt promissionem: *Ego destinaui, hoc tibi dare, et peto, ut mihi credas*, itemque pollicitationes virorum potentum aut gratiosorum, quibus alicui commendationem vel suffragium spondent. Grot. *Iur. bell. et pac. II, 2, 2.* Pufendorff. *Iur. nat. et gent. III, 5, 5.* Sed 1) saepe tales promissiones non sunt pacta, sed dicta tantum, vel *adsuerationes*, quas a pactis ipsi distinguunt Grotius et Pufendorffius, immo aliquando non pacta sunt, sed praeparationes ad pacta, quas vulgo *tractatus* adpellant. 2) Res est paene contradictoria, aliquem promittere velle, et alii tamen nolle ius ad exigendum dare. Quod nescio, an tale sit commentum, quo omnia pacta et promissa turpiter eludi possent, exemplo Mediolanensium, qui increpati de periurio, respondebant: *Iuravimus quidem, sed iuramentum attendere non promissimus.* Quod referens Radevicus de *gestis Friderici I. Lib. II. Cap. XXV.* Digna, inquit, responsio, ut moribus oratio consonaret, et, qui prave ac perfide vivere et facere consueverant, aliter, ac perfide et prave, loqui non potuissent, ut vitam flagitiosam sermo inlotus comitaretur. Denique 3) si imperfectae plerumque sunt huiusmodi potentum promissiones ratione exactionis: non id eo illico, quod ad obligationem attinet, pro imperfectis habendae sunt.

§. CCCLXXXX.

§. CCCLXXX.

Ex quo porro colligimus, 7) nihil iure naturali interesse inter pactum et stipulationem, adeoque 8) falli Franc. Connanum *Comment. I, 6.* qui, Romanorum commendaturus *ὑπομίσθων*, etiam iure naturae ex promissis, quamdiu stent intra terminos simplicis conventionis, et in *συνάλλαγμα* non transeant, ius perfectum oriri negat. Quemadmodum enim eius argumenta iam satis profligarunt Grot. *de iure belli et pac. II, 2, 1.* et Pufend. *Iur. nat. et gent. III, 5, 9.* ita nos addimus, Connanum minus magnifice de naturali pactorum obligatione sentire, quam ipsos Romanos, quippe qui pactis nudis vim perfecte obligandi numquam detraxerunt, quamvis actionem ex iis, ob singulares rationes, denegarent. *)

Iure naturae et nuda perfecte obligant.

- *) Ex Romanorum sententia obligabatur, etiam qui nudo pacto aliquid promiserat, eumque, qui fidem fefellerat, illi non minus perfidum purabant, quam aliae gentes. Quin non imperfectam esse existimabant hanc obligationem, quae ex pactis nudis oriebatur, sed perfectam, siquidem ratione illius locus erat compensationi, *l. 6. D. de compens. constituto, l. 1. §. pen. D. de pecun. const. nouationi, l. 1. fin. D. de nouat. fideiussoribus et pignoribus, l. 5. D. de pign. exceptioni, l. 7. §. 5. l. 45. D. de pact. l. 10. l. 21. l. 28. C. eod.* Vnde et, quod a promittente per errorem fuerat solutum, conditione indebiti repeti non poterat *l. 19. D. de cond. ind.* Quorum pleraque ita sunt comparata, ut in obligationem imperfectam vix cadant. Solam negabant ACTIONEM, quia civilem inuenerant modum, quo paciscentes uti iusserant, puta stipulationem. Eam qui negligebant, perlusorie egisse videbantur. Quemadmodum ergo multis locis leges ex oppignoratione rerum immobilium non dant actionem, nisi pignus

apud acta sit constitutum, nec tamen ideo pignori obligationem perfectam detrahunt, quippe quae aliis modis sese exserit: ita nec de Romanis statuendum est, eos pacta noluisse perfectam obligationem producere, quia actionem inde oriri noluerint.

§. CCCLXXXI.

Pacta
expressa
et tacita.

Quum vero pactum sit duorum pluriumue in idem placitum consensus, (§. CCCLXXXVI.) CONSENSVS vero duarum pluriumue voluntatum in eamdem rem easdemque circumstantias conspiratio: consequens est, 9) vt ille consensus tamquam internus externo aliquo signo declarandus sit. Qualia signa, quum sint *verba*, siue ore prolata, siue litteris consignata, et *facta*, et illa consensus expressi; haec taciti praebeant argumentum: (§. CCLXXXIII.) facile patet, 10) perinde esse, siue expresso, siue tacito consensu, aliqui paciscantur, dum tale sit factum, ex quo consensus in eam rem, de communi humani generis vel gentis cuiusdam, sententia colligi soleat. *) Immo 11) aliquando consensum recte colligi ex ipsa negotii natura, si illud tale sit, vt non possit non iudicari, alterum non dissentire. (§. CCLXXXIII.)

- *) Hinc et nutum sufficere, recte statuunt iura nostras: l. 52. §. ult. D. de obl. et act. Quintilian. *Declam. CCXXXVII.* nec non patientiam, immo et silentium, l. 51. pr. D. locati, l. 11. §. 4. 7. D. de interr. in iure fac. et alibi passim. Quod admittimus omnino, nisi alia fuerit probabilis ratio, cur quis, dissentiens licet, tacere, quam dissensum verbis factisue testari, maluerit, e. g. si filius familias, truculentiam patris veritus, interrogatus, an Maeuiam, a qua maxime abhorret, ducere velit? taceat: non illico consensisse videbitur. Quid si enim, patre dicente:

dicente: *Abi domum, et suspende te*, prae stupore tacuisset filius? an ideo consensisse diceretur?

§. CCCLXXXII.

Quumque consensus sit duarum voluntatum in eandem rem easdemque circumstantias conspiratio, (§. CCCLXXXI.) voluntas vero nihil possit vel adpetere, vel auerfari, nisi ab intellectu excitata: (§. XXX.) sequitur, 12) vt pacisci valide nequeant, quicumque rectae rationis usu destituuntur, adeoque nullius momenti sint pacta furiosorum, nisi dilucido intervallo distinguatur furor, nec non 13) infantum et eorum omnium, quos ob lubricum aetatis rem non intelligere, probabile est, 14) praeterea aegrotorum, quorum animos morbi vehementia perturbat, immo 15) et maxime ebriorum, licet voluntaria fuerit promittentium ebrietas, *) nec 16) eorum, qui iocantes aliquid promiserunt, sibiue sunt ab altero stipulati.

Pacisci
quinam
possint,
vel non
possint?

- *) Quamvis enim alias tunc demum agenti non imputetur actio, ex ebrietate perpetrata, si per eum non steterit, quo minus huiusmodi quid contingeret, (§. CVI, 31.) per eum autem, qui ultro suauem illam insaniam sibi attraxit, omnino steterit, ne pacisceretur, quum actio ex ebrietate profecta inuoluntaria quidem sit in se, sed non in sua causa: (§. L. *) hic tamen aliud statuendum et gradus ebrietatis distinguendi sunt. Aut enim modica fuit, aut summa hominis aliquid promittentis ebrietas. Si modica: non ita caliginem illa offudit intellectui, vt nesciret, cui vel quidnam promitteret, adeoque huiusmodi promissio omnino obligat. Sin summa: non potuit non illa incurere in sensus, ac proinde alter, qui cum illo pactus est, vel in manifesto dolo fuit, vel sibi sal-

tim imputare debet, quod cum homine vino sepulto ac semisomni rem seriam suscipere et pacisci non dubitarit. Itaque nulla est ratio, cur ei ius esse debeat, promissum, discussa alterius crapula, exigendi,

§. CCCLXXXIII.

An utile sit pactum ex ignorantia vel errore initum? Ex eodem porro axiomate colligimus, 17) inutile esse pactum, ex ignorantia vel errore initum, si vitium hoc intellectus sit culpabile, vincibile, ac voluntarium: (s. CVII, 33.) non, 18) si ita comparata sit res, ut et prudentissimum possit fallere, (§. CVIII, 36.) veluti 19) si de diuersis personis rebusue senserint stipulator et promissor, vel 20) si alteruter errauerit circa personam, vel rem ipsam, vel 21) circa eas circumstantias, quae non facile sciri potuerunt, et quarum si conscius fuisset promittens, numquam ita esset pactus. *)

*) His obseruatis regulis omnes species, quae in ipsis rerum argumentis occurrere possunt, facile explicantur. Sic non valebit pactum, si quis se ducturum promisit virginem, quae praegnans postea adpareat, quia hac in re falli potuit etiam prudentissimus: *per n. 18.* nec sponsalia vllius momenti erunt, si cui Tulliae nuptias adfectanti, nomen vero ignoranti, Afrania per errorem spondeatur, quia, quum de diuersis personis senserint, non consenserunt in idem placitum. *per n. 19. et 20.* Denique si desponsam Tulliam epilepticam esse, vel alio tetro morbo laborare, postea adpareat: ne eo quidem casu sponsus tenebitur, quia errauit circa *περίστασις*, quae a sponso tam facile explorari non potuit, et qua tamen cognita, illum has adfectaturum nuptias fuisse, vix verosimile est. *per n. 21.*

§. CCCLXXXIII.

§. CCCLXXXIII.

Multo minus ergo 22) valebit pactum ad quod quis dolo alterius inductus, vel 23) in quo dolo istius malo circumscriptus laesusque est, quia consensisse non potest videri, cuius menti veluti praestigias alter obiecit, ut rem vel personam, de qua pactus est, sibi multo aliter conciperet, ac eam postea reipsa deprehendit. *) Contra 24) nulla est ratio, cur irritum esse debeat pactum, ad quod tertius alterutrum paciscentium, altero inscio, pellexit, quamvis 15) dubitari nequeat, quin is, cuius dolo factum est, ut ita paciscerentur, laesis ad refarciendum damnum sit obligatus.

An dolo
malo
elicitum?

- *) Hinc nemo dixerit iure naturae raras esse debuisse nuptias Iacobi cum Lea, quas manifesto dolo conciliauerat Labanus. *Genes. XXVIII, 22.* Neque mos gentis, quo facti turpitudinem velare conatus est Labanus, eum a dolo excusare, vel Iacobum obligare potuit, ut sibi a socero malitiosissimo tam proterue illudi pateretur. Nam nec obligatoria procul dubio fuit illa consuetudo, et, si pro lege habita fuisset, id praedictum esse oportebat, neque debebat Labanus Rachelem petenti Iacobo promittere, sed eum peregrinum, et consuetudinum Syriacarum ignarum, praemonere, sororem, natu minorem ante maiorem despondere, moribus patriis nefas esse. Omnia ergo miris fraudibus hic implicata fuerunt, nec ea rata fuissent procul dubio, nisi Iacobo peregrino satius visum fuisset, concoquere iniuriam, sibi a socero illatam, quam in ambiguam litem descendere.

§. CCCLXXXV.

Quumque et vis et metus quam maxime obstant consensui, nec imputari vlli possit, quod quis coactus fecit, si cogenti nullum ius cogendi

An vi et
metu
extortum?

cogendi fuerit: (§. CVIII, 43.) facile patet, 26) non obligari promittentem aliquid latroni, aliiue vim iniuste facienti. 27) Ratam contra esse promissionem, factam ei, qui dum alterum coegit, iure suo est usus: 28) multoque minus dubitari posse de validitate pacti, si non ipse, cui quid promissum, sed tertius, hoc ignorante, vim adhibuerit, vel causam ineundi pacti dederit, *) nec non, 29) si coactus postea rem ratam habuerit, quia tunc non ex voluntate priore, vi et metu extorta, sed ex posteriore ultroque obligatur (§. CVIII, 41.)

*) Quum enim cesset imputatio, si quid factum sit, cuius quis nec causa nec auctor est, (§. CV, 23.) hic vero is, cui quid promissum est, non sit auctor violentiae, qua alter ad promittendum est adactus: illi etiam vim non posse imputari palam est. Sic e. g. si quis imminente a latronibus vel praedonibus maritimis periculo, praesidium sibi mercede satis luculenta conduxerit, frustra ille comitibus illis itineris, mercedem flagitantibus, reponeret, se metu latronum promississe. *Quidem illo- rum refert, an conductor coactus sit, si a locatori- bus coactus non sit? Horum culpam esse oportet, ut horum poena sit: recte inquit M. Seneca Controv. III, 27.*

§. CCCLXXXVI.

Consen-
sus pa-
ciscen-
tium de-
bet esse
mutuus.

Quandoquidem porro pactum in duorum pluriumue in idem placitum consensu consistit: (§. CCCLXXXVI.) facile patet, 30) id non modo in pactis bilateralibus, sed et in unilateralibus, iustissimam habere rationem: adeoque 31) promittentem non teneri, nisi alter, sibi gratam esse rem promissam, ostenderit. Quod tamen 32) aliquando merito praesumitur,

tur, tum ex statu eius, cui quid promissum, tum 33) ex ipsius rei, quae promittitur, indole, tum 34) ex antecedente rogatione, dummodo hoc postremo casu idem, quod rogauerat alter, promissum sit.

§. CCCLXXXVII.

Quia praeterea pacta ineuntur de aliquo praestando, (§. CCCLXXXVI.) praestari vero nequeunt impossibilia, adeoque eorum omissio nemini imputatur: (§. CXV, 59.) consequens est, 35) ut pacta de rebus absolute impossibilibus inutilia sint, nullaque inde nascatur obligatio, nisi 36) tempore initi pacti res in potestate promittentis fuerit, isque postea vires, quibus pollebat, sua culpa detriuerit, vel 37) aliquis rem non absolute impossibilem, quam tamen sibi impossibilem esse satis nouerat, dolo malo promiserit. (§. CXV, 60. sequ.)

An rata sint pacta de rebus impossibilibus?

§. CCCLXXXVIII.

Quumque ἐκ τῶν ἀδυνάτων sint non modo, quae per rerum naturam, sed et quae per leges bonosque mores, fieri non possunt: (§. CXV, 58.) nemo non intelligit, 38) inutilia quoque esse pacta ac promissa, quibus leges iustitiae humanitatisque refragantur: nec non 39) quae decorum, pietatem, verecundiam, laedunt, quaeque adeo *nos ne facere quidem posse, credendum est*, uti recte, et vere φιλοσοφικῶς, scribit Papinianus *l. 15. D. de condit. instit.* 40) Non obligari quemquam promisso, quo se ad patrandum delictum obstrinxit: nec, 41) illum, qui se alteri ad praemium delicti dandum obli-

An de rebus turpibus?

gaut, eo nomine teneri: ac proinde 42) omnia pacta de rebus turpibus ac inhonestis inita, siue vnilateralia, siue bilateralia, nullius momenti esse. *)

*) Manifesto enim contradictorium est, ius naturae adstipere pactis, etiam iuri naturae contrariis: itemque prohibere illud ita pacisci, et tamen praecipere, ut pacto satisfiat, pactum denique nullum esse, et tamen effectum fortiri. Itaque sine perfidiae labe ab huiusmodi pacto disceditur, quod sine summo scelere impleri non potest. Nec fidei laudem fert, qui praestat, quod sine scelere praestari non potest. Recte proinde Deianirae, silentium sibi stipulatae, respondet nutrix apud Senecam, tragoedum in *Hercule Oeteo Act. II. v. 480.*

*Praestare, fateor, posse me tacitam fidem,
Si scelere careat, interim scelus est fides.*

§. CCCLXXXVIII.

An seruandum
promissum
cum alterius
detrimento
coniunctum?

Ex quo porro colligimus, 43) non obligari quemquam ad praestanda promissa, quorum praestationem cum alterius detrimento manifesto coniunctam esse, animaduertit, 44) licet vel maxime alter perire velit, promissumque vrgeat. Quum enim laedere alterum iure naturae prohibeamur, (§. CLXXVIII, 7.) de iis vero, quae iuri naturae refragantur, pacisci nemo possit: (§. CCCLXXXVIII, 38.) non potest etiam pactum quaecumque, quo alter laeditur, valere, et 45) qui fidem sic praestitit volenti et vrgenti, non minus poena dignus est, ac qui inuitum et repugnantem laesit. *)

*) Nec opponi huic doctrinae potest, volenti non fieri iniuriam. Ei enim regulae non esse locum, si velle non liceat, iam supra ostendimus. Velle autem non licet,

licet ea, quae Deus vel per rectam rationem, vel per reuelationem, prohibuit. Hinc quamuis Saulus, rex, vulneratus adolescentem supplex rogasset, vt se gladio transfigeret: tantum tamen abest, vt id impune ferret, vt Dauides eum, tamquam regicidam confessum, confestim obtruncari iuberet. II. Sam. I, 15. 26.

§. CCCC.

Quia porro paciscimur de iis, quae nobis ab altero dari fierique iure perfecto cupimus, (§. CCCLXXXVI.) dari autem vel fieri non possunt ea, quae alterius dominio arbitrioque subiecta sunt: recte negamus, 46) quemquam vtiliter promittere res, factaeue aliena, nisi mandante domino; immo 47) ne proprias quidem res, in quibus iam alteri antiquiore pacto ius aliquod quaesitum est. 48) Obligari quidem eum ad omnem diligentiam adhibendam, qui se operam daturum promisit, vt alius det faciatue: *) immo et 49) ad id, quod interest, si, se rem alteri confectam daturum, receperit, 50) non autem ei, cui quis rem factumue tertii promisit, ius esse, rem illam factumue a tertio exigendi. Vid. Hert. *de obl. alium datur. facturumue.*

Effectus
pactorum de
rebus factis
et alienis.

- *) Quum enim plus, quam operam suam diligentiamque, non promiserit: nec plus ab eo exigere poterit is, qui sibi illam pactus est. Et generatim quoties quis sibi aliquid stipulatus est, quod in alterius potestate absolute non esse praesciuit, vel praescire potuit: toties promittens, praestita omni diligentia, liberatur. Eleganter id obseruat Seneca *de benefic. VII, 13.* Quaedam eius conditionis sunt, vt effectum praestare debeant: quibusdam pro effectu est, omnia attentasse, vt efficerent. Si omnia fecit, vt sanaret: peregit medicus partes suas.

Etiā

Etiam damnato reo, oratori constat eloquentiae officium, si omni arte usus est. Laus imperatori, etiam victo, et duci redditur, si et prudentia et industria, et fortitudo muneribus suis functa est.

§. CCCCI.

Pactum
et pure,
et sub
condi-
tione, et
ex die
vel in
diem re-
ste ini-
tur: non
tamen
sub con-
ditione
impossi-
bili.

Ex eodem, quod datio vel factum, quod promittitur, ab utriusque consensu pendet, (§. CCCLXXXVI.) sua sponte sequitur, 51) ut in paciscentium arbitrio sit, PVRE, an SVB CONDITIONE, an IN DIEM, vel EX DIE pacisci velint, easque circumstantias a paciscentibus accurate esse obseruandas, dum, 52) quod ad conditionem attinet, illa effectum pacti ab incerto euentu vere suspendat, id est, dummodo vere sit CONDITIO. Ex quo patet, 53) id quod sub *conditione impossibili*, quam vocant, promissum est, non deberi, quum nec hoc additamentum conditionis nomen mereatur,*) et ii, qui, quod fieri non posse praesciuerant, promiserunt stipulatiue sunt, aut iocati, aut insaniuisse, ac priore casu pacisci noluisse, posteriore non potuisse, censeantur. (§. CCCLXXXII, 12. 16.)

- *) Est enim CONDITIO certa quaedam circumstantia, a paciscentibus expressa, a qua pacti effectus suspenditur, tamquam ab incerto euentu. Quum ergo impossibilis, quam vocant, conditio non exprimat incertum euentum, sed, quem non existitum, certissimum est: sequitur, ut nec suspendat pacti effectum, adeoque non sit conditio. Cauillabatur ergo Miltiades, qui vrbis deditionem a Lemniis ex pacto postulabat, quod domo profectus, vento Aquilone Lemnum peruenisset. *Nepos Miltiad. Cap. I. et II.* Lemnii enim Athenas intellexerant: nec aliter Lemniorum verba capere poterat Miltiades, qui eo tempore nusquam, nisi Athenis, domum habebat.

bat. Condicio ergo erat impossibilis, quae, quum existerenum quam posset, pactum reddebat irritum, maxime quum illuisse Lemnios Miltiadi, et irridentes hoc dixisse, adeoque iocatos esse, facile intelligere potuisset Miltiades.

§. CCCCII.

Quum vero, et quae rectae rationi, legibus, bonisque moribus aduersa sunt, *ἐκ τῶν ἀδυνάτων* esse censeantur, (§. CXV, 58.) id vero, quod sub conditione impossibili promissum est, non debeat, (§. CCCCI, 53) quin generatim de rebus turpibus pacisci non liceat: (§. CCCLXXXVIII, 40.) inde merito colligimus, 54) turpes etiam inhonestasque conditiones vitare pactum,*) eumque, 55) qui sub huiusmodi conditione promisit, illam adimplere non teneri: 56) si vero adimpleta sit, vtrumque paciscentem poenas merito dare, et promittentem quidem, quod delictum perpetravit, alterum, quod talem ferendo conditionem, pro causa istius facinoris morali merito habetur. (§. CXII, 49.)

- *) Ex singulari ratione Romani condiciones, tum phylice, tum moraliter impossibiles, pro non adscriptis esse voluerunt in ultimis voluntatibus. §. 10. *Inst. de her. inst. l. 1. l. 19. D. de condit. inst. l. 8. et l. 20. D. de condit. et dem.* Quemadmodum enim absurdum videbatur, testatori indulgeri, ut in actu tam graui et serio, heredi illudere, nugasque agere posset: ita nec heredi fraudi esse debebat omissio actionis impossibilis, in quam numquam consensisset. (§. CXV, 59.) Et hinc legata accepturi nihilominus ex iure Romano fuissent, ab Eumolpo honorati, apud Petron. *Sat. Cap. LXXXI.* si vel maxime non adimplessent conditionem: *Omnes, qui in testamento meo legata habent,*

habent, praeter liberos meos, hac conditione percipient, quae dedi: si corpus meum in partes conciderint, et, adstante populo, comederint. Ac quum ex nostra sententia non alias ultimas voluntates agnoscat ius naturae, quam quae per modum pacti fiunt: (§. CCLXXXI, §.) nihil obstat, quominus, quae de pactis, sub impossibili vel turpi conditione initis, diximus, (§. CCCCI. et CCCCI.) etiam de ultimis voluntatibus valere debere dicamus: ut adeo absurda dicenda sit Thebanorum lex, quae conditionem adimpleri iusserat ridiculam, ut heres captator mortuam testatricem nudam, et oleo unctam, humeris suis efferret,

Scilicet elabi si posset mortua, credo,

Quo nimum insisterat viventi.

Vid. Horat. *Serm. II, 5.*

§. CCCCIIL.

An liceat per alios promittere et pacisci?

Quia porro et per modum mandati, et per negotiorum gestionem, cuius licet alterius utilitatem promovere, eumque ope sua, iuvare: (§. CCCXXXVI.) non possumus non inferre, 57) perinde esse, siue ipse quis paciscatur promittatur, siue eius mandato alius. Quum vero negotiorum gestor tantum ad utiliter gerendum obligatus sit, (§. CCCXXXVIII.) non vero utiliter gerat, qui de alieno liberalis, aliquid sine consensu domini promittit: (§. CCCC, 46.) consequens est, 58) ut liceat quidem negotiorum gestori alteri stipulari, adeoque 59) aequitati naturali parum conveniens videatur regula iuris Romani: *neminem posse alteri, nisi cuius iuri subiectus sit, stipulari*: §. 4. *Inst. de inut. stip.* non tamen 60) pro absente et ignorante promittere, et talis promissio dominum plane non obstringat.

§. CCCCV.

§. CCCC.V.

Denique quum ineunte hoc capite a nobis obseruatum sit, inter pacta et contractus iure naturae nihil esse discriminis, siquidem vtrumque negotium vtriusque consensu capit substantiam: (§. CCCLXXXV.) facile patet, 61) omnes regulas, quas hoc capite vidimus, non minus ad contractus, quam ad pacta, pertinere, nec 62) male illum ratiocinari, qui a natura pactorum ad contractuum indolem eruendam ducit argumentum.

Quae de pactis dicta, etiam ad contractus pertinent.

CAP. XV.

QVIBVS MODIS OBLIGATIONES
EX CONTRACTIBVS PACTIS-
QVE SOLVVTVR.

§. CCCCVI.

Pacta summa FIDE et quam religiosissime seruanda esse, nihilque data FIDE debere esse sanctius, supra demonstrare nos meminimus. (§. CCCLXXXVII. sequ.) FIDES vero hic nobis nihil aliud est, quam promissionum pactorumque impletio: adeoque vere Cicero *de offic. I, 6.* quamuis parum accurate ad grammaticorum regulas, FIDEM *adpellatam*, ait, *quia fiat, quod dictum est.* Ex quo colligimus, 1) tum demum paciscentes finem suum adsequutos, quando pacti legibus satisfactum, idque, quod dictum, factum sit, 2) fine autem hoc obtento, (qui ex philosophorum sententia primum in intentione, et postremum in exsequu-

Axiomata generalia de modis soluendi obligationem.

sequutione est, vel ita comparato, vt obtineri numquam possit, (§. CCCLXXXVII, 35.) ipsam quoque obligationem, ex pacto promissoue natam, cessare oportere. *)

*) Iure quidem Romano distinguitur inter modos, quibus ipso IVRE, et quibus ORE EXCEPTIONIS tollitur obligatio. Quoties enim facto aliquo paciscentium perimitur obligatio, veluti solutione, in solutum datione, acceptilatione, ceteris: toties *ipso iure* illa expirasse; si contra propterea equitatem eliditur, *per exceptionem* sublata dicitur. Quamvis vero nec ociosam existimemus illam iureconsultorum distinctionem, nec eandem omni ratione destitui contendamus: (quam in rem praeclara sunt, quae disputavit celeberrimus Henr. Cocceius *diff. de eo, quod fit ipso iure.*) eam tamen ignorare ius naturae rectamque rationem, facile nobis largientur ii, quibus explorata est Romanorum res iudiciaria, ratioque, quae illos ad excogitandam hanc distinctionem permouit.

§. CCCCVII.

Modus
primus,
olutio.
A quo
fieri de-
beat?

Quum itaque cesset obligatio, ex pacto promissoue nata, quando pacti legibus satisfactum, idque, quod dictum, factum est: (§. CCCCVI, 1. 2.) consequens est, 3) vt illa cesset, facta SOLVTIONE, quippe quae nihil aliud est, quam naturalis praestatio eius, quod in obligatione est, illi, cui quis ex promisso obligatur, facta. Quemadmodum vero 4) ei, cui soluendum, perinde est, a quo sibi soluatur, dummodo vel rem ipsam, quae debetur, vel, si res fungibilis in obligatione sit, tantumdem accipiat, (§. CCCLXIII, * 3.) quum ita naturaliter illi praestetur, quod in obligatione est: ita ex eadem ratione facile patet, 5) alio se ad pacti imple-

impletionem offerente, non liberari paciscentem, si quid, quod vicariam alterius praestationem non admittit, promissum sit. *)

*) Id toties contingit, quoties personae qualitas vel industria aliquos ad paciscendum impulit. Hinc si Titia ex pacto sponsalitio obligata esset ad nuptias cum Sempronio contrahendas: ea sane non liberaretur, si vel maxime Sulpicia parata esse ad pactum pro Titia implendum, quia Sempronius Titiae qualitates, virtutes, aetatem, formam, frugalitatem, elegit, adeoque ei non perinde est, quae sibi nubat. Contra commodatario perinde est, siue librum commodatum a commodatario, siue a tertio quodam, quocum ipsi nihil negotii fuit, recipiat: creditoris quoque non refert, vtrum a debitore, an a tertio, etiam ignoto sibi homine, fortem vfurasue accipiat: quia vtrique hoc modo naturaliter praestatur, quod in obligatione est.

§. CCCCVIII.

Ex eodem principio colligimus, 6) praestandam esse vel eandem speciem, si alteri vsus tantum vel custodia rei non fungibilis concessa; vel 7) idem genus, seu tantumdem, si res fungibilis alteri abutenda data sit. 8) Creditori inuito non obtrudendum esse aliud pro alio, multoque minus 9) eum cogendum esse, vt partem pro toto accipiat: vel 10) tardius, aliove loco, quam legibus contractus cautum est, solui sibi patiatur: *) quia omnibus his casibus tunc non praestaretur naturaliter, quod in obligatione est. (§. CCCVII, 3.) Praeterea ex eodem patet, 11) non alii soluendum esse, quam creditori, dummodo leges illum solutionem accipere patiantur, vel 12) ei, cui ille nomen

Quid, et
cui solu-
endum
sit?

Y

cessit,

cessit, vel 13) cui solui mandavit, quum alias praestetur quidem, quod in obligatione est, sed non ei, cui ex promisso obligatus est, debitor. (§. CCCCVII, 3.)

*) Quamvis enim saepe debitori aliquid indulgeri iubeat necessitas, saepe et leges humanitatis subigere debeant creditorem, ut aliquid de rigore iuris remittat: nos tamen hic de iure loquimur. Hoc pacta et contractus summa fide servari iubet. *Fides* autem, recte observante Cicerone *de offic. II, 24. nulla esse potest, nisi sit necessaria solutio rerum creditarum.*

§. CCCCVIII.

Modus
secun-
dus
com-
pen-
satio.

Deinde quia cessat obligatio ex pacto, quoties eius legibus satisfactum, idque, quod dictum, factum est, (§. CCCCVI, 1. 2.) in rebus vero fungibilibus tantundem pro eodem habetur: (§. CCCLXIII, * 3.) consequens est, 14) ut et COMPENSATIONE tollatur obligatio, quippe quae nihil aliud est, quam mutui debiti et crediti, quorum utrumque certam aestimationem habet, inter se contributio. *)

*) Accedit et alia ratio. Quum enim ei solutum esse dicamus, qui habet, quod in obligatione est, (§. CCCCVII, 3.) is vero, cui res fungibilis debebatur, eam habeat, si tantundem acceperit: (§. CCCLXIII, * 3.) sequitur, ut ei, qui ex huiusmodi obligatione quovis modo tantundem accepit, solutum esse videatur, ac proinde COMPENSATIO nihil aliud sit, quam solutio brevi manu facta. Ut adeo aequissimum sit, compensationis eundem esse effectum, ac solutionis. Quod recte viderunt maiores nostri, dum dicere soliti sunt: *Abrechnen sey so gut, als zahlen.*

§. CCCCX.

§. CCCCX.

Ex ea vero definitione patet, 15) compensationi non esse locum, nisi inter eos, qui sibi mutuo debent, ac proinde 16) frustra veluti in solutum alteri inuito obtrudi, quod nobis a tertio debetur. 17) Compensationi locum esse in rebus fungibilibus, quae, quum regulariter pretium adfectionis non admittant, certam semper habent aestimationem, non autem 18) compensari posse speciem cum specie, nec 19) diuersum genus cum diuerso genere, nec 20) praestationes personales cum praestationibus similibus, quia haec omnia et adfectionem admittunt, et incertae sunt aestimationis. 21) Denique compensationem quantitatum etiam inaequalium admitti, ad summam concurrentem, quamuis et recta ratio videat, 22) ab eo non postulari aequum, qui liquidum cum illiquido compensari velit. *)

Quid
circa il-
lam ius-
tum sit.

*) Multo minus ergo recte compensatur debitum liquidum cum eo, quod alter vi iniusta non fecerit iniuriam, quia hic plane deficit mutua obligatio. Lepida ergo, si qua alia, fuit compensatio, qua creditoribus suis satisfecit Vitellius apud Dion. Cass. Hist. Lib. LXV. p. 735. Quum enim hi, proficiscenti in Germaniam, Vitellio inieciissent manus, eumque vix, datis fideiussoribus, dimisissent: hic, occupato imperio, illos latitantes requisivit, sublatasque esse compensatione obligationes, dixit, quin et chirographa sibi reddi iussit, interserens causam, τὴν σωτηρίαν σφίσιν ἐς τὸ ὀφειλόμενον ἀποδιδόναι, salutem se illis pro credita pecunia reddidisse. Quasi et id imputare viatori possit latro, quod, quum iugulare potuisset, incruenta spolia detraxerit.

Y 2

§. CCCCXI.

§. CCCCXI.

Tertius
modus,
condo-
natio.

Quum porro et illi satisfactum sit procul dubio, qui nihil a debitore exigere cupit, et quisque se iure suo, quod in fauorem sui inuentum est, recte se abdicet: (§. XIII, 19.) consequens est, 23) vt et CONDONATIONE vel REMISSIONE quaeuis soluatur obligatio, per quam quippe intelligimus renunciationem creditoris, qua se iure suo exigendi debitum vltro abdicat. Quumque perinde sit, siue quis animi sententiam verbis, siue factis, aliisque signis, declaret: (§. CLXXXV, *) 24) perinde etiam esse patet, siue verbis acceptum quis ferat, siue factis, veluti redditione, vel combustione, vel laceratione chirographi, 25) dummodo de contraria mente, aliove consilio creditoris, non constet, vel 26) chirographum non a creditore, sed ab alio iniussu, vel 27) casu fortuito potius, quam voluntate creditoris, laceratum combustumue esse, liquido probari possit. *)

*) Sic recte remissa sibi esse tributa aliaque debita fiscalia, dicere poterant Romani, quod eo consilio chirographa et rationes omnes publice combussisset Hadrianus Imp. vt hac stupenda liberalitate ciuium Romanorum animos sibi deuinciret. Spartian. *Hadr. Cap. VI.* Absurde vero idem sibi persuaderet debitor, cui ideo chirographum reddidit creditor, vt alia ac meliore forma conciperetur, vel cuius chirographum, orto incendio, conflagrauit. Ex quo etiam facile reddideris rationem, cur semper iniquissimum visum sit, populum Romanum, obaeratum, NOVAS TABULAS postulare, id est, a magistratibus, vel turbulentis ingenii tribunis, remissionem aeris alieni flagitare. Ita enim condonatio non proficiscebatur a creditoribus

ribus, sed a magistratibus, de alieno liberalibus, et quorum potius erat ius dicere creditoribus, quam, iis inuitis, debitores liberare. Pessimi rem exempli primum a Sulla repertam, ferunt. *Liv. Epit. Lib. LXXXVIII.* Idem deinde Catilinam, idem ipsum populum a Caesare expectasse, constat, quamuis tunc spe sua exciderint homines turbulentissimi. Sallust. *Catil. Cap. XXI.* Caesar de bello *ciu. III, 1.* Suet. *Iul. Cap. XXXXII.* Plutarch. *Solon. p. 86.*

§. CCCCXII.

Quum porro vnusquisque iure suo se abdicare, et alteri, quod sibi debet, remittere possit: (§. CCCCXI, 23.) sequitur profecto, 27) vt et vterque obligationem bilateralem mutuo consensu tollere possit, maxime quum *nihil sit tam naturale, quam eodem modo quidque dissolui, quae colligatum est. l. 35. D. de reg. iur.* 28) Vt tamen is modus soluendi obligationem locum non habeat, si leges positivae negotium aliquod, semel contractum, indissolubile esse iubeant. Quale hodie vbique inter Christianos esse matrimonium, quod olim apud Romanos bona vtriusque gratia impune soluebatur, nemo ignorat.

Quar-
tus, mu-
tuus
dissen-
sus.

§. CCCCXIII.

Quia vero mutuo tantum consensu tolli potest bilateralis obligatio: (§. CCCCXII, 27.) 29) vnus sane voluntas illam non tollit, adeoque 30) alterutrius partis PERFIDIA non abrum- pit obligationem, ceu visum est Grotio de *iure belli et pac. III, 19, 14.* et Pufendorffio de *iure nat. et gent. V, 11, 9.* Nam 31) et ipse, qui fidem non praestat, obligatus manet, quum

An et al-
teru-
trius
perfidia
soluatur
obliga-
tio?

se sua voluntate obligatione exsoluere non possit: (*per concl. 29.*) et alteri ius est, illum ad implendum pactum cogendi; quamuis 32) si hic iure suo uti nolit, *) procul dubio cesser vtriusque obligatio, quippe iam vtriusque consensu sublata. (§. CCCCXII, 27.)

*) Potest autem id unusquisque, si alter pactum adimplere nolit. Omni enim bilateralis negotio tacita inest conditio, vnum praestitutum, quod promiserit, si et alter ex sua parte pacto sit satisfactorius. (§. CCCLXXVIII.) Si ergo hic pacto non satisfecit, deficit conditio, a qua suspensa est obligatio: (§. CCCC, § 2.) adeoque et ipsa alterius obligatio cessat.

§. CCCCXIII.

Quintus
et sextus
modus,
lapsus
tempo-
ris et de-
fectus
condi-
tionis.

Quandoquidem porro qualemcumque pacto circumstantiam addere licet, eaeque circumstantiae a paciscentibus accurate sunt obseruandae: (§. CCCC, 51.) facile intelligitur, 33) obligatione EX DIE concepta, id, quod promissum est, non prius, quam veniente die, peti posse: 34) si IN DIEM promissum sit, veniente illo die, obligationem ipso iure periri: *) 35) CONDITIONE porro, a cuius euentu pacti effectus suspensus est, non existente, obligationem ex eadem ratione tolli, 36) nisi quis ad adimplendam conditionem paratus, ab ipso paciscente, vel 37) a tertio, sine quo adimpleri non potuit, sit prohibitus.

*) Itaque denuo fori Romani subtilitates redolet regula iureconsultorum Romanorum, ex contractu stricti iuris non posse ad tempus deberi, adeoque obligationem huiusmodi, in certam diem conceptam, perpetuari, nisi quod creditor ultra tempus constitutum aliquid petens exceptione doli mali

mali repelli possit. §. 3. *Inst. de verb. oblig. l. 4. pr. D. de seru. l. 44. §. 1. D. de obl. et act.* Sunt hae tricae fori Romani, quas si quis in iure naturae quaereret, nae iste mihi magno conatu maximas nugas agere videretur.

§. CCCCXV.

Sunt porro obligationes, quae contemplatione cuiusdam personae, eiusque qualitatum, contrahuntur. Hae ergo quum ita sint comparatae, vt vicariam praestationem non admittant: (§. CCCCVII, 5. *) nemo non videt, 38) eas non transire posse ad heredes et successores, adeoque 39) MORTE promittentis exspirare, quale quid in obligatione desponsatorum, mandatariorumque obseruamus. Non autem 40) hunc modum soluendi obligationem pertinere ad obligationes reliquas, quae ex bonis possunt adimpleri, 41) quippe quas, tamquam vicariam praestationem admittentes, et ad heredes transferri, aequissimum esse, iam supra demonstrauius. (§. CCCV, 56.)

§. CCCCXVI.

Eadem est ratio, si contemplatione certi cuiusdam status ad aliquid praestandum simus obligati. Perinde enim est, ac si sub conditione, si durer ille status; promissum esset. Quum ergo, deficiente conditione, et obligatio cesset: (§. CCCCXIII, 35,) sequitur sane, 42) vt et mutato statu obligatio, in illo statu vnice fundata, cesset, adeoque 43) qui administratorio nomine contraxit, finita administratione, non amplius teneatur. *l. vlt. D. de instit. act. l. 26. C. de adm. tut.* Quod tamen 44) de sola obli-

Ostauus, status mutatio.

obligatione, quae ex pacto vel lege positiva oritur, non de illa, quam ipsa naturalis ratio hominibus imponit, intelligendum esse, facile intelligitur. *)

*) Sic officia specialia, quae consul civitati debet, quia ex pacto sunt, cessant, simulac ille consul esse definit. Sed et officia filii familias, quatenus ex lege positiva sunt, cessant, simul ac filius patriae potestate exiit. Ex eo enim tempore patri non amplius acquirit, nec ususfructum bonorum aduentitiorum moribus nostris debet. At officia, quae liberis ipsa naturalis ratio imponit, veluti obsequium, reuerentia, gratus animus, etiam soluta per emancipationem patriae potestate, durant, nec parentibus, quorum e manu excefferunt liberi, sine iniuria denegantur.

§. CCCCXVII.

Nonus,
rei inter-
ritus.

Quandoquidem porro obligatio cessat, si finis ita sit comparatus, ut obtineri numquam possit: (§. CCCCVI, 2.) fieri non potest, 45) quin is, qui speciem promiserit, illa casu pereunte, liberetur, nisi forte 46) eam aestimato, vel 47) tamquam in solutum promiserit, nec 48) prior obligatio per novationem expresse sublata sit. Praeterea quum neminem excuset impossibilitas, qui in culpa vel mora est: (§. CXV, 60.) facile patet, 49) periculum rei promissae ferre, qui in mora vel culpa est, adeoque 50) ea omnia, quae supra de periculo rei venditae diximus, (§. CCCLIII. sequ.) hic esse repetenda.

§. CCCCXVIII.

§. CCCCXVIII.

Denique quum et per alium soluere, (§. CCCCVII, 4.) et obligationem alteri remittere, (§. CCCCXI, 23.) et ab ea communiconfensu discedere, nouamque introducere liceat, quod postremum conuentionis genus supra *pactum mixtum* vocauimus: (§. CCCLXXXVIII.) sequitur, 51) vt quisque alteri priorem obligationem remittere, nouamque eius loco recipere possit, quod negotium NOVATIONEM, et, si de rebus dubiis et litigiosis contrahatur, TRANSACTIONEM vocamus. 52) Vt creditor debitori et ea lege remittere possit debitum, vt pro eo alius, quem ipse idoneum iudicat, substituatur: quod speciatim vocant DELEGATIONEM. 53) Vt nouationem disertis verbis, vel signis euidentissimis, 54) delegationem vero, simul consentientibus omnibus, qui ad negotium illud concurrunt, fieri oporteat. Vt denique 55) multum intersit inter *delegationem* et *cessionem*, qua creditor actionem aduersus debitorem, hoc etiam inscio et inuito, in alterum transfert.

Decimus, nouatio et delegatio.



LIB. II.

IVS GENTIVM.

CAP. I.

DE STATV HOMINIS NATVRALI
ET SOCIALI.

§. I.

Conne-
xio.

HActenus IVS NATVRÆ, quo singulorum actiones reguntur, expendimus. Proximum est, vt, promissi memores, etiam IVS GENTIVM, ad principia sua reuocatum, veluti in nucleo exhibeamus. (Lib. I. §. XXIII.) Quum vero IVS GENTIVM sit ipsum ius naturale, vitæ hominis sociali, negotiisque societatum et integrarum gentium adplicatum: (Lib. I. §. XXI, 44.) illius indolem perspicere sine distincta STATVVM et SOCIETATVM notione non posse, facile patet.

§. II.

Quid
status
homi-
num
physicus
et mo-
ralis?

STATVS generatim est qualitas, per quam res vnaquæque limitatur: adeoque qualitates, per quas ipse homo limitatur, recte vocantur STATVS HOMINIS. Quemadmodum vero iam vires animi et corporis ab ipso Deo, hominum conditore, iam actiones eorum liberae per legem limitantur: ita priorem hominum statum PHYSICVM; *) posteriorem MORALEM adpellamus. Quum itaque iam de iure gentium acturi simus, quod in actionibus liberis dirigendis versatur:
nemo

nemo non intelliget, statum hominis non *physicum*, sed *moralem*, directe ad nos pertinere.

*) Sic ex limitationibus illis, ab ipso rerum conditore profectis, est, quod alii sint *masculi*, alii *feminae*, alii *corpus recte formatum*, alii *monstruosum*; alii *validum et robustum*, alii *languidum ac debile*; alii *formosum*, alii *deforme* acceperunt: aliis *ingenium perspicax et ad omnia factum*; aliis *hebes*, *ac ineptissimum*; aliis paene *nullum* contigit. Quae quidem omnia ad statum hominis *PHYSICVM*, quem iureconsulti *naturalem* vocant, pertinere, res ipsa docet. Contra actiones hominis liberae per leges aliter limitantur, si quis sit *maritus*, quam si *in caelibatu* viuat, aliter, si *parentis*, aliter si *filius familias*, aliter si *domini*, aliter si *serui* personam gerat. Quare haec omnia ad statum hominis *MORALEM*, qui iureconsultis *ciuilis* est, referenda sunt, quamuis paullo latius pateat status *MORALIS*, quam iureconsultorum *ciuilis*, ad quem tantum statum *libertatis, ciuitatis, et familiae* referre solent.

§. III.

STATVS porro ille *MORALIS*, secundum quem homines quam maxime distinguuntur, vel illis connatus est, vel ab aliquo eius facto pendet. Prior vocatur *NATVRALIS*; posterior *ADVENTITIVS*. Itaque nobis *STATVS NATVRALIS* est qualitas vel conditio, homini ab ipsa natura, sine facto eius, imposita, in qua liberae eius actiones prout id natura illius status exigit, lege naturali limitantur. *STATVS* contra *ADVENTITIVS* qualitas vel conditio, quam homo sibi facto suo eligit, in qua liberae eius actiones, prout id eius status indoles et conseruatio exigit, lege limitantur. *)

Quid
status
naturalis
et
aduentitius?

*) Et

*) Et ex illa limitatione contingit, ut uterque STATUS et iura certa hominibus tribuat, et certa iisdem officia imponat. Sic singularia iura atque officia competunt iis, qui in statu naturali viuunt, alia maritis et vxoribus, alia patribus filiisque familias, alia dominis seruisque, alia ciuibus. Et hinc eodem redit definitio status Pufendorffii *de offic. hom. et ciu. II, 1, 1.* STATVM in genere esse illam conditionem, in qua homines constituti intelliguntur ad certum genus actionum obeundum, quem etiam peculiariora fere iura comitantur.

§. III.

Naturalis status hic non opponitur statui brutorum, nec contranaturali.

Non ergo hic 1) statum NATURALEM opposimus statui brutorum, quae diuersa a brutis natura magis ad *statum physicum*, quam *moralem*, pertinet: * (§. II.) nec 2) statui naturali repugnanti, qualem sibi statum seruorum fingebant iureconsulti: §. 2. *Inst. de iure pers.* sed 3) statui sociali et ciuili, quippe quorum utrumque facto suo sibi aliisque imponunt homines, et quorum uterque vere est aduentitius. (§. III.) Hic vero qualis fuerit, iam paullo accuratius, adhibita in consilium ratione, erit considerandum, quum vnusquisque inde sit perspecturus rationem, cur homines plerique, relicto illo statu naturali, sibi alios, quamuis cum variis molestiis coniunctos, adscuerint.

*) Equidem et ex hoc hominum statu, in quo a creatore sunt constituti, dum eos eximia prae ceteris animalia esse voluit, officia quaedam elicit Pufendorff. *ibid.* §. III. veluti quod homo debeat auctorem sui agnoscere, colere, et ipsius opera admirari, ac diuersa plane ratione a brutis vitam suam exigere. Quale quid et Simplicio *ad Epiſt. Cap. LXXVIII. p. 331.* in mentem venisse videtur, dum precatur Deum, ὑπομνηθῆναι τῆς ἐαυτοῦ εὐρυγενείας

ἡς ἐξέθημεν παρὰ αὐτῶν vt recordari se faciat nobilitatis, qua ille nos homines dignatus sit. Sed ad haec omnia similiaque officia non ideo, quod aliquid eximium prae brutis accepimus, sed ex voluntate Dei O. M. omnis iustitiae fonte, (Lib. I. §. LXII, 2.) obligamur, ac proinde illa supra ex hoc limpidissimo fonte a nobis iam sunt deriuata. (Lib. I. §. CXXVI. §. CXXXVIII.)

§. V.

Obseruauimus iam supra, (Lib. I. §. LXXXVIII, 52.) omnes homines, quamuis alter altero perfectior imperfectiorque esse possit, natura tamen sibi inuicem esse aequales. Et quis, quaeso, id in dubium vocet, quum omnes iisdem partibus essentialibus, puta mente et corpore, constent? Ex eo vero sequitur, 4) vt status naturalis sit status aequalitatis, ac proinde 5) eorum, qui in illo viuunt, nemo altero vel superior sit, vel inferior, et, quod consequi inde necesse est, 6) nec imperio, nec subiectioni 7) immo nec ulli dignitatum discrimini in illo locus sit: adeoque recte scripserit Vlpianus: *Quod ad ius naturale attinet, omnes homines aequales sunt.* l. 32. D. de reg. iur. Addantur l. 4. D. de iust. et iure l. 12. §. 3. D. de accusat. l. 64. D. de condic. indeb. *)

- *) Mutuatos haec iureconsultos esse a Stoicis, obseruat Merillius *Obseru.* I, 15. Et passim sane similes Stoicorum sententiae exstant apud Arrian. *diff. Epictet.* I, 13. et Senecam *Epist.* XXXVII. et de benef. III, 22. quas ipse laudauit Merillius. Enimuero commune potius omnibus philosophis et poetis fuit hoc principium, quod non potuerunt non adoptare, quicumque naturam hominis paullo attentius sunt contemplati. Huc sane pertinet illud Euripidis in *Hecuba* v. 291.

Νόμος

Νόμος δ' ἐν ὑμῖν τοῖς τ' ἰσχυθαίροις ἴσος
καὶ τοῖσι δ' ἄλοις αἵματος κείταυ πέρι.

*Lex enim vobis et liberis aequa
Et de servili sanguine natis lata est.*

nec non fragmentum Varronis apud Nonium Marcell. II, 98. *Natura in humanis omnia sunt paria* : vt alia aliorum eiusdem sententiae testimonia nunc praetermittamus, quorum sane complura hic accumulare liceret, si iam id ageremus.

§. VI.

Itemque
liberta-
tis.

Quumque in statu naturali, vt inter aequales, nec imperio, nec subiectioni locus sit: (§. V, 6) consequens est, 8) vt status naturalis sit status libertatis, *) in eoque 9) nec subiectioni politicae, nec, quae iure gentium introducta est, servituti locus fuerit. 10) Vt in eo statu exfulare oporteat leges positivas humanas, itemque 11) magistratus, 12) poenas, et 13) quidquid sine alterius prae altero praerogativa potestateue intelligi non potest.

*) LIBERTAS nobis est facultas omnia agendi suo arbitrio, et in suam vtilitatem. Ea vel POLITICA seu CIVILIS est, quando quis superiorem non agnoscit, cuius arbitrio, et in cuius vtilitatem quid agere vel omittere teneatur: vel IVRIS GENTIUM, quae gaudent, qui in nullius domini potestate sunt, nec eius arbitrio et in eiusdem vtilitatem omnia agere coguntur. Priori ergo libertati, quam politicam vocauimus SVBIECTIO; posteriori, quam iuris gentium esse diximus, SERVITVS opponitur. Addidit illustris Thomaeus in *Not. ad Inst. p. 13.* tertiam libertatis speciem, puta NATVRALEM, quae §. 2. *Inst. de iure pers.* definitur. Sed quum ea, ipso fatente viro doctissimo, oppositum non habeat, et magis ad statum hominis physicum, quam moralem referenda sit: eius hic nulla habenda erit ratio.

§. VII.

§. VII.

Quia vero in statu illo et leges positivas humanas, et magistratus, et poenas, ideo exfulare oportebat, quod omnes homines essent inter se aequales, (§. VI, 10. sequ.) ea vero ratio non cadit in ius illud sempiternum, ab ipso Deo immortalis constitutum: satis patet, 14) hominum actiones et in statu naturali lege naturali regi, 15) eosque, qui in illo viuunt, non minus, quam nos, qui status aduenticios adsciuimus, ad Deum colendum, eique obtemperandum, 16) ad se ipsos amandos, conseruandos, perficiendos, 17) alios denique homines, tamquam se ipsos, diligendos, 18) neminem laedendum, 19) suum cuique tribuendum, quin et 19) ad omnia humanitatis ac beneficentiae officia aliis praestanda, esse obligatos. *)

In eo tā-
men vi-
gere o-
portuit
ius na-
turae.

- *) Habes hic praecipuum argumentum, quo iam supra hypothesin Pufendorffii de societate, iuris naturalis fonte ac scaturigine, profligauimus. (Lib. I. §. LXXV, 27.) Ponit vir doctus, ius naturae esse ex custodia socialitatis, ad societatem vero homines ipsa necessitate, esse impulsos. At officia erga Deum et seipsum praestare tenebatur homo, etiamsi solus in hoc terrarum orbe viueret: aliis quoque hominibus obligatus erat ad omnia officia iustitiae, humanitatis, et beneficentiae praestanda, etiamsi cum his nullo societatis vinculo fuisset coniunctus, sed quisque suas sibi res seorsum habuisset. Quo ergo colore vir doctus ex societate repetere potuit ius, quod maximam partem et sine statu sociali inter homines locum fuisset habiturum?

§. VIII.

§. VIII.

Ac proinde in eo statu non fuit ius omnibus in omnes, nec iste status fecit ex hominibus bruta.

Ex quo simul intelligitur, 20) quam absurde HOBBSIVS omne ius ex pacto deriuat, ac proinde 21) hominibus in statu naturali viuentibus ius in omnes et omnia tribuat, vel, 22) quod perinde est, omne ius naturae ex statu naturali veluti proscribat et in exilium agat: (Lib. I. §. LXXIII.) et 23) non minus rationem fugere scriptores veteres, dum talem sibi finxerunt statum naturalem, in quo viuentes homines parum discreparint a brutis, quippe nullo iuris vinculo inter se colligati. *)

*) Ita statum naturalem describit Cicero *pro P. Sextio Cap. XXXXII. Quis vestrum ignorat, ita naturam rerum tulisse, ut quodam tempore homines nondum neque NATVRALI, neque civili IVRE descripto, fusi per agros ac dispersi vagarentur, tantamque haberent, quantum manu ac viribus per caedem ac vulnera eripere aut retinere potuissent? Atque inter hanc vitam, perpolitam humanitate, et illam immanem, nihil tamen interest, quam IVS atque VIS. Et Horat. Serm. I, 3. v. 99. sequ.*

*Quum processissent primis animalia terris
Mutum et turpe pecus: glandem atque cubilia
propter*

*Vnguibus et pugnis, dein fustibus, atque ita porro
Pugnabant armis, quae post fabricauerat vsus.
Donec verba, quibus voces sensusque notarent,
Nominaque inuenere, dehinc absistere bello,
Oppida coeperunt munire, et condere LEGES,
Ne quis fur esset, neu latro, neu quis adulter.*

Similia passim habent veteres, quae operose collegit Pufendorff. *de iur. nat. et gent.* II, 2, 2. Sed fictio haec est, et quidem parum verosimilis. Quamuis enim facile largiamur, in statu illo naturali valde obbrutescere potuisse humanum genus, idque in integris gentibus et hodie fieri animaduertamus,

et

et olim factum esse, memoriae prodiderint scriptores, veluti de Hunnis Ammianus Marcellin. *Hist. XXXI, 2.* inde tamen non sequitur, vt in statu naturali iuris naturae cognitio et obligatio plane nulla fuerit.

§. X.

Quumque, vbi acriora legum vincula, magistratuum potestas, et poenae exfulant, quod in statu naturali fieri diximus, (§. VI, 10. sequ.) ibi et oppressis nullum, nisi in seipsis, praesidium esse possit: consequens est, 24) vt in statu naturali cuius sit ius, omnem vim atque iniuriam vi propulsandi, 25) idque, quod alter iure perfecto debebat, vi extorquendi: non autem 26) alterum cogendi ad officia humanitatis ac beneficentiae praestanda, * (Lib. I. §. LXXXIII, 47.) nisi 27) vel hic se ad ea praestanda pacto vltro obstrinxisset, (Lib. I. §. CCCLXXXVI, 2.) vel 28) extrema necessitas aliquem adegisset, vt res alienas contrectaret, easque in suos vsus conuerteret, (Lib. I. §. CLXX, 75.) 29) maxime si talia essent officia, quae ab altero, nisi inhumanissimus fuisset, sine aliquo detrimento suo potuissent praestari. (Lib. I. §. CCXVI, 4. sequ.)

In statu naturali omnibus est bell.

*) Non ergo excusari potuisset vis Davidis, quam minabatur Nabali, officia beneficentiae sibi deneganti, si vel maxime ille in statu naturali vixisset. *I. Sam. XXV, 21. 22.* Non enim aliunde obligatus erat Nabal, quantumvis stolidissimus, ad comneatum Davidi gratis submittendum, quam ex lege gratitudinis. Ad eam vero cogi neminem posse, iam supra obseruauimus, nisi ingratitude sit praegnans et cum iniuria coniuncta. (Lib. I. §. CCXXVII, 42. *) Extrema vero necessitas vim quidem

excusasset, non autem vindictam, quam anhelabat Dauides, quum Nabal nondum ei, commeatum auferenti, restitisset, sed tantum eum denegasset petenti, quod eum iure suo facere potuisset, maxime de iustitia causae non omnino conuictum, nemo non intelligit.

§. XI.

Fraecipue vero in hoc statu paetis opus erat.

Quum denique et in statu naturali ad officia humanitatis ac beneficentiae cogi nemo posset, adeoque ei opus esset pactis, qui certus de illorum praestatione esse vellet: (§. X, 26. sequ.) sequitur, 30) vt et in statu illo omnia, quae tum de officio pacifcentium, tum de iure commercii et de contractibus diximus, locum habuerint, vel habere saltem potuerint: quin 31) saepe homines et illa, quae iure perfecto deberentur, pactis interuenientibus, a debitoribus sibi stipulari debuerint, adeoque 32) nullum fortius fuerit vinculum, quo homines in isto statu continerentur, quam pactorum religio, 33) eoque laxato ruptoque, statim labasci ac rumpi oportuerit amicitiam.

§. XII.

An tanta sit huius status miseria, quanta vulgo iactatur?

Quibus positis, facile intelligitur, 34) quantumuis ab Hobbesio, ipsoque Pufendorffio, hic status, tamquam miserrimus depingatur, pleraque tamen, quae in illo desiderant, ac horrent, non tam ipsi statui, quam hominum malitiae esse tribuenda: 35) ob quaedam etiam perperam reprehendi hunc statum, veluti ob solitudinem, inopiam, famis frigorisque periculum, ruditatem, virium propriarum imbecillitatem, ac bella inter homines perpetua, quum 36) ea omnia in statu naturali non minus

nus, quam in ciuili, potuissent euitari, si homines rectam rationem sequi voluissent, *) et 37) in statu ciuili aequè difficulter, ac in naturali, euitentur, si homines rationem sequi nolint. Titius *Obs ad Pufend. de offic. hom. et ciu. II, 1, 9.*

*) *Solitudo* enim non concipi potest, nisi inter paucos et breui tempore. *Inopia, fames, frigus* non magis premere potuerunt homines in statu naturali, quam in ciuili, quum nihil obstitit, quo minus et res necessarias occuparent, et commercia aequè commode, ac in ciuitatibus, instituerent, et nondum nota esset illa dignitatum inaequalitas, quae luxuriam, matrem inopiae, peperit. *Ruditati* ac ignorantiae medemur per culturam rectae rationis. Cur vero rationem non aequè excolere potuissent homines, in statu naturali, quam in ciuili, viuentes? At plerumque candor vitaeque simplicitas pro barbarie; adfectatum elegantiae studium pro cultiore vita venditur. Praeterea quum et hodie *virium propriarum imbecillitati* non aliter medeamur, quam per pacta et foedera: quidni idem in statu naturali fieri potuisset? Denique si *bellum* inter status naturalis incommoda referendum est: nihil sane praecipuum habebit status ciuilis, quippe quo factum est, vt quum olim singuli cum paucorum periculo vires inter se periclitarentur, hodie integrae gentes cum myriadum interitu in se inuicem saeuiant. Eat nunc aliquis, et statum naturalem ciuili deteriore esse, dicat, quum hic iisdem, quibus ille; ille paene non iisdem, quibus hic, incommodis fuerit obnoxius.

§. XIII.

Itaque non eximia quaedam status naturalis miseria, (§. XII.) sed partim spes maioris securitatis commoditatisque, partim ipsa hominum malitia effecit, vt in societates coalescerent: ceu paullo post erit dicendi locus.

Z 2

Quamobrem homines illi paulatim statum socialem praetulerint?

Quumque in statu naturali non fortius sit vinculum, quo homines contineantur, quam pacta et conventiones: (§. XI, 32.) consequens est, 38) ut pactis vel conventionibus constitutae sint societates. Quumque pauciores facilius, quam multi, in vnum placitum consentire soleant: 39) in societates primum simpliciores, deinde et in magis compositas, paulatim coaluisse homines, opinabile est. *)

*) Idque et ipsa historia sacra satis confirmat. Primum enim Adamum et Euam in societatem matrimonialem, omnium simplicissimam, coisse, notum est ex *Gen. II, 22. 23.* Inde mox nati liberi, *Genes. III, 1. 2.* adeoque exorta est noua societas, paullo magis composita, inter parentes et liberos. Serui tum concipi non possunt, nisi dixeris, protoplastos ipsos liberos vel nepotes suos in seruitutem redegisse. Immo quum Noachus tantum cum vxore, filiis et nuribus seruatus in arca legatur: *Genes. VI, 18.* probabile sane est, tunc temporis saltem pios nondum familias seruorum aluisse: quum contra de Caini posteris ob locum *Gen. VI, 4.* dubitari vix possit, quin homines alios oppresserint, et in seruitutem redegerint. Denique et ciuitatis, societatis omnium maxime compositae, vestigium iam *Genes. III, 17.* reperimus. Ut adeo certissimum videatur a societatibus simplicissimis progressum paulatim factum esse ad magis compositas, et ab his ad maxime compositam, quae ciuitatis vel reip. nomine venire solet.

§. XIII.

Et hic quidem per SOCIETATEM intelligimus Quid so-
cietas, et consensum duorum pluriumue in eundem fi-
status nem, eademque media, quae ad finem illum
socialis. obtinendum sunt necessaria. Quamdiu ergo
ille consensus durat, tamdiu durat societas:
simul

simul acii, qui antea in eundem finem eademque media consenserant, suum quisque finem intendit, soluta censetur illa societas, et res quisque suas sibi habere incipit. *) Vnde et STATVS, in quo durante societate viuunt homines, SOCIALIS vocari solet.

- *) Quod non ita accipi velimus, ac si vnus dissensu statim et pactum, quo inita est societas, irritum sit, quod supra iam refellimus: (§. CCCLXXXII, 217.) sed quod iste a reliquis non amplius, tamquam socius possit considerari, qui cum reliquis nec in eundem finem, nec in eadem media conspirat, eumque animum suum signis luctulentis testatur. Hinc manet quidem reliquis ex illa conuentione ius, alterum ad seruanda promissa adimplendasque leges conuentionis, vel, si id fieri non possit, ad resarciendum damnum. praestandumque, quod interest, adigendi: at is non potest socius amplius dici, cui non amplius competit socii definitio, ex quo vinculum illud, quod socios continet, tam nefarie abruptit.

§. XV.

Quandoquidem ergo quaelibet societas ad certum finem tendit, (§. XIII.) fines vero diuersissimi sunt: sequitur profecto, 40) vt et societatum esse possint diuersissima genera, adeoque, 41) si finis iustus licitusque sit, etiam societas IVSTA ET LICITA; sin ille iniustus ac illicitus, haec quoque INIVSTA ET ILLICITA merito habeatur: (Lib. I. §. CCCLXXXVIII, 38.) ac proinde turpissimae sint societates latronum, piratarum, dardanariorum, et similes. 47) Vt societates omnes finibus discernantur,*) quumque ex fine de medijs iudicandum sit,

Societates ratione finis diuersissimae.

43) iura officiaque sociorum ex ipso societatis fine merito sint aestimanda.

- *) Sic vidimus supra contractum societatis, cuius finis erat commune lucrum. (Lib. I. §. CCCLXXVIII.) Alius vero est finis societatis matrimonialis, alius parentum et liberorum, alius dominorum et servorum, alius denique maximae illius societatis civilis, quam vocamus rempublicam. Quot ergo sunt fines, totidem diuersas societates, et quot societates, totidem fines esse oportet. Huc pertinet insignis locus, quo Aristoteles auspicatur opus *Politicum* I, 1. *Ἐπειδὴ πᾶσαν κοινωνίαν ὁρῶμεν ἀγαθὸν τινος ἕνεκεν συνεσηκῦϊαν, τῇ γὰρ εἶναι δοκίμως ἀγαθὸν χάριν πάντα πράττεισι πάντες, δῆλον, ὡς πᾶσαι μὲν ἀγαθὸν τινος σοχάζονται.* Quia omnem communionem boni alicuius causa constitutam, videmus: (eius enim, quod videtur bonum esse, gratia omnes omnia agunt,) perspicuum est, omnes bonum aliquod propositum habere.

§. XVI.

Itemque
ratione
consen-
sus vel
vitro-
neae,
vel co-
actae.

Quumque fine consensu non intelligatur societas: (§. XIII) hic vero vel sit vitroneus, vel vi extortus, quem coactum adpellamus, et rati habitione conualescere posse, supra ostendimus: (Lib. I. §. CCCXXXV, 29) consequens est, 44) ut et societatum aliae sint VITRONEAE, aliae COACTAE, nec 45) has ideo statim iniustas dicendas esse, quod earum origo vitiosa fuerit, si postea ii, qui coacti societati dederunt nomen, expresse vel tacite (Lib. I. §. CCCLXXXI, 10.) rem ratam habuerint. *)

- *) Sic rata inter Romanos et Sabinas, interque Beniaminitas et Siloitarum filius *Iudic. XXI, 21. sequ.* erat societas matrimonialis, quamvis initium eiusdem ob vim iniustam esset vitiosum, quia postea ipsae

ipsae raptae rem ratam habuerunt, neque dirimi voluerunt, male licet conciliata matrimonia. Dionys. Halicarn. *Antiqu. Rom. Lib. II. p. 110.* Sic et coacta plerumque inter dominos et mancipia, bellice capta, erat societas: et tamen aliquando dominorum humanitas et mansuetudo efficiebat, ut non inuiti seruirent, idque serio dicerent, quod apud Plautum *Capt. II, 2, v. 21.* aliquis dolose ait:

*Quamquam non fuit multum molesta seruitus:
Nec mi secus erat, quam si essem familiaris filium.*
Conf. Exod. XXI, 5.

§. XVII.

Praeterea quum consensus alius sit expressus, alius tacitus, qui ex facto colligitur, qualis est etiam patientia: (Lib. I. §. CCCLXXXI, 10. *) sequitur, 46) ut et societates vel EXPRESSO, vel TACITO, consensu ineantur, et 47) perinde sit, ac si consensissent, qui postea cum aliis in societate viuunt, ad eundem finem consilia cogitationesque suas conferunt, mediis quoque iisdem, ac alii, ad finem illum adsequendum necessariis, utuntur. Quin, quum aliquando ex ipsa rei natura, alterum consensisse iudicemus: (Lib. I. §. CCCLXXXI, 11.) 48) etiam ex PRAESUMPTO consensu aliquando nasci societatem, satis intelligitur. *)

Eadem
consensu vel
expres-
so, vel
tacito,
vel prae-
sumpto,
consti-
tuuntur.

- *) Talis est societas inter parentes et liberos. Tantum enim abest, ut hi diserte consenserint in hanc societatem, eo tempore, quo in illam peruenerunt, ut tum ne consentire quidem potuerint. Et quamuis postea rei paullo intelligentiores, consentire possent, si vellent: tantum tamen abest, ut omnes hunc consensum verbis factisue testentur, ut plures dissentiant, fraenaque mordere non dubitent. Nihilominus tamen ideo non dirimitur societas, quia ipsa liberorum educatio hanc societatem requirit, praesumiturque, liberos non nolle

posse cum parentibus in societate viuere, sine qua ipsi nec conseruari, nec commodè educari possent.

§. XVIII.

Aliae
porro
simplices,
aliae
compositae.

Aliquando contingit, vt non solum singuli homines, sed et totae societates eundem finem intendant, eademque media sibi ad adsequendum communem finem necessaria esse, intelligant. Quum ergo consensus in communem finem, eademque media sit societas: (§. XIII.) consequens est, 49) vt non modo singuli, sed et integrae societates, in societatem coire possint, adeoque 50) societates sint vel SIMPLICES, quas homines singuli, vel COMPOSITAE, quas societates simpliciores ineunt, quae tunc tamquam focii considerantur. Quin 51) ex eadem ratione patet, societates etiam iam tum compositas coalescere posse in maiores, et maxime compositas, atque 52) ita fieri, vt societates quaedam ex multis hominum non millibus, sed myriadibus, consistant. *)

*) Illustrat haec omnia experientia. Simplicissimae societates sunt coniugum, parentum et liberorum, dominorum et seruorum. Ex his societatibus omnibus, inter se consociatis, nascitur societas composita maior, quam vocamus FAMILIAM. Ex multis familiis consociatis PAGI, VICI, VRBES; ex pluribus pagis, vicis, vrbibus integrae CIVITATES vel RESPUBLICAE; ex pluribus rebus publicis SYSTEMATA CIVITATVM vel respublicae Achaicae existunt. Vid. Cicero *de offic. I, 17*. Nimirum si minores simplicioresque societates non sufficiunt fini adsequendo, ex plurium consociatione maiores et magis compositas nasci, necesse est. Hinc bene obseruat Iustinus *Hist. I, 1*. initio *intra suam cuiusque patriam regna finita esse*, idemque testantur exempla Cananaeorum, Phoenicum, Graecorum, Gallo-

Gallorum, Germanorum, Britannorum, quorum prouincias olim in plurima regna, pluresque ciuitates, scissas fuisse, ex *Genes. XIII, 1. Ios. XII, 7. Iud. I, 7.* Strabone *Geogr. XVI. p. 519.* aliisque scriptoribus constat. Sed paullatim plures ciuitates, vi oppressae, maiorem cum aliis ciuitatem constituere coeperunt: aliae, imminente a vicinis periculo, foedere iunctae in systema aliquod rerumpublicarum maius coaluerunt. Ita Amphictyonum concordia Medorum potentiam concussit, et Aethiopiae res, alioquin satis exiguae, solo sociorum consensu valuerunt. Vid. Io. Henr. Boecler. *de concilio Amphictyonum.*

§. XVIII.

Denique qui in vnum finem eademque media consentiunt, vel aequales sunt, vel inaequales. 53) Illi tamquam pares, media, ad communem finem adsequendum necessaria, communi consensu inueniunt, adeoque 54) inde nascitur societas AEQVALIS. In his 55) vni pluribusue id negotii datur, vt de fine mediisque, ad finem adsequendum necessariis, soli dispiciant, et tunc 56) ea societas est INAEQUALIS, quam et RECTORIAM vocant. Res ipsa autem et ingenii humani indoles vnumquemque conuincet, 57) quo maior est societas, eo minus fieri posse, vt tanta sociorum multitudo media necessaria communi consensu et suffragio inueniat, adeoque, 58) quo maior est societas, eo magis eam esse debere rectoriam ac inaequalem. *)

Aliae
denique
aequa-
les, aliae
inaequa-
les.

- *) Hinc experientia docet, quo maiora sunt imperia, eo minus iuxta illa consistere libertatem, et, gliscente nimis imperio, prolatisque ciuitatis finibus, saepe ipsam necessitatem subigere homines, libertatis alioquin amantissimos, vt adductius regi se patian-

patiantur. In magna enim, at libera et aequali societate, quia pars maior meliorem vincit, non possunt non saepe praua consilia capi; fieri etiam vix potest, ut non procax libertas ciuitatem misceat, focique in plures factiones distrahantur. Tunc vero discordantis patriae plerumque non aliud remedium est, quam ut ab vno regatur, ceu de republica Romana, iam ab Augusto occupata, iudicabant prudentiores apud Tacit. *Annal. I, 9.*

§. XX.

Omnis
societas
est vna
persona
moralis.

Ceterum cuiuscumque generis sit societas, ex ipsa definitione patet, eam ad adsequendum eundem finem, eademque adhibenda media, esse comparatam. (§. XIII.) Quum vero consentire in eundem finem, eademque media non possint, nisi qui idem volunt, nec idem velle possint, nisi qui finem bonum, mediaque fini accommodata esse, intelligunt: (Lib. I. §. XXXII, 8.) consequens est, 59) ut singulorum societatum concipienda sit vna voluntas, vnusque intellectus, adeoque 60) singulae veluti vnam personam, quam ad differentiam suppositorum physicorum *moraalem* vocamus, constituent. *)

*) Sic Cicero *de Offic. I, 17.* obseruat, per omnem amicitiam, adeoque et societatem, *ex pluribus fieri vnum*, idque ideo, quod omnes *vnum et idem sentiant*. Add. *Catilin. III, 7.* At luculentissime Apuleius *de habit. doct. Plat. Lib. II. p. 25.* Ciuitatem esse, ait, *coniunctionem inter se hominum plurimorum, in quibus sint regentes alii, alii deteriores, coniuncti inter se concordia, atque inde sibi opem atque auxilium deferentes, iisdem legibus, rectis tamen officia sua temperantes, vnamque ciuitatem iisdem moribus illam futuram, et eadem velle atque eadem nolle incolarum mentes adsueuerunt.* Ceterum naturam personae moralis discas ex Senecae *Epist.*

Epist. CII. itemque ex l. 30. D. de usurpat. et usufructu.

§. XXI.

Si vero vnaquaeque ciuitas veluti vnam personam constituit: (§. XX, 60.) consequens est, 61) vt et iisdem legibus, ac homines singuli, vel personae physicae, regantur, *) adeoque 62) officia omnia, quae ius naturae hominibus singulis praescribit, a societatibus quoque, tum maioribus, tum minoribus, religiose sint obseruanda. 63) Vt contra, quae personis singulis competunt, iura etiam societatibus competant, et socii res iuraque, quae ad societatem pertinent, communia habeant; immo 64) et adfectiones personarum et corporum non incommode tribuantur societatibus, adeoque 65) illae eleganti satis metaphora et VIVERE, ET AEGROTARE, immo et MORI ET INTERIRE dicantur. Vid. Koehler. *Spec. iur. gent. l. §. XX. sequ.*

Ergo eadem societatum iura et obligationes sunt, ac singulorum hominum.

- *) Hoc ipso confirmatur, quod iam supra ostendimus, IUS GENTIUM nihil aliud esse, quam ipsum ius naturae vitae hominis sociali, negotiisque societatum et integrarum gentium adplicatum. (Lib. I. §. XXI, 44.) Et recte ius gentium *ius naturale societatum* vocat laudatus Koehler. *ibid. §. XXXIIII.* Ex quo simul patet, quam male ii subducant rationes, qui societates maiores, veluti imperia et resp. ab obligatione iuris naturalis veluti absoluunt, omniaque iusta putant imperantibus, quae illis vel reip. conducant. Vnde merito execrandum illud Caesaris apud Ciceronem *de offic. III, 21.*

Si violandum est ius, regnandi gratia

Violandum est, aliis rebus pietatem colas.

Plura de pestilentissimo hoc pseudopoliticorum principio dixit Hert. *Polit. paed. §. XIII. p. 22. sequ.*

§. XXII.

§. XXII.

Socio-
rum ob-
ligatio
ratione
societa-
tis, et so-
cietatis
ius ra-
tione so-
ciorum.

Ex eodem principio merito colligimus, 65) vnumquemque socium obligatum esse ad actiones suas communi societatis fini attemperandas, adeoque 66) illum iniuriam facere sociis, qui ex eorum incommodo fructum capit, vel 67) aliquid agit, quod fini societatis aduersatur, vel 68) reliquos socios laedit, ac proinde nec iniuriam illi fieri, si et ad refarciendum damnum, et 69) ad officia socii in posterum accuratius obseruanda, malo quodam passionis, quod poenam vocant, adigatur. (Lib. I. §. CCXI, 120.) Denique 70) non posse vitio verti socio, si vel socium, tam male conciliatum, a se segreget, vel 71) ipse excedat societate, in qua nec finis communis, nec medium, ad hunc finem necessarium, ratio habetur.

§. XXIII.

Ratione
aliorum.

Denique ex eodem principio patet, 72) societatem quidem NEMINEM LAEDERE, et 73) SVVM CVIQUE TRIBVERE; non tamen 74) alterius priuati, vel alterius societatis, vtilitatem suae anteponere debere. Quum enim quaelibet societas vnam personam moralem constituat, (§. XX, 60.) eique idem ius, quod singulis personis physicis, competat, (§. XXI, 63.) nulla autem persona physica alteram magis, quam seipsam amare, (Lib. I. §. LXXXXIII, 65) vel ei officia humanitatis, quae sibi, vel amicis, noxia futura sint, praestare teneatur: (Lib. I. §. CCXVIII, 13.) etiam societas alteri huiusmodi officia cum detri-

detrimento suo praestare, vel vtilitatem alienam propriae anteponere, non tenetur. *)

- *) Ita inhumanos non dixeris vnus societatis mercatoriae contribules, si alteri societati, vel priuato, monopolium concedere nolint. Id enim cum manifesto totius societatis suae detrimento esset coniunctum. Nec quisquam iustum piumque bellum gessisse dixerit Cimbros, Teutones, Heluetios, qui nouas quaesituri sedes, quasi iure quodam suo postulabant, vt Romani illis loco cederent, certosque terrae tractus, quos ipsi occuparent, assignarent. Id enim sine maximo propriae reip. detrimento illis concedere non poterant Romani. *Quas enim terras daret populus, agrariis legibus intra se dimicaturus?* inquit Florus III, 3. Et Tenetibus atque Vspetibus, similia petentibus, recte respondit Caesar: *Nullos in Gallia vacare agros, qui dari tantae praesertim multitudini sine iniuria possint.* Caesar. de bello Gall. III, 8.

§. XXIII.

Similiter demonstrari potest, 75) in compositis societatibus minorum vtilitatem maiorum fini non repugnare, immo eandem cedere debere vtilitati maiorum. Quia enim minores societates tunc considerantur tamquam singuli focii, (§. XVII, 50.) focii vero singuli in vnum eundemque finem communem eademque media consentire, (§. XIII.) nec propriam vtilitatem fini communi societatis anteponere tenentur: (§. XXII, 66.) etiam minores societates, quae in maiorem, magisque compositam societatem coaluerunt, nihil, quod maiori illi societati manifesto refragetur, agere, salua iustitia, possunt. *)

Ratione
societa-
tum ma-
iorum:

*) Sic

- *) Sic familiae non parum prodesse immunitas a tributis et muneribus quibuscumque personalibus. At quia haec utilitas societatis simplicioris cum detrimento maioris, puta reipublicae, esset coniuncta: nemo huius rectores dixerit iniuriam facere familiae, si immunitatem flagitanti repulsam det: quum contra reprehensionem prudentum procul dubio incurrant principes et magistratus, qui singulis hominibus famillisue consulturi, nervos reip. incidere non dubitant. Hinc quum Nero dubitaret, an cuncta vestigalia omitti iuberet, idque pulcherrimum donum generi mortalium daret: *impetum eius attinuerunt senatores, DISSOLUTIONEM IMPERII dicendo, si fructus, quibus respublica sustineretur, deminuerentur.* Tacit. *Annal.* XIII, 50.

§. XXV.

De officiis sociorum axiomata generalia.

Postremo quum in societatibus sociorum omnium officia ex ipso cuiusque societatis fine aestimanda sint: (§. XV, 43.) satis patet, 76) esse hanc veluti omnium legum, quibus societates continentur, summam: AD OMNIA EA AGENDA OBSTRUCTOS ESSE SOCIOS, SINE QUIBUS FINIS, QUEM SOCIETAS INTENDIT, OBTINERI NEQUEAT: CONSTA 77) EA OMNIA, QUAE FINI SOCIETATIS ADVERSENTUR, OMITTENDA ESSE: adeoque 78) recte dici, societatis cuiusque salutem supremam sociorum legem esse debere.

CAP. II.

DE OFFICIIS, IN SOCIETATE CONIUGALI OBSERVANDIS.

§. XXVI.

Velle Deum, ut genus humanum propagetur, eorumque numerus, qui quotidie debitum naturae reddunt, nova prole suppleatur, *) vel inde patet, quod alias finis, quem ille in producendo genere humano intendit, non obtineretur. (Lib. I. §. LXXVII, 31.) Qui ergo illum finem ob oculos habent, finem bonum intendunt, simulque media, per quae ille finis obtineri potest, adhibere tenentur. Quum vero obtineri finis ille non possit, nisi masculus et femina in concubitum consentiant: consequens est, 1) ut coniugium sit societas, (§. XIII.) eaque, 2) quia ad finem bonum et Deo gratum comparata est, licita et honesta, (§. XV. 41.) et, 3) quia ex paucissimis hominibus diuersi sexus constat, simplicissima dicenda sit. (§. XVIII, 50.)

Coniugium est societas licita et simplicissima,

- *) Hinc Graeci societatem conjugalem recte vocant τὴν συγχωρῆσαι τῶν κοινωνιῶν, *exordialem reliquarum societatum*, et quasi quoddam generis humani seminarium, quia sine ea genus humanum fuisset *unius aetatis*, vti de populo Romano ab vxoribus destituto loquitur Florus *Hist. I, 1*. Rem plane Φιλοσοφικῶς expressit Seneca tragoedus in *Hippolyto* v. 406.

*Prouidit ille maximus mundi parens,
Quum tam rapaces cerneret fati manus,
Ut damna semper sobole repararet noua.
Excedat, agendum, rebus humanis Venus,*

Quae

*Quae supplet ac restituit exhaustum genus :
Orbis iacebit squalido turpis situ.*

Et paucis interiectis v. 478.

Caelibem vitam probe

*Sterilis inuentus: hoc erit, quidquid vides,
Vnius aevi turba, et in semet ruet.*

§. XXVII.

Eius fi-
nis non
modo
procrea-
tio, sed
et edu-
catio so-
bolis.

Quum tamen finis Dei, tamquam auctoris humani generis, non solum in eo consistat, vt homines existant, sed et vt verae felicitatis sint participes: (Lib. I. §. LXXVII, 31.) sequitur, 4) vt non solum procreanda, sed et ita educanda sit soboles, ne potius in inutilia terrae pondera, quam in idonea membra humani generis, adolescat. Quumque officium istud educandi sobolem nemini incumbere possit, quam parentibus, quibus ipse Deus ideo tenerrimum eius amorem impressit: *) merito inde colligimus, 5) eos non modo procreationem sobolis, verum etiam commodam eisdem educationem, tamquam finem matrimonii, sibi ob oculos ponere debere, adeoque 6) genuinum coniugii finem esse PROCREATIONEM COMMODAMQUE EDUCATIONEM SOBOLIS.

*) Adeo ipse naturalis stimulus parentes ad liberorum suorum educationem hortatur, obseruante Iustiano l. vn. §. 5. C. de rei vxor. act. immo non homines tantum, sed et ipsa bruta animalia, quae curam foetus non abiicere, prius animaduertimus, quam ipse victum quaerere, seque aduersus aliorum animalium iniurias defendere possit. Quum ergo Deus, tamquam ens sapientissimus, nihil omnino frustra faciat, et hic instinctus quem in hominibus brutisque deprehendimus, non alium finem habere possit, quam vt illo parentes ad educan-

educandam curandamque sobolem impellantur: illam curam nobis demandare voluisse Deum, tam certum est, quam quod certissimum. Recte ergo Euripides in *Medea* v. 1098.

Οἷσι δὲ τέκνων ἔστιν ἐν οἴκοις,
Γλυκερὸν βλάστημ', ἐσορᾷ μελέτη
Καταβυχομένους τὸν ἅπαντα χρόνον.
Πρῶτον μὲν, ὅπως θρέψωσι καλῶς,
Βίωτόν θ' ὁπόθεν λείψωσι τέκνοις.

*Sed quibus in aedibus est liberorum
Dulce germen, eos, video, curis -
Confici omni tempore:
Primum quidem, quo pacto illos bene educant,
Et unde victum relinquant liberis.*

§. XXVIII.

Itaque CONIUGIVM est societas simplex personarum diuersi sexus, procreandae educandaeque sobolis causa inita. Ex eaque definitione patet, 7) nuptias contrahi non posse sine personarum utriusque sexus consensu: (§. XIII.) 8) Ad ea omnia obstrictos esse coniuges, sine quibus procreatio commodaque educatio sobolis obtineri nequit, * 9) eaque omnia omitenda, quae huic coniugii fini aduersantur. (§. XXV, 76. 77.)

Definitio coniugii, de eoque axiomata.

*) Sane enim aliquando satius esset, non procreare liberos, quam procreatos male educare. Leue hoc generis humani dispendium est, si non omnibus annis idem sit prouentus hominum. At maximum saepe detrimentum illud capit ex vno vel altero homine, nato in generis sui dedecus, quia institutione bona, commodaque educatione caruit. Quam infelix fuit humanum genus, quod vno Nerone fuit numerosius? Recte et grauiter Iuuenalis *Sat. XIII.* v. 70.

Aa

Gratum

*Gratum est, quod patriae civem populoque dedisti,
Si facis, ut patriae sit idoneus, utilis agris,
Utilis et bellorum et pacis rebus agendis.
Plurimum enim intererit, quibus artibus, et qui-
bus hunc tu*

Moribus instituas.

Add. Senec. de Benef. III, 30.

§. XXVIII.

Nuptias
faciunt
consen-
tientes.

Quia ergo nuptiae sine consensu contrahi non possunt: (§. XXVIII, 7.) facile patet, 10) ratas non esse nuptias inter raptorem et raptam, (Lib. I. §. CVIII, 43.) nisi vi rapta ex postfacto ultro consenserit: *) (§. XVI. *) nec magis 11) eas consistere, si alterutri vis atrocior facta, (ibid.) vel 12) dolo malo aliquis implicatus sit nuptiis, a quibus, si abfuisset dolus, omnino abhorruisset. (Lib. I. §. LVII, 53.) Quamvis vero consensus hic coniugum nuptialis omnino sit necessarius: quia tamen societas non est, ubi quis in finem tantum, non item in media, consensit, 13) solum consensum in finem futurum iure naturae nondum efficere nuptias, sed 14) consensum praesentem in ipsam communicationem corporum requiri, arbitramur.

*) Dummodo vera antea vis adhibita fuerit. Saepe enim olim vim gratam experiebantur virgines, non quod nollent alicui nubere, sed ne velle, et ruerre in virorum amplexus viderentur. Morem hunc iam antiquissimis temporibus inoleuisse, testatur Romulus apud Dionys. Halicarn. *Antiqu. Rom. II. p. 100.* ubi apud Sabinas raptum, suo imperio factum, ita excusat: *ὅτι ἐφ' ὕβρις τὴν ἀρπαγὴν, ἀλλ' ἐπὶ γάμῳ γενομένην ἑλληδικόν τε καὶ ἀρχαίων ἀποφαίνων τὸ ἔθος, καὶ τρόπον συμπάντων καθ' ὅς συνάπλυνται γάμοι ταῖς γυναῖξιν ἐπιφανέσθαι.*
Raptum

Raptum hunc non ad contumeliam, sed ad coniugium, pertinere: morem hunc Graecorum esse antiquissimum, et qui maximum decus adferat expetitis ad nuptias mulieribus. Idem et aliarum gentium moribus probatum esse, nouimus, quasi honestius esset, virginem rapi, quam vltro in manum viri conuenire. Hanc vero vim, mulieribus male repugnantibus illatam, non aduersari consensui, facile vnusquisque animaduertit.

§. XXX.

Ex quo simul patet, 15) consensum in futuras nuptias potius SPONSALIORVM, quam CONIVGII, nomine venire, adeoque 16) subtiliorem esse canonistarum distinctiunculam inter sponsalia DE PRAESENTI et DE FUTURO, quam vt ea ex recta ratione possit defendi. Quia tamen sponsalia sunt pactum, pactaque omnia iure naturae perfecte obligant: (Lib. I. §. CCCLXXXVII. sequ.) nemo dubitauerit, 17) quin et sponsalia sint adimplenda, *) nisi 18) ea, quibus et alia pacta vitari obseruauimus, (Lib. I. §. CCCLXXXII. sequ.) vel animorum dissimilitudo, vel aliae iustae causae, dirimi potius hoc pactum, quam par male conciliatum infelicissimis auspiciis iungi, suadeant.

Quae differentia sit consensu sponsaliti et nuptialis?

*) Mira ergo dispositio iuris Romanorum, vt sponsalibus neutra pars perfecte obligetur. Quum enim reliqui Latini inde saltim actionem ex sponsu darent, ad id, quod interesset, pactum hoc non fuisse seruatum: Gell. *Noct. Att. IIII, 4.* Romani quemque suo arbitrio et impune renunciare conditioni, statuebant. *l. 1. C. de sponsal. l. 2. C. de repud.* Sed cum ipsis coniugibus summa esset diuortendi libertas: fieri vix poterat, vt vinculum, quod sponsum sponsamque continet, firmiter existimarent: ac proinde non potuerunt non et repudia apud eos esse liberrima.

§. XXXI.

Habili-
tas con-
iugum
ratione
aetatis.

Quumque finis matrimonii sit procreatio commodaque educatio sobolis, (§. XXVII, 6.) eaque omnia, sine quibus hic finis obtineri non potest, facienda, quae illi aduersantur, omittenda sint: (§. XXVIII, 8. 9.) sequitur sane, 19) vt, qui ad nuptias adpellunt animum, ea aetate esse debeant, vt sperari possit, eos et procreationi sobolis, et eiusdem educationi sufficere: et hinc 20) merito arcendi sint infantes, immo 21) et adolescentes, quorum nondum est vel tantus vigor, vt genus humanum noua vegetaque sobole augere, *) vel tanta virtus et prudentia, vt et alimenta vxori liberisque parare, et eorum actiones, pro eo, ac decet, regere possint. *)

*) Hinc ea in re plerosque legislatores prudentia superauit Lycurgus. Quum enim is vulgo iuuenum ac iuuenularum nuptias quam maxime probari, animaduertetet: ipse, teste Xenophonte *de rep. Laced. Cap. I. §. 6.* ἀποπάυτας τῆς ὀπότες ἐχ-
λοιντο ἑκάστοι γυναῖκα ἀγεῖν, ἔταξεν, ἐν
ἀχμαῖς τῶν σωμάτων τὰς γάμους ποιεῖν,
καὶ τῆτο συμφέρον τῇ εὐγονίᾳ νομίζων.
*potestate adempta; ne quibus vxores ducerent, quum
ipsis libitum esset, iussit, vt, dum vigerent corpo-
ra, matrimonia contraherent: idque non minus ad
rectam procreandi rationem conducere putabat.* De-
inde quum plerique parentes ad procreandam,
quam educandam, sobolem sint aptiores: Lycur-
gus hanc curam publicam esse voluit, omnibus-
que Laconum adolescentibus praefecit: ἀνδρα ἐξ
ὧν περ αἱ μέγιστα ἀρχαὶ καθίστανται, ὅς δὴ καὶ
παιδονόμος καλεῖται. τῆτον δὲ κύριον ἐποίησε
καὶ ἀφροῖζειν τὰς παῖδας, καὶ ἐπισκοπεῖν,
εἰ

ἔι τις ἀδισργόη; ἰσχυρῶς κολλάζειν. *virum ex illorum numero, qui summos magistratus obeunt, cui paedonomi est inditum nomen, cuique plenam potestatem colligendi pueros concessit, et eosdem puniendi grauius, inspeclanti, an quis nequiter agat. Vid. Xenoph. ibid. Cap. II. §. 2. Digna profecto res, quam non negligerent aliae respublicae.*

§. XXXII.

Ex quo facile intellectu est, quid iudicandum sit de senum nuptiis. Quemadmodum enim 22) ob indissolubilitatem huius societatis, de qua paullo post dicendi locus erit, non diuellendi sunt coniuges, qui in illo statu confenuerunt, 23) tolerandumque etiam videtur matrimonium viri decliuioris aetatis, sed adhuc vegeti, cum muliere iuvene, quum adhuc sperare liceat, par illud finem matrimonii adsequuturum: ita 24) nemo sanus probauerit nuptias senis cum sene, vel 25) adolescentuli cum anu effoeta ac decrepita, quale par male compositum sine turpissima impudicitia nec in finem, nec in media matrimonii, consentire potest. *)

An et senes nuptias recte contrahant?

- *) Quid enim turpius, quid impudentius fingi potest femina, quae, *quum sint tres capilli, quatuorque dentes, gaudet octoginta nupturire post mortes, virumque demens cineribus suis quaerit prurire?* vti loquitur Martial. Epigr. III, 93. Tolerantur in ciuitatibus huiusmodi nuptiae, quae nuptiarum nomen vix tuentur, quia, iudice Quintiliano Declam. CCCVI. *quaedam et nubendi impudicitia est.* Eleganter, vti solet, de huiusmodi matrimonio Pufendorffius de iure nat. et gent. VI, 1, 25. *Quae matrimonia fortasse non incommode vocare possis HONORARIA: eo sensu, quo honorarii quandoque dicuntur, quibus titulus muneris sine functione datur.*

Apud Suetonium Ner. Cap. XXXV. vxoria ornamenta vocantur, eo sensu, quo triumphalia ornamenta dici suerunt.

§. XXXIII.

An spadones et eunuchi?

Multo minus ergo 26) iis permittendum est matrimonium, quos vel ipsa natura, vel 27) hominum malitia, potentia procreandi sobolem priuauit, adeoque 28) impudicissimae sunt non modo eunuchorum, sed et spadonum nuptiae, quamuis eas exemplis non carere, satis constet, *) nisi 29) occulta et incerta sit masculi impotentia sterilitasue feminae, nec omnis spes curationis euanuerit, alterque coniux hoc Catone contentus esse, et meliora sperare, velit.

*) Absurda ergo matrimonia spadonum apud Aegyptios, de quibus Grot. *ad Deut. XXIII, 2.* Absurda itidem eunuchorum apud Turcas, de quibus Ricaut *dans l'état présent de l'empire Otoman. II. 21.* Et tamen inter ipsos Christianos, quod mireris, disceptatum nouimus, licitumue sit castrato vxorem ducere? Qua de quaestione singularis exstat libellus Hieronymi Delphini *de eunuchi coniugio*, quod ipse lepide vocat *die Capaunen-beyrath*, recusus *Ienae MDCCXXXVII.* Id vero merito retuleris inter portenta saeculi, de quibus iam sua aetate Iuuenalis *Sat. I. v. 22.*

*Quum tener vxorem ducat spado. Maenia Tuscum
Fingat aprum, et nuda teneat venabula mamma:
Difficile est, satyram non scribere.*

§. XXXIII.

An omnes naturae habiles obligati

Quamuis vero ex eodem principio recte colligere liceat, 30) eos easue, qui quaeue obtinendo matrimonii fini se satis idoneos idoneasue esse, animaduertunt, recte et ordine face-

facere, si matrimonium contrahant: non tamen 31) talis est obligatio ad ineundum matrimonium, ut is contra ius naturae egisse videatur, qui castum caelibatum inauspicato praeferre matrimonio statuit. *) Quum enim nemini imputanda sit omissio actionis, si agendi defuerit occasio, (Lib. I. §. CXIII, 56.) et saepe contingat, ut tum res ipsa, tum tempus, locus, aliaeque circumstantiae turbent consilium contrahendi matrimonium, adeoque illud ineundi desit occasio: vitio sane tunc ei verti non potest caelibatus, cui diuina providentia conditionem honestam non obtulit.

*) Est haec sententia Iudaeorum, quam ex eorum magistris pluribus describit Io. Selden. *iur. nat. et gent. secund. discipl. Hebr. V, 3.* Neque enim illud recte probant ex loco *Genes. I, 38.* qui non legem, sed benedictionem diuinam, comprehendit. Et absurdum est, illos, qui caelibatum ex iusta causa praeferunt matrimonio, coargui, quod generi humano male consulant, quasi ideo interituum sit genus humanum, si vnus vel alter ex iusta causa ad nuptias non adpellat animum. Hinc parum memores praeceptorum Paulli, apostoli, *1. Cor. VII.* esse videntur ii, qui ex Christianis pedibus in illam Iudaeorum sententiam ire non dubitant.

§. XXXV.

At id tam certum est, quam quod certissimum, quum medium sit propter finem, adeoque concubitus propter procreationem educationemque liberorum, omniaque, quae huic fini aduersantur sint omittenda, (§. XXVIII. 9.) 32) grauitur peccare omnes, qui medio illo, quod Deus ad certum finem destinauit, abutuntur ad explendam tantum libidinem, adeoque

Extra
matri-
monium
veritum
omne
genus li-
bidinis.

que 33) omnem nefandam Venerem, quam scire non proficit, 34) omnia adulteria et 35) stupra, 36) omnes furtiuos amores, qui insuper cum maxima aliorum iniuria coniuncti sunt, denique 37) omnes foedas pollutiones aequae, ac 38) quaestum nefandum et 39) lenocinium rectae rationi omnino aduersari: neque adeo 40) aliud esse propagandi supplendique generis humani legitimum medium, praeter societatem coniugalem, quam adhuc descripsimus. *)

*) Omnes enim hae impurissimae commixtiones non fiunt procreandae sobolis causa, sed ii, qui his libidinibus indulgent, potius hunc finem, quantum in ipsis est, impedire student. Et si vel maxime natura hoc prauum illorum consilium alio vertit, ut soboles, etiam inuitis parentibus, nascatur: his tamen alter finis, puta educatio eiusdem, minime omnium ob oculos est, et maxime patri, qui prolem, tamquam incertam et vulgo quaesitam, plerumque negligit. Ex quo deinde plerumque sequitur, ut infelicissimi hi liberi ad omne scelus adolescant, et generi humano oneri potius sint, quam ornamento. Quod quum omnino prohibendum sit: facile patet, non iniuste agere magistratus, qui et adulteros et stupratores ad suppeditanda liberis alimenta; et hos, si feminas, iniecta spe matrimonii, ad stuprum pellegerint, etiam ad ducendas stupratas adiungunt.

§. XXXVI.

Αν πο-
λυαν-
δρεία
et com-
munio
vorum
sit licita?

Ob eandem causam 41) πολυανδρείαν, id est, vnius feminae cum pluribus viris coniunctionem, rectae rationi omnino refragari, adeoque et 42) communionem vxorum, quam in republica sua Platonem ciuibz permisisse, aiunt, plane esse reprobendam, liquet. Aristot.

Polit.

Polit. II, 2. Quum enim utroque casu incerta futura sit paterna proles origo, eaque incertitudo commodam liberorum educationem vel maxime impediat: (§. XXXV. *) tantum abest, ut foedas has commixtiones probe recta ratio, ut ne ii quidem populi, quos alioquin *πολυγυνίαν*, id est, unius viri cum pluribus vxoribus coniugium, permisisse constat, vlli feminae facultatem dederint, cum pluribus maritis vno eodemque tempore in manum conueniendi. *)

- *) Non igitur acutius Papirius Praetextatus eludere potuisset curiositatem matris, quid rei magnae in senatu eo die consultatum esset, paullo compressius ac violentius sciscitantis, quam dum actum in senatu dixit: *utrum videretur utilius magisque e republica esse, unusne ut duas vxores haberet, an ut vna apud duos nupta esset?* Quum enim nulli in mentem venisset, alterutrum legibus permittendum esse: matronae Romanae, a matre Praetextati de periculo monitae, postero die nudare animi sententiam, non dubitarunt, ad-euntes amplissimum ordinem, et non sine lacrymis orantes, *vna potius duobus nupta fieret, quam ut vni duae.* Gell. *Noct. Att. i, 23.* Sed tantum abest, ut *πολυανδρίαν* tolerarint Romani, ut ne barbari quidem eam umquam admiserint, quamuis promiscuum usum vxorum aliqui probarint, veluti Taprobanenses, Ichthyophagi, Hylophagi, Nomades, Garamantes, Troglodytae, Agathyrii, Gindani, Britanni, de quibus videndus Pufendorff. *Iur. nat. et gent. VI, I, 15.*

§. XXXVII.

Paullo altioris indaginis est quaestio, an *πολυγυνίαν*, seu unius mariti cum pluribus vxoribus connubium, ius naturae permittat? Ne-

que enim I) huiusmodi coniugium vel procreationem sobolis impedit, vel II) efficit, vt proles incerta videatur. Praeterea III) multae gentes, ipseque Dei populus, et probarunt hanc cum pluribus vxoribus societatem, et sibi non infelices visi sunt, dum plures feminas domum duxerunt; vt iam non dicamus, IIII) Turcarum, aliorumque populorum orientalium, exempla argumento esse, non peius se habere liberorum procreationem atque educationem, si vnus plures, quam si vnam quisque domum ducat: itemque V) saepe vel mariti vigorem, vel vxoris intolerabiles mores, vel eiusdem sterilitatem, vel ipsius reipublicae salutem, aliasque iustas causas videri suadere, vt polygamia simultanea monogamiae praeferratur.*)

*) Eo redeunt praecipua, quibus polygamiae patroni vtuntur, argumenta, ex sola ratione deprompta. Quae enim ex scriptura sacra addunt, ea huc non pertinent. Magno argumentorum vtriusque generis adparatu causam hanc egerunt Huldericus Neobulus, de cuius libro *de digamia* videndus Seckend. *Hist. Lutheran. III*, 79. *Addit. III. litt. x. p. 281.* Bernardinus Ochinus, ex instituto refutatus a Theod. Beza libro *de polygamia* et Io. Gerardo *de coniug.* §. CCVII. de quo videndus Petr. Bael. *Dict. bist. et crit. sub Ochinus.* Io. Lyserus, qui sub fictis Theophili Alethaei, Vinc. Athanasii, Gottl. Wahrmundi nominibus latitans, plures libellos ea de re sparsit in vulgus, de quibus fusius egit Vinc. Placcius *Theatr. pseudonym. n. 97. 277. 2867.* Aduersus eum calumum strinxerunt Io. Brunsmannus, Io. Musaeus, Diekmannus, Feltmannus, Gefenius, at in Pufendorffium iniurius, Io. Meyerus, et alii. Denique polygamiae patrocinium suscepit vir, quem studia sua, melioribus litteris consecrata, hoc ingenii foetu interrumpere non

non decebat, Daphnaeus Arcuarius, in libro Germanice scripto *von Ehe-sachen*: ut iam non dicamus de nouissima controuersia, quae nuper a iureconsulto Dantiscano, maiore fortassis ecclesiae damno, quam fructu, excitata, plures libellos eristicos peperit, quos, utpote vbiuis obuios, recensere hic nihil attinet.

§. XXXVIII.

Enimuero quum coniugum sit, ea omnia, quae coniugii fini aduersantur, omittere, (§. XXVIII, 9.) fini vero illi, quia coniugium est societas, vel maxime aduersetur discordia circa finem et media, (ibid.) denique illa discordia eo minus euitetur, quo maior est societas: * (§. XVIII, 57.) merito colligimus, 43) *πολυγυνίαν* quoque rectae rationi minus conuenire, quam vnus cum vna matrimonium, et proinde 44) quum natura nos obliget, ut ex pluribus bonis id, quod optimum est, eligamus, (Lib. I. §. LXXXXII. *) potius nos ad monogamiam, quam ad polygamiam eligendam esse obligatos.

Ea rectae rationi non conuenit.

- *) Hoc tam certum est, quam quod certissimum. Plures vnus viri vxores inuidia, zelotypia, aemulatio, et mille aliae causae quotidie collidunt. Iam enim mulier mulieri venustiori, iuenculae, foecundiori, magisque amabili; iam plures earum marito, vnā vel alteram sibi praeferenti; iam eadem alterius liberis erectioris ingenii, vel patri paullo carioribus, succensent. In hoc vero intestino bello quae possit locum habere concordia? quis consensus in educationem tam dissortium liberorum? Viderunt tam tristia exempla familiae Abraami et Iacobi, quum in iis floreret virtus et pietas. *Genes. XVI, 5. XXI, 9. sequ. XXVIII, 30. sequ. XXX, 1. seq.* Quid non euenire posse credimus

dimus aliis, qui pro mulieribus probis et modestis Medeas vel furias aliquot domi alerent?

§. XXXVIII.

Respon-
sio ad
argu-
menta
primum,
secun-
dum et
tertium.

Nec tanti sunt rationes, paullo ante recensitae, ut earum causa deferere velimus vadi-
monium. Ponamus, I. procreationem sobolis
non impediri πολυγυνία; at tanto magis impe-
ditur finis alter, puta, commoda liberorum
educatio, (§. XXXVIII, *) quae a procreatio-
ne non est seiungenda. (§. XXVII.) II. Quam-
uis proles etiam in πολυγυνία certa sit: haec ta-
men certitudo non impedit, quo minus
quaelibet mater suis tantum liberis faueat, re-
liquarum prolem odio plus quam Vatiniano
prosequatur, vel eam saltim nouercalibus in-
stigationibus patri exolam reddere studeat.
III. Populis orientalibus, quibus clima feruen-
tius, ipsaque naturalis lasciuia πολυγυνίαν per-
suasit, facile opponi possunt tot gentes huma-
niores, quibus eadem displicuit. Nec mos
Iudaeorum pro norma est, quum ipse Seruator
ea omnia, quae a primaeua Dei institutione
discrepent, *) in Iudaeis tolerata magis, quam
adprobata a Deo esse, doceat; *πρὸς τὴν σκληρο-
καρδίαν αὐτῶν* propter duritiam cordis eorum.
Matth. XVIII, 8.

*) Nulla autem ostendi potest ratio, cur in quae-
stione de diuortiorum licentia magis ad primae-
uam matrimonii institutionem respiciendum sit,
quam ubi de πολυγυνία disputatur. Immo ab
ipso diuortio, quod Seruator primaeuae insti-
tutioni refragari, ac proinde *παρεκλὸς λόγῳ πορ-
νείας* illicitum esse docet, recte ducimus argu-
mentum ad prohibitionem πολυγυνίας. Si enim
is,

is, qui, repudiata iniuste priore vxore, aliam ducit, adulterii reus est: multo magis adulterii reus erit: qui constante matrimonio vxori aliam superinducit, quia ratio, a Christo adducta, quod nempe Deus, instituens matrimonium, voluerit, *ut duo sint caro vna*, *Matth. XVIII*, §. non minus polygamice, quam diuortio, obstat.

§. XXXX.

Eiusdem commatis et reliqua sunt argumenta, in quibus polygamiae adsertores caussae suae praesidium quaerunt. Nam III. quae de Turcarum aliorumque populorum orientalium felicitate, tranquillitateque domestica iactant, partim annalibus eorum, ipsique experientiae repugnant, partim iis mediis obtinentur, quae naturae atque indoli societatis matrimonialis plane repugnant. *) Et quid, quaeso, V. incredibilius est, quam vni non sufficere vnam? quid incertius, quam eum, cui inuerecunda vel immodesta obtigit vxor, alteram, quam illi superinducit, verecundio rem modestioremque; vel cui iam infaecunda domi est, alteram faecundio rem habiturum? Quid si pro vna furia duas tresue inueniat? Immo totum hoc argumentum non nisi iis alicuius ponderis esse videbitur, quibus

Nec non
ad quar-
tum et
quin-
tum.

Sola est utilitas iusti prope mater et aequi.

id est, qui falsum iuris naturae et gentium principium pro vero adoptant. (Lib. I. §. LXXVIII, *)

*) Notum est, orientales populos, qui plures vxores alunt, easdem gynaeceo, tamquam carceri perpetuo inclusas habere, nec meliorem earum, quam ancillarum, pati esse conditionem. Hinc
Aristotel.

Aristotel. *Polit.* I, 2. Ἐν δὲ τοῖς βαρβάροις τὸ θῆλυ καὶ ὄνλον τὴν αὐτὴν ἔχει τάξιν. *Apud barbaros autem femina et servus eundem ordinem habent.* Adde de Persis insignem locum Plutarchi in *Themistocl.* p. 125. Praesto iis est eunuchus aliquis, qui illas custodiat, et ab omni aliorum hominum consuetudine plane auertat. Liberi etiam, maxime dignioris sexus, raro matris, plerumque autem eunuchi alicuius, vel servi, disciplinae traduntur. Quae omnia an naturae huius societatis conueniant, facile intelliget, quisquis uxorem vitae fortunaeque sociam, non captiuam, non ancillam, esse debere, cogitauerit.

§. XXXXI.

An ius
naturae
certos
gradus
prohi-
beat?

Non minus difficilis est quaestio, an ex iuris naturae praescripto et sanguini habendus sit honor, adeoque nuptias et cognatio, et affinitas impediatur? Enimuero quum matrimonii fini aduersari non videatur huiusmodi coniunctio: (§. XXVIII, 8. 9.) satis constare arbitror, 45) eam ex hac causa iuri naturae haud aduersari. Attamen quia nuptiae, inter adscendentes et descendentes contractae, cum maxima turpissimaque respectuum, qui inter has personas intercedunt, confusione coniunctae sunt: 46) ipsa recta ratio, illas omnino inhonestas esse, agnoscit, et 47) eatenus Icti Romani non male statuerunt, hunc esse *incestum iuris gentium.* *) l. 38. §. 2. D. ad leg. Iul. de adult. quin et 48) in linea collateralis nuptiis inter proximos cognatos cognatasque pudorem impedimento esse, existimarunt. l. 68. D. de ritu nupt.

*) Quum enim natura probare non possit contradictoria, tales vero verae sint obligationes uxoris et matris,

matris, patris et fratris, matris et sororis, quae in vna persona vix consistere sine summa confusione possunt: nec possunt hae nuptiae consistere, quibus hi respectus in vna eademque persona manifesto confunduntur, veluti in nuptiis Herfili et Marullae, de quibus vetus epigramma:

Herfilius hic iaceo, mecum Marulla quiescit:

Quae soror, et genitrix, quae mihi sponsa fuit.

Me pater et nata genuit: mihi iungitur illa:

Sic soror et coniux, sic fuit illa parens.

Sunt haec sane ita comparata, vt et paganis turpia viderentur, ex quorum numero Onidius *Metam. X. v. 9.* Myrrham ita loquentem inducit:

Tunc soror nati, genitrixque vocabere fratris?

Nec, quod confundas et iura et nomina, sentis?

Inter collaterales confusio tanta non metuenda, at confusio tamen quaedam respectuum et obligationum euitari non potest, si eadem soror, eadem vxor sit. Hinc honestius putamus, has quoque nuptias non permitti, nisi eas absoluta excuset necessitas. Et sic facile reddideris rationem, cur Adami liberi sine incestus crimine inter se contraxerint nuptias, quum incestuosi procul dubio hodie dicendi sunt, qui eorum exemplum imitari non dubitarent. Pertinet enim haec graduum prohibitio ad officia erga alios, quorum ea est natura et indoles, vt, si necessitas ab ipso Deo obiiciatur, quaelibet sit honesta ratio expediendae salutis. (Lib. I. §. CLXII, 64.)

§. XXXXII.

Quum porro omnes commixtiones extra matrimonium, quippe ad solam explendam libidinem comparatae, rectae rationi aduersentur, nec aliud legitimum sit genus humanum propagandi medium, quam societas coniugalis: (§. XXXV.) consequens est, 49) vt et ipsorum coniugum, et liberorum inde natorum interfit, animum hanc societatem contrahendi

An ritus et solemnitates nuptiales probet?

di signo quodam externo testatum fieri, iustamque vxorem a concubina, maritum a stupratore vel concubinario, liberos legitimos ab illegitimis discerni. Quod quum commodius fieri non possit, quam si nuptiae publice et sollemniter contrahantur: facile reddideris rationem, 50) cur omnes paene gentes, certos ritus nuptiales, arbitrarios illos quidem, ast ad declarandum consensum nuptialem, officiaque coniugum significanda idoneos, adhibendos existimarint. *)

*) Nulla paene fuit gens tam barbara, quae non ritus quosdam adhibuerit in contrahendis nuptiis, multoque magis gentes humaniores, veluti Hebraei, Graeci, Romani huiusmodi sollemnitatibus utendum putarunt, de quibus tanto adparatu agunt viri docti, qui antiquitates Hebraeorum, Graecorum, Romanorum, aliarumque gentium ex instituto descripserunt, ut propositi immemor esse viderer, si de ritibus illis vel verbum addendum putarem. Id tantum moneo, Romanos, oblanguescente paullatim vetere illa disciplina, eo demum deuenisse, ut nullum paene ritum amplius adhiberent, eoque factum esse, ut saepenumero dubitaretur, iustaene vxoris, an concubinae locum in aedibus teneat femina, idque aliquando ex instrumentis dotalibus, §. ult. *Inst. de nupt.* aliquando ex ipsa foeminarum conditione qualitateque affectionis esset diiudicandum. *l. 24. D. de ritu nupt. l. 31. pr. D. de donat.* Quam facile vero superessissent his quaestionibus, si more maiorum certo ritu contraxissent nuptias?

Officia
coniugum
mutua,
quae ex
natura
pacti
fluunt.

§. XXXXIII.

De officiis vtriusque coniugis omnia sunt certa et perspicua. Quum enim natura huius societatis requirat consensum, (§. XXXIII, 7.) is vero sine amore ac concordia sperari nequeat: conse-

consequens est, 51) vt coniuges mutuo amore sese complecti, 52) et non modo communem rem familiarem *) communi consilio administrare et curare, sed et 53) alter alteri pro virili adiumento esse, immo et 54) communem vtramque fortunam habere, in primis vero 55) in liberorum educatione ope et consilio se inuicem iuuare debeant.

*) Equidem an communio illa bonorum, mortuo alterutro coniuge, effectum habere, et quanta pars substantiae communis supersit, quanta defuncti heredibus, obuenire debeat, vel pactis, vel legibus, definiendum est. Constante tamen matrimonio communia omnia habere coniuges, etiam recta ratio agnoscit. Quum enim focii ob vnitatem voluntatis sint vna persona, (§. XX, 60.) ac proinde res et iura, quae ad societatem pertinent, communia habeant: (§. XXI, 63.) manifestum est, idem etiam inter coniuges obseruandum esse, adeo, vt et Romani, quamuis, excrescente in manum conuentione, ab usu recederet illa *κοινωνία πάντων χρημάτων τε καὶ ἱερῶν*, omnium bonorum et sacrorum communio, quam inter coniuges esse voluerat Romulus, teste Dionysio Halicarn. *Antiqu. Rom. Lib. II. p. 95.* tamen communem vtrique coniugi bonorum usum esse statuerent. *l. 1. D. rer. amot. l. 5. C. de crim. expil. hered.* Ex quo facile patet, cur Modestinus, re-
tenta vetere definitione, nuptias; quales et sua aetate erant, dixerit *coniunctionem maris et feminae, consortium omnis vitae, diuinique et humani iuris communicationem. l. 1. D. de ritu nupt.*

§. XXXXIII.

Et haec quidem communia sunt vtriusque Item.
coniugis officia, quae ex consensus ac socie- que,
tatis natura prono alueo fluunt. Ex fine por- quae ex
ro matrimonii (§. XXVII, 6.) colligimus, 56) fine ma-
trimo-

Bb

coniun-
nii.

coniuges merito cohabitare, sibi que solis 57) inuicem corporis usum praebere, adeoque 58) ab adulteriis, aliisque furtiuis impuris que amoribus, abstinere, * 59) liberos pari amore complecti, nec 60) alterum alterius curam et sollicitudinem, qua liberos commode educare cupit, inutilem atque infructuosam reddere debere.

*) Sunt, qui hoc officium tantum ad vxorem, non item ad maritum pertinere existimant, ex ea ratione, quod eo neglecto, incertitudo prolis vxori non sit metuenda. Enimuero uti omnino vetita est commixtio, qua fit, ut incerta sit origo sobolis: ita non sequitur, ut licitus sit congressus, ex quo illa incertitudo non sit metuenda. (§. XXXVIII, 11.) Vid. Gundlingii *diff. an maior a feminis, quam a viris, castitas requiratur*. Nos ex regula principali iustitiae naturalis hoc argumentum ducimus: Quod sibi quisque non vult fieri, id nec alteri facere debet. (Lib. I. §. CLXXVII, 6.) At maritus non vult, ut vxor alterum maiore amore, quantumvis innoxio, quam se complectatur, vel vlli alii, quam sibi, corporis usum praebet. Hinc ad idem officium obstrictus est maritus. Recte itaque Chrysostom. *homil. XVIII. in I Cor. VII. In aliis sit praerogatiua viri, non in pudicitia*. Et Greg. Nazianzenus: Πῶς ἀπαίσεις, ἐν ἀνδρὶ φέρεται; Quo iure exiges, quod non rependis? Add. Lactant. *Inst. diu. VI, 3*. Hieronym. *ad Ocean. et con. 20. Causs. XXXII. quaest. V*. Quamuis vxoris impudicitiam fini matrimonii magis, quam viri incastitatem, repugnare, facile largiamur.

§. XXXV.

An marito in vxorem aliquod imperium sit.

Satisporro manifestum est, imperfectam admodum fore hanc societatem, si tam esset aequalis, ut penes neutrum coniugem aliqua negotia communia dirigendi, facultas relinquatur, quia

quia in plerisque contingere posset, vt in eligendis mediis quam maxime dissentirent, adeoque, quum inter duos ne numerus quidem suffragiorum vincere possit, res non habeat exitum. Quamuis vero tunc prudentius consilium praeferendum videatur: (Lib. I. §. LXXXII. *) tamen quia aequae incertum futurum esset, vter coniugum magis altero sapiat, merito ad id, quod plerumque fit, attendendum, adeoque 61) marito aliqua praerogatiua concedenda erit circa negotia, quae ad societatis communis salutem vtilitatemque pertinent. *) (§. XXVIII, 8.)

- *) Quum enim ad ea omnia obstricti sint coniuges, sine quibus procreatio commodaque educatio sobolis obtineri nequit: (§. XXVIII, 8.) obstricti etiam erunt ad alterutrius praerogatiuam ferendam, sine qua sperandus non esset in eadem media consensus. Quia vero in societate inter pares praerogatiua illa merito debetur prudentiori, eique, cui plus oneris incumbit, is vero in societate coniugali, vt plurimum est maritus: vxor obstricta erit, ad praerogatiuam mariti ferendam *Martial. Epigr. VIII. 12.*

Inferior matrona suo fit, Prisce, marito:

Non aliter fuerint femina virque pares.

Et *Plutarch. coniugial. precept. p. 139.* Ὅσπερ ἀνφρόγγοι δύο σύμφωνοι ληφθῶσι, τῇ βαρυτέρῃ γίνεται τὸ μέλος, οὕτω πᾶσα πρᾶξις ἐν οἰκίᾳ σωφρονέσῃ πράττεται μὲν ὑπ' ἀμφοτέρων ὁμονοούντων, ἐπιφαίνει δὲ τὴν τῷ ἀνδρὸς ἡγεμονίαν, ἣ καὶ προαίρεσιν. Sicut quum sumuntur duae consonae voces, cantus grauiori adscribitur: ita in familia recte instituta omnes res quidem geruntur consensu coniugum, viri tamen vel IMPERIVM vel CONSILIUM elucet.

§. XXXXVI.

Eius in-
doles.

Quum vero ea praerogatiua, marito concessa, non nisi ad negotia, quae ad societatis salutem vtilitatemque pertinent, porrigatur: (§. XXXXV, 61.) consequens est, 62) vt illa maritalis potestas degenerare non debeat in imperium herile, quale apud barbaros plerisque inualuisse, iam supra obseruauimus, (§. XXXX. *) nec adeo 63) consistere in iure vitae et necis, quod leges quorundam populorum maritis indulserunt, Gell. X, 23. Tacit. *Annal.* XIII, 32. Caes. *de bell. Gall.* VI, 19. Tacit. *de mor. Germ. Cap.* XVIII. multoque minus 64) in iure vxores aliis vel vendundi, vel commodandi, a quo more ii populi, apud quos vxores tamquam res in commercio fuerunt, ipsique Romani non abhorruerunt. Plutarch. *in Cato-ne* p. 770. Tacit. *Annal.* V, 1. Dio Cass. *Hist. Lib.* XXXXVIII. p. 384. sed 65) in facultate vxorum actiones prudente consilio regendi, 66) easdem defendendi, 67) immodestas modice, et pro coniugum conditione et dignitate castigandi, * (§. XXII, 69.) immo et 68) ob causas grauiores, de quibus paullo post erit dicendi locus, matrimonio mulctandi. (§. XXII, 70.)

- *) Dico castigationem illam conditioni dignitatieque vtriusque coniugis debere accommodari. Quum enim coniuges, tamquam socii, sint veluti vna persona: (§. XX, 60.) ignominiosa castigatio vxoris cum ipsius viri ignominia est coniuncta. Quia vero vnumquemque decet existimationem suam pro virili conseruare: (Lib. I. §. CLIII, 44.) contra officium faciet maritus, si vxorem contra dignitatem tractando, et illius et sui ipsius existimationem

nem

nem laedit. Vnde elegans Germanorum parœmia: *Wer sich die nase abschneidet, schändet sein angesicht.* Eleganter virorum huiusmodi imprudentum disciplinam reprehendit Plutarch. in *præcept. coniugal.* p. 139. *Οἱ τοῖς ἵπποις ἐφάλλεσθαι μὴ δυνάμενοι, δι' ἀδρόνεια ἢ μαλακίαν, αὐτῶς ἐκείνους ὀκλάζουσιν καὶ ὑποπίνουσιν διδάσκασι· ὅτως ἐνίοι τῶν λαβόντων εὐγενεῖς ἢ πλεσίας γυναικας, ἔχ. αὐτῶς ποιῶσι βελτίους, ἀλλ' ἐκείνας περικολύουσιν, ὡς μᾶλλον ἄρξοντες ταπεινῶν γενομένων. Δεῖ δὲ, ὥσπερ ἵππῃ τὸ μέγεθος φυλάττειν, καὶ τὸ ἀξίωμα τῆς γυναικὸς, χρῆσθαι τῷ χαλινῷ.* *Qui ob imbecillitatem aut molliem non possunt insilire in equos, illos condocerunt, ut se submittant, ac ingeniculent. Eodem modo quidam, ducendo nobiles et opulentas uxores, non sese meliores reddunt, sed uxores deprimunt, ut humilibus facilius imperare possint: quum oporteat, ratione habita, ut magnitudinis in equo, ita dignitatis in muliere, freno uti.*

§. XXXXVII.

Quia vero haec praerogativa marito ob praesumptam duntaxat maiorem prudentiam et onera matrimonii, ei incumbentia, debetur, (§. XXXXV. *) et saepe tamen contingit, ut virilis animi femina viro ingenii minus perspicacis; opulentior pauperi, regina priuato nubere cogatur: 69) omnibus his casibus pacto sibi praerogatiuam illam stipulari posse feminam, *) nemo negauerit, exemplaue docent, 70) reginas, nuptas principi, cui nihil in vxoris regno imperii est, priores in societate etiam coniugali partes tenere, nisi 71) vxor, regni heres, ipsum imperium in maritum transcribere malint, sola dignitate contenta.

Bb 3

*) Sic

An id
ius ma-
riti pa-
cto mu-
tari pos-
sit?

*) Sic sane quod referunt Aristotel. *Polit. V, 11.* et Sophocl. *in Oedipo Colon. v. 354.* apud Aegyptios vxorem imperare marito, id ex pacto esse, docet Diodor. Sicul. *Biblioth. I, 27.* De reginae marito, quae dici possunt, omnia iam occupauit doctissimus, Io. Philipp. Palthenius dissertatione singulari, edita Gryphisu. MDCCVII. vbi et varia, quae huc pertinent, pacta dotalia, et natas inde controuersias illustres accuratius explicauit. In primis notabile est exemplum Iacobi Boduelli, Ducis Orcadum, qui ducturus Mariam, Scotorum Reginam, conceptis verbis iurauit, *se nullam inde praecellentiam, aut supremi gradus fastigium spectare, sed id vnum, ut perinde Reginae, atque adhuc fecerit, quoad viueret, pareret atque inferuieret.* Buchanan. *rer. Scot. Hist. Lib. XVI. p. 674.* Ad ea, quae ex iure diuino positiuo *Genes. III, 16. I. Cor. XI, 7. I. Tim. II, 11. Eph. V, 23. Coloss. III, 18. I. Petr. III, 1.* his omnibus opponi solent, plura regessit laudatus Palthenius *ibid. §. XXX. sequ.* quae tamen nos, alio plane innixi fundamento, in medio relinquimus.

§. XXXXVIII.

Mariti
officium
in feren-
dis ma-
trimonii
oneri-
bus.

Quum vero ordinarie maritus priores in societate connubiali partes teneat: (§. XXXXV, 61.) non potest etiam detrectare officium 72) alendi vxorem et liberos, 73) oneraque matrimonii ferendi: quamuis 74) quia communes sunt liberi, communisque rei familiaris cura vtrique incumbit, (§. XXXXIII, 52.) merito et vxor partem istorum onerum, quantum opes eius ferunt, in se suscipiat, eaque 75) procul dubio sit origo dotium apud Graecos et Romanos, quas et illae vxores adferebant maritis, quae ab hereditate parentum non excludebantur. *)

*) Apud reliquas plerasque gentes ideo dotem accipiebant feminae, ne plane exfortes essent bonorum paternorum,

norum, quippe alias a successione exclusae. Idem
 iis temporibus obtinebat apud Romanos, quibus
 lex Voconia nondum exoleuerat. At dotare tamen
 Romani solebant filias, etiam antequam lata esset
 lex Voconia, itemque, ea iam subuersa, facie-
 bant, quamuis hereditatem paternam maternam-
 que aequa lance cum fratribus diuiderent. Rem
 omnem eleganter exposuit Iac. Perizon. *dissert. de
 lege Voconia*, nostris auspiciis recusa Halae
 MDCCXXII. Hinc ipsi Romanorum iureconfulti
 dotem *ad ferenda matrimonii onera dari*, fatentur.
*l. 7. pr. l. 56. §. 1. l. 76. fin. D. de iure dot.
 l. 20. C. eod.*

§. XXXXVIII.

Denique quum omnia omittenda sint, quae
 matrimonii finem impediunt, (§. XXVIII, 9.)
 educatio vero liberorum, quae non minus,
 quam procreatio eorumdem, finis matrimonii
 est, perpetuam coniugum societatem requi-
 rant: facile patet, 76) ei fini omnino aduer-
 sari diuortiorum licentiam, qualis apud pleras-
 que gentes olim inualuerat. At quia tamen
 77) intolerabiles alterutrius coniugis mores
 hunc finem magis impediunt, quam diuortium,
 et 78) socio, cui tam iniuriosus socius obtigit,
 non possit vitio verti, si illum abs se segreget:
 (§. XXII, 70.) diuortium etiam non illicitum
 censemus, quoties alteruter coniux ita se ge-
 rit, ut finis matrimonii obtineri nequeat. *)
 Postremo 79) soluta quocumque legitimo mo-
 do hac societate, alterum ad secunda vota
 transire posse, eo minus dubitari potest, quo
 minus socio, soluta societate, ius est, alterum
 impediendi, quo minus nouam societatem
 cum alio contrahere possit.

Matrimo-
 nium qua-
 tenus in-
 dissolu-
 bile sit.

- *) Huc ergo referimus non modo adulterium et malitiosam desertionem, quas causas et ius diuinum iustas esse docet: *Matth. V, 32. XVIII, 9. I. Cor. VII, 15.* sed et omnes, quae impedimento sunt, quo minus finem matrimonii adsequi liceat. Equidem an loquutio Christi *παρεκτός λόγος πορνείας Matth. V, 32.* idem significet, quod *rem turpitudinis* vocauit Moyses, *Deut. XXIII, 1.* adeoque tam laxa sit vocabuli *πορνεία* notio, ac visum est Seldeno *Vx. Hebr. III, 23. et 31.* nos quidem in medio relinquimus, certo persuasi, non idem esse *πορνείαν* et *λόγον πορνείας*. *λόγον* enim pro ratione vel conditione rei accipi notum est, uti in formula notissima: *τὸν αὐτὸν λόγον ἔχουσι.* eiusdem sunt conditionis, vel eandem rationem habent, *Synes. Epist. ad Ioannem:* *Νῦν δὲ τὰ ἁμαρτήματα λόγον ἔχει πρὸς τὰς ἀνεκπλήτους κηλίδας.* Peccata vero eiusdem NATURAE sunt, vel, peccatorum EADEM RATIO EST, ac macularum, quae elui nequeunt. Hoc sensu accepto vocabulo, sensus erit, non aliam diuortii causam sufficientem esse, quam quae similis adulterio, eiusdemque cum hoc naturae sit, vel, quod perinde est, quae cum fine matrimonii non minus pugnet, quam adulterium.

§. L.

Quid
statuen-
dum sit
de ma-
trimo-
niis im-
perfe-
ctis?

Quamuis vero haec omnia ipsa recta ratio exigere videatur in societate coniugali: facile tamen vnusquisque intelligit, 80) vnum officium altero magis minusue finem matrimonii attingere, adeoque 81) non statim societatem inter masculum et feminam matrimonium esse definere, si quid per pacta mutetur. Quamobrem 82) matrimonium, licet imperfectum, est, quod sine sollemnitate, clam, liberorum tamen quaerendorum educandorumque causa,

sa, contrahitur, *) 83) nec non cui accedit *lex morganatica*, immo et 84) *putatium*, de quo singulari dissertatione egit Io. Nic. Hertius: quamvis 85) in imperantium sit arbitrio, quem huiusmodi coniunctioni effectum in ciuitate tribuere velint.

- *) Huc pertinet matrimonium, quod vocant *marriage de conscience*: immo et concubinatus, qualis apud Romanos obtinuit, de quo plura diximus in *commentario ad legem Iul. et Papianam*, Lib. II. Cap. IIII. Neque enim aliter, quam dignitate, ab vxore legitima differebat concubina, quippe cum pellice non confundenda. Vnde et *inaequale coniugium* vocatur concubinatus. l. 3. C. de natur. lib. Contra ne imperfecti quidem matrimonii nomen meretur illud, quod barbare vocant *ad talacho*, *emancibando*, *casato di media carta*, quod ea lege contrahitur, vt vir, prole potitus, feminam illico a se segregare, vel vxor, praegnans, maritum pro lubitu deferere possit, qualia Amazonum matrimonia fuisse, memoriae prodiderunt veteres, quamvis de veritate rei non abs re dubitet Arrianus in *expedit. Alexandri M. Lib. VII. p. 291. sequ.* Conf. Sam. Petiti *Diff. de Amazonibus*, et Casp. Sagitt. *Exercit. ad Iustin. Hist. II, 4.* Quid enim hoc aliud est, quam *exire matrimonii causa*, *nubere diuortii causa*? Seneca de *Benef. III, 6.* Quid magis aduersari dixeris educationi liberorum, quam nuptias contrahentibus pro fine esse debere, supra monuimus?

CAP. III.

DE OFFICIIS, IN SOCIETATE PARENTUM ET LIBERORVM OBSERVANDIS.

§. LI.

Transi-
tio ad so-
cietatem pa-
rentum
et libe-
rorum.

EX coniunctione maris et feminae, de qua superiore capite differuimus, nascuntur LIBERI, qui tantisper cum parentibus in societate viuunt, dum ipsi nouas familias constituent, et e parentum manu potestateque exeant. Quamuis enim liberi, quando in hoc orbis theatrum prodeunt, nec expresse, nec tacite, in hanc societatem consentire possint: tamen, quia et ex praesumpto consensu aliquando nasci potest societas, si ex ipsa rei natura, alterum consensisse, iudicamus, (§. XVII, 48.) ipsa vero liberorum adhuc infantum conditio requirit, vt cum aliis in societate viuant: (§. eod. *) 1) nihil obstat, quo minus parentes liberosque in eundem finem, eademque media consentire, adeoque 2) dari SOCIETATEM INTER PARENTES LIBEROSQUE, statuamus. (§. XIII.)

§. LII.

Eius finis com-
moda li-
berorum
educa-
tio.

Nimirum, quum liberi, adhuc infantes, immo et pueri atque adollescentes, non sint ea ingenii perspicacia praediti, vt ipsi vel de alimentis sibi prospicere, vel, quomodo actiones suas ad rectae rationis normam componere debeant, diiudicare possint: 3) Deus sane, qui eos exsistere voluit, etiam aliis curam demandasse,

dasse intelligitur, tenellos illos homunculos educandi. Quumque 4) ideo incredibilem amorem erga liberos in seuerit parentibus, non solum hominibus, verum etiam brutis animalibus, vt de hoc officio admonerentur, (§. XXVII.) hique praeterea sobolis procreandae educandaeue causa societatem inierint, aut saltem hunc finem vnice ob oculos habere debuerint: * (§. eod.) consequens est, 5) vt id officium primario incumbat parenti vtrique, adeoque 6) societatis inter parentes et liberos finis non alius sit, quam COMMODA horum EDUCATIO.

- *) Quamuis ergo contingere possit, vt homines diuersi sexus non liberorum quaerendorum, sed solius libidinis causa, congregiantur: tamen ideo hac obligatione non liberantur, quod alium sibi finem proposuerunt. Quum enim omnes impurae commixtiones extra matrimonium rectae rationi aduersentur: (§. XXXV.) non refert, quem finem ante oculos habeant parentes, sed quem habere debeant, nec in cuiusquam potestate est, iuri praeceptiuo, quod hunc finem statuit, renunciare, (Lib. I. §. XIII, 19.)

§. LIII.

Quia ergo finis huius societatis est commoda sobolis procreatae educatio, (§. LII.) ea vero sine actionum directione consistere nequit: consequens est, 7) vt parentibus liceat liberorum actiones dirigere, *) ac proinde 8) iis competat POTESTAS, in liberos, adeoque 9) haec societas omnino sit inaequalis et rectoria. Quemadmodum vero ex fine cuiusque societatis officia sociorum sunt aestimanda: (§. XV, 43.) ita

Haec
obtineri
nequit
sine po-
testate
parenti-
bus
compe-
tente.

43.) ita 10) et haec PARENTVM POTESTAS ex fine aestimanda est, adeoque 11) est ius, parentibus competens, ea omnia agendi, sine quibus liberorum actiones ad obtinendum huius societatis finem dirigi non possent.

*) Habes ergo originem potestatis illius, qua parentes iure naturae in liberos vtuntur. Vult Deus, vt liberi existant, id est, vt et conseruentur, et feliciter viuant. (Lib. I. §. LXXVII. sequ.) Conseruari et felices esse non possunt, nisi commode educentur. (§. LII.) Educari commode nequeunt, nisi eorum actiones dirigantur. Vult ergo Deus, vt ab iis, qui liberos educant, eorum actiones dirigantur. Quumque ius dirigendi actiones liberorum sit potestas in liberos: (§. LIII, 11.) voluit sane, vt parentes potestatem in liberos exercent. Faceffere ergo iubemus Hobbesium *de cine VIII, 3.* hanc potestatem ex occupatione deriuantem. Nec Pufendorffius satisfacit, qui *Lib. VI. de iur. nat. et gent. Cap. II. §. IIII.* eam partim ex vitae socialis natura, partim ex praesumpto liberorum consensu, explicare voluit. Consensus enim praesumptus in societatem hanc, quem ipsi agnoscimus, fundamento aliquo niti debet, quod non aliud esse potest, quam hoc, quod paullo ante exposuimus.

§. LIII.

Potestas
haec pe-
nes v-
trumque
paren-
tem est.

Quumque hoc officium communes liberos educandi vtrique parenti incumbat: (§. LII, 5.) consequens est, 12) vt et potestas haec vtrique sit communis, adeoque 13) ex iure gentium repeti non possit patria illa potestas, soli patri propria, quam ius Romanum inculcat. Attamen quum patris, tamquam mariti, in ipsa societate coniugali regulariter primae sint partes: (§. XXXXV, 61.) facile est ad existimandum, 14) dissentientibus parentibus, paternae

ternae magis, quam maternae, voluntatis habendam esse rationem, nisi 15) pater aliquid, quod manifesto turpe, liberisque noxium sit, iubeat. Ad id enim, tamquam moraliter impossibile, nec matrem nec liberos obstringi, facile est ad existimandum.

§. LV.

Quia praeterea officium educandi liberos, ex quo haec potestas nascitur, aliquando praemortuis parentibus, vel aui aviaeue, quos pietas excitat, vel cognati occupant: aliquando ipsi parentes id aliis, ad hoc exsequendum magis idoneis, demandant: aliquando extraneus quidam id sibi, a parentibus cedi, ultro poscit: sequitur, 16) ut haec potestas, quatenus in facultate actiones liberorum dirigendi consistit, tunc et AVIS, COGNATISUE, 17) et NVTRITORIBVS ET PAEDAGOGIS, et 18) iis, qui quaeue *) alienos liberos ADOPTANT, vel 19) IN TVTELAM recipiunt, denegari nequeat, adeoque 20) hi omnes ea potestate eatenus uti possint, quatenus eam suscepta ab iis cura educationis exigere videtur.

Immo et
in auos,
avias,
cognatos,
tutores,
nutritores,
ad-
optantes,
transit.

*) ADOPTIONEM ergo ius naturae non improbare statuimus, sed ex alia ratione, quam ex qua eam Romani deriuarunt. Quum enim liberi apud eos essent in patria potestate, id est, in domino iuris Quiritium: *l. 1. D. de rei vind.* inde colligebant, patrem liberos aequae, ac alias res Mancipi, in dominio suo constitutas, posse alienare, et Mancipare. Et hinc adoptiones fiebant per Mancipationes et cessiones in iure, ceu alibi ostendimus. Porro adoptare poterant soli masculi, non feminae, nisi ex indulgentia principis in solatium liberorum amissorum: §. 10. *Inst. l. 5. C. de adopt.* quia femi-

na aliquem in potestate habere non poterat. Sed nos adoptiones non ex dominio aliquo vel patris, vel vtriusque parentis, sed ex officio liberos educandi, eorumque actiones ad hunc finem dirigendi deriuamus. Quod officium quum aliquando alii extranei rectius, vel saltem aequè commode exsequantur, ac ipsi parentes: nihil obstat, quominus hi illud aliis volentibus concedere, adeoque liberos iis in adoptionem dare possint. Nec quidquam refert, masculus adoptet, an femina, nupta an innupta, quia haec adoptio non imitatur naturam, sed parentum tantum officia. Et existat sane huiusmodi adoptionis exemplum non modo apud Aegyptios *Exod. II, 10.* verum etiam apud Romanos, apud quos Valeriam Augustam non in solatium liberorum amissorum, sed ob sterilitatem, adoptasse Candidianum, refert Lactant. *de mort. persequ. Cap. L.*

§. LVI.

Parentibus tribuit ius iubendi, prohibendi, castigandi.

Quemadmodum porro haec parentum potestas consistit in iure ea omnia agendi, sine quibus liberorum actiones ad obtinendum societatis huius finem dirigi non possunt: (§. LIII, 11.) ita facile est ad existimandum, 21) parentibus licere et praescribere liberis, quae agere eos oporteat; et 22) prohibere, quae ab iis fieri nolint, et 23) immorigeros non modo obiurgare, sed et, 24) prout res exigit, castigare, et acrioribus remediis in ordinem cogere: modo 25) id prudenter fiat, statusque non modo et dignitatis familiae, sed et 26) aetatis, *) reliquarumque circumstantiarum ratio habeatur.

*) Recte Grot. *de iure belli et pac. II, 5, 2.* et Pufendorff. *Iur. nat. et gent. VI, 2, 7. sequ.* obseruant, maiorem esse huius potestatis vim in primae aetatis liberis, quam in adultioribus. Quum enim tantum possit

fit pater, quantum requirit finis huius societatis, puta liberorum educatio, (§. LIII, 11.) liberi autem imperfecti iudicii vix umquam, quid factu optimum sit, perspiciant: ipsa res exigit, ut parentes omnes eorum actiones dirigant, eos ad certam addiscendam artem, nec non ad amplectendam religionem, quam ipsi probant, compellant, immodestosque et immorigeros etiam virga scuticaque castigent. Id vero bonus pater non fecerit filio adultiori, quem, maturiore iudicio praeditum, auctoritate magis et rationum pondere, quam seueritate ac rigidior imperio, ad quaeuis honesta pertrahere studebit, nec temere quidquam, quod ad futurae vitae rationes pertinet, inuito illi per modum imperii iniunget. Sic e. g. puerum parentes recte adigent etiam inuitum, ut scholam frequenter, at non recte adultum cogent ad ducendam uxorem, ad certum vitae genus, a quo abhorret, eligendum, cetera. Id quod obseruandum contra Casp. Zieglerum, qui hanc distinctionem non putat admittendam in *Notis ad Grot. II, §. 2.*

§. LVII.

Ex eodem patet, 27) finem huius societatis non exigere ius vitae et necis in liberos, 28) nisi forte in statu naturali parentes diffusae familiae, tamquam capita, praefuerint: quamuis tunc magis ut principes vel imperantes, quam tamquam parentes, id ius exercuisse videantur. *) Hinc denuo colligimus, 29) non probare ius naturae rigidum illud ius veterum Romanorum, quod ipsis postea Romanis displicuit, adeoque 30) vere docuisse Iustinianum, *nullos esse alios homines, qui tali in liberos potestate utantur, qua vsi sint Romani.* §. 2. *Inst. de patr. pot.*

An et
ius vitae
et necis?

*) Id

*) Id vero vel inde patet, quod ius illud vitae et necis magis patri proprium, quam utrique parenti commune fuisse, quin sese in ipsas vxores, et nurus etiam viduas porrexisset videtur. Exemplum sane posterioris obseruationis praebuit Iudas, qui, quum intellexisset, scortatam esse Thamarem nulum: *Ducite eam*, inquit, *ut comburatur. Genes. XXXVIII, 24.* Ita et hodie Reges, quia in statu naturali viuunt, hoc ius vitae et necis exercent in vxores, liberos, vniuersamque familiam, idque et olim semper exercuerunt, non tamquam patres, sed tamquam supremi imperantes. Sic inter Perseum et Demetrium filios iudex sedit Philippus Macedo apud Liu. XXXX, 8. Sic a Valeria Mesalina, vxore adultera, supplicium sumsit Claudius Caesar apud Sueton. in *Claud. Cap. XXVI.* ut iam non dicam de exemplis recentioribus, quae iam alii cum cura expenderunt. Add. Barbeyrac ad Pufend. *de iure nat. et gent. VI, 2, 10.*

§. LVIII

An ius
venum-
dandi
noxae
dedendi
liberos,
per eos-
que ad-
quiren-
di.

Multo minus ergo 31) illa parentum potestas iure naturae coniuncta est cum iure liberos venumdandi, 35) delinquentes noxae dandi, 33) omniaque, quae liberis aliunde obuenerunt, acquirendi, quamuis haec omnia antiqua saltem Romanorum iurisprudencia probarit. Nihil enim horum ita comparatum est, ut sine eo obtineri nequeat finis huius societatis. (§. LIII, 11.) Attamen, quum haec potestas in facultate dirigendi liberorum actiones consistat: (§. LIII, 7.) 34) parentibus non deneganda videtur facultas, liberis pro conditione sua certas imperandi operas, ex iisque lucrum capiendi, immo et 35) administrandi ea, quae liberis siue fortunae, siue hominum beneficio obuenerunt. *)

*) Nam

- *) Nam quum ipsi liberi, quamdiu immaturum imperfectumque est eorum iudicium, directioni parentum subsint: quidni et eorum res ab iis administratio? Non dubito. Quibuscumque rebus indigent liberi, eas a parentibus iure quodam suo exigunt, veluti cibum, potum, vestes, habitationem, sumtus disciplinae. Non ergo indigent fructibus, quibus maxime plerumque indigent parentes ad alendos educandosque liberos. Et qua fronte fructus a parentibus repeterent liberi, quibus vicem numquam reddere possunt, si se suae omnia redderent? Ismene apud Sophoclem in *Oedipo Colon.* v. 523.

φύλασσε πατέρα τόνδε. τοῖς τέκνῃσι γὰρ
οὐδ' εἰ πονεῖ τις, δεῖ πόνη μνήμην ἔχειν.

Patrem cura: nam parentum causa

*Et si quis laborat, laborum tamen non meminisse
debet.*

§. LVIII.

Sed haec de potestate parentum dicta sufficiant. Quod ad OFFICIA eorundem attinet: ea intellectu facillima videntur. Etenim ex fine huius societatis prono alueo fluunt. Est ille COMMODA LIBERORVM EDUCATIO, ac proinde nemo non intelligit, obligatos esse parentes, ad ea omnia agenda, sine quibus finis huius societatis obtineri non potest, et ad ea omittenda, quae cum fine illo pugnant. (§. XXV, 76. sequ.) Itaque operae pretium fuerit, educationis notionem euoluere paullo accuratius, ut ex ea officia, tum parentum, tum liberorum, tanto facilius certiusque eruantur.

Officio-
rum pa-
rentum
erga li-
beros
funda-
men-
tum.

§. LX.

Quid educationis
et in quo illa
consistat?

Obligationem ad educandos liberos parentibus ipsum amorem, quem illis natura iniecit, inculcare, iam supra monuimus. (§. XXVII.) Quumque parentes liberos non alio AMORE, quam BENEVOLENTIAE, complecti possint, (Lib. I. §. LXXXV.) hic vero in eo consistat, ut entis inferioris atque imperfectioris felicitate delectemur, eamque seruire, et, quantum in ens illud cadit, amplificare studeamus: (ibid. §. LXXXVI.) consequens est, 36) ut et parentes liberos non modo conseruire, sed et 37) felicitatem eorum amplificare teneantur: et 38) in hoc ipso consistat commoda EDUCATIONIS, per quam adeo 39) nihil aliud intelligimus, quam curam parentum, qua liberos suos et conseruire, et felicitatem perfectionemque eorum amplificare, omni ope nituntur. *)

*) Quid enim adeo magnum est, procreasse liberos, nisi et conseruentur? et quid conseruasse, nisi et ita instituantur, ut verae felicitatis participes esse possint? *Ad bene viuendum*, ait Seneca, *de Benef. III, 31. minima portio est viuere.* Et paucis interiectis: *Vis scire, quam non sit magnum beneficium, vitam sic dare? exposuisses: nempe iniuria erat, genuisse. Quo quidem colligo, minimum esse beneficium patris matrisque concubitus, nisi accesserint alia, quae prosequerentur hoc initium muneris, et aliis officiis ratum facerent.*

§. LXI.

Parentum est liberorum vitam, sanitatem

Quum ergo parentum sit, operam dare, ut conseruentur liberi: (§. LX, 39.) consequens est, 40) ut non modo iis alimenta commoda, *) id est, victum, amictumque, pro conditione sua

sua praeberere, sed et 41) eorum valetudinem curare, 42) corpus membraque, quantum in se est, integra praestare, quin et 43) eos a luxu, ingluvie, lasciuia, omnibusque vitiis, quae sanitatem ac vires corporis animique prosterunt, auertere, ac proinde 44) non temere solos et sine custode relinquare, teneantur.

et integritatem membrorum conferuare,

- *) Ad quae alimenta praecipue etiam pertinet primi lactis instillatio. Ad hanc enim ipsam matrem obligatam esse, vel hoc ipso eas natura admonet, quod illico a partu, vbera illius lacte turgescere incipiunt, et inexhaustus ille fons tamdiu plerumque hoc nectar sufficit, donec solidiorem cibum ferat infantuli stomachus. Vere ergo neglecti officii materni reas esse, quae vel commoditatis suae, vel formae seruandae caussa, eam operam nutriculis et scortillis delegant, ipsi pagani, ductu solius rationis, viderunt, multisque probarunt argumentis. Pertinent huc Plutarch. *de liber. educ.* p. 3. Gell. *Noct. Att.* XII, 1. At, sicuti necessitas facile vnumquemque soluit lege adfirmatiua: (Lib. I. §. CXIII, § 9.) ita nec vitio vertendum fuerit matri delicatiori, infirmas, lacte destitutae, si nutrici commendet infantem. Qualis vero deligenda sit a proba et prudente matre, elegante epistola ad Phyllida ostendit Myia apud Thom. Gale *Opusc. mythol. est. et phys.* p. 750.

§. LXII.

Huic ergo officio omnino aduersantur 45) procuratio abortus; 46) expositio infantum, 47) eorundem, nihil tale meritorum, abdicatio vel exhereditatio, *) 48) alimentorum necessariorum denegatio, et similia, quae fini huius societatis repugnant, vitia. In primis 49) reprehensione dignissimi, indignique parentum nomine sunt, qui vel derelinquunt liberos,

Quid huic officio aduersetur?

vel 50) incuria sua efficiunt, vt vita, sanitas, sensus, membraque eorum aliquid capiant detrimenti. Quin 51) tanto detestabilior est haec parentum impietas, quo magis sensus, sanitas, integritasque membrorum non solum ad conseruationem, sed et ad felicitatem liberorum, pertinent.

*) Parum enim interest, siue quis occidat liberos, siue iisdem alimenta deneget. *l. 4. D. de agnosc. et alend. lib.* Alimenta autem liberis subtrahunt parentes, qui illos abdicant vel deserunt, innocentesue exheredes scribunt: immo ne ipsae quidem leges reprehensione vacant, quae parentibus tantum indulgent, vt liberos suo arbitrio tractare possint, vel saltem maiorem patriae potestatis, quam aequitatis naturalis, habent rationem. Quis enim non reprehendat Tarquiniensium leges, stare passas testamentum Damarati, qui *ignorans, nulum ventrem ferre, immemor in testamento nepotis decesserat, puero post aui mortem in nullam sortem bonorum nato, et postea ob inopiam Egerii nomen ferente.* Liu. I, 34. Quis non laudet Augustum, qui C. Tettium, infantem, a patre exheredatum, in bona paterna ire decreto suo iussit, patris patriae nomine usus, quoniam Tettius in proprio iure procreato filio summa cum iniquitate paternum nomen abrogauerat? Valer. Max. VII, 7.

§. LXIII.

Libero-
rum per-
ficien-
dus est
intelle-
ctus.

Quum vero praeterea ad parentum officium pertineat, vt liberorum suorum perfectionem felicitatemque pro virili amplificare studeant, (§ LX, 39.) ad perfectionem vero eorum vel maxime pertineat intellectus excultus, et viua veri bonique cognitione probe imbutus: (Lib. I. §. CXXXVI.) sane parentum erit, 52) liberis praecepta sapientiae rerumque diuinorum

rum et humanarum scientiam a teneris vnguiculis instillare, vel 53) eos idoneis magistris perpoliendos dare, 54) nullisque sumtibus parcere, vt et ingenia eorum acuantur, et 55) ipsi ad omnes honestas artes, pro conditione facultatibusque suis, instituantur. Ex quo porro colligimus, 56) parentes obligatos esse ad explorandam liberorum indolem, honestumque vitae genus, quod indoli, conditioni, aliisque circumstantiis conueniat, eligendum, eo vero semel electo, 57) nihil eos reliqui facere debere, vt liberi personam, sibi impositam, in hoc mundi theatro aliquando cum plausu agere possint. *)

- *) Quumque vnus homo plures plerumque personas sustineat, vt singulari dissertatione luculenter ostendit Hertius: educatio ita attemperanda est, vt liberi non modo ad vitae genus, quod electum est, apti sint, sed et reliquas personas decore agant. Hinc quia liberi aliquando non solum boni mercatores, artifices, opifices, sed et boni ciues, esse debent: educationem liberorum accommodandam etiam esse statui ac formae reipublicae patriae, recte monet Aristoteles *Polit. V, 9.* addita ratione: Ὁφελος γὰρ ἔσθ' ἐν τῶν ἀφελιμωτάτων νόμων, καὶ συνδεδεξαμένων ὑπὸ πάντων τῶν πολίτευομένων, εἰ μὴ ἴσον/αι εἰθισμένοι καὶ πεπαιδευμένοι ἐν τῇ πολιτείᾳ· εἰ μὲν οἱ νόμοι δημοτικὸι δημοτικῶς· εἰ δ' ὀλιγαρχικὸι, ὀλιγαρχικῶς. Ἐντερε γὰρ εἰσιν ἐφ' ἐνὸς ἀκρασία, ἐστὶ καὶ ἐπὶ πόλεως. Nullum enim emolumentum capitur ex utilissimis legibus, et quae probatae sunt iudicio cunctorum, qui dant operam reip. ni fuerint adsueti et instituti, si leges sint populares, populariter; sin oligarchicae, oligarchice. Si enim est in vno mortali incontinentia, est etiam in ciuitate.

Cc 3

§. LXIII.

§. LXIII.

Et e-
men-
danda
volun-
tas.

Quumque voluntas sit vera illa amoris, quo cum bono, adéoque et cum felicitate coniungimur, sedes: 58) nihil agere videbuntur parentes, qui de perficiendo liberorum intellectu solliciti, nullam voluntatis rationem habent: nec non 59) qui non id agunt, vt liberorum suorum animos ad pietatis virtutisque amorem inflamment, sed 60) vt eos vel manifestis vitiis, vel 61) calliditati, auaritiae, ambitioni, voluptati, (quibus ipsi prudentiae, frugalitatis, erectioris animi elegantiaeque velum praetendunt,) adsuefaciant, qui denique liberis ad omne scelus profligatis, 62) praeceunt exemplo, et sic aegrotos animos perpetuis vitiorum spectaculis turpiter corrumpunt. *)

- *) Sunt haec praecipua errata, quibus et optimam liberorum indolem in praecipitia abripi, animaduertimus. Quemadmodum enim nemo est tam estimationis suae incuriosus, vt manifestis vitiis pollutus videri velit, ac proinde vnusquisque sceleribus suis aliquod virtutis ac prudentiae velum praetexit: ita et liberos suos ita instituere solent parentes, vt non tam honeste ac sapienter viuere, quam alios aliqua virtutum specie decipere discant, id est,

Vt Curios simulent, et bacchanalia viuant.

Ad hoc eos praeceptis, ad hoc exemplis suis instituunt. Quin si hi quadam naturae bonitate ad veram laudem contendunt: eum impetum parentes turpi exemplo reprimunt. Quemadmodum enim, qui nocte illumi iter faciunt, facile a recto tramite aberrant, si praeter facem passim oberrant ignes fatui: ita et praeclara ingenia plerumque in transuersum aguntur, si oculis quotidie obuersantur praua parentum facinora, hique se ipsos liberis praebent inutilis disciplinae exempla,
parum

parum memores incomparabilis illius sententiae Iu-
uenalis *Sat. XIII. v. 44.*

*Nil dictu foedum visuque haec limina tangat,
Intra quae puer est, procul hinc, procul inde
puellae*

*Lenonum, et cantus pernoctantis parasiti.
Maxima debetur puero reverentia. Si quid
Turpe paras, nec tu pueri contemseris annos:
Sed peccaturo obsistat tibi filius infans.*

§. LXV.

Quum vero puerorum atque adolescentium In pri-
indoli nihil magis adblandiatur, quam otium mis a
et voluptas: parentes operam dabunt, 63) ne volupta-
nimis delicatam rationem in educandis liberis te reuo-
teneant, 64) neque eos otio obtorpescere pa- candus
tiantur, aut 65) nimis exquisito victu nutriant, animus.
sed 66) solem, frigusque ferre, ciboque para-
bili contentos esse, doceant. Ita enim dum
educantur rusticorum liberi, dumque hi inter
operas rusticas, pressumque lac, et cibos para-
biles adolescunt, eos et sanitate et robore ipsis
plerumque nobilibus adolescentibus antecelle-
re, docet experientia. *)

- *) Exstat hanc in rem incomparabilis epistola Theanus,
Pythagoreae sapientiae filiae, ad Eubulen apud
Thomam Gale *Opusc. mythol. Ethic. et phys. p. 741.*
qua ex instituto demonstrat, διατροφήν τῆς Φύ-
σεως εἶναι, ὅταν τὰ παῖδια φιλήδονα μὲν ταῖς
ψυχαῖς ἡδυπαθῇ δὲ τοῖς σώμασι γένωνται.
*Corruptionem et perversionem naturae esse, (non
educationem,) quum animi ad voluptatis amorem,
corpora ad libidinem transferantur. Nec minus gra-
uiter haec praecepta passim inculcat Plutarchus to-
to illo aureo libello de institutione liberorum.*

§. LXVI.

Nec non
a prauo-
rum
consue-
tutine.

Sed praecipue 67) iuuentutis animum peruertit consuetudo cum prauis hominibus: adeoque 68) nihil maiore cura ac sollicitudine cauere, decet parentes, quam ne liberi sibi malos sodales inueniant, sed 69) paribus et bene educatis colludere malint. Quum enim ad imitationem natura procliues sint tenelli eorum animi, *) cerei quippe flecti in vitium, monitoribus asperi: experientia docet, tanto facilius pueros adolescentesque abripi in quaeuis praecipitia, quanto minus adultores et parasitos ab amicis, corruptores a bonis magistris, instigationes ad vitia a salubrioribus praeceptis possunt discernere.

- *) Quam procliues sint pueri ad imitandum, argumento sunt illi, qui inter feras bestias educati, earum non inodo victum et gressus, sed et gestus, vocem et ferociam ita paullatim adsciuerunt, vt a bestiis vix discernerentur. Exempla dederunt auctor supplementorum Lamberti Schaffnab. *ad ann. MCCCXXXVIII. Hartknoch. de Polon. Lib. I. Cap. II. p. 108. Bern. Connor Euang. med. art. CXV. p. 181. et de statu Polon. Part. I. Epist. VI. p. 388.* Sic et puerum surdum et mutum, a parentibus in templum frequentius adductum, omnes gestus, quibus inter sacra alios vti viderat, tam accurate expressisse ferunt, vt non dubitarent clerici, quin aliquo religionis sensu tangeretur, quum tamen vbi auditum casu recepisset, et sensim coepisset loqui, rei non meminerit, nec vlllo indicio vel argumento colligi posset, eum religionis ideam vllam animo concepisse. Vid. *Act. erud. Lips. MDCCVII. p. 507.* Si ergo homines in bruta veluti conuertit solum cum brutis contubernium, et si hominem surdum et mutum religiosis gestibus imbuat solus aliorum religiose Deum colentium con-

conspetus: quis miretur, et pueros aliam naturam induere ex consuetudine cum aliis, et veluti hausto Circes poculo in bestias transformari?

§. LXVII.

Quae contra LIBERIS officia erga parentes incumbant: ex horum statu et iure, societatisque ipsius indole non difficulter intelligitur. Quemadmodum enim parentibus est ius dirigendi liberorum actiones: ita inde patet, 70) eos a liberis non aliter considerari posse, quam ut superiores et perfectiores, adeoque 71) amandos esse amore deuotionis et obedientiae, *) (Lib. I. §. LXXXV.) Ex quo porro sequitur, 72) ut liberi eos omni veneratione atque obsequio, (§. LXXXVI.) et 73) tali quidem veneratione, quae eorum perfectionibus digna sit, (Lib. I. §. LXXXVII, 51.) prosequi teneantur.

Liberi parentibus debent amorem deuotionis et obedientiae.

*) Hinc veteres omnes fassii sunt, proximum amoris gradum post Deum deberi parentibus, quibus nos ipsos debeamus. Sic Gell. *Noct. Att. III, 13.* officia liberorum erga parentes primo loco ponit inter omnia, quae aliis hominibus debeamus, auctoritate vsus Catonis, Massurii Sabini et C. Caesaris. Multo expressius *aureorum Pythagorae carminum* auctor v. r. sequi.

Ἀθανάτους μὲν πρῶτα θεῖς, νόμῳ ὡς διακεῖται,

τίμα· καὶ σέβει ὄρκον· ἔπειθ' ἥρωας ἀγαυούς.
τῆς τε κατὰ χθονὸς σέβει δαίμονας, ἔννομα
ρίων

τῆς τε γονεῖς τίμα, τῆς τ' ἀγχιστ' ἐκγεγαῶτας.

*Primum immortales Diuos pro lege colunt
Et iniurandum: heroas, clarum genus, inde.*

Cc 5

Daemo.

*Daemones hinc, terris mixti, sua iura ferunto.
Inde parentis bonos sequitor: tum sanguinis ordo.*

Quae explicans suo more, Hierocles p. 50. Θεοει-
δῆ εἰκόνα Deo similem imaginem in parentibus
agnoscit. Et Simplicius Comment. in Epiḡeteti En-
chirid. Cap. XXXVII. p. 109. Οἱ ἔτι παλαιότεροι
τοσῶτον τῆς γονέας ἐσιφθισαν, ὡς καὶ θεὸς
αὐτὰς ὀρμῆσαι καλεῖν· εὐλαβηθέντες δὲ τὴν
θεῖαν ὑπεροχὴν τῆς τῶν γονέων ἀδελφὸς θεῖος
ἐκάλεσαν, ἐνδεικνύμενοι τὴν τάξιν, ἣν τῆς γο-
νέας ἔχειν πρὸς τῆς παῖδας τῆς αὐτῶν ὑπε-
λάμβανον. Antiquiores (Romanis) leges ita ve-
neratae sunt parentes, ut DEOS adpellare eos non du-
bitarint: diuinam autem excellentiam reueritae fra-
tres patrum THIOS quasi DIVINOS adpellant, ut de-
monstrent, quam rationem parentum aduersus libe-
ros esse existiment.

§. LXVIII.

Venera-
tio pa-
rentibus
debita.

Quia ergo veneratione prosequendi sunt pa-
rentes, et tali quidem, quae eorum perfectio-
nibus digna sit: (§. LXVII, 72. 73.) nemo sane
dubitauerit, 74) quin liberi parentes aliis o-
mnibus praeferre, 75) cum iis, ac de iisdem,
non nisi honorifice loqui, quin 76) et operam
dare debeant, ne vel vultu laedatur pietas. Et
quamuis contingere possit, ut in parente vel
alterutro, vel utroque non reperiantur eae
perfectiones, ut inde veneratio vel honor
nasci possit: (Lib. I. §. LXXXVII, *) boni ta-
men filii est, 77) dissimulare illa parentum vi-
tia, et 78) patienter potius ferre eorum iniu-
rias, quam quidquam eorum, quae a liberis
ipsa natura exigit, praetermittere. *)

*) Nam

*) Nam et mali parentes, parentes tamen, id est, uti eos recte vocat Simplicius *ibid.* p. 198. αἴτια μετὰ θεὸν τῆ εἶναι, *existentiae nostrae post Deum auctores*, sunt: eaque perfectio vel sola nos ad concipiendam animo pietatem ac venerationem incitare debet. Epictet. *Enchir. Cap. XXXVII.* Ἀλλὰ παῖρ κακὸς ἐστὶ. μὴ τι ἔν πρὸς ἀγαθὸν πατέρα φύσει ὠκειώθης; ἔκ· ἀλλὰ πρὸς πατέρα. τρεῖς τοιγαρὶν τὴν πρᾶξιν τὴν σεαυτῆς πρὸς αὐτὸν, μὴδὲ σκόπει, τί ἐκεῖνος ποιεῖ, ἀλλὰ τί σοι ποιήσαντι κατὰ φύσιν, ἢ σὴ ἔξεις προαίρεσις. *At pater malus est. Numquid igitur natura cum bono patre coniunctus es? Non, sed cum patre. Tu ergo munus tuum erga ipsum tuere; nec, quid ille agat, considera, sed quibus rebus agendis tuum institutum naturae futurum sit consentaneum.*

§. LXVIII.

Quumque parentibus competat potestas Itemque dirigendi liberorum actiones, eosque coercendi castigandique: (§. LVI, 23. sequ.) consequens est, 79) ut parentes non modo amore devotionis prosequendi, sed et timendi sint. Ex quo amoris ac timoris temperamento quum nascatur *timor filialis*: (Lib. I. §. CXXXI. *) inde non possumus non colligere, 80) timorem illum solum cadere in pios liberos, adcoque 81) obiurgationes castigationesque parentum non tam, quod doleant, metuendas, quam quod indignationis paternae, suis vitiis prouocatae, sint argumentum.

§. LXX.

Quandoquidem vero et obsequio prosequendi sunt parentes: (§. LXVII, 72.) non pos- Nec non obsequium.

sent profecto reprehensionem effugere liberi, 82) nisi iussa eorum promte exsequerentur, ac 83) ne morositatem quidem eorum, et duriora imperia, sese ab officio dimoueri patiantur. Quia tamen vel ipsa recta ratio docet, quo maior est entis alicuius perfectio ac sublimitas, eo maiorem ei venerationem et obedientiam exhiberi oportere: (Lib. I. §. LXXXVII, *) consequens est, 84) vt, si turpe quid ac voluntati diuinae vel legibus aduersum iubeant parentes, horum potius, quam Dei ac legum, iussa insuper sint habenda. *)

*) Quod enim de magistratuum iussibus dixerunt Petrus et Ioannes, Apostoli: *Εἰ δίκαιόν ἐστιν ἐνώπιον τῆ θεῶ ὑμῶν ἀκούειν μᾶλλον, ἢ τῆ θεῶ κείνων*. *Iustumne sit apud Deum, vobis potius, quam Deo, auscultare, ipsi iudicate, Act. III, 19.* Et paullo post *Act. V, 29.* *Πειθαρχεῖν δεῖ θεῷ μᾶλλον, ἢ ἀνθρώποις.* *Obedire oportet Deo potius, quam hominibus:* idem et ad parentum praecepta pertinet. Quamuis enim sanctissimum eorum sit imperium: sanctius tamen est ipsius Dei, nec eo usque porrigitur parentum potestas, vt liberos legibus, a summis imperantibus latis, possint soluere. (§. XXIII. 75.) Hierocl. *ad aurea Pyth. carm. v. 4. p. 53.* *Εἰ δὲ ἐστὶν, ὅτι τῶν θεῶν νόμων ἀνήκοός ἐστιν ἡ τῶν γονέων προαίρεσις, τί δεῖ ποιεῖν εἰς ἀντινομίαν ἐμπέσοντας τοιαύτην, ἢ τῆτο, ὃ καὶ ἐπὶ πολλῶν καθηκόντων ἐκ περιστάσεως εἰς ἐναντίωσιν ἐλθόντων προσήκει φυλάττειν; μειζόνων γὰρ καὶ ἐλαττόνων προκειμένων καλῶν, τὰ μέζονα πρὸ τῶν ἐλαττόνων ποιεῖσθαι δεῖ, ὅταν μὴ ἀμφοτέρω ἐξῇ διασώζειν· οἷον καλὸν μὲν τῷ θεῷ πείθεσθαι, καλὸν δὲ καὶ τοῖς γονεῦσιν εἰ δὴ πρὸς ταῦτα ἡ ἀμφοτέρων ἄγοι πειθῶ, ἐξ-*
μαλον

μαλον ἂν εἴη καὶ ἀμαχον· εἰ δὲ πρὸς ἄλλο μὲν ὁ θεὸς νόμος, πρὸς ἄλλο δὲ οἱ γονεῖς φέρον, μαχομένης τῆς αἰρέσεως τοῖς ἀμείνοσιν ἐπιδοταὶ δεῖ, πρὸς ταῦτα μόνον ἀπειθεύλας γόνευσσι, πρὸς ἃ καὶ αὐτοὶ τοῖς θεοῖς νόμοις ἐκείθενται. Si diuinis legibus repugnat aliquando parentum voluntas: quid eos aliud facere oportet, qui in illam legum collisionem incidunt, quam quod in multis etiam officiis, quae pro circumstantiarum ratione sibi aduersantur, decet obseruare? Honestis enim duobus propositis, quod maius est, minori decet antepone, quum utroque frui non licet. Verbi gratia: honestum quidem est, Deo obedire: honestum vero et parentibus ipsis. Quod si te ad eadem ducat utriusque persuadendi vis: lucrum fuerit inopinatum, et sine controuersia maximum. Sin autem ad aliud te trahat diuina lex, ad aliud vero parentes: in hac voluntatum dissensione meliora sequi praestiterit, et in iis solum parentum iussa praeterire, in quibus et ipsi diuinis legibus non obediunt.

§. LXXI.

Ceterum uti ea est genuina potestatis parentum ratio, quod ad finem societatis huius consequendum necessaria est facultas liberorum actiones ad hunc finem dirigendi: (§ LIII, 8.) ita nemo dubitauerit, 85) quin, obtento fine, et medium cessare oporteat, adeoque 86) illa parentum potestas non demum morte eorum, sed tunc illico expiret, quando liberi masculi eius aetatis atque ita instituti sint, ut ipsi sua quadra viueat, nouamque familiam instituere possint, vel 87) si filiae neptesue domo patria vel auita enubant, in aliasque transeant familias. 88) Ut ius naturae non probet rigorem illum iuris veteris Romani, quod filios cum vxore et liberis per omnem vitam in

Quando
soluatur
paren-
tum po-
testas?

in patria potestate esse iubebat, nisi patres vel
 aui quosdam, vltro emancipatos, e sacris suis
 dimitterent. *)

*) Illud e dominio iuris Quiritium, quod patri apud
 Romanos competiisse in liberos diximus, prono
 alueo fluere videbatur. Neque enim tempore fi-
 nitur dominium, neque vllus eo sine facto suo ex-
 cidere potest. Hinc et imaginariae illae venditio-
 nes in emancipationibus adhibitae. Nihil enim
 analogiae iuris magis videbatur conuenire, quam
 vt res Mancipi, intercedente mancipatione, abalie-
 naretur. Vid. V. A. Corn. van Bynkershoek *de iu-
 re occid. lib. Cap. I. p. 145. sequ.* Quum vero illud
 dominium in liberos, tamquam res Mancipi, ius
 naturae et gentium plane ignoret: (§. LV. *) illud
 etiam rigorem illum, quem in paragrafo descri-
 psimus, ignorare certissimum est.

§. LXXII.

Soluta
 paren-
 tum po-
 testate
 non de-
 bet ces-
 sare a-
 mor.

Quum vero potestas tantum parentum, (§.
 LXXI, 86.) non item amor, quem ipsa natura
 in seuit parentibus, (§. XXVII.) liberis e fami-
 lia dimissis cesset: consequens est, 89) vt bo-
 norum parentum sit, etiam separatorum a se li-
 berorum felicitate delectari, 90) eos ope et
 consilio pro virili iuuare, 91) et non minus
 his, quam in familia perseuerantibus, quan-
 tum honeste fieri potest, lucrari, 92) nihil
 denique reliqui facere, vt eos reddant quam
 felicissimos. Ex quibus simul patet, 93) cur
 emancipati non minus, quam sui liberi, pa-
 rentibus ab intestato merito succedant. *)

*) Itaque ab aequitate naturali discesse videntur gen-
 tes pleraeque, quae filias nupturas, oblata certa
 dote, contentas, exortesque esse iuebant pater-
 nae hereditatis. Equidem haec lex iustam habuit
 rationem apud Hebraeos, quorum rempublicam
 ita

ita instituerat supremum Numen, vt cuius tribui fortem suam attribueret, cuius agros et bona in aliam tribum transire noluerat. *Num. XXVII.* Sed non aequè laudaueris similem Syrorum morem, cuius vestigium exstat *Genes. XXXI, 14. sequ.* nec non leges Atheniensium, de quibus plura erudite disse-ruit Iac. Perizon. *de lege Vocon. p. 119. seq.* Quin multo minus aequam dixeris legem Romanorum, de filiis etiam emancipatis a paterna hereditate exclu- dendis, quum ipse Praetor eius rigorem, data illis bonorum possessione, emolliendum; quin eam pla- ne abolendam dixerit Iustinianus *Nouella CXVIII.* Emancipationem enim potestatem tantum paren- tum tollere oportebat, non amorem, ex quo suc- cessionem ab intestato esse deriuandam, suo loco ostendimus. (Lib. I. §. CCLXXXV.)

§. LXXIII.

Ex quo porro colligimus, 94) nec in parentum An in positum esse arbitrio, liberosne cuiuscumque paren- aetatis e potestate dimittere, an eosdem iam tum et adultos inuitos in familia retinere malint: nec libero- 95) excusandos esse liberos, qui inuitos pa- rum ar- rentes deferere, et fraena veluti mordere non bitrio sit positum, dubitant. Quemadmodum enim iniuste agunt quando potestas illa solu- finis huius societatis obtineri nequit: (§. XXV, uenda 76.) ita liberi se, salua iustitia, non possunt sub- sit? ducere parentibus, quia quod sibi quisque fieri non vult, id nec aliis facere debet. (Lib. I. §. LXXXVIII, 54.)

§. LXXIII.

Quemadmodum porro parentum amorem Libero- extinguere non oportet liberorum discessum rum ob- e familia: (§. LXXII.) ita 96) amorem illum ligatio, soluta venerationis, quo liberi illos prosequi tenen- paren- tur tum po- testate.

tur multo minus tunc cessare debere verum est. Immo quum vnusquisque ad amandum eum, a quo beneficiis ornatus est, obstrictus sit, (Lib. I. §. CCXXVI, 37.) isque amor erga benefactores vulgo GRATITVDO vocetur: (ibid. §. CCXXVII) consequens est, 97) vt liberi, et finita parentum potestate, obligati maneant ad gratum illis animum quauis ratione ostendendum, 98) eorum beneuolentiam verbis ornandam, 99) beneficia beneficiis pensanda; nihilque, quod alicuius momenti est, et ad familiae decus pertinet, (veluti coniugium,) sine eorum consilio suscipiendum: quin 100) et alimenta indigentibus suppeditanda. Quod genus gratitudinis quamuis ad officia imperfecta referendum videatur, 101) ita tamen comparatum est, vt leges ciuiles liberos, officii sui immemores, iure meritoque in ordinem cogant. * (Lib. I. §. CCXXVII, 43.)

- *) Si vera sunt, quae de ciconiis memoriae prodiderunt veteres, eas parentes senectute confectos alere: etiam a brutis animantibus in ruborem dantur liberi beneficiorum immemores. Eleganter Aelian. *Hist. animal.* III, 23. Τρέφειν μὲν τὰς παλίας πελαργοὶ γεγηρακότας καὶ ἐθέλῃσι, καὶ ἐμελέτησαν· κλέυει δὲ αὐτῶν νόμος ἀνθρώπινος· ὁ δὲ εἰς τῆτο ἀλλ' αἰτία τῶν φύσις ἀγαθή. *Magna cura ciconiae exacta aetate parentes alunt, etsi humanis hoc facere legibus nullis iubentur, sed sola naturae bonitate ad id impelluntur. Annon vero recta ratio ad id impelleret homines, ad quod ipsa bruta impellit natura?*

§. LXXV.

Si parentes, antequam liberi ad iustam aetatem peruenerunt, decesserint: res ipsa sua-
det, 102) ut eorum educatio demandetur aliis, quos TUTORES vocant, adeoque 103) TUTELA nihil aliud est, quam potestas, actiones liberorum vice parentum dirigendi, eorumque bona administrandi tantisper, dum ipsi liberi iustam aetatem attigerint, idoneique sint, ad se sua-
que rite gubernanda. * (§. LV, 19.) Ex qua definitione porro colligimus, 104) tutores eadem potestate uti, ac parentes, quatenus eam arctioribus limitibus non circumscripserunt leges ciuiles; sed et 105) ad eandem fidem eademque officia, quae parentibus incumbunt, teneri: denique 106) pupillos non minus ad amorem venerationis, obsequium et gratitudinem, obstrictos esse, ac liberos: quin 107) hanc obligationem tanto esse strictiorem, quo maius est beneficium, ab iis praestitum, quos non natura, sed amor beneuolentiae, ad benefaciendum excitauit.

Tutorum et pupillorum mutua obligatio.

- *) Quamdiu pro impuberibus vel minorennibus habendi sint liberi, ius naturae eo minus definire potest, quo magis diuersae sunt eorum indoles, quum in aliis sapientia ante pilos sit, alii sero, alii vix umquam sapiant. At quia tamen legislatores ad id, quod ut plurimum fit, merito attendunt: (§. XXXXV, 60.) recte atque ordine fecerunt, dum certos pubertatis ac minorennitatis definierunt annos. Quam variae vero hic fuerint eorum sententiae, repetitis ex omni aeuo testimoniis, cum cura et ex instituto ostendit vir illustris, Io. Petr. a Ludewig dissertatione singulari *de aetate legitima puberum et maiorennium*.

Dd

CAP.

CAP. III.

DE OFFICIIS, IN SOCIETATE HERILI OBSERVANDIS.

§. LXXVI.

Quid so-
cietas
herilis,
et quae
eius ori-
go?

PROGREDEMUR AD SOCIETATEM HERILEM, natura quidem non tam necessariam, ac illae simplices, de quibus hactenus actum est, at inter homines tamen iam inde ab antiquissimis temporibus frequentissimam, per quam intelligimus societatem inter dominum dominamque et servos ac ancillas, in qua hi ad dominorum utilitatem operis suis promouendam, illi ad hos alendos, immo et aliquando ad certam mercedem praestandam obligantur. Quum enim ita comparatum sit, ut alter alterius opera indigeat, nec quidquam obstat, ut quod cuique deest, id ille alterius operis suppleat: (Lib. I. §. CCCXXV, 3.) consequens est, 1) ut aliorum operas, quocumque intercedente contractu, nobis recte stipulemur, atque ita 2) inter nos servosque et ancillas nasci possit HERILIS SOCIETAS, quam inaequalem vel rectoriam esse, facile patet. (§. XVIII, 56.)

§. LXXVII.

Quid herus, vel hera, et servus vel ancilla? et quotuplex servitus?

Itaque per HERVM HERAMQUE intelligimus personam, quae aliorum operis ad suam utilitatem promouendam utitur, et his vicissim ad alimenta, vel insuper ad mercedem praestandam, obligata est. SERVI VERO ET ANCILLAE sunt personae, quae ad dominorum utilitatem operis

operis suis, vel pro certa mercede alimentisque, vel pro solis alimentis promouendam obstrictae sunt. Ex qua definitione facile patet, 3) seruitutem prioris generis esse MERCENARIAM, 4) eiusque fundamentum non aliud esse, quam locationem conductionem; 5) posterioris OBNOXIAM, *) 6) eiusque fundamentum esse dominium in ipsas personas seruorum, iusto titulo adquisitum.

*) Vti placuit vocabulo, quo vsus est Phaedrus *Fab. Lib. III. praef. v. 34.*

Seruitus OBNOXIA,

Quia, quae volebat, non audebat dicere,

Adfectus proprios in fabellas transtulit.

Vti enim hic *seruitutem* dixit pro *seruo*, Aesopo, ita eam *obnoxiam* vocauit, quasi *υπεύθυνον*, quia Aesopus huiusmodi seruitutem seruiebat. Graeci *obnoxios δούλους*, mercenarios *οικέτας* vocabant, teste Atherf. *Deipnos. VI, 19.* Ceterum vtraque seruitus antiquissima est. Quemadmodum enim Abraamum iam quarto a diluuiio saeculo multos seruos obnoxios domi suae aluisse, constat: *Genes. XI, 5. XIII, 14. XV, 3. 4. XVI, 1. sequ.* ita Iacobum Labani mercenarias operas per multos annos praestitisse, notissimum est ex *Genes. XXVIII, 15. sequ. XXX, 28.* Equidem et Noachus iam *Genes. VIII, 25.* mentionem facit seruitutis obnoxiae, ei-que Chanaanem, nepotem, ob illatas sibi iniurias addicit. Sed praedictionem hanc esse eorum, quae haud paullo post acciderunt, recte obseruauit Io. Clericus *Comment. in Genes. p. 72.*

§. LXXVIII.

Et de prioris quidem generis seruitute ne- Obno-
mo sanus dubitauerit, quin rectae rationi ae- xiae ser-
quitatque naturali non repugnet. At nec po- uituri
steriorem esse contra naturam, vel inde patet, quidam
quod experientia docet, esse homines indo- iure sese
Dd 2 le cunt ob

hebertu-
dinem
ingenii.

le tam seruii praeditos, vt nec se familiamue regere, nec necessaria vitae praesidia sibi suisque parare possint. *) Quum ergo vnusquisque vitae genus, cui idoneus est, eligere teneatur, (Lib. I. §. CXXXXVII, 21. sequ.) hi vero homines nulli alii vitae generi idonei sint, quam vt aliis pro alimentis praestent operas: 7) nihil sane faciunt contra officium, si sese aliis in perpetuum hac conditione addicunt.

- *) Obseruauerat hoc Aristoteles, qui ideo quosdam homines φύσει δούλως, natura seruos esse, obseruauerat *Polit. I, 3. sequ.* Quod quamuis recte refellat Pufendorffius *iur. nat. et gent. III, 28. et VI, 3. 2.* si ita accipiat philosophus, ac si stupidi illi homines ipso actu prudentiorum serui sint, vel quasi his ius perfectum sit, illos sine alia causa seruitute opprimendi, quemadmodum Graeci sibi huiusmodi ius in barbaros videntur adrogasse: nihil tamen absurdi inest huic sententiae, si de indole seruii, non de naturae conditione, intelligatur, vti illam intelligendam putauit Dan. Heinsius *in epist. ad Ge. Richterum*, apud Ian. Rutgerf. *Var. Lect. III, 3.* Sic sane Asiaticos homines ελευθέρως μὲν κακῶς, δούλως δὲ ἀγαθῶς, *liberos malos, seruos optimos* esse, obseruauerat Agesilaus, apud Plutarch. *apophth. Lacon. p. 190.*

§. LXXVIII.

Alii ob
extre-
mam
pauper-
tatem.

Praeterea alios, quantumuis haud ita stupidos, extrema paupertas calamitatesque vel publicae, vel priuatae, subigere possunt, vt seruire, quam fame perire, malint. Quum enim homo ad vitam conseruandam, euitandamque mortem ac destructionem, omnino sit obligatus, (Lib. I. §. CXXXXIII, 9. sequ.) et imminentibus morte vel seruitute, ipsa recta ratio

ratio e duobus his malis physicis, id, quod minimum est, eligendum esse suadeat; (*Elem. phil. mor. §. CLII. * 2.*) sequitur fane, 8) vt ei, quem in hoc articulo fortuna deprehendit, non isit vitio vertendum, si, nullo alio honesto medio interitum euitandi sese offerente, seruituti sese addicat. *)

- *) Sic fane Regi sese tamquam mancipia addicebant Aegyptii, ne diuturna fame consumerentur, et beneficii loco habebant, quod Pharaoni seruire liceret pro alimentis. Hinc, accepta seruitutis lege, Iosepho respondebant: *Tu nobis vitam dedisti, gratiam apud dominum inueniamus, et simus Pharaonis serui. Genes. XXXXVII, 25.* Sic et Thracicas mulieres, ingenuae licet ortu, voluntaria tamen seruitute victum sibi apud Erythraeos quaesiuisset, auctor est Pausanias *Lib. VII. Cap. V.* vt iam non dicam de Frisiis, de quibus Tacit. *Annal. III, 72.* nec non de Gallis, de quibus Iul. Caes. *de bello Gall. VI, 13.*

§. LXXX.

Denique seruorum numerum 9) in immensum auxit bellorum furor. Quia enim hosti in hostem omnia licent; licebat etiam hostes acie victos occidere. (*Lib. I. §. CLXXXIII.*) Quum vero, qui vel sine adgressoris laesione, velleuiore malo illi repraesentato, periculo defungi potest, non debeat ad caedem temere prouolare: (*ibid. §. CLXXXI, 20.*) non iniquum fane est, 10) victorem seruare victos, in captiuitatem abducendos, ne noceant, et, ne gratis alantur, in seruitutem detrudendos: nec 11) reprehendendi sunt, qui ea lege vitam seruare, quam perire, maluerunt. *) (*Elem. phil. mor. §. CLII. * 2.*)

Quidam bello capti hanc conditionem subeunt.

- *) Vere ergo et haec societas nascitur ex consensu, quamvis non vitroneo, sed vi iusta extorto. (§. XVI, *) Vult enim victor victum servare, sed ea lege, ut serviat. Victus vult servire, ut servetur. Nam si nollet, nihil impediret, quo minus in victoris arma irrueret. Duarum voluntatum conspiratio est consensus: (Lib. I. §. CCCLXXXI.) Societas ergo inter dominum et mancipia bello capta ex consensu nascitur.

§. LXXXI.

Quidam. Haec vero servitutis obnoxiae genera non servii nascuntur. potuerunt non aliud producere, in quod quis ipsa nascendi sorte detruditur. Quia enim servitutis obnoxiae fundamentum est dominium, iusto titulo acquisitum, (§. LXXVII, 6.) hos vero titulos omnes servos adquirendi iustos esse, hactenus ostendimus: (§. LXXVII. seq.) consequens est, 12) ut hi omnes servi ancillaeque sint in iusto dominio herorum. Quumque extra legitimum matrimonium, (quale inter quosdam huiusmodi servos vix locum habere poterat, *) partus sequatur ventrem: (Lib. I. §. CCLII, 50.) non mirum est, 13) partum ancillarum obnoxiarum, tamquam accessorium ventris, eandem cum matre subiisse conditionem. Unde 14) ubique terrarum innotuit genus servorum, quod VERNARVM nomine apud Romanos venisse, novimus.

- *) Matrimonium est societas simplex personarum diversae sexus, procreandae educandaeque sobolis causa inita. (§. XXVIII.) Qui in hunc finem consentiunt, eorum in arbitrio et potestate esse oportet, ut illum eligant, mediaque ad eum obtinendum necessaria adhibeant. At servorum ancillarumque obnoxiarum in arbitrio potestateque non semper est potissimus finis, quomodo nimirum

rum liberos commode educare velint, sed ea res plane a dominorum voluntate pendet. Inter quosdam ergo seruos ancillasque vix locus est legitimo matrimonio. Inter quosdam tantum illi locum esse negamus, quos nimirum in eam conditionem fortuna detrusit, vt heri iis *Romanorum in morem descriptis per familiam ministris vtantur*. Vbi enim suam quisque sedem, suos penates regit, quod apud Germanos obseruauit Tacitus *de mor. Germ. Cap. XXV*. ibi facilius matrimonio locus est, ceu et hodie docet experientia. At quamuis et hominibus propriis Germanorum sit ius connubii: manet tamen apud hos principium, quod seruilis proles eiusdem cum parentibus conditionis sit, et quod partus ventrem sequatur: nisi quod quibusdam magis placet alterna vernarum partitio. (Lib. I. §. CCLII. *)

§. LXXXII.

Positis vero his fundamentis, facile intelligitur, quaenam sint in hac societate dominorum seruorumque officia, et, qualis dominorum in seruos ancillasque potestas sit? Quod enim ad seruos MERCENARIOS attinet, quum i tantum ex locato obligentur: (§. LXXVII, 4) per se patet, 15) domino in hos non aliam potestatem competere, quam vt operas, sibi locatas, illis indicere, et 16) ex iis vtilitatem capere, quin et 17) eos adigere possit, vt per tempus, quod initio placuit, seruiant: non autem 18) domino licere alias, quam locatas, operas ab illis exigere, multoque minus 19) eos durius castigare, quamuis 20) si locationi non stet seruus, eum dominus non modo mercede eiusue parte mulctare, sed et 21) incmendabilem abs se segregare omnino possit. (§. XXII, 70. sequ.)

Potestas
domini
in ser-
uum
merce-
narium.

§. LXXXIII.

Domini
seruique
huius-
modi of-
ficia mu-
tua.

Quemadmodum ergo DOMINI est, 22) legi conductionis satisfacere, 23) a seruo non nisi operas locatas exigere, 24) eique alimenta, qualia eius fortis hominibus conueniunt, sufficienter praebere, denique 25) mercedem promissam non denegare: *) ita et SERVVS huiusmodi 26) domino, tamquam superiori, ad reuerentiam et obsequium; 27) tamquam conductori ad operas conuentas praestandas; denique 28) tamquam socio ad eius vtilitatem bona fide promouendam est obligatus.

*) At nec alimenta non merces debentur, si serui culpa, vel casu, contingat, vt operae locatae non praestentur. (Lib. I. §. CCCLXI, 150.) Hinc quamuis laudanda sit humanitas domini, seruum mercenarium, etiam aegrotantem, alentis: non tamen, quod iubet humanitas, illico iure perfecto potest exigi. Contra iniquitas maxima est domini, mercedem, praestitis operis, seruo denegantis, vel eam contra leges contractus pro lubitu mutantis, quod decies fecisse Labanem, conqueritur Iacobus, *Genes. XXXI, 7.* Quod adeo Deo iustissimo displicuisse nouimus, vt auferret Labani opes, easque in Iacobum transferret. *Genes. XXXI, 9.*

§. LXXXIII.

Potestas
domini
in ser-
uum ob-
noxium,
ratione
liberae
de eo
disposi-
tionis.

Seruos obnoxios in dominio esse diximus. (§. LXXVII, 6.) Quum ergo domino sit libera de re sua dispositio: (Lib. I. §. CCCVI.) consequens est, 29) vt dominus seruo quascumque operas, quibus praestandis par est, imponere, 30) ex eo omnem vtilitatem capere, 31) eius quoque liberos sibi vindicare, et 32) ipsum vendere, 33) aliisque quibusuis titulis

tulis alienare possit, nisi forte 34) seruus, qui se vltro addixit domino, eam legem adiecerit, ne extra familiam, cui sese addixit, alienetur. Quod 35) et de iure vitae et necis videtur dicendum, quod domino in hos seruos competere posse, nemo negauerit, (Lib. I. §. CCCVIII, 8.) nisi vel conuentio, vel lex obftet. Multo magis ergo 36) huiusmodi seruus, prout res exigit, castigari et coerceri poterit, dummodo 37) meminerit dominus, eum hominem, sibiue naturae aequalem esse. * (Lib. I. §. CLXXVII, 5.)

*) Quamuis enim fieri possit, vt dominus seruo sit perfectior, nec negari possit, eum seruo esse superiore: illa tamen perfectionum statusque diuersitas nihil mutat circa hominis essentiam, sed seruus aequae homo est, ac dominus. (Lib. I. §. CLXXVII, 5.) Parum ergo humana est iureconsultorum vox, seruo non fieri iniuriam. I. 15. §. 35. D. de iniur. Immo immanis plane illa dominae apud Iuvenal. Sat. VI. v. 223.

*O demens, ita seruus homo est? Nil fecerit: esto,
Sic volo, sic iubeo, stet pro ratione voluntas.*

Non excusatus ergo peccat, qui seruum, quam qui liberum hominem, iniuria laedit.

§. LXXXV.

Quumque domino et possessio rerum suarum, et ius illas a quocumque vindicandi competat: (Lib. I. §. CCCVI, 2. et 3.) ex eo sequitur, 38) vt possit se in possessione serui ancillaeue quouis modo tueri, et, 39) siue fuga eos aliquo abstulerit, siue 40) ab alio iniusto surrepti sint, a quocumque possessore cum accessionibus fructibusque pro qualitate posses-

Ratione
possessionis et
vindicationis.

fionis vindicare, quin 41) priore casu receptum fugitium punire pro merito, et 42) ne in posterum idem capiat consilium, quouis licito modo prohibere: *) nisi 43) illi domini effectus alicubi in ciuitatibus lege restringantur. (Lib. I. §. CCCXVII.)

*) Hinc compedes, ergastula, carceres domestici, et alia media, quae vel necessitas reperit, vel dominorum, omnia sibi in seruilia corpora permittentium, truculentia. Quamuis vero et hic habenda sit aequitatis humanitatisque ratio: (§. LXXXIII, 37.) ipsum tamen ius coercendi non adimendum est dominis, maxime in seruos, bello captos, partim quod fugam anhelant, omnemque ad suos reuertendi occasionem speculantur, neque id illis adeo vitio verti potest, ceu recte vidit lorarius apud Plaut. *Captiu. II, 1. v. 14.*

LO. *At fugam fingitis. Sentio, quam rem agitis.*

CAP. *Nos fugiamus? quo fugiamus? LO. in patriam. CAP. apage! haud nos id deceat,*

Fugitiuos imitari. LO. Immo, aedepol, si erit occasio, non debortor.

Partim quod adhuc spirare videntur hostilem animum, adeo, ut de his seruis vel maxime verum sit illud Senecae *Epist. XXXVII.* et Festi *in voce: quot serui. Totidem quemque domi hostes habere, quot seruos.*

§. LXXXVI.

Officia
domino-
rum er-
ga ser-
uos hu-
iusmodi.

Praeterea iam haud difficile fuerit, de mutuis dominorum seruorumque huius generis OFFICIIS iudicare. Quia enim seruus obnoxius est in dominio, (§. LXXVII, 6.) ac proinde herus ex eo omnem vtilitatem capit, (§. LXXXIII, 30.) adeoque ille nihil habet proprii: consequens est, 44) ut dominus obligatus sit ad alendum seruum, 45) eaque obligatio non cesset, si vel maxime seruus operas prae-

praestare nequeat. *) Et quandoquidem praeterea seruus, quod ad naturam attinet, domino est aequalis: (§. LXXXIII. *) facile intelligitur, 46) et peccare dominum, si seruum iniuria laedat, et 47) maximam humanitatis laudem ferre, si beneficiis potius, quam truculentia, eum sibi reddat obsequentio-rem.

*) **MERCENARIUS SERVUS** praeter alimenta et mercedem accipit, (§. LXXXIII, 25.) adeoque habet, vnde se alat, si morbo aliove casu impeditus operas praestare non possit. Quum ergo dominus illum alere non teneatur, nisi ex locato: (§. LXXVII, 4.) operas non praestantem alere obligatione perfecta non tenetur. (§. LXXXIII. *) In **SERVO** vero **OBNOXIO** omnia se aliter habent. Hic enim non ob operas praestitas alitur, sed quia in heri dominio est, et quia nec mercedem accipit, nec quidquam aliud proprium habet. Quumque et extraneo, ipsique hosti, subuenire nos iubeat misericordia et humanitas: (Lib. I. §. CCXVIII, 16.) qua fronte seruo nostro aegrotanti denegaremus alimenta, qui vires corporis nobis inseruiendo detriuit? Hinc recte Claudius Imp. libertate donauit seruos, qui aegrotantes expositi fuerant a dominis. Sueton. *Claud. Cap. XXV. l. 2. D. qui sine manu.*

§. LXXXVII.

Quumque tot iura domini totidem **OFFICIA** **SERVORVM** tamquam correlata, ponant: (Lib. I. §. VII.) sequitur, 48) vt seruitus obnoxia seruum ad quascumque operas, 49) vtilitatemque domini pro virili promouendam, 50) dispositionem eius de se suisque, immo et 51) castigationem et coercionem patienter ferendam obliget. 52) Vt contra officium faciat seruus, si se subducatur domino, et furtum sui ipsius admittat, quum potius 53) manumissionem fide

Seruumque erga dominos.

fide ac liberali seruitute mereri, seque dignum tanto beneficio praestare deberet.

§. LXXXVIII.

Seruitus
vtraque
quomo-
do finia-
tur.

Ex his omnibus porro intelligitur, quomodo finiatur herilis illa societas. MERCENARIA enim seruitus, quum contractu locationis nitatur: 54) iisdem modis, quibus locatio conductio, et 55) in primis elapso tempore, in quod quis operas locauit, soluitur. OBNOXIA 56) manumissione potissimum definit. Quum enim quisque se dominio rerum suarum abdicare vel eas derelinquere possit: (Lib. I. §. CCCVIII, 11.) nullum est dubium, quin eidem liceat dominio in seruum suum renunciare, quam renunciationem veteres MANVMISSIONEM vocarunt. Praeterea quum renunciatio sit species alienationis, in re vero alienanda dominus sibi aliquid excipere et reseruare possit: (Lib. I. §. CCLXXVIII, 41.) 57) manumissionem quoque qualibuscumque honestis legibus ac conditionibus fieri posse, palam est. *)

*) Ita veteres Romani a seruis numittendis sibi stipulabantur operas fabriles, dona et munera *l. 3. pr. l. 5. l. 7. §. 3. D. de oper. libert.* Et maxime maiores nostri, manumittentes seruos, sibi pleraque, quae ipsi serui, vel homines proprii dominis praestare soliti erant, reseruabant, adeo, vt, si ab adscriptitia conditione discesseris, vix vllum discrimen inter seruos et libertinos intercedere videretur. Atque inde est, quod Tacit. *de mor. Germ. Cap. XXV.* scribit, *libertos Germanorum non multum supra seruos esse.*

§. LXXXVIII.

§. LXXXVIII.

Quicumque, quum antea iustam seruitutem seruirent, a dominis manumittuntur, LIBERTINI, et manumittentis LIBERTI vocantur. Quum ergo hi summum, quod dari poterat, beneficium debeant manumittenti. vnusquisque vero ad eum, a quo beneficiis ornatus est, amandum obstrictus sit: (Lib. I. §. CCXXVI, 37.) 58) ingratiissimi mortalium essent liberti, nisi patronos, tanti muneris auctores, venerarentur perpetuo, et 59) non modo ea omnia, quae sibi hi stipulati sunt, bona fide praeferrent, (§. LXXXVIII, 57.) sed et 60) vicissim illos omni officiorum beneficiorumque genere prosequerentur, vel, 61) si desint vires, saltem gratum animum quauis ratione ostenderent. * (Lib. I. §. CCXXVIII, 47.)

Quid libertus? eiusque officia.

- *) Libertatem, datam seruis, pro maximo beneficio imputabant veteres. Simo Terentianus *Andr. I, 1, v. 10.*

Feci, e seruo ut esses libertus mihi,.

Propterea, quod seruiebas liberaliter:

Quod habui, summum pretium persolui tibi.

Efficiebat enim hoc beneficio patronus, vt seruus ex re fieret persona: adeoque loco patris esset libertus, qui ideo eius nomen perinde, ac filius, adsumebat. *Lactant. diu. inst. III, 3.* Hinc et egenti patrōno alimenta non secus, ac filius, debebat. *l. 5. §. 18. sequ. l. 9. D. de agnosc. et alend. lib.* Et quemadmodum filius, quamuis alias imperfecta sit ad gratum animum obligatio, tamen patris beneficia beneficiis pensare, eique alimenta sufficere cogebatur: ita et libertus cogebatur, qui praeterea ob ingratitudinem praegnantem in seruitutem poterat reuocari. §. 1. *Inst. de cap. deminut. l. vn. C. de ingrat. lib.*

CAP.

CAP. V.

DE SOCIETATE COMPOSITA, QVAM
FAMILIAM VOCAMVS, OFFICIIS-
QVE IN ILLA OBSERVANDIS.

§. LXXXX.

Quid fa-
milia?

QVemadmodum ipsas societates minores simplicioresque in magis COMPOSITAS coalescere posse, observauimus: (§. XVIII, 50.) ita eius rei exemplum praebent societates haecenus recensitae. Quoties enim illae in maiorem societatem consentiunt, nascitur inde FAMILIA, quae est societas, ex coniugali, paterna atque herili composita. *) Unde coniuges, parentes, et domini dominaeque ratione huius societatis PATRESFAMILIAS ET MATRESFAMILIAS; liberi FILII FILIAEVE FAMILIAS; serui et ancillae SERVI SERVAEVE FAMILIARES adpellantur.

*) Eodem fere redit definitio Vlpiani, l. 195. §. 2. D. de verb. signif. Iure proprio FAMILIAM dicimus plures personas, quae sunt sub unius potestate, aut natura, aut iure subiectae, ut puta patremfamilias, matremfamilias, filiumfamilias, filiamfamilias, quique deinceps vicem eorum sequuntur, ut puta nepotes et neptes, et deinceps. Attamen nos paullo latius accipimus vocabulum. Quum enim iureconsultus eo coniuges tantum, parentes, et liberos cuiuscumque gradus, comprehendat: nos et seruos ancillasque familiae partem esse censemus, quos et ipse paullo post familiae nomine venire, obseruat §. 3. Seruitium quoque solemus vocare FAMILIAS. Alias veteribus FAMILIA proprie fuit seruitium, quasi famulia, ceu ex instituto ostendit Claud. Salmas. Exercit. Plin. p. 1263. Parentes vero et liberi DOMVS vocabulo denotabantur: veluri

veluti apud Apuleium *Apolog. p. 336. edit. Geu. Elmenhorstii: Ipse DOMI tuæ rector, ipse FAMILIAE dominus. Nobis ergo FAMILIA esto, quidquid veteres domum et familiam vocabant.*

§. LXXXXI.

Quum vero, quo maior est societas, eo minus fieri possit, ut tanta sociorum multitudo media necessaria communi consensu ac suffragio inueniat: (§. XVIII, 57.) nemo non videt, 1) hanc societatem debere esse inaequalem et rectoriam, adeoque 2) vni ex his sociis merito deferendam esse potestatem, reliquorum actiones ad societatis illius finem dirigendi. Quumque patrifamilias et tamquam marito potestas quaedam comperat in uxorem, (§. XXXV. sequ.) et eius, tamquam patris, imperium in dubio materno praeualeat, (§. LIII, 14.) et denique eiusdem, tamquam domini indubium sit imperium in seruos cuiuscumque generis: (§. LXXXII. et LXXXIII.) fieri non potest, 3) quin potestatem actiones totius familiae ad societatis huius finem dirigendi PATRIFAMILIAS vindicemus, *) at ita tamen, 4) ut MATERFAMILIAS, tamquam vtriusque fortunae socia, illum ope ac consilio iuuare omnino teneatur. (§. XXXIII, 53.)

Quem penes sit in hac societate directio,

*) Enimvero id quoque intelligendum est de eo, quod fit regulariter. Alias enim id aliquando aliter se habere, iam supra ostendimus. (§. XXXVII.) Quis enim negauerit, Reginam, quae cui extraneo nupsit, esse caput familiae suae, maritique tunc non alias partes esse, quam quae regulariter uxoris esse solent, nempe ut ope et consilio reginae uxori adsit? Docent id exempla, quorum recens adhuc memoria est.

§. LXXXII.

§. LXXXII.

Finis hu-
ius so-
cietatis
in statu
naturali
et civili.

Ceterum huiusmodi familia vel in statu naturali viuit, nulli mortalium obnoxia, (§. VI.) vel cum aliis in ciuitatem coaluit. Priore casu finis huius societatis non modo fuit rerum, ad vitam commodetolerandam necessariorum, adquisitio, verum etiam mutua aduersus omnes hostes defensio: ac proinde 5) eatenus recte rationes subduxerunt ii, qui huiusmodi familiam minoris cuiusdam ciuitatis speciem prae se ferre existimant. *) Posteriore quia singulae familiae aduersus conciuum iniurias iudicium a auxilio; aduersus communes hostes reipublicae viribus tutae sunt, non alius finis esse potest huius domesticae societatis, quam adquisitio rerum, ad sustentandam beatioremque reddendam familiam necessariorum.

- *) Ita vero rationes subduxit Aristotel. *Polit. III, 6.* vbi fatetur, *patresfamilias singulos segreges vti τῇ ἰδίᾳ οἰκίᾳ, ὥσπερ πόλεις, domo sua, tamquam ciuitate, et sibi ipsis, tamquam si socii bellorum essent, auxilium ferre contra iniuriam inferentes.* Nec aliter fere philosophatus est Hobbes. *Leuiath. Cap. XX.* Quamuis vero proprie haec non sit ciuitas, ceu ipse paullo post fatetur Aristoteles: ὅδ' ὅτως αὖ εἶναι δόξει πόλιν τοῖς ἀκριβοῦς θεωροῦσιν. Ne sic quidem esse videretur ciuitas accurate rem contemplantibus: ciuitati tamen simillima est huiusmodi familia, quin saepe, vbi in magnam hominum multitudinum excreuerit, eam in ciuitatem vel rempublicam euasisse, tradit Plato in *Politico*, seu *de regno Tomo II. Op. edit. Serrani.*

§. LXXXIII.

§. LXXXXIII.

Quum ergo in statu naturali finis huius domesticæ societatis non solum sit rerum necessariorum adquisitio, verum etiam defensio adversus aliorum iniurias: (§. LXXXXII.) consequens est, 6) ut paterfamilias omnia iura, sine quibus hic finis obtineri non posset, exercere, adeoque 7) non modo rem familiarem, prout id commodissimum videtur, instituire, et 8) quid cuique in familia curandum administrandumque sit, præcipere, et quemque 9) ad rationes reddendas compellere, verum etiam 10) omnia principis iura in familia sua exercere, 11) leges ferre, 12) supplicia a fontibus sumere, 13) foedera cum aliis pangere, quin 14) et bellum gerere, 15) pacemque facere cum hostibus possit. *)

Potestas
patrisfa-
milias in
statu na-
turali.

- *) Exemplo erunt Abraamus, Isaacus, Iacobus, qui tamquam principes familiarum segregum, omnia hæc maiestatis iura exercuerunt. Sic Abraamus, Lotho ab hostibus abducto, cum regibus victoribus iustum bellum gessit, iunctis sibi aliorum patrumfamilias foederatorum auxiliis. *Genes. XIII, 14. sequ. et 24.* Idem foedus iniit cum Abimelecho, *Genes. XXI, 22.* quod deinde renouavit Isaacus, *Genes. XXVI, 26. sequ.* Sed et Iacobus eodem exemplo cum Labane foedus percussit. *Genes. XXXI, 44. sequ.* eiusque familia bellum, licet iniustum, intulit Chamori, eiusque filio, Sichemo. *Gen. XXXIII, 25.* Sed et legem de Diis peregrinis amouendis familiae fert Iacobus. *Gen. XXXV, 2.* Iudas vero, eius filius, nurum ad viuicomburii supplicium damnat. *Gen. XXXVIII, 24. 25.* Quorum non ignarus Nicolaus Damascenus *Excerpt. Peiresc. p. 490.* Ἀβραάμης ἘΒΑΣΙΛΕΥΣΕ Δαμασκῶν, ἐπὶ πηλὺς σὺν στρατῶ ἀφ' ἱγ-
 E e μίνος

§. LXXXXII.

Finis hu-
ius so-
cietatis
in statu
naturali
et civili.

Ceterum huiusmodi familia vel in statu naturali viuit, nulli mortalium obnoxia, (§. VI.) vel cum aliis in ciuitatem coaluit. Priore casu finis huius societatis non modo fuit rerum, ad vitam commodetolerandam necessariarum, adquisitio, verum etiam mutua aduersus omnes hostes defensio: ac proinde 5) eatenus recte rationes subduxerunt ii, qui huiusmodi familiam minoris cuiusdam ciuitatis speciem prae se ferre existimant. *) Posteriore quia singulae familiae aduersus conciuium iniurias iudicum aauxilio; aduersus communes hostes reipublicae viribus tutae sunt, non alius finis esse potest huius domesticae societatis, quam adquisitio rerum, ad sustentandam beatioremque reddendam familiam necessariarum.

*) Ita vero rationes subdixit Aristotel. *Polit. III, 6.* vbi fatetur, *patresfamilias singulos segreges vti τῇ ἰδίᾳ οἰκίᾳ, ὥσπερ πόλεις, domo sua, tamquam ciuitate, et sibi ipsis, tamquam si socii bellorum essent, auxilium ferre contra iniuriam inferentes.* Nec aliter fere philosophatus est Hobbes. *Leuiath. Cap. XX.* Quamuis vero proprie haec non sit ciuitas, ceu ipse paullo post fatetur Aristoteles: *ὅδ' ἔτιως αὖ ἐναὶ δόξεις πόλεις τοῖς ἀκριβοῦς θεωρεῖσιν.* Ne sic quidem esse videretur ciuitas accurate rem contemplantibus: ciuitati tamen simillima est huiusmodi familia, quin saepe, vbi in magnam hominum multitudinum excreuerit, eam in ciuitatem vel rempublicam euasisse, tradit Plato in *Politico, seu de regno Tomo II. Op. edit. Serrani.*

§. LXXXXIII.

§. LXXXXIII.

Quum ergo in statu naturali finis huius domesticæ societatis non solum sit rerum necessariorum acquisitio, verum etiam defensio adversus aliorum iniurias: (§. LXXXXII.) consequens est, 6) ut paterfamilias omnia iura, sine quibus hic finis obtineri non posset, exercere, adeoque 7) non modo rem familiarem, prout id commodissimum videtur, instituere, et 8) quid cuique in familia curandum administrandumque sit, præcipere, et quemque 9) ad rationes reddendas compellere, verum etiam 10) omnia principis iura in familia sua exercere, 11) leges ferre, 12) supplicia a fontibus sumere, 13) foedera cum aliis pangere, quin 14) et bellum gerere, 15) pacemque facere cum hostibus possit. *)

Potestas
patrisfa-
milias in
statu na-
turali.

*) Exemplo erunt Abraamus, Isaacus, Iacobus, qui tamquam principes familiarum segregum, omnia hæc maiestatis iura exercuerunt. Sic Abraamus, Lotho ab hostibus abducto, cum regibus victoribus iustum bellum gessit, iunctis sibi aliorum patrumfamilias foederatorum auxiliis. *Genes. XIII, 14. sequ. et 24.* Idem foedus iniit cum Abimelecho, *Genes. XXI, 22.* quod deinde renouavit Isaacus, *Genes. XXVI, 26. sequ.* Sed et Iacobus eodem exemplo cum Labane foedus percussit. *Genes. XXXI, 44. sequ.* eiusque familia bellum, licet iniustum, intulit Chamori, eiusque filio, Sichemo. *Gen. XXXVIII, 25.* Sed et legem de Diis peregrinis amouendis familiae fert Iacobus. *Gen. XXXV, 2.* Iudas vero, eius filius, nurum ad viui-comburii supplicium damnat. *Gen. XXXVIII, 24. 25.* Quorum non ignarus Nicolaus Damascenus *Excerpt. Peiresc. p. 490.* Ἀβραάμης ἘΒΑΣΙΛΕΥΣΕ Δαμασκῶ, ἱππῆλυσ σὺν στρατῶ ἀφ' ἑ-

E e

μῆνος

μένος ἐκ τῆς γῆς, τῆς ὑπὲρ Βαβυλωνος Καλ-
δαίων λεγομένης. *Abraamus REGNAVIT apud
Damascum, adueniens, utpote qui cum exercitu ve-
nerit e regione super Babylonem, quae Chaldaeo-
rum dicitur. Et Iustin. XXXVI, 2. Post Dama-
scum Azelus, mox Adoies, et Abraham, et Israhel
REGES fuerunt.*

§. LXXXXIII.

Itemque
in statu
ciuili.

Contra ea quum familiae, quae cum aliis
in ciuitatem coahuit, non alius finis esse possit,
quam rerum necessariarum adquisitio: (§. LXXXXII.) facile patet, 16) tam eminentia iura
hic non competere patribusfamilias, sed 17)
ea tantum, sine quibus res necessarias ad-
quirere non posset familia, quaeque paullo an-
te (§. LXXXXIII, 6. 7. 8. 9.) descripsimus; im-
mo 18) hic etiam matrisfamilias aliquas partes
esse, quum 19) ad ea iura, quae patrifami-
lias, tamquam familiae suae principi, compe-
tunt, eam vix concurrere patiatur verecundia
fexus, patrisquefamilias prae illa eminentia.

§. LXXXXV.

Simpli-
ces so-
cietates
huic
compo-
sita non
debent
esse im-
pedi-
mento.

Quandoquidem vero porro in societatibus
compositis simplicium vel minorum vtilitas
maiorum fini non debet repugnare: (§. XXIII,
75.) facile patet, 20) societates coniugalem,
paternam, et herilem, ita comparatas esse oportere,
vt ne fini vtilitatisque totius familiae sint
impedimento: *) adeoque 21) hinc officia
quaedam nasci, societati huic compositae
propria, quorum alia PATERFAMILIAS ET MATER-
FAMILIAS sibi inuicem; alia VTERQUE reliquis
familiae membris; alia haec familiae membra
patri

patri matrique familias; alia denique HAEC ipsa sibi inuicem praestare tenentur. Cel. Wolff. *de vita sociali hom.* §. CLXXXVIII.

- *) Quia enim vnus homo hic plures personas sustinet, (§. LXIII. *) idemque e. g. et patrisfamilias et domini, et patris, et mariti officio fungitur: diuersa etiam sunt eiusdem iura diuersaeque obligationes. Quum vero ex omnibus his statibus composita sit societas, quam FAMILIAM vocamus: has diuersas obligationes tales esse oportet, vt vna consistere possint. At consistere non possunt, quae sibi inuicem repugnant. Non ergo diuersae obligationes debent sibi inuicem repugnare.

§. LXXXVI.

Quum ergo in hac societate primae sint partes patrisfamilias, (§. LXXXI, 3.) sed ita tamen, vt materfamilias eum ope et consilio iuuare teneatur: (Ibid. n. 4.) sequitur, 22) vt PATRISFAMILIAS sit, praecipere, quid factu opus sit, 23) familiam vniuersam, et singula eius membra, prout cuiusque conditio exigit, alere, 24) eos, qui quid aduersus familiae decus communemque vtilitatem admittunt, pro eo, ac societatis simplicioris iura id permittunt, coercere, 25) matrisfam. dignitatem auctoritatemque tueri: HVIVS vero, 26) dare operam, vt a liberis seruisque omnia ex praescripto fiant, *) 27) absente marito eius vice fungi, denique 28) obsequii et venerationis exemplum praebere vniuersae familiae, tanto maiorem in domo habitura auctoritatem; quo magis mariti auctoritatem tueri atque amplificare studuerit.

Officia
patris
matris-
que fa-
mili-
as,
tum mu-
tua, tum
erga fa-
miliam.

*) Socrates apud Xenophont. *Oecon. Cap. III. §. XV.*
 Νομίζω δὲ γυναῖκα κοινωνὸν ἀγαθὴν οἰκῆσσαν,
 πάνυ ἀνδρῶπον εἶναι τῷ ἀνδρὶ ἐπὶ τὸ ἀγα-
 θόν, ἔρχεται μὲν γὰρ εἰς τὴν οἰκίαν διὰ τῶν τῷ
 ἀνδρὸς πράξεων τὰ κτήματα, ὥς ἐπιτοπολὺ,
 δαπανᾶται διὰ τῶν τῆς γυναικὸς ταμειυμά-
 των τὰ πλεῖστα καὶ. εὖ μὲν τῶν γιγνομένων,
 αὐξοῦνται μὲν οἶκοι, κακῶς δὲ τῶν περὶ το-
 μένων οἱ οἶκοι μειῶνται. *Existimo autem, uxorem,*
quae in domo bona sit socia, tantumdem ha-
bere momenti ad utriusque utilitatem, quantum
vir habeat. Nam plerumque viri opera facultates
in domum veniunt, et maxima pars earum, uxore
promente, consumitur. Quae quidem si recte fiant,
amplificantur domus: sin male, deminuuntur.

§. LXXXVII.

Officia
 utrius-
 que ra-
 tione so-
 cietat-
 um sim-
 plicio-
 rum.

Quumque ita temperandae sint societates
 simplices, ne uniuersae familiae utilitati im-
 pedimento sint: (§. LXXXV, 20.) facile pa-
 tet, 28) contra officium facere patremfamilias,
 si matremfam. officio suo in educandis liberis
 functuram, impediatur: 29) multoque minus hanc
 esse excusandam, si liberos parum morigeros
 indulgentia sua reddat deriores: denique 30)
 utrosque peccare, si discordia sua efficiant,
 ut liberi parentum vel incuria, vel exemplo,
 corrumpantur. Similiter inde intelligitur, 31)
 male se habere societatem domesticam, si ser-
 uorum ancillarumque curae permittantur libe-
 ri, vel 32) cum his versentur pro lubitu, *) vel
 33) serui ancillaeque heris minoribus consilium
 auxiliumque ad quaeuis vitia impune praesta-
 re, vel 34) liberi hos atrocius tractare pos-
 sint.

*) Quum

- *) Quum enim plerique serui ancillaeque ex faece hominum, ac proinde male educati sint: fieri non potest, quin liberi eorum exemplo corrumpantur. Immo aliquando adfentari eos videas liberis, et auxilio esse ad quaeuis nefanda, quales plerique seruuli a Plauto et Terentio in scena sistuntur. Prudenter Plutarchus *de instit. lib. p. 4.* commendat prouerbium, ὅτι ἂν χωλῶ παροικήσης, ὑποσκάζεν μαθήσῃ *si cum claudo habites, fore, ut subclaudicare discas.* Ex quo colligit, plusquam deridiculum esse, quod plerisque usu veniat, parentes, quum seruorum quos habeant probos, alios agriculturae, alios rei nauticae, alios mercaturae, alios administrationi rei familiaris, alios usurae exercendae adhibere: si quod vero inueniant mancipium ebriosum ac gulae deditum, et ad omnia inutile negotia, id eos liberis praeficere. Perinde vero esse, patet, siue liberis praeficiantur malae frugis homines, siue parentes eos cum illis familiariter versari patiantur.

§. LXXXXVIII.

Ex eodem patet, 35) rem omnem redire ad ordinem, in vniuersa familia cum cura seruandum. Quum vero tunc omnia ORDINE fieri dicantur, si omnia fiant, iis obseruatis circumstantiis, quas negotii indoles exigit: consequens est, 36) vt singulis in familia certa munia deleganda, ab iisque 37) pensum seuere exigendum, quin 38) singuli ita adsuefaciendi sint, vt partes suas non modo ea, qua par est, cura ac diligentia, verum etiam 39) iusto tempore, 40) locoque, quo decet, exsequantur, denique 41) vt quodlibet instrumentum et lquaelibet suppellex non modo nitida et integra sit, sed et 42) eo loco, quo oportet, reperiatur. *)

In familia bene constituta omnia redeunt ad ordinem.

*) Omnia haec ex instituto demonstrauit Xenophon in aureo *Oeconomici* libello, vbi sistit Ischomachum, de recta rem familiarem administrandi ratione cum vxore sermocinantem, et *Cap. VIII.* hanc facientem cogitationem suarum summam, quemadmodum in choro, exercitu, naue; ita et in societate domestica, primum, secundum, vltimum esse ORDINEM, eius vero perturbationem euertere omnia, quin et maximum rerum pretiosissimarum adparatum inutilem reddere. Quo in primis pertinent, quae §. *VIII.* disserit: *Ἡ δ' αἰταξία ὁμοίον τι μοι δοκεῖ εἶναι, οἷόν περ' εἰ γεωργὸς ὁμῶς ἐμβαλεῖ κριθαῖς, καὶ πυρρῶς, καὶ ὄσπρια καὶ πείλα, ὅποτε δέοι ἢ μάτης, ἢ ἄρετῃ, ἢ ὕψι διαλέγεσθαι δέοι αὐτῷ, ἀντὶ τῶ λαβόντα διευκρινημένοις χρεῖσθαι.* Ordinis autem perturbationis quiddam mihi simile videtur esse, ac si agricola eodem loco coniiciat bordeum, triticum, legumina. Deinde, si vel ossa, vel pane, vel obsonio sit opus, necesse sit cum singula seligere, pro eo, quod iam secreta sumere ad vsum debebat.

§. LXXXXVIII.

Officia
inferio-
rum
mem-
brorum
fami-
liae.

Denique ex his omnibus, quae totius *FAMILIAE* officia sint, facile intelligitur. Quum enim omnes a patrefamilias expectent alimenta, conditione sua digna: (§. *LXXXXVI*, 23.) consequens est, 42) vt omnia ad vtilitatem eius referre, 43) quisque, quod sibi delegatum est, diligenter curare, 44) patri matrisque familias reuerentiam et obsequium praestare, et, 45) quod primum ac praecipuum erat, nihil agere debeant, quod vel coniugum concordiam turbare, vel educationi liberorum impedimentum obicere, vel lucrum, quod ex seruorum operis iure expectare poterat patrefamilias, interuere possit.

CAP.

CAP. VI.

DE SOCIETATIS CIVILIS ORIGINE,
FORMA ET AFFECTIBVS.

§. C.

QUAMVIS societates, quas adhuc descripsimus, sufficere potuisse videantur hominibus ad vitam bene beateque transigendam: fuit tamen hominibus ratio consultissima, cur in maximas illas societates, quas CIVITATES vel RESPUBLICAS VOCAMUS, coalescere mallent, consensuque tam communi hunc statum civilem praeferrent naturali, ut vix ullam hodie reperiās gentem tam barbaram, apud quam non aliquod saltem ciuitatis vel reipublicae simulacrum reperiās. *)

Status
civili-
lis fere
omni-
bus gen-
tibus
placuit.

*) Testes sunt ii, qui terras olim ignotas, tum septentrionales, tum Americanas, lustrarunt, et plerasque in iis gentes vel regi cuidam parere, vel communi consilio de negotiis publicis decernere animaduerterunt. Quae enim quidam auctores de Castris, populisque in monte Caucaſo habitantibus, immo et insularis quibusdam Americanis narrant, (Vid. Hert. *Elem. prud. civ. I, 1, p. 45.* Becmann. *Hist. geogr. VIII, 8.*) ea ita sunt comparata, ut parum explorata retulisse videantur, nulla ibi imperia esse suspicati, ubi non viderent palatia regia, satellitia, aulaeque splendorem. Sane Caſros Petrus Kolbius, qui diutius in illo Africae angulo commoratus est, descriptos esse ait in XVII. nationes, quarum singulis praesit princeps, quem *Kouqui* vocent, quemadmodum singulis pagis, quos *Kralle* adpellitent, aliquis praefici soleat, quem penes et ius sit, delinquentes puniendi. Addit, de negotiis publicis omnes pagorum praefectos consulere in medium, praefide principe nationis, qui et exercitui praeesse soleat.

Vereor, ne aequae falsa sint, quae de Abòrigini-
bus et Gaetulis refert Sallust. Catil. Cap. VI. et
Iugurth. Cap. XVIII. de Numidis Strabo Geogr.
Lib. XVII. p. 1191. edit. nou. de Bebriciis Valer.
Flacc. Argonaut. Lib. III. v. 102, de Troglodytis
Plin. Hist. nat. V, 8. de Siculis denique Homer.
Odyss. Lib. decimo v. 112. vbi et statum illum na-
turalem ita elegantissime describit:

τοῖσιν δ' ἔτι ἀγορὰν βαλὼν φέροι, ἔτε θί-
μις

Ἄλλ' ὄγ' ὑψηλῶν ὄρεων νάισσι κάνηρα
Ἐν σπέσσι γλαφυροῖσι θεμισεύει δὲ ἑκάστος
Παίδων ἡδ' ἀλόχων ἔδ' ἀλλήλων ἀλίγῃσι.

*Nec fora conciliis feruent, nec iudice: tantum
Antra colunt umbrosa: altisque in montibus aedcs
Quisque suos regit uxorem natosque, nec ulli
In commune vacat socias extendere curas.*

§. CI.

An ob
rerum
indigen-
tiam.

Quamuis vero permulti sint, qui de ciuita-
tum et rerum publicarum origine solliciti, re-
rum plurium indigentiam homines ad societa-
tes ciuiles ineundas impulsisse, censeant: Plato
de rep. Lib. II. vel ideo tamen id minus opinabi-
le est, primo, quod ciuitatis vestigium iam *Ge-
nes. III, 17.* exstat, (§. XIII. *) quum nondum
ea hominum multitudo impleisset mundum,
vt adeo magna esse potuerit rerum necessaria-
rum indigentia: deinde quod nihil obstitit,
quo minus et extra ciuitates locus esset com-
merciis: (§. XI, 30.) denique quod multo maior
rerum omnium indigentia fuit, ex quo, insti-
tutis ciuitatibus, luxus et libido gliscere coe-
pit. ♪

*) Sic

- *) Sic Abraamum, Isaacum, Iacobum, quos aliquamdiu extra societatem vixisse diximus, (§. LXXXXIII, *) quamvis non nisi agriculturae et rei pecuariae darent operam, commodè tamen et suauiter vixisse, maximasque opes adquisivisse, nullaque re indiguissè, animaduertimus. *Genes. XXIII, 35. XXXIII, 11.* Et sane quum satis mature familiae etiam se-greges agros colere, vites plantare, quin et aurum, argentumue nosse, artesque vtilissimas inuenire coeperint: *Genes. XIII, 2. XXIII, 35.* quid desiderare ultra potuissent magnopere homines, etiam extra ciuitates viuentes, si luxus abfuisse?

§. CII.

Deinde elegantia vitae morumque cultus homines priscae frugalitatis vix potuit subigere, vt libertati naturali statum ciuilem praeferrent. Praeterquam enim, quod illa morum elegantia plerumque vanitatem sapit, et adfectatum adulandi studium fere pro morum cultu venditur: (§. XII, *) nihil etiam impedit, quo minus et homines, in statu naturali viuentes, et rationem excolere, et morem ad elegantiam componere possint. Quin exempla Abraami, Isaaci, et Iacobi, qui cum familiis suis suas sibi res solis habebant, nec in societatem ciuilem coaluerant, denuo docent, et in naturali statu viuentes homines omnem barbariem deterfuisse moribus, et decori fuisse obseruantissimos. *)

- *) Argumento esse potest morata Abraami oratio ad Melchisedecum: *Genes. XIII, 22. sequ.* eiusdem insignis humanitas, in excipiendis hospitibus: *Genes. XVIII, 2. sequ.* colloquium eiusdem plane insigne cum filiis Chethi. *Genes. XXIII, 7. sequ.* Quin et seruos ita instituisse Abraamum, vt decori morumque elegantiae essent studiosissimi, vel

illa Eleasar's legatio ad Nachorem probat. *Genes. XXIII, 22. sequ.* Nec barbarorum hominum est ille Iacobi, ex Mesopotamia redeuntis, cum Esauo congressus, quando fratres inter se veluti certabant non modo verbis humanissimis, sed et donis, aliisque amoris significationibus. Si porro verum est, quod tradit Iosephus *Antiqu. Ind. I. 9.* Abrahamum fuisse non modo arithmetices, verum etiam τὰ ὑπεράνα ἱμπερον, *federalis scientiae peritum*, nec non, quod alii addunt, ὀνερρονετικὴν in familia eius magnopere excultam, ac ad summam paene perfectionem perductam esse: Vid. Suid. voce Ἀβραάμ. Iustinus *Histor. XXXVI, 2.* nemo dubitauerit, quin artium ac scientiarum culturae etiam in statu naturali fuerit locus, neque ideo in ciuitates fuerit discedendum.

§. CIII.

An vtilitatis iustitiae-que fruendae causa?

Tales et reliquae causae sunt, ob quas in ciuitates coaluisse homines, existimant. Nam quod alii iustitiae fruendae causa, Hesiod. *Theogon. v. 87.* alii τὴ συμφύροντος χάριν, *vtilitatis causa*, Aristot. *Ethic. VIII, 11.* alii denique veluti idem Aristot. *I, 1. et 2.* incitante natura, constitutas esse ciuitates, existimant: id omne ita comparatum esse, arbitramur, vt quidem aliquid ex vero trahat, nec tamen ἀμείσως impulsisse videatur homines, ad statum libertatis aequalitatisque cum ciuili commutandum. *)

*) Quid enim obstitisset, quo minus et patresfamilias segreges ius dicerent familiis? (§. LXXXXIII, 11. 12.) Deinde cur non ad vtilitatem sufficisse dicamus societates simpliciores, maxime quum liberum cuique esset, acquirere, quidquid vellent, et contra plane cessarent vestigalia, tributa, aliaque munera personalia ac patrimonialia, quae nunc saepe ciuium facultates exhauriunt? Et sane
fi

si natura a solitudine abhorret, eumque statum tamquam miserrimum depinxit Pufendorffius: an Abraamum vixisse in solitudine, credimus quem praeter uxorem pellicem, et vtriusque liberos tam numerosa servorum caterua stipabat, ut trecentos et octodecim vernas armatos in aciem educere posset? *Genes. XIII, 13.* Sane si homines natura feruntur in societatem, non illico feruntur in societates illas maximas, quas multa habere, a quibus natura hominis quam maxime abhorret, ex instituto docuit Pufendorffius *inr. nat. et gent. VII, 1. 4.* Verum tamen est, in statu civili et iusticiam rectissime administrari, et eum ad publicam priuatamque utilitatem, si bene ac prudenter sit institutus, permultum conducere, et hunc naturae hominis quam maxime esse consentaneum. Sed haec consequi magis hunc statum dixeris, quam ut ad causas *περὶ ἀναρχίας* referri possint,

§. CIII.

Quare si rem omnem paullo accuratius, **Vera** adhibita in consilium ratione, consideres: ii **caussa,** demum rem acu tetigisse videntur, qui **vim** improborum et originem et occasionem **quae ho-** constituendis civitatibus dedisse statuunt. **mines** Quum enim in statu naturali omnes sint aequales ac **mouit,** liberrimi, (§. V. et VI.) et ea tamen sit hominum improborum indoles, ut aliis dominari, **fuit vis** eosque sub iugum mittere, rebusque spoliare, **impro-** mirifice cupiant: 1) fieri profecto non potuit, **borum.** quin plures patresfamilias eiusdem ingenii vires vñrent, aliosque sibi obnoxios redderent. Quumque magna societas non possit non esse inaequalis et rectoria: (§. XVIII, 58.) consequens est, 2) ut illa latronum turba sibi ducem elegerit, certamque ei formulam imperii praescripse-

scripserit, atque inde 3) nata sit SOCIETAS CIVILIS vel RESPUBLICA,*) quippe quae nihil aliud est, quam insignis hominum multitudo, nulli alii mortalium obnoxia, et sub communi imperante securitatis suae causa certis legibus confociata.

*) Ita ipsa recta ratio nos ad ciuitatum originem inueniendam veluti manuducit. Sed ei maximum omnino pondus accedit ex antiquissima historia, quam e sacris litteris, tamquam ex limpidissimo fonte, hauriendam esse, inter omnes constat. Sane enim ante diluuium non בני אלהים *filios Dei*, uti vocantur *Genes. VI, 1*, sed Caini posteror primos ciuitatem condidisse, satis manifestum est ex *Genes. III, 17*. Et si vel maxime largiamur Io. Clerico *Comment. p. 40. tenuem* hanc fuisse *casarum collectionem, maceria forte, aut sepe viridi cinctam*, (quod tamen non adeo certum et exploratum est,) multarum tamen familiarum societas sine qualicumque ciuili regimine intelligi vix potest. Deinde post diluuium primus Chusi filius, Nimrodus, *in terris potens esse*, regnumque Babyloniae condere, id est, alios opprimere, et, ut imperata facerent, cogere coepit, *Genes. X, 8. sequ.* nec antiquioris regni apud Moysen fit mentio, quum tamen aliquot saeculis post, Abraami temporibus, plurium regum ac dynastiarum nomina ac res gestae occurrant. Et quis dubitet, quin principio rerum ex violenta illa hominum oppressione natae sint ciuitates et republicae, quum id multo post saepissime contigerit? Sane enim occasione latrociniorum potentissima regna nata esse, petitis ex omni historia exemplis, ex instituto demonstrauit Hertius *Elem. prud. ciu. I, 3, 4. p. 77. sequ.*

§. CV.

Tot ergo conglobatorum veluti hominum vim metuentibus etiam iustissimis patribus familias, non aliud occurrere potuit remedium, quam ut vim vi repellerent. (§. X, 24.) Quumque ubi pauciores non sufficiunt fini obtinendo, ipsa necessitas hominumque malitia homines in societates coalescere cogat: (§. XIII.) consequens est, 4) ut et probos et iustos patres familias, improborum metu, vires iungere, et sub communi imperio certis legibus consociari, adeoque 5) in societatem civilem, vel rempublicam coalescere oportuerit. * (§. CIII, 3.) Ex quo porro colligimus, 6) in statu integritatis nullas futuras fuisse respublicas, adeoque 7) nugas agere, qui vel tales futuras fuisset, tamquam ex tripode pronunciarunt, Vid. Becmann. *Meditat. pol. XI, 5.* vel 8) statum illum integritatis, tamquam principium iuris naturae et gentium obtrudere eruditis conati sunt. (Lib. I. §. LXXIII, 26.)

Quae coegit et innocentes, ut et ipsi consociari vim vi repellerent.

- *) Facile ergo iam transigent, qui causam civitatum dicunt esse vim et metum, uti Bodin. *de rep. I, 6. II, 6.* Hobbes. *de ciue I.* nec non qui, ut sua tenerent, homines civitates constituisse contendunt, veluti Cicero *de Offic. II, 21.* qui denique infirmitatem familiarum segregum homines putant subegisse, ut libertatem illam naturalem cum statu civili permutarent, quod in mentem venit Grotio *de iure belli et pacis proleg. §. XVIII. et Lib. I. Cap. III. §. VII.* Omnia enim haec, licet verbis videantur discrepare, eodem tamen redeunt, hominesque metu hominum, et sui tuendi causa, civitates constituisse, satis perspicue ostendunt.

§. CVI.

§. CVI.

Duplex
ciuita-
tum ori-
go.

Itaque 9) duplex est ciuitatum origo. Aliae enim 10) ad vim aliis inferendam, opprimendosque innocentes; 11) aliae ad vim vi repellendam, ciuesque defendendos coaluerunt. 12) Illarum finis iniustissimus; harum iustus est. Vnde 13) illas rectius LATRONVM COETVM; has 14) IVSTAS RESPVBLICAS dixeris. Sed quemadmodum saepe contingit, vt quarum rerum vitiosa origo est, eae deinde, animaduerso errore, emendentur, et contra, quae recte se habent, paullatim in peius ruant; ita et fieri potest, 15) vt latronum coetus, posito illo alios opprimendi consilio, in iustas respublicas; 16) hae vero, relicta post tergum humanitate, in latronum coetus abeant: attamen 17) et in illis, et in his, ratione ciuium finis idem sit, puta eorum SECVRITAS. *)

*) Sic quamuis piraticae illae Afrorum respublicae magis ad opprimendos spoliandosque alios, quam ad totam mutuam defensionem, sint comparatae, et eatenus parum a latronum coetibus differant: tamen aequae securitatem ciuium, tamquam finem, sibi ponunt ob oculos, ac aliae iustae respublicae, ac proinde non modo quaeuis praesidia sibi aduersus exterorum vim circumponunt, sed et laesis ius dicunt rigidissime, poenisque acrioribus efficere conantur,

Ne vaga profiliat fraenis natura remotis.

Itaque communis quidem hic finis est omnium rerumpublicarum, sed ita vt priores, si illum finem obtineant, ius ac virtutem parum curent; hae ideo finem illum intendunt, vt vtroque bono sine impedimento fruantur, vel, vt rem exprimit Apostolus, *ἵνα ὑπὸ βασιλείων καὶ πάντων τῶν ἐν ὑπεροχῇ ὄντων ἡρεμον καὶ ἡσύχιον βίον διάγω-
σιν,*

σιν, ἐν πάσῃ εὐσεβείᾳ καὶ σεμνότητι vt subre-
gibus, et omnibus in eminentia constitutis, tranquil-
lam et quietam vitam ducant cum omni pietate et
bonestate. I. Tim. II, 2.

§. CVII.

Quum ergo finis omnium ciuitatum rerum-
que publicarum sit SECVRITAS ciuium, (§. CVL
17.) ex fine vero societatum de mediis, ipsis-
que sociorum iuribus et officiis iudicandum
sit: (§. XV, 42. 43.) consequens est, 18) vt ea
omnia agenda sint ab iis, qui in ciuitatem co-
alescunt, sine quibus finem illum communem,
puta securitatem, obtinere non possent. Quum-
que vis illa, securitati inimica, in congloba-
tis improborum hominum viribus consistat:
(§. CIII, 1.) fieri non potest, 19) quin et alii,
qui se aduersus illos securos praestare cupiunt,
vires vnire, adeoque 20) tot homines in so-
cietatem maiorem ac maxime compositam co-
alescere debeant, quot probabiliter sufficere
videantur, ad vicinorum vim vi iusta repel-
lendam. *)

Finis
ciuita-
tum se-
curitas
ciuium.

- *) Hinc otiosa quaestio, quot personae constituent
ciuitatem vel rempublicam? Quamuis enim Apu-
leius quindecim liberi homines populum consti-
tuere videantur Apuleio *Apolog.* p. 304. alii
tres familias paullo diffusiores sufficere existiment
ad rempublicam: Valer. Max. *III, 4, 8. III, 6, 5.*
auctores tamen harum opinionum vix rationem ha-
buisse videntur finis ciuitatum, puta SECVRITATIS,
ea vero, iunctis personis quindecim, vix obtinetur,
sed numerus debet intendi pro multitudine eorum,
a quibus nobis metuimus. Hinc et vniuersa hi-
storia docet, initio minimas fuisse ciuitates, mi-
nima imperia, quae plerumque patriae limitibus
finirentur. Neque enim in vicinia potentiora im-
peria

peria erant, quae illis metum incuterent. Simul ac vero potentiores, oppressis vicinis, maiora imperia constituerant: minores respublicae paulatim in systemata ciuitatum, vel maiores respublicas, coaluerunt, vt pares essent vicinis atque potentioribus. Quod in Graecia post Persicam cladem; in Germania post Drusi et Germanici victorias contigisse, satis constat.

§. CVIII.

Respu-
blica in
homi-
num
multitu-
dine
consistit.

Non ergo 21) ciuitas, seu recte animaduertunt Nicias *apud Thucydidem VII, 14.* et Themistocles *apud Iustin. Hist. II, 12.* in territorio, vrbibus, moenibus, tectis, sed in hominibus consistit: nec 22) opus est, vt integrae familiae, ex vtriusque sexus personis compositae consocientur, sed 23) sufficit, si vires animosque iungant plures, quibus vel satis virium sit ad hostes debellandos, vel satis ingenii ad eosdem circumueniendos: quamuis 24) negari nequeat, vnius aetatis fore respublicas, quas non familiae, sed personae singulae, quantacumque sit earum multitudo, constituunt. *)
Flor. I, 1.

*) Posse rempublicam sine territorio, vrbibus, moenibus, tectisque consistere, argumento esse poterit respublica Hebraeorum, sine exemplo sanctissima, quae quadraginta annos per deserta Arabiae loca sine certa sede, sine lare certo, sine moenibus et tectis, oberrauit, donec in promissa Palaestina certum veluti domicilium sibi constitueret. *Num. XIII, 33.* Deinde fieri posse, vt respublica sine familiis constet, nemo negauerit, qui monarchiam papalem, a Pufendorffio et Thomasio accuratissime descriptam paullo accuratius fuerit contemplatus. Neque enim ad Amazonum regnum iam prouocare ausim, de quo, quae dicuntur, pleraque multi grauissimi auctores in dubium vocant. Relinquitur ergo id vnum, rempubli-

publicam constituere congruam hominum multitudinem, nec eam extinctam videri posse, occupato licet territorio, quamdiu populus, hostibus profligandis haud impar superstes fuerit. Sic sane perstitit Atheniensium respublica, quamuis Attica terra vniuersa a Persis teneretur, quoad perstitit classis, in quam sese Themistocles cum vniuerso populo; omnibusque, quae moueri possent, contulerat. Nepos *Themistocli. Cap. II.* et stulta erat oratio Adimanti, ius dicendi sententiam adimentis Themistocli, τῷ μὴ ἔσῃ πατρίς, quippe cui non sit patria, quum contra recte responderet Themistocles, ὡς ἔῃ καὶ πόλις, καὶ γῆ μίζων, ἥ περ κείνοισι, ἐς' ἃν διηκόσια νῆες σφι ἔωσι πληρωμένας, οὐδαμὸς γὰρ ἑλλήνων αὐτὴς ἐπιόντας ἀποκρῖνεται, sibi esse et solum, et urbem multo maiorem, quam illis, tantisper, dum essent illis ducentae naues armatae. Nullos enim ex Graecis illos inuadentes posse propulsare. Herodot. *Hist. Lib. VIII. p. 305. edit. Henr. Steph.*

§. CVIII.

Quum ergo ciuitas consistat in consociatione tantae hominum multitudinis, cuius vires iunctae non sint impares vicinorum potentiae, (§. CVI, 20.) sine consensu vero non intelligatur societas: (§. XIII.) consequens est, 25) vt et ciuitates vel respublicae, interueniente pacto, constituentur, siue 26) homines vltro in hanc societatem consenserint, siue 27) is consensus initio vi fuerit extortus, siue 28) aliqui constitutae iam reipublicae siue vltro, siue coacti, accesserint: siue 29) prognati ex ciuibus, eo ipso, dum in ea, tamquam parentibus aliquando successuri, educantur, consensisse praesumantur: * (§. XVII, 46. sequ.)

Eam oportet consentire in finem et media.

FF

*) Sic

- *) Sic Albanorum coloni et illa pastorum praedonumque colluies, quae Romulum sectata, iuxta Tiberim tuguriola posuit, initio statim in hanc novam rempublicam ultro censensit. Dionys. Halicarn. *Antiqu. Lib. I. p. 72.* Sic populo Romano, posteaquam iam instituerat reip. formam, ultro et per modum foederis accessere Sabini. Liu. I, 13. Inuiti contra, diruta patria vrbe, Romanam ciuitatem auxere Albani. Liu. I, 29. Nec postea vquam dubitatum, prognatos ex ciuibus Romanis ciues esse, nisi vel ultro solum verterent, vel aqua et igni interdictis etiam inuitis esset in aliam ciuitatem migrandum.

§. CX.

Eorum, qui ultro ciuitatem constituunt, pactum primum. Ex eo ergo patet, 30) ciuitates quoque, uti alias societates, vel consensu VLTTRONEO, vel VI et COACTIONE interueniente, siue constitui, siue augeri. (§. XVI.) 31) Vbi ultro-neo consensu coalescit illa multitudo, fieri non potest, quin *primum* ac praecipuum *pactum* praecedere debeat, nempe quo omnes consentiunt in rempublicam aliquam seu ciuitatem constituendam. Quumque hoc pactum 32) et liberum esse debere, et 33) sub conditione iniri posse, nemo non intelligat: per se patet, 34) eum qui non consentit, vel cuius conditioni non satisfit, extra societatem hanc manere, resque suas sibi habere posse. *)

- *) Id circa primum pactum et hodie obseruandum esset, si noua respublica per consensum constitueretur. At id paullo rarius, aliquem constituta iam respublica sibi stipulari, ut ei cum familia rem suam sibi habere liceat, quia forma reip. democratica, quam ipse sua ferit, non placuerit. Exemplum tamen Otanis, Persae, est apud Herodot. *Hist. Lib. III. p. 124.* Quum enim occisis Magis, qui furtim regnant, principes Persarum

rum de republica consulerent in medium, et sententia Otanis de populari instituenda republica, reliquis omnibus displiceret: demum ita loquutus fertur: Ἄνδρες τασιῶται, δῆλα γὰρ δὴ ὅτι δεῖ ἓνα γέ τινα ἡμῶν βασιλεία γενέσθαι ἥτοι κληρῶ γε λαχόντων ἢ ἐπιτερεψάντων τῷ Περσέων πληθεὶ τὸν, ἂν ἐκείνοι ἐλῶσι, ἢ ἄλλην τινα μηχανὴν ἐγὼ μὲν ὑμῖν ἐκ ἐναγωνισμοῦ, ἕτερος γὰρ ἄρχειν, ἕτερος ἄρχεσθαι ἐθέλω· ἐπιτερεψάντων δὲ ὑπεξίσταμαι τῆς ἀρχῆς ἐκ ὧς ὑπὲρ ἀδενὸς ὑμῶν ἄρξομαι, ἕτερος αὖτος ἐγὼ, ἕτερος οἱ ἀπ' ἐμεῦ αἰεὶ γινόμενοι· *Viri factiosi, quoniam constat, necesse esse, unum aliquem e nobis regem fieri, siue per sortem, siue permissu Persarum per multitudinis electionem, siue qua alia ratione: equidem ego vobis non refragor, quippe qui neque praeesse cupio, neque subesse. At hac lege vobis ius meum imperii cedo, ut nulli vestrum aut ipse ego, aut ullus meorum, subfit. Addit Herodotus, ceteros eius postulatis adsensisse, et inde factum esse, ut sola haec familia inter Persas in statu naturali viveret, nulli mortalium obnoxia: Καὶ νῦν αὖτις ἡ οἰκὴ διατελέει μὲν ἐλευθερίᾳ ἐῷσα Περσέων, καὶ ἄρχεται τοσαῦτα ὅσα αὐτὴ θέλει, νόμος ἐκ ὑπερβαίνοντα τῆς Περσέων.* Atque ad hunc usque diem sola haec familia inter Persas libertatem retinet, nec imperio, nisi quantum ei visum fuerit, pareat, leges Persarum non transgrediens.

§. CXI.

Quum vero socios non modo in eundem Eorum.
finem, sed et in eadem media consentire oportet, (§. XIII.) isque consensus in magna dem
hominum multitudine magnaue societate spe- subse-
rari non possit, nisi sit rectoria, adeoque re- quens
gimen aliquod instituat, cuius a voluntate decre-
totius populi voluntas pendeat: (§. XVIII, 58.) tum.

consequens est, 35) vt multitudo illa decernere debeat, quale sit futurum illud regimen,*) et, 36) quamuis illi reliquorum decreto stare non teneantur, qui sub conditione certi regiminis in futuram societatem consenserunt, si alia reip. forma, quam velint, placeat populo: (§. CX, 34.) 37) ii tamen, qui pactum illud primum pure inierunt, suffragiis plurimum sese submittere omnino debeant.

*) Magnopere falluntur, qui tale decretum vnumquam factum esse negant. Nam hos vel sola Romanae reip. origo erroris conuincet. Quum enim inter illam vrbis Albanae sentinam, quam exhauriendam putabat Numitor, nec non pastorum et praedonum turbam, quae se iam antea in Latio crebris excursionibus locupletauerat, conuenisset, vt in communem rempublicam coalescerent: Romulus, vocata concione, populum rogauit, ecquam reipublicae formam reliquis anteferebam existiment? Dionysius vero Halicarnassensis, qui rem omnem accuratissime descripsit *Antiqu. Rom. Lib. II. p. 80.* obseruat, populum, intellecto Romuli consilio, illico respondisse: Ἡμεῖς πολιτείας μὴν καινῆς ἔδδεν δειόμεθα· τὴν δ' ὑπὸ τῶν πατέρων δοκιμασθεῖσαν εἶναι κρατίστην παραλαβόντες ἔ μεταβιθέμεθα, γνώμη τε ἐπόμενοι τῶν παλαιωτέρων, ἔς ἀπὸ μείζονος οἰόμεθα Φρονήσεως αὐτὴν καταστήσασθαι καὶ τύχῃ ἀρισκόμενοι, ἔ γὰρ τήνδε μεμψαίμεθ' ἂν εἰκότως, ἢ παρέχεν ἡμῖν βασιλευμένοις τὰ μέγιστα τῶν ἐν ἀνθρώποις ἀγαθῶν ἐλευθερίαν τε καὶ ἄλλων ἀρχὴν· περὶ μὲν δὴ πολιτείας ταῦτα ἐγνώκαμεν. *Nobis noua reipublicae forma non est optata, nec a maioribus probata, et per manus traditam mutabimus; sed et priscorum consilium sequemur, quos non sine insigni prudentia illam reip. formam insti-*

instituisse credimus, et praesenti fortuna contenti sumus. Cur enim illam incusamus, quum sub Regibus nobis contigerint bona, quae apud homines habentur praecipua, libertas, et imperium in alios? Et haec est nostra de republica sententia.

§. CXII.

Denique ubi de reip. forma conuenit, 38) Nec non nihil populo deest ad perfectam rempublicam, alterum pactum, quam ut eam easque personas, quas sibi imperare velit, eligat, *) et ei iisue 39) certam imperii formulam, iam tum superiore decreto expressam, praescribat, quae formula tunc 40) recte LEGIS fundamentalis nomine venit, quum et ea, quae pactis cauentur, passim leges adpellentur, ac proinde 41) imperantes siue vnum, siue plures, non minus, quam ciues obligat, adeo 42) ut nihil actum merito censeatur, si quid contra legem hanc reipubl. primariam, vel πόλεως συνθήκην κοινήν, actum sit.

- *) Denuo hunc ordinem in instituenda Romanorum republica seruatum esse, ex laudato Dionysii Halicarnass. loco intelligimus. Quum enim imperium regium, cui iam Albae plerique adfueuerant, retinere decreuissent: illico de eligendo Rege solliciti, subiiciunt: τὴν δὲ τιμὴν ταύτην ὅχ' ἑτέρῳ τινὶ μάλλον, ἢ σοὶ, προσήκειν ὑπλοαμβάνομεν, τῷ δὲ βασιλείᾳ γένεας ἔνεκα καὶ ἀρετῆς, μάλιστα δ' ὅτι τῆς ἀποικίας ἡγεμόνι κεχρήμαθα σοι, καὶ πολλὴν συνίεμεν δεινότητά, πολλὴν δὲ σοφίαν ἢ λόγῳ μάλλον, ἢ ἔργῳ μαθόντες. Ceterum tui honorem non alii magis, quam tibi, conuenire persuasum nobis est, tum ob genus regium ac virtutem, tum vero maxime, quod te huius coloniae ducem habuimus, multamque in te gnavitatem ac sapientiam animad-

animadvertimus, non tam verbis, quam factis, edocui. Similiter paullo post populo in curias et tribus descritto, electisque centum patribus, qui senatum et commune reipublicae consilium constituerent, ipse Romulus, teste eodem, p. 87. inter eos ita partitus est reipublicae administrationem, ut penes REGEM esset cura sacrorum, legum et consuetudinum patriarum custodia, iudicia de criminibus grauioribus, ius referendi ad senatum, et populum in concionem conuocandi, penes SENATVM ius, de rebus omnibus, quas rex ad eum referret, de plurium sententia decernendi: denique penes plebem ius, auctore senatu, magistratus creandi, leges sancienti, et de bello, si Rex permitteret, decernendi. En formulam noui imperii, vel legem fundamentalem, quam accuratius, quam quisquam alius, descripsit auctor πολιτικῶ-
τατος, quaeque tamdiu Romae vixit, donec Tarquinius adfectaret tyrannidem.

§. CXIII.

Anea-
dem pa-
sta in-
terue-
niant, si
coacti in
ciuita-
tem co-
alescant?

Hoc modo nasci oportet ciuitatem, quoties populus ultro illam instituit. Quoties vero ille, perdomitus a populo potentiore, cum illa victrice gente in vnam rempublicam coalescit: 43) in primum quidem pactum de communi constituenda republica procul dubio consentit, quia, si dissentiret, non acciperet oblatas a victoribus condiciones, sed perire, quam sub iugum mitti, mallet: at 44) de forma reipublicae vix audietur dedititiorum sententia, nec 45) in eligendis personis regnatricibus vllae eorum partes sunt, quibus in solo obsequio gloria relicta est. *)

*) Res tamen omnis redit ad deditionis leges, quae aliquando duriores, aliquando mitiores esse solent, prout vel certa, vel ambigua est victoria. Ita sane quum

quum Sabini et Romani aequo paene Marte pugnaissent, visum est vtrisque bellum foedere finire, cuius leges has recenset Dionys. Halic. *Lib. II. p. 211. Ut Romae pari potestate, parique honore regerent Romulus et Tatius: ut vrbs deductum a conditore seruaret nomen; et singuli ciues Romani, sicut antea, vocarentur, vniuersi autem a Tatii patria, communi adpellationis complexu Quirites denominarentur: ut Sabinis ius ciuitatis Romanae daretur, quicumque id cuperent: utque hi cum suis sacris reciperentur in tribus et curias.* Tale fuit hoc foedus, ex cuius legibus Sabini et ad constituendam rempublicam quodammodo admittebantur.

§. CXIII.

Aliquando 46) contingit, vt victo populo noua obtrudatur forma reipublicae, *) simul- si victor
que 47) victor sibi stipuletur, vt haec noua res- populo
publica, tamquam inaequali foedere iuncta, se victo no-
comiter veneretur. Quo casu res ipsa docet, uam rei-
48) et pacta illa, quae supra descripsimus, (§. publ.
CX. CXII.) et decretum de reipublicae forma, formam
(§. CXI.) interuenire debere: at 49) populum obtru-
victum non vltro, sed coactum, in haec omnia dit?
consentire.

*) Mos hic erat Atheniensium, vt ciuitatibus omni-
bus, a se perdomitis, statum popularem; Lace-
daemoniorum, vt regimen optimatum obtrude-
rent. Cuius instituti rationem reddit Xenophon *de*
republ. Athen. Cap. I. §. XIII. et *Cap. III. §. X. sequ.*
Exempla passim collegit Vbbo Emm. *vet. Graec. To-*
mo III. sed suffecerit vnicum. *p. 249. sequ.* Apud Sa-
mios statum popularem instituerant, euersumque
aliquoties, instaurauerant Athenienses. A Lysan-
dro vero, Lacedaemonio, expugnata vrbe, pro
populari imperio *δυναρχία* illic instituta est.
Quas fortunae vicissitudines et aliae viderunt
Graecae ciuitates, prout vel penes Athenienses,

Ff 4

vel

vel penes Lacedaemonios erat maris imperium.
Id vero sine vi et coactione contingere non potuisse, facile vnusquisque animaduertit.

§. CXV.

Omnes
ciues vo-
luntates
suas sub-
mittere
debent
volunta-
ti impe-
rantium.

Ceterum quemadmodum omnium societa-
tum vna voluntas, vnusque intellectus concipi debet: (§. XX, 59.) ita 50) idem dicendum est de ciuitate vel republica, ita constituta. Quum vero plures socii eundem finem eademque media intelligere et velle non aliter possint, quam si vni pluribusue id negotii detur, vt de fine, mediisque ad finem adsequendum necessariis dispiciant: (§. XVIII, 55.) consequens est, 51) vt idem fieri oporteat in ciuitate. *) Denique quum aliis id negotium dare idem sit, ac VOLVNTATEM SVAM ALTERIVS vel ALIORVM VOLVNTATI SVBMITTERE: per se patet, 52) ciues reipublicae omnes voluntates suas vni pluribusue submittere debere, adeoque 53) eumeosue imperare, cui quibusue ciues voluntates suas submiserunt.

*) Non aliter fieri potest, vt plures idem velint, quam vel per CONSPIRATIONEM, vt omnes idem sentiant et velint, vel per SVBMISSIONEM, vt plures voluntates suas vnus vel plurium voluntati submittant. Prius numquam sperandum esse, facile ii intelligent, quibus perspecta sunt contraria hominum studia, ingeniorum stupor, diuersaeque voluntatum inclinationes. Seneca *Epist. CII.* *Putas tu, posse sententiam vnā esse omnium? non est vnus vna.* Itaque superest modus posterior, vt plures voluntates suas alterius vel plurium voluntati submittant. Quemadmodum enim periret procul dubio nauis, repleta quantacumque hominum turba, nisi illa multitudo communem salutem permitteret vni gubernatori, perito rei nauicae,

ticae, et omnia aëuro, vt nauem ex hieme marique scopuloso seruet: ita fieri non potest, vt tot hominum myriades, quae in tam magnam societatem coalescunt, ex tam grauibz procillis ciuilibz, quae quotidie ingruunt, ad incolumitatem perueniant, nisi ab vno pluribusue regerentur. Recte ergo Arrianus *Diff. Epiſt. I, 12.* τοὺς ἀγαθοὺς πολίτας τὴν αὐτῶν γνώμην ὑποτάττειν τῷ νόμῳ τῆς πόλεως, bonos ciues voluntates suas submittere legi ciuitatis, obseruat.

§. CXVI.

Ex eo vero porro consequitur, vt, quum voluntates suas ciues submittere possint vel vni, vel pluribus, vel vniversae multitudini, non possint inde plures, quam tres regulares reip. formae nasci. Nam 55) quoties omnes ciues voluntates suas vnius personae physicae voluntati submittunt, nascitur inde MONARCHIA, REGNUM vel PRINCIPATVS. *) Sin 56) plurium voluntati ac decreto; ARISTOCRATIA. Denique 56) si id, quod vniuersa ciuium multitudo communi suffragio decreuit, pro totius ciuitatis vel reipublicae voluntate habetur, ea reipublicae forma POPVLARIS, vel DEMOCRATICA adpellatur.

*) Equidem Polybius *Hist. VI, 2.* distinguit inter μοναρχίαν et βασιλείαν, et vtriusque differentiam ita describit: Πρώτη μὲν ἀκατασκεύως καὶ φυσικῶς συνίσταται μοναρχία ταύτη δ' ἔπεται, καὶ ἐκ ταύτης γεννᾶται μετὰ κατασκευῆς καὶ διορθώσεως βασιλεία. Prima, MONARCHIA, sine vlla arte et naturae impetu constituitur: hanc vero sequitur, atque adeo ex ea originem habet, quum accessit ars et emendatio, REGNUM. Sed quum ea,

Ff 5

quae

quae magis minusue expolita sunt, specie non differant: id discrimen hic inculcare nihil attinet.

§. CXVII.

Quibus
oppo-
nuntur
tyranni-
cae, oli-
garchi-
cae, et
ochlo-
craticae.

Enimuero, quum, siue vnus, siue plures, siue omnes, imperent, non alio iure praesint reipublicae, quam quod reliqui ciues eorum voluntati voluntates suas submiserunt: (§. CXV, 53.) consequens est, 58) vt iniuste imperent, quibus suam voluntatem non submiserunt ciues. Hinc 59) si vnus iniuste occupat rempublicam, monarchia in TYRANNIDEM; 60) si loco collegii optimatum pauci imperium inuadunt, aristocratia in OLIGARCHIAM; denique 61) si loco totius populi turba quaedam vel faex hominum omnia pro lubitu decernit, democratia in OCHLOCRA TIAM degenerat. *) 61) Quas reipublicae formas vitiosas regularibus admodum similes esse, et proinde 63) has in illas facile degenerare, recte obseruauit Polyb. *Hist. VI, 1.* idque ipsa experientia satis confirmat.

*) Id quoque eleganter vidit scriptor πολιτικῶτατος Polyb. *ibidem* p. 629. Διὸ καὶ γένη μὲν ἑξ ἓνα ῥητέον πολιτειῶν τέλει μὲν, ἃ πάντες θρυλλῶσι, καὶ νῦν προσείρηται τέλει δὲ τὰ τῷ τοις συμφυῇ; λίγω δὲ μοναρχίαν, ὀλιγαρχίαν, ὀχλοκρατίαν. Itaque genera rerumpublicarum statui sex debent: tria quae omnium ore iactantur, quaeque modo posita sunt a nobis: tria cognatae cum his naturae, dominatum dico vnius, paucorum, et turbae vulgaris. Pro tyrannide quidem hic ponit monarchiam, quippe quam illum a regno distinguere, diximus: (§. CXVI. *) sed ipse paullo post subiicit: μεταβαλλέσης δὲ βασιλείας
εἰς

εἰς τὰ συμφυῆ κακὰ, λέγω δὴ εἰς τυραννίδα, κ. τ. λ.
Regnum ubi ad congenita mala degeneravit, nempe
 TYRANNIDEM. Talis et reliquorum ciuilis prudentiae auctorum philosophia est, quam hic pluribus inculcare non opus est. Cui non dictus Hylas?

§. CXVIII.

Quum vero tres illae regulares rerum publicarum formae in totidem vitiosas oppositas facillime degenerent: (§. CXVII, 63.) non mirum est, 64) paucissimas semper repertas fuisse ciuitates, quae ex tribus illis vnicam eligerent: sed 65) plerasque vel omnes illas formas veluti in vnam conflasse, *) vel 66) duas certe ita commiscuisse, vt vna alteram veluti in officio contineret. Quumque 67) a potiore fieri soleat denominatio: inde non possunt non variae nasci regnorum aristocratiarum, et democraticarum genera, quae 68) RERVM PUBLICARVM NE MIXTARVM, an irregularium nomine venire debeant, nostra parum refert. Add. HERT. *Elem. prud. ciu. I, II. 8. p. 2320. sequ.*

Quid
respu-
blicae
mixtae?

- *) Et hanc quidem optimam omnium rerum publicarum formam esse, obseruat Polyb. *Hist. I, 1. p. 628.* Δῆλον γὰρ, ὡς ἀριστὴν μὲν πᾶσι πολίταις τὴν ἐκ πάντων τῶν προειρημένων ἰδιωμάτων συνθεσῶσαν. *Manifestum est, eam rempublicam censerī debere optimam, quae ex omnibus istis, quas diximus, formis sit composita.* Et Cap. VIII. p. 638. magnopere laudat Lycurgum, quod ἔχῃ ἀπλὴν οὐδὲ μονοειδῆ πολίτειαν, non simplicem atque uniformem constituerit rempublicam: sed optimarum quarumque rerum publicarum virtutes omnes ac proprietates in vnum copularit, ne, si qua istarum supra modum augeretur, ad vitia congenita

genita defleſſeretur, ſed, dum cuiusque vis mutuo omnium niſu in contrarium retrahitur, nulla pars illarum vergat uſquam, aut nimium propendeat, verum aequis ponderibus librata et aequa lance ſuſpenſa quam diutiſſime reſpublica duret, non ſecus ac fieri ſoleat in nauibus, quashinc inde par vis ventorum impellat. Sic et Dionyſ. Halicarnaſſ. *Antiqu. Lib. II. p. 82.* ubi rempublicam Romanam a Romulo eodem fere modo inſtitutam fuiſſe, refert, illam mixturam vocat κόσμον τῆς πολιτείας, additque: ὅν ἐγὼ πάντων ἡγῆμαι πολιτικῶν κόσμων αὐτάρκεις ἂν ἐν εἰρήνῃ τε καὶ κατὰ πολέμου· hanc ego concinnam reip. formam ceteris omnibus reip. constitutionibus praefero, ut paci aequae, ac bello, idoneam. Omitto iam eiusdem generis teſtimonia Zenonis apud Laert. *VII, 131.* Ciceronis apud Non. Marcellin. *de verb. propr. IIII. 292.* Tacit. *Annal. IIII, 33.*

§. CXVIII.

Quid ciuitatum ſystemata?

Denique quum et totae ſocietates in vnam maiorem coaleſcere poſſint: (§. XVIII, 49.) conſequens eſt, 69) vt et plures reſpublicae, ſalua cuiusque forma et independentia, iſto foedere, in vnam maiorem ita coaleſcere poſſint, vt, quae ad communem omnium ſalutem ſecuritatemque pertinent, communi conſilio iunctisque viribus exſequantur. *) Quales conſociatae reſpublicae 70) FOEDERATAE, ACHAICAE, itemque SYSTEMATA CIVITATVM adpellantur.

- *) Puſendorffius tum ſingulari *de ſystematibus ciuitatum* diſſertatione, quae inter eius *Diff. acad. ſelectas p. 210. ſequ.* occurrit dum de iur. nat. et gent. *VII, 5, 16. ſequ.* exiſtimat, ciuitatum ſystemata emergere vel mediante communi rege, quando plura ſeparata regna vel ex conuentione, vel ex occaſione matrimonii, hereditatis, aut victoriae vnum

vnum et eundem habeant regem, ita tamen vt ideo in vnum regnum non coalescant, sed singula iuxta suas leges fundamentales a communi rege administrentur, vel *per foedus*: eademque principia fere sequitur Hert. *Elem. prud. cin. I. 12. §. sequ.* Enimuero aut vnum regnum alteri ita subiicitur, vt in communi imperio nullae sint eius partes: veluti olim regna Macedonicum, Syriacum, Aegyptiacum, Romanis subiecta: aut suas quodlibet res sibi habet, vt hodie imperium Romano-Germanicum, Hungaria et Boemia: aut ita coaluerunt, vt veluti vnum regnum constituent, vti hodie Anglia et Scotia, Polonia et Lithuania. Primo casu regnum perdomitum in prouinciae formam redigitur, nec cum altero systema aliquod constituit. Nec altero casu dici potest, duo regna coaluisse in σύστημα, quum nihil commune inter se habeant. sed princeps tantum duas personas sustineat. Superest ergo tertius tantum casus, vbi duo illa regna vel duo populi, quum voluntates viresque ad communem defensionem vniuerint, vnā omnino societatem maiorem constituunt, adeoque systematis nomen ob definitionem, hoc paragrapho datam, iure meritoque ferunt. Addatur G. G. Titius ad Pufend. *de offic. hom. et civ. II, 8, 13. sequ.*

§. CXX.

Quum ergo MONARCHIA nascatur, quoties omnes ciues voluntates suas vnus personae physicae voluntati submitunt: (§. CXVI, 55.) consequens est, 71) vt perinde sit, quo dignitatis vocabulo, Imperatoris, Regis, Ducis, an Principis vtatur. 72) Vt quum neminem superiorem agnoscat, quaecumque dignitatis nomen recte de nouo adsciscat, *) quamuis 73) non aequae facile cogere possit externos reges ac respublicas, vt ei nouum illud dignita-

Monarcha titulum quemcumque honoris recte adsciscit.

tis

tis nomen tribuant, adeoque 74) ipsae prudentiae regulae suadeant, vt, priusquam maius illud *αξίωμα* adsumat monarcha, aliorum regum rerumque publicarum audiat sententias, sibi que novos illos titulos honoris diserte stipuletur.

*) Quum enim summi imperantes secum inuicem viuant in statu naturali, (§. III, 3.) isque sit status libertatis et aequalitatis, (§. V. et VI.) sequitur, vt monarcha monarchae sit aequalis, nihilque eum impediatur, quo minus pari cum aliis dignitate in re publica sua frui velle, adeoque nouum titulum, cui tuendo se parem esse intelligit, adsciscere possit. Vidit nostra aetas duo exempla, quae et posteritas venerabitur, FRIDERICI I. Prussiae Regis, et PETRI I. Russorum Imperatoris, quorum alter primus Regii nominis, alter Imperatorii dignitatem genti suae intulit, vterque postea ab aliis Imperatoribus Regibusque his insignibus nominibus ornatus. Equidem intolerabilem factum suum eo tempore, quo coronam sibi imposuerat sempiterna gloria dignissimus princeps, FRIDERICVS I. prodere non dubitauerat Clemens Papa XI. suae potestatis sui que arbitrii esse ratus, Reges creare: sed doctrinam illam Hildebrando aliquo, quam Clemente, digniorem, et ipsis Romanae ecclesiae alias deditissimis principibus abominabilem, magno adparatu profligauit illustris academiae nostrae Cancellarius, Io. Petr. a Ludewig, qui et totam hanc quaestionem variis opusculis, *de auspicio regio* editis, praeclare illustrauit, quibuscum et V. C. Euerardi Ottonis dissertationem elegantissimam *de titulo Imperatoris Russorum*, quae eius *dissertationibus iuris publici et priuati Part. I. p. 135.* inserta est, merito coniungendam censemus.

§. CXXI.

Iura omnia-
maiestas
tis solus
exercet.

Ex eodem patet, 75) monarcham omnia agere suo arbitrio, et 76) quamuis prudentiores

res

res merito adhibeat in consilium, eorum tamen suffragia non sententias, sed consilia esse. 77) Eundem agere ubique et semper, adeo, ut vere dici coeperit a temporibus Hadriani Imperatoris: ἐκεῖ τε ἡ Ῥώμη, ὅπου πότε ἂν ὁ βασιλεὺς ἦ *Roma est, ubi Imperator est.* Herodian. *Hist.* I, 6. 78) Nullum denique esse ius maiestatis, quod non exercent principes: (§. CXII, 18.) immo 79) monarchiae nomen vix tueri regnum, in quo ullus alius ius quodcumque maiestatis independentem a rege exercet. *)

- *) Reipublicae enim, tamquam unius personae moralis, unus debet esse intellectus, unaque voluntas. (§. CXV, 50.) Iam si praeter monarcham alius quodcumque ius maiestatis independentem a rege exerceret: non esset totius reip. unus intellectus et voluntas. Ergo nec futura esset respublica: sed resp. in republica. Saluum ergo fuit Meroeidarum imperium, quamdiu perstitit regum auctoritas. Ea subruta, et ius belli et pacis ad sese trahentibus maioribus domus, precario veluti imperabant reges, donec Pippino placuit regni decus genti suae inferre. Adeo eo sensu verum est dictum Homeri *Iliad.* β.

Οὐκ ἀγαθὸν πολυκοιρανίῃ εἰς κόρανός ἐσσι,
ἓῖς βασιλεύς.

Non bonum est multos imperare; unus esto imperans.

Vnus rex.

quamvis tyrannos saepe eo abusos esse, non ignoremus. Vid. Sueton. *Calig. Cap. XXII.*

§. CXXII.

Quid in-
ter sit in-
ter mo-
narcham
et tyran-
num?

Quamuis vero omnia suo arbitrio agat monarcha: (§. CXXI, 75.) non tamen agere aliud debet, quam quod finis ciuitatis, (§. CVII, 18.) puta securitas ciuium, (§. CVI, 17.) requirit. Ex quo consequitur, 80) vt populi securitas, et salus suprema monarchae lex esse debeat, 81) eoque ipso hic differat a tyranno, qui ad suam tantum securitatem vtilitatemque omnia refert, 82) quumque scelere quaesita bonis artibus retineri nequeant, parum pensi habet ciuium suorum perniciem, dum ipse statum suum conseruet. *)

*) Huc pertinent omnes artes tyrannicae, de quibus accuratissime Aristot. *Polit. V, 10. sequ.* Quum enim omnes tyranni, conscii sibi odii ciuium, meticulousissimi esse soleant; non possunt, quin omnem eminentem virtutem opprimant, viro- rum excellentium, tamquam eminentium papauerum, capita demetant; seuerissime animaduertant in innocentes sub obtentu laesae maiestatis, criminis fere vnus eorum, qui crimine vacat: inimicitias ac discordias inter ciues ferant: litterarum omnem splendorem extinguant: peregrinos praeferant ciuibus: hos denique dignitatibus, opibusque spolient, et redigant ad incitas. Quae omnia quam iniusta, quamque fini ciuitatis contraria sint, facile vnusquisque animaduertit. Vnde recte Polyb. *Hist. II, 59. p. 202.* *Αὐτὸ γὰρ τῷ τυράννῳ περιέχει τὴν ἀσεβειᾶν ἔμφασιν καὶ πάσας περιέληψε τὰς ἐν ἀνθρώποις ἀδικίας καὶ παρανομίας.* Nam ipsum tyranni nomen summae impietatis significationem coniunctam habet, iniurias sceleraque omnia complectens, quae inter homines solent versari.

§. CXXIII.

§. CXXIII.

Deinde ex ARISTOCRATIAE definitione (§. CXVI, 56.) colligimus, 83) penes totum optimatum collegium esse debere maiestatis iura omnia, eaque adeo 84) non aliter explicari posse, quam de communi totius collegii sententia. 85) Opus ergo esse certo loco, ubi frequentes conueniant, et de republica consulant in medium, nec non 86) certo definitoque tempore, quo senatus ordinarius habeatur, nisi, 87) quae quotidie ex improviso incidere solent, negotia senatum extra ordinem indictum postulent. Praeterea quum plurium consensus sperari non possit, nisi per submissionem: (§. XVIII, 55.) consequens est, 88) ut et in aristocratiā pauciores se submittere debeant voluntati plurium, adeoque 89) plurium sententiae vincant pauciores, 90) in pari vero sententiarum numero, nihil actum videatur, nisi vel is, qui praesidet collegio, pondus addat alterutri parti, vel 91) talis sit causa, ut locus sit CALCULO MINERVAE. *) Denique, quum vitiosa forma, opposita aristocratiā, OLIGARCHIA vocetur, (§. CXVII, 63) illaque in hanc facile degeneret: (ibid. n. 60.) res ipsa exigit, 92) ne quid decerni valide possit, nisi maxima optimatum parte, e. g. duabus tertiis, praesente.

Quomodo iura maiestatis exercentur in aristocratiā?

*) CALCULVS MINERVAE dicitur, quando in pari condemnantium atque absoluentium numero reus a poena criminis liberatur. Nam quum Orestes, parricidii accusatus, in Areopago causam diceret, iique, qui damnandum censebant reum, vno calculo vincerent absoluentes, Minerva his vnum cal-

culum adiecisse fingitur, vt in pari suffragiorum numero absolueretur. Quae postea lex paene omnibus gentibus placuit, vti praedixisse Mineruam fingit Euripides in *Iphigen. Taur.* v. 1268.

Καὶ τοῖσι λοιποῖς ὁ δὲ νόμος τεθήσεται,
Νικᾶν ἴσας ψήφοις τὸν φοίγοντ' αἰε.

*Et ceteris lex ista promulgabitur,
Vt usque paribus calculis vincat reus.*

Conf. Boecleri *dissert. singularis de calculo Mineruae* et viri celeberrimi, Henr. Cocceii *diss. de eo quod iustum est circa numerum suffragiorum, et de calculo Mineruae. Cap. II.* vbi vir doctissimus §. X. hanc naturalem adfert rationem huius iuris, quod prior rei status condemnatione mutetur, absolutione maneat, adeoque tunc vere nihil agatur. Quum ergo maior tantum pars noui aliquid facere, et statum priorem mutare possit, sequitur, si pares sint, vt nihil agatur, sed prior rei status maneat, isque adeo absoluat.

§. CXXIII.

Quomodo in democratia?

Nec aliter sese res habet in DEMOCRATIA. Quum enim in ea, quod vniuersa ciuium multitudo communi suffragio decernit, pro totius ciuitatis vel reipublicae voluntate habeatur: (§. CXVI, 57.) sequitur sane, 93) vt maiestas hic sit penes totum populum, isque 94) tunc omnia iura maiestatis exerceat. Quumque id aliter fieri non possit, quam si populus confluat in comitia, et de negotiis obuenientibus consulat in medium: per se patet, 95) hic quoque certum locum, vbi coeat populus, 96) statosque dies, quibus comitia habeantur, definiendos esse, 97) ratumque haberi, quod populus siue curiatim, siue tributim, siue viritim, pluribus suffragiis decreuerit.

uerit. Denique 98) facile in OCHLOCRA TIAM degeneraturam esse democratiam, *) si minori parti populi, absentibus vel exclusis reliquis, suffragii ius permittatur, ex ipsa ochlocratiae definitione (§. CXVII, 61) facile intelligitur.

- *) Tunc vero miserrima est reipublicae conditio, maxime si accedant demagogi, quorum incitata stimulis tribuniciiis plebs furit, omniaque fursum deorsumque versat, donec demagogorum aliquis tyrannidem occupet, idemque contingat, quod Athenis contigisse refert Phaedrus *Fab. I, 2.*

*Athenae quum florent aequis legibus:
Procax libertas ciuitatem miscuit,
Fraenumque soluit pristinum licentia.
Hinc, conspiratis factionum partibus,
Arcem tyrannus occupat, Pisistratus.*

Ceterum de demagogorum artibus videndus est Hertius *Elem. prud. ciu. Part. II. sect. XXIII. §. XXIII. p. 496.*

§. CXXVI.

Quum vero et MIXTAE, quas vocant, respubli- Quomodo in rebus publicis mixtis?
cae aliquando optimae, et ideo inuentae sint, vt vna forma alteram veluti in officio contineat: (§. CVIII.) res ipsa docet, 99) iura maiestatis vel omnia, vel quaedam, in his ciuitatibus ita communicari debere vel cum optimatum collegio, vel cum multitudine populi, vt ordo vnus, inconsulto altero, decernere nihil possit: non vero 100) ita diuidi posse illud iurium maiestatis exercitium, vt vnus, altero inscio vel inuito, aliquid agat. Siquidem ita impediri non posset, quo minus respublica in republica nasceretur. *)

Gg 2

*) Hinc

- *) Hinc informis omnino erat reipublicae Romanae status, quum eo delapsa esset, ut plebs, tribuniciis instincta furoribus, inconsulto reliquo populo, leges ferre, et de capite ciuium Romanorum ius suo arbitrio dicere, et omnia patrum magistratuumque decreta turbare posset, quum sine plebe populus nec leges ferret, nec iudicaret, nec de bello ac pace decerneret. Quum vero, ubi loco totius populi turba quaedam vel faex hominum pleraque pro lubitu decernit, in *ochlocratiam*, adeoque vitiosam reip. formam degeneret ciuitas: (§. CXXIII, 61.) Romanam remp. tum parum ab ochlocratia abfuisse, facile est ad intelligendum.

§. CXXVII.

Quomodo in systematibus ciuitatum? Quod ad SYSTEMATA CIVITATVM attinet, quum illa vel ex duobus pluribusue regnis, quae sub communi capite veluti in vnum regnum coaluerunt, (§. CXVIII. *) vel ex pluribus ciuitatibus, foedere iunctis, (§. eod.) oriantur: facile patet, 101) priore casu regna ista, nisi plane sint *παμβασίλειαι*, praeter communem regem communia etiam habere debere comitia, 102) ad eaque vtriusque regni ordines, certo numero, pro virium ratione esse euocandos. Posteriore vero casu 103) ciuitates singulas immanentia maiestatis iura suo arbitrio; 104) transeuntia, quae ad communem securitatem pertinent, communi consilio exercere, ac proinde 104) delegatos a singulis homines collegium aliquod, siue perpetuum, siue temporarium, debere constituere, quod de rebus ad communem securitatem pertinentibus consulat in medium, et, quid factu opus sit, re prius cum ciuitatibus suis communicata, decernat. *)

*) Talis

- *) Talis olim Amphyctionum, nec non ciuitatum Achaicarum, senatus, de quo plura Boecler. diff. *de Amphyction.* et Vbbo| Emm. *vet. Graec. Tom. III. p. 305.* Sed quum hodie exemplum huiusmodi systematis, senatusque in eo necessarii, praebeant florentissimae Belgarum Heluetiorumque respublicae, quas, Ios. Simlerus, Templeus alique viri docti accuratissime descripserunt: non est, quod hic actum agere velimus.

§. CXXVIII.

Enimuero quum pleraque ad foederis le-
ges, quibus coaluerunt, redeant: (§. CXVIII,
69.) fieri non potest, 105) quin hae respubli-
cae sint diuersissimae, 106) aliaeque arctiore,
aliae paullo laxiore vinculo sint coniunctae,
107) aliae plus, aliae minus inter se commu-
ne habeant: immo et 108) quibusdam com-
munia aeraria, officinae monetariae, arma-
mentariaque sint, quibusdam non sint: de-
nique 109) quaedam praesidem quemdam,
communisque foederis veluti custodem, se-
natui praeficiant, aliae ab hoc instituto abhor-
reant: denique 110) nec ius suffragii, nec mo-
dus ea, quae ad communem securitatem ne-
cessaria sunt, contribuendi, nec reliqua in-
stituta eodem vbique modo sese habere pos-
sint.

Magna
est syste-
matum
ciuita-
tum di-
uersitas.

CAP. VII.

DE SYMMA POTESTATE, EAMQUE
ADQVIRENDI MODIS.

§. CXXVIII.

Impe-
rium o-
mne
sum-
mum et
ἀνυπεύ-
θυνον.

QUum qui coalescunt in rempublicam antea in statu naturali vixerint, (§. III.) isque fuerit status aequalitatis et libertatis: (§. V. et VI.) consequens est, 1) vt ciuitas et postea nemini mortalium subiecta sit, 2) omniaque, quae conseruando statui suo necessaria esse existimat, libere peragere, nec 3) ab vilo in exercitio iurium suorum turbari, vel 4) ad reddendas gestorum rationes adigi possit. Quum ergo haec omnia, coniunctim accepta vocentur IMPERIVM SYMMVM et ΑΝΥΠΕΥΘΥΝΟΝ: consequens est, 5) vt in omni ciuitate vel republica sit imperium summum et ἀνυπεύθυνον. *)

*) Loquimur de REPUBLICA proprie sic dicta, quam supra definiuimus, quod sit multitudo hominum, nulli alii mortalium obnoxia, et sub communi imperante securitatis suae caussa confociata. (§. CIII, 3.) Quamobrem populus, ab alio victore in potestatem redactus, non rempublicam constituit, sed PRAEPECTVRAM vel PROVINCIAM, quia aliis est obnoxius. Ex eadem ratione non reip. sed MVNICIPII nomine venit multitudo, sub communi quidem imperante, confociata, sed regno tamen, vel reipublicae maiori subiecta. Vnde quamuis inreconfulti municipia saepe vocent respublikas, et hinc mentionem faciant reipublicae Antiochenfium, l. 37. D. de reb. auct. ind. possid. Heliopolitanorum, l. 4. C. qui pot. in pign. Theffalonicenfium, l. 23. C. de enict. Tusculanorum, l. 38. §. 5. D. de legat. 111. Sebastianorum, l. 21. §. 3. D. de ann. leg. Arelatenfium,

sum, l. 34. D. de usu et usufr. leg. Sardoniorum l. 24. D. de ann. legat. tamen ubi accuratius loquuntur, eos, qui pro ciuitate legatione funguntur negant REIP. causa abesse. l. 26. §. ult. D. ex quib. caus. mai. Multum ergo refert, quo sensu accipias reip. vocabulum.

§. CXXX.

Quum ergo in omni ciuitate vel republica sit imperium summum et ἀνυπεύθυνον, (§. CXXVIII, 5.) et ciues tamen voluntates suas vel vni, vel pluribus, vel vniuerso populo submiserint: (§. CXV, 52.) consequens est, 6) ut quibuscumque voluntates suas submiserunt ciues, ii et imperio illo summo et ἀνυπεύθυνω gaudeant, adeoque 7) illi a nemine, praeterquam a Deo, iudicari, multoque minus 8) a populo supplicio aliisque poenis adfici possint, adeoque 9) pestilentissimum sit illud dogma monarchomachorum, quod populus sit ipso rege vel principe superior, et 10) penes illum *realis*; penes hunc *personalis* tantum *maiestas* reperiatur. *)

Monarchomachorum error.

- *) Est haec doctrina Franc. Hotomani, Stephani Iunii Bruti, cuius sub nomine alii Hub. Languetum, alii Ge. Buchananum, alii alios latitare contendunt, Sidney, Althusius, Pareus, Io Mitton, et alii, de quibus praeter *Obs. Halens. VI, 1.* legendus est Io. Franc. Budd. *Hist. iur. nat. et gent. §. LII.* Ceterum πρῶτον illud ψεύδος, quo in transuersum acti hi viri doctissimi populo omnia permittunt in reges et principes, in eo consistit, quod constituentem semper superiorem esse existimant constituto, quodque adeo populus, qui sibi regem et principem constituerit, (§. CXII, 38.) non possit non rege vel principe illo a se constituto esse superior. Sed id non minus absolum est, ac si seruus, qui

se vltro domino alicui in feruitutem obnoxiam addixit, (§. LXXVIII. 8.) sese domino superiorem dicere vellet, quia sibi ipse dominum constituerit. Vid. Grot. *de iure belli et pac.* I, 3, 8. V. A. Zach. Huber. *Diff. Lib. II. p. 124. sequ.* Potius ratio ipsa satis agnoscit, eum non posse dici superiorem, qui alterius voluntati voluntatem suam ita submisit, vt voluntati suae veluti renunciarit. Quod quum faciat populus, vbi coalescit in reipublicam: (§. CXXVIII, 5.) qua, quaesio, fronte is se rege superiorem dicet?

§. CXXXI.

Nec non
Machia-
uellista-
rum.

At quia tamen eatenus tantum voluntati summorum imperantium voluntates suas submiserunt ciues, quatenus id exigit finis societatis ciuilis, vel reipublicae, (§. XV, 42. sequ.) id est, communis, ob quam potissimum in ciuitatem coaluerunt, securitas: (§. CVII.) non possumus non inde colligere, 11) nefarie illos blandiri summis potestatibus, qui illis persuadent, licere, quod libeat, 12) nec ciuibus ab imperantibus fieri posse iniuriam, immo 13) illorum vitam, existimationem, facultates, ipsamque conscientiam, ita in principum potestate ac arbitrio esse, vt illis in solo obsequio relicta sit gloria. Ex quo fonte quum promanent omnia, quae magna adseueratione humano generi, obtrudere conati sunt Nic. Machiauellus, Thomas Hobbesius, et quicumque postea *obedientiam passuam* defenderunt in Britannia: *) 14) haec principia omnia non minus pestilentia esse, ac monarchomachorum dogmata, nemo temere negauerit.

*) De Machiauello et Tho. Hobbesio omnia nota ac peruulgata sunt. Nec quisquam est, qui non meminerit,

minerit, quid inter auctores librorum, quos *Iulianum* et *Iovinianum* inscripserunt, aliosque viros doctos, contrariis studiis agitatum sit in Britannia. Quin et Grotium *de iure belli et pac.* I, 3. 8. sequ. quodammodo praelusisse huic doctrinae de passiva, quam vocant, obedientia, non pauci censent, quamvis secundum eum vindicias dederit vir laudatissimus, Zach. Huberus *ibid.* p. 222. sequ. Sane siue vi aliquis sibi subiecerit populum, siue hic sibi imperantem ultro elegerit: nefas erit principi, iniuriis adficere populum suum, eumque hostili animo opprimere. Priore enim casu, dum in ditionem accepit populum, hostilem animum deposuit. Posteriore nihil potestatis habet, nisi quantum ei in se detulit populus: quem sane principi dedisse facultatem, ciuibus, tamquam mancipiis abutendi, nemo dixerit. Nec ius sceleri datur loco *I. Sam. VIII, 11.* Siue enim illud מִשְׁפַּט הַמֶּלֶךְ vel *ius regis*, de more et facto explices, uti *ius latronis*, l. 5. D. ad leg. Pomp. de parricid. siue de dominio eminente, quod magistri Iudaeorum faciunt, et cum eo celeberrimus Thomas. ad Huberi *de iure ciuit.* I, 2, 7, 13. pag. 58. siue denique de iure, eatenus obligatorio, ut illi resisti nequeat, uti ius accipit Paullus l. 11. D. de iust. et iure, et hunc ipsum locum erudite interpretatur V. A. Zach. Huberus *ibid.* pag. 237. inde sane demonstrari non potest, ius tale esse imperantibus, quale illis Machiavellus et Hobbesius. eorumque imitatores, seruum pecus, attribuere ausi sunt. Non sane tale ius sibi adrogabit princeps bonus,

Ὅιος Ὀδυσσεὺς ἔσχε μεθ' ἡμετέροις το-
κεῦσιν,

Οὐδὲ τινὰ ῥέζας ἐξαίσιον, ἃδ' ἔτι εἰπὼν
ἐν δήμῳ, ἥτ' ἐς δίκην θείων ἀνθρώπων.

*Qualis apud veteres diuus regnabat Vlysses,
Qui nulli ciui dicto factione nocebat.*

Scilicet hoc hominem Dis immortalibus aequat.

§: CXXXII.

Impe-
rantes
sacro-
sancti.

Quia ergo summi imperantes a nemine, praeterquam a Deo, iudicari, multoque minus supplicio adfici possunt a populo: (§. CXXX, 6.7.) merito inde colligimus, 15) sacrosanctum esse omne summum imperium, 16) sacrosanctos et ipsos imperantes, adeoque 17) maximum crimen merito habendum esse illud, quod perduelles, rebelles et seditiosi admittunt. Quin 18) quamvis forte in thesi concedendum sit, iis, qui hostilem animum aduersus populum ostendunt, tamquam tyrannis, posse resisti: 19) in hypothesi tamen illam regulam fere inutilem esse, certissimum est, quia imperantes a nemine, praeter Deum, iudicari, adeoque et ab illo solo decidi potest, verene hostilem animum aduersus populum gerant, nec ne. *)

- *) Plura eam in rem dixit Thomaf. ad Huber. *de iure ciu.* 1, 9, 2. 20. p. 316. *sequ.* Exemplum sane Henrici III. Imp. si paullo accuratius expendatur, satis superque vnumquemque conuincet, quam periculosum sit, populo ea de re permittere iudicium. Erat ille princeps fortissimus, cuius id vnum consilium erat, vt iura imperii potestatemque regiam, sibi impuberi paene extortam, vindicaret. Ringebantur episcopi et clerici in quos faba illa cudi videbatur, quibus nihil facilius erat, quam iuuenem ferociorem, iuriumque suorum curiosissimum, tamquam hostem ecclesiae ac reipublicae traducere, et non modo plebi, sed et principibus imperii, quos saeculares vocant, immo et Gregorio Papae persuadere, eum hostili animo aduersus ecclesiam et rempublicam furere, ita denique instruere scenam, vt princeps optimus, quantumvis manu fortis et plerumque victor, ab ipso demum filio regno opibusque, tamquam hostis ecclesiae et reip. spoliaretur.

retur. Adeo periculosum est, non modo plebi infimae, sed et proceribus, iudicium permittere de principum actionibus,

§. CXXXIII.

Quum tamen nec omnia promiscue liceant principi; (§. CXXXI.) consequens est, 20) vt ille vim inferre non possit ciuium conscientijs, nec 21) quidquam iis imperare, quod voluntati Dei, tamquam supremi legislatoris, refragetur. (Lib. I. §. LXXXVII. *) 22) Nec iure suo aliquem iniuste et sine praegnanter ratione priuare, quum ciues potius rerum suarum secure fruendarum causa in societatem ciuilem coierint. (§. CVI, 17.) 23) Vt ciuibus, in summa calamitate constitutis, liceat quidem omnia experiri, vt ius suum obtineant, immo et, 24) imminente maiore periculo, patriam dulciaque linquere arua: (§. XXII, 71.) non tamen 25) arma corripere aduersus principem vel rempublicam. (Lib. I. §. CCXXXII, 19.)

§. CXXXIII.

Quamuis vero haec generatim de imperantibus dicenda sint: contingere tamen potest, 26) vt imperium alicui tradatur, certis pactis adstrictum, additaque lege commissoria, si pactis illis non satisfiat. Tunc vero 27) iniuriam non fieri imperantibus, vbi subinde moniti ciuium libertatem opprimere non desinant, si illis abrogetur imperium: ex natura pactorum facile intelligitur, quemadmodum 28) et vitio non verti potest ciuibus, si eos, qui sibi imperium sine iusto titulo adrogarunt, et qui-

Nec tamen quid illis liber, licet.

Quid si regnum illis datum sub lege commissoria?

quibuscum nondum transegerunt, depectiue sunt, *) imperare prohibeant.

*) Hinc male Brutus et coniurati occiderunt Caesarem. Quamvis enim hic imperium usurparet in ciuitate libera, idque sine iusta causa extorsisset ciuibus suis: hi tamen iam pridem in eo adquieuerant, ac veluti renunciauerant libertati suae. Et sane quum Brutus ipse apud Ciceronem *Epist. ad Brut. IIII.* non audeat Antonium, hostilis animi erga rempublicam manifestum, praeiudicare, reque ad suum arbitrium tracta, eum tamquam hostem adgredi: quo iure interimere potuit Caesarem, quem tantum abest, vt senatus populusque Romanus hostem iudicaret, vt potius ei sollempniter dederit fidem? Quare nec rectae rationi satis conuenit illud Caesariis apud Lucan. *Pharsal. Lib. I. v. 351.*

Detrahimus dominos vrbi, seruire paratae.
Si enim vrbs, id est, tota ciuitas dominos habere cupit: quo iure Caesari aut cuicumque alii cui licuit bello ciuili illi dominos detrahere?

§. CXXXV.

Impe-
rium se
exferit
per iura
maiestatis. Ea
quid?
et quo-
tuplicia? Quum vero omne imperium sit summum atque ἀνυπέρβυτον: (§. CXXVIII, 5.) consequens est, 29) vt cum illo coniuncta sint omnia iura, siue quibus finis societatis ciuilis, puta securitas, obtineri non posset, quaeque coniunctim MAIESTAS, vel MAIESTATIS IVRA adpellantur. Quum vero duplex sit illa securitas, INTERNA, qua ciues a conciuiibus securi praestantur, et EXTERNA, qua ab hostium vi atque armis defenditur respublica: facile patet, 30) duorum etiam generum esse iura maiestatis, quorum 31) alia, quae ratione ciuium competunt, IMMANENTIA; alia, quae erga externos exerceri possunt, TRANSEVNTIA adpellantur. *)

*) Omnia

- *) Omnia haec turbant prudentes nostri, qui postquam ad ius publicum animum adpulerunt, id sibi negotii crediderunt solum dari, ut, tamquam coqui Plautini, diuersissima iura miscerent. Quum enim *II. Feud. 56. de IURIBUS REGALIBUS*, quae cum feudis coniuncta esse solent, quaedam legerent: eadem illa esse existimarunt cum maiestatis iuribus; quum tamen multum interfit, utrum regalia quis, tamquam vasallus, *dependent* uti vocant; an iura maiestatis, tamquam summus imperans, *independent* exerceat. Deinde, quum eo iuris feudalis loco non omnia iura, quae alias ab imperantibus exercentur, recenseantur: crediderunt doctores, ibi tantum agi de iuribus, quae salua maiestate communicari cum vasallis possint, atque hinc ea vocarunt REGALIA MINORA, quibus MAIORA, id est, uti illis visum. incommunicabilia opposuerunt. Ita adhuc plerique subdixerunt rationes, quos solide refellit celeberrimus Thomas. *ad Huberi de iure ciu. I. 3, 6, 3. p. 91. sequ.* Quum ergo hic non sit quaestio de iure clientelari, sed publico vniuersali, seu gentium: satius visum est, cauere ab illa confusione IURIUM MAIESTATIS et REGALIUM, et naturam iurium maiestatis eorumque diuersa genera potius ex reipublicae vel societatis civilis indole, id est, ex ipso fonte, quam ex Henningii Arnisaevi, Regn. Sixtini, aliorumque eiusdem commatis auctorum, lacunis deriuare.

§. CXXXVI.

Si ergo INTERNA SECVRITAS in eo consistit, ut ciues a ciuibus securi praestentur: (§. CXXXV.) necesse sane est, 32) ut cum summo imperio coniuncta sint iura LEGES FERENDI, 33) eademque ad facta adplicandi, quam SUPREMACIAM IURISDICTIONEM vocare licebit, nec non ius 34) iis, qui quid contra leges admiserunt, malum aliquod repraesentandi, vel POENAS infligendi, 35) TRIBVTA et VECTIGALIA pro reipublicae

Quaenam sint immanientia?

publicae necessitate EXIGENDI, 36) ADMINISTRATORES
et MAGISTRATUS CONSTITVENDI, denique 37)
circa sacraeque ac 38) COMMERCIA aliaque, quae
ad decus ciuitatis pertinent, operam dandi,
ne quid resp. detrimenti capiat.

§. CXXXVII.

Quae-
nam
trans-
euntia?

Quumque et EXTERNAM SECVRITATEM ab ho-
stium vi et armis intendanti, qui in commu-
nem confluxerunt rempublicam: (§. CXXXV.)
consequens est, 39) vt a summo imperio se-
iungi non possit ius FOEDERA percutiendi, 40)
LEGATOS mittendi, 41) BELLVM gerendi, 42)
faciendi PACEM, quippe sine quibus fieri non
posset, vt salua sit ciuitas. Nisi enim foedera
pangendi ius haberet: impar saepe esset res-
publica impotentior potentiori. Si legatos mit-
tendi facultas denegaretur: foedera non pan-
gerentur. Si belli pacisque ius cessaret: non
vllum esset medium vim vi repellendi, adeo-
que nec obtineri posset finis, qui in securitate
consistit.

§. CXXXVIII.

An diui-
da ac
commu-
nicabi-
lia?

Haec vero iura maiestatis, quum ex summi
imperii indole manifesto fluant, 43) ab illo di-
uelli nequeunt, vt non statim vnitas volunta-
tis tollatur, et nascatur respublica in republi-
ca. (§. CXXI. *) At quum tamen saepe ita
misceantur vel omnes, vel plures rerum publi-
carum formae, vt vna veluti alteram in officio
contineat: (§. CXVIII, 66.) contingere pot-
est, 44) vt vel omnia, vel pleraque maiestatis
iura non ab vna persona vnoue collegio, sed
com-

communiter a pluribus, vel ab vniuerso populo exerceantur, et tunc 45) opus sit comitiis, in quibus summus imperans de communi ordinum sententia haec iura exerceat. *)

*) Exemplo esse potest florentissimum Britanniae regnum, in quo, saluis potentissimo Regi praerogatiuis circa bellum et pacem, nec leges nouae feruntur, nec tributa et onera noua indicuntur, nec alia, quae ad totius regni decus ac salutem pertinent, statuuntur nisi in regni comitiis, quae ibi *Parliamentum* vocant. Ita et in Germania nihil, quod ad vniuersum imperium pertinet, nisi de communi Imperatoris, Electorum, Principum ac Ordinum sententia decerni, idemque fere in Polonia, et hodie in Suecia obseruari, saluis tamen augustissimo Imperatori regibusque potentissimis praerogatiuis, quae in Germania *reseruata* adpellantur, in vulgus notum est. Immo in ipsis specialibus Germanici imperii rebus publicis simile, quid obseruauit Hert. *de legib. consultat. et iudic. in special. Imp. Rom. Germ. rebus publ.*

CXXXVIII.

Ceterum quia et forma reipublicae initio Imperium ad- totius populi consensu constituta, et ipsae per- quiritur
sonae imperantes ab eodem populo electae, vel per
iisque certae leges fundamentales praescriptae electio-
sunt: (§. CXI. sequ.) facile patet, 46) nemi- nem, vel
nem adquirere sibi imperium posse in republi- per suc-
ca, nisi volente populo, et secundum funda- cessio-
mentales reipublicae leges. Secundum eas nem.
vero 47) aut ELECTITIA esse imperia, aut 48)
SVCCESSIVA, 49) eamque diuisionem non mo-
do ad *monarchias*, sed et ad *aristocracias* et
quodammodo ad *democracias* pertinere. *)

*) Sic

- *) Sic quando intra paucas familias, ita veluti conclusum est imperium, vt illis solis, qui ex illis prognati sunt, iure sanguinis competat ius in senatu dicendae sententiae: ARISTOCRATIA illa procul dubio est successiua. Quales aristocracias hodie fere Venetiis, Ianuae, Epidauri Noribergae, florere obseruauit Hert. *Elem. polit. I, 10, 16. p. 212. sequ.* Contra sicubi optimates vel a populo cum plena potestate eliguntur, vel ab ipso collegio cooptantur, ELECTITIA erit aristocratia. Vid. Huber. *de iure ciuit. I, 8, 1, 17. p. 202.* Sic et si in qua DEMOCRATIA non aliis ius suffragii daretur, quam ciuibus ORIGINARIIS, illa quodammodo successiua esset: sin et *adscititiis*, ELECTITIAE similis.

§. CXXXX.

Quid iustum circa electionem imperantis?

Imperium ELECTITIVUM est, quando populus, incidente interregno, sibi imperantem creat, et in eum consentientem confert imperium. Quumque populus ius illud eligendi vel ipse in comitiis exercere, vel certis personis in perpetuum dare possit: consequens est, 50) vt is, qui ab illis, quibus eligendi ius est, pluribus suffragiis eligitur, pro legitimo imperante sit habendus, *) dummodo 51) oblatum sibi imperium accipiat, et 52) secundum leges fundamentales habilis sit ad regendam rempublicam, quin et 53) ipsa electio eo ritu ac ordine facta sit, quem leges publicae vel mores ciuitatis ac reipublicae exigunt.

- *) Itaque vix legitimos dixeris principes, qui per seditionem a turba, vel ab exercitu, cui eligendi ius non est, ad imperium sunt euecti. Quod postremum rempublicam Romanam saepe numero tantum non pessumdedisse, vel exempla Othonis, Vitellii, Vespasiani, nec non Pescennii Nigri, Clodii Albini, et Septimii Seueri docent. Hinc Plutar-

Plutarchus in *Galba* p. 1053. loquutus de tempore, quo, ut ait Tacit. *Hist. l. 4. euulgatum fuerit imperii arcanum, posse principem alibi, quam Romae, fieri, quassatam, inquit, conuulsamque tunc esse rempublicam Romanam, quasi fabulosis Titanum motibus, (τοῖς λεγομένοις Τιτανικῶς πάθεσι καὶ κινήμασι,) quum eodem paene tempore hinc inde transferretur principatus ex avaritia et licentia militum, qui largitione et praemiis corrupti imperatores imperatoribus, tamquam clauum clauo pepulerint. Vid. Petri Cunaei *Orat. VIII. p. 188.* Adeo multum interest reipublicae, in qua electitium est imperium, personas eligentes, eligendasque, et ipsum modum formamque eligendi certis legibus ita definire, ne similia Titanicis illis motibus contingant.*

§. CXXXI.

Ex qua imperii electitii definitione (§. CXXX.) porro patet, 54) in huiusmodi imperio toties incidere INTERREGNUM, id est, statum ciuitatis, a summo imperante ordinario destitutae, quoties summus imperans vel moritur, vel ipse sese abdicat, vel a populo illi abrogatur imperium, 55) nisi populus, viuo ac volente imperante, alium elegerit, ipsi successurum. 56) Designatum illum successorem nihil iuris habere viuo imperante, nisi quantum, volente illo, ei detulerit populus, vel 57) quantum ipse ei delegare velit imperans, siue absens, siue, alia iusta causa impeditus, quo minus ipse praesit reipublicae. *)

Quid inter-
terre-
gnum in
republi-
ca electi-
tia?

- *) Quum enim aliud sit, imperanti abrogare imperium, aliud, eidem successorem designare: fieri non potest, ut successor deferatur facultas imperium reipsa capeffendi, quin simul abrogatum eidem imperium videatur. Hinc animaduertimus regibus Romano-

Hh

rum

rum, quos, viuo Imperatore, aliquando eligunt Germani, nihil potestatis reipsa dari, nisi Imperatores absentes iis aliquam delegent, quod Carolus V. aliquando fecisse, nouimus. Similis paene est *coadiutorum*, quos vocant, conditio, quibus, viuis episcopis ac praelatis, nihil omnino potestatis competit, sed certum tantum tribuitur ius succedendi, si sedem vacare, vti loquuntur, contigerit, vt adeo coadiutorum nomen sine omine ferant. Illustr. Boehmer. *Iur. eccles. profess.* III, 6, 23.

§. CXXXXII.

An tempore interregni adhuc supersit respublica?

Quum vero hoc interregnum sit status ciuitatis, a summo imperante ordinario destitutae, (§. CXXXI, 54.) nec tamen populus tunc cessare velit rempublicam, dum de nouo eligendo principe consultat: consequens est, 58) vt interea reipublicae praeesse debeant magistratus extraordinarii, quocumque nomine veniant, iique 59) vel noua electione, ordinum suffragiis, constituendi, vel, 60) quod consultius est, in antecessum lege publica designandi, 61) quorum tamen cessare oportere potestatem, nouo imperante electo, facile vnusquisque intelligit. Quum vero hi imperantium vice fungantur ad tempus: mirum omnino est, 62) disputare viros doctos, an tempore regni vera supersit ciuitas vel respublica? quaeque illi forma adsignanda sit? *)

*) Pufendorff. *de iure nat. et gent.* VII, 7, 7. de hoc statu ita philosophatur: Quia per posterius pactum, regem inter et ciues initum, interna ciuitatis perfectio et summum imperium actu prouenit: inde, subiecto proprio imperii sublato, ad imperfectam formam regnum delabi, sic, vt primigenio tantum pacto cohaereat, de quo supra plurimu-

pluribus dictum. (§. CX.) Illi tamen pacto tempore interregni non parum firmitatis addere vocabulum communis patriae, simulque quod plurimorum fortunae isti loco sint annexae. Itaque interregni tempore regnum recte quidem cum Liuius I, 17. vocari posse *ciuitatem sine imperio, et quasi exercitum sine duce*: imperium tamen, (quod et a Grotio *de iure belli et pac.* I, 3, 7. obseruatur,) redire ad vniuersum populum, adeoque formam quamdam democratiae prae se ferre. Ita Pufendorfius, quem in plerisque et Hertius sequitur; *Elem. prud. ciu.* I, 12, 14. et Houtuyn. *Polit. gener.* §. C. n. VI. sequi. Enimuero, quum plerumque vel in antecessum designatus sit interrex, vel aliquis, vel plures, communi ordinum suffragio eligantur, qui ad tempus eadem cum potestate, immo et aliquando multo maiore, praesint reip. quam ipse imperans, iuraque maiestatis saltem ea, quae circa res moram non ferentes versantur, exercent: vix excogitari potest ratio, cur non perfecta dici possit haec, licet temporaria, reipublicae constitutio, et monarchica quidem, si vni, dyarchica, si duobus, aristocratica, si pluribus, tamquam principibus intercalaribus, reipublicae cura demandetur.

§. CXXXIII.

SVCCESIVVM imperium est, quando populi decreto electa est familia quaedam regnatricis, vt ex ea persona aliqua semper praesit imperio, quamdiu ex posteris aliqua supereat, quae per leges publicas praeesse possit. Quale imperium si constituere placuit: aut certum succedendi modum definiuit populus, aut nihil ea de re disposuit. Posteriori casu 63) omnino praesumitur, eum ius commune de successione ab intestato probasse. At quia tamen nec tanta prudentiae praesumptio cadit in feminas, quanta in masculos, (§. XXXV.) et praeter-

Succes-
sio qua-
lis in re-
gnis, vbi
populus
nihil in
specie dispo-
suit?

ea facile contingere posset, vt per feminas regnum, veluti dotale, ad extraneos perueniret: hinc sane 64) feminas non nisi in subsidium, et deficientibus demum masculis, ad successionem vocandas patet. *) Denique quum et vnitas voluntatis sit veluti vita et anima reipublicae, (§. CXV, 50.) ea vero sperari non possit, si duo pluresue regnum monarchicum vel pro indiuiso administrent, vel illud inter se partiantur: consequens est, 65) vt e pluribus, regi vltimo aequae propinquis, primogenitus vel primogenita praerogatiua iure meritoque donetur. (Lib. I. §. CCLXXXVII, *)

- *) Sunt, qui feminas ad imperia plane ineptas atque inhabiles existimant, veluti Ioh. Bodinus, sed ex iuris tantum Romani principiis, quae non stringunt gentes liberas. Et sane quum in ipsa Hebraeorum theocratia iudicis officio cum laude functa sit Debora, et omnium fere gentium annales celebrent reginas, quae sibi immortalem gloriam prudentia regnandi rerumque gestarum magnitudine pepererunt: quis feminas indignas habeat imperio? Attamen quum natura vt plurimum masculos prae feminis quadam praerogatiua donarit: non absurdum est, existimare, has tantum in subsidium esse ad successionem vocandas. Aristotel. *Polit. I, 8.* τότε γὰρ ἄρρεν φύσει τῇ θήλειος ἡγεμονικώτερον, εἰ μὴ πᾶς συνέστηκε παρὰ φύσιν. *Mas enim natura magis aptus est ad regnandum, quam femina, nisi in hac aliquid praeter naturam exstiterit.*

§. CXXXIII.

Qualis
ibi, vbi
populus
dispo-
suit?

Vbi populus de successionis ordine disposuit, facile patet, 66) standum esse populi voluntati. (§. CXII, 39.) Et hinc 67) siue Francicam,

cicam, quae feminas excludit, 68) siue CASTELLANAM, quae easdem admittit in subsidium, praeferat: 69) siue lineae, siue 70) gradus propioris habere malit rationem: siue denique 71) extraordinariam plane et insolitam succedendi rationem lege publica firmet: *) rata erit populi voluntas, et sacrosancta habebitur lex illa fundamentalis et publica. Ex quo porro colligimus, 72) posse etiam populum imperanti potestatem facere, successorem, quem velit, sibi designandi, nec non, 73) gliscientibus de iure succedendi litibus, partes suas interponere: quamvis experientia doceat, de causa tam ardua plerumque, ut verbis Ennii utamur, non in iure manum conferi, sed magis ferro rem agi.

*) Exempla quam plurima iam attulit Pufend. *de iure nat. et gent. VII, 7, 14.* Modus tamen maxime regularis est linealis, ut patri succedat primogenitus, eiusque posterum primogeniti, quoad aliquis ex illa linea superstit. Hinc, extincta linea regnatrice, admittatur ex proxima primogenitus, et sic porro, quamdiu aliquis ex primi adquirentis posteris superest. Quaesitum etiam olim nouimus, utrum is, qui primus liberorum, sed ante regnum natus est, an is, qui, iam regnante patre, in lucem prodit, primogeniturae iuribus gaudere debeat? Sed quum in primogenitura tantum ordinis natalium habeatur ratio, nulla ratio est, cur frater natu minor ideo excludere debeat natu maiorem, quod illum, vagientem in purpureis incunabilis, aula audiuerit.

§. CXXXXV.

Itaque per electionem tantum persona electa; (§. CXXXX.) ex iure SVCCESIONIS tota familia regnatricis ius regnandi consequitur. (§.

Hh 3

CXXXXIII.)

Interregnum ordinarium et extraordinarium.

CXXXXIII.) Quumque adeo prius ius cum persona exspiret, posterius tamdiu duret, quam diu durat regnatricis familia: consequens est, 74) vt, extincta persona electa, INTERREGNUM ORDINARIUM; 75) extincta familia regnatricis, EXTRAORDINARIUM *) incidat, et tunc 76) in arbitrio populi sit, cui genti hoc decus de nouo conferre, et 77) vtrum illam iisdem legibus, imperio praeficere, an arctioribus limitibus succedendi ordinem, ipsamque imperantium potestatem, circumscribere malit.

*) Tale incidisse ferebant Franci post annum DCCCCLXXXVII. mortuis Lothario et Ludouico, Carolingiae stirpis regibus. Hinc teste Glabro Radulpho *Hist. II, 1. conuenientes totius regni principes* Hugonem, Ducem Parisiensem, in regem ungi fecerunt. Add. Aimon. *de gest. Franc. V, 44.* Sed et Russi, extincta Ioannis Basilidis prole, et principibus quibusdam tragicis, Borisis Gudenouio, Theodoro, Borisi filio, Demetriis falsis, et Ioanne Zuskio, misere pereuntibus, electione quoque Vladislai Poloni male cedente, nouam elegerunt domum regnatricem Michaelis, Theodori, patriarchae, filii, ex qua postea ad nostra vsque tempora Alexius, Ioannes, Petri duo et Anna, vastissimo illi imperio praefuerunt. Quod enim ad Catharinam imperatricem attinet, eam non successionis iure, sed extremo mariti, Petri I. iudicio ad illud fastigium euectam esse, nemo ignorat.

§. CXXXXVI.

Quomodo vi ad-
quiratur impe-
rium? Tales sunt imperium acquirendi modi, quoties ipse sibi populus imperantes constituit. Saepe enim vi et armis sibi aliquis viam munit ad imperium. Quo casu 78) populus deuictus, licet coactus, tamen in nouum illud imperium procul dubio consentit: (§. XVI, 45.)

ac, 79) siue victor se eadem lege, qua antea principes vsi sunt, imperium susceperunt, pollicetur, siue 80) nouas sibi ac successoribus conditiones et plus potestatis stipuletur, siue 81) quaedam, quae sibi priores principes adrogarunt, victis remittat, id posteris pro lege esse oportet. *)

- *) Hinc recte Grotius *de iure belli et pac.* III, 8, 1, 3. *Potest, inquit, imperium victori adquiri, vel tantum, ut est in rege, vel alio imperante, et tunc in eius tantum ius succeditur, non ultra: vel etiam ut in populo est; quo victor imperium habet ita, ut et alienare possit, sicut et populus poterat.* Postremum tamen, quod de alienatione addit, paullo accuratorem meretur inspectionem. Nos dicimus, aut victorem cum rege tantum debellasse, aut cum ipso populo. Si prius: eum in iura victi principis succedere, nihilque mutare debere circa formam imperii, quemadmodum e. g. Guilielmus Arausionensis, vxoris nomine bello cum Iacobo confecto, nihil circa formam regni Britannici mutauit. Sin posterius: eundem suo iure transigere cum populo perdomito, adeoque in eius arbitrio esse, velitne ciuitatem in prouinciae formam redigere, quod Romani plerumque faciebant, an ei durioris imponere iugum, an clementiae edere specimen, et quaedam iis remittere malit. Sic Alexander, clementissimus initio victor, Sidoniorum occupato regno, nihil mutauit circa imperii formam, illud Abdolomino restituisse contentus. Curt. IIII, 1. Turcae contra perdomito a se imperio Byzantino, iure victoriae multo durior conditionem imposuerunt, idem sentientes, quod apud Caesarem *de bello Gall.* I, 36. Ariouistus, *iis esse belli, ut qui vicissent, iis, quos vicissent, quemadmodum vellent, imperarent.* Denique Agesilaus, teste Xenophonte *de Agesilao Rege* Cap. I. §. 22. *quascumque ciuitates in potestatem suam redigebat, iis adimebat* αἰ, ὅσα δῦλοι δεσπόταις

ἡπηρετῶσι, quae serui dominis praestant, προσέ-
τατ'εν, ὅσα ἐλεύθεροι ἀρχοὶ πείθονται. ea-
que tantum imperabat, in quibus homines liberi ma-
gistratibus parent. Sed id quidem hodie rarissi-
me fiet, multoque rarius id, quod de temporibus
ante Ninum refert Iustin. *Hist. I, 1*. eos qui bella
gesserint, non imperium sibi, sed gloriam, quae-
sisse, et contentos victoria abstinuisse imperio.

§. CXXXXVII.

Diuisio
regno-
rum in
patrimo-
nialia et
vsufu-
ctuaria.

Quae quum ita sint, omnes utique modi
adquirendi imperium a populi consensu, siue
vltioneo, siue vi, eaque vel iusta, vel iniusta,
extorto, pendent. Ex eoque recte colligere
nobis videtur, 82) non adeo firmo talo sta-
re distinctionem inter imperia PATRIMONIALIA
et VSVFRVCTVARIA. Quamuis enim eam pri-
mus inuenerit Grotius *de iure belli et pac. II, 6,*
3. et I, 3, 12. eumque deinde magno agmi-
ne sequuti sint viri docti: tot tamen difficul-
tatibus tota illa doctrina premitur, vt, quae im-
peria sint patrimonialia, quae vsufructuaria,
sciamus iuxta cum ignarissimis. Vid. Tho-
mas. *ad Huber. de iure ciuit. I, 3, 2, 15. pag. 69.*
sequ.

§. CXXXXVIII.

An recte
se ha-
beat
haec di-
uisio?

Nimirum Grotius existimat, quaedam regna
ita esse in imperantium dominio, vt inter vi-
uos, et mortis causa, libere possint alienari: ea-
que ille PATRIMONIALIA vocat. Quaedam con-
tra ita esse comparata statuit, vt illa alienandi
facultas adempta sit imperantibus, quae ipse VSV-
FRVCTVARIA vocat, quamuis Thomasius *Iuris-*
prud. diu. III, 6, 135. ea commodius FIDEICOM-

MISSA-

MISSARIA dici posse, moneat. Sed quum I) res, quae in patrimonio alicuius est, non amplius sit communis, (Lib. I. §. CCXXXV.) adeoque nec publica, quippe quae communionem, saltem positivam, ponit: (Lib. I. §. CCXXXVII, 13.) facile patet, regnum desinere esse rempublicam, et in familiam degenerare, (§. LXXXX.) si sit in vnius dominio vel patrimonio. Praeterea II.) quum omnes ciuitates non imperantis, sed securitatis communis causa sint constitutae: (§. CVI, 17.) ex hac quoque causa regnum non potest esse patrimoniale, vt non statim desinat esse respublica. Vid. perillustres huius prouinciae praefidis, Io. Gothofredi de Cocceiis, *dissertatio de testamentis principum Part. II. §. XVI. sequ.*

- *) Itaque vere contradictionem inuoluit regnum patrimoniale, quia regnum species reipublicae; (§. CXVI.) regnum vero patrimoniale res priuata est. At praeterea plerumque in circulum abit illa tot virorum doctissimorum suffragio probata doctrina de regnis PATRIMONIALIBUS ET VSVFRUCTUARIIS. Si enim quaeras, an princeps quidam gaudeat facultate alienandi imperium. nec ne? respondent, permultum interesse, sitne regnum *patrimoniale* an *usufructuarium*. At si porro iustes, rogesque, quid sit *regnum patrimoniale*, quid *usufructuarium*? per illud se intelligere, quod alienari possit, per hoc, quod non possit, respondent. Criterium vero certum, vnde constet, quatenam regna in patrimonio sint, quae non sint, adhuc desideramus. Nam et despotica, et bello acquisita, inalienabilia esse, nihil vetat, ceu recte obseruat Huber. *de iure ciu. I, 3, 2, 18.*

§. CXXXXVIII.

Regni
aliena-
tio, nisi
consen-
tiente
populo,
illicita.

Ex quo recte colligere nobis videmur, 83) non posse vllum imperantem regnum vendere, 84) donare, 85) permutare, 86) diuidere, 87) testamento alicui legare, vel 88) aliis modis, quibus alias de patrimonio suo inter viuos et mortis causa disponere solent homines, in alios transferre, 89) nisi vel consentiat populus, vel 90) hic eam de regno disponendi illudque alienandi facultatem in regem vel principem diserte transtulerit. *)

*) Neque obstant exempla, quae ex omnis aevi historia magno numero adcumularunt Grotius, Pufendorffius, et alii. Iam enim alios regna diuifisse, iam testamentis eadem in alios transtulisse, legimus. Praeterquam enim, quod non exemplis, sed rectae rationis principiis, aestimanda est harum alienationum iustitia: recte iam respondit perillustis Baro de Cocceiis *de testam. princ. Part. II. §. XVII. Vel effectum non habuere illae alienationes: vel cum consensu populi, siue tacito, siue expresso, factae sunt: vel etiam vis praualuit.*

CAP. VIII.

DE IVRIBVS MAIESTATIS IMMANENTIBVS, QUIDQUE CIRCA EA IVSTVM SIT.

§. CL.

Securi-
tas inter-
na in iu-
stitia ex-
terna
posita
est.

IVRA MAIESTATIS IMMANENTIA sunt iura, cum summo imperio inseparabili nexu coniuncta, et sine quibus ciues a ciuibus securi praestari non possent. (§. CXXXVI.) Quum ergo illa securitas in eo consistat, vt nemo ab altero

altero ciue laedatur, suumque cuique tribuatur, quod iure perfecto potest exigi: consequens est, 1) vt ea praecipue posita sit in IVSTITIA EXTERNA, per quam intelligimus conformationem actionum externarum cum lege:*) adeoque 2) non male ratiocinentur ii, qui, ciuitates etiam iustitiae fruendae causa constitutas esse, contendunt, vt *data legibus vi, iudiciis auctoritate, cultus agris, sacris honos, securitas hominibus, certa rerum suarum possessio cuique constaret*: Vellei. Pat. Hist. II, 80. ac proinde 3) actum esse aiunt de republica, ex qua exfulat iustitia, qua ciuitates continentur. Aristot. Polit. I, 2.

- *) Quamuis enim nemo non passurus sit, multo praestantiorum esse IVSTITIAM INTERNAM, quae in constante ac perpetua laedendi neminem, suumque cuique tribuendi, voluntate consistit: eam tamen in tot hominibus, qui in eandem ciuitatem coalescunt optandam magis, quam sperandam, esse, facile est ad intelligendum. Suffecerit itaque, legibus ita in officio contineri homines, vt actiones externas ad legum normam componant, et nec alteri denegent quidquam, quod iure perfecto possint exigere, nec aegre cuicumque faciant contra ius et aequum. Attamen nihil reliqui facere decet bonos imperantes, vt et internam iustitiam accurata ciuium institutione ac disciplina promotum eant. Isocrat. in Areopagit. p. 27. Δεῖ δὲ τὰς εὐπολιτευμένους ὡς τὰς σοὰς ἐμπιπλάναι γραμμάτων, ἀλλ' ἐν ταῖς ψυχαῖς ἔχειν τὸ δίκαιον. Οὐ γὰρ τοῖς ψηφίσμασιν, ἀλλὰ τοῖς ἡθέσι, καλῶς οἰκείουσαι τὰς πόλεις καὶ τὰς μὲν κακῶς τετραμμένους καὶ τὰς ἀκριβῶς τῶν νόμων ἀνάγεγραμμένους τολμήτειν παραβαίνειν τὰς δ' ἀσφαλῶς πεπαιδευμένους καὶ τοῖς καλῶς κειμένοις θελήσειν ἐμμένειν. Decere pruden-

prudentes magistratus, non porticum implere legibus, sed efficere, ut ciues animis insitum habeant iustitiae studium. Non enim senatusconsulta et plebiscita, sed praeclara instituta, felicem efficere ciuitatem. Nam homines male institutos leges etiam exquisitissimas negligere audere: recte autem educatos demum bonis legibus obtemperare velle.

§. CLI.

Hinc
impe-
rantibus
compe-
tit ius
ferendi
leges.

Quumque iustitia externa, ad internam ciuium securitatem comparata, in conformatione actionum externarum cum lege consistat: (§. CL, 1.) consequens est, 4) vt ad officium summorum imperantium pertineat, bonis LEGIBVS armare rempublicam, adeoque 5) illis non possit non competere ius vel POTESTAS LEGES FERENDI, 6) earumdem suscipiendi custodiam, 7) quin et eas attemperandi fini, formae, vtilitatisque reipublicae, *) adeoque 8) aliquid iis adstruendi, demendiue, quin et capita quaedam vel plane abrogandi, vel saltim mutandi, prout id e re publica futurum esse, animaduertunt: quod iureconsultis Romanis, formae reipublicae suae stilum adcommodantibus, est ROGARE, OBROGARE, DEROGARE, ABROGARE, SVRROGARE. Vlpian. *Fragm. I, 3.*

*) Quia enim in eo positum est iuris naturalis ac ciuilibis discrimen, quod illud ad actiones natura bonas malasque internas ac externas; hoc ad indifferentes atque externas, quatenus saluti populi cuiusque vel reipublicae attemperandae sunt, pertinet: (Lib. I. §. XVIII, 36.) fieri non potest, vt vniformes sint omnium gentium ciuitatumque leges. Et hinc iudicatu difficillimum est, quatenam diuersarum gentium leges ciuiles sint reliquis praeferendae, et recte potius Herodorus *apud Stobaeum Serm. XXI. p. 180.* Ἐἰ τις προδείη πᾶσιν ἀνθρώποισιν ἐκλέξασθαι

ἐκλέξασθαι καλέων νόμος τῆς καλλίστης, ἐκ τῶν πάντων νόμων διασκεψάμενοι, ἀνελοίασθαι ἕκαστος τῆς ἑαυτῶν ἢ τῶ νομίζουσι πολῦτι καλλίστης τῆς ἑαυτῶν νόμος ἕκαστος εἶναι. *Si quis omne genus legum proponeret hominibus, et optimas sibi, consideratis omnibus, deligere iuberet: singuli suas recepturi essent. Ita quilibet, omnium longe praestantissimas suas esse leges, existimat. Quae enim leges optimae sunt vni genti pro suo fine, suaque reipublicae forma: eae alteri parum commodae essent futurae, et vni reip. noxiae, alteri esse possent vtilissimae.*

§. CLII.

Nimirum, quum vnum in republica intellectum, vnamque voluntatem esse oporteat, (§. CXV, 50.) tunc demum vero vnus intellectus vnaque voluntas sit, si omnes eundem finem eademque media perspiciant, ad eaque actiones suas referant, quod tamen pro ingenii humani indole aliter quam voluntatibus omnium imperantium voluntati submissis consequi non licet: (§. CXV. *) sequitur, 9) vt imperantem oporteat ostendere, ad quid suas actiones externas, alioquin indifferentes, referre, et ad quam normam eas componere debeant. Quod quum fiat praescriptis legibus civilibus: facile patet, 10) LEGES CIVILES esse praecepta generalia summi imperantis de actionibus externis indifferentibus, ad decus vtilitatemque reipublicae componendis: adeoque 11) potestatem illam legistoriam se eo vsque non extendere, vt leges diuinas euertere offit. (Lib. I. §. XVII, 33)

Quid lex civilis, et quod eius obiectum sit?

§. CLIII.

§. CLIII.

Quid
impe-
ranti li-
ceat cir-
ca leges
diuinas?

Dicimus, leges ciuiles versari in actionibus ciuium externis ac indifferentibus ad decus vtilitatemque reipublicae attemperandis. (§. CLII, 10.) Quamuis enim saepe ipsa necessitas iubeat, imperantem 12) leges diuinas, tum naturales, tum positiuas, repetere, 13) easque extendere, 14) interpretari, 15) contra illas laesis actiones et remedia ciuilia dare, immo et 16) poenas et supplicia comminari illis, qui leges, ab ipso Deo immortali profectas, tam proterue violare ausi fuerint: res ipsa tamen docet, 17) tunc non ipsas has leges summo imperanti debere originem, sed hanc, 18) veluti custodem diuinarum legum, dare operam, vt sancta sit earum in republica auctoritas.

*) Equidem legi diuinae et addi et detrahi quidquam vetuit ipsum summum Numen. *Deut. III, 2.* Sed prius intelligendum procul dubio de lacinis legi diuinae contrariis, vel de ἐναντιοφροσύναις, ad quam maxime procliuia erant Hebraeorum ingenia. Id vero non impedit, quo minus imperans prohibitionem diuinam possit vltius ad casus, lege non expressos, proferre, vt veluti eo maior custodia circumponatur legi diuinae. Solent id Hebraeorum magistri vocare סייג לתורה *sepimentum legis*, quo longius arcentur homines, legem violaturi, et ipsi veluti primi aditus occluduntur. De hoc legis sepimento vid. Schickard. *iur. reg. Cap. V. theor. XVIII. p. 391.* et ibi Carpz. in *Notis Io. Selden. de vxor. Hebr. I, 2.*

§. CLIIII.

Legis
partes.

Quum vero leges ciuiles sint praecepta summi imperantis de ciuium actionibus externis indifferentibus, ad decus vtilitatemque reipublicae

blicae attemperandis, (§. CLII, 10.) tale vero sit hominum ingenium, vt sola obligatione interna parum moueatur: (Lib. I. §. VIII.) quin leges ciuiles, quae ad actiones indifferentes pertinent, ne possint quidem internam obligationem producere: (Lib. I. §. VII.) consequens est, 19) vt omnes leges ciuiles sanctione quadam poenali munitas esse oporteat, ad-eoque 20) duae sint legis perfectae partes, PRAECEPTVM et SANCTIO poenalis: 21) praemia autem legi parentibus a republica non deberi, nisi aliquid non omnibus promiscue ciuibz praecipitur, sed quidam eorum lege excitentur ad aliquid, publico bono, extra ordinem faciendum. *)

- *) Est hoc obseruandum contra Rich. Cumberlandum *de leg. nat. proleg. Cap. XIII. et Cap. V. §. XXXX.* vbi praemiorum promissionem non minus ad integritatem legis pertinere, statuit, quam comminationem poenae. At legislator non debet praemia iis, qui faciunt, quod sine crimine omittere non possent, sed iis, qui quid extra ordinem faciunt reipublicae bono. (Lib. I. §. LXXXVIII. *) Hinc frustra expectaret praemia, qui non occidit, adulterium non admittit, non furatur, quum id facientem poena potius maneret. At iure exigit praemium, qui a legislatore, praemiis propositis, excitatus, commeatum nauibus aduexit, qui suis impensis nouas fabricas armorum instituit, vel simile quid, ad quod non omnes et singuli tenentur, fecit. Ceterum inde insignis Dei clementia elucet, quod, quum suo iure vti, hominibusque, legem suam transgressis, poenam tantum minari potuisset, tamen et praemia polliceatur obtemperantibus, et quidem in mille generationes duratura. *Exod. XX, 6.*

§. CLV.

Quoru-
plex san-
ctio illa
poena-
lis?

Quandoquidem porro per poenam intelligimus effectum malum actionis legi repugnantis: (Lib. I. §. LXXXXVIII, 7.) 22) ille effectus malus consistere potest non modo in malo quodam passionis, quod vitam, sensum, existimationem, fortunasque hominis, adficit, verum etiam 23) in nullitate actus, contra leges suscepti: immo et 24) in utroque: qualem legem, quae et actum contrarium irritum pronunciat, et transgressori legis malum aliquod passionis irrogat, iureconfulti Romani solam PERFECTAM: 25) reliquas modo IMPERFECTAS, imodo MINVS, QVAM PERFECTAS, adpellabant. Vlpian. *Fragm. I, 1.* Quum porro factum illicitum aliud determinatum, aliud indeterminatum, et ob insignem circumstantiarum varietatem diuersum esse possit: (Lib. I. §. C, 9.) consequens est, 26) ut poena vel DEFINITA esse possit, vel INDEFINITA, seu ARBITRARIA.

§. CLVI.

Impe-
ranti
compe-
tit etiam
potestas
iudicia-
ria?

Quum vero frustraneae futurae essent leges, nisi applicarentur factis, id est, nisi inquiretur, imputandumne homini sit factum, nec ne: (Lib. I. §. LXXXV, 1.) consequens est, 27) ut in republica esse aliquem oporteat, quem penes sit cognitio de imputatione actionum. Et, quia haec cognitio nihil aliud est, quam iudicium de aliorum actionibus: (Lib. I. §. LXXXVII, 3.) facile patet, 28) necessariam omnino in republica esse POTESTATEM IUDICIARIAM. Denique quia inter aequales nec magistratus

gistratus, nec poena intelligitur: (§. VI, 11. sequ.) 29) haec potestas in republica competere non potest, nisi superiori, id est, summo imperanti, *) adeoque 30) illa inter immanentia iura maiestatis recte refertur. (§. CXXXVI, 33.)

*) Equidem in statu naturali et patremfamilias ius dicere posse familiae segregi, iam supra obseruauimus. (§. LXXXIII, 10. sequ.) At in ciuitate id fieri non potest, nisi quatenus id patrifamilias indulgent leges. (§. LXXXIII, 16.) Competit ergo in rebusp. iudiciaria illa potestas summis imperantibus, quos etiam vel maxime ob id constitutos esse, obseruant veteres. Hesiod. *Theogon.* v. 88.

Τένεκα γὰρ βασιλῆες ἐχέφρονες, ἔνεκα
λαοῖς.

βλαπτομένοις ἀγοῇφι, μετάτροπα ἔργα
τέλεισι.

Hac una reges sapienti lege creantur,

Dicere ius populis, iniustaue tollere facta.

§. CLVII.

Quum vero iudicis sit, leges ad facta adplicare, (§. CLVI.) facta vero, contra leges admissa, vel priuatis, vel ipsi reipublicae detrimentum inferant: sequitur, 31) vt omnia iudicia vel PRIVATA seu CIVILIA, vel PVBLICA seu CRIMINALIA sint, 32) illaque in distrahendis ciuium controuersis; haec in puniendis maleficiis consistant: Cic. *pro Caecin. Cap. II.* Et 33) quamuis vitio verti non possit principi, si hanc iudicandi potestatem viris prudentibus iuriumque peritis (Lib. I. §. CI, 11. sequ.) demandet, adeoque vbique magistratus et iudices constituat: semper tamen 34) ad imperantem iis parere

Quotuplex illa, et quomodo exercetur?

tere oportet viam, qui, sese iniusta sententia oppressos, conqueruntur, adeoque penes illum esse debet suprema causarum dubiarum ἀνά-
 λυσις. *)

*) Hinc in rebus publicis MONARCHICIS ad reges et principes; in ARISTOCRATICIS ad senatum optimatum; in DEMOCRATICIS ad ipsum populum prouocandi ius est: nec temere constituendus est magistratus sine prouocatione: quod ne in Regibus quidem dictatoribusque suis diu tulerunt Romani. Liu. I, 26. II, 8. III, 55. X, 9. Attamen, quum et prouocationum abusus haud exiguus sit: non mirum videri potest, varia inuenta esse remedia, quibus nimia prouocandi temeritas coerceretur. Qualia sunt priuilegia de non adpellando, quibusdam magistratibus concessa, certa summa, quam adpellabilem vocant, lege definita, iusiurandum calumniae, pecunia quaedam, a prouocante in casum, si succubuerit, deponenda, et similia, quae an prosint reip. magis in ciuili prudentia, quam in iuris prudentia naturali, disquiritur.

§. CLVIII.

Itemque ius poenas infligendi? Quia iudicis est, leges factis adplicare, et, an factum aliquod facienti imputandum sit, disquirere, (Lib. I. §. LXXXV.) imputatio vero consistit in declaratione, vtrum effectus, quem lex actioni adsignat, locum habeat, nec ne: (Lib. I. §. LXXXVIII.) sequitur sane, 35) vt imperanti, cui summa est potestas iudiciaria, competat etiam IVS POENAS INFLIGENDI. Et quandoquidem negari nequit, ei, qui legem fert, ius etiam esse, eidem ob iustas causas derogandi, quin eam plane abrogandi: (§. CLI, 8.) multo magis 36) eidem licebit, aliquem delin-

delinquentem ob iustas et graues causas ita lege soluere, vt ei gratiam poenae faciat. *)

*) Negabant id Stoici, quorum peruulgatum erat illud dogma: μηδέποτε συγγνώμην ἔχειν τὸν σοφόν. *Sapientem non dare veniam, nec ignoscere.* Diog. Laert. VII, 123. Sen. de clement. II, 6. 7. Sed quum et Deus ipse, iustissimus, gratiam delictorum faciat, salua iustitia: quidni et sapiens? quidni et imperans, qui, vt leges poenales fert, ita eas plane tollere, ac proinde et vni alteriue veniam dare poterit? Sed ob iustas causas: quum, quemadmodum non nisi ob graues iustasque causas leges feruntur, ita nec, nisi ob iustas causas, quidquam contra illas indulgeri possit. Quid vero, si poena sit iure diuino constituta? Tunc, si probetur, talem legem poenalem exstare, in eam principi nihil li- lere, non diffitemur. (Lib. I. §. XVII, 33.) An vero exstet, de eo dudum certant viri docti, et adhuc sub iudice lis est. Vid. Thomasi Diff. de iure ad- grat. princ. circa poenam homicid.

§. CLVIII.

Ex eo vero porro colligimus, 37) inter pa- res nullum esse ius puniendi, *) et 38) nec integritatem vitae, nec 39) alterius inueteratam peccandi consuetudinem vlli aequali ius dare poenas infligendi, adeoque 40) naturam poe- nae non exhaurire definitionem vel Grotii, cui POENA est malum passionis, inflictum ob malum actionis, vel Becmanni, qui per illam dolorem, propter delictum illatum, intelligit: immo 41) non poenam, sed vindictam priuatam esse malum il- lud passionis, ab ipso laeso inflictum; 42) lae- sionem, si a tertio, non superiore, infligatur. 43) Neutrum vero permittendum esse in statu ciuili, vel inde patet, quod potestas iudicia-

An hoc
ius et
inter pa-
res obti-
neat?

ria soli imperanti, iisque, quibus hic illam demandavit, competat. (§. CLVI, 29. §. CLVII, 33.)

*) Loquimur enim hic de POENA CIVILI, proprie accepta, et ex lege irroganda, adeoque non de *conventionali*, ad quam se quis ipse sua sponte obligat: nec de *ultione*, qua quis alterum ob flagitia beneficii priuat, ei amicitiam renunciat, ab eius familiari consuetudine se segregat: nec de *malis naturalibus*, quae sibi quisque peccando suo iumento inuenit, veluti de morbis, doloribus, infamia. Denique multum interest inter *castigationem*, quam infligendi ius et parentibus, et aliquando marito, ac domino, concedunt leges. Haec enim ex arbitrio, per modum disciplinae; poena proprie sic dicta ex praescripto legum, per modum iurisdictionis, irrogatur. Inde vero sua sponte consequitur, vt par parem punire nequeat, sed is qui fert legem, eamque factis adplicat. Quod quum solus imperans faciat: (§. CLIII et CLVI.) huic quoque soli puniendi ius esse, manifestum est. Mira ergo est philosophia Grotii *de iure belli et pac. II, 20, 3, 1.* satis indicare naturam, conuenientissimum esse, poenas exigi a superiore, non tamen demonstrari posse, hoc esse necessarium, nisi vox *superioris* eo sumatur sensu, vt is, qui male egit, eo ipso se quouis alio inferiorem censeatur fecisse, et quasi ex hominum censu detrussisse in censum bestiarum, quae homini subiacent: quod a theologis quibusdam sit proditum. Quasi vero superioritas vel praestantia quaedam moralis vlli mortaliu detius puniendi, ac non potius exigatur superioritas imperii. Thomas. *iurispr. diu. III, 7, 31.* Quare si laedens punitur a laeso, non poena haec est, sed vindicta, sin a tertio, est noua laesio. Vtramque vero in statu ciuili prohibitum esse, ipse non diffitebitur Grotius. Quanto rectius ergo apud Terentium *Adelph. II, 1. v. 34.* Sanio, leno:

Leno sum, fateor, perniciēs communis adolescentium:

Periurus, pestis: tamen tibi a me nulla orta est iniuria.

§. CLX.

§. CLX.

Nec difficile erit, ex ipsa poenarum inuenta-
 rum ratione de fine earumdem iudicare. Quum
 enim poena proprie dicta nata sit, statu ciuili
 inuecto, (§. VI, 12.) et ius illam infligendi, in-
 ter iura maiestatis immanentia sit, (§. CXXXVI,
 34.) quorum non alius finis est, quam securitas
 ciuium: (§. CXXXV.) consequens est, 44) vt
 idem sit poenarum finis. Quum vero securi
 praestentur ciues, siue eo redigantur peccan-
 tes, vt nolint amplius delinquere, siue, vt non
 possint, id est, siue illi emendentur, siue in
 posterum iis adimatur peccandi facultas: faci-
 le patet, 45) priorem finem intendere poenas,
 quae, salua vita, infliguntur, 46) posteriorem
 supplicia, quae cum animae amissione coniun-
 cta sunt, *) vti loquitur Iustinianus §. 11. *Inst.*
de publ. iud. Et quia non consultum esset se-
 curitati reipublicae, si ii tantum, qui delique-
 runt, delinquere desinerent, ab aliis vero idem
 esset metuendum: facile patet, 46) eadem
 opera et alios hoc exemplo moneri, vt delin-
 quere vereantur, ac proinde 47) publice su-
 menda esse a fontibus supplicia, nisi alia gra-
 uior caussa id impediat.

Quotu-
 plex
 poena-
 rum fi-
 nis?

- *) Hinc ad poenas humanas non pertinet finis, quem
 vulgo iactant, expiatio puta reatus et satisfactio,
 quam iustitiae diuinae fieri debere, aiunt. Ne-
 que enim crudelitatis absolueris Phalaridis similes,
 qui ideo tantum delinquentes puniunt, vt miseri
 dolores sentiant. Nec iustitiae diuinae infinitae sa-
 tisfieret nocentis hominis doloribus, nisi illi alia
 vere infinita ratione fuisset satisfactum. Sed talia
 qui iactant, vix rationem habere videntur poena-

rum originis, quippe quae eas in statu tantum ciuili necessarias esse visas, abunde doceret, immo nec inter iustitiam diuinam et humanam, poenasque ciuiles et sempiternas, quae impiis imminet, satis videntur distinguere.

§. CLXI.

An delinquens obligatus sit ad poenam?

Quibus positis, facile etiam intelligitur, an in delinquente sit obligatio ad poenam subeundam? Quum enim, qui in republica viuit, ad ea omnia obligatus sit, sine quibus reipublicae finis, id est, publica securitas, sperari non posset: (§. CVII, 18.) procul dubio 48) et delinquens obligatus erit ad poenam, quam lex definiuit, subeundam, sed non ad seipsum puniendum, adeoque 49) non tenetur quidem quisquam, vt atrocissimis suppliciis sponte sese offerat, *) nec tamen 50) ei fit iniuria, si conuictus peccati iustas det poenas, nec 51) fas vlli est, resistere potestati supremæ, poenam ex legis praescripto irrogaturæ.

*) Immo quum poena sit malum passionis, a quo natura omnium hominum abhorret, ne poena quidem foret, quae volenti infligitur. Quintil. *Declam. XI. Fallitur, quisquis humana tormenta sola nominum atrocitate metitur: nulla poena est, nisi inuito. Non habemus vllum, nisi ab impatientia, dolorem, et, vt aliquid crudele saenum sit, metus facit. Supplicium quisquam vocat, ad quod profilitur? quod exposcitur? Illo trahite damnatos, quo non sequuntur.* Hinc barbarus mos est, cogere homines, vt ipsi sibi manus inferant, abdomen incidant, venenum sumant, vel aliud quodcumque mortis genus eligant. Non enim ad quod malum aequo animo patiendum obligatus sum, id mihi statim ipse vltro arcessere iubeor.

§. CLXII.

§. CLXII.

Ex fine vero poenarum (§. CLX.) colligimus, 52) poenas attemperandas esse fini reipublicae, ac proinde 53) ita comparatas esse debere, prout eas esse iubet interna ciuium securitas. Ex quo porro sequitur, 54) vt imperans, ad ea delicta punienda, sit obstrictus, quae securitatem reipublicae turbant, aut efficiunt, vt ciues commode et tranquille secum inuicem viuere nequeant: non vero 55) puniri necesse sit actus vitiosos mere internos, 56) nec lapsus minutissimos, a quibus nemo fere mortalium immunis est, 57) nec omissionem officiorum humanitatis, nisi 58) haec omnia in dedecus ac periculum reip. vergant, ac proinde ipsa necessitas et haec vitia coerceri iubeat. *)

An delicta omnia, et quae puniendi sunt?

- *) Sic sane in crimine maiestatis vel solam cogitationem et scientiam; apud gentes quasdam et inhumanitatem, veluti inhospitalitatem, punitam animaduertimus. Exempla quaedam iam supra vidimus. (Lib. I. §. CCXVI. *) Iam addimus, et Germanos quondam humanitatem erga peregrinos legibus poenalibus sanxisse. Sunt sane sanctiones tales in *lege Burgund. XXXIII. 1. Capitular. I. 75.* quibus trium solidorum multa irrogatur iis, qui hospiti aduenienti tectum forumue negauerint. Quin Gothi aedes eorum, qui viatores tecto ter arcuerant, ex legis praescripto flammis consumebant, teste Ioanne Magno *bist. Goth. III. 1. Add. Elem. iur. Germ. I. 18, §. 420. *)*

§. CLXIII.

Ex ipsa porro poenae definitione (Lib. I. §. LXXXXVIII.) fatis patet, 59) puniendos tantum esse, qui malum actionis commiserint, 60) non eorum

Qui puniendi?

heredes, 61) multo minus totas familias, *) vel 62) vades, qui se ad supplicium pro alio ferendum praeter ius et fas obligarunt. (Lib. I. §. CXXXXVI, 15.) Denique quum totae societates vnam veluti personam moralem constituent, (§. XX, 60.) adeoque et eas obligent leges, ciuibus reliquis praescriptae: (§. XXIII, 75.) nemo non videt, 63) vniuersitates quoque et societates delinquentes posse puniri, quamuis 64) ipsa humanitas suadeat, poenam ita temperari, ne eadem sit noxiorum et innocentum conditio, et 65) ne ex infirmitate consilii vel per errorem lapsi eandem imperantium seueritatem sentiant, ac ii, qui faces ac tubae fuerunt eorum tumultuum. Quin 66) in poenis vniuersitatum, ne remedium ipso morbo sit grauius, id in primis agendum esse, *ut metus ad omnes, poena ad paucos perueniat.*

- *) Fuit haec Persarum truculentia, de qua exiñstituto Barn. Briffon, *de regno Pers. II*, 227. p. 591. sequ. edit. Lederl. Eius vestigia etiam exstant *Dan. VI*, 24. *Esdras VIII*, 14. Sed et hodie hanc crudelitatem passim imitari gentes orientales, iam pridem obseruatum est ab iis, qui illarum mores ac instituta paullo accuratius descripserunt. Enimuero vti hic mos rectae rationi omnino refragatur; ita cauere nulla prudentia potest, quo minus indirecte poena, parentibus inflicta, etiam liberis detrimento sit, maxime si bona ex lege publicentur. Quod et mouisse arbitramur legislatores humaniores, ut rarissime locum esse voluerint huic poenae, et non nisi in crimine maiestatis bona omnia a fisco occupari iusserint, ut, quantum in ipsis esset, ne indirecte quidem poenam ad liberos innocentes proferre viderentur.

§. CLXIII.

Quales denique et quantae irrogandae sint ^{Funda-} poenae, ex fine poenarum satis patet. ^{menta} Quum enim ille in securitate ciuium positus sit: (§. ^{de quan-} CLX.) consequens est, 67) vt tantam esse ^{titate} oporteat poenam, quanta sufficit ad metum ^{poena-} hominibus incutiendum, reprimendamque ^{rum de-} peccandi libidinem. Quumque ea sit ingenii ^{finien-} da, humani indoles, vt infixae pectoribus cupiditas non aliter, quam proposito maiore malo bonae, cohibeatur: (Lib. I. §. LII, 45.) merito inde colligimus, 68) metum non incussuram esse sanctionem poenalem, nisi maius malum iudicent homines, poenam legibus propositam subire, quam delictum omittere, voluptateque vel lucro, quod inde sperant, carere. *)

- *) Exemplo esse poterit poena iniuriarum, legibus XII Tabularum sancita, quae tam parum metus incutiebat hominibus proteruis, at bene numatis, vt voluptatem, quam ex aliorum contumelia capiebant, tam tenui multa libentissime redimerent. Rem omnem refert Gellius *Noct. Attic. XX, 1.* quem locum, vtut longusculum, hic totum legisse non poenitebit: *Nonne tibi quoque nimis videtur esse dilutum, quod ita de iniuria punienda scriptum est: SI INIURIAM FAXIT ALTERI, VIGINTI QVINQVE AERIS POENAE SVNTO. Quis enim erit tam inops, quem ab iniuriae faciendae lubidine XXV. asses deterreant? Itaque Q. Labeo quoque vester in libris, quos ad XII Tab. conscripsit, non probaret. Quidam, inquit L. Neratius fuit, egregie homo improbus atque inhumani vaecordia, is pro delectamento habebat, os hominis liberi manus suae palma verberare, eum serum sequebatur, crumenam, plenam assibus, portitans, et, quemcumque depalmauerat, numerari statim secundum XII. Tab. viginti et quinque asses iubebat.*

bebat. Propterea, inquit, Praetores postea hanc abolere et relinqui censuerunt, iniuriisque aestimandis recuperatores se daturus, edixerunt. Tantum ergo abest, ut huiusmodi dilutior sanctio hominum vaecordium cupiditatemque reprimat, ut eam irriter magis, et ad peccandum veluti inuitet.

§. CLXV.

Conclu-
siones
inde eli-
citae.

Ex his vero principiis iam porro colligimus, 69) non ferre reipublicae securitatem, ut poena talionis peccantibus irrogetur, *) adeoque 70) nec sufficere regulam, poenarum debere esse proportionem cum delictis, nisi illa non tam de ipsis factis illicitis, quam de libidine huiusmodi facinora patrandi intelligatur. Praeterea quum vnum delictum altero magis noxium sit reipublicae, vnumque altero magis gliscat in dedecus publicum: facile reddideris rationem, 71) cur, quo magis delictum laedit securitatem publicam, eo acrioribus poenis ab eo deterreantur homines, et 72) cur, gliscente delicto, poena quoque intendi soleat.

*) Probasse talionem videtur ipse Deus, *Exod. XXI, 23. Lev. XXIII, 50. Deut. XVIII, 19*. Notum quoque est illud Decemviro: SI MEMBRUM RVPSIT, NI CVM EO PACIT, TALIO ESTO, apud Gell. *Noct. Att. XX, 1*. Sed uti legem diuinam ipsi Hebraeorum magistri ita interpretantur, ut tales noxas pecunia potuisse expiari contendat: Conf. Ioseph. *antiqu. Iud. III, 8*. ita et apud Romanos hanc legem vmquam in usu fuisse, negat Caecilius, iureconsultus apud Gellium *ibid.* Et sunt fortassis talia παραμίσθῃ, quibus indicatur, non fieri iniuriam illi, qui, quale alteri intulerit, tale ipse quoque malum ferat, quamuis non semper idem sustineat. Vid. Io. Cleric. *ad Exod. XXI. 22*. Quo sensu et

et Pythagoras poenam ἀντίπεπονδός seu *parempas-*
sonem esse dicebat. Vt cumque sese res habeat, talio-
 nem non semper locum habere, inde probatur,
 1) quod aliquando vix poenae nomen meritura sit
 huiusmodi talio, e. g. si ei, qui mihi decem nu-
 mos in via publica vi rapuit, totidem numos ra-
 pere iubeat: si homo nullius dignitatis, qui magi-
 stratum percussit, ipse quoque percutiatur. 2) Quod
 aliquando ne fieri quidem possit, vt idem patia-
 tur delinquens, quod fecerat, e. g. si luscus alteri
 vtrumque oculum exclusit. 3) Quod aliquan-
 do ita seruari non possit aequalitas, vt non plus
 patiatur qui deliquit, quam is, in quem delictum ad-
 missum est. Sic e. g. scio, noctuuagum occurren-
 ti sibi homini ita gladium adegisse per corpus, vt
 cuspis ex tergo emeretur, et hunc tamen, nullo
 intestino laeso, breui conualuisse. An vero vel
 omnes medici iunctis consiliis ita gladio traiecissent
 illum hominem, vt saluus euaderet?

§. CLXVI.

Quandoquidem tamen, vti in reliquarum
 actionum humanarum, ita et in delictorum
 imputatione, omnium circumstantiarum ha-
 benda est ratio, earumque vna saepe totam rem
 mutat: (Lib. I. §. C, 8. 9.) contingere sane pot-
 est, 73) vt obidem delictum in vnum grauius,
 quam in alterum animaduertatur, adeoque
 74) in definienda poena ratio sit habenda non
 modo personae delinquentis, sed et 75) eius,
 cui delicto nocitum est, itemque 76) obiecti,
 77) effectus, immo et 78) loci, temporis, si-
 miliumque περιστασιων. *)

In poe-
 nis defi-
 niendis
 circum-
 stantia-
 rum ha-
 benda
 est ratio.

*) Sic quod ad personam delinquentem attinet, ma-
 iorem omnino poenam meretur is, quem cognatio,
 prudentia, officium, aetas, dignitas a delicto
 reuocare debuisset, quam extraneus, stupidus, nul-
 lo speciali vinculo obstrictus, puer vel adolescens,
 plebe-

plebeius. (Lib. I. §. CXIII, 52.) Maiorem quoque poenam feret robustus, quam infirmior, et, si multa irrogatur, plus merito imperandum erit homini pauperi, quam pecunioso alicui Neratio. Ita et si personae in dignitate constitutae, vel ipsi magistratui, illata sit iniuria, quis eam seuerius vindicandam neget, quam si quis ex faece hominum contumeliosius habitus sit? Praeterea si priuati res lucrificandi causa contrectare delictum est, poena dignissimum: quanto magis, peculatum admittere, vel sacrilegio sese polluere? Ita acrius puniri animaduertimus desertionem militis, e statione sese proripientis, quam ex hibernis aufugientis ob effectum tristiore. Denique iniuriam, alicui in templo et inter sacra illatam, deteriorem videri, quam quae in loco priuato alioque tempore facta sit, omnes aequi rerum arbitri censent. Ut adeo non sit publici saporis dogma illud Stoicorum, ἵσα τὰ ἀμαρτήματα ἐναι omnia delicta esse paria. Cic. Paradox. III. Diog. Laert. VII, 120. Contra quos disputans Horat. Serm. I, 3. v. 115.

Non vincet ratio hoc, tantumdem ut peccet, idemque,

*Qui teneros caules alieni infregerit horti,
Et qui nocturnus diuūm sacra legerit. Adsit
Regula, peccatis quae poenas irroget aequas:
Ne scutica dignum horribili sectere flagello.*

§. CLXVII.

Poenae
emen-
dationis
caussa
infligen-
dae non
debent
famosae
esse.

Sed ne id quidem praetermittendum videtur, quod, quum non omnes poenae ad destruendum hominem facinorosum sint comparatae, sed saepe et id agatur, vt, qui deliquit, emendetur, et cautius mercari in posterum discat, (§. CLX, 45.) cauere debeat, 79) ne omnes, qui poenas dant delictorum, infamia notentur, siquidem eo ipso fit, vt non amplius idonea reipublicae membra habeantur, adeo-

adeoque illis vix occasio sit, victum amictum-
que sibi honestis artibus comparandi.

§. CLXVIII.

Inter immanentia maiestatis iura est etiam
ius TRIBVTA et VECTIGALIA imperandi ciuibus,
quin et eorum bona, exigente necessitate, rei
publicae vsibus adplicandi, quod ius DOMINVM
EMINENS adpellare mos est. *) Quum enim ea
omnia licita esse oporteat summis imperanti-
bus, sine quibus finem reipublicae, puta inter-
nam externamque securitatem, obtinere non
possent, (§. CXXXV, 29.) securitas autem illa ob-
tineri vix posset, nisi ciues conferrent pecu-
nias, ferendis reip. communis oneribus ne-
cessarias, et aliquando eorum bonis vterentur
imperantes: consequens est, 80) vt imperan-
tibus competere debeat ius exigendi collati-
tiam pecuniam, et 81) dominium aliquod
eminens exercendi.

Principi
compe-
tit ius
impe-
randi
tributa,
et domi-
nium
aliquod
emi-
nens.

- *) Fatemur tamen, non satis commode hoc adhiberi
vocabulum, quum diuersi sint DOMINII et IMPERII
conceptus, et non illud, sed hoc competat impe-
rantibus. Vnde, quod Grotius *de iure belli et pac.*
I, 1, 6. primus vocauit *dominium eminens*: id Sene-
ca *de benef. VII, 4* rectius denominauit *potestatem*.
Ad Reges, inquit, *POTESTAS omnium, ad singulos*
proprietas pertinet. Add. V. A. CORN. van Byn-
kersh. *Quaest. iur. publ. II, 15. p. 290.* Hinc non
male quidem Wittebergenses Icti potestatem illam
ex imperio, non dominio quodam, deriuandam ef-
fe, contendunt aduersus Io. Fr. Hornium: (Vid. Guil.
Leyseri collectionem scriptorum eristicorum, quam
pro imperio contra dominium eminens inscripsit,
ediditque *Witteb. MDCLXXIII.*) Sed dum lis
est de vocabulo reique origine, et de ipso iure im-
perantium bona ciuium urgente necessitate reip.
vsibus

vſibus adplicandi, nemo dubitat: cur vocabulum ſemel receptum plane proſcribendum putaremus, nullam omnino idoneam rationem vidimus.

§. CLXVIII.

Ius eius
circa bo-
na ci-
uium in
ſtatu
reip. or-
dinario.

Quia ergo imperanti competit ius bona ciuium, vrgente neceſſitate, reipublicae vſibus adplicandi: (§. CXXVIII, 81.) facile intelligitur, 82) eidem etiam, nondum vrgente neceſſitate, ius eſſe, custodiam veluti ſuſcipiendi honorum priuatorum, *) vt illa, vrgente neceſſitate, in promptu ſint, ſufficiantque reipublicae: adeoque 83) et ius leges ferendi de bonis recte vtendis, transferendis, et alienandis, (Lib. I. §. CCCXVII.) et 84) commercia tum foederibus firmandi, tum 85) certis legibus, prout e reipublica eſſe videtur, reſtringendi, quin et, 86) quae exportari e territorio, quaeque inuehi liceat, definiendi, 87) leges ſumtuarias ferendi, 88) opificia prouehendi, 89) agendique omnia, quibus effici poſſit, vt gliſcant opes ciuium, et reip. vſibus ſufficiant.

- *) Quo fundamento etiam nititur ius imperantium ſupremum, vt et tutores curatoresue conſtituere pupillis, minoribus, morbo aliquo ſontico laborantibus, furioſis, prodigis, abſentibus, feminis, deinde his adminiſtratoribus certas leges praefcribere, eos ad rationes reddendas adigere, et non ex fide gerentes remouere poſſint. Inter eſt enim reipublicae, rem horum hominum, qui ipſi ſuper eſſe rebus ſuis nequeunt, ſaluam eſſe. Vnde Plato de Legib. Lib. XI. pupillos non ad priuatorum, ſed publicam ciuitatis curam pertinere ſcribit eosque vocat *παράκλητα θήκην μεγίστην καὶ ἱερωτάτην*, *depoſitum maximum et ſacraſſimum* reipublicae.

cae. Quin ea re factum est, vt Germani iam inde ab antiquissimis temporibus ipsis imperantibus et magistratibus vindicarent supremam aliquam tutelam, de qua nos olim differere meminimus in exercitatione *de suprema principum et magistratuum tutela.*

§. CLXX.

Et talia quidem sunt iura, quae imperanti in statu reipublicae ordinario competunt. Quum vero dominium illud eminens potissimum sese exferat in statu extraordinario, vel vrgente necessitate: (CLXVIII.) consequens est, 90) vt imperanti fas sit, tempore belli priuatorum agros castris occupare, 91) iisdem munimenta operaque publica imponere, *l. 9. C. de oper. public.* 92) segetes pabulando colligere, 93) vias publicas nouas, deficientibus vetustioribus, per ciuium fundos munire, *l. 14. §. 1. D. quemadm. seru. amitt.* 94) aedes suburbanas, vbi Hannibal ante portas est, destruere, et quae sunt huius generis alia.

Nec non
in extra-
ordina-
rio.

§. CLXI.

Quandoquidem vero id fieri tantum potest, vrgente NECESSITATE, (§. CLXVIII.) necessarium vero est, sine quocumque reip. salus, quae suprema lex esse debet, (§. XXV, 78.) libertas, et securitas, salua esse non potest: merito inde colligimus, 95) hanc potestatem non solum sese exferere, si quando id extrema reipublicae *necessitas* exigit, verum etiam, 96) quoties id vere est reipublicae *utile*: maxime quum plerumque utilitas in necessitatem incidere soleat. V. A. Corn. van Bynkersh. *ibid.* p. 292.

Quando
dominio
illi sit lo-
cus?

Atta-

Attamen 97) ei iuri vix locus est, quando priuata tantum principis vtilitas in eo vertitur, si alicuius quaesitum auferatur, multo minus, 98) quando aliquid non necessitatis vtilitatisque, sed voluptatis causa, occupatur. Quin 99) hoc ipsum ius domini eminentis ita comparatum est, ut bonus princeps facile patiatur, eius fines regi, et illo non nisi modestissime uti velit. *) Bynkersh. *ibid.*

- *) Limitationes has merito adiunximus, ne hoc ius abeat in summam iniuriam. Hinc grauius Deum indignatum esse animaduertimus Achabo Regi, Nabotho extorturo vineam, tamquam palatio proximam, tantum ut eam in hortum olitorium conuerteret. *I. Reg. XXI, 2.* Nam et ad priuatum regis improbi commodum, et ad voluptatem magis, quam ad vtilitatem, pertinebat illa postulatio. Sed et Senatus Romanus litem secundum praetores, et contra M. Licinium Crassum, dare noluit, quum illi per huius fundum deriuare vellent aquaeductum, qui ornatus et voluptatis magis, quam vtilitatis, causam habere dicebatur. *Liu. XXXX, § 1.* Ita sane causam repraesentauit Marc. Zuer. Boxhorn. *Disquisit. polit. casu XXXI.* Et tamen laudatissimus Bynkershoek attulit diploma Guilielmi Arausiaci, quo magistratui Leidensi facta est potestas, areas priuatorum, soluto possessoribus pretio, occupandi, et quidem non modo necessarias, sed et, quae ad ornatum aedium academicarum, voluptatemque studiosorum facere videantur, (*tot cieraat derzelve, en de recreatiem der Studenten eenig sints dienlyk.*) Vbi tamen vir illustris prudenter addit: *Hac iuris publici prudentia ego non uterer, nec vsus est Senatus Romanus in causa Crassi, nec etiam vsus esset Augustus, de quo Sueton. Aug. Cap. LVI. Forum angustum fecit, non ausus extorquere possessoribus proximas domos.*

§. CLXXII.

Enimuero quum communis reipublicae onera communibus erogationibus ferenda esse, ipsa aequitas doceat: (§. CLXVIII.) consequens est, 100) vt vnus ciuis prae reliquis non sit onerandus, adeoque 101) ei, cui re sua communis salutis vtilitatisue causa carendum est, ex aerario vel arca publica satisfieri debeat, *) et, 102) si vel maxime id non in continenti fieri possit, id tamen postea suo iure exigant illi, qui re sua exciderunt, nisi forte 103) contra legem prohibitiuam aedificauerint, et aedificium illud, vel quaecumque opus, vrgente reipublicae vtilitate, destructum sit. Tunc enim tantum abest, vt pretii refusionem recte petant, vt et in poenam incidant, legibus expressam. V. A. Corn. van Bynkersh. *ibid.* p. 297.

Qua
condi-
tione il-
lo vti
possint
impe-
rantes?

- *) Agnoscunt hoc Grot. *de iure belli et pac.* II, 14, 7. Pufend. *iur. nat. et gent.* VIII, 5, 7. Huber. *de iure ciuit.* I, 3, 6, 44. et quicumque de hoc dominio paullo fufius egerunt, iuter quos palmam merito concedimus laudatissimo Corn. van Bynkersh. *ibid.* qui et Romanos id principium sequutos esse, probat ex Tacito *Annal.* I, 75. et *l. 9. C. de oper. publ.* Et sane pro eo eadem militat aequitatis ratio, quam pro lege Rhodia de iactu profert Paullus *l. 1. D. ad leg. Rhod. vt omnium contributione farciatur, quod pro omnibus datum est.*

§. CLXXIII.

Praeterea ex eadem definitione patet, 104) An illud ius hoc tantum exercendum esse circa ciuium et ad res bona, non 105) circa bona extraneorum, non extero- rum non hostium, apud nos reperta, adeoque 106) hostium proferrî possit?

Kk

vix

vix excusandos esse principes, qui amicarum etiam gentium rebus et mercibus manus iniiciunt, 107) dominos inuitos ad pecunias sibi credendas adigunt, 108) naues amicorum, in portubus suis repertas, sistunt, iisque ad traiciendas copias suas, vel com meatum auehendum, vtuntur. Quamuis hae angariationes, quas vocant, et frequentes sint, et eo colore excusentur, quod naues etiam alienae, in alterius principis imperio repertae, quodammodo subditae sint, *) eaeque angarientur ex recepta palam consuetudine, qua ciuitates et imperia continentur.

- *) Quo colore quum ne vti quidem possent Graeci, a Cyri expeditione reduces, eorum facinus tanto videtur iniquius, quamuis id improbare non videatur Grotius *de iure belli et pac.* II, 2, 10. Auctor militibus fuerat Xenophon, vti ipse testatur, *de expedit. Cyri* V, 1, 6. vt acceptis a Trapezuntiis nauibus longis, subducerent naues transeuntes, easque, detractis gubernaculis, custodirent, donec tantum habeant illorum numerum, vt iis vehi possint, ita tamen, vt ii, quos cum nauibus subducturi essent, communi impensa alerentur, quamdiu militum causa manserint, et mercedem pro vectura acciperent. Quod sane facinus quodammodo excusasset necessitas, si publicis auspiciis militassent. Iam vero vix vllam perspicere possum rationem, ob quam huiusmodi ius competere potuerit manui militum, qui, inuitis ciuitatibus suis, expeditionem cum Cyro fecerant, rebus potius praeclare gestis, quam iustitia causae memorabilem.

§. CLXXIII.

Quid fiscus et aerarium.

Haec de DOMINIO EMINENTE. Ad TRIBUTA ET VECTIGALIA quod attinet, reipublicae duplici-

pliciter interest, quam maximam pecuniae vim in promptu esse: primum vt non desit, vnde imperantes pro dignitate sustententur: deinde vt et belli et pacis temporibus suppetat pecunia, neruus rerum gerendarum, quo adeo opus est, vt sine eo fiat nihil, quo opus est. Itaque in rebus publicis duplex esse solet arca publica, in quam opes publicae influant, quarum altera pecuniam imperantium destinata sustentationi continens, FISCVS, altera, pecuniae publicae destinata, AERARIVM adpellatur, *) quam vtramque esse quam locupletissimam, reipublicae omnino interest.

- *) Merito haec discernimus, quamuis aliquando in monarchiis adeo sibi omnia vindicare soleant principes, vt inter FISCVM et AERARIVM vix discrimen aliquod deprehendas. Auctor sane est Dio Cass. *Hist. LIII. p. 506.* Augustum et pecuniam et milites in potestate habuisse, addita ratione: *Λόγῳ μιν γάρ τὰ δημόσια ἀπὸ τῶν ἐκείνῃ ἀπέκλειετο, ἐγὼ δὲ ταῦτα πρὸς τὴν γνώμην αὐτοῦ ἀνῆλθετο.* Nam licet pecunias suas dicis caussa ab aerario separatas haberet: re ipsa tamen bis quoque suo arbitrio utebatur. Sed quum hic non, quid fiat, dispiciamus, sed quid fieri oporteat: merito distinguimus vtramque arcam publicam, quam et in aristocratiis, aliisque rebus publicis, accurate discerni, animaduertimus.

§. CLXXV.

Quum ergo in FISCVM inferantur pecuniae, imperantium sustentationi destinatae: (§. CLXXIII.) aequum visum est gentibus plerisque, (109) non modo certa praedia, certosque terrarum tractus, assignari imperantibus, Quid ad locupletandum fiscum sit exco- gitatum?

e quorum redditibus dignitatem tuerentur, quae hodie vocant DOMANIA, vel DOMANIALIA, verum etiam 110) iisdem relinqui portoria aliaque vectigalia: at 111) praecipue omnia ἀδέσποτα, intra reipublicae territorium, cedere imperantibus (Lib. I. §. CCXXXIII. sequ.) Quam postremam fiscum locupletandi rationem eo magis placuisse animaduertimus plerisque gentibus, *) quo minore cum singulorum dispendio est coniuncta.

*) Maximae gentes originis Germanicæ, de quibus Grot. de iure belli et pac. II, 8, 5. Germaniae populi, quum principibus ac regibus bona quaedam essent adsignanda, unde dignitatem suam sustinerent, sapienter existimarunt, ab illis rebus incipiendum, quae sine damno cuiusquam tribui possunt, cuiusmodi sunt res omnes, quae in dominium nullius pervenerunt. Quo iure vsos et Aegyptios video. Nam et ibi Regum procurator, quem ἰδιον λόγον vocabant, vindicabat res eius generis. Enimuero quae de Aegyptiis refert Grotius, petita ex Strabon. Geogr. Lib. XVII. p. 1148. edit. nouiss. ea non tam ad Aegyptios, quam ad Romanos, Aegyptiorum dominos, pertinent. Ἰδιος enim λόγος non alius est, quam procurator Caesaris, vel rationalis, et de eo refert Strabo, αὐτὸν τῶν ἀδεσπότων καὶ τῶν εἰς Κίσαρα πίπτον ὀφελόντων ἐξετασθῆναι. illum in ea inquirere, quae in nullius dominio sint, et seorsum Caesari cedant, id est, in bona caduca et vacantia, ceu recte ad eum locum notauit Cafaubonus.

§. CLXXVI.

Iura bonorum domanialium. Quandoquidem ergo bona domanialia ad tuendam imperantium dignitatem sunt comparata: (§. CLXXV, 109.) facile intelligitur, 112) ea

112) ea esse inalienabilia, ac proinde 113) alienata a successore, siue vniuersali, siue singulari, posse reuocari, nec 114) quidquam interesse, siue pro parte, siue vniuersa ad alios priuatos translata sint, siquidem, quod nostrum non est, eius nec exiguam partem alienare possumus, vti recte ait Grot. *de iure belli et pac. II, 6, 11.* vbi tamen 115) alienationes illas, cum consensu populi factas, subsistere, *) et 116) fructus huius patrimonii ab ipso patrimonio distinguendos esse, recte monet.

*) Siue initio consenserit populus, siue alienationem postea demum ratam habuerit. Cuius rei exempla innumera vidit Germania nostra. Quum enim tam profusa fuerit veterum Imperatorum et regum liberalitas in bonis domanialibus maxime in ecclesiis transferendis, vt ex iis hodie vix quidquam supersit: nemo tamen dixerit, licere imperatori, ea vindicare, quum eas alienationes iam pridem ratas habuerint Imperii ordines. Immo quamuis Imperator promittere soleat, se Imperii iura et redditus recuperaturum, *Capitul. Caroli VI. art. X.* id tamen ita intelligendum esse, monent ii, qui ius publicum Imperii Romani Germanici exponunt, vt id saluis legibus publicis fiat. Et male res cessit plerisque, qui de recuperandis imperii solliciti fuerunt, imperatoribus et regibus, veluti Henrico V. Rudolpho I. Alberto I. et alijs. Conf. Schwederi *Diff. de domanio imperii.*

§. CLXXVII.

Quia praeterea et ἀδίσπολα imperantibus ad-
signare placuit: (§. CLXXV, 111.) non diffi-
cile erit, reddere rationem, 115) cur fiscus vbi-
que paene sua esse contendat ea, quae iure
Romano vel communia, vel publica habentur,
veluti 116) marium, quae territorium adluunt

Ius fisci
circa
ἀδίσ-
πολα

commoda, *) 117) flumina, 118) filuas maiores, adeoque 119) et iura piscandi, venandique, nec non 120) ius fodiendi mineralia et metalla, 121) bona vacantia occupandi, 122) gemmas et lapillos mari eiectiones colligendi, 123) adluuiones, 124) nouas insulas, 125) alueos derelictos, quin alicubi 126) et thesauros, 127) et erroneos ac spurios vindicandi. Tametsi haec omnia secundum vsus gentium aliter aliterque sese habere, recte obseruet Huber. *de iure ciu. II, 4, 4, 48. p. 468.*

*) Nota sunt, quae inter viros doctissimos Hug. Grotium, Io. Seldenum, Rob. Ionstonum, Petr. Baptistam Bur- gum, Guil. Welwodum, Io. Isaacum Pontanum, Theod. Grafwinckelium, et nouissime inter Pufendorfium, Huberum, Iac. Gothofredum, Io. Henr. Boeclerum, Corn. van Bynkershoek et Christ. Thomatum, aliosque de dominio maris disceptata sunt, quae iam repetere nihil attinet. Nos, uti mare nullius esse nemo negat, ita quin illud occupari possit, occupantique cedat, nulli dubitamus, (Lib. I. §. CCXXXI, 17.) maxime quum id et olim esse factum, et hodie fieri, ipsa nos conuincat experientia. At quum occupari non soleant res inexhausti vsus, nec earum vsu alios excludere fas sit: (Libr. I. §. CCXXXV, 9.) in mari vero quaedam sint exhausti vsus, veluti captura piscium maiorum, et vnionum, vectigalia, similiaque emolumenta: quaedam inexhausti vsus, veluti nauigatio: illis alios excludi posse, his non posse, merito statuimus. Multo magis ergo iis, qui certas terras transmarinas, tamquam suas, possident, licebit alios nauigatione, quam vel occupationis, vel commerciorum causa eo suscipiunt, excludere, nisi pactis et foederibus aliud cautum sit, quum vniciusque gentis in arbitrio sit positum, vtrum commercia cum extraneis permittere velit ciuibus, nec ne. At nauigatione, quae
ad

ad prouincias transmarinas, non nostras, commerciorum causa instituitur, non magis quis alios sine iniuria prohibere potest, quam vsu viae publicae, nisi nauigantibus obstant pacta et foedera. Talis est nostra de quaestione illa sententia, qui tamen suoque sensu abundare facile patimur, maxime quum de maris dominio armis potius et solida vi, quam verbis et argumentis, disceptari solet. Adeo verum est, quod cecinit Horat.

Carm. I, 3. v. 21.

*Necquidquam Deus abscondit
Prudens Oceano dissociabiles
Terras, si tamen impiae
Non tangenda rates transiliunt vada.
Audax omnia perpeti
Gens humana ruit per vetitum nefas.*

§. CLXXVIII.

Quum porro omnino intersit reipublicae, Alia fisci fisci esse quam locupletissimum: (§. iura. CLXXIII.) non mirum est, 128) et alia iura, quae ad quaestum, conseruationemque rerum pertinent, fisco concedi, in primis 129) ius cudendae monetae, 130) ius multas, 131) commissa, et 132) quaeuis scelere quaesita occupandi, et quae sunt huius generis alia, quae vulgo, licet parum commode, regalibus minoribus accensentur. (§. CXXXV. *) At hic quoque mores variant, prout quaeuis ciuitas plus minusue concedit imperantibus suis, vel hi plus minusue longo vsu sibi adrogarunt.

§. CLXXVIII.

Quod ad AERARIVM attinet, illud fere tributis et vectigalibus locupletatur, nisi tantum sit agri publici, vt eius fructibus respublica possit

Aera-
rium lo-
cuple-
tant tri-
buta et
vectiga-
lia.

fit sustineri. Quum enim (per §. CLXXIII.) imperantes nihil sine pecunia pace belloque recte gerant, Tacit. *Hist. IIII*, 74. et, non sufficiente agro publico, illa non aliunde, quam a ciuibus peti possit: consequens est, 133) vt rectores ciuitatum possint ciuibus imperare tributa et vectigalia, 134) siue soli, siue reliquorum ordinum consensu, prout id reipublicae forma exigit. 135) Vt ea possint imponere personis, fundis, mercibus importandis et exportandis, rebus fungibilibus, opificiis et commerciis, prout id commodissimum videtur, 136) dummodo et facultatum habeatur ratio, *) et 137) ciues non ita opprimantur, vt se tamquam seruos, omnia imperantibus, non sibi, adquirere, iure conquerantur.

*) Aequissimum hoc visum est Ser. Tullio, Romanorum regi, quem magnam eo ipso gratiam a populo iniisse nouimus, quod apud Dionys. Halic. *Antiqu. Rom. Lib. IIII*. p. 215. permissurum se negaret, pauperes tributorum grauatos onere, aes alienum contrahere cogi, ac proinde se potius censuram bona omnium, et pro suo quemque censu conferre iussurum, prout in magnis et bene institutis ciuitatibus fieri soleat, addita ratione: Δίκαιόν τε καὶ σύμφερον τῷ κοινῷ τὸ αὐτὸ ἡγῆμαι, τὰς μὲν πολλὰ κεκτημένους πολλὰ εἰσφέρειν, τὰς δ' ὀλίγα ἔχοντας, ὀλίγα. *Iustum enim existimo, et reipublicae utile, vt, qui multum possident, multum conferant, parum vero, qui sunt in re tenui.*

§. CLXXX.

Quid
circa illa
iustum
sit?

Quod si ergo in imperandis tributis et vectigalibus facultatum habenda est ratio, nec ciues his oneribus sunt plane opprimendi; (§. CLXXVIII,

CLXXVIII,

CLXXVIII, 136. sequ.) per se profecto patet, 138) non exigi debere, quod a ciuibus praestari nequit, nec 139) eos pacis temporibus ita eneruandos esse, vt in retrepida nihil conferre possint: praeterea 140) nemini temere concedendam esse immunitatem, nisi tanti sit eius opera, vt haec pars publici oneris illa facile pensetur. Denique 141) collatitiam istam pecuniam et sine nimia acerbitate colligendam, et 142) bona fide administrandam, et 143) iis rebus, quibus destinata est, impendendam esse, vel ipse finis, ad quem comparata est haec collatio, satis ostendit.

§. CLXXXI.

Porro inter iura maiestatis immanentia etiam est IUS ADMINISTROS ET MAGISTRATVS CONSTITVENDI. (§. CXXXVI.) Vbi per ADMINISTROS intelligimus, qui partem reipublicae, sibi creditam, nomine imperantium administrant: per MAGISTRATVS, qui illam partem, nomine proprio, at dependenter a summo imperante, administrant. Quum ergo et administri vice imperantium; et magistratus dependenter ab iis rempublicam capeffant: consequens est, 144) vt ii a solo imperante constituendi sint, 145) nisi hic vel aliis eligendi praesentandiue, vel 146) integro collegio cooptandi ius dederit. 147) Vt eidem obligentur speciatim, ac proinde 148) illi et rationes reddere teneantur, et 149) si male fungantur munere, ab eo dignitate merito priuentur, quin et 150) poenas dent, pro eo, ac merentur, si doli culpaue maioris rei sint. *)

Ius principis constituendi ministros et magistratus.

*) Non vero puniendum consilium non fraudulentum, quod euentus destituit, quum hunc nemo praestet. Nec poenam meretur, qui principis sui aut reipublicae mandatum exsequutus est, si illud in se iustitiae, aut bonis moribus, non repugnat. Conf. V. A. Corn. van Bynkershoek *Quaest. iur. publ.* II, 2. p. 196. *sequ.* Barbarus ergo mos fuit Poenorum, praestantissimos duces mittentium in crucem, si quid praeter animi sententiam accidisset. Nec minus detestabilis est Turcarum aliarumque gentium orientalium consuetudo, qui et ipsi consilium ex euentu aestimantes, capitis damnant omnes, quorum consilium caruit euentu. Quin non modo iusti regulis refragatur haec truculentia, verum etiam prudentiae. Si quis, inquit vir laudatissimus, *rebus in arduis consilium desideret: plures sunt, qui dare possunt, sed nemo vnus euentum praestiterit; si et hunc exigas, equis erit, qui consilio suo tibi adesse velit? vel duo, vel nemo.*

§. CLXXXII.

Officia
impe-
rantium
et ipso-
rum mi-
nistro-
rum et
magi-
stra-
tuum.

Quemadmodum vero administris aequae, ac magistratibus, pars aliqua reipublicae creditur: (§. CLXXXI.) ita 151) et principis erit virtus maxima, nosse suos, et dare operam, vt non nisi idoneos munerique pares eligat: 152) ciuium contra, non ambire munera, quibus sese impares esse intelligunt, multoque minus 153) ea largitionibus aliisque turpissimis artibus aucupari, nisi 154) ipsis imperantibus e reipublica videatur, vt et officia sint in commercio. Praeterea res ipsa docet, 155) quemlibet administrum et magistratum omnem fidem ac diligentiam praestare, et reipublicae salutem sibi supremam legem ducere debere: tantoque magis 156) in eam curam incumbere decere admi-

administram summum ac primarium, cuius humeris imperans vniuersam reipublicae molem imposuit. *)

*) Vocari hi solent MINISTRISIMI, et de iis quaeri solet, primum an e republica sit, vniuersae reipublicae curam vni demandari? deinde, an id saluo iure fieri possit? Prior quaestio ad prudentiae ciuilibus scriptores pertinet, inter quos hic legi merentur Hert. *Elem. prud. ciu. I, 10, 11.* nec non Guil. Schroeteri et Iac. Thomasi singulares de eo argumento dissertationes. De posteriore facile transigent, qui iuris gentium principia paullo accuratius expendierint. Quum enim nihil veter, quo minus aliis mandemus id, cui ipsi nos non sufficere animaduertimus: quidni et princeps vices suas aliis mandet, maxime quum aetas, imperii magnitudo, aliaeque iustae causae, eum ad id faciendum impellere possint? Et si in se iniustum non est, tutiorum esse aliquod regnum, quando rex per aetatem illud capessere nondum potest: cur iniustum sit, illud administro summo demandari? Attamen iniuste ageret princeps, si ideo constitueret talem administrum, vt genio tantum indulgeat, nullamque reip. curam animum subire patiatur, quum illo tamquam administro vti, non ipsum imperium in eum transferre, debeat. Praeclare hoc mihi videntur vidisse Persae, dum primarios rerum administrum eleganter τὸς βασιλέως ὀφθαλμοῖς, καὶ τὰ βασιλέως ᾠτα, et oculos et aures Regis adpellarunt, teste Xenoph. *Cyropaed. VIII, 2, 7. p. 483.* de quibus plura Barn. Brissón. *de regno Pers.* Lib. I. §. CLXXX. p. 264.

§. CLXXXIII.

Inter praecipua quoque maiestatis iura, quae summus imperans intra rempublicam exercet, est etiam IUS CIRCA SACRA, seu circa ECCLESIAM particularem, per quam hic intelligimus societatem seu collegium, religionis gratia initum.

Quum

Ius circa sacra imperantibus competens.

Quum itaque omnia collegia et societates simpliciores magis compositis ita sint subordinata, ut nihil, quod maiori illi societati manifesto refragetur, agere, salva iustitia, possint: (§. XXIII, 66.) consequens est, 157) ut et ecclesiam subordinatam esse oporteat reipublicae: adeoque 158) imperanti etiam competere debeat ius dirigendi res ecclesiae. *) Quod et inde solide probatur, quod reipublicae unam esse voluntatem oporteat. (§. CXV, 50.) talis vero non esset futura, si ecclesia particularis non subesset imperio, sed singuli, alias imperio subiecti, eo ipso, dum in hanc societatem coalescunt collegium liberum, et a summo imperante independens, constituere possent. Accedit, quod quum ea omnia iura cum maiestate coniuncta sint, sine quibus securitas civium obtineri non posset, (§. CXXXV. 29.) experientia vero doceat, securitatem hanc, tum internam, tum externam, vel maxime turbasse homines obtentu religionis: quis principi denegat ius sacra ita moderandi, ne quid respublica detrimenti capiat?

*) Itaque hoc ius competit imperanti, qua imperanti, non qua episcopo, quod vulgo statuunt, quorum somnium erudite profligavit illustris collega, Iust. Henn. Boehmer. *diff. de iure episcopali Principum euangel.* Ac proinde otiosa fere est quaestio de episcopatu, quem Constantinus M. apud Eusebium in *vita III*, 24 in coniuiali sermone sibi tribuit, τῶν ἑξω τῆς ἐκκλησίας eorum, quae extra ecclesiam contingunt, quemadmodum sacerdotes sint episcopi τῶν ἑσω. Nec magis rem acu tangunt, qui illud ius circa sacra imperanti, vel tamquam primario ecclesiae membro, vel ex sola conventionione

tione vindicant: quorum prius a Iaegeo *de iure suprem. potest. circa sacra Cap. III. p. 44. sequ.* factum nouimus. Quum enim ius sit maiestatis: non alio titulo indigebit imperans, quo fretus illud exerceat, quam summi imperantis, vnde et ipsi Romani, *ius publicum etiam in sacris et sacerdotibus consistere*, iam pridem monuerunt. l. 1. §. 2. D. de inst. et iur.

§. CLXXXIII.

Religio, ob quam homines in societatem illam, quam ecclesiam vocamus, coalescunt, (§. CLXXXIII.) duobus, constat capitibus: priore, vt rectas de Deo habeamus sententias: (Lib. I. §. CXXVII, 16.) posteriore, vt eundem perfectissimo amore prosequamur. (ibid. §. CXXX. sequ.) Inde facile patet, (159.) circa prius caput nihil potestatis competere summo imperanti, quum intellectus cogi nequeat: (Lib. I. §. CXXVIII, *) adeoque 160) eo vsque non porrigendum esse illud ius, vt imperans ciuibus novos fidei articulos imperare, veteresque proscribere, id est, 161) ipsis conscientis iugum imponere possit: *) quamuis, 162) vt illa, quae rationi et reuelationi consentanea esse credit ecclesia, recte doceantur, et potius ad pietatem adplicentur, quam 163) in ferales lites et iurgia conuertantur, nec non 164) vt ne huiusmodi lites in reipublicae ecclesiaeque detrimentum euadant, omnino curare debeat.

An illud
se exfe-
rat circa
articu-
los fidei?

*) Procul dubio ergo proscribendum est Machiaueli et Hobbessii dogma pestilentissimum, quo ipsa religio et conscientia imperantium arbitrio subiicitur, (§. CXXXI.) Vt enim non vrgeamus, quod paullo ante diximus, intellectum, vtpote necessa-
riam

riam potentiam, coactionem non admittere, eique non magis imperari posse, vt, quod non credit, credat, quam oculo, vt, quod non videt, videat: quis non videt, quantam lanienam excitatura sint haec principia, si Nero aliquis, aut Domitianus, aut Diocletianus, rerum potiat, qui sibi persuadeat, religionem Christianam minus prodesse reip. quam paganam, aut Mahumedanam, aut qui aliam plane nouam comminiscatur? Immo quis non videt, eam doctrinam, insuper habito vero religionis fine, eam in instrumentum dominationis conuertere?

§. CLXXXV.

An circa
cultum
Dei in-
ternum?

Quod vero ad cultum diuinum attinet, illum supra vel INTERNVM, vel EXTERNVM esse, obseruauimus. INTERNVS quum ex ipsis Dei attributis, adeoque ex recta ratione, prono alueo fluat, (Lib. I. §. CXXX. sequ.) ita comparatus est, 165) vt in eum nihil vlli mortalium liceat, (Lib. I. §. XVII, 32. seq.) ac proinde, 166) ne imperans quidem illum vel mutare legibus, vel abrogare possit: quamuis, 167) quum omnes homines ad gloriam summi numinis pro viri- ti prouehendam obstricti sint, (Lib. I. §. CXXVIII, 31.) nec principi denegandum sit ius et officium curandi, vt ciues praeclara illa doctrina de interno Dei cultu imbuantur, errantes reducantur in viam, impii, quoad eius fieri potest, ad concipiendam summi Numinis reuerentiam solidis demonstrationibus et cohortationibus excitentur, immo et 168) dandi operam, ne vel atheismus vel superstitio gliscat in republica.

§. CLXXXVI

§. CLXXXVI.

EXTERNVS cultus in actionibus externis, partim ex amore, timore, ac fiducia erga Deum profectis, (Lib. I. §. CXXXV.) partim in actionibus arbitrariis, (ibid. §. CXXXVIII, 58.) consistit. Priorum eadem est ratio, ac cultus interni, (§. CLXXXV, 165 sequ.) adeoque 169) in eum sibi nihil potestatis arrogabit bonus princeps: praeterquam 170) quod eum pro virili prouehere studebit. *) Posteriores, 171) quum a ratione nec improbentur, nec praescribantur, (Lib. I. §. CXXXVIII, 61.) omnino subiectae sunt imperantium arbitrio, adeoque 171) ea omnia his circa illas licita sunt, quae nec rationi, nec reuelationi refragantur.

An circa
exter-
num?

*) Hinc princeps non potest prohibere, quo minus homines de Deo colloquantur, eundem hymnis celebrent, preces ad eundem fundant, cetera: at potest praescribere, quo ordine, quoque ratione id publice fieri debeat. Hinc absurda erat lex Darii, Medi, ne quis intra triginta dies aliquid petere audeat siue a Deo, siue ab hominibus: *Dan. IV, 7.* at non absurda cura Dauidis, aliorumque piorum regum, ita instituentium cultum externum, vt nec hymnis carerent, nec eos cum grauitate decantandi rationem ignorarent.

§. CLXXXVII.

Quum ergo circa actus cultus diuini externi arbitrarios omnia licita sint imperantibus, quae nec rectae rationi, nec reuelationi refragantur: (§. CLXXXVI, 171.) consequens est, 172) vt principi competat ius reformandi eatenus, vt ritus arbitrarios in melius formare,

Iuris cir-
ca sacra
praeci-
pua ca-
pira.

mare, et abusus, vere tales, tollere possit, quatenus ei leges publicae vel conuentiones non obstant: 173) ius publicandi emendandique leges ecclesiasticas: 174) episcopos ecclesiaeque ministro^s constituendi, et minus idoneos dimittendi: 175) ius curam gerendi bonorum ecclesiasticorum, operamque dandi, ut suis visibus adhibeantur: 176) iurisdictio ecclesiastica circa personas, res, et causas ecclesiasticas, 177) ius indicendi dirigendique concilia et synodos: *) 178) ius coetus dissentientium vel recipiendi, vel ob causas praegnantis iis sine iniuria imperandi emigrationem.

- *) Possunt hae indici ob varias causas: veluti, ut dogmata ab aliis in dubium vocata, nouis decretis et symbolis stabiliantur: deinde ut patres de ritibus adia-phoris consulant in medium: demum, ut quae ad disciplinam pertinent, communi consilio sanciantur. Primi generis synodi omnino naturae ac indoli religionis aduersantur, primo quod non semper verum est, quod pluribus videtur, et in rebus, ad intellectum pertinentibus, vincere non possit suffragiorum numerus, sed pondus et robur argumentorum: deinde, quod decreta illa, formulae, et symbola, publica auctoritatis, adeoque per modum legis, obtruduntur membris ecclesiae, quum tamen leges intellectui ferre nemo possit: denique, quod plerumque pars vna sibi iudicum partes adrogat in alteram, adeoque iudicat in propria causa, ac proinde fieri facile potest, ut vulnera ecclesiae non sanentur, sed potius noua infligantur. Quod adeo firmat experientia, ut iam pridem fassus sit Gregorius Nazianzenus *Epist. LV. ad Procopium*: nullam se conciliorum exitum felicem, (*χρησὸν*,) deprehendisse, et habuisse illa potius προσθήκην καλῶν, ἢ μύσιν, i. e. malum potius iis exasperatum, quam imminutum esse. Reliquae synodi possunt eae quidem ali-

aliquando vtilis esse ecclesiae: sed tunc, quia ecclesia non gaudet potestate legislativa, decreta non obligabunt, nisi accedat summorum imperantium directio et auctoritas.

§. CLXXXVIII.

Ecclesiae aequae, ac ministrorum et magistratuum, quin et aliorum bonorum civium seminaria sunt SCHOLAE atque ACADEMIAE, quippe quarum iste finis est, ut iuvenes ad omnes honestas artes, quibus aliquando illis in variis vitae generibus opus futurum est, nec non ad probitatem, moresque elegantes, solide instituantur. Ex quo fine consequitur, 179) ut principis sit, huiusmodi lycea instituere, 180) ea bonis legibus ornare, 181) cathedris viros, solide doctos, diligentes, munerique suo pares praeficere, 182) dare porro operam, ne doctrinae reip. noxiae inculcentur, 183) disciplinae curam gerere, et 184) prudenter cavere, ne turbulenta ingenia lites ex litibus ferant, *) idemque contingat in academiis, quod de Megaricorum schola dicere solebat Diogenes, eam esse *ἡ σχολή, ἀλλὰ χολή*, non *scholam*, sed *meram bilem*. Diog. Laert. VI, 24.

Ius imperantium circa scholas et academias.

- *) Dici non potest, quanto cum studiorum ipsiusque reip. detrimento coniuncta sint bella illa scholastica. Plerumque enim ea movent homines insulsi et inertissimi, quibus aliorum doctrina et industria est fudes in oculis. Hi enim quo doctiores sunt, eo magis ab illis litibus abhorrent. Res deinde geritur calumniis, conviciis, insidiis, accusationibus, quibus id se consequuturos esse sperant, ut vel opprimant hostem, vel eum suspectum reddant auditoribus. Hinc porro evenit, ut doctores bonas horas, quas auditorum studiis consecra-

re debebant, scribendis libellis eristicis impendant, vt auditores quoque, saepe totius controuersiae ignaros, trahant in partes, et sic in sectas abeat ille litigandi pruritus, aliquando etiam in pugnas et verbera. Quae omnia quam facile euertere possint scholas etiam florentissimas, nemo est, quin intelligat.

§. CLXXXVIII.

Ius eo-
rumdem
circa
com-
mercia. Supereft ius imperantium CIRCA COMMERCIA. (§. CXXXVI, 38.) Quum enim sine illis subsistere vix possit genus humanum, nedum respublica: (Lib. I. §. CCCXXV, 4) facile patet, 184) in eam quoque curam incumbere debere rectores reip. vt et floreat commercia, et 185) recte omnia circa illa fiant. Et quandoquidem iis iura omnia competunt, sine quibus finem obtinere non possunt: (§. CXXXV, 29) consequens est, 186) vt possint illi leges de commerciis, opificiis, exportandis importandisque, expungendis accurate nominibus, re quoque monetaria, ferre, 187) negotiis instantes priuilegiis ornare, 188) mercatoribus peregre negotiantibus foederibus armisque securitatem praestare: 189) societates mercatorum maiores munire priuilegiis, et 190) generatim ea omnia agere, quibus foedera et pacta, cum aliis principibus rebusque publicis inita, non refragantur *)

*) Totum hunc paragraphum mirifice illustrabunt binae dissertationes, altera Io. Fridr. L. B. Bachouii ab *Echt de eo quod iustum est circa commercia inter gentes*, quae prodijt lenae MDCCXXX. altera viri celeberrimi, Io. Iac. Mascouii *de foederibus commerciorum* Lipsiae MDCCXXXV. Quibuscum si iunxeris scripta eristica, quibus de controuersia, inter Batunos et Belgas, augustae domui Austriacae sub-

subiectos, de societate mercatoria Ostendens discēptatum, in primis *la Refutation des argumens, avancés de la part de Mrs les Directeurs des Compagnies d'orient et d'occident des provinces unies contre la liberté du commerce des habitans des Pais-bas.* Hagae MDCCXXIII. et V. C. Io. Barbeyrac *Defense du Droit de la compagnie Hollandoise des Indes orientales contre les nouvelles pretensions des Habitans des Pays-bas Autrichiens* nihil erit, quod huiusmodi de quaestionibus possis magnopere desiderare.

CAP. VIII.

DE IVRIBVS MAIESTATIS TRANSEVNTIBVS.

§. CLXXX.

QVia omne imperium est summum atque ἀντίεθνον (§. CXXVIII.) sequitur, ut et plura imperia vel respublicae nemini mortalium subiecta sint. (§. eod.) Quumque, qui in communi societate civili non viuunt, in statu naturali viuere dicantur: (§. III, 3.) consequitur sane, 1) ut imperia et respublicae inter se inuicem viuant in statu naturali, adeoque 2) in statu aequalitatis, et libertatis. (§. V. sequ.) Et quia porro in hoc statu laesis nullum, nisi in se ipsis, praesidium esse potest, ac proinde unicuique ius est, vim omnem atque iniuriam a se propulsandi, idque, quod alter iure perfecto debet, vi extorquendi: (§. X, 24. sequ.) nemo non videt, 3) cuius imperio ac reipublicae IUS BELLII omnino competere. *)

Bellum
gerere
omnino
licitum.

*) Potest id et aliunde luculenter probari. Ipsa enim natura non modo hominibus, et brutis ani-

mantibus indidit cupiditatem, se suaque vi tuendi, sed et haec armis quibusdam ad vim propulsandam instruxit. Horat. *Serm. II, 1. v. 50.*

Vt, quo quisque valet, suspectos terreat; utque Imperet hoc natura potens, sic collige mecum. Dente lupus; cornu taurus petit. Vnde, nisi intus Monstratum?

Qualia veterum testimonia complura collegit Grot. *de iure belli et pac. I, 2, 1, 4.* Deinde quum ipsis, qui in societate civili viuunt, priuatis ideo ius sit, se suaque vi tuendi, quod ipsis in promptu non est aliud praesidium: (Lib. I. §. CLXXXI, 18.) multo magis id licebit populo libero, quum in statu naturali nullus sit communis laedentis et laesi magistratus, a quo defendi possit. (ibid. §. CLXXXIII.) Plura iuri bellandi argumenta ex scriptura sacra opposuerunt veteris ecclesiae patres, vti Tertull. *de idolol. Cap. XVIII. et de coron. milit. Cap. XI.* Origen. *Lib. VIII. adu. Celsum p. 425.* Erasmus in *Militie Christiano*, et *Adagior. Chil. III. Cent. I. adag. I.* nec non postea anabaptistae, de quibus Arnoldus in *Hist. eccles. et haeret. Part. II. Libro XVI. Cap. XXI. n. XXVIII.* Sed horum argumenta suo more profigurarunt Grotius *ibid. §. V. sequ.* et Huber. *de iure ciu. III, 4, 4, 6. sequ.*

§. CLXXXI.

Quid bellum? Per BELLVM vero intelligimus statum liberarum gentium vel hominum, in statu naturali viuentium, iuris sui persequendi causa vi doloque concertantium, propositumue concertandi retinentium. *) Ex qua definitione patet, 4) bellum non in ipso tantum certandi actu, sed et in hostili statu certandique proposito consistere, adeoque 5) et inducias non ad pacis, sed ad belli, statum esse referendas: 6) non belli vero, sed tumultus, vel vis publicae priuataeue, nomine venire concertationem hominum,

num, qui non suae potestatis, sed sub imperio sunt.

- *) Ita definire visum est bellum, quamuis alii definiant aliter. Ciceroni *de Offic. I, 11.* omnis certatio per vim est bellum. At Grotius *de iure belli et pac. I, 1, 2, 1.* obseruans, vsu obtinuissè, vt non actus, sed status, belli nomine veniat, eam Ciceronis definitionem ita emendat, vt bellum vocet *statum per vim certantium, qua tales sunt.* Sed quum haec definitio aequè in tumultum vel vim publicam priuatamque, ac in bellum, cadat: paullo melior est illa Alberici Gentilis *de iure belli I, 2.* cui bellum est *publicorum armorum iusta contentio*, omnium optima vero ea, quam dedit V.A. Corn. van Bynkersh. *Quaest. iur. publ. I, 1: Bellum est eorum, qui suae potestatis sunt, iuris sui persequendi ergo, concertatio per vim vel dolum*, quam, quod ad sensum attinet, totam retinuimus.

§. CLXXXII.

Quum ergo bellum gerant liberae tantum Cui
gentes, iique homines, qui in statu naturali competat ius
viuunt: (§. CLXXXI.) consequens est, 7) vt belli, et
ius belli posteriore casu sit promiscue omnibus, in quo
quippe inter se aequalibus; (§. V. et X.) 8) priore consti-
stat?
non nisi summis imperantibus: (§. CXXXVII,
41.) adeoque horum sit 9) milites legere, vel
conducere, *) 10) vrbes et castra munire, 11)
aerarium militare pecunia; 12) armamentaria
tormentis et armis; 13) granaria commeatu,
14) naualia nauibus replere; 15) bellum decer-
nere, 16) milites hosti, etiam cum summo pe-
riculo, opponere, 17) leges de disciplina mili-
tari ferre, et similia. Quum enim finis et huius
iuris sit securitas externa, (§. CXXXVII.) et
imperantibus omnia iura competant, sine qui-

bus finis obtineri non posset: (§. CXXXV, 29.) iura haec omnia cum iure belli coniuncta esse oportere, facile vnusquisque intelligit.

*) Notum est, MILITIAM aliam LECTAM esse, quando vnusquisque ciuis patriae militat, qualis olim Graecis ciuitatibus, ipsisque Romanis, libera adhuc ciuitate, placebat, hodieque placet Heluetiis: aliam MERCENARIAM, quando miles, etiam extraneus, certa mercede conducitur, quam Augustus ex politicis rationibus lectae praeferebat, consilio Meaenatis apud Dionem Cass. *Hist. Lib. LII. p. 482.* et quam hodie probant monarchae omnes, quibus non adductius est imperium: aliam denique SOCIAM, quando respublicae foederatae vel clientelares certum copiarum numerum submittere tenentur, qualia olim erant Latinorum auxilia, Romanis submittenda: de quibus militiae generibus legenda Herm. Conringii *dissertatio singularis.* De mercenaria incidit quotidiana quaestio, an fas sit principi amico in imperio populi amici militem conducere? Quod adfirmandum esse, nisi obstat interdictum speciale, et nisi conductitii illi iam patriae sacramentum dixerint, erudite nuper defendit V. A. Corn. van Bynkersh. *Quaest. iur. publ. I, 22.*

§. CLXXXIII.

An et
magi-
stratus
bellum
inferre
possit?

Ex eadem belli definitione (§. CLXXXI.) fatis perspicuum est, 18) bellum decernere non posse magistratum, prouinciae cuidam vel munimento praefectum, quamuis 19) eum urbem prouinciamque, cui praest, in repentino tumultu, etiam sine iussu speciali, aduersus quemcumque adgressorem defendere debere, nemo dubitet. Immo et contingere potest, 20) vt prouincia quaedam tam sit diffita a republica, vt praeses non nisi tardius de imminente periculo certiores facere possit imperantes. Quo
calu

casu, si ius decernendi bellum generali mandato praesidi datum est, hunc recte etiam iniussu superiorum bellum gerere, extra omnem dubitationis aleam positum videtur.*)

*) Hinc iniustum erat bellum, quo Cn. Manlius Gallograecos adgrediebatur. Ob quam causam etiam triumphum illi negatum esse, refert Liu. XXXVIII, 45, addita ratione, *quod quum nullam ibi causam belli inueniret, quiescentibus regis, circumegerit exercitum ad Gallograecos, cui nationi non ex Senatus auctoritate, nec populi iussu, bellum ab eo inlatum, quod quem vmquam de sua sententia facere ausum?* Praeterea notum est, parum abfuisse, quin Senatus Germanis dedendum censeret Iulium Caesarem, quod iniussu populi illis bellum intulisset. Sueton. *Iul. Cap. XXIII*. At, qui ab Hispanis, Lusitanis, Belgis, cum summa potestate in prouincias Indicas et Americanas mittuntur, ii fere cum liberrima facultate belli pacisque mitti solent, adeoque saepe contingit, vt prius de confecto, quam de inchoato bello, nuncius domum perueniat.

§. CLXXXIII.

Praeterea ex hac definitione discimus, 21) An prius iniustum esse omne singulare certamen, nisi uatis sic iussu summorum imperantium initum: *) ad ius belli? eoque 22) distinctionem Grotii inter bellum PVBLCVM et PRIVATVM otiosam esse, nec verae belli definitioni quadrare. 23) Multo minus iusti belli nomen mereri illud, quod ciues inter se, vel cum ipsa republica gerunt, quodque vulgo BELLII CIVILIS nomine venit. Denique et 24) vim, quam piratae et praedones veluti vniuerso generi humano inferunt, non bellum esse, sed funestissimum latrocinium, adeoque 25) hos omnes homines non iuribus belli perfrui, sed

26) tamquam securitatis publicae turbatores puniri debere.

*) Tale enim singulare certamen est BELLVM REPRAESENTATIVVM, quo veteres utebantur, dum selectos quosdam ex utroque exercitu homines committabant, stipulati sibi imperium in hostes, si victoria penes suos steterisset. Complura huius generis exempla suppeditant veteres annales, quae iam collegerunt Grot. *de iure belli et pac. III. 20, 43. sequ.* qui tamen, iniqua esse illa certamina, existimat, quia nemo sit vitae membrorumque suorum dominus. Sed quum imperanti liceat, totos exercitus opponere hosti: quidni et vnum vel paucos? Alia est quaestio, an civilis prudentiae regulis consentanea sint bella haec repraesentatiua? De eo enim vel ideo licebit dubitare, quod ita aleae exponitur vniuersa respublica, nec viribus reliquis nouam fortunam experiri licet, ceu malo suo experti sunt Albani apud Dionys. Halicarnass. *Antiqu. Lib. III.*

§. CLXXXV.

Causae
belli iu-
stificae.

Deinde quum iuris sui persequendi causa bellum gerant gentes liberae: (§. CLXXXI.) consequens est, 27) vt non nisi duae sint CAUSAE BELLI IUSTIFICAE: altera, si quis populus extraneus populum alterum iniuste laedat, vitaeque, libertate, et opibus spoliare velit; altera, si ius perfectum deneget. *) 28) Vt prior sit iusta causa belli DEFENSIVI; posterior OFFENSIVI, adeoque 29) tertia causa, quam commentus est Grotius *de iure belli et pac. II, 1, 2, 1.* punitiō nimirum scelerum, eo minus videatur admittenda, quo magis constat, parem a pari, adeoque gentem a gente, puniri non posse. * (§. CLVIII, 37.)

*) Nec

*) Nec aliud euincit ratio Grotii *ibid.* n. 1. Ac plane, quot actionum forensium sunt fontes, totidem sunt belli: nam ubi iudicia deficiunt, incipit bellum. Dantur autem actiones aut ob iniuriam non factam, aut ob factam. Ob non factam, ut, qua petitur cautio de non offendendo, item damni infecti, et interdicta alia, ne vis fiat. Ob factam, ut aut repareretur, aut ut puniatur, quos duos obligationum fontes recte distinguit Plato, nono de legibus. Quod reparandum venit, aut spectat id, quod nostrum est, vel fuit, unde vindicationes et conditiones quaedam, aut id, quod nobis debetur, siue ex pactione, siue ex maleficio, siue ex lege, quo referenda, quae quasi ex contractu et quasi maleficio dicuntur, ex quibus capitibus nascuntur conditiones ceterae. Factum, ut puniendum, parit accusationem et iudicia publica, Haftenus Grotius. Sed quemadmodum a statu naturali ad ciuilem vix licet ducere argumentum: ita non magis illud procedit, si quis statum naturalem ex ciuili aestimare velit. Gens delicto suo aut gentem laedit, aut non laedit, e. g. si idola colat, carne humana vescatur. Priore casu gens laesa delinquentem iusto ac pio bello adgreditur, non tamen *punitiuo*, sed *defensiuo*. Posteriore nullum plane ius est belli gerendi, quia punire delinquentem non potest, nili superior.

§. CLXXXVI.

Quemadmodum vero iuris tantum perfecti denegatio iustam belli causam praebet: (§. CLXXXV, 27.) ita sua sponte inde sequitur, 30) ut, ob ius imperfectum vel officium humanitatis denegatum, arma corripere non liceat, (§. X, 26.) adeoque 31) non sint hae iustae belli causae, si quis alterius exercitui transitum neget, nouas sedes quaerentes nolit admittere, commerciorum libertatem petentibus det repulsam, belligerantibus hospitia, comneatum, L15 pecu-

An iure
geratur
bellum
ob dene-
gatum
ius im-
perfectum?

pecuniam sufficere nolit, nisi 32) talia vel ex pacto antecedente, vel 33) in extrema necessitate, petantur, vel ita sint innoxia, vt sine omni detrimento praestari possint. * (§. X, 27. sequ.) Talium enim denegatio omnino in laesionem incidit, ac proinde bello defensionis causam suppeditat iustissimam. (§. CLXXXV, 28.)

*) Id raro contingit. Periculum enim vel ab ipso transeunte imminet, vel ab hoste, qui victoria potitus, malam gratiam referet vicino, qui transitum concessit. Si tamen vere innoxius sit transitus, quem quis petit, isque tam necessarius, vt alia via non pateat: is omnino laedere videtur, qui iter facientibus resistit. Et huc referimus bellum ab Israelitis iussu Dei gestum. *Num. XXI, 21. 22.* At Idumaeos ob eandem causam bello non petierunt. *Num. XX, 21.* siue quod non aequè innoxius futurus fuisset ille transitus, siue quod non aequè videretur necessarius, quum alia via Kadefum pateret.

§. CLXXXVII.

An recte
geratur
pro aliis?

Quum vero aliquando perinde sit, siue nos ipsi laedamur, siue per latus alterius petamur, itemque siue nobis ius perfectum denegetur, siue aliis, quibus vel ex pacto, vel nostrum causa ad opem ferendam obstricti sumus: recte inde colligimus, 34) posse etiam pro aliis sociis et foederatis bellum geri, immo et 35) pro vicinis, si certis argumentis, aut non leuibus certe indiciis, constet, illorum ruinis et nos oppressum iri. Quis enim vitio vertat vicino, properanti ad restringendum incendium, dum proximus ardet Vcalegon? Quis non verissimum putet illud vetus: *Tunc tua res agitur.*

tur, paries quum proximus ardet? At, quum ne pro nobis ipsis quidem iustum bellum geramus, nisi iusta belli causa sit: (§. CLXXXV, 27.) 36) multo minus sanctum piumpue erit bellum, quando aliorum causae iniustae patrocinium suscipimus.

§. CLXXXVIII.

Ceterum quamuis hae causae facile discernantur a coloribus, quibuset ii, qui iniustissima bella suscipiunt, vtuntur: his tamen plerumque plus, quam illis, deferunt homines, qui utilitatis potius suae, quam iustitiae, habent rationem. Quandoquidem tamen solae, quas supra adduximus, (§. CLXXXV.) belli causae pro iustis habendae sunt: facile patet, 37) iniusta contra esse bella, quae vel sola inuitante occasione, vicino quippe imparato, vel 38) ob utilitatem quamdam insignem, vel 39) ob gloriam rerum gerendarum, 40) parandumque amplissimum imperium, vel 41) odio religionis, sine alia iusta causa, suscipiuntur. *)

Soli colores non iustificanc bellum.

*) Et nescio sane, an non iure huc referri possint bella ista cruentissima, quibus medio aevo Mahumedanios lacescebant Christiani, quibusque postea Americanos, gentem imbellem, et Europaeis nulla iniuria cognitam, opprimere Hispani non dubitabant. Illis sanc non quidquam praetexebatur aliud, quam quod loca sacra, et Hierosolyma imprimis, illi homines, a Christiana pietate alieni, iniuste possiderent, interessetque Christianae religionis, eam hoc modo conseruari ac propagari. His, quod idololatria, immo daemonolatria, sese polluisent gentes impiae. Sed quum religionem Christianam armis propagare, locaque,

quae

quae sacra tantum videntur hominibus, bello vindicare, nec ratio nec reuelatio iubeat: et praeterea omnia bella, poenae causa indicta, iniusta sint: (§. CLXXXV. 29.) haec quoque bella iniustissima fuisse, statuendum est. Vnde recte Herm. Conringius *ad Lampad. pag. 242.* *Quantumuis interea temporis quamplurima fortissime etiam gesta sint, quaeque aeternam zeli pariter ac animositatis mereantur gloriam: si tamen, quod res est fateri licet, non possunt non expeditiones illae omnes summae eius aevi regum principumque et imprudentiae, et iniustitiae, et superstitionis iure merito notari.* Add. Io. Franc. Buddei *exercit. de expeditionibus cruciatis §. V. sequ.* Sed et Hispanorum sententiam de Mexicanis, ob delicta aduersus naturam admissa, iure punitis, cuius ipse Grotius *de iure belli et pac. II, 20. 40. sequ.* patrocinium suscipit, ipsi reiiciunt doctores Hispani Victoria, *Relat. I. de Indis n. XL.* Vasquius *Controuersf. illustr. I, 25.* Azorius, Molina, et alij.

§. CLXXXVIII.

Distin-
ctio belli
solle-
minis et
minus
solle-
mnis
otiosa.

Semel decretum bellum sollemniter esse indicendum, pluribus gentibus visum est, ac proinde notissima est distinctio belli in SOLLEMNE, vel IVSTVM, et MINVS sollemnne, vel INIVSTVM, quorum illud ex plerorumque sententia est, quod a liberis gentibus, praeuia sollemni indictione; hoc quod ab eo, cui ius belli non est, suscipitur, nec indicitur sollemniter. Enimuero uti facile largimur, id ferre in mores gentium iuisse, splendidiorumque plerisque videri victoriam, quae praeuia denunciatione, vel proposito edicto, vel per faeciales, vel aliis ritibus facta, obtineatur: ita, quia ritus et sollemnitates ab arbitrio hominum pendent, nec mores huiusmodi ius gentium

tium constituunt, (Lib. I. §. XXII. *) inter bella quoque INDICTA ET NON INDICTA, quod ad effectum attinet, nihil omnino interest, 42) hanc diuisionem nullius momenti esse, merito arbitramur. *)

- *) Magni hanc distinctionem faciunt Grot. *de iure belli et pac.* III, 3. et Alberic. Gentil. *de iure belli* II, i. quos deinde Pufendorffius, Huberus et alii sequuti sunt, duplicem interferentes causam, alteram, quod ex hac interpellatione constet, alio modo fieri non posse, vt nostrum aut nobis debitum consequamur: alteram, quia ita constet, non priuato ausu, sed voluntate vtriusque populi capitum, geri bellum. Enimuero hae rationes, vtilem et honestam esse indictionem, probant, non item, eandem esse necessariam, quia de vtroque et alio modo, quam sollemni facta denunciatione, constare potest. Recte itaque Dio. Chrysostom. *orat. ad Nicomed.* etiam ex iuris gentium principiis: πόλεμοι ὡς ἐπὶ τὸ πλεῖστον ἀκήρυκτοι γίνονται. Pleraque bella sine indictione suscipiuntur. Causam iam perorarunt Thomaf. ad Huberum *de iure ciuit.* III, 4, 4, 27. et, qui de moribus etiam Europaeorum nouissimis erudite differuit, V. A. Corn. van Bynkeroh. *Quaest. iur. publ.* I, 2, pag. 5. sequi.

§. CC.

Id vero ipsa recta ratio suadet, 43) non illico prouendum esse ad arma, sed tum demum, quando populus hostilem animum aduersus nos ostendit. (Lib. I. §. CLXXXIII, 25.) Quum vero is hostilem aduersus nos animum ostendat, qui omnes aequas pacis condiciones pertinaciter respuit: (§. eod. *) merito inde colligimus, 44) priusquam res manu ferroque geratur, rem, quam nobis abesse, vel deberi

Causas belli oportet esse liquidas.

deberi credimus, repetendam, 45) causſam dubiam, propositis vtrunque argumentis, ad liquidum perducendam, 46) omniaque media bellum impediendi tentanda eſſe. *) Quo facto, 47) is procul dubio iure arma corripit, qui, iuſtis propositis cauſſis, nihil aequi ab hoſte impetrauit.

*) Quorum mediorum tria potiſſimum commendant Grot. *de iure belli et pac.* II, 23, 7. *ſequ.* et Pufendorfſius *de iure nat. et gent.* V, 13, 3. et VIII, 6, 3. colloquium, ſeu diſceputationem amicam, prouocationem ad arbitros, et ſortem. Sed ſortis quidem in cauſſis publicis, praeterquam ſi res diuidenda ſit, rariſſimus uſus eſt, nec ſolent facile principes et reſpublicae iura ſua fortunae arbitrio permittere. Reliqua media et inter gentes receptiſſima, et rectae rationi admodum conſentanea ſunt, quia nemo ſapiens vi et cum periculo repetere vult id, quod ſine vi conſequi poſſet: (Lib. I. §. CLXXXI, 20. *) vt adeo recte, quamuis ridicula occasione, dicat miles Terentianus:

Omnia prius experiri, quam armis, ſapientem decet.

Qui ſcis, an, quae iubeam, ſine vi faciat?

Ad eundem finem comparata ſunt ſcripta publico nomine edita, quae hodie vocant *Deductiones* et *Manifesta*, quamuis poſteriora plerumque, ubi iam veluti intra teli iacſtum ventum eſt, non tam declinandi, quam indicendi iuſtificandique belli cauſſa, publicari ſoleant. Vid. Io. Henr. Boecleri *Exercit. de clarig. et manifestis.*

§. CCI.

Quid
hoſti in
hoſtem
liceat?

Quandoquidem vero iuris ſui perfequendi cauſſa bella gerunt principes et gentes liberae: (§. CLXXXV.) conſequens eſt, 48) vt hoſti in hoſtem liceant omnia, ſine quibus ille ius ſuum obtinere non poſſet. Id vero quum

quum obtinere numquam possit, nisi hostem in eum statum redigat, vt vel non possit, vel nolit amplius hostilem animum ostendere: 49) hostem quisque suum et vi, et dolis, recte adgreditur, 50) sternit, 51) spoliatur personis rebusque qualibuscumque, 52) cessantibus omnibus officiis humanitatis, quibus hostis noster aduersus nos fieri posset validior. (Lib. I. §. CCVIII, 14. *) Quin 53) ne iniustum quidem dixeris hostem, veneno vtentem, vel percussores immittentem, quamuis illum contra mores gentium humaniorum, quos RATIONEM BELLII vocant, egisse, recte dixeris. *)

- *) Dissentit quodammodo Grotius *de iure belli et pac. III, 4, 15. et XVIII*. Sed non statim, quae magnitudinis animi laudem ferunt, ita sunt comparata, vt omnia pro iniustis habeantur. Venenis non vti solent gentes humaniores: at vtuntur Turcae, Tartari, alique populi orientales, qui tela et sagittas venenis inficiunt. Hos ergo parum humanos, at non ideo iniustos dixeris, quia hosti in hostem omnia licent. Ita recte ad animi magnitudinem refertur, quod Coss. Romani ad Pyrrhum regem scripserunt: *Nobis non placet pretio, aut praemio, aut dolis pugnare.* Gell. *Noct. Attic. III, 8*. At ideo non dixeris iniustum facinus Ehudi, percutientis Eglonem, *Iud. IIII, 20. sequ.* vel Iaelis, tempora Sisserae clauo transfigentis, *Iud. IIII, 21.* vel Iudithae, Holofernem obtruncantis, si vera est illa historia. Praeterea mores gentium, quae reliquis humaniores videri volunt, aliquando parum absunt ab adulatione. Qua de re illustr. Bynkersh. *Quaest. iur. publ. I, 3. p. 17.* Adeo adulandi ferax fuit saeculum praeteritum, et hoc nostrum, vt principes neque adulationis obliuiscantur inter ipsa arma. Vnde nunc hostes hostibus precantur omnia prospera, seque inuicem vocant amicos, et hostium damno quasi indolent. Atque ita est in Epistolis
Ordin-

Ordinum generalium ad Angliae Regem 10. Iul. 16. Sept. et 26. Nou. MDCLXVI. et rursus Angliae regis ad Ordines generales. 4. Aug. et 4. Octob. MDCLXVI. Quamuis autem utrique tunc temporis in mutuam perniciem accingerentur: attamen inter ius belli et officia amicitiae satis convenire scribunt Ordines, d. epistola 10. Iul. 1666. Quin et Gallorum rex, qui tunc quoque bellum gerebat contra Anglorum Regem, anno 1666. ad eum misit legatum, qui conflagrationi urbis Londinensis indoleret. Humanitatem, clementiam, pietatem, ceterasque animi magni virtutes in bello exercere gloriosum est, sed oppido putidum, solis verbis ludere. Quid enim, nisi verbis ludis, quum indoles conflagrationi urbis, quam ipse cuperes incendere? En egregia humanitatis specimina. An ideo his iniustiore dixeris C. Popilium Laenatem, qui salutat ab Antiocho rege, eum, nisi amicum, resalutare voluit, et ne dextram quidem a Rege hoste porrectam prehendere noluit? Polyb. Excerpt. legat. Cap. LXXXII. Liu. XXXV, 12. Duriuscula haec sunt, at non iniusta tamen, immo aliquanto minus indecora, quam hostiles illae blanditiae.

§. CCII.

An hostes foederibus et pactis decipere liceat?

Quum vero aduersus hostem tantum vi et dolis uti liceat: (§. CCI, 49.) consequens est, 54) ut idem non liceat aduersus eum, quocum paciscimur, quippe cui tunc, non tamquam hosti, sed tamquam pacifcenti nobiscum, fidem damus. *) Ex quo patet, 55) turpissimam esse eorum perfidiam, qui inducias, siue breues, siue diuturnas, tempore nondum elapso, rumpunt: quamuis 56) interea actus mere defensiuos recte suscipere vtramque partem, omnino verum sit. Pufend. *de iure nat. et gent. VIII, 7, 10.* Nec magis 57) excusanda est eorum perfidia, qui leges deditio- nis, vel 58) pacta de securo commeatu, vel 59) quae

59) quae de redimendis captiuis ineuntur, turpiter violant, hic quoque hosti in hostem omnia licere, stolide persuasi.

- *) Recte ergo dolum bonum, quo hostes circumveniuntur, a perfidia discreuit Agesilaus apud Plutarchum *in vita p. 600* vbi hoc elegans eius dictum memoratur: ὅτι τὸ μὲν σπείσάμενον ἀδικεῖν τῶν θεῶν ἐστὶ καὶ ἀφρονεῖν· ἐν δὲ τῷ παρελογίζεσθαι τῆς πολεμίας, ἔ μόνον τὸ δίκαιον, ἀλλὰ καὶ δόξα πολλή, καὶ τὸ μεθ' ἡδονῆς κερδαίνειν ἐνεστὶ. *Fidem in foedere fallere, nihil aliud esse, quam Deos contemnere: hostium vero circumventionem non cum iniustitia modo, sed et cum laude, et iucundo coniunctam esse compendio.* Quid si vero hostis antea fidem fefellerit: an non licet, data occasione, par pari referre? Non videtur. Quamuis enim perfidia paciscentis vnus alterum obligatione liberet: (Lib. I. §. CCCCXIII, *) id tamen intelligendum est de eodem pacto bilateralis, cuius conditioni alter ex sua parte non satisfecit. Si vero cum eo, qui pacto non stetit, de nouo paciscor: tunc remisisse videor priorem perfidiam, ac proinde obligatus sum ad fidem seruandam.

§. CCIII.

Ex eodem axiomate colligimus, 60) non posse quemquam iure belli aduersus amicos uti, eo obtentu, quod periculum sit, ne hostis eius castella, munimenta, portus, sit occupaturus: 61) nec magis licere hostes vel eorum naues intra territorium, vel portus amici populi caedere, vel capere, si hi non data opera illis receptum dent, quia haec vis cum iniuria populi amici, cuius territorium vel portus vi introitur, coniuncta est. V. A. Corn. van Bynkershoek *Quaest. iur. publ. I, 8.* Con-

Quid liceat aduersus alios non hostes?

M m

tra

tra 62) nihil obſtare, quo minus eos, qui hoſtem noſtrum armis, commeatu, tormentis, ſimilibusque rebus iuuant, vi prohibeamus, et res iſtas pro commiſſis habeamus: *) Idem *ibid. Cap. VIIII. ſequ.* quamvis 63) ipſa omnino aequitas ſuadere videatur, ne promiſcue merces licitae cum illicitis; res amicorum cum hoſtilibus, in commiſſum cadant. Idem *I, 12. ſequ.* quocum iungenda diſſertatio noſtra *de nauibus ob mercium illicitarum veſturam commiſſis.*

*) Concedit hoc et Grotius *Lib. III. Cap. XVII. §. III.* ſed addita reſtriſtione, nihil facere debere eos, qui a bello abſtinent, *quo validior fiat is, qui improbam fouet cauſſam; aut quo iuſtum bellum ge- rentis motus impediatur.* Sed quum is, qui neutrarum partium eſt, quaestionem hanc, vter iuſtum, iniuſtumue bellum gerat, non poſſit trahere ad arbitrium ſuum, et veluti iudex ſedere, contra ea vero is, qui neutrarum partium eſt, *nullatenus interponere ſe debeat bello:* Liu. XXXV, 48. facile patet, huic reſtriſtioni locum non eſſe. Vid. V.A. Corn. van Bynkerſh. *Quaeſt. iur. publ. I, 9. p. 69.*

§. CCIII.

Quomo-
do ad-
quiratur
per bel-
lum?

Supra oſtendimus, hoſtem ab hoſte et perſonis et rebus iure ſpoliari. (§. CCI, 51.) Ex eo vero patet, 64) victoris in arbitrio eſſe, malitne perſonas captas in ſeruitutem rapere, an, quod hodie plerumque inter gentes Europaeas obſeruari nouimus, tamdiu cuſtodidonec vel permutentur cum aliis, vel, ſoluto lytro, redimantur. 65) Res quoque hoſtium, tum mobiles, tum immobiles, tum corporales, tum incorporeales cedere victori, et 66) mobiles qui-
dem

dem simul ac in praesidia victoris perlatae, 67) immobiles et reliquas, ex quò occupatae fuerint: quamvis 68) firmam harum non esse possessionem, priusquam super illis, inita pace, fuerit transactum, 69) mobiles vero aequè ac personas et fundos, recuperatos, vel in pristinam libertatem sese vindicantes, iure postliminii gaudere, facile vnusquisque intelligat. *)

- *) Multae hic occurrunt quaestiones speciales apud Grot. III, 5. *sequ.* Pufend. *de iure nat. et gent.* VIII, 6, 20 *sequ.* veluti, quomodo res bello captae adquirantur? an et incorporales? an et actiones et credita? quomodo recuperentur? an et quibusnam in rebus locus sit iuri postliminii? Sed quum pleraque haec potius ex moribus gentium decidi soleant, quaedam etiam ex principiis haftenus explicatis facile possint explicari: illis immorari nolumus. Solide suo more et haec tantum non omnia exposuit V. A. Corn. van Bynkersh. *ibid.* Lib. I. Cap. III. *sequ.*

§. CCV.

Sic iustum bellum est, quoties gentes liberae inter se, iuris persequendi causa, vi dolue Quid repressalia? certant, vel propositum certandi retinent. (Lib. I. §. CCLXXXV.) Itaque 70) si non inter ipsas gentes et ciuitates incidit controuersia, sed, ob denegatam ciui nostro iustitiam, personis aut rebus alterius reipublicae, alias amicae, ciuium manus iniicimus: hoc non belli, sed REPRESSALIARVM *) nomine venit: quamvis, 71) quum huiusmodi exsequutio facile possit bello occasionem dare, eam non a quouis priuato, sed ex decreto summorum imperantium, fieri debere, nec 72) vltius ex-

tendendum esse, quam ut cui nostro, cui ius dictum non est, satisfiat, facile unusquisque intelligat.

*) Ira vocari coepit illudius, ex quo inualuit. Veteres enim id ignorarunt, adeoque nec vocabulum supeditat Latina lingua, quod eius indolem exprimat. V. A. Corn. van Bynkersh. *ibid.* I, 24. Eius aequitatem ex iure pignorandi, quod singulis comperere existimant, ostendere conantur Grot. *de iure belli et pac.* III, 2, 7, 3. et Bodin. *de Rep.* I, 10. Sed hanc sententiam iure merito reiecit Hert. ad Pufend. VIII, 6, 13. et ante eum Ziegl. *de iure maiest.* I, 34, 8. ubi hic §. XXXII. ius illud magis ex iure belli deriuari posse, existimat. Et sane si respublica iniuriam sibi, ciuibusque illatam, bello recte vindicat: (§. CCXXXV.) poterit etiam procul dubio ob iniuriam vni alterius ciuium illatam manus alterius rebus iniicere, nisi existimare velis, non id, quod minus est, licere reipublicae, quum plus omnino liceat.

§. CCVI.

An et
quomo-
do impe-
rium in
victos
adquiratur?

Ceterum, quum in statu naturali defensionis ius tantisper duret, dum hostis animum hostilem nondum deposuit, (Lib. I. §. CLXXXIII, 25) eum vero non deposuisse videatur, qui eo se adduci non patitur, ut nobiscum redeat in gratiam, sed quasuis honestas pacis condiciones respuit: (ibid. *) 73) iniuria sane non fit victo, si persequatur ius suum, donec debellatum sit, 74) ipsumque sibi imperium in victos vindicet, illudque 75) suo arbitrio constituat, (§. CXXXVI.) et 76) tamdiu exerceat, donec vel inita pace certi quid statuatur, vel 77) gens, vi oppressa, re nondum composita, sese in pristinam libertatem vindicet, vel

vel a priore imperante liberali caussa manu adferatur. *)

*) Et tunc quoque vtroque casu aequissimum est, ut vrbes, prouinciae, gentesque recuperatae gaudeant iure postliminii: (§. CCIII, 69.) adeoque priora iura recipiant, si illis nulla culpa, cur in hostium potestatem peruenerint, possit imputari, aut certe non admodum liquidum sit, an hosti acrius resistere potuissent. Hinc quum reipublicae Vltraiectinae, discedentibus Gallorum praesidiis, de iure *περσδελας* controuersia mota esset a Frisiis, eo quod illa sese vltro dedidisse diceretur: Vltraiectini tamen priorem locum et statum recuperarunt. Huber. *Praelect. ad Digest. Lib. XXXXVIII. tit. XV. §. VIII.* Aliud tamen dicendum omnino videtur, si vrbs vel prouincia, quae immemor fidei, imperantibus datae, ad hostes vltro descuerat, armis recuperetur. Tunc enim indigna omnino esset hoc beneficio, ac proinde victoris in arbitrio est, cuius illam conditionis esse velit. Tale exemplum a Romanis factum nouimus in Brutios, Lucanos, Campanos, qui ad Hannibalem defecerant, et maxime in Capuam, quae tantum abest, ut pristina iura receperit, ut iure municipii, magistratibus, agro priuata, in praefecturae formam redacta sit. Liu. XXVI, 16. *sequ.*

§. CCVII.

Alterum ius maiestatis, quod transeuntibus accenseri potest, est IUS PANGENDI FOEDERA, per quae intelligimus conuentiones gentium liberalium de rebus, ad vtriusque, vel alterius reipublicae vtilitatem pertinentibus. Ex qua definitione satis patet, 78) eorum alia esse AEQVALIA, in quibus par est omnium foederatorum conditio: alia 79) INAEQVALIA, in quibus non par et aequum ius omnibus tribuitur, sed alius foederatus deterioris, alius melioris conditionis

Quid
foedus;
idque
vel ae-
quale
vel inae-
quale?

ditionis est: id quod 80) tum ratione PRAESTANDORVM, tum ratione MODI PRAESTANDI, contingere posse, exempla quam plurima docent. *)

*) Sic saepe foederatus potentior minus potenti promittit subsidia pecuniaria, vel certum copiarum, vel nauium, et classiariorum numerum, et sibi vel nihil, vel parum restipulatur. Tunc inaequale est foedus ratione PRAESTANDORVM. At saepe foederibus cauetur, vt respublica vna alteram comiter veneretur, ne cui bellum iniussu alterius faciat, ne classem habeat, vt tributum annuum pendat, ne fabros habeat, neque ferro, nisi in agricultura, vtatur. *I. Sam. XIII, 19. 20.* Quod et in primo foedere Porſenae cum populo Romano expressum esse, monet Plin. *Hist. nat. XXXVIII, 14.* Quae omnia sunt foedera inaequalia ratione MODI PRAESTANDI, siquidem alter foederatorum alterius veluti clientem se hoc praestandi modo profitetur.

§. CCVIII.

Itemque
vel sim-
plex
amici-
tiae vel
singula-
ris prae-
stationis.

Quumque gentes liberae de rebus omnibus, quae ad vnius, vel vtriusque reipublicae, vtilitatem pertinent, pacisci possint: (§. CCVII.) sequitur, 81) vt et ea, quae iam antea ex iuris naturae praescripto debentur, sibi stipulari queant gentes et respublicae: quae foedera SIMPLICIA vel AMICITIAE vocare licebit, *) et 82) alia, ad quae praestanda alias gens genti non esset obstricta: qualia foedera SINGULARIS PRAESTATIONIS adpellamus: Et 83) priora quidem ideo non sunt frustranea, quod et non alia est certa ratio alterum ad praestanda officia humanitatis obligandi, quam per pacta, (Lib. I. §. CCCLXXXVI, 2.) et saepe contingit, vt per bellum cessent officia humanitatis,

tis, (§. CCI, 52.) adeoque vel maxime necessarium est, vt per pactiones et foedera redintegretur amicitia.

- *) Ad haec foedera Grotius *de iure belli et pac. III, 15, 5.* refert etiam ea, quae de iure hospitii, et de mutuis commerciis ineuntur, quatenus gentes vtraque sibi inuicem iure naturali debeant. Enimvero quum ius hospitii plura complecteretur officia, quae ex solo iure naturali non debebantur, de quibus accurate, suo more egit Io. Schilterus *de iure hospitii diff. II.* vtrum vero extraneis, et quae commercia, concedenda sint, in cuiusvis reipublicae summorumque imperantium arbitrio positum sit: (§. CLXXXVIII, 186) vix est, vt vnumquam haec foedera ad ea referri queant, quibus sibi gens a gente nihil aliud, quam quod iure naturali debetur, stipuletur. Sane de nullis foederibus difficiliorem esse consultationem, quam de foederibus commerciorum, exemplo ex Iac. Bafnagii *Hist. Belg. Tom. I. p. 51. et 439.* ostendit vir celeberrimus, Io. Iac. Mascou. *diff. de foeder. commerc. §. VI.* et foederum istorum memoriam in numis consecrarunt Athenienses, Smyrnaei, Ephesini ex Alexandrini, ceu idem vir doctissimus probauit ex Ezech. Spanh. *de usu et praest. numism. Diff. III. p. 143. et Diff. XIII. n. IIII.* nec non eiusdem *Orbe Rom. Cap. IIII.* Vaillantio *de numis Imp. Graec. p. 221.* Quis vero foedus simplex amicitiae diuturnam consultationem requirere, aut dignum videri, quod his monumentis aeternitati consecratur, dixerit?

§. CCVIII.

Vtile alicui genti aliquid esse potest vel pacis, vel belli tempore: ex eoque consequitur, 84) vt foedera alia ad PACEM, alia ad BELLVM pertineant. Quumque plerumque interfit reip. et pacem quam maxime stabilem et diuturnam esse, et ciues fructum inde capere

Foedera quaedam pacis tempore ineuntur.

Mm 4

quam

quam vberimum: ad priorem finem merito referimus 85) foedera fideiussoria, quibus, pacis leges sancte seruatum iri, fide sua promittunt, auxiliumque parti laesae pollicentur sponsores pacis: *) 86) foedera item de munimentis nouis non exstruendis, vel 87) praesidiis nostris in munimenta quaedam tuendorum finium causa admittendis, quae vocantur *barriere-tractaten*: 88) de subditis militibusque fugitiuis non recipiendis: 89) de receptu hostibus non dando, et similia: ad posteriora 90) foedera, quae commerciorum mutuorum causa ineuntur.

- *) De his foederibus legi meretur Vlr. Obrechtii *diff. de sponfore pacis*, quae inter academica septima est, et Henr. Cocceii *de guarantia pacis. Francof. iuxta Viadr. MDCCII.* Praecipua, quae hic moueri solet, quaestio haec est, an qui pro pace tuenda sponderunt, generatim ad ineundam belli societatem obstricti sint, ex quacumque causa pacis leges violentur? Id quod recte iam pridem negauit Pufendorffius *de iure nat. et gent. VIII, 8, 7.* si ex noua causa pax rumpatur. Vti enim omnes fideiussiones sunt stricti iuris, et absurda futura esset creditoris postulatio, qui a fideiussore exigeret debitum, quod post fideiussionem demum contraxerit debitor principalis: ita non magis iusta esset postulatio principis, vel reipublicae, vrgentis, vt pacis sponsor arma corripiat, si bellum ex noua plane causa exarserit. Neque enim iste spondit, nisi in eum casum, si pax conuenta rupta fuerit. Pax autem, ceu recte obseruauit Grotius *de iure belli et pac. III, 20, 27. sequ.* tunc demum rupta censetur, si aliquid factum est vel contra id, quod omni paci inest, vel contra id, quod pacis legibus expressum est, vel contra id, quod ex cuiusque pacis natura debet intelligi. Res procul dubio verissima est, quod ad thesin attinet: quam-

quamvis, vbi in hypothefi quaeritur, fitne hic *casus foederis*, nec ne? tota haec quaestio innumeris implicata sit erroribus, ceu exempla recentissima satis superque ostendunt.

§. CCX.

Sed et belli temporibus varia foedera vtilitatis suae caussa pangunt gentes liberae, siue cum AMICIS, siue cum ipsis HOSTIBVS. Vti enim cum illis paciscuntur, modo 91) de iungendis aduersus communem hostem viribus, qualia sunt illa, quae vocantur *offvnd defensiv - allianzen*, modo 92) de libero transitu per territorium, et comiteatu concedendo, modo 93) de se bello non interponendo, quae foedera dicuntur *neutralitäts-tractaten*: ita cum his saepe conuenitur, modo 94) super tributis pendendis, 95) vel dedendis vrbibus, modo 96) de captiuis redimendis permutandisque, de quibus foederibus, quae vocantur *cartels*, ex instituto egit Hert. *diff. de lytro*: modo 97) de induciis aliquot horarum, dierum, vel mensium, concedendis, *) et similibus, quae in bello incidere solent, negotiis.

Quaedam tempore belli.

*) Vbi quaeri solet, a quo momento tempus illud curat? Equidem Grot. *de iure belli et pac.* III, 21, §. a quo die mensura aliqua temporis incipere dicatur, eum diem intra mensuram non esse statuit: sed eum iam solide refellit Pufendorff. *de iure nat. et gent.* VIII, 7, 8. Itaque rectius ac simplicius creditur, si induciae placuerint a Kalendis Iuliis ad kalendas Septembres, utrasque illas kalendas comprehendendi: itemque, si a kalendis Iuliis per triginta dies factae sint, kalendas Iulias primum illarum diem esse, et pridie demum kal. Augusti ius arma corripendi reuiuiscere.

Mm 5

§. CCXI.

§. CCXI.

Quae-
dam
persona-
lia, quae-
dam re-
alia sunt.

Praeterea utilitas illa, ob quam foedera iniri solent, vel ad personam imperantis pertinet, vel ad ipsam rempublicam. Ex quo sequitur, 98) ut foedera alia PERSONALIA, alia REALIA sint, et 99) illa cum persona exspirent; haec, extinctis etiam populi rectoribus, qui illa inierunt, perdurent. Ex ipsis vero definitionibus, hoc paragrapho datis, facile intelligitur, 100) foedera omnia, quae ad conferuandum tantum principis vel familiae statum sunt comparata, personalia; quaecumque vero ad ipsius reipublicae utilitatem facta sunt, realia esse. *) Ad quam unicam regulam ea omnia, quae Pufendorffius *de iure nat. et gent. VIII, 9, 6. sequ.* differuit, quam commodissime referri possunt.

- *) Aliquoties haec quaestio incidit, imperio Regibus a Romanis abrogato. Quum enim Sabinis foedus intercessisset cum regibus: statu reip. in poularem commutato, negarunt Sabini, Romanos ex foederibus illis, cum Tarquinio initis, fructum capere posse, bellumque indixerunt Romanis, ὡς λελυμένων σφίσι τῶν σπονδῶν, ἐπειδὴ βασιλεὺς ταρκύνιος ἐξέπεσε τῆς ἀρχῆς, πρὸς ὃν ἐποιήσαντο τὰς ὀρκάς. *quasi soluto foedere, post electum regno Tarquinium, quocum foedus ictum fuerat.* Dionys. Hal. Ant. Lib. V. p. 307. Idem postea anno ab V. C. CCLXVII. caussati sunt Hernici, negantes, foedus sibi umquam intercessisse cum populo Romano: quod autem cum rege Tarquinio ictum sit, se iam finitum existimare, quum is imperio exsutus in exsilio sit mortuus. Dionys. Lib. VIII. p. 330. Sed quum uterque populus, armis Romanorum victus, foedus hoc iniisset, (Vid. Dionys. *ibid.* Lib. III. p. 252. *sequ.*) nemo dubitare poterat,

rat, quin id non cum solo Tarquinio, sed cum ipsa republica Romana esset initum, adeoque illud, et pulso Tarquinio, perdurare oporteret.

§. CCXII.

Quod reipublicae vtile est, id et sociis foederatisque illius reip. prodest: ac proinde 101) foederibus non modo nobis, verum etiam sociis et foederatis, consulere solemus, 102) siue illorum generatim fiat mentio, siue speciatim et nominatim exprimantur. Vbi res ipsa docet, 103) posteriore casu non ad alios proferendum esse foedus, quam qui nominati sunt in foederis legibus: 104) priore autem illud omnibus sociis prodesse, qui tempore icti foederis socii fuerunt, 105) non illis, qui postea demum adsciti sunt, *) quum pacta ad ea, de quibus non fuit cogitatum, non sint producenda. (Lib. I. §. CCCLXXXIII, 21.)

An foedera et sociis praesint?

- *) Ex facto haec incidit quaestio, quum Hannibal Saguntum obsidione premeret. Romani enim, Hannibalem eos iniuste adortum, querebantur, quia ex isto cum Carthaginiensibus foedere et a sociis Romanorum abstinere teneantur Carthaginienses. Hi foedere comprehendendi negabant Saguntinos, quia eo tempore, quo foedus esset initum, nondum fuerint socii. Polyb. *Hist.* III, 29. Liu. XXI, 19. Sed quamvis Romanorum causam tueatur vterque scriptor: non dubitarem tamen ego accedere Grotio, qui *de iur. belli et pac.* II, 16, 17. et Carthaginiensibus non obstitisse illud foedus existimat, quo minus Saguntinis bellum inferrent, et Romanis ius fuisse, novos socios adsciscere, eosque aduersus Carthaginiensium vim defendere, statuit. Nam nec Romani futuris sociis diserte cauerant, adeoque exigere a Carthaginiensibus non poterant, ut ea, quae expressa non fuerant, et, de quibus cogitare vix poterant, subintelligerent: nec

nec Carthaginienſes ſibi ſtipulati erant a Romanis, ne novos ſocios adſciſcerent, ac proinde nec obſiſtere poterant Romanis, nouorum etiam ſociorum cauſam ſuſcipientibus.

§. CCXIII.

Quid
ſponſio-
nes, et
quid cir-
ca eas
iuſtum
ſit?

Ceterum per ſe patet, quia foedus eſt liberarum gentium vel rerum publicarum conuentio, (§. CCVII.) 106) foedus neminem pangere poſſe, praeter eos, quibus vt ita paciſcerentur, vel expreſſe, vel tacite, vel praefumtue, mandatum ſit. Quare 107) quod miniſtri ſummae poteſtatis, ſine eius mandato, promiſerunt, ratihibitione non ſequuta, non foederis, ſed ſponſionis nomine venit. Hinc certum quidem eſt 108) rem publicam non teneri, vt ratum habeat pactum, iniuſſu ſuo iſtum: 109) certum quoque, miniſtrum rei publicae, quacum pactus eſt, ad ſatiſfactionem eſſe obligatum, quae ex faeciali Romanorum iure in eo conſiſtebat, vt nudus, reuinctis in tergum manibus, dederetur: *) at 110) certum quoque eſt, plerumque cauillationem ſapere exceptionem non dati a republica mandati, quum reſpublica, quae ciuem ſumma cum poteſtate praefecit exercitui vel prouinciae, eidem merito omnia cenſeatur mandaſſe, ſine quibus exercitus, vel prouincia, immo ipſa reſpublica, ſeruari non poſſet.

*) Exempla duo illuſtria ſunt apud Romanos, ſponſio puta Candina, et Numantina, apud Liu. *VIII*, 8. ſequ. *LV*, 15. Et Romani quidem tum irritum eſſe volebant foedus, quo Poſtumiſ Cos. et alii duces, exercitum ex Furculis Caudinis expediuerant, quemadmodum nec ratum habebant turpem Hoſtilii

stili Mancini pactionem cum Numantinis, caussati, vtramque conuentionem suo iniussu factam esse. Sed quis dubitet, quin, exercitu in ancipiti periculo constituto, ducibus omnia concessa sint, sine quibus periculo explicari non posset, et quae tum e republica, tum e re militum esse, animaduertant? Omnino ergo aut ratae habendae spon- siones illae, aut res in illum statum, in quo ante sponsonem fuerat, restituenda fuisset, si fidei ser- uantiores, quam in excogitandis caullationibus ingeniosiores esse voluissent Romani. Vid. omnino Christ. Thomaei et Ge. Beyerli *dissertationes de sponsonibus Caudina et Numantina.*

§. CCXIII.

Quia porro foedera ineunt gentes liberae: (§. CCVII.) facie intelligitur, III) nihil interesse, nostraene religioni addicti sint, an alii, quam nos pro impia vel detestabili habemus: quia, quemadmodum priuato non turpe est, cum alio, a religione sua alieno, pacisci et contrahere: ita nec reipublicae, vel eius recto- ribus, vitio iure vertitur, si cum infidelibus ita paciscantur, prout id exigit reipublicae vtilitas. Nec iure diuino *) quidquam circa hanc ve- ritatem, rectae rationis principiis subnixam, mutatum esse, erudite ac solide demonstrauit Grot. *de iure belli et pac. II, 15, 9. sequ.*

An foe-
dera
pangere
liceat
cum in-
fidelibus?

*) Sic sane constat, ante legem Mosaicam foedera cum Abimelecho contraxisse Abraamum et Isaacum, cum Labane, quem idola coluisse certissime constat, Iacobum. *Gen. XXI, 22. sequ. XXVI, 26. XXXI, 44.* Nec legem Mosaicam, iam latam, ob- stitisse nouimus Dauidi et Salomoni, quo minus foedus cum Hieromo, Tyrionum rege, facerent. *II. Sam. V, 11. I. Reg. V, 12.* Et quis, quaeso, ignorat foedera *συμμαχικά* Abraami cum Escole et Anero?

Anero? *Gen. XIII, 13.* Daudis cum Achiso, rege Philistaeorum? *I. Sam. XXVII, 2. sequ.* et cum Thoi, rege Hemathensium? *II. Sam. VIII, 10.* Afsae cum Benadado? *I. Reg. XV, 18. sequ.* Quae obuerti solent huic doctrinae, ex *II. Paral. XVIII, 2. XXV, 2.* iis iam satisfecit Grotius *ibid.*

§. CCXV.

Officia
circa
foedera.

Ceterum quum foedera sint conuentiones: (§. CCVII.) consequens est, 112) vt omnia, quae supra de pactis diximus, etiam circa foedera habeant locum: 113) Vt adeo nihil foederibus debeat esse sanctius, 114) nihil foedifragorum perfidia detestabilius. 115) Vt tamen, quia nulla societas alienam vtilitatem suae antepone tenetur, (§. XXIII, 74) nec res publica foederata alteri ex foedere subuenire cogatur, si id eius rationes non ferant, e. g. si ipsa bello prematur, vel alio modo periclitemur: *) nec 116) vmquam foederatus ad bellum iniustum, pro socio suscipiendum, sit obligatus.

*) Attamen id tum demum iustam rationem habet, si verum est periculum, non, si huiusmodi caussa perfidiae tantum obtenditur. Id vero plerumque fieri, tum inter rectores ciuitatum, tum inter priuatos, quotidiana querela est: eamque amicorum cessationem ac tarditatem elegantissima fabula de castita, auicula, in segete nidulante, repraesentauit Aesopus apud Gell. *Noct. Attic. II, 29.* qui ideo monet, vnicuique in se ipso potissimum praesidium esse debere, non in amicis et sociis, hominibus, inani saepe opera, philosopha sententia, qui aureos montes plerumque polliciti, vix minima praestent. Quod et Ennius in satiris monuit apud eundem Gellium, vbi haec eius seruatur sententia:

*Hoc erit tibi argumentum, semper in promptu situm:
Ne quid expectes amicos, quod tute agere possis.*

§. CCXVI.

§. CCXVI.

Haec de foederibus generatim: quorum nobilissima procul dubio species est pactum, quo bella inter gentes finiuntur, quodque FOEDERIS PACIS nomine venire solet. Quum vero pax sit status reip. ordinarius, ac veluti naturalis, bellum status extraordinarius, et praeternaturalis: nemo non animaduertit, 117) imperantes et ad conseruandam tuendamque pacem, et ad illam 118) si forte rupta sit, quamprimum reformandam teneri: adeoque 119) ferina esse bella, quae non geruntur propter pacem, quae *vna triumphis innumeris potior.*

Ius sum-
morum
impe-
rantium
circa pa-
cem

§. CCXVII.

Per FOEDVS PACIS intelligimus conuentionem inter gentes, bello mutuo implicitas, qua controuersiae per modum transactionis finiuntur. Ex qua definitione patet, 120) pacem omnem sua natura esse debere perpetuam, adeoque, 121) si tantum ad certum tempus, quantumuis longum, transigatur, non pacem iniri, sed inducias tantum, *) quia ita nec controuersia, quae gentes illas collisit, finitur, et manet adhuc certandi propositum: qualem statum non ad pacem, sed ad bellum pertinere, iam supra obleruauimus. (§. CLXXXI.)

Quid
foedus
pacis?

- *) Et tamen saepe huiusmodi induciae pacis nomen adsumunt, quia interea non solum actus belli, sed et status, plane videtur cessare, perinde ac si hostilem animum plane deposuissent belligerantes. Ita Lacedaemonios in annos L. Romanos in annos C. pacem fecisse nouimus. Iustin. *Hist. III, 7.* Liu. *I, 15.* Sozom. *Hist. eccles. VIII, 4.* Recentiora exempla Hispa-

Hispanorum et Lusitanorum, Suecorum et Danorum, Anglorum et Scotorum, Venetorum et Turcarum, qui vix aliter quam ad certum tempus de pace cum Christianis conueniunt, collegerunt Pufendorff. *de iure nat. et gent.* VIII, 7, 4. et ibi Hertius p. 1249.

§. CCXVIII.

An ei
obstet
exceptio
laesio-
nis?

Quum ergo pax coalescat per modum transactionis: (§. CCXVII.) consequens est, 122) vt fiat dato aliquo, vel retento, vel promisso: nec 123) in pacis conditione requiratur aequalitas: neque adeo 124) alteruter paciscentium iure conqueri possit de laesione, quantumuis enormissima: quum plerumque victor victo condiciones qualescumque ferat, et ita natura eueniat, vt hic duriores quasdam condiciones admittere, quam plane perire, malit. *)

*) Dummodo ex ipsis pacis legibus, victum has condiciones vere admisisse, constet. Si enim per cauillationem calumniosamque interpretationem, aut plane per vim apertam, duriores condiciones, in quas numquam consensit, victo obtruduntur: iure hic, sibi iniuriam fieri, conqueritur. Sic insignis cauillator erat Q. Fabius Labeo, qui, quum Antiochus rex dimidiam partem nauium Romanis tradere deberet, omnes eius naues productas medias dissecuit, vt Antiochum tota classe spoliaret. Valer. Max. VII, 3. quam decipiendi artem for-
tassis a Campanis didicerat, quos ipsos quoque arma, ab hostibus pro parte dimidia tradenda, dissecuisse, memoriae prodidit Polyæn. *Strategem.* VI, 15. Et quis non detestetur apertam vim, qua victis Romanis, quibuscum transegerant tamen, insultabant Galli Senones, quum illis mille pondo auri ex foedere adpendentibus, hinc non modo pondera iniqua adferrent, sed et ponderi adderent gladium, dicerentque: *vae victis esse.* Liu. V, 48.

§. CCXVIII.

§. CCXVIII.

Multo minus ergo 125) paci, paullo durioribus conditionibus initae, recte opponitur exceptio metus. Neque enim illi exceptioni vmquam locus est, si ius cuidam fuit, alterum ad dandum aliquid faciendumque cogendi. (Lib. I. §. CVIII, 42.) Bellum autem inter gentes aequè iustum est cogendi medium, ac iudicis auctoritas inter eiusdem reipublicae ciues. (§. X, 24.) Neque obstat, bellum iniustum alterum gessisse, adeoque vel eo nomine vim iniustam adhibuisse videri victorem, victo durissimas condiciones extorquentem. Praeterquam enim, quod iudicium de iusticia belli neuter belligerantium sibi iure adrogat, quippe in sua causa iudex futurus: remisisse omnino iniuriam illam videtur victus, dum cum victore transegit, et ad ἀμνηστία, quae omnibus huiusmodi foederibus inferi solet, sese obligavit. *)

Necnon
exceptio
quod
metus
caussa.

- *) Et ita facile intelliges, quid reponendum sit Pufendorffio, qui, huic exceptioni locum esse, contra Grotium (Lib. II. Cap. XVII. §. XX. et Lib. III. Cap. XVIII. §. XI. defendit *in iure nat. et gent.* VIII, 8, 1. Aliud enim est, exceptionem quod metus causa paci opponere; aliud, ideo bellum redintegrare, quia pars victrix, vsa occasione, vi aliquid contra pacis leges egerit. Posteriore enim casu iustam belli causam nasci, facile largimur: (§. CXVIII, *) prius autem fieri posse negamus. Et haec tamen parum distinxisse videtur Pufendorffius. Immo rem illud ipsum exemplum, quod ibi allegat, satis illustrat. Quaerit Polybius *Hist. III, 30.* an iustum fuerit bellum Punicum secundum, quod aduersus Romanos susceperint Carthaginienses? Idque non obscure adfir-

Nn

mat,

mat ex ea ratione, quod Carthaginienſes καὶ ἐπὶ
 πειθίῃς ἡμῶν τοὺς σὺν καὶ ἐπὶ ἐλάψαντας,
occasione inuitati, ultum iuerint eos, qui per occa-
sionem temporum ipsis nocuerint. Quod perinde
 est, ac si scripsisset, prodesse Poenis debuisset ex-
 ceptionem quod metus causa, quia Romani quondam,
 iis inter res domi ancipites versantibus, Sardi-
 niam magnamque vim pecuniae extorserint. Sed
 sane in pacis legibus inter Romanos et Carthagi-
 nienſes de Sardinia nihil fuerat cautum, ac pro-
 inde iniuste, et contra pacis leges, eam occupaue-
 rant Romani, sola inuitante occasione, quod Car-
 thaginienſibus domi esset, quod agerent, ceu ipse
 fatetur Polybius I, 88. Quare non paci, qua bellum
 Punicum primum compositum, exceptionem metus
 opponiebant Carthaginienſes, sed pacem illam a
 Romanis ruptam esse, occupata per occasionem Sar-
 dinia, conquerebantur.

§. CCXX.

An et
 pax cum
 ciuibus
 rebelli-
 bus ser-
 uanda? Quærunť Grot. III, 19, 6. et Pufendorffius
de iure nat. et gent. VIII, 8, 2. an et pax, cum
 ciuibus rebellibus inita, seruanda sit? Id quod
 contra Boxhornium *Inst. polit. I, 14, 19.* et Lipsii
 sententiam recte adfirmant. Quum enim pax
 coalescat per modum transactionis, (§. CCXVII.)
 is vero, qui cum eo, a quo
 laesus est, transigit, remisisse illi iniuriam, cen-
 featur: sequitur sane, 126) ut et imperantes
 his hominibus immorigeris gratiam fecerint
 delicti, adeoque 127) pax illa, nisi ex noua
 causa, salua iustitia, rescindi non possit,
 praeterquam, 128) si illa ob insignem rebellium
 dolum, vel statum principis, cum illis paci-
 ſcentis, ab initio non constiterit. *)

*) Ita

*) Ita quum anno MCCCCLXXXVIII: Brugeses Maximilianum I. Regem, ad se in urbem inuitatum, inaudita paene perfidia, cepissent, et ad pacem fatis turpem adegissent: tantum abest, vt illa postea rata esse videretur Friderico Imp. vt Machliniae in procerum conuentu decerneretur, Maximilianum promissis illis non teneri. Io. Ioach. Muller. *Reichs - tags - Theatr. in Maximil. I. Aß. I. Cap. VIII.* Et sane quum dolo malo iniustissimaque vi principem in captiuitatem rede-gissent ciues, eumque non prius dimitterent, quam omnia ex eorum sententia promississet: promissum hoc vi iniustissima extortum fuit, adeoque obligare illum non magis potuit, quam quod nobis latro aliquis extorquet.

§. CCXXI.

Ceterum, quemadmodum aliorum foederum, (§. CCXV, 13.) 129) ita et pacis leges summa religione seruandas, ac proinde 130) et tempus, intra quod illas impletum iri, promissum est, stricte interpretandum, et 131) ne moram quidem purgare licere, facile patet. Vid. Grot. *III, 20, 25.* Sed et id nemo non intelligit, 132) MEDIATORES, qui officium conciliandae inter belligerantes pacis in se susceperunt, et SPONSORES, qui veluti pro paciscentibus sponderunt, ex pacto obligari paciscentibus, *) siquidem, dum illi in se receperunt id officium, etiam ad id, quod exigit hoc officium, sese obstrinxisse censentur. Ex quo porro colligimus, 133) mediatorum esse, non vni parti fauere prae altera, sed 134) vtriusque causam sine amore vel odio expendere, 135) et aequa quaeuis, atque vtilissima

Obligatio tum paciscentium, tum mediatorum et sponso-
rum.

vtrique suadere: 136) sponforum vero, dare operam, vt pacis legibus ex vtraque parte satisfiat, et 137) illi parti, quae contra illas laeditur, ope, ac consilio, quin et copiis promissis, subuenire.

- *) Idem dicendum de OBSIDIBVS, id est, personis, pro fide paciscentis reipublicae veluti oppignorat, siue vltro et sua voluntate accesserint, siue ab eo, qui imperium habet, dati sint. Grot. *de iure belli et pac.* III, 4, 14. Priore enim casu ex suo consensu obligantur; posteriore ex conuentione inter imperantem suum, et alterum, quocum pax coaluit, inita. Hinc vero colligimus, 1) non esse obsidum fugere, nec 2) reipublicae, obsides veluti postliminio recipere. Vnde Cloelia obside fugiente, recte poscebat Porfena, vt obses dedatur, si non dedita fuerit, pro rupto se foedus habiturum, interminatus. Recte etiam Romani hoc pignus pacis ex foedere restituerunt. Liu. II, 13. 3) Obsides non esse pro seruis aut bello captis habendos, adeoque 4) nec bona mortuorum, tamquam intestabilium, fisco posse vindicari, quamuis duro illo ac aspero iure vterentur Romani. I. 31. D. *de iure fisci.* 5) Eorum obligationem cum persona exstingui, ac proinde vno obsidum mortuo, pro altero tantum λύτρον deberi. 6) Pace rupta, obsides in vinculis haberi libertateque et bonis spoliari posse, quamuis durius sit, eosdem occidere, si pax, sine eorum culpa, rupta sit. Sed de his plura Grotius *de iure belli et pac.* III, 20, 52. sequ. Pufend. *de iure nat. et gent.* VIII, 8, 6. Schilter, opusculo singulari *de iure obsidum.*

Ius mittendi legatos, eorumque satisfactionem.

§. CCXXII.

Quum imperantibus competat ius pangendi foedera, et pacem cum hostibus reintegrandi, (§. CXXXVII, 39. 42.) id vero sine interuunciis fieri non possit: consequens est, 138)

vt

vt iisdem competere debeat IVS MITTENDI LEGATOS. Et quum is, qui legatos alterius recipit, eo ipso illis liberum accessum reditumque promittere merito censeatur: (Lib. I. §. CCCLXXXI, 10.) consequens est, 139) vt legati et apud hostes debeant esse sacrosancti, et non modo 140) iurisdictione eius, ad quem missi sunt, exempti, qua de re egregia sunt, quae commentatus est V. A. Corn. van Bykersh. libello eximio, *de foro legatorum*, verum etiam 141) facultate praediti, ea omnia loquendi, scribendi, agendique, quae respublica loqui, scribere, agere iussit, dumne 142) hostilem animum aduersus principem vel rempublicam, ad quam venerunt, ostendant. *)

- *) Huius hostilis animi si luculenta argumenta essent, nec princeps vel respublica legatum admittere cogitur, et finibus excedere eum iure meritoque iubet, quod et tunc fieri solet, quando, rupto foedere, bellum cum iis, qui illum miserant, exardescit. Neque enim tenemur hostem intra fines, et veluti domum nostram, recipere, adeoque nec eius ministrum vel mandatarium.

§. CCXXIII.

Reliqua, quae de legatis dici poterant, et Varii
prolixissime traduntur a Marselario, Wicque- gentium
fortio, et aliis, aut ex paucis his principiis mores
fluunt, aut ad mores potius gentium, quam circa le-
gis gentium praecepta, pertinent. Qualia gatos.
sunt, quae de legatorum iurisdictione in familiam suam, de eorumdem sacris domesticis, immunitate, aedibus, earumque iure asy-

li, itemque de sollemni eorum receptione et dimissione, de salutationibus eorum, ipsisque variis eorum ordinibus, honorum titulis, similibusque quaestionibus, disputantur: nec non quod vulgo in mores iuit, vt tempore belli inuiolabilitate gaudeant tubicines et tympanotribae, quemadmodum apud Graecos *κίευνες*, quorum iam apud ipsum Homerum *Odyss. κ. v. 59. et 102. et τ. v. 244. et Iliad. Libro decimo v. 14. et 178.* saepius fit mentio. Sed iis nos quidem hic iam immorari nolumus.

CAP. X.

DE OFFICIIS CIVIVM.

§. CCXXIII.

Officia
civium
vel ge-
neralia
vel spe-
cialia,

Quid iuris summo imperanti tum in re publica, tum extra illam, competat, pluribus haecenus diximus. De CIVIVM OFFICIIS nobis eo breuioribus esse licebit: quo facilius illa ex ipsis imperantium iuribus, tamquam correlata illorum, (Lib. I. §. VII.) deriuantur. Nimirum quum ciues, vel tamquam ciues, vel prout aliquae partes reipublicae illis creditae sunt, considerari possint: 1) eorum OFFICIA vel GENERALIA sunt, vel SPECIALIA, quorum *illa* ex communi obligatione, qua summo imperio obstricti sunt, *haec* ex peculiari, quo in republica funguntur, munere pronò alueo fluunt.

§. CCXXV.

§. CCXXV.

Officia generalia debentur vel ipsi *reipublicae*, vel eius *reſtoribus*, vel reliquis, quibuscum in ſocietate viuunt, *ciuibus*. Quum enim tota RESPVBLICA ſit ſocietas, vnusquisque vero ſocius obligatus ſit ad actiones ſuas communi ſocietatis fini attemperandas: (§. XXII, 65.) ſequitur, 2) vt ciuis ſecuritate ac ſalute publica nihil prius, nihilque antiquius habere, et 3) nec vitam, nec opes ea cariores habere, *) ſed 4) eius commodis, quauis iuſta honeſtaque ratione, ſtudere debeat.

Generalia officia erga rempublicam.

- *) Eſt haec illa obligatio erga patriam, quam eo vsque produxerunt veteres, vt eam omnes omnium caritates complecti, neminemque pro ea mortem oppetere dubitare debere, tradant. Cic. *de offic.* I, 27. III, 23. Nam notum eſt πολυθρύλλητον illud: *Dulce eſſe, pro patria mori.* Quod exagitant Io. Clericus *Art. crit.* II, 2, 5, 16. nescire ait homines, quid per vocabulum iſtud patriae intelligant. *Rei-ipsa enim*, inquit, *quid erat patria Athenienſi aut Romano? Si ſolum intelligas, Italia et Attica; pro quibus cur fulcrum ſit mori, nulla ratio eſt, potius quam pro Africa, aut pro Aſia. Non magis enim ad te pertinet gleba, in qua natus ſis, quam alia quacuiſ, in qua commode vitam degere queas: ſtultumque adeo eſt, mori pro agello in occaſum, aut in ſeptentriones ſpectante, potius, quam viuas, in alio, qui magis ad orientem ſolem, aut ad meridiem vergat. Si homines malis: quae fuerunt reſpublicae Athenienſis et Romana, praeter ſocietates latronum, ſi eas probe introſpiciamus? Itaque qui pro iis moriebatur, latro erat, qui pro latronum globo vilem animam profundebat. At inania haec ſunt, et de quibus vere dicas:*

Nil intra eſt oleam, nil extra eſt in nuce duri.

Nn 4

Patriam

Patriam enim nec agellus constituit, ad orientem vel occidentem situs, nec coetus hominum, qua hominum, cui plures inesse possunt latrones, nebulones, et stolidi: sed ipsa illa societas ciuilis, a cuius salute nostra omnium salus pendet. Vnde satius omnino est, salua republica mori, quam ruptum videre illud societatis vinculum, quo solo vita, libertas, dignitas, et fortunae nostra continentur. Sane Ieremias, propheta, aliter philosophatur, quam Io. Clericus. *Utilitati*, inquit, *studete illius ciuitatis, in quam ego Deus vos abduci passus sum, et orate pro ea ad Iehouam. Si enim illi bene est, et vobis bene erit. Ierem. XXVIII. 7.* Nonne et hi captiui reponere potuissent: an studeamus nos utilitati agri illius potius, quam alterius cuiusuis? An oremus pro tot latronibus, idololatriis, impuris, lasciuis, quibus ciuitas illa Babylo-nica differta est? Sed non eos iubet Deus studere utilitati agri Babylo-nici, nec hominum, illum colentium, sed reipublicae, qua salua, et ipsi salui futuri sint.

§. CLXXVI.

Erga
summos
impe-
rantes.

Deinde quum in eo posita sit veluti vita reipublicae, vt ciues omnes voluntates suas voluntati summi imperantis submittant: (§. CXV, 52.) consequens est, 5) vt boni ciues SUMMIS IMPERANTIBVS, tamquam superioribus, obligentur ad amorem venerationis et obedientiae, (Lib. I. §. LXXXVI.) adeoque 6) non modo summa reuerentia eos prosequi, *) sed et 7) eorum legibus et iussibus promptum obsequium praestare, nec 8) eos, tamquam sacrosanctos, verbis factisue laedere (§. CXXXII, 15. sequ.) debeant. Quumque praeterea illis ex pacto sint obligati: (§. CXII, 38.) facile intelligitur, 9) ciues imperantibus obstrictos

obstrictos esse ad fidelitatem, iisque incumbere, 10) vt nec statum reipublicae conuel-
lant, nec 11) nouis rebus studeant, nec 12)
vlli alii magis, quam imperantibus suis ad-
haereant.

- *) Eaque non modo interna, sed et externa, quae in
certis honorum titulis gestibusue, in quavis repu-
blica receptis, consistunt. Ita apud Persas ciues
oportebat προσκυνέν, reges appellare βασιλέας
βασιλέων, iisdem acclamare: *Vivas aeternum*
cetera. De aliis honorum titulis, gestibusque, ex
instituto egerunt alii, in primis Becmann. *Nōrit,*
dignit. diff. VI. Quamuis vero vt his ritibus ver-
bisque honoris vtantur ciues, iure exigant impe-
rantes: non tamen vlla est ratio, quamobrem ad
eamdem cogi possint extranei, veluti legati princi-
pum et rerumpublicarum, qui, si ex suae gentis
ritu reuerentiam exhibuerint principi extero, of-
ficio suo omnino videntur defuncti. Conf. Corn.
Nep. *Conan. Cap. III.*

§. CCXXVII.

Praeterea quum fociorum sit, ita viuere ^{Erga}
cum fociiis, vti id communis societatis finis ^{conci-}
exigit: facile patet, 13) bonorum ciuium esse, ^{ues.}
ciues suos amare, 14) cum iisdem pacifice vi-
uere, 15) et non modo suum cuique tribuere,
sed et 16) ciuibus plus humanitatis, quam ex-
traneis, exhibere: denique 17) non obtrecta-
re inter se, aut inuidere aliis, quos aut nata-
lium splendor, aut imperantium beneuolen-
tia, aut eximia quaedam merita ad sublimio-
rem dignitatem euexerunt, aut 18) qui eminent
virtutibus, *) aut qui denique 19) in colli-
gendis

gendis opibus fortunam paullo benigniorem, quam alii, experti sunt.

- *) Est hoc vitium potissimum democratiis admodum familiare: quippe quae nec vitia pati, nec virtutes eminentiores ferre possunt. Hinc ferale illud Ephesinorum decretum, ob quod eos dignos esse aiebat Heraclitus, vt omnes adulti morerentur: *ἡμίων μηδὲ εἰς ὀνήσις ἔσω. εἰ δέ τις τοιῶτος, ἄλλη τε καὶ μετ' ἄλλων.* *Nostrium nemo meritis excellat, quoniam, si quis erit talis, alibi degat, et cum aliis.* Diog. Laert. VIII, 2. Quot viri praeclari Athenis labefactati sint illa testula, quam *ὄσρακισμὸν* vocabant, ex historia eorum satis notum est. Vid. Corn. Nep. *Themistocl. Cap. VIII. Aristid. Cap. I. Cimon. Cap. III. Signon. de republ. Athen. II, 4.*

§. CCXXVIII.

Specia-
lium of-
ficiorum
funda-
menta.

SPECIALIA ciuium officia omnia ex fine illius muneris, quo in republica funguntur, fluunt: ac proinde 20) res ipsa docet, singulos obligatos esse ad ea omnia facienda, quae fini muneris sui conueniunt, 21) eaque omnia omittenda, quae fini illi muneris sui repugnant: sed et 22) ad nullum ambiendum munus, cui se impares esse intelligant. 23) Ex quibus paucis regulis, quae sint officia ducum, consiliariorum, legatorum, quaestorum, magistratuum, iudicum, ministrorum ecclesiae, professorum et doctorum, militum, *) facile vnusquisque intelligit.

- *) Itaque non necessarium fuerit, ad singulorum officia specialia descendere. De iis tamen satis prolixè egit Pufendorff. *de offic. hom. et ciu. II, 18, 7. sequ.*

sequ. quem hic consuli velim ab iis, qui talia requirunt.

§. CCXXVIII.

Ceterum 24) officia ciuium generalia tam diu durare, quamdiu ciues sunt, 25) specialia tamdiu, quamdiu certis muneribus praesunt, facile intelligitur. Ciuis autem aliquis esse definit variis modis. Quum enim respublica constet ex hominum multitudine, (§. CVIII, 23.) quam *populum* adpellamus: sequitur, 26) vt, extincto disperseque populo, (quod terrae motu, bello, inundationibus, similibusque calamitatibus publicis contingere potest,) pauci superstites ciues esse definant, nisi hi statum suum tantisper tueantur, dum in iusti populi numerum iterum excreuerint: *) 27) non autem definire quem ciuem esse, si populus debellatus alii ciuitati, tamquam prouincia, ad crescat, quia tunc alterius ciuitatis fit ciuis, nec 28) si formam mutet respublica, quia tunc idem populus manet.

Ciuis aliquis esse definit, euerfa republica.

- *) Paucos illos superstites ad modum priuatorum sibi adrogare posse dominium rerum, quas antea populus possederit, non autem imperium illius populi, censet Grot. *de iure belli et pac.* II, 9, 4. Sed quamdiu superstilibus manet animus, habendi communem imperantem, ei submittendi voluntates suas, viresque omnes securitatis externae internaeque caussa vniendi: quidni maneret respublica? Ita sane mansit Atheniensium respublica, quando praelio perditis et desperatis rebus, ad tantam inopiam redacti fuerant Athenienses, vt, consumpta militari aetate, peregrinis ciuitatem, seruis libertatem,

tatem, damnatis impunitatem darent, et libertatem suam vix tueretur illa hominum colluuiēs. Iustin. *Hist.* V, 6.

§. CCXXX.

Non
mutata
reipub-
licae
forma.

Quum ergo mutata reip. forma idem maneat populus: (§. CCXXVIII, 28) consequens est, 29) ut salua illi maneant foedera realia, quae populo illi antea cum aliis ciuitatibus intercesserant: (§. CCXI, 99.) 30) salua etiam sint pacta publica, priore adhuc subsistente reipublicae forma, cum priuatis inita: 31) saluae denique obligationes populi istius, qui mutauit formam reipublicae. Non autem 32) ciues teneri ex factis eorum, qui iniuste inuaserint rempublicam, vel 33) contra leges fundamentales aliquid egerint, *) vel inde patet, quod in horum imperium numquam consenserunt.

*) Hinc Athenienses, excusso triginta tyrannorum imperio, legem condiderunt: *ὅποσα ἐπὶ τῶν τριάκοντα ἐπράχθη, ἢ δίκη ἰδικάσθῃ, ἢ ἴδια, ἢ δημοσία, ἀκυρὰ εἶναι.* Vt quaecumque sub triginta tyrannis acta, aut iudicia facta sint, siue priuatim, siue publice, irrita essent. Demosthen. in *Timocrat.* p. 782. Et similem fere Honorii Imperatoris constitutionem de actis Heracliani tyranni damnandis habemus in l. 13. C. *Theod. de infirm. quae sub tyrann.* Attamen moderanda haec videntur, 1) si obligatio e re nascatur, et populus inde fructum ceperit, vel in rem eius versum sit, 2) si per errorem quis imperium tenuerit, a populo electus, *arg. l. 3. D. de offic. praet.* in quam legem dissertationem elegantem de *electione magistratus inhabilis* scripsit Iac. Gothofredus.

us. 3) si quis initio iustum tenuerit imperium, et postea demum tyranni personam induerit, quo refero *l. 2. et l. 3. C. Theod. eod.* vbi Constantinus M. legitime gesta et rescripta Licinii rata esse iubet.

§. CCXXXI.

Praeterea ex eodem principio (§. CCXXVIII, 28.) colligimus, 34) non definire aliquem ciuem esse, si per diuisionem ex vna ciuitate plures fiant, vel 35) plures in vnum systema coalescant: quamuis 36) prior casu contingere possit, vt quis non prioris, sed nouae ciuitatis, ciuis sit. Si coloniam deducere decreuit respublica: permultum interest, qualis illa sit colonia. Quum enim aliae ita exeant maiore patria, vt singularem constituent rempublicam, ad nihil aliud obstrictam metropoli, nisi vt eam comiter venerentur: aliae, vt pars ciuitatis matricis maneant: *) facile patet, 37) prior casu idem contingere, quod, diuiso imperio, fieri diximus, 38) posteriore autem nullam mutationem circa obligationem priorem ciuium, qui coloniis adscripti sunt, fieri.

An si diuifum imperium, vel in coloniam quis adscriptus?

*) Tales colonias mittere solebant Graeci veteres. Vnde apud Thucydidem *Lib. I. p. 25.* Corcyraei: *ὅυ γάρ ἐπὶ τῷ δοῦλοι ἀλλ' ἐπὶ τῷ ὁμοιοι τοῖς λεεπομένοισι εἶναι ἐκπέμπονται.* Neque enim coloni in colonias emittuntur, ea conditione, vt sint serui: sed vt iis, qui in antiqua patria relinquuntur, pares sint. Quibus respondet Corinthii apud eundem *p. 28.* *Ἡμεῖς δὲ οὐδ' αὐτοὶ Φαμὲν*

μὲν ἐπὶ τῷ ὑπὸ τῶν ὑβρίζοντων κατὰδικάζειν,
ἀλλ' ἐπὶ τῷ ἡγεμόνες τε εἶναι καὶ τὰ εἰκότα
θαυμάζεσθαι· αἱ γοῦν ἄλλα ἀποικίας τιμῶ-
σιν ἡμᾶς, καὶ μάλιστα ὑπὸ ἀποίκων σεργόμεθα.
*Nos vero respondemus. ne nos quidem idcirco ipso-
rum coloniam collocasse, ut ab ipsis contumelia ad-
ficeremur, sed ut ipsorum duces essemus, ac conue-
niens nobis honor ab illis redderetur. Ceterae enim
coloniae nos comiter venerantur, et ab iis maxime
diligimur. Itaque colonorum horum tantum erat
τιμᾶν τὴν μητρόπολιν, καὶ ἐν πανηγύρεσι
τῇ κοινᾷ γίβει τὰ νομιζόμενα δίδοναι,*
*comiter venerari metropolim, eique in sollemnitati-
bus consuetos honores dare, uti idem loquitur Thu-
cydides ibid. p. 18. addens, quod et scholiastes mo-
net, in eo praecipue constituisse τὰ γίβει, ut in
publicis sacrificiis, distribuentes viscera, ciuibus me-
tropoleos primam partem, vel κατὰρχαs darent.*
*Plura de honore, quo huiusmodi coloni antiquae pa-
triae ciues prosequerentur, dixit Henr. Valef. not.*
*ad Excerpta Peiresc. p. 7. At alia omnia obserua-
bant Romani, quorum coloniae iura institutaque
omnia populi Romani, non sui arbitrii, habebant,*
teste Gellio Noct. Attic. XVII, quum tamen ipsi,
*Albanorum coloni, plane sui iuris ab ipsa origine
fuissent, et non tantum non comiter venerarentur
vererem patriam, sed et plane sub suam redi-
gere potestatem, non dubitarent. Quod ipsis me-
rito exprobrat Metius Fufetius apud Dionys. Ha-
licarn. Antiqu. Rom. Lib. III, p. 143.*

§. CCXXXIII.

An per
migra-
tionem.

Deinde quum ciuis quis sit ratione reipu-
blica quam cum aliis constituit, vel in quam
se ultro contulit: (§. CVIII, 26. et 28.) se-
quitur sane, 39) ut ciuis quis esse desinat, si-
mul

mul ac ciuitate patria vltro eo consilio emigravit, vt in alteram sese ciuitatem conferat, ibique constituat Lares fortunaeque domicilium, 40) nisi leges publicae vel migrare ciues plane vetent, veluti apud Argiuos, apud quos, vt ait Ouid. *Metamorph. Lib. XV. v. 28.*

Prohibent discedere leges,

*Poenaeque mors posita est patriam mutare
volenti.*

vel 41) eam libertatem, non nisi deducta certa bonorum parte, indulgeant, quod apud plerasque Europae gentes in mores iuisse, nouimus. Vt 42) ciuitatem quidem, at non obligationem erga patriam mutent ii, qui ad hostes transfugiunt, ac proinde 43) retracti ex fuga iure puniantur.

§. CCXXXIII.

Denique quum eos, qui in societate aliqua viuunt, nec sese societatis legibus accommodant, recte abs se segregent reliqui socii: (§. XXII, 70.) 44) idem et ciuibus procul dubio licebit, adeoque 45) malis ciuibus exilium iure irrogatur: eoque facto, 46) illi procul dubio ciues esse desinunt, quod tamen 47) non perinde dicendum videtur de relegatis, maxime, qui adhuc fundos possident in republica, nec non 48) de interdictis, qui in certum locum, reipublicae nostrae subiectum, deportantur, vt ibi vitam insuauem ducant,

An per
exili-
um?

ducant, vel certas operas praestent. Quin
49) generatim existimarim, eos, qui ob delictum iure ciuitatis excidunt, priuilegiis quidem ciuium priuari, non autem eo ipso liberari ab obligatione erga patriam rempublicam, eatenus saltem, 50) ne illi aegre faciant, aut Coriolanum imitati, ciues suos infestis armis persequantur. Liu.

II, 35. sequ.

F I N I S.



INDEX RERVM ET VERBORVM.

Numeri Romani librum; Arabici paragra-
phum; Asterisci * scholion indicant.

Academiae. Circa illas ius principis. II, 188.

Acceptatio an necessaria? I, 234. quoduplex? *ibid.*

Accessio quid? I, 250. Quid naturalis, industrialis mixta? *ibid.* naturalis fundamentum. I, 251. industrialis inducit communionem positivam. I, 256. 257. fortuita species occupationis. I, 250. *

Accessorium an semper sequatur principale? I, 258.

Acclamationes faustae plerumque in adulationem abeunt. I, 205. *

Achaicae ciuitates quae? II, 18, II, 119.

Actio quid? I, 25. bona vel mala. I, 1. I, 116. interna et externa. I, 25. humana, naturalis, libera, necessaria. I, 29. spontanea, inuita, vitranea, coacta, mixta. I, 58. iusta et iniusta, honesta, inhonesta, turpis, inhumana. I, 118. quae obiectum iuris naturae? I, 28. sequi. an externa tantum? I, 193. * quae imputetur? I, 112. an inuita et coacta? I, 109. an vrgente temperamento, adfectu, consuetudine, edita? I, 110.

an de aliorum actionibus iudicare sit cuiusvis? I, 97. * an quaedam sua natura iusta? I, 70.

Addictio in diem quid? I, 357. *Ἀδίσπολα* sibi vindicant imperantes. II, 175. quid circa ea iustum? 177.

Adfectionis ratio habetur in accessione industriali. I, 258. pretium quid? I, 332. eius quando ratio habeatur in satisfactio-
ne? I, 212.

Adfectus an impediunt libertatem voluntatis? I, 55. quibusnam facilius resistatur? I, 110. * a ratione regendi. I, 149.

Adferruminatio quid? I, 260.

Adgratiandi ius principi competens. II, 158.

Adgressorem quando occidere liceat? I, 185.

Adiunctio quid? I, 260. cui res, cui qui adiunctum, adquiratur? I, 260.

Administer quis? II, 181. circa eum quid iuris sit principi? II, 181.

Adoptio an iuris naturae? II, 55.

Adpellatio. vid. *prouocatio*.

Adplumbatura, quid circa eam iustum. I, 260.

Adprobatio subsequuta pro consensu est. I, 263.

Adquirendi modi originarii. I, 239. deriuatiui. I, 240.

O o

Adscen-

Adscendentium successio. I, 301.
Adsecuratio quid? I, 203. quid circa eam iustum? I, 204.
Aedificium cuius sit, in alieno solo, vel aliena materia exstructum? I, 261.
Aequalitas hominum, fundamentum officiorum erga alios. I, 272. quænam seruanda in societate? I, 381.
Aequitas quid? I, 103. fundamentum interpretationis restrictiuae. I, 103.
Aerarium quid? II, 174. in illud influunt tributa et vestigalia. II, 179.
Agentis conditio consideranda in imputatione. I, 113.
Agere homo semper cupit bene. I, 3. cur aequè facile male, ac bene agat? I, 3.
Agri arcifinii et limitati. I, 254.*.
Aliena res domino restituenda. I, 323. quid si eius dominus non adpareat? I, 324.
Alienatio quid? I, 267. necessaria et voluntaria, pura et conditionalis. I, 267. 278. * praesens et futura. I, 268.
Allianzen, foedera offensiuæ et defensiuæ II, 210.
Alluuiò cui adquiratur? I, 254.
Alueus deuelictus cui adquiratur. I, 255.
Ambigue quando loqui liceat? I, 204.
Amnestitiæ lex omni paci inferi solet. II, 219.

Amor quid? I, 80. quotuplex? I, 82. et 85. iustitiæ. I, 82. humanitatis et beneficentiæ. I, 83. deuotionis et obedientiæ. I, 86. sequi. amicitiae. I, 86. 88. beneuolentiæ. I, 86. 89. purus quid? I, 130.* erga Deum. I, 91. et 130. erga seipsum. I, 136. sequi. erga alios. I, 172. nostri, non debet maior esse amore Dei. I, 155. principium est iuris naturæ. I, 79. eius obiecta. I, 90.
Angariationes inter gentes an iustæ? II, 173.
Animalia quando fiant capiendum? I, 246. vulnerata an intercipi possint? I, 246.*
Antichresis quid? I, 369. quid circa eam iustum? I, 372. 283.
Ἀπληγκότες qui? I, 33.*
Arbor in confinio posita: ex ea quis fructus adquirat? I, 265.
Aristocratiae origo. II, 116. quomodo in ea exercentur iura maiestatis? II, 123. in eius Senatu sententiæ plurium vincunt pauciores. II, 123.
Atheismi et superstitionis comparatio otiosa. I, 133.* eius plures falso suspecti. I, 129.*
Athem an iuste agere possit? I, 14.
Auctio quid? I, 359.
Auersatio quid? I, 52.
Auersio

Auerſio. per illam quando contrahatur? I, 359.

Αὐτοχρησία. vid. mors voluntaria.

B *Arriere* - *Traſtaten.* II, 209.
Bellum gerere licet. II, 190. quid? II, 191. cui eius ius? II, 192. an et a magiſtratu recte indicatur? II, 193. an et a priuatis? II, 194. an recte diuidatur in publicum et priuatum? *ibid.* quid ciuile? *ibid.* quid repraeſentatiuum? *ibid.* eius cauſae iuſtifica. II, 195. denſenſium et offenſium. *ibid.* puniti-uum an detur? *ibid.* an ob ius imperfectum denegatum poſſit indici? II, 196. an pro aliis recte ſuſcipiatur? II, 197. iniuſti eius colores. II, 198. ſollemne et iuſtum, vel minus ſollemne et iniuſtum. II, 199. cauſae eius liquidae eſſe debent. II, 200. **BELLIRATIO** (*la raiſon de guerre*) quid? II, 201. * per illud quomodo adquiratur? II, 204. eius ius. I, 183. in ſtatu naturali omnibus competit. II, 10.

Benedictio quid? I, 203. 205.
Beneſcentia. Ad eam obligatio. I, 221. quid? I, 122. vnde proficiſci debeat? I, 223.

Beneſcentiae amor. I, 83. ad eum quomodo oblige-
 mur? I, 84.

Beneſcia quid? I, 113. * I, 222. ſapienter diſpenſanda. I, 224. neceſſitati et condi-
 tioni alterius attempe-
 randa. I, 225. in iis obser-
 uandi gradus neceſſitu-
 dinis. I, 226.

Blasphemiae crimen. I, 128.
 inexcufabile. I, 160. *

Bruta an iure naturae obligen-
 tur. I, 20. an ab homini-
 bus iugulari queant? I, 232. * aliquando digna
 amore beneuolentiae. I, 90. *) an iis certa officia
 debeamus? I, 90.

Buccinatores in bello inuiolabi-
 les. II, 223.

C.

C *Adauerum* oppignoratio. I, 384. *

Caelibatus an contra I. N? II, 34.

Calculus Mineruae quid? II, 123. *

Calumnia quid? I, 154. an eam
 refellere debeat vir bo-
 nus? I, 154.

Capti bello in ſeruitutem non
 iniuſte detruduntur. II, 80.

Carne humana an veſci liceat
 in extrema neceſſitate?
 I, 166.

Carnifex an vi coactus recte oc-
 cidat innocentem? I, 168

Cartel quid? I, 210.

Caſtigatiōis a poena differen-
 tia. II, 159. *

O o 2

Cafum

- Casum* fert dominus. I, 211.
- Causa* actionis physica et moralis quid? I, 112.
- Cauterio* vltia: cur dicatur conscientia? I, 48.*
- Cessio* quid? I, 266. eius differentia a delegatione. I, 418. aliquando latius accipitur. I, 266. rei communis quid? I, 273. quid circa eam iustum? ibid.
- Ciues* voluntates suas submittere tenentur imperantibus II, 115. in eorum bona quid iuris imperanti? II, 169. sequi officia eorum generalia et specialia II, 224. generalia erga remp. II, 225. erga summos imperantes, II, 226. erga conciuies. II, 227. specialia II, 228. Quando esse quis designat? II, 229. sequi.
- Ciuitates* quomodo oriuntur? II, 18. * earum systema quid? II, 119. vid. et *Respublica*.
- Coacta* actio I, 58. est actio voluntaria. I, 59. voluntas nihilominus voluntas. I, 59. I, 109. *
- Coactio* quando iure fiat? I, 109. *
- Cogitatione* etiam laedi, quis potest. I, 193.
- Collateralium* successio. I, 302.
- Coloniarum* varia genera. II, 231. *
- Commercia* circa ea ius imperantium. II, 169. II, 189.
- eorum origo. I, 325. * necessitas. I, 326. quid? I, 327. per contractus tantum potuerunt institui. I, 327.
- Commissoria lex*. I, 357. 130. an iure nat. illicita in pignore? I, 373. sub ea et imperium dari potest. I, 134.
- Commixtio* qualis modus adquirendi? I, 263.
- Commodantis* officia. I, 349.
- Commodatarii* officia. I, 343.
- Commodatum* qualis contractus? I, 342.
- Communio* quid? I, 231. positua et negatiua, aequalis, inaequalis, perfecta, imperfecta. I, 231. positua vnde nata? I, 237. in negatiua initio fuerunt omnia. I, 238. quae in ea permanserint, introducto dominio? I, 235. cur ex ea discessum? I, 234. cur et expositua? I, 238. bonorum inter coniuges. I, 238.
- Communis* res diuidua vel indiuidua I, 270. in commune poscebantur res inuentae. I, 248. *
- Compensatio* quid? I, 409. quid circa illam iustum? I, 410. locum tantum habet in debitis liquidis. I, 410.
- Concilia* de rebus ecclesiasticis. II, 187.
- Concubina* a pellice diuersa. II, 50. *

Con-

- Conditio** quid? I, 401. cur impossibilis et turpis iure Rom. in ultimis voluntatis pro non adiecta habeatur? I, 402. * ea non existente, obligatio soluitur. I, 414.
- Condonatio** quid? et quomodo fiat? I, 408.
- Conductoris** officia. I, 362.
- Confusio**, modus acquirendi. I, 263.
- Coningium** societas licita et simplicissima. II, 26. eius finis. II, 27. quid? II, 28. an in eo certos gradus prohibeat ius naturae? II, 41.
- Coningum** habilitas ratione aetatis. II, 31. eorum officia ex fine matrimonii deriuata. II, 44. nec non ex pacto. II, 43.
- Conscientia** quid? I, 33. sequi bona et mala. I, 35. antecedens et consequens. I, 36. tenera. I, 37. instigans, reuocans, admonens I, 38. recta, erronea. I, 39. certa, probabilis, I, 40. dubia vel scrupulosa. I, 51. libera, minus libera, I, 42. dormitans, expergefacta, cauterio vsta, I, 43. tranquilla, remordens, irrequieta, anxia, I, 44. remordens an ex metu supplicii? I, 44. * an actionum humanarum norma? I, 45. an, dubia illa, actus suspendendus? I, 46.
- Consensus** omnium gentium non semper iustitiae argumentum. I, 71. * nec principium iuris naturae. *ibid.* quid sit? I, 263. * pacificentium. I, 396.
- Conseruare** hominem quid dicatur? I, 2.
- Conspiratio**. Per eam an consensus ciuium sperandus? II, 115. *
- Contractus** quid? I, 385. et 405. onerosi, benefici, et aleam continentes. I, 328. * a quibus ineantur? I, 384. de quibus rebus? I, 384.
- Cordi** inscriptum cur dicatur ius naturae? I, 15. *
- Corpus** ad hominis essentiam pertinet. I, 141. * aequae mens, perficiendum est. I, 142. 150. eius exercitationes an apud omnes eadem? I, 150. * alterius non laedendum. I, 190.
- Correalis** obligatio quid? I, 374. eius effectus I, 377.
- Corruptio** quid? I, 189.
- Creatae** res. in eas quod ius habeant homines? I, 232.
- Cultus** Dei externus an ex ratione demonstrabilis? I, 135. * fluere ille debet ex amore Dei. I, 136. ex timore eius. I, 137. nec non ex fiducia in Deo collocata. I, 138. publicus qualis? 138. *vid. et Dei cultus.*

D.

D*amno* cum alterius nemo debet fieri locupletior. I, 257. * *damnum* quid? I, 321. *

Debitoris obligatio. I, 366.

Decipere quid? I, 199. hostem licet, falso rumore sparso. I, 200. *

Deductiones quid? II, 202. *

Defensio sui cur licita? I, 182. eius requisita. I, 184. sequi pro quibus rebus permessa? I, 286. sequi. vid. et *Moderamen inculpatas tutelae*.

Deformitas an et quando imputetur? I, 106. *

Defraudatio quid? I, 322.

Deiectio violenta. I, 321.

Delegatio quid? et quid circa illam iuris? I, 321.

Delicta an omnia punienda? II, 162.

Delinquens an obligatus ad poenam? II, 161.

Demagogi qui? II, 124. *

Democratia quomodo oriatur? II, 116. in ea quomodo exerceantur iura maiestatis? II, 124. ea in ochlocratiam facile degenerat. II, 117. et 124.

Deponentis officium. I, 349.

Depositarii officia. I, 345.

Depositum qualis contractus, et quid in eo iustum? I, 344.

Destruere quid dicatur hominem? I, 2.

Deus. Ad eius agnitionem sibi comparandam omnes

obligati. I, 126. de eius existentiagentes omnes persuasae. I, 126. de eo recte sentiendum. I, 127. eius unitas. I, 128. * eius gloria prouehenda. I, 129. quomodo colendus? I, 135. amandus? I, 91. 125. I, 130. ei obsequendum. I, 131. Idem timendus. I, 131. in eo collocanda fiducia. I, 134. auctor est iuris nat. I, 7. eius ius in res creatas. I, 10. * eo non existente, futurum non esset ius naturae. I, 14. cogitationes etiam hominum perspectas habet. I, 98.

Dispositio libera, effectus domini. I, 306. eius effectus. I, 307.

Dissensus mutuus, modus soluendi obligationes. I, 412.

Dissimulatio quid? et an licita. I, 199.

Diuinitas an licita? I, 133.

Diuisio rerum quid et quomodo fiat? I, 266. I, 269. sequi, cur ad eam quilibet recte prouocet? I, 269. ea vel aequalis, vel inaequalis. I, 271. an aliquis condominorum in ea sibi praecipuum recte petat? I, 271. rerum imperfecte communium diuisio quomodo fiat? I, 272.

Diuitiae quid? et an ad eas quae-

quaerendas quis sit obligatus? I, 151.

Disortium an, et quando licitum? II, 49.

Dolores an morte a se amoliri liceat? I, 165.*

Domania quid? et cur inuenta? II, 175.

Dominium quid? I, 231. communioni negatiuae oppositum. I, 234. cur introductum? I, 235. aliud in communione positum, aliud in proprietate consistit. I, 235. et 237. plenum et minus plenum I, 280. directum et vtile. *ibid.* minus pleni species. I, 281. triplex domini effectus. I, 306. aliquando per leges civiles restringuntur. I, 317. itemque per pacta et dispositiones priorum dominorum. I, 318. eminens quid? II, 168. quando ei locus sit? II, 161. et 172. an et ad res exteriorum non hostium porrigatur? II, 173.

Dominus omnem ex re sua utilitatem merito capit. I, 307. eam et destruere et corrumpere potest. I, 308. itemque alienare. I, 309. et possessionem adprehendere et retinere. I, 310. nec non vindicare. I, 311. quatenus sibi vindicet accessiones et fructus? I, 312. sequi. in usu rerum suarum non est impediendus. I, 319.

Dominus qua potestate gaudeat in seruos mercenarios? II, 82. 83. qua in seruos obnoxios? II, 84. sequi. eius officia erga seruos mercenarios. II, 83. et obnoxios. II, 86.

Donatio quid? I, 383. inter vivos et mortis causa. I, 222.

Dotium origo. II, 48.*

E.

E*Brietas* quae imputetur? I, 106.

Ebrius an recte paciscatur? I, 392. an delinquens duplicem mereatur poenam? I, 50.*

Ecclesia. circa eam quodnam ius imperantis? II, 183. 187.

Educatio liberorum finis coniugii. II, 27. qualis esse debeat? II, 60.

Elargiri quando dicamur beneficia? I, 221.

Electio imperantis. Quid circa eam iustum? II, 140.

Electitium regnum. II, 139.

Emancipatio liberorum qualis apud Romanos? II, 71.*

Emphyteuticum ius. I, 281.

Emtio venditio in usu esse coepit, inuento numo. I, 350. in ea neuter contrahentium laedendus. I, 352. an illam vitiet error. I, 352. ei quaeuis pacta recte adiiciuntur. I, 357. in ea et quiduis recte excipitur. I, 358. potest sub quacumque conditione fieri.

- fieri. I, 358. per auctio-
nem, sub hasta, per
auerfionem, fpei. I, 359.
- Εὐπνία* quid veteribus? I,
106. *
- Episcopale* ius an imperanti re-
cte tribuatur? II, 183.
- Error* quid? I, 17. an omnis
culpabilis? I, 18. cum igno-
rantia ratione imputa-
tionis conuenit. I, 107.
iuris vel facti quando
impuretur? I, 108. an
pactum vitiet? I, 393.
an emtionem? I, 352.
Vid. et *Ignorantia*.
- Euitio* debetur socio. I, 274.
vt et emtori. I, 356.
- Exhereditatio* quando iusta? I, 62.
- Existimatio* quid? I, 153. ad
eam tuendam, ampli-
ficandamque obligati su-
mus. I, 153. an vi defen-
di possit? I, 187. alterius
non laedenda. I, 191.
simplex et intensiua. I,
191.
- Exponere* infantes impium. II,
62.
- Expromissor* quid? I, 374. eius
obligatio. I, 378.
- Exsecratio* quid? I, 203. ea vti
non licet. I, 205.
F.
- F***Abulis* quando vti liceat?
I, 200.
- Facti* circumstantiae in impu-
tatione considerandae.
I, 100.
- Facultates* quae dicantur? I,
151.
- Falsiloquium* quid? I, 201. eo
quando vti liceat? I, 200.
- Famam* tueri quisque tenetur
I, 153.
- Fames* extrema an det homini
ius carne humana ve-
scendi? I, 166. an res
alienas contrectandi?
I, 170.
- Familia* quid? II, 90. quem pe-
nes eius directio fit? II,
91. eius finis in statu na-
turali et ciuili. II, 92. ei
impedimento esse non
debent societates simpli-
ciores. II, 95. in ea quae
officia patrisfamilias?
II, 96. et reliquorum. II,
98. in ea omnia redeunt
ad ordinem. II, 98.
- Felicitas* in quo consistat? I, 79.
nostram intendit Deus.
I, 77. ad eamque nos ob-
ligat. I, 78.
- Fendi* origo. I, 281.
- Fictio* quid? I, 201. quando ea
vti liceat? I, 200. *
- Fideiussio* quid? I, 374. pro
quibus rebus admitten-
da. I, 375.
- Fideiussorum* obligatio. I, 376.
eorum beneficia an iuris
nat? I, 376.
- Fiducia* in Deo collocanda. I,
134. eius iudicium apud
Romanos famosum. I,
204. *
- Filiae* nuptae et dotatae an iu-
re excludantur heredi-
tate paterna? II, 72.
- Filiusfamilias* quis? II, 90.
- Finis* Dei in creatione homi-
num. I, 77. *
- Fiscus* quid? II, 174. eum quid
locu-

locupletet? II, 175.
eius iura circa *ἀδίστονο-
7α*. II, 177.

Fluminis vis qualis adquisitio?
I, 254.

Foedus quid? II, 207. aequale
et inaequale. *ibid.* inae-
qualia quotuplicia? II,
207. simplicia et singu-
laris praestationis. II,
208. belli et pacis tem-
pore inita. II, 209. sequ.
personalia et realia. II,
211. an ea et sociis, et qui-
bus, prosint? II, 212.
an pangere liceat cum in-
fidelibus? II, 214. circa
ea officia. II, 217.

Foedus pacis. vid. *pax*.

Foetura animalium modus ad-
quirendi. I, 252.

Fructus ex arbore, in confi-
nio posita cui adquiran-
tur? I, 265.

Fuga, ad eam num quis ob-
strictus sit, qui se aduer-
sus adgressorem defen-
dit? I, 185.

Fugienti an liceat proterere ob-
stantem? I, 169.

Fungibiles res quid? I, 364. *

Furtum quid? I, 321. an et ab eo
admittatur, qui urgente
extrema necessitate, ali-
quid contrectat? I, 170. *

G.

G*enere* in eodem reddere,
quid? I, 364. *

Gestibus quoque nemo laeden-
dus, I, 195.

Gradu non modo, sed et linea,
propiores in hereditate
praeferendi. I, 296. *

Gratitudo quid? I, 227. ad eam
obligatio *ibid.* de ea regu-
lae. I, 228.

Guarantia pacis. II, 209.

H.

H*eredes* necessarii an iure
naturae? I, 304. eorum
successio in iura et obli-
gationes defuncti. I, 305.
propiores non modo ra-
tione gradus, sed et ra-
tione lineae habentur. I,
296. *

Hereditas. De ea quatenus dis-
ponere liceat iure natu-
rae? I, 291. an sibi desti-
natam heres accipere te-
neatur? I, 284.

Herilis societatis origo. II, 76.

Herus et *bera* qui? II, 77.

Homo homini natura aequalis.
I, 172. ergo aequaliter
tractandus ab aliis. I, 177.

Honor quid? I, 87. * an vi de-
fendi possit? I, 187.

Hospitii ius an ad foedera ami-
citiae referendum? II,
208. *

Hostiles res per fictionem pro
nullis habebantur apud
Romanos. I, 247. *

Hostis. Quid illi in hostem li-
ceat? II, 201. an foede-
ribus et pactis decipi pos-
sit II, 202. an ei debean-
tur humanitatis officia?
I, 218.

O o s

Huma-

Humana carne an vesci liceat in extrema fame? I, 166.

Humanitatis amor quid? eiusque differentia ab amore iustitiae I, 83. an et amicis et quibus prae reliquis debeatur? I, 210. ad eum quomodo obligemur? I, 84. hostibus denegari potest, si nobis inde damnum imminet. I, 218.

Hypotheca quid? I, 283. I, 369. quid circa illam iustum? I, 283. et 369. an interitorio constitui possit a gentibus liberis? I, 371.

I.

I*Actus mercium alienarum quando licitus?* I, 170.

Ignorantia quid? I, 47. an omnis culpanda? I, 48. I, 107. voluntaria, inuoluntaria. I, 107. 150. iuris et facti. I, 108. vincibilis et inuincibilis. I, 50. I, 107. iuris naturae quando non imputetur? I, 47. principiorum boni et mali inexcusabilis. I, 49. ex ea saepe aliquid boni fit. I, 16.

Immunitas a tributis non temere pluribus concedenda. II, 24. *

Imperantes ut eligantur? II, 40. sunt sacrosancti. II, 132. iis tamen non, quidquid libet, licet. II, 133. eorum officium circa ministros. et magistratus I, 182. ius circa sacra. II, 183.

Imperium quomodo adquiratur. II, 146 et 239. an recte distinguatur in patrimoniale et usufructuarium? II, 147. sequ. alienari nequit, nisi populo consentiente. II, 149. In eo etiam ius naturae obseruandum. II, 21. * in omni republica est summum et ἀνυπαρχόν II, 179. eius vis sese exferit per iura maiestatis. II, 135. vel electitium vel successuum. II, 239.

Impietas quid? ea rectae rationi repugnat. I, 128.

Imputatio quid? I, 95. sequ. quomodo differat a conscientia? I, 97. fit vel in foro diuino, vel in humano. I, 98. eius effectus meritum. I, 99. quando habeat locum? I, 100. quando cesset, 105. Quae actiones imputentur vel non? 105 sequ. quid in ea spectandum? I, 113. sequ. omissionis actionum. I, 115.

Impudentia vitanda. I, 106. *

Incessus quis iuris gentium? II, 41. 47.

Inclusio, species accessionis. I, 260.

Induciaē ad statum belli pertinent. II, 191. et 210. quomodo earum tempus computandum II, 210. *

Industria. Ad eam unusquisque obligatus est. I, 152.

Infamia

Infamia non omnia delicta sequi debet. II, 167.

Ingratitudo simplex et praeagnans. I, 227. * an ob eam detur actio forensis? I, 227.

Inimicis non deneganda humanitas. I, 219.

Iniuria quid? I, 191. ea laeditur alterius existimatio. *ibid.*

Insula noua cui adquiratur? I, 253.

Intellectus quomodo ad actiones humanas concurrat? I, 30 et 32. eius imbecillitates. I, 47. sequi ad eius culturam unusquisque obligatus. I, 146. sequi alterius non est laedendus. I, 138.

Interpretatio legis an in I. N. necessaria? I, 101. * eius fundamenta. I, 102. restrictiua, extensiua, declaratiua. I, 103. authentica, usualis, doctrinalis. I, 104.

Interregnum quid? II, 142. ordinarium et extraordinarium. II, 145. an eodurante subsistat respublica? II, 142.

Intextura species accessionis. I, 260.

Inuentio rerum nullius. I, 248. et pro derelictis habitatum. I, 249.

Inuita actio quae? I, 158. eadem ac inuoluntaria? 159.

Inundati agri dominium non extinguuntur. I, 255.

Iudicia priuata et publica II, 157.

Iudiciaria potestas ius maiestatis II, 56.

Iurare qui et quomodo debeant? I, 207.

Iurisdictio non personas et res ecclesiasticas penes principem II, 157.

Iurisprudencia naturalis quid? I, 2. eadem et diuina rete dicitur. *ibid.*

Ius et obligatio correlata. I, 7. po lege acceptum quid? I, 9. sine lege concipi non potest. I, 9. *

Ius ciuile, quomodo differat a naturali I, 18. vtilitati reip. attemperandum est. I, 36. * in eo maxima iuris naturae vtilitas. I, 19.

Ius gentium quid? I, 21. an a iure naturae diuersum? I, 22. an ex moribus gentium estimandum. *ibid.* *

Ius iurandum quid? I, 203. eius usus. I, 206. variae species, *ibid.* cuiusuis religioni est attemperandum. I, 207. ex mente deferentis interpretandum. I, 208. an seruandum semper ab eo, qui iurauit alterum nullius rei a se repulsam laturum. I, 208. * eius effectus I, 209. an ei per cauillationem satis fiat? I, 209. *

Ius maiestatis, vid. Maiestas.

Ius

Ius Naturae quid? I, 12. eius auctor Deus. I, 10. eiusdem normae recta ratio. I, 11. an ad actiones tantum externa pertineat? I, 193. * homines et in statu naturali obligavit. II, 7. praeceptum et permissum. I, 13. an futurum esset, si non existeret Deus? 14. cur dicatur cordibus hominum inscriptum? I, 15. an et in infantibus reperiatur? I, 15. eius harmonia cum S. S. I, 16. est immutabile. I, 17. quomodo differat iure civili? I, 18. et a iure gentium. I, 22. an ex utilitate nascatur? I, 18. an et bruta obliget? I, 20.

Ius omnium in omnes, an principium iuris Naturae? I, 73. an omne ex pacto oriatur? II, 9. perfectum et imperfectum. I, 197. * talionis. I, 190. vitae et necis an competat parentibus in liberos? II, 57. an dominis in seruos? II, 84.

Iustitia quid? I, 220. distributiva. I, 279. * interna et externa. II, 150. in hac consistit securitas reipublicae interna. II, 150. expletrix et attributrix. I, 119.

Iustitiae amor quid? I, 82. ad eum perfecte obliga-

mur. I, 84. diuinæ et humanae fundamentum est voluntas Dei. I, 65. diuinæ et humanae differencia. I, 66.

Iustum natura tale. I, 11. * quid? I, 12.

K.

Kαθ'ἑκαστον quid Stoicis? I, 119. *

Κηρυκες sacrosancti et inuiolabiles apud Graecos. II, 223.

L.

Labor. ad eum obligati sumus. I, 152. ab immodico tamen abstinendum. I, 145.

Laedens tenerur ad satisfactionem. I, 210.

Laedere quid? I, 175. nemo laedendus. I, 128. 78. 193.

Largitas quid? I, 221. *

Legatos mittendi ius. II, 222. eorum iura. II, 222. 223. an indemnes illi praestandi, si quid casu damni passi sint? I, 349. *

Leges ferendi potestas ius maiestatis. II, 151. civiles quid? II, 152. circa diuinas quid liceat imperanti? II, 153. earum sepimentum quid? II, 153. * perfectæ, imperfectæ, minus, quam perfectæ. II, 155. humanae an admittant exceptionem? II, 155.

ceptionem necessitatis
I, 159. an diuinae adfirmatiuae? I, 159. an diuinae negantes? I, 161 sequ. diuinae quid et quotuplices? I, 164 naturales Deum autorem habent. I, 10.

Lex imputaturo actionem perspecta esse debet. I, 100. et rite interpretanda, I, 101. eius, si perfecta sit, quot partes, et quae esse debeant? II, 154. ei adnexa factio poenalis definita, indefinita, arbitraria II, 155. fundamentals reip. quid? II, 112 sine ea boni fuisse dicuntur primaeui homines. I, 8. *

Liberi parentibus debent amorem deuotionis. II, 67. 68. 70. erga eos officia parentum. II, 66. eorum obligatio erga parentes, soluta horum potestate. II, 72 et 74. eorum successio in bona parentum. I, 297. sequ.

Libertas quid? I, 4. II, 6. * virtute praedictorum. I, 42. * voluntatis. I, 53. sequ. naturalis, politica, vel civilis et iuris gentium. II, 6. *

Libertus quis? II, 89. eius officia. *ibid.*

Licita non omnia honesta, I, 38. *

Linea facit heredes propiores. I, 296. *

Litteris loco sermonis vtuntur. I, 195. *

Locatio conductio. inuento nummo, inualuit. I, 350. I, 360. quid circa eam iustum? I, 360. sequ.

Locatoris officia. I, 361.

M.

Macchianellistarum principia II, 131.

Magia superstitiosa fugienda. I, 133. *

Magistratus qui? II, 181. quid circa eos iustum? *ibid.* et sequ.

Maieestas realis an penes populum in monarchia, personalis penes principem? II, 130. eius iura quis in monarchia, aristocratia, et democratia exerceat? II, 123 sequ. quis in rebus mixtis? II, 125. quis in systematibus ciuitatum? II, 126. eius iura quid? II, 135. an eadem ac regalia? II, 135. * immanentia et transeuntia. II, 136 sequ. an sint diuidua? II, 138.

Maledictio quid? I, 203. illucita. I, 205.

Mandantis officia. I, 349.

Mandatarii officia. I, 347.

Mandati contractus, eiusque indoles I, 346.

Manifesta, scripta, quid? II, 200. *

Manumissio quid? II, 88.

Mare an in dominio? II, 177.

Mariage de conscience. II, 50. *

Mar-

- Maritalis* potestas qualis? II, 46. an pacto mutari aliquid circa illam possit? II, 47.
- Maritus* an castigare possit uxorem? II, 46. onera matrimonii ferre tenetur. II, 48. an gaudeat imperio in uxorem? II, 45.
- Masculi* an feminis in successione praeferrendi? I, 297.
- Mater* obligata est ad infantes, lacte suo alendos. II, 61.*
- Materfamilias* quae? II, 90.
- Matrimonium* quatenus indissolubile? II, 49. imperfectum, putativum. II, 50. fenum veluti honorarium. II, 32. extra id omne genus libidinum vetitum. II, 35. eius onera ferre tenetur maritus. II, 48.
- Mediatorum* pacis officium. II, 221.
- Membrum* an abscindi possit vitae seruandae causa? I, 165.
- Mendacium* quid? I, 199. quomodo a falsoquio differat? I, 201.
- Mens* perficienda pro virili. I, 350.
- Meritum* effectus imputationis. I, 99.
- Metalla* nobiliora cur adhibita, ut pretio eminente fungerentur? I, 335.
- Militia* lecta, mercenaria, sociaria. II, 192.*
- Milites* an quidam fugientes excludi possint castello, ne simul hostes irruant? I, 167.*
- Ministrissimus* quis dicatur? II, 182.
- Missile* cui adquirantur? I, 49.
- Mixtae* etiones an dentur? I, 58
- Moderata* inculpatae tutelae quid? I, 163. 166. et 180 eius limites. I, 181. aduersus quos eo uti liceat? I, 82. quamdiu ei locus sit in statu naturali? I, 193. et civili? I, 184.
- Monarcha* quemvis honoris titulum sibi ipse adsciscit. II, 120. ii. monarchia solus exeret iura maiestatis. II, 121. quomodo a tyranno differat? II, 122.
- Monarchiae* origo II, 116.
- Monarchomachorum* error. II, 130.
- Moneta* cudendi ius ad fiscum pertinet. II, 178.
- Mores* quid? I, 55. an libertatem voluntatis impediunt? I, 55.
- Morganatica* lex. I, 50.
- Mori* quid? I, 143.
- Mors* quando intrepide obeunda? I, 143. voluntaria semper iniusta. I, 144.
- Mulctae* ad fiscum pertinent. II, 178.
- Municipium* an sit respublica? II, 129.*
- Mutschirung* quid? I, 270.*
- Mutuum*

Mutuum quid? I, 364. in eo transfertur dominium.

I, 365.

N.

N*aufragium*. In eo quid iustum pro vita seruanda?

I, 167.

Necessitas an habeat legem? I,

155. eius fauoris quodnam fundamentum sit?

I, 156. quid et quotuplex? I, 157. quae fauorem mereatur? I, 158.

regulae de fauore necessitatis. I, 159 sequ. an ea

urgente quis contrectare vel perdere possit res

alienas? I, 170.

Negotiorum gestoris officia. I,

Negotiorum gestio. I, 346. eius, cuius negotia gesta, officium. I, 349.

Nepotes quomodo auis succedant? I, 299. sequ.

Neutralitäts - Tractaten. II, 210.

Noachi praecepta an norma I. N? I, 16. et 72.

Nobilitatis gentilitiae origo. I, 105 *

Nolle et non velle an synonyma? I, 52.

Norma actionum an indigeat homo? I, 4. quid? I, 8.

eius requisita. I, 5 sequ.

iuris naturae an eadem cum eiusdem principio?

I, 60. non in nobis ipsis, sed extra nos quaerenda. I, 61. an illa sit voluntas Dei? I, 62.

Nouatio I, 389. quid sit? I, 418.

Numi definitio Aristotelica. I,

329. * eius loco variis rebus vsae sunt aliae

gentes. I, 335. * quantum illi pretii statuendum? I, 336.

eo nondum inuento, quale commercii genus in vsu fuerit? I, 337.

Nuptias facit consensus II, 29.

an iis ritus quosdam desideret I. N? II, 42. qui

eas facere possint? II, 32. sequ.

O.

O*bedientia* quid? I, 87. *

Obligatio quid? I, 6. externa et interna I, 7. eius

correllatum ius? I, 7. specie obligationis nobilissima est interna, at-

tamen ius naturae et externam desiderat. I, 8. *

et 9. perfecta et imperfecta. I, 9. soluitur variis modis. I, 406. solu-

tione. I, 407. compensatione. I, 409. condonatione. I, 411. mutuo dis-

sensu. I, 412. temporis lapsu et non existente

conditione. I, 414. morte. I, 425. status muta-

tione I, 416. rei interitu. I, 417. nouatione et delegatione. I, 418.

Obsequium erga Deum quid? I, 131.

Obsidum iura et obligationes. II, 221 *

Occasio quid? I, 114. * peccandi vitanda I, 114 *

Occidendum non est. I, 179.

Occu-

Occupatio quid? I, 222, quomodo fiat? I, 242. per vniuersitatem, et per fundos. I, 243. bellica unde deriuanda? I, 147.

Ocblocratia. In eam facile degenerat democratia. II, 117. 124.

Odium quid? I, 80.

Officifitas quid? I, 122. ad eam obligamur. I, 229.

Officium quid? I, 113. 120. 172. perfectum et imperfectum. I, 173. sequ. absolutum et hypotheticum. I, 175. fundamentum perfectorum officiorum. I, 175. hypotheticorum. I, 176. imperfectorum. I, 214. imperfecta aliquando in perfecta transeunt I, 216. naturalia, Christiana, ciuilia. I, 123.

Oligarchia. in eam degenerare potest aristocratia. II, 117 123.

Optimum. Ad id eligendum sumus obligati. I, 92. *. I, 181. *

Ordo in familia bene constituta praecipuum. II, 98. naturae an principium iuris naturalis? I, 76.

P.

P*Acis* externae studium an principium iuris Naturae? I, 73.

Paciscentium consensus mutus esse debet. I, 396.

Pacisci qui possint? I, 392. an et pro aliis liceat? I, 403.

Pactum. Ex eo officia hypothetica. I, 176. quid? I, 385. a contractu quomodo differat? I, 385. an vtile, quod initum ex ignorantia vel errore? I, 393. an, quod dolo malo elicitum? I, 394. an, quod vi extortum? I, 395. an quod factum de rebus impossibilibus? I, 397. vel de turpibus? I, 398. an, si coniunctum sit cum alterius detrimento? I, 399. cur pacta sint necessaria? I, 386. maxime in statu naturali. II, 11. ea seruanda. I, 387. sequ. alia vnilateralia, alia bilateralia, alia obligatoria, alia mixta. I, 389. et nuda obligant. I, 390. alia expressa, alia tacita. I, 391. alia pure, alia sub conditione, alia ex die vel in diem ineuntur. I, 401. sub conditione impossibili vel turpi inita non valent. I, 401. sequ.

Pactum de successionem an valeat? I, 393. reddendae vicissitudinis quid? I, 341. de commodando. I, 357. protimiseos, de euictione praestanda, vel poena in casum poenitentiae soluenda. I, 357. de retrouendendo. I, 357. antichreticum. I, 369. de rebus factisue alienis. I, 400.

Pagm

Pagus qualis societas? II, 18. *

Parentes iure diuino an ad successionem vocati? I, 301. *
inter eos et liberos societas. II, 51. eorum potestas, in liberos vnde, et quanta sit? II, 53. 36. sequ. quibus competat? II, 54. sequ. an et ius vitae et necis comprehendat? II, 57. an ius vendicandi noxae de dendi? II, 58. officia eorum erga liberos. II, 58. sequ. iis quid debeant liberi? II, 67. sequ. potestas eorum quomodo solvatur? II, 71. sequ. an ea soluta cessent liberorum officia? II, 72. 74.

Passio quid? I, 25. an eam dirigit ius naturae? I, 27.

Paterfamilias quis? II, 90. eius potestas in statu naturali. II, 93. et ciuili. II, 94. eius ac matrisfamilias officia. II, 96. sequ. in statu naturali ius dicitur familiae. II, 93. II, 156. *

Patriae quid debeamus? II, 225. an dulce pro ea mori? *ibid.* *

Patria potestas; vid. *Parentes*.

Paupertas an recte imputetur? I, 152. eam bonus vir aequo animo ferre debet. I, 52. *

Pax quid? II, 217. circa eam ius imperantium. II, 216. ei an obstat exceptio laesio-

nis. II, 218. nec non exceptio quod metus causa. II, 219. an et cum rebellibus inita valeat? II, 220. eius sponsores quinam? II, 209. 221.

Peccatum exiguum nullum putat virtutis studiosus. I, 37. * quid? I, 117.

Pecunia pretium eminens. I, 329. eius definitio Aristotelica. I, 329. *

Pellex quid? II, 50. *

Perfectionis definitio, I, 2. *

Perficere quid dicatur hominem? I, 2.

Perfidia an obligationem perimat? I, 443.

Periculo sese offerre improbum. I, 155. * alterum exponere sine ratione, iniustum. I, 79.

Periculum rei venditae et nondum traditae quem penes esse debeat? II, 353.

Permutatio, antiquissimum commercii genus. I, 333. * contractus antiquissimus. I, 337. apud omnes gentes recepta. *ibid.* quid sit? I, 338. vel simplex, vel aestimatoria. I, 338 quid circa utramque iustum? I, 339. sequ. aestimatoria quomodo differat ab emptione venditione? I, 350. *

Phariseorum vita austerior, ieiunia, largitiones, an actiones bonae? I, 116. *

Pignoris ius quid? I, 293.

Pignus. quid circa eum contractum iustum? I, 370.

Pp

an

- an, eo intereunte, liberetur debitor? *ibid.* *
- Piscatio*, species occupationis. I, 244.
- Plantatio* species accessionis, et quid circa eam iustum sit? I, 264.
- Poena* quid? I, 99. eius definitio Grotiana. II, 159. vel naturalis, vel positiva. I, 66, conventionalis. II, 159. * eam aliquem meruisse declaratur per imputationem. I, 99. qualem transgressoribus minetur ius naturae, I, 66. eam infligere an possint pares? II, 159. eam irrogandi ius est penes imperantem. II, 158. qui et gratiam eius facere potest. I, 158. eius finis II, 160. an ad illam obligatus sit delinquens? II, 161. quanta ea esse debeat? II, 164. sequ. an famosam eam esse expediat? II, 167.
- Πολυανδρεία apud omnes gentes prohibita. II, 36.
- Πολυγυνία an licita? II, 36. sequ. pro ea qui scripserint? II, 37. *
- Possessio* quid? I, 231. effectus domini. I, 306. domini a nemine debet interverti. I, 320.
- Possessor* bonae fidei loco domini est. I, 312. quos fructus percipiat? II, 314. sequ. malae fidei quos fructus restituat? I, 316. etiam casum ferre tenetur. I, 317. *
- Praefectura* an respublica? II, 129. *
- Praemium* an et quando quis mereatur. I, 99. *
- Praescriptio* an praedium reperiatur in iure nat. et gentium. I, 323. *
- Pretium* quid? I, 328. vulgare et eminens. I, 329. quomodo vulgare definiendum? I, 330. sequ. adfectionis quid? I, 332. eminens cur inuentum? I, 333. eius requisita. I, 334. sequ. vulgare vel legitimum, vel conventionale. I, 345. *
- Primogenitus* an natu minoribus praefendus in regno? I, 297. II, 143.
- Princeps*. vid. *imperans*.
- Principium* iuris naturae, quid? I, 60. * I, 67. eius requisita. I, 68. non consistit in sanctitate Dei. I, 69. nec in interna actionum iustitia. I, 70. nec in consensu omnium gentium. I, 71. nec in septem Noachi praeceptis. I, 72. nec in iure omnium in omnes. I, 73. nec in pacis externae custodia. *ibid.* nec in statu integritatis. I, 74. nec in socialitate. I, 75. nec in ordine naturae. I, 76. nec in utilitate humani generis. *ibid.* nec in theocratia morali.

morali. *ibid.* sed in amore. I, 79. idque est principium verum, euidens, et adaequatum I, 94.

Probabilissimi lubricum fundamentum. I, 40.

Promissio perfecta et imperfecta: an illa tantum obliget? I, 389.*

Promittere an possimus pro aliis? I, 403.

Proprietas quid? I, 231. eius origo. I, 237.

Prouincia an sit respublica? II, 129.*

Prouocatio ad quem suprema dirigenda sit? II, 157.*

Ψῆδος Graecis et mendacium et falsiloquium denotat. I, 201.*

Pudicitiam an vi liceat defendere? I, 186. alterius non laedenda. I, 192. eius sollicitationi a quibusdam grauior poena proposita, quam stupro violento. I, 192.*

Pupillorum et tutorum mutua obligatio. II, 75.

Puniendi qui sint? II, 163. an et vniuersitates? II, 163.

R.

R *Apina* quid? I, 321.

Raptorem inter et raptam an nuptiae ratae sint? II, 29.

Recht quid Germanis? I, 9.*

Reformandi ius imperanti competers. II, 187.

Regalia quid? II, 135.* maiora et minora. *ibid.*

Regnum. vid. *imperium.* an a monarchia differat? II, 116. hereditarium cuius sit originis? I, 105.*

Religio non consistit in sola probitate vitaeque integritate. I, 127.*

Relocatio tacita. I, 363.

Remissio quid? et quomodo fiat? I, 411.

Repraesentationis ius aequitati naturali consentaneum. I, 299. ei an et inter collaterales sit locus? *ibid.*

Repressaliae quid? et quid circa eas iustum sit? II, 205.

Reseruaciones mentales respuit iusiurandum. I, 208.

Res nullius quatenam? I, 241. amissae et furtim, vel vi surreptae manent in dominio prioris domini. I, 241. alienae dominis restituendae. I, 323. diuiduae et indiuiduae quomodo diuidendae. I, 270.

Respublicae quomodo oriuntur? II, 18. et 194. sequi Achaicae II, 119. cur institutae? II, 106. quomodo iustae a latronum coetibus differant? II, 106. earum finis. II, 106. sequi mixtae quid? II, 118. earum forma quae veteribus visa sit optima? II, 118.* foederatae

- deratae quae? II, 119.
 quot personae constitu-
 ant rempublicam? II,
 107. sequ. an sine terri-
 torio consistat? II, 108.
 pacta et decretum, per
 quae populus coalescit in
 rempublicam. II, 109.
 sequ. eius formam no-
 uam aliquando victores
 victis obtrudunt. II, 114.
 in omni rep. est impe-
 rium summum et *αὐτο-
 κρατορ*. II, 129. ea
 euerfa, ciues esse desi-
 nunt. II, 229. an et for-
 ma priore mutata. II,
 230.
Restitutio rei alienae, quando
 necessaria, vel non? I,
 323. sequ.
Retrouenditionis pactum. I,
 357.
Reus stipulandi vel promitten-
 di. I, 374.
 S.
S*acra*. Circa ea ius malesta-
 tis. II, 183. in quonam il-
 lud consistat? II, 184.
 sequ.
Sanctitas Dei non est iuris na-
 turae principium. I, 69.
Sanitas alterius non laedenda,
 I, 179.
Satio, species accessionis. I,
 264.
Satisfactio quid et quotuplex?
 I, 211. quomodo prae-
 standi? I, 212.
Scholarum cura pertinet ad
 principem. II, 188.
Seotatio, species traditionis
 symbolicae. I, 276.
Scriptura sacra an principium
 cognoscendi I. N? I, 16.
Scriptura loco sermonis est. I,
 195. quid circa eam iu-
 stum? I, 262.
Scrupulosa conscientia quid?
 I, 41.
Scrupulus quid? *ibid.* *
Securitas ciuium, finis rerum-
 publicarum? II, 107. in
 quo consistat. II, 150.
Senes an recte contrahant nu-
 ptias? II, 32.
Sermonem homo prae brutis
 peculiarem habet. I, 194.
 Quid sit sermo? I, 195.
 quomodo illo vtendum?
 I, 196. sequ.
Serui mercenarii cuius condi-
 tionis? II, 82. itemque
 obnoxii? II, 84. sequ. *vtro-*
rumque officia erga do-
 minos. II, 87. familiares
 qui? II, 90.
Seruilis hominum vitiis dedi-
 torum status. I, 42. *
Seruitus in re aliena quid? I, 282
 personalis et realis I, 282.
Seruitus hominum obnoxia an
 sit contra ius naturae? II,
 78. an quis in eam se ipse
 addicere possit? II, 79.
 quomodo finiatur? II, 88.
 quotuplex? II, 77.
Seruus quis? II, 77.
Socialitas an principium I. N?
 I, 75.
Socidae contractus. I, 363. *
Societas quomodo constitua-
 tur? II, 13. quid? II, 14.
 ratione

ratione finis diuersae sunt
 - societates. II, 15. aliae
 iustae et licitae, aliae in-
 iustae et illicitae. II, 15.
 aliae vltroneae, aliae co-
 actae. II, 16. simplices
 aliae, aliae compositae.
 II, 18. aequales vel inae-
 quales. II, 19. initur con-
 sensu. II, 17. habetur pro
 vna persona. II, 20. Eius
 obligationes eadem, ac
 singulorum hominum. II,
 21. quales illae sint ra-
 tione sociorum? II, 22.
 ratione aliorum. II, 23.
 24.
Societas contractus. I, 379. ea
 est vel vniuersalis, vel ge-
 neralis, vel singularis. I.
 380. sequ. an ea liceat ex-
 cedere iurto socio? I,
 382. coniugal. vid. *con-*
iugium: paterna vid. *pa-*
rentes. herilis vid. *serui-*
tus, familiae. vid. *fami-*
lia.
Sociorum officia. II, 25. sibi in-
 uicem tenentur ad prae-
 standam euictionem. I,
 274.
Solutio quid? et quid circa eam
 iustum sit? I, 407. sequ.
Somnia an imputentur? I, 106.*
Specificatio, species accessionis,
 et quid circa illam iustum
 sit? I, 259.
Sponsalia quid? II, 30.
Sponsio quid, et quid circa eam
 iustum sit? II, 213.
Sponsoris pacis officium. II,
 209, 221.
Spontanea actio quae? I, 58.

Spontaneitas quid? I, 53.
Status quid? II, 2. physicus et
 moralis. II, 2. naturalis
 et aduentitius. II, 3. na-
 turalis an hic opponatur
 statui brutorum? II, 4.
 est status aequalitatis II,
 5. et libertatis. II, 6. in
 eo vigere debuit ius na-
 turae. II, 7. non ergo in
 eo ius omnium omnes.
 II, 9. in eo viuentibus
 ius belli est. II, 10. pacta
 in illo maxime necessa-
 ria. II, 11. an tanta
 eius miseria, quanta vul-
 go illi tribuitur? II, 12. ei
 cur statum socialem prae-
 tulerint homines? II,
 13. socialis quid? II, 14.
Status integritatis an princi-
 pium iuris naturae? I,
 74. ciuilibus omnibus fere
 gentibus placuit, II, 100.
 vera eius rei causa. II,
 101. sequ.
Status mutatio modus soluendi
 obligationes. I, 416.
Submissio voluntatum quid? II,
 115.*
Successio testamentaria an et
 quatenus iuris naturae?
 I, 268.
Successio ab intestato, eius fun-
 damentum. I, 285. sequ.
 liberorum. I, 297. sequ.
 adscendentium. I, 301.
 collateralium. I, 302.
 sequ. qualis in regnis
 successiuus obtineat?
 II, 142 sequ. Francica
 et Castellana. II, 143.

Successum imperium quid?
II, 143.

Superficii ius. I, 281.

Superstitio quid? I, 132.
eius effectus et cum
atheismo comparatio. I,
133. *

Suum quid quisque dicat? I,
175. 231.

*Συμβολαί, σύμβολα, συμ-
βόλαια* commercia cur
Graecis dicta? I, 328.

Synodi cur et quomodo indi-
cendae? II, 187. *

Systema ciuitatum quid? II, 18.
* II, 119. istorum diuer-
sissimae species II, 128.

T.

T*Acere* quando liceat inter-
rogatis? I, 100.

Taciturnitas quid? I, 101.

Talionis ius an locum inue-
niat? II, 165.

Temperamentum an impedi-
at libertatem voluntatis?
I, 54.

Territorium occupatum cuius
sit? I, 243.

Testamentum. vid. *Successio*. eius
origo. I, 268. quid sit?
ibid. et 286. an ex iure
naturae? I, 287. sequi.
quid ex mente Grotii?
I, 290.

Theocratia moralis an princi-
pium iuris naturae? I, 76.

Thesaurus inuentus cui cedat?
I, 249.

Tignum iunctum an solui que-
at? I, 261. *

Timor Dei quid? I, 131.

Tractatus quid? I, 389. *

Translatio quid? I, 266. an ad
transferendum domini-
um necessaria? I, 275.
quotuplici modo fiat? I,
276. et 284. symbolica.
I, 276. quis per eam
transferre possit domi-
nium? I, 277. ex qua
caussa per eam transfe-
ratur dominium? I, 278.
sequi. fieri debet acci-
pienti. I, 284. ante eam
cuius in venditione sit
periculum? I, 353.

Transactio quid? 389. II, 75.

Tributa indicare ius maiesta-
ticum. II, 168. quid cir-
ca ea iustum? II, 179.
sequi.

Tutela quid? I, et quamdiu du-
ret? II, 75, suprema ius
imperantium. II, 169. *

Tutorum et pupillorum mutua
obligatio. II, 75.

Tyrannis quid? II, 117. inter
eam et monarchiam quid
interfit? II, 122.

Tyrannicae artes. II, 122. *

V.

V*oletudinis* cura unicuique
incumbit. I, 44.

Vestigalia. vid. *tributa*.

Venatio, species occupationis.
I, 244. sequi.

Venditae, et nondum traditae
rei penes quem pericu-
lum? I, 353.

Venditor emptori rei venalis
qualitates indicare de-
bet. I, 351. ad euietio-
nem

nem praeftandam est obligatus. I, 356.

Veneratio quid? I, 87. *

Veracitas quid? I, 202.

Verbis nemo laedendus. I, 193. eorum notione recepta vtendum, I, 197.

Veritas quid? I, 202.

Verna quis? II, 87.

Victi, in eos quomodo adquiritur imperium? II, 206. iis victor aliquando nouam imperii formam obtrudit. II, 114.

Vindicans rem quid b. f. possessori restituat? I, 311.

Vindicatio effectus domini. I, 306. 311.

Vis externa an impediatur libertatem voluntatis? I, 56. quando illi cedendum? I, 111.

Vita, eius seruandae causa an membrum abscindereliceat? I, 165. ad eam seruandam unusquisque est obligatus. I, 143. sequ.

Vitia, ad ea onimo euellenda unusquisque obstrictus est. I, 149.

Vltropea actio quid? I, 58.

Vniuersitates an puniendae? II, 163.

Vocatio diuina specialis quid? I, 147. *.

Volenti an fiat iniuria? I, 399. *

Voluntas quid? I, 51. nihil discernit, nisi praelucente intellectu. I, 30. eius actus et natura. I, 52. spontaneitas et libertas. vid. *libertas*, antecedens et consequens. I, 57. efficax et inefficax. I, 112. excolenda est. I, 148. et emendanda. I, 149. alterius non laedenda. I, 189.

Voluntas Dei, norma actionum humanarum. I, 62. sequ. eadem est iustitiae diuinae fundamentum. I, 65. nihil aliud intendit, quam felicitatem nostram. I, 77. sequ.


Vrbs qualis societas. II, 18. *

Vsucapio an iuris naturae? II, 323. *

Vsurae quid? I, 367. an iure naturae licitae? I, 368.

Utilitas an fons iuris? I, 76. 78.

Vxor an ad maiorem, quam maritus, obstricta sit castitatem? II, 44. in eam an marito imperium competit? II, 45. sequ.





005656794

